



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 06823932 0







390249.



250. 1
THEOLOGIA
DOGMATICO-MORALIS

Secundum Ordinem Catechismi
CONCILII TRIDENTINI.

EDITIO OMNIUM ACCURATISSIMA,
Plurimis ACCESSIONIBUS, & NOTIS, variis EPISTOLIS,
& MONUMENTIS aucta, illustrata, & locupletata.

TOMUS SEPTIMUS,
UBI AGITUR

De septem Peccatis capitalibus.

AUCTORE

R. P. F. NATALI ALEXANDRO

Ordinis FF. Prædicatorum, in sacra Facultate Parisiensi Doctore, & emerito Theologiæ
Professore.



Typis Principalis Monasterii B. V. M. Einsidlensis,
Per Franciscum Xaverium Kalin. Anno MDCCCLXXI.

390249



THEOLOGICÆ
DOGMATICÆ, ET MORALIS
SECUNDUM ORDINEM CATECHISMI

Concilio Tridentini

LIBER TERTIUS.

TRACTATUS

DE SEPTEM PECCATIS CAPITALIBUS.

CAPUT PRIMUM.

De Superbia, & inani gloria.

ARTICULUS PRIMUS.

Quid sit Superbia.



Superbia est excellentiæ propriæ inordinatus amor, seu Perversæ celsitudinis appetitus. Sic ipsam S. August. definit lib. 14. De Civ. Dei, cap. 13. „ Perversa autem celsitudo est, deserto eo, cui debet animus inhaerere, principio, sibi quodammodo fieri, atque esse principium. Hoc fit, cum sibi nimis placet. Sibi vero ita placet, cum ab illo bono immutabili deficit, quod ei magis placere debuit, quam ipse sibi. Spontaneus est autem iste defectus; quoniam si voluntas in altiore superioris immutabilis boni, a quo illustrabatur, ut videret, & accendebatur, ut amaret, stabilis permaneret, non inde ad sibi placendum averteretur, & ex hoc tenebresceret, &

*Definitio
Superbiæ.*

A 4.

frige.

2 Theol. Dog. & Moral. Lib. III.

frigeret. *Et lib. 19. cap. 12.* Superbia (*inquit*) perverse imitatur Deum. Odit namque cum sociis æqualitatem sub illo; sed imponere vult sociis dominationem suam pro illo. Odit ergo iustam pacem Dei, & amat iniquam pacem suam „ „.

A R T I C U L U S II.

Superbia speciale peccatum est.

De Superbia.

Quamvis enim quodam sensu sit generale peccatum, quatenus ex ea omnia vitia oriri possunt; sive per se, quatenus ad finem superbiæ, scilicet propriam excellentiam ordinantur, sive indirecte, & quasi per accidens, scilicet removendo prohibens, quatenus superbus divinam legem contemnit, qua prohibetur, ne peccet, secundum illud Jer. 2. *Confregisti jugum, rupisti vincula, dixisti: Non serviam;* speciale tamen peccatum est ratione objecti, propriæ scilicet excellentiæ, cujus perversus est appetitus. Unde *S. August.* lib. *De Natura, & Gratia*, cap. 29. contra *Pelagium* propugnat, secundum legem Dei: „ „ Multum discretum esse a cæteris peccatis peccatum superbiæ. Multa namque peccata per superbiam committuntur; sed non omnia superbe fiunt, quæ perperam fiunt; certe a nescientibus, certe ab infirmis, certe plerumque a gementibus, & flentibus „ „. Id est, ut explicat *S. Thomas*, non semper ex contemptu divina præcepta violantur; sed quandoque ex ignorantia, quandoque ex infirmitate.

A R T I C U L U S III.

Superbia ex genere suo mortale peccatum est.

Vitium enim illud opponitur humilitati, quæ hominem Deo subijcit, atque in istius subjectionis defectu positum est, quatenus homo se extollit supra regulam, vel mensuram a Deo constitutam, contra sententiam Apostoli 2. ad *Corinth.* 10. scribentis: *Nos autem non in immensum gloriabimur, sed secundum mensuram regulæ, quæ mensus est nobis Deus*
Et

De Peccatis capitalibus.

3

Et ideo dicitur ecclesiast. 10. *Initium superbiæ hominis, apostatare a Deo; quoniam ab eo, qui fecit illum, recessit cor ejus.* Radix ergo superbiæ hæc est, quod homo, subijci Deo, & regulæ ipsius dedignatur. At hoc ipsum, quod est non subijci Deo, habet rationem peccati mortalis, Hoc enim est averſi a Deo. Hinc Superbi ab Apostolo (Rom. 1.) inter eos numerantur, qui *Digni sunt morte.* Hinc S. Gregorius lib. 34. *Moralium*, cap. 18. ait *Evidentiſſimum reproborum signum superbia est.* Hinc de Leviathan diaboli typo dicitur Job 41. *Ipse Rex super universos filios superbiæ.*

„ Sicut tamen in aliis, quæ ex suo genere sunt peccata mortalia, puta, in fornicatione, & adulterio, sunt aliqui motus, qui sunt peccata venialia propter eorum imperfectionem, quia præveniunt rationis iudicium, & sunt præter ejus consensum; ita etiam, & circa superbiam accidit, quod aliqui motus superbiæ sunt peccata venialia, dum eis ratio non consentit „ „ Ita docet S. Thomas 2. 2. qu. 162. art. 5. Verum & alia Scripturæ sacræ testimonia confirmant, superbiam esse mortale peccatum; Num 15. *Anima, quæ per superbiam aliquid commiserit, quoniam adversus Dominum rebellis fuit, peribit de populo suo.* Psal. 17. *Oculos superbiorum humiliabis.* Et, *Dominus concidet cervices peccatorum.* Psal. 30. *Retribuet abundanter facientibus superbiam.* Pr. 16. *Abominatio Domini est omnis arrogans.* Et Lucæ 16. *Quod altum est hominibus, abominatio est apud Deum.* Isai. 2. *Dies Domini exercituum super omnem superbum, & excelsum, & super omnem arrogantem, & humiliabitur.* Isai. 28. *Væ coronæ superbiæ!* Jer. 50. *Ecce ego ad te, superbe, dicit Dominus Deus Exercituum; quia venit dies tua, tempus visitationis tuæ, & cadet superbus, & corruet; & non erit, qui suscitet eum.*

ARTICULUS IV.

Superbia vulgo capitale vitium, alias Regina vitiorum censetur.

Si enim spectetur quatenus speciale peccatum est, ex quo alia multa peccatorum genera derivan-

4 Theol. Dog. & Moral. Lib. III.

tur, capitalibus vitiis recte connumeratur a *Cassiano* lib. 5. *De Institutis Renuntiantium*, cap. 1. Si vero spectetur secundum generalem influxum, quem exercet in cetera peccata, non vitium capitale, sed *Vitiarum regina* dicitur a *S. Gregorio* lib. 31. *Moralium*, cap. 17. Qui & vitiorum radicem vocat lib. 34. cap. 18. Quia „„ Sicut inferius radix tegitur, sed ab illa rami extrinsecus expanduntur; ita se superbia intrinsecus celat, sed ab illa protinus aperta vitia pullulant. Nulla quippe mala, ad publicum prodirent, nisi hæc mentem in occulto constringeret „„.

ARTICULUS V.

Superbia primum, gravissimumque omnium peccatorum est,

Superbia
primum
peccatum
ratione
aversionis
a Deo.

Superbia
primum
Angelorum
peccatum.

Primum quidem ratione aversionis a Deo, quæ per se ad superbiam, ad alia autem peccata ex consequenti pertinet. Primum insuper, quia cetera vitia ex ea oriri possunt. Primum tandem, quia superbia tum Angeli, tum primus homo ceciderunt, Angeli (inquam) superbia dæmones facti sunt, ut colligitur ex *Isaia* cap. 14. ubi sub typo primi Angeli ruina Regis Babylonis describitur: *Quomodo* (inquit) *cecidisti de cælo, Lucifer, qui mane oriebaris? Corruisti in terram, qui vulnerabas gentes; qui dicebas in corde tuo: In cælum conscendam, super astra Dei exaltabo solium meum, sedebo in monte testamenti, in lateribus Aquilonis; ascendam super altitudinem nubium, similis ero Altissimo. Verumtamen ad infernum detraberis, in profundum laci.* Hinc *S. August.* lib. 12. *De Civ. Dei*, cap. 1. „„ Angelorum (inquit) honorum; & malorum inter se contrarios appetitus non naturis, principiisque diversis, cum Deus omnium substantiarum bonus auctor, & conditor utrosque creaverit, sed voluntatibus, & cupiditatibus extitisse, dubitare fas non est, dum alii constanter in communi omnibus bono, quod ipse illis Deus est, atque in ejus æternitate, veritate, charitate persistunt. Alii sua potestate potius delectati, velut bonum suum sibi ipsi essent, a superiore

periore communi omnium beatifico bono ad propria defluxerunt; & habentes elationis fastum pro excelsissima æternitate, vanitatis astutiam, pro certissima veritate, studia partium, pro individua charitate, superbi, fallaces, invidi effecti sunt. *Et cap. 6.* Proinde causa beatitudinis Angelorum ea verissima reperitur, quod ei adhærent, qui summe est. Cum vero causa miseriarum malorum Angelorum quæritur, ea merito occurrit, quod ab illo, qui summe est, averfi ad seipsos conversi sunt, qui non summe sunt; & hoc vitium quid aliud, quam superbia nuncupatur? *Initium quippe omnis peccati superbia.* Noluerunt ergo ad illum custodire fortitudinem suam; & qui magis essent, si ei, qui summe est, adhærent, se illi præferendo, id, quod minus est, prætulerunt. Hic primus defectus, & prima inopia, primumque vitium illius naturæ, quæ ita creata est, ut nec summe esset, & tamen ad Beatitudinem habendam eo, qui summe est, frui posset, a quo averfa, non quidem nulla, sed tamen minus esset, atque ob hoc misera fieret „ „.

Eccl. 10.

Primum etiam primi hominis, primæque mulieris peccatum superbia fuit. Unde *Tob. 4.* dicitur: *Superbiam nunquam in tuo sensu, aut in tuo verbo dominari permittas; in ipsa enim initium sumpsit omnis perditio.* Hinc *S. August.* lib. 14. *De Civ. Dei*, cap. 13. de primis Parentibus loquens: „ „ In occulto (*inquit*) mali esse coeperunt, ut in apertam inobedientiam laberentur. Non enim ad malum opus perveniretur, nisi præcellisset mala voluntas. Porro malæ voluntatis initium, quod potuit esse nisi superbia? *Initium enim omnis peccati superbia est.* .. Non malum ergo opus factum est, id est, illa transgressio, ut cibo prohibito vescerentur, nisi ab eis, qui jam mali erant; neque enim fieret ille fructus malus nisi ab arbore mala. Ut autem esset arbor mala, contra naturam factum est; quia nisi vitio voluntatis, quod contra naturam est, non utique fieret. Sed vitio depravati, nisi ex nihilo facta natura non posset. Ac per-

Superbia
primum
primorum
hominum
peccatum.

6 Theol. Dog. & Moral. Lib. III.

hoc, ut natura sit, ex eo habet, quod a Deo facta est; ut autem ab eo, quod est, deficiat, ex hoc, quod ex nihilo facta est. Nec sic defecit homo, ut omnino nihil esset; sed ut inclinatus ad seipsum minus esset, quam erat, cum ei, qui summe est, inhærebat. Relicto itaque Deo, esse in semetipso, hoc est, sibi placere, non jam nihil esse est, sed nihilo propinquare. Unde superbi secundum Scripturas sanctas alio nomine appellantur sibi placentes. Manifesto ergo, apertoque peccato, ubi factum est, quod Deus fieri prohibuerat, diabolus hominem non cœpisset, nisi jam ille sibi ipsi placere cœpisset. Hinc enim & delectavit, quod dictum est, *Eritis sicut Dii*. Quod melius esse possent, summo, veroque principio cœphærendo per obedientiam, non suum sibi existendo principium per superbiam. Dii enim creati non sua veritate, sed Dei veri participatione sunt Dii. Plus autem appetendo, minus est; qui dum sibi sufficere diligit, ab illo, qui ei vere sufficit, deficit. Illud itaque malum, quod cum sibi homo placet, tanquam sit, & ipse lumen, avertitur ab eo lumine, quod ei si placeat & ipse sit lumen; illud, inquam, malum præcessit in abdito, ut sequeretur hoc malum, quod perpetratum est in aperto. Verum est enim, quod scriptum est: *Ante ruinam exaltatur cor, & ante gloriam humiliatur*. Illa prorsus ruina, quæ fit in occulto, præcedit ruinam, quæ fit in manifesto, dum illa ruina esse non putatur „ „. Ex his evidens est, Superbiam esse primum omnium peccatum.

Superbia
peccatorum
gravissimi-
mum.

Jam vero, quod gravissimum, & maximum omnium, non quidem ratione conversionis ad bonum, creatum, (quia celsitudo, quam superbus inordinate appetit, non habet maximam repugnantiam cum bono virtutis;) sed ratione aversionis a Deo, inde probat *S. Thomas 2. 2. qu. 162. art. 6. „ „* Quia in aliis peccatis homo a Deo avertitur vel propter ignorantiam, vel propter infirmitatem, sive propter desiderium cujuscunque alterius boni. Sed superbia habet aversionem a Deo, ex hoc ipso, quod non vult Deo;

De Peccatis capitalibus.

7

Deo, & ejus regulæ subijci „ „. Unde *Boetius* ait: *Cum omnia vitia fugiant a Deo, sola superbia se Deo opponit.* Hinc *Deus superbis resistit*, ut dicitur *Jacobi 4.* Quamobrem „ Averti a Deo, & ejus præceptis, „ quod est quasi consequens in aliis peccatis, per se „ ad superbiam pertinet; cujus actus est Dei contemptus „ ; (*inquit S. Thomas.*) Unde & alia peccata graviora facit superbia. Nam infidelitatis peccatum gravius est, si ex superbia, & contemptu procedat, quam si ex ignorantia, vel infirmitate. Idemque de desperatione, & aliis dicendum est cum *S. Thoma* in Responsione ad secundum.

Alia peccata graviora facit.

Hæc doctrina ex *S. August.* sumpta est lib. *De sancta Virginitate*, cap. 50. „ „ Quoniam (*inquit*) etiam satagentibus, vigilantibusque, ne peccent, subrepunt quodammodo ex humana fragilitate peccata, quamvis parva, quamvis pauca, non tamen nulla; eadem ipsa fiunt magna, & gravia, si eis superbia incrementum, & pondus adjecerit. A Sacerdote autem, quem habemus in cœlis, si pia humilitate permantur, tota facilitate purgantur „ „.

Hinc *S. Ambros.* Serm. in Psal. 118. in illa verba, *Superbi inique agebant usquequaque*, ait: „ „ Maximum peccatum in homine superbia est; quando quidem inde manavit nostri origo delicti. Hoc telo nos primum diabolus vulneravit, & percussit. Nam nisi homo serpentis persuasione deceptus, sicut Deus esse voluisset. . . nunquam feralis culpæ ad nos transisset hæreditas. Et quid de homine dicam? Ipse diabolus per superbiam naturæ suæ amisit gratiam. Denique dum dicit: *Ponam thronum meum super nubes, & ero similis Altissimo*, consortiis excidit Angelorum. Cujus criminis digna mercede damnatus hominem sibi participem requisivit, in quem consortium suæ transfunderet offensæ. Quid igitur hoc peccato potest esse deterius, quod a Dei cœpit injuria? Ideoque Scriptura dicit: *Dominus superbis resistit.* Tanquam suæ contumeliæ propulsator, veluti quoddam susceperit adversus superbiam speciale certamen; tanquam dicat:

Isai. 14. 12.
Deus singulare veluti certamen contra Superbiam suscipit, tanquam injuria suæ propulsator.

8 Theol. Dog. & Moral. Lib. III.

Meus iste adversarius est, qui me laceffit, mihi debetur ista congressio. Unde & Apostolus multiplicis culpe materiam esse superbiam declaravit, dicens de hæretico; *Non acquiescit ei, quæ secundum pietatem est, doctrina; Superbus est, nihil sciens, sed languens circa quæstiones, & pugnas verborum; ex quibus oriuntur invidia, contentiones, blasphemie, suspensiones male, confutationes hominum mente corruptarum, & qui veritate privati sunt, existimantium quæsum esse pietatem.* Quantorum itaque expressit causam esse delictorum superbiam? Unde David commendare volens devotionem suam nulla superbiorum iniquitate adtentatam, ait: *Superbi insque agebant nimis.* Non solum iniquitatem agentium, sed etiam nimiam iniquitatem pariter declaravit, quæ conveniret superbis; quorum, ne aliquo tentaretur contagio, audi alibi dicentem; *Superba aculo, & insatiabili corde, cum hoc non edebam „ „.* Quod ait; *S. Ambros.* Deum tanquam suæ contumeliæ propulsatorem superbis resistere, confirmant verba illa Job 15. *Tetendit adversus Deum manum suam, & contra Omnipotentem roboratus est. Cucusus adversus eum erecta collo, & pingui cervice armatus est.*

Superbia
delictum
maximum.

Ecclesi. 10.

Hinc *S. August.* Enarratione in Psal. 18. explicans hunc Versum; *Si mei non fuerint dominati, tunc immaculatus ero, & emundabor a delicto maximo,* ait „ „ Delictum magnum arbitror esse superbiam. Quæritis quam magnum sit hoc delictum, quod dejecit Angelum, quod ex Angela fecit diabolum, eique in æternum interclusit regnum cœlorum? Magnum hoc delictum est, & caput, atque causa omnium delictorum. Scriptum est enim: *Initium omnis peccati superbia.* Et ne quasi leve aliquid contemnas, *Initium* (inquit) *superbia hominis apostasare a Deo.* Non leve malum est hoc vitium, Fratres mei. Huic vitio in his personis, quas videtis amplas, displicet humilitas christiana. Propter hoc vitium dedignantur colla subdere iugo Christi, obligati arctius iugo peccati. Non enim servire non eis continget; nam nolunt servire, sed

sed eis expedit servire. Nolendo servire, nihil aliud agunt, quam ut bono Domino non serviant, non ut omnino non serviant; quia qui noluerit servire charitati, necesse est, ut serviat iniquitati. Ab hoc vitio, quod est caput omnium vitiorum, quia inde cætera vitia nata sunt, facta est apostasia a Deo, eunte anima in tenebras, & male utente libero arbitrio, peccatis etiam cæteris consecutis; ut & substantiam suam dissiparet, cum meretricibus vivens prodige, & peregritatem fieret pastor porcorum, qui erat socius Angelorum. Propter hoc vitium, propter hoc magnum superbiæ peccatum, Deus humilis venit. Hæc causa, hoc peccatum magnum, iste ingens morbus animarum, omnipotentem Medicum de cælo deduxit, usque ad formam servi humiliavit, contumeliis egit, ligno suspendit; ut per salutem tantæ medicinæ curaretur hic tumor „ „.

Luc. 14.
Ad curan-
dum Super-
biæ tumo-
rem Deus
humilis ve-
nit.

Porro ex vi, pretioque medicinæ, morbi magnitudo æstimanda est „ „ Quia nos superbia vulniverat, humilitas fecit sanos. Venit humilis Deus, ut a tanto superbiæ vulnere curaret hominem. . . Comprehensus est a Judæis, insultatum est ei. Audistis, cum Evangelium legeretur, quid dixerunt, & cui dixerunt: *Dæmonium habes*; & ille non dixit, dæmonium habetis vos, quia vos in peccatis vestris estis, & diabolus possidet corda vestra. Non hoc dixit, quod si diceret, verum diceret; sed non erat tempus, ut hoc diceret, ne non veritatem prædicare, sed maledictum reddere videretur. Dimisit, quod audivit, quasi non audisset. Medicus enim erat, & phreneticum curare venerat. Quando medicus non curat, quidquid audiat a phrenetico, sed quomodo convalescat, & fiat sanus phreneticus; nec si & pugnum ab illo accipiat, curat; sic & Dominus ad ægrotum venit, ad phreneticum venit, ut quidquid audiret, quidquid passus esset, contemneret, hoc ipso eos docens humilitatem, ut humilitate docti separarentur a superbia „ „ (inquit S. August. *Enarratione in Psal. 35.*) „ „ Inter omnes igitur lapsus ho-

Morbi ma-
gnitudo ex
vi, pretio-
que medi-
cinæ æsti-
manda.

minum,

minum, inter omnia commissa peccantium, nulla est gravior, quam superborum ruina; maxime cum ipsa elatio in Dei tendat injuriam „ „, inquit Auctor Epistolæ ad *Demetriadem*, inter Opera S. *Prosperi* editæ.

Ad sanandam superbiam Deus permittit interdum ut superbi ruant in peccata carnalia.

Superbiæ gravitas. hinc etiam demonstratur, quod ad convincendam, & sanandam hominum superbiam, Deus permittit interdum, ut superbi ruant in peccata carnalia, quæ majoris turpitudinis sunt, & infamiæ, ut S. *Isidorus Hispalensis* observat lib. 2. *Sentent.* cap. 58. S. *August.* præeunte lib. 14. *De Civ. Dei.* cap. 13.

„ „ Audeo dicere (inquit) superbis esse utile cadere in aliquod apertum, manifestumque peccatum, unde sibi displiceant, qui jam sibi placendo ceciderant. Salubrius enim Petrus sibi displicuit, quando flevit, quam sibi placuit, quando præsumpsit. Hoc dicit &

Psalms. 82.

sacer Psalmus: *Imple facies eorum ignominia, & quærent nomen tuum, Domine*; Id est, ut tu eis placeas quærentibus nomen tuum, qui sibi placuerunt quærendo suum „ „. Hinc (inquam) demonstratur superbæ gravitas. Sicut enim Medicus sapiens in remedium majoris morbi patitur infirmum in levio rem morbum incidere; ita etiam Deus in remedium superbæ permittit, ut homines in alia peccata labantur (inquit S. *Thomas*) Hinc S. *Greg.* lib. 33. *Moralium*, cap. 11. „ „ Qui de virtute se extollit, per vitium ad humilitatem redit. . . Quia ergo nos de medicamento vulnus fecimus, facit ille de vulnere medicamentum, ut qui virtute percutimur, vitio curemur; ut qui humilitatem currentes fugimus, ei saltem cadentes hæreamus „ „.

ARTICULUS VI.

Superbia vitiorum omnium periculosissimum.

Superbia in virtutes omnes grassatur.

Primo, quia in virtutes omnes grassatur, & data ex bonis operibus occasione nascitur. Secundo, quia justis maxime insidiatur, ut eos deiciat. Tertio, quia ultima destruitur in hominis animo. In virtutes omnes grassari superbiam, docet S. *Greg.* lib. 34. *Moralium*.

Moralium.

religium, cap. 18. „„ Alia vitia (*inquit*) eas solummodo virtutes impetunt, quibus ipsa destruuntur, ut videlicet ira patientiam, gastrimargia (*sive gula*) abstinentiam, libido continentiam expugnet. Superbia autem nequaquam unius virtutis extinctione contenta, contra cuncta animæ membra se erigit, & quasi generalis, ac pestifer morbus corpus omne corrumpit; ut quidquid illa invadente agitur, etiamsi esse virtus ostenditur, non per hoc Deo, sed soli vanæ gloriæ serviat. Quasi enim Tyrannus quidam obsessam civitatem intercipit cum mentem superbia irrumpit; & quo ditorem quemque ceperit, eo in domino durior exurgit; quia quo amplius res virtutis sine humilitate agitur, eo latius ista dominatur „„ Hinc *S. Isidorus* lib. 2. *Sentent.* cap. 38. superbiā vocat *Ruinam omnium virtutum*. Quod autem data ex bonis operibus occasione nascatur, & res perspicua est, & a *S. August.* confirmata *Epist.* 211. alias 109. „„ Alia (*inquit*) quæcunque iniquitas in malis operibus exercetur, ut fiant; superbia vero etiam bonis operibus insidiatur, ut pereant. *Et Epist.* 118. alias 56. Vitia quippe cætera in peccatis, superbia vero etiam in recte factis timenda est. ne illa, quæ laudabiliter facta sunt, ipsius laudis cupiditate amittantur „„.

Justis maxime superbiā insidiari, ut eos dejiciat, agnoscebat David *Psal.* 35. Deum in hunc modum orans: *Non veniat mihi pes superbiæ, & manus peccatoris non moveat me.* Quem locum *S. August.* sic explicat: „„ Certe jam dixit: Sub umbraculo alarum tuarum sperabunt filii hominum, & inebriabuntur ab uberate domus tuæ. Cum coeperit quisque isto fonte uberius irrigari, caveat, ne superbiat... Si enim venerit pes superbiæ, movet manus peccatoris. Quæ est manus peccatoris? Male suadentis operatio. Factus es superbus? Cito te corrumpit, qui male suadet. Humilis figere in Deo, & non valde cures, quid tibi dicatur... Serva, quod intus est, & non timebis foris. Quare autem valde hoc times, quasi diceretur: *Ibi* (*inquit*) *cecidērunt omnes, qui operantur*

Superbiā
justis maxi-
me insidia-
tur.

12 Theol. Dog. & Moral. Lib. III.

Prov. 18. *tantur iniquitatem*, ut venirent ad illam abyssum, de qua dictum est: *Judicia tua sicut abyssus multa*. Ut ad illud profundum pervenirent, ubi peccatores, qui contemnunt, ceciderunt... Ubi primo ceciderunt? In pede superbiæ. Audite pedem superbiæ: **Rom. 1.** Qui cum cognovissent Deum, non sicut Deum glorificaverunt. Venit ergo illis pes superbiæ, unde venerunt in profundum. Tradidit illos Deus in concupiscentias cordis eorum, facere, quæ non conveniunt. Radicem peccati, & caput peccati timuit, qui dixit: *Non veniat mihi pes superbiæ*. Quare illum pedem dixit? Quia superbiendo Deum deseruit, & discessit; pedem ipsius, affectum ipsius dixit: *Non veniat mihi pes superbiæ, & manus peccatoris non moveat me*: Id est, opera peccatoris non me dimoveant a te, ut imitari illa velim. Quare autem contra superbiam hoc dicit: **Gen. 3.** *Ibi ceciderunt, qui operantur iniquitatem*? Quia qui modo iniqui sunt, in superbia ceciderunt. Ideo cum cautam faceret Dominus Ecclesiam, ait: *Ille tuum* (inquit) *observabit caput, & tu ejus calcaneum*. Serpens observat, quando tibi veniat pes superbiæ, quando labaris, ut dejiciat; tu autem caput ejus observa: *Initium omnis peccati superbia*, „ Superbia scilicet dupliciter spectari potest; primo ut a dæmone inspirata, qua ratione caput est corporis peccati, cum vitiorum omnium malitiam contineat, sicut totum serpentis venenum in capite includitur. Secundo, ut ab homine concepta, qua ratione infamis illius corporis pes est, cum superbus inferiores conculcet, æquales spernat, superiores dejicere conetur.

Justi per-
pæto vi-
gilare de-
bent, ne
superbia
subrepat. **Justi** itaque perpetuo vigilare debent, ne obrepat superbia, ut enim docet *S. August.* lib. *De Natura, & Gratia*, cap. 27. Deus superbiæ malum non citò sanat, ne de ipsa superbia devicta infelix homo superbiat, „ ipsam (inquit) superbiæ, quæ & in recte factis animo insidiatur humiliatio, non cito Deus sanat, pro qua sananda illi piæ animæ cuti lacrymis, & magnis gemitibus supplicant, ut ad eam sperandam, & quodam-

dammodo calcandam, & obterendam, dexteram conantibus porrigat. Ubi enim lætatus homo fuerit, in aliquo bono opere se etiam superasse superbiam, ex ipsa lætitia caput erigit, & dicit: Ecce ego vivo, quid triumphas? Et ideo vivo, quia triumphas. Ante tempus enim fortasse de illa quasi triumphare delectat, cum extrema ejus umbra de illo Meridie absorbebitur, qui Scriptura dicente promittitur: *Et educet quasi lumen justitiam tuam, & judicium tuum sicut Meridiem* „ „. Hinc justis semper timendum Apostolus ait: *Cum timore* (inquit) *& tremore vestram salutem operamini*. Et Psal. 2. dicitur: *Servite Domino in timore, & exultate ei cum tremore. Apprehendite disciplinam, ne quando irascatur Dominus, & pereatis de via justa, cum exarsenit in brevi ira ejus.* „ „ Non ait, Ne quando irascatur Dominus, & non vobis ostendat viam justam; sed jam illic ambulantes sic terrere potuit, ut diceret: Ne pereatis de via justa. Unde? Nisi quia superbia etiam in ipsis recte factis cavenda est, id est, in ipsa via justa, ne homo, dum, quod Dei est, deputat suum, amittat, quod Dei est, & redeat ad suum „ „.

Psal. 36. 6.

Philipp. 2.

Tandem, (inquit S. August. Enarratione 1. in Ps. 18.) „ Vere ille immaculatus est, qui etiam hoc delicto caret; quia hoc est ultimum redeuntibus ad Deum, quod recedentibus primum fuit „.

Superbia in hominis animo ultima destruitur.

Concinit S. Prosper Epigrammate 84.

*Qua primum in mortem est homo pulsus fraude
Maligni,*

*Hanc illi extremam bella peracta movent.
Sublimes ut cum palmas, clarasque coronas
Sumpserit, atque hostem subdiderit pedibus;
Virtuti propria velit assignare triumphum,
Non Domino, cujus munus, opusque fuit.*

ARTICULUS VII.

Quot superbia species; & quando sit peccatum mortale.

Quatuor superbiæ species, sive modos, explicat S. Thomas, 2. 2. qu. 162. att. 4. Prima est, cum ^{Quatuor superbiæ species.} ali-

aliquis existimet se a seipso habere bona, sive corporis, sive animæ, sive naturalia, sive supernaturalia. Psalm. II. *Qui dixerunt; Linguam nostram magnificabimus, labia nostra a nobis sunt; quis noster Dominus est?* Job II. *Vir vanus erigitur in superbiam; & quasi pullum onagri se liberum putat.* Altera; cum aliquis agnoscit quidem se a Deo accepisse bona, quæ habet, sed ea meritis suis tribuit; vel ita apud se existimando, aut volendo, ut alii ita sentiant; vel opere externo ita se gerendo, ac si meritis suis illa consecutus esset; vel illa sic habere desiderans, aut dolens, quod ita non habeat. Tertia est; atrogare sibi ea bona, quæ vere non habet, cujuscunque sint generis, idque, sive in sua, sive in aliorum opinione, seu opere, seu desiderio. Quarta, est, cum aliquis despectis cæteris videri satagit, aut peroptat singulariter habere, quod habet, aut aliis scientia, virtute, aliisque, sive corporis, sive animi dotibus, sive naturæ, sive gratiæ, sive fortunæ, (ut ita loquar) muneribus antecellere.

Ut autem aliquis peccet prima, vel secunda specie superbiæ, minime necesse est, ut persuasum habeat, judicetque: „ Aliquod bonum esse, quod non est a Deo, vel gratiam hominibus pro meritis dari; quod pertinet ad infidelitatem; sed quod ex inordinato appetitu propriæ excellentiæ ita de bonis suis gloriatur, ac si ea a se haberet, vel ex meritis propriis „ Ita respondet *S. Thomas* ad primam.

Divisionem illam superbiæ sumpsit *S. Thomas* ex *S. Gregorio* lib. 23. *Moralium*, cap. 4. cujus hæc sunt verba: „ Quatuor sunt species, quibus omnis tumor arrogantium demonstratur. Cum bonum, aut a semetipsis habere se existimant; aut si sibi datum desuper credunt, pro suis se hoc accepisse meritis putant; aut certe cum jactant se habere, quod non habent; aut despectis cæteris singulariter videri appetunt habere, quod habent. A semetipso enim bonum se habere jactabat, cui per Apostolum dicitur: *Quid enim habes, quod non accepisti? Si autem*

accepisti, quid gloriaris, quasi non acceperis? Rursum ne dari nobis bonum gratiæ pro nostris præcedentibus meritis crederemus, idem Apostolus admonet dicens: Gratia estis salvati per fidem, & hoc non ex vobis, sed Dei donum est, non ex operibus, ut ne quis gloriatur. Qui etiam de semetipso ait: Qui primus fui blasphemus, & persecutor, & contumeliosus, sed misericordiam consecutus sum. Quibus verbis aperte declarat, quod gratia non pro meritis tribuatur, dum ex se ipso docuit, & quid de malitia meruit; & quid de benevolentia accepit. Rursum nonnulli jactant se habere, quod non habent, sicut divina voce per Prophetam de Moab dicitur: *Superbiam ejus, & arrogantiam ejus ego novi, & quod non sit juxta eam virtus ejus.* Et sicut Angelo Ecclesiæ Laodiceæ dicitur. *Quia dicis, quod dives sum, & locupletatus, & nullius egeo; & nescis, quia tu es miser, & miserabilis, & pauper, & cæcus, & nudus.* Rursum nonnulli despectis cæteris, videri appetunt singulariter bonum habere, quod habent. Unde & Phariseus idcirco de templo absque justificatione descendit, quia bonorum operum merita sibi quasi singulariter tribuens, oranti Publicano se prætulit. Sancti quoque Apostoli ab hoc elationis vitio revocantur, qui de prædicatione redeuntes, cum elati dicerent: *Domine, in nomine tuo etiam demonia nobis subiecta sunt; ne de hac miraculorum singularitate gauderent, illico eis respondit Dominus: Videbam satanam velut fulgur de cælo cadentem.* Et mire Dominus, ut in discipulorum cordibus elationem premeret, mox judicium ruinæ retulit, quod ipse magister elationis accepit; ut in auctore superbiæ discerent, quid de elationis vitio formidarent. In hac itaque arrogantia quarta specie crebro humanus animus labitur; ut id, quod habet, habere se singulariter gloriatur. In qua tamen similitudini diabolicæ vicinior appropinquat; quia quisquis bonum se habere singulariter gaudet, quisquis videri sublimior cæteris quærit, illum imitatur, qui despecto bono societatis Angelorum,

Ephef. 2.

1. ad Tim.
1. 13.

Jerem. 48.

Apoc. 3.

Luc. 18.

Luc. 10.

Isai. 14.

lorum, sedem suam ad aquilonem ponens, & Altissimi similitudinem superbe appetens, per iniquum deliderium quasi ad quoddam culmen conatus est singularitatis erumpere „ „

Species
superbiæ
quando sint
peccata
mortalia.

Quatuor illæ superbiæ species sunt peccata mortalia, si ex deliberata voluntate procedat superbiæ motus. Tertiam tamen, & quartam ob levitatem materiæ quandoque a peccati mortalis labe exculari non ignobiles Theologi censent. Nam si cum gravi Dei irreverentia, vel gravi damno, aut contemptu proximi conjunctæ sint, lethalia esse peccata minime dubium est; verbi gratia, si quis de dotibus ad Ecclesiæ regimen, vel ad gerendos Magistratus necessariis, quibus tamen destitutus est, ad ecclesiasticas dignitates, vel publica munera capessenda gloriatur. Si quis se locupletissimum simulet, ac talem haberi malis artibus curet, ut in amplissimam, ac ditissimam familiam nubat, cum revera sit inops. Si quis ne a familiæ suæ claritate degenerare videatur, ingentia debita contrahat, quibus solvendis se non satis futurum prævidet. Si quis ita fortunæ bonis, aut potentia, scientia, vel aliis Dei donis insolescat, ut ad excellentiam propriam velut ad finem ultimum actiones suas dirigat, divinam legem transgredi, proximisque conculcare paratus, ut excellentiam suam, vel conceptam de illius singularitate opinionem tueatur. Hinc Salomon Prov. 30. Deum ita precatur: *Paupertatem, & divitias ne dederis mihi: Tribue tantum victui meo necessaria: Ne forte satietus illiciarum ad negandum, & dicam: Quis est Dominus?*

Ad illas superbiæ species pertinent, quæ S. August. scribit lib. 10. *Confessionum*, cap. 29. „ „ Etiam intus est aliud in eodem genere tentationis malum, quo inanescunt, qui placent sibi de se, quamvis aliis, vel non placeant, vel displiceant, placere affectent cæteris. Sed sibi placentes multum tibi displiceant, non tantum de non bonis quasi bonis, verum etiam de bonis tuis quasi suis; aut etiam sicut de tuis, sed tanquam ex meritis suis; aut etiam
sicut

sicut ex tua gratia, non tamen socialiter gaudentes, sed aliis invidentes ea „ „.

Plures alias superbiae species, seu modos alii Patres assignant; *S. Hieron.* ingrati animi vitium; *S. August.* lib. 15. *De Civ. Dei*, cap. 14. exultationem peccati commissi; *S. Bernardus* duodecim gradus superbiae totidem humilitatis gradibus oppositos, scilicet curiositatem, mentis levitatem, ineptam lætitiā, jactantiam, singularitatem, arrogantiam, præsumptionem, defensionem peccatorum, simulatam confessionem, rebellionem, libertatem, peccandi consuetudinem. Verum ingrati animi vitium ad primam speciem revocatur. Ingratus enim est, qui sibi tribuit, quod alteri debet. Excusatio peccati pertinet ad tertiam speciem; qui enim peccatum excusat, falso sibi tribuit innocentiae bonum. Duodecim denique gradus *S. Bernardi*, non solum superbiae species, sed etiam quædam antecedentia, & consequentia complectuntur, ut respondent *S. Thom.* ad quartum, & *Gersonius* in Compendio Theologiæ, Tractatu *De Septem Vitiis capitalibus*. Si quis præsumptionem, qua tendit homo ad assequendum, quod supra se est, alteram superbiae speciem esse dixerit, hanc objectionem occupavit *S. Thomas*, illam ad quartam speciem revocans, secundum quam aliquis vult cæteris anteponi. Denique si quis superbiam in voluntate, in sermone, in opere distinxerit cum *S. Anselmo*, seu potius *Eadmero* in lib. *Similitudinem S. Anselmi*, respondet *S. Thomas*, non tam species esse, quam progressum cuilibet peccato communem, quod scilicet primo corde concipitur, deinde ore profertur, tertio opere perficitur.

Superbiæ materiam, hominumque superborum characteres præclare describit *S. Greg.* lib. 34. *Moralium*, cap. 18. „ „ Elatio (*inquit*) alios ex rebus secularibus, alios vero ex spiritualibus possidet. Alter namque intumescit auro, alter eloquio, alter infimis, & terrenis rebus, alter summis, coelestibusque virtutibus; una tamen, eademque res ante oculos Dei

Duodecim
superbiæ
gradus.

Superbo-
rum homi-
num cara-
cteres.

agitur, quamvis ad humana corda veniens, in eorum obtutibus diverso amictu pallietur. Nam cum is, qui de terrena prius gloria superbiebat, postmodum de sanctitate extollitur, nequaquam cor ejus elatio deferuit, sed ad eum consueta veniens, ut cognosci nequeat, vestem mutavit. Sciendum quoque est, quod aliter hæc præpositos, atque aliter subditos tentat. Præfato namque in cogitationibus suggerit, quia solo vitæ merito super cæteros excrevit... Ejusque mox mentem erigit, viles, atque inutiles eos, qui subjecti sunt, ostendit; ita ut nulum jam, quasi dignum respiciat, cui æquanimiter loquatur. Unde & mox mentis tranquillitas in iram vertitur; quia dum cunctos despicit, dum sensum, vitamque omnium sine moderamine reprehendit, tanto effrænatus se in iracundiam dilatat, quanto eos, qui sibi commissi sunt, esse sibi indignos putat. At contra cum subjectorum cor superbia instigat, hoc summo opere nititur agere, ut sua acta considerare funditus negligant, & semper tacitis cogitationibus rectoris sui iudices fiant; qui dum in eo, quod reprehendere debeant, importune respiciunt, in semetipsis, quod corrigant, nunquam vident. Unde, & tanto atrocius pereunt, quanto a se oculos avertunt; quia in hujus vitæ itinere offendentes corruunt, dum alibi intendunt. Et quidem peccatores se asserunt, nec tamen tantum, ut tam noxiæ in regimine personæ traderentur. Et dum ejus facta despiciunt, dum præcepta contemnunt, ad tantam usque insaniam devolvuntur, ut Deum res humanas curare non æstiment; quia ei, qui quasi jure reprehenditur, esse se commissos dolent. Sæpe autem rectoris sui dictis proterve obviant, & eandem vocis superbiam libertatem vocant. Sic quippe elatio se quasi pro libertatis rectitudine objicit, sicut sæpe se, & timor pro humilitate supponit. Nam sicut plerique reticent ex timore, & tamen tacere se existimant ex humilitate; ita nonnulli loquuntur per impatientiam elationis, & tamen loqui se credunt

dunt per libertatem rectitudinis. Aliquando autem subditi proterva, quæ sentiunt, nequaquam produnt; & hi quorum loquacitas vix compescitur, nonnunquam ex sola amaritudine intimi rancoris obmutescunt. Qui per dolorem mentis, procacitatis suæ verba subtrahentes, cum male loqui soleant, pejus tacent; quia cum peccantes aliquid de correctione audiunt, indignantes etiam responsionis verba suspendunt. Cum his quando aspere agitur, sæpe ad quærelæ vocem de hac ipsa asperitate profiliunt. Cum vero eos magistri sui blande præveniunt, de hac ipsa humilitate, qua præventi sunt, gravius indignantur; & tanto eorum mens vastius accenditur, quanto consideratius infirma judicatur. Hi nimirum, quia humilitatem, quæ virtutum mater est, nesciunt, usum laboris sui perdunt, etiam si qua bona sunt, quæ operari videantur; quia surgentis fabricæ robusta celsitudo non figitur, quæ nequaquam per fundamenti fortitudinem in petra solidatur. Soli ergo ruina crescit quod ædificant, quia ante molem fabricæ, humilitatis fundamina non procurant. Quos bene ab intimis prodimus, si paucis in exterioribus extendamus „ „.

„ „ Cunctis namque superba apud se cogitatione tumentibus inest clamor in locutione, amaritudo in silentio, dissolutio in hilaritate, furor in tristitia, inhonestas in actione, honestas in imagine, erectio in incessu, rancor in responsione. Horum mens semper est ad irrogandas contumelias valida, ad tolerandas infirma, ad obediendum pigra, ad laceσσendos alios importuna, ad ea, quæ facere & debet, & prævalet, ignava; ad ea autem, quæ facere nec debet, nec prævalet, parata. Hæc in eo, quod sponte non appetit, nulla exhortatione flectitur; ad hoc autem, quod latenter desiderat, quærit, ut cogatur; quia dum metuit ex desiderio suo vilescere, optat vim in ipsa sua voluntate tolerare „ „.

ARTICULUS VIII.

Expurgatrix superbiæ humilitas. Ejus necessitas, & excellentia.

In Tract.
De Gradi-
bus humili-
tatis,

Adversus superbiam pugnat humilitas, quæ a S. Bernardo definitur: *Virtus, qua homo verissima sui agnitione sibi ipsi vilescit.* A S. Thoma, 2. 2. qu. 141. art. 1. „„ Virtus temperans, & refrænans animum, ne immoderate tendat in excelsa. *Magnanimitati non est opposita.* Humilitas enim reprimit appetitum, ne tendat in magna præter rationem rectam. Magnanimitas autem animum ad magna impellit secundum rationem rectam „„, animumque firmat contra desperationem in rerum arduarum prosecutione, ut docet S. Thom. Humilitas est *Tutissimus omnium virtutum thesaurus*, (inquit S. Basilus, *monasticarum Constitutionum c. 7.*) *In humilitate docuit Christus omnia fidei nomina, & præmia contineri*, (inquit S. Hilarius in Ps. 118.) Humilitas compendium est omnium religionis christianæ præceptorum, ut docet S. August. Epist. 118. alias 56. ad *Dioscorum*, ubi cum præmisit, ipsos quoque Platonice gentis Philosophos, paucis mutatis, quæ christiana improbat disciplina: „„ Inviçtissimo uni Regi Christo pias cervices oportere submittere, & intelligere verbum Dei homine indutum, qui jussit, & creditum est, quod illi vel proferre metuebant; *subiit*: Huic te, mi Dioscore, ut tota pietate subdas velim, ne aliam tibi ad capellendam, & obtinendam veritatem viam munias, quam quæ munita est ab illo, qui gressuum nostrorum tanquam Deus vidit infirmitatem. Ea est autem prima humilitas, secunda humilitas, tertia humilitas, & quoties interrogares, hoc dicerem; non quod alia non sint præcepta, quæ dicantur; sed nili humilitas omnia, quæcunque bene facimus, & præcellerit, & committetur, & secuta fuerit, & proposita, quam intuemur, & apposita, cui adhæreamus, & imposita, qua reprimamur, jam nobis de aliquo bono facto gaude-

dentibus totum extorquet de manu superbia. Itaque sicut Rhetor Demosthenes ille nobilissimus cum interrogatus esset, quid ei primum videretur in eloquentiæ præceptis observari oportere, pronuntiationem dicitur respondisse; cum quæreretur quid secundo, eandem pronuntiationem; quid tertio, nihil aliud quam pronuntiationem dixisse; ita si interrogares, & quoties interrogares de præceptis christianæ religionis, nihil me aliud respondere, nisi humilitatem liberet, etli fortè alia dicere necessitas cogeret „„. Humilitas est „ Tota christianæ Sapientiæ disciplina „ (*inquit* S. Leo Serm. 7. de Epiphania) Tota „ victoria Salvatoris, quæ & diabolus superavit, & „ mandum, humilitate est concepta, humilitate est „ contexta. Hoc virtutis caput est „. Ab ea Christus beatitudines suas auspiciatur: *Beati* (*inquit*) *pauperes spiritu*. Iplum ad te Deum allicit: *Ad quem enim* (*inquit*) *inspiciam, nisi ad misericordiam, & quietum, & humilem: & tremementem sermones meos?* „ „ Est Altare aureum, & Ara spiritualis. Sacrificium Deo spiritus contribulatus, & cor contritum, sapientiæ mater est, quam qui possederit, cætera reliquarum virtutum membra proculdubio possidebit „ „ (*inquit* S. Joan. Chrysost. Hom. 48. in Matthæum.) „ Humilitas est omnium Magistra virtutum, coelestis ædificii firmissimum fundamentum, donum proprium, „ atque magnificum Salvatoris „ (*inquit* Cassianus, Collatione 15. cap. 17.) Humilitas est „ Primus religionis introitus, sicut in mundum primus Christi ingressus, ut quicumque pie vult vivere, humiliter de se sentiat „ „ (*inquit* Arnoldus Bonævallis Abbas Serm. De Nativ. Christi, inter S. Cypriani Opera edito.) Humilitas est *Ædificii spiritualis fundamentum*; (*inquit* S. Thom. 2. 2. q. 161. art. 5. ad 2.) „ „ Ordinata (*inquit*) virtutum congregatio per quamdam similitudinem ædificio comparatur, & illud quod est primum in acquisitione virtutum, fundamento, quod primum in ædificio jacitur. Virtutes autem vere infunduntur Deo. Unde primum in acquisitione virtu-

Matth. 5.

Isa. 66.

Psalm. 50.

Humilitas
primum
spiritualis
ædificii fun-
damentum

tum potest accipi dupliciter. Uno modo per modum removentis prohibens; & sic humilitas primum locum tenet; in quantum scilicet expellit superbiam, cui Deus resistit; & præbet hominem subditum, & patulum ad suscipiendum influxum divinæ gratiæ, in quantum evacuat inflationem superbiæ. Unde dicitur Jac. 4. *Deus superbis resistit, humilibus autem dat gratiam.* Et secundum hoc humilitas dicitur spiritualis ædificii fundamentum. Alio modo est aliquid primum in virtutibus directe, per quod scilicet jam ad Deum acceditur. Primus autem accessus ad Deum est per fidem, secundum illud Hebr. 11. *Accedentem ad Deum oportet credere.* Et secundum hoc fides ponitur fundamentum nobiliori modo quam humilitas „ „. Ex S. Bern. potissimum hæc sumpsit S. Thom. „ enim lib. 5. *De Consideratione*, cap. 14. ait: „ Virtutum bonum quoddam, ac stabile fundamentum humilitas. Nempe si nutet illa, virtutum aggregatio non nisi ruina est „.

Humilitatis
necessitas
ad salutem
æternam.

Humilitatis necessitatem ad salutem æternam Christus non semel ostendit, cum hanc virtutem discipulis suis commendavit; Matth. 11. *Discite a me quia mitis sum, & humilis corde.* Non ait: „ „ Discite a me mundum fabricare, aut mortuos suscitare; sed quia mitis sum, & humilis corde. O doctrinam salutare! O magistrum, Dominumque mortaliū, quibus mors poculo superbiæ propinata, atque transfusa est! (inquit S. August. lib. de S. Virginitate, c. 35.) Noluit docere, quod ipse non esset, noluit jubere, quod ipse non faceret. Video te, bone Jesu, oculis fidei, quos aperuisti mihi, tanquam in concione generis humani clamantem, ac dicentem: *Venite ad me, & discite a me.* Quia obsecro te, per quem facta sunt omnia, Fili Dei, & idem, qui factus es inter omnia, Fili hominis, quid ut discamus a te, venimus ad te? *Quoniam mitis sum* (inquit) *& humilis corde.* Hucine redacti sunt omnes thesauri sapientiæ, & scientiæ absconditi in te, ut hoc pro magno discamus a te.

Ita magnum est
esse humi-
lem, ut di-
sci non po-
tuerit nisi
a filio Dei.

quo-

quoniam mitis es , & humilis corde ? Ita ne magnum est esse parvum , ut nisi a te , qui tam magnus es , fieret , disci omnino non posset ? Ita plane. Non enim aliter invenitur requies animæ , nisi in quieto tumore digesto , quo magna sibi erat , quando tibi sana non erat. Audiant te , & veniant ad te , & mites , atque humiles esse discant a te , qui misericordiam , & veritatem tuam requirunt , tibi vivendo ; tibi , non sibi „ „

Virtutis ejusdem necessitatem docet Salvator Matth. *18. Amen dico vobis , nisi conversi fueritis , & efficiamini sicut parvuli , non intrabitis in regnum celorum. Quicumque ergo humiliaverit se sicut parvulus iste , hic major est in regno celorum. Magnorum est ista pusillitas , superbia vero fallax est infirmorum magnitudo ; quæ ubi mentem possederit , erigendo dejicit , inflando evacuat , distendendo dissipat. „ „ Humilis esse non potest nocens , superbus non potest esse innocens. Humilitatem illam loquor , quæ non vult perituris rebus excellere , sed æternum aliquid veraciter cogitat , quo non suis viribus , sed adjuncta perveniat. Pia itaque humilitate servata , quæ in Scripturis sanctis sancta probatur infantia , securi eritis de immortalitate beatorum ; talium est enim regnum cœlorum „ „ Verba sunt S. Augustini Serm. 353. alias 20. inter Homilias 50.*

Humilitas
sancta in-
fantia.

Idem docet Dominus , & magister noster Matth. 23. & Luc. 18. *Omnis (inquit) qui se exultat , humiliabitur , & qui se humiliat , exaltabitur. Quam Salvatoris nostri sententiam S. Augustini verba præclare explicant , lib. 14. De Civ. Dei , cap. 13. „ „ Bonum est (inquit) sursum habere cor , non tamen ad seipsum , quod est superbiæ ; sed ad Dominum , quod est obedientiæ , quæ nisi humilium non potest esse. Est igitur aliquid humilitatis miro modo , quod sursum faciat cor , & est aliquid elationis , quod deorsum faciat. Hoc quidem contrarium videtur , ut elatio sit deorsum , & humilitas sursum. Sed pia humilitas facit subditum superiori ; nihil est autem superius Deo ; &*

Humilitas
sursum fa-
cit cor.

Psal. 72.

ideo exaltat humilitas, quæ facit subditum Deo. Elatio autem, quæ in vitio est, eo ipso quo respuit subjectionem, & cadit ab illo, quo non est quidquam superius, & ex hoc erit inferius, & fit, quod scriptum est: *Dejecisti eos, dum allevarentur*. Non enim ait, cum elati fuissent, ut prius extollerentur, & postea dejicerentur, sed cum extollerentur, tunc dejecti sunt. Ipsum quippe extolli, jam dejici est. Quapropter, quod nunc in civitate Dei, & civitati Dei in hoc seculo peregrinanti maxime commendatur humilitas, & in ejus Rege, qui est Christus, maxime prædicatur; contrariumque huic virtuti elationis vitium, in ejus adversario, qui est diabolus, maxime dominari, sacris Literis edocetur; protecto ista est magna differentia, qua civitas utraque discernitur; una scilicet societas piorum hominum, altera impiorum, singula quæque cum Angelis ad se pertinentibus, in quibus præcessit hæc amor Dei, hæc amor sui „ „ „

Humilitas
gradus ad
celitudi-
nem.

Et Sermone 96. alias *de Diversis* 47. „ „ Omnes (*inquit*) delectat celsitudo; sed humilitas gradus est. Quid tendis pedem ultra te? Cadere vis, non ascendere. A gradu incipe, & ascendisti. Istum gradum humilitatis nolebant attendere duo illi discipuli, qui dicebant: *Domine jube, ut unus nostrum in regno tuo sedeat ad dexteram tuam & alius ad sinistram tuam*. Sublimitatem quærebant, gradum non videbant. Dominus autem ostendit gradum. Quid enim respondit? *Potestis bibere calicem, quem ego bibiturus sum?* Qui quæritis apicem sublimitatis, potestis bibere calicem humilitatis „ „ „

Marci 10.

Matth. 8.

Immensus sim, si cuncta testimonia recensere velim, quæ Christi doctrinam, & præcepta de humilitate exprimunt, fidem centurionis præcipue laudavit, nec se invenisse in Israël dixit tantam fidem; quia ille tam humiliter credidit, ut diceret: *Non sum dignus, ut intres sub testum meum*. Unde nec Matthæus ob aliud, eum dixit accessisse ad Jesum; cum Lucas innuat eum non venisse, sed amicos suos

De Peccatis capitalibus. 29

suos misisse, nisi quia fidelissima humilitate magis ipse accessit, quam illi, quos misit. Unde Psal. 137. dicitur. *Excelsus Dominus, & humilia respicit, & alta a longe cognoscit*, utique tanquam non accedentia. Hinc & mulieri cananeæ dicit: *O mulier, magna est fides tua, fiat tibi, sicut tu vis.* Quam superius canem appellaverat, & pane filiorum indignam; quod illa humiliter accipiens dixerat: *Etiā, Domine, nam & catelli edunt de micis, quæ cadunt de mensa Dominorum suorum.* Unde quod assiduo clamore non impetrabat, humili confessione promeruit. Hinc & illi duo proponuntur orantes in Templo, unus Pharisæus, & alter Publicanus, propter eos, qui sibi iusti videntur, & spernunt cæteros; & enumerationi meritorum præfertur confessio peccatorum. Jam vero, quod exiturus ad passionem lavit pedes discipulis, monuitque apertissime, ut hoc facerent condiscipulis, atque conservis, quod eis fecisset magister, & Dominus, quantum commendavit humilitatem? Cui commendandæ etiam tempus illud elegit, quod cum proxime moriturum, cum magno desiderio contuebantur, hoc utique præcipue memoria retenturi, quod magister imitandus ultimum demonstrasset. Denique *Humiliavit semetipsum factus obediens usque ad mortem, mortem autem crucis.* Cum ergo Christianis omnibus custodienda sit humilitas, quandoquidem a Christo Christiani appelliantur: „ Cujus Evangelium nemo intuetur, qui non eum doctorem humilitatis inveniat; tum maxime virtutis, cujus sectatores, & conservatores esse convenit, qui magno aliquo bono cæteris eminent, *secundum illud: Quanto major es, tanto humilia te in omnibus, & coram Deo invenies gratiam.* „ Ita disserit *S. August.* lib. *De sancta Virginitate*, cap. 33. indeque colligit, Virgines cæteris humiliores esse debere, quia sancta virginitas magnum bonum est. „ Quod bonum quanto magnum video (*inquit idem Doctor cap. 51.*) tanto ei, ne pereat, furem superbiam pertimesco. Non ergo custodit bonum virginale, nisi Deus, qui

Matth. 23

Luc. 11

Ad Phil. 2

Virginitas, sine humilitate nullius apud Deum meriti.

de-

¶ Joan. 4. dedit; & *Deus charitas est*. Custos ergo virginitatis charitas; locus autem hujus custodis humilitas. Ibi quippe habitat, qui dixit: Super humilem, & quietum, & trementem verba sua requiescere Spiritum suum „ „.

Humilitatis
excellencia.

Humilitatis excellentiam præclare ostendit auctor elegantis Epistolæ ad *Demetriadem* Virginem, intra Opera *S. Prosperi*, cap. 3. „ „ Prima ergo humilitatis ratio (*inquit*) in communis vitæ verlatur officiis, quibus & divina clementia conciliatur, & societas humana connectitur. Multum enim ad roborandam dilectionem valet, cum secundum doctrinam apostolicam, invicem se homines honore præveniunt, & alteri alterum superiorem existimantes, amant servire subjecti, & nesciunt, tumere prælati; cum & pauper divitem non sibi dubitat anteferre, & dives pauperem sibi gaudet æquare; cum & sublimes non superbiunt de claritate prosapiæ, & pauperes non extolluntur de communione naturæ; cum denique non plus tribuitur magnis opibus, quam bonis moribus; nec major ducitur phalerata iniquorum potentia, quam rectorum inhonorata justitia. Ab hoc æquo, & modesto jure concordæ, in quo nullum de gradu superiore certamen, nec felicitas, aut inflat propria, aut urit aliena, pulchre, & mirabiliter a plerisque proficitur ad illam humilitatis fortitudinem, quæ & se extra omnem constituit dignitatem, & mavult apta esse injuriis accipiendis, quam idonea repellendis „ „.

Et cap. 6. „ „ Cum Ecclesia Dei, quæ est Corpus Christi, ita sit multimoda varietate contexta, ut in unum decorem etiam, quæ non sunt paria concurrant; & de omni genere hominum, de omni gradu officiorum, de omni mensura operum, de omni qualitate virtutum fiat totius ædificationis inseparabilis connexio, & indifferens pulchritudo, nec desit soliditati, quod non defuerit portioni; tantaque ibi sit pax, tantaque concordia, ut non possit esse nisi omnium, quod est etiam singulorum; indubitanter apparet,

capu-

copulatricem quamdam esse virtutem, qua sibi confederatur, & concinit multiplex Sanctorum unitas, & speciosa diversitas. Hæc autem vera humilitas est; quæ inter quoslibet meritorum gradus nunquam sui potest esse dissimilis „ „

ARTICULUS IX.

Christiana humilitatis Officia.

Duo sunt præcipua christianæ humilitatis officia; Humilitas
primum est, hominem Deo subdicere; secundum infra cæteros homines deprimere. De primo ^{hominem Deo subdi-} ait *S. Tb.* 2. 2. qu. 161. art. 2. *Humilitas præcipue videtur importare subjectionem hominis ad Deum.* Et certe nihil æquius, quam ei subditum esse, ac ejus magnitudinem humillima submissione revereri, cujus respectu nihil sumus, & si quid sumus, ab ipso, in ipso, & per ipsum sumus, *II. 40. Omnes gentes quasi non sint, sic sunt coram eo, & quasi nihilum, & inane reputata sunt ei. In ipso vivimus, movemur, & sumus* (inquit Apostolus.) ^{Act. 17.} Nihil boni ex nobis ipsis possumus, nec facere, nec velle, nam *Deus est, qui operatur in nobis velle, & perficere pro bona voluntate* (inquit *S. Paulus*) ^{Phil. 2. 13.} Nec loqui: *Nemo enim potest dicere, Dominus Jesus nisi in Spiritu sancto.* ^{1. Cor. 12. 3.} Nec saltem cogitare, quia *Non sumus sufficientes cogitare aliquid ex nobis, tanquam ex nobis, sed omnis sufficientia nostra ex Deo est.* ^{2. Cor. 3. 5.} De nostro non habemus nisi mendacium, & peccatum; quidquid autem boni in nobis est, ab illo est, in quo nili manserimus, & ille in nobis, nullum omnino fructum salutis ferre possumus. Unde Salvator ipse ait: *Sicut palme non potest ferre fructum a semetipso, nisi manserit in vite; sic nec vos nisi in me manseritis. Ego sum vitis, vos palmites. Qui manet in me, & ego in eo, hic fert fructum multum, quia sine me nihil potestis facere. Qui se fructum a semetipso ferre existimat, in vite non est, id est in Christo, adeoque non est Christianus* (inquit *S. August.* Tract. 81. in Joan.)

Joan.) Ut justificemur, misericordia ejus nos praevenit; ut in iustitia maneamus, ac perseveremus, misericordia ejus nos subsequitur, idque omnibus diebus vitae nostrae. Ad Deum igitur toto voluntatis affectu clamemus: *Fortitudinem meam ad te custodiam, quia Deus susceptor meus es, Deus meus misericordia mea; Deus, in adiutorium meum intende, Domine, ad adjuvandum me festina. Deus meus in auxilium meum respice. Deus auxilii mei, & spes mea in Deo est. Nonne Deo subjecta erit anima mea? Ab ipso enim salutare meum.*

De hac subjectione S. August. Hom. 351. alias 50. inter Homilias quinquaginta: „„ In rebus (inquit) visibilibus, ut excelsa quisque contingat, in excelsum erigitur: Deus autem cum sit omnium excellentissimus, non elatione, sed humilitate contingitur. Unde Propheta dicit: *Prope est Dominus omnibus, qui obtriverunt cor.* Et iterum: *Excelsus Dominus, & humilia respicit, & excelsa a longe cognoscit: Excelsa posuit pro superbis.* Illa ergo respicit, ut attollat; ista cognoscit, ut dejiciat. . . Quisquis itaque poenitentiae recusat humilitatem, Deo propinquare non cogitat. Aliud est enim levare se ad Deum; aliud est levare se contra Deum. Qui ante illum se projicit, ab illo erigitur; qui adversus illum se erigit, ab illo projicitur. Alia enim soliditas magnitudinis, alia est inanitas inflationis. Qui foris tumescit, intus tabescit. *Qui eligit abjici in domo Dei, magis quam habitare in tabernaculis peccatorum; elegit illum Deus, ut inhabitet in atriis ejus, & nihil sibi allumentem ille in sedem beatitatis assumit* „„

Aliud christianae humilitatis officium est hominem cæteris omnibus subicere, secundum illud Apostoli ad Phil. c. 2. *Nilil per contentionem, neque per inanem gloriam, sed in humilitate superiores sibi invicem arbitantes.* Nam quia iniquus quisque inferiorem se omnem, quem cognovit, putat; e diverso justus studet, ut superiorem quemlibet proximum attendat, (inquit S. Gregor. lib. 34. *Moralium*, cap. 17.) Ac ne dum se alii alter humiliat, iret alter in elationem,
bene

bene utramque partem admonuit, dicens, superiores sibi invicem arbitrantur: „ Ut in cogitationibus cordis, & ego mihi illum præferam & vicissim ille me sibi; ut cum ab utraque parte cor inferius premitur, nullus ex impenso honore sublevetur „.

Cum autem *Humilitas in parte veritatis, non in parte falsitatis* collocanda sit, ut docet *S. August. lib. de Natura, & Gratia, cap. 34.* operæ pretium est explicare cum *S. Thom.* qua ratione humilitas infra cæteros homines in propria opinione deprimere non debeat. Observat autem Doctor angelicus, 2. 2. qu. 161. art. 3. duo in homine posse considerari, scilicet: „ Id quod est Dei, & id quod est hominis. „ Hominis autem est, quidquid pertinet ad defectum, „ Dei est, quidquid pertinet ad salutem, & perfectionem „, secundum illud *Osce 13. Perditio tua, Israel; tantummodo in me auxilium tuum.* Cum igitur humilitas proprie respiciat reverentiam, qua homo Deo subicitur, quilibet homo *Secundum id, quod suum est*, id est, secundum defectus, quos in se cognoscit, si vere sit humilis, „ debet se cuilibet proximo subicere quantum ad id, quod est Dei in ipso: „ Id est, ipsum secundum Dei dona, quæ in illo agnoscit, & veneratur, sibi ipsi antepone. „ Non autem hoc requirit humilitas, ut aliquis id, „ quod est Dei in seipso, subiciat ei, quod appetet esse Dei in altero: „ Id est, ut dona Dei sibi collata existimet esse minora iis, quæ alteri collata sunt. Qui enim dona Dei participant, cognoscunt ea se habere, secundum illud 1. ad Cor. 2. *Ut sciamus, quæ a Deo donata sunt nobis.* Et ideo „ absque „ præjudicio humilitatis, possunt dona, quæ ipsi acceperunt, præferri donis Dei, quæ aliis collata videntur. Unde Apost. ad Ephes. 3. ait: *Aliis generationibus non est agnitus filius hominum, sicut nunc revelatum est sanctis Apostolis ejus.*

Similiter „ Non hoc requirit humilitas, ut aliquis „ id, quod est suum in seipso, subiciat ei, quod est hominis in proximo: „ Id est, ut peccata sua,

vel defectus, cum manifestis aliorum peccatis, ac defectibus comparans, se magis peccatorem quolibet alio existimet; cum Ap. Absque præjudicio humilitatis dicat, ad Gal. 2. *Nos natura Judæi, & non ex gentibus peccatores.* Potest tamen, imo debet existimare quisquis vere humilis est: „ Aliquid boni esse in proximo, quod ipse non habet, vel aliquid mali in se esse, quod in alio non est, ex quo se potest ei subicere per humilitatem „ Quod ex S. August. confirmatur, lib. Quæstionum octoginta trium, qu. 71. „ „ Illud (inquit) cogitandum. nullum esse hominem, qui non possit habere aliquod bonum, quod tu nondum habes, etiamsi lateat, in quo sine dubio possit te esse superior. Quæ cogitatio ad contundendam, edomandamque superbiam valet, ne arbitreris, quoniam tua quædam bona eminent, & apparent, ideo alterum nulla habere, quæ lateant, & fortasse majoris ponderis bona, quibus te superat nescientem. Non enim falli nos, aut adulatione potius uti, Apostolus jubet, cum dicit: *Nihil per contentionem, neque per inanem gloriam, sed humilitate mentis alter alterum existimantes superiorem sibi.* Non hoc ita debemus existimare, ut non existimemus, sed non existimare fingamus; sed vere existimemus aliquid occultum esse posse in alio, quo nobis superior sit, etiamsi bonum nostrum, quo illo videmur superiores esse, non sit occultum. Istæ cogitationes deprimentes superbiam, & acuentes charitatem, faciunt onera fraterna invicem, non solum æquo animo, sed etiam libentissime sustineri „ „

Philip. 2.

Hac etiam ratione Virgines hortatur lib. de S. Virginitate, cap. 44. & 47. ne se mulieribus non tantum viduis, sed etiam conjugatis, quæ Dei præceptis pariter obediunt, anteponeere audeant. Quamvis enim virginitas etiam castis nuptiis, continentia connubio, fructus centenus tricenarius sit absque hæsitacione præponendus; virgo tamen obediens, & Deum timens, illi, vel illi mulieri obediens, & Deum timentem se anteferre non audeat: *Alioquin non erit hu-*

mi.

milis, & Deus superbis resistit. Quid ergo cogitabit?
 „, Occulta scilicet dona Dei, quæ nonnisi interrogatio tentationis, etiam in semetipso unicuique declarat. Ut enim cætera taceam, unde scit Virgo, quamvis sollicita, quæ sunt Domini, quomodo placeat Domino, ne forte propter aliquam sibi incognitam mentis infirmitatem, nondum sit matura martyrio, illa vero mulier cui se præferre gestiebat, jam possit bibere calicem dominicæ humilitatis, quem prius bibendum discipulis amatoribus sublimitatis opposuit? . . . Certe nisi adsit tentatio, nulla doni huius sit demonstratio. . . Ut ergo quisquis non infletur, ex eo, quod se pervidet posse, humiliter cogitet, quod ignorat, aliquid præstantius se fortasse non posse; aliquos autem, qui illud, quo sibi gloriose notus est, nec habent, nec profitentur, hoc quod ipse non potest, posse. Ita servabitur non fallaci, sed veraci humilitate. *Honore mutuo prævenientes, & Alter* Rom. 12. Philip. 2.
alterum existimantes superiorem sibi „, „

Accedit ratio altera, qua se homo magis Dei donis auctus infra alios deprimere veraci humilitate possit. („ Neque enim simulare debet humilitatem, sed „ exhibere; nam simulatio humilitatis major superbia est „) Ea autem est cauta, & vera cogitatio: „ Omnia peccata sic habenda tanquam dimittantur, „ a quibus Deus custodit, ne committantur „; (*inquit S. August. cap. 41. ejusdem libri.*) *Qui, & cap. 51. converso ad Virgines sermone ait:* „ „ Quidquid mali Deo custodiente non committitis, tanquam remissum ab illo deputate; ne modicum vobis existimantes dimissum, modicum diligatis, & tundentes pectora publicanos ruinosa jactantia contemnatis. De viribus vestris expertis cavete, ne, quia ferre aliquid potuistis, inflemini; de inexpertis orate, ne, supra quam potestis, ferre tentemini. Existimate aliquos in occulto superiores, quibus estis in manifesto meliores. Cum aliorum bona forte ignota vobis, benigne creduntur a vobis, vestra vobis nota non comparatione minuuntur, sed dilectione firman-
 Tom. VII, C ad-

adhuc defunt, tanto dantur facilius, quanto desiderantur humilior. Perseverantes in numero vestro præbeant vobis exemplum, cadentes autem augeant timorem vestrum. Illud amate, ut imitemini; hoc lugete, ne inflemini „ „.

Et Sermone 99. alias 23. ex Homiliis 50. duos homines statuit, ac inter se comparat, unum, qui plurima, gravissimaque peccata commisit, alterum, qui pauca, & leviora. Tum ex sententia Salvatoris: *Cui minus dimittitur, minus diligit*; utiliorem fuisse illi objicit multitudinem, & gravitatem peccatorum, ut illius charitas major esset, ac ferventior. Objectionem autem solvit respondendo, inter debita dimissa numerari debere, quæ ille non commisit peccata, Deo regente; ac proinde istum non minus diligere debere Deum, quam illum. „ „ Hic multa commisit, & multorum debitor factus est; ille gubernante Deo pauca commisit. Cui deputat ille, quod dimisit, huic & iste deputat, quod non commisit. Adulter non fuisti in illa tua vita præterita plena ignorantia, nondum illuminatus, nondum bonum, malumque discernens, nondum credens in illum, qui te nescientem regebat. Hoc tibi dicit Deus tuus; regebam te mihi, servabam te mihi. Ut adulterium non committeres, suavor defuit, ut suavor deesset, ego feci. Locus & tempus defuit; & ut hæc deessent, ego feci. Adfuit suavor, non defuit locus, non defuit tempus; ut non consentiret, ego terrui. Agnosce ergo gratiam ejus, cui debes. & quod non amisti. Mihi debet iste, quod factum est, & dimissum vidisti: mihi debes & tu, quod non fecisti. Nullum est enim peccatum, quod facit homo, quod non possit facere & alter homo, si desit rector, a quo factus est homo „ „ Hinc lib. 2. *Confessionum* cap. 7. „ „ Gratia tuæ deputo (*inquit*) & quæcunque non feci mala. . . Et omnia mihi dimissa esse fateor; & quæ mea sponte feci mala, & quæ te duce non feci „ „.

Ut primum christianæ humilitatis officium impleat homo, necessaria illi est notitia Dei; ut alterum,

ritum, necessaria est cognitio sui: In duplici illa cognitione summa salutis posita est. „ Nam quomodo non vere humiliabitur *anima* in hac vera cognitione sui: cum se perceperit onerata peccatis, mole hujus mortalis corporis aggravatam, terrenis intricatam curis, carnalium delideriorum fœce infectam; cæcam, curvam, infirmam, implicitam multis erroribus, expositam mille periculis; mille timoribus trepidam, mille difficultatibus anxiam, mille suspitionibus obnoxiam, mille necessitatibus ærumnosam, proclivem ad vitia, invalidam ad virtutes? Unde huius jam extollentia oculorum, unde levare caput? Nonne magis convertetur in ærumna sua, dum configitur spina? Convertetur, inquam, ad lacrymas, convertetur ad planctus, & gemitus, convertetur ad Dominum; & in humilitate clamabit: Sana animam meam, quia peccavi tibi. Porro conversa ad Dominum recipiet consolationem, quia pater est misericordiarum, & Deus totius consolationis. . . Tali experimento, & tali ordine salubriter innotescit Deus; cum prius se homo noverit in necessitate positum, & clamabit ad Dominum, & exaudiet eum; & dicet: *Eruam te*, & honorificabis me: Atque hoc modo, erit gradus ad notitiam Dei cognitio tui „ „ Verba sunt *S. Bernardi* Serm. 26 in Cantica.

cardines;
cognitio
Dei, & cognitio sui.

Pf. 49. 14.

Quamvis autem in externis humilitatis actibus, sicut in actibus virtutum cæterarum servanda sit moderatio; & ideo cavere debeant, qui alios regunt, ne se humilium deiciant exterius; ordinemque suum illos servare sit necessarium: *Ne apud eos, quos oportet esse subiectos, dum nimirum servatur humilitas, regendi frangatur auctoritas*; ut docet *S. Augustinus* in Regula: Tamen in affectu animi, & propria opinione, debent se omnibus postponere; & subditorum pedibus cotam Deo substernere etiam illi, qui præsent. Nec periculum est ullum, si se interiori animi sensu nimis deprimant; grande vero malum; & horrendum periculum est, si vel modice plus vero se extollant, si vel uni in sua cogitatione se præponant, quem forte

Non cognitione solum sed affectu cæteris omnibus se postponere christianus homo debet.

illis parem veritas judicat, aut etiam superiorem. „ „ Quamobrem (*inquit S. Bernard. Serm. 37. in Cantica.*) Noli te homo comparare majoribus, noli minoribus, noli aliquibus, noli uni. Quid scis enim, si unus ille, quem forte omnium vilissimum, atque miserrimum reputas, cujus vitam sceleratissimam, ac singulariter foedissimam horres, & propterea illum putas spernendum, non modo præ te, qui forte jam sobrie, & juste, & pie vivere te confidis, sed etiam præ cæteris omnibus sceleratis tanquam sceleratissimum, quid scis, inquam, si melior & te, & illis, mutatione dexteræ Excelli, in se quidem futurus sit, in Deo vero jam sit? Et propterea non mediocrem, non vel penultimum, non ipsum saltem inter novissimos eligere locum nos voluit. Sed *Recumbe* (*inquit*) *in novissimo loco*: ut solus videlicet omnium novissimus sedeas, teque nemini, non dico, præponas, sed nec comparare præsumas „ „

Nec solum cogitatione, sed & affectu nos omnibus postponere necesse est. „ „ Est enim humilitas, quam nobis veritas parit, & non habet calorem; & est humilitas, quam charitas format, & inflamat. Atque hæc quidem in affectu, illa in cognitione consistit; (*inquit S. Bernardus Serm. 42. in Cantica.*) Etenim tu, si temetipsum intus ad lumen veritatis, & sine dissimulatione inspicias, & sine palpatione dijudices, non dubito, quin humilieris, & tu in oculis tuis, factus vilior tibi ex hac vera cognitione tui, quamvis necdum fortasse idem patiaris in oculis aliorum. Eris igitur humilis, sed opere interim veritatis, & minime adhuc de amoris infusione. Nam si veritatis ipsius, quæ te tibi veraciter, atque salubriter demonstravit, sicut splendore illuminatus, ita affectus amore fuisses; voluisses proculdubio, quod in te est, eandem de te omnes tenere sententiam, quam ipsam apud te veritatem habere cognoscis. Sane, quod in te est, dixerim; quoniam plerumque non expedit innotescere omnibus omnia, quæ nos scimus de nobis; atque ipsa veritatis charitate, & charitatis veritate vetamur palam fieri velle, quod

quod noceat agnoscanti. Alioquin si privato amore tui tentus detines pariter intra te iudicium veritatis inclusum, cui dubium est minus te veritatem diligere, cui proprium præfers, vel commodum, vel honorem? Vides igitur non esse id ipsum, hominem de seipso non alium jam sapere veritatis lumine redargutum, & humilibus sponte consentire, munere charitatis adjutum; illud enim necessitatis est, hoc voluntatis. *Christus* Semetipsum exinanivit, formam servi accipiens, & formam humilitatis tradens; ipse se exinanivit, ipse se humiliavit, non necessitate iudicii, sed nostri charitate... Time Deum, & noli hanc rem pessimam facere, ut quem humiliat veritas, extollat voluntas; hoc enim resistere est veritati, hoc pugnare contra Deum. Magis autem acquiesce Deo, & sit voluntas subdita veritati, nec tantum subdita, sed & devota. *Nonne Dico* (inquit) *subiecta eris anima mea?* At parum est esse subiectum Deo, nisi sit & omni humanæ creaturæ propter Deum „„. Concinat *S. Bernardo S. Thom. 2. 2. quæst. 161. art. 2.* „„ *Cognitio* (inquit) *propriæ defectus pertinet ad humilitatem*, sicut regula quædam directiva appetitus; sed in ipso appetitu consistit humilitas essentialiter „„. Quamobrem, ut ait *Richardus a S. Vi. Hore*, lib. 2. *De eruditione interioris hominis*, cap. 32. „„ humilis est, qui seipsum apud semetipsum veraciter contemnit; humilior autem, qui se contemni ab aliis non refugit; humillimus vero, qui contemptum sui non solum contemnit, sed & admodum concupiscit „„.

Psal. 61. 1.

ARTICULUS X.

Christianæ humilitatis gradus.

Dodecim humilitatis gradus *S. Benedictus* in *Regula*, cap. 7. *S. Bernardus*, *Tract. singulari De Gradibus humilitatis* inscripto; & *S. Thom. 2. 2. q. 161. art. 6.* recensent.

7. Timor Dei. Primus est, timor Dei, & perennis præceptorum ejus memoria, nec non consideratio æterni supplicii, Deum contempnentibus destinati, & vitæ æternæ Deum timentibus præparatæ. Ps. 17. *Custodivi vias Domini, nec impie gessi a Deo meo; quoniam omnia judicia ejus in conspectu meo, & justitias ejus non repuli a me. Et ego immaculatus cum eo, & observabo me ab iniquitate mea.*

8. Propriæ voluntatis abdicatio. Joan. 6. Secundus est, abdicatio propriæ voluntatis, ejusque ad divinam accomodatio, ut Christianus dicere possit cum Christo Domino: *Non veni facere voluntatem meam, sed voluntatem ejus, qui misit me.*

3. Omnia obedientia subdere se majoribus. Philip. 2. Tertius est, ut Christianus divini amoris impulsu omni obedientia se subdat majori, ac præcipue Præpositis, qui pervigilant, quasi rationem pro anima illius reddituri, sicque Christum imitetur, qui *Humiliavit semetipsum, factus obediens usque ad mortem, mortem autem crucis.*

4. Patientia in adversis, & injuriis. Quartus, ut in ipsa obedientia duris, & contrariis rebus, vel etiam quibuslibet irrogatis injuriis, tacita conscientia patientiam amplectatur, nec deficiat, sed in finem usque perseveret. Nam præceptum Domini in adversis, & injuriis adimplentes, perculsi in maxilla præbent & aliam; aufertenti tunicam dimittunt & pallium; angariati milliariorum, vadunt & duo; cum Paulo Apostolo falsos fratres, & persecutione sustinent, & maledicentes se benedicunt.

9. Pravarum cogitationum, & malorum clam commissorum confessio. Quintus est, ut pravas cogitationes in animum irrepenas, & mala clam commissa, humili confessione conscientie suæ Moderatori aperiat, ut illud Psal. 31. in ipso impleatur: *Delictum meum cognizum tibi feci, & iniquitatem meam non abscondi; dixi, pronuntiabo adversum me iniquitatem meam Domino, & tu remisisti impietatem peccati mei.* Et illud Jacobi 5. *Confitemini alterutrum peccata vestra, & orate pro invicem, ut salvemini.*

6. Contemptum sui & abjectionem æquo. Sextus est, ut abjectionem omnem, contemptumque sui æquo. & lubenti animo ferat, & in omnibus peribis sibi vocationis suæ, statusque vi, ac nomine

ne injunctis, se operarium malum, & inutilem existi- & lubent
met, secundum præceptum Salvatoris. Luc. 17. *Cum* animo fer-
feceritis omnia, quæ præcepta sunt vobis, dicite: Servi re.
inutiles sumus, quod debuimus facere, fecimus.

Septimus est, ut omnibus se viliozem, & inferio- 7. Omnibus
rem non solum lingua pronuntiet, sed etiam intimo se viliozem
cordis credat affectu, dicens cum Propheta: *Ego au-* credere.
tem sum vermis, & non homo, opprobrium hominum, Psal. 21.
& abjectio plebis.

Octavus est, ut nihil agat Monachus quidem con- 8. Nihil
tra Regulam, & majorum exempla; Christianus vero agere con-
quolibet præter id, quod docet Evangelium, & quod tra Evange-
Ecclesia proponit, vel approbat. Nam Christiani lium, con-
omnes religiosi Crucis sumus, secundum illud Ter- tra Ecclesiam
tulliani, *Apologetici*, cap. 16. *Qui Crucis nos Religio-* disciplinā,
fos putat, consecrans erit noster. Evangelium, & Ec- aut contra
clesiæ doctrina, regula nostra est, quam nos ob- Regulam.
servaturos in baptismo solemniter vovimus, cum in
Sacramenti verba respondimus. Ad Philip. 3. *Verum-*
tamen ad quod pervenimus, ut idem sapiamus, & in ea-
dem permaneamus regula. Ad Gal. 6. *Et quicumque hanc*
regulam secuti fuerint, pax super illos, & misericordia,
& super Israël Dei. Hæc est *Via Dei, Via salutis, Via*
pacis, Via recta, Via Sanctorum, Via veritatis, Via ju-
stitiæ, Via immaculata, Via mandatorum, & justifica-
tionum Dei, Via æterna, in qua ambulare debemus,
nec declinare ad dexteram, aut sinistram.

Nonus est, ut linguam coerceat, nec loquatur nisi 9. Coercere
Dei gloria, rerumque suarum, & proximi necessitas linguam.
silentium abruptum jubeat, persuasus *In multiloquio* Prov. 10.
non deesse peccatum, & quod Vir linguosus non dirige- Psal. 139.
tur in terra. Atque ita apud se statuens: *Dixi, cu-* Psal. 38.
stodiam vias meas, ut non delinquam in lingua mea; po-
sui ori meo custodiam.

Decimus est, ut non facile solvatur in risum, & 10. In risum
ineptam lætitiā, divini illius sententiæ memor: non facile
Fatus in risu exultat vocem suam: Vir autem sapiens solvi.
vix tacite ridebit, Christum humilitatis doctorem fle- Eccl. 22.
visse legimus, non risisse.

21. Pauca
verba leni-
ter humili-
ter & cum
gravitate
loqui.
Eccl. 5. &
10.

Undecimus est, ut cum loquitur, leniter, sine ri-
su, humiliter & cum gravitate pauca verba, & pru-
dentia sale condita, non clamosa, sed submissa voce
proferat, sacrorum illorum oraculorum memor: *Ne
semere quid loquaris, neque cor tuum sit velox ad pro-
ferendum sermonem coram Deo, Deus enim in cælo, &
tu super terram; idcirco sint pauci sermones tui... Ver-
ba oris sapientis gratia, & labia insipientis præcipita-
bunt eum... Stultus verba multiplicat... Sapiens in
verbis producet se ipsum... Labia imprudentium stulta nar-
rabunt; verba autem prudentum statim ponderabuntur.*

Eccl. 20. 21.

12. Toto
corporis ha-
bitu humi-
litem præ-
se ferre.

Psal. 139.

Quoddecimus humilitatis gradus est, ut non solum
animo, sed toto corporis habitu, in omni loco hu-
militatem præferat, ut vere dicere possit cum Da-
vide: *Domine, non est exaltatum cor meum, neque elati
sunt oculi mei. Neque ambulavi in magnis, neque in mi-
rabilibus super me.* Et Apostoli monitum impleat, ad
Philip. 4. *Modestia vestra nota sit omnibus hominibus.*

ARTICULUS XI.

Rationes ad humilitatem moventes,

Originis
nostræ, ac
miseriæ
multiplicis
considera-
tio.
Mich. 6. 14.

Multa sunt, quæ ad humilitatem nos movent;
tum maxime originis nostræ, ac multiplicis
miseriæ, tum corporis, cum animæ consideratio; no-
vissimorum deinde nostrorum memoria; Christi deni-
que propter nos humiliatio. *Humiliatio tua in medio
tui* (inquit Propheta.) Humiliationis nostræ causas
non est necesse, ut extra nos ipsos quæramus, siqui-
dem illas ipse nos gerimus. Pulvis enim, & cinis su-
mus. Gen. 3. *Pulvis es, & in pulvrem reverteris.* Gen.
18. *Loquar ad Dominum meum, cum sim pulvis, & ci-
nis.* Job 17. *Putredini dixi, Pater meus es; mater mea,
& soror mea, vermibus, Eccles. 10. Quid superbis ter-
ra, & cinis? Quæ superbiæ causa homini, qui secun-
dum corpus in ortu suo sperma foetidum est, in vita
fæcus stercoreum, post mortem cibus vermium?*
Quantum vero excitare debent humilitatis affectum
miseriæ, & ægritudines animæ, ignorantia, difficul-
tas

tas ad bonum agendum, & ad domandam concupiscentiam, quæ ad peccatum semper inclinat, & illicit; peccata præterita, quotidiana, occulta; ob quæ consumpti essemus, nisi misericordia Dei magna nos prævenisset. Thren. 3. *Misericordia Domini, quod non sumus consumpti.* Denique Dei judicia peccatoribus omnibus, ac præsertim superbis imminetia, & æternæ sortis nostræ ignoratio, magna nobis ad humilitatem incitamenta esse debent. Non solum enim *Nescit homo* Eccl. 9. *utrum in præsentem, sed utrum in futuro amore, vel odio dignus sit;* nescit utrum in area Domini triticum sit, an palea; nescit utrum permaneat ad coronam, vel ad flammam. Quamobrem Apostolorum Principi obtemperare debet, scribenti: *Humiliamini sub potenti manu Dei.* Quid est homo, *Homo notus de muliere,* Job 14. *brevi vivens tempore repletus multis miseriis.* „ *Natus de muliere, & ob hoc cum reatu; Brevi vivens tempore,* ideoque cum metu: *Repletus multis miseriis, & propterea cum fletu. Et vere multis, quia corporis, & animæ simul.* „ Quid enim calamitate vacat nascenti in peccato, fragili corpore, & mente sterili? Vere ergo repletus, cui infirmitas corpori, & fatuitas cordis cumulatur traduce sordis, mortis additione „ Verba sunt S. Bernardi lib. 2. de Consideratione ad Eugenium, cap. 9. Quid est homo? *Cujus conceptus culpa, nasci miseria, vivere pena, mori angustia.* Ad humilitatem fovendam consideret homo primordia, media, & novissima sua. *Cogita unde veneris, & erubescere; ubi sis, & ingemiscere; Quo vadis, & contremiscere;* (inquit S. Bernardus Serm. 12. de Diversis) „ Agnosce primordia tua, & erubescere „ comparatum te esse jumentis; memorare novissima tua, & time, ne abeas etiam post jumenta. „ Erubescere, quod pro consortio Angelorum, confortium sortitus es peccatorum, non modo in necessitatibus corporis, sed etiam in affectibus cordis. Eras aliquando gloria, & honore coronatus, „ constitutus super opera manuum Domini, incola „ Paradisi, Angelorum civis, & domesticus Domini

„ Sabaoth. Hinc dejecisti te ipsum in has interio-
 „ res tenebras, unde ad exteriores quoque, & pal-
 „ pabiles tenebras ejiciendus eris aliquando, si non
 „ caveas. Ecce unde venisti; vis nosse, quo deve-
 „ nisti? In locum utique afflictionis. Siquidem vita
 „ tua inferno appropinquavit. Quid enim hic nisi la-
 „ bor, & dolor, & afflictio spiritus?... Sed novis-
 „ sima quæ sunt? Mors, judicium, gehenna. Quid
 „ horribilius morte? Quid judicio terribilius? Nam
 „ gehennam nihil potest intolerabilius cogitari. Quid
 „ metuet, si quis ad ista non trepidat, non expa-
 „ vescit, non timore concutitur.

Cant. 1.

De cælo cecidit ista sententia, Nosce te ipsum ho-
 mo (inquit *S. Bernardus Serm. 11. de Diversis*,) Vi-
 de, si non & Sponsus in amoris cantico Sponsæ
 idem loquatur, *Si ignoras te, o pulchra inter mulieres,*
egredere, & abi post vestigia gregum: Cognitio porro
 sui stat in tribus: *Ut cognoscat homo, quid fecit, quid*
meruit, quid amisit. „ Quid vilius, o nobilis crea-
 „ tura, imago Dei, Creatoris similitudo, quam car-
 „ nem tuam illecebris carnalibus deturpare, & pro
 „ brevi voluptate torrentem perdere voluptatis? Quid
 „ furiosius, quam rapi mentem ira, superbia extolli,
 „ vexari invidia, anxietate torqueri? Recordare etiam,
 „ quid merueris. Subeat memoriam tuam gehenna-
 „ lis olla, fornax ferrea magnæ Babylonis, domus
 „ mortis, anxietatis domicilium, flammarum glo-
 „ bus, acerbitas frigoris, tenebræ sempiternæ. Con-
 „ sidera ordinem tormentorum, tortorum facies,
 „ mutationem poenarum, miseriarum infinitatem,
 „ & poteris dicere: *Melius erat mihi, si natus non*
 „ *fuissem.* Refecte oculos, & quid amiseris. animad-
 „ verte. Reminiscere, qualis sit civitas gloriosa, cœ-
 „ lestis habitatio, locus vitæ, suavitatis palatium,
 „ splendor gloriæ, gratiæ magnitudo, claritas infi-
 „ nita. Attende ordinem gaudiorum, gaudentium
 „ vultus, præmiorum vicissitudinem, multitudinem
 „ deliciarum, & poteris exclamare: *Qui te perdi-*
 „ *dit, Domine Deus,*

Ve-

Verum nihil efficacius movet ad humilitatem exemplo Christi, qui ad hoc natus est, vixit, passus, & mortuus est, ut humilitatem doceret. „ „ Ad hoc (inquit S. Gregor. lib. 34. *Moralium*, c. 18.) Unigenitus Dei Filius formam infirmitatis nostræ suscepit; ad hoc invisibilis, non solum visibilis, sed etiam despectus apparuit; ad hoc contumeliarum ludibria, irrilionum opprobria, passionumque tormenta toleravit, ut superbum non esse hominem doceret humilis Deus. Quanta ergo humilitatis virtus est, propter quam solam veraciter edocendam is, qui sine altimatione magnus est, usque ad passionem factus est parvus; quia enim originem perditioni nostræ superbia præbuit diaboli, instrumentum redemptionis nostræ inventa est humilitas Dei. Hostis quippe postea magnus inter omnia conditus, videri super omnia voluit elatus, Redemptor autem noster magnus manens super omnia, fieri inter omnia dignatus est parvus. Sed melius, & elationis causam detegimus, & fundamenta humilitatis aperimus, si brevi commemoratione perstringimus, quid mortis auctor, quid vitæ conditor dicat. Ille namque ait. *In celum Isai. 14. ascendam*, iste autem per Prophetam dicit: *Repleta est malis anima mea, & vita mea inferno appropinquavit. Psalm. 87.* Ille dicit: *Super astra cæli exaltabo solium meum*: Iste humano generi a paradisi sedibus expulso dicit: *Ecce venio cito, & habitabo in medio tui.* Ille dicit: *Sedebo in monte testamenti, in lateribus Aquilonis*: Iste dicit: *Ego sum vermis, & non homo, opprobrium hominum, & abjectio plebis.* Ille dicit: *Ascendam super altitudinem nubium, similis ero Altissimo*: Iste, Cum in forma Dei esset, non rapinam arbitratus est, esse se æqualem Deo, sed semetipsum exinanivit formam servi accipiens; & per membra sua loquitur dicens: *Domine quis similis tibi?* Ille per membra sua loquitur dicens: *Nescio Dominum, & Israel non dimittam*: Iste per semetipsum dicit: *Si dixero, quia non novi eum, ero similis vobis mendax; sed novi eum, & sermonem ejus servo.* Ille dicit: *Mea sunt flumina, & ego feci ea*: Ille

Exemplum
Christi hu-
militatis
magister.

Isai. 14.

Psalm. 87.

Psalm. 24.

Philip. 2.

Psalm. 34.

Exod. 4.

Joan. 8.

Ezech. 29.

di-

42 Theol. Dog. & Moral. Lib. III:

- dicit : *Non possum a me facere quidquam. Et rursum ;*
 Jo. 5. & *Pater meus in me manens , ipse facit opera. Ille regna*
 14.
 Luc. 4. *omnia ostendens dicit ; Tibi dabo potestatem hanc*
universam , & gloriam illorum , quia mihi tradita sunt ,
 Matth. 20. *& cui voluero , do illa ; Ille dicit ; Calicem quidem meum*
 23. *bibetis , sedere autem ad dexteram , vel ad sinistram me-*
am , non est meum dare vobis , sed quibus paratum est
 Gen. 3. 5. *a Patre meo. Ille dicit : Eritis sicut Dii scientes bonum ,*
 Act. 1. 7. *& malum : Ille dicit , Non est vestrum nosse tempora ,*
vel momenta , quæ Pater posuit in sua potestate. Ille , ut
 Gen. 3. *voluntas divina despici , & ut possit propria suaderi ,*
dicit ; Cur præcepit vobis Deus , ut non comederetis ex
omni ligno Paradisi ? Scis enim Deus , quod in quocunque
 Joan. 5. 39. *die comederitis ex eo , aperientur oculi vestri ; Ille di-*
cit : Non quero voluntatem meam , sed voluntatem ejus ,
qui misit me. Ille per membra sua loquitur dicens ,
 Sap. 2. 8. *Nullum partum sit , quod non pertransseat luxuria nostra ,*
coronemus nos rosis , antequam marcescant , ubique relin-
 Jo. 16. 29. *quamus signa lætitiæ nostræ ; Ille membris suis pronun-*
tiat dicens : Plorabitis , & fiebitis vos , mundus autem
gaudebit. Ille nihil aliud mentes sibi subditas docet ,
quam celsitudinis cūlmen appetere , cuncta æqualia
 Psalm. 72. *mentis tumore transcendere , societatem omnium*
hominum alta elatione transire , ac se se contra po-
tentiam Conditoris erigere , sicut de eisdem per Psal-
 Jo. 12. 26. *mistam dicitur ; Transierunt in dispositionem cordis ,*
cogitaverunt , & locuti sunt nequitias , iniquitatem in
excelsis locuti sunt ; Ille ad sputa , ad palmas , ad co-
laphos , ad spineam coronam , ad crucem , ad laque-
am , atque ad mortem veniens , membra sua admo-
net dicens : Si quis mihi ministrat , me sequatur „ „ „
 Concludamus cum S. August. Enarrationem in
 Psalm. 18. *Jam tandem crubescat homo esse superbus ,*
propter quem factus est humilis Deus.
 Verum , ut Christum imitetur , non sufficit humi-
 liatio , seu a Deo immediate , seu ab ipso per homi-
 nes operante proveniens. „ „ Quanti enim humiliantur ,
 qui humiles non sunt ! (inquit S. Bernardus Serm.
 34. in Cantica) Alii cum rancore humiliantur , alii pa-
 tien-

Multi hu-
 miliantur
 pauci vere
 sunt humi-
 les,

tienter, alii & libenter. Primi rei sunt, sequentes innoxii, ultimi iusti. Quamquam & innocentia portio iustitiæ est, sed consummatio ejus apud humilem. Qui autem dicere potest: *Bonum mihi, quia humiliasti me*, is vere humilis est. Non potest hoc dicere, qui intus tolerat; minus, qui murmurat. Neutri horum promittimus gratiam, quod humiliatur; etli sane hi duo longe a se differant, & alter quidem in patientia sua possideat animam suam, alter in suo munere pereat. Sed enim etli unus iram, neuter tamen gratiam promeretur. Quoniam non humilitati, sed humilibus Deus dat gratiam. Est autem humilis, qui humiliationem convertit in humilitatem, & ipse est, qui dicit Deo: *Bonum mihi, quod humiliasti me*. Nemini prorsus, quod patienter fert bonum est, sed plane molestum. Scimus autem, quod *hilarem datorem diligit Deus...* Solam gratiam, 2. Cor. 9. 7. quam præfert, meretur læta, & absoluta humilitas. Quæ enim coacta fuerit, vel extorta, qualis utique sit in viro patiente illo, qui possidet animam suam; hæc, inquam, humilitas, etli vitam obtinet propter patientiam, propter tristitiam, tamen gratiam non habebit. Non enim congruit ei, qui ejusmodi est, illud Scripturæ: *Glorietur humilis in exaltatione sua*: Jac. 1. Quoniam non sponte humiliatur, neque libenter. Vis autem videre humilem recte gloriantem, & vere dignum gloria? *Libenter* (inquit) *gloriabor in infirmitatibus meis, ut inhabites in me virtus Christi*. Non dicit, patienter se ferre infirmitates suas, sed & gloriarī, & libenter gloriarī illis, probans etiam sibi bonum esse, quod humiliatur; nec sufficere omnino, ut possideat animam suam tanquam patienter humiliatus; nili & gratiam accipiat tanquam sponte humiliatus. »»

Et Serm. 20. de Diversis: »» Quantos (inquit) videmus humiliatos, sed non humiles; percussos, sed non dolentes; curatos quidem a Domino, sed non ipsa curatione sanatos? Hi sunt, qui sub sentibus esse delicias computant, dissimulantes peccata, quæ acti-

Multi humiliati,
pauci humiles.

tant,

tant, lubricum in quo titubant, tenebras, quibus caligant, laqueos, inter quos ambulant, locum afflictionis, quem inhabitant, corpus mortis, quod gestant, jugum grave, quod tolerant, graviolem conscientiam, quam occultant, gravissimam sententiam, quam expectant. Talis ille erat, cui Joannes in Apocalypsi scribere jubebatur: *Dicis; quia dives sum, & nullius egeo; nescis, quia tu es pauper, & miser, & miserabilis, & cecus, & nudus.* Nec mirum, si sit vana, & mendax exaltatio filiorum hominum, liquidem vani sunt, & mendaces. Humiliat eos veritas, exaltat vanitas. Et dilexerunt magis tenebras, quam lucem, amplectentes exaltantem se vanitatem, & quærentes mendacium „ „ „

ARTICULUS XII.

De inani Gloria:

Quid sit, & quam grave peccatum.

Inanis gloriæ definitio.

Inanis gloria est perversus, & inordinatus gloriæ appetitus. Est autem gloria Frequens de aliquo fama cum laude; sive, Clara cum laude notitia. Appetitus gloriæ non est ex se vitiosus: „ Quod enim aliquis bonum suum cognoscat, & approbet, non est peccatum „ (inquit S. Thomas) Hinc 1. ad Corinth. 2. dicitur: *Nos autem non spiritum hujus mundi accepimus, sed spiritum, qui ex Deo est; ut sciamus; quæ a Deo donata sunt nobis.* „ Similiter etiam non est peccatum, quod aliquis velit bona sua approbari: „ Dicitur enim Matth. 5. *Luceat lux vestra coram hominibus.* Sed inanis, seu vanæ gloriæ appetitus vitium est. Nam Quodlibet vanum appetere, vitiosum est, secundum illud Psal. 4. *Ut quid diligitis vanitatem, & quæritis mendacium?* Potest autem gloria dici vana tripliciter (inquit S. Thom. 2. 2. quæst. 132. art. 1.) scilicet „ Ex parte rei, de qua quis gloriam quærit, „ puta, cum quis gloriam quærit de eo, quod non est „; sive de bono, quo caret, quo tamen se præditum falso existimat, aut existimari cupit; „ „ Vel de

de eo, quod non est gloria dignum, *nempe de re fragili & caduca, qualia sunt bona corporis, & fortuna.* Alio modo ex parte ejus, a quo quis gloriam querit, puta hominis, cujus judicium non est certum. Tercio modo, ex parte ipsius, qui gloriam appetit, & appetitum gloriæ suæ non refert in debitum finem, puta, ad honorem Dei, vel proximi salutem. Quos ob fines gloriam suam laudabiliter desiderare homo potest, inquit *S. Thom.* favetque Christi Salvatoris Oraculum Matth. 5. *Luceat lux vestra coram hominibus, ut videant opera vestra bona, & glorificent patrem vestrum, qui in cælis est.* Hinc Eccl. 41. Spiritus sanctus ait: *Curam habe de bono nomine.* Et ad Rom. 12. *Providentes bona non solum coram Deo, sed etiam coram omnibus hominibus.*

Inanem gloriam esse peccatum, luculentius probatur ex Scriptura sacra, ad Gal. 5. *Non efficiamur inanis gloriæ cupidi;* Et ad Philip. 2. *Nihil per contentionem, neque per inanem gloriam.* Hinc *S. August.* lib. 5. *De Civ. Dei*, cap. 13. ait: „Sanius videt, „ qui & amorem laudis vitium esse cognoscit; quod „ nec Poetam fugit Horatium, qui ait „:

*Laudis amore tumes? sunt certa piacula, qua te
Ter pure lecto poterunt recreare libello.*

Opponitur magnanimitati. Repugnat scilicet magnitudini animi, ut quis de his, quæ non sunt, gloriatur; aut res fragiles, caducas, modicas tanti faciat, ut ex illis gloriam captet, aut testimonio laudis humanæ nimium delectetur. Idque profanis etiam Philosophis, & Oratoribus notum fuit. *Aristoteles* enim lib. 4. *Ethicorum*, Magnanimum ait *Magis curare veritatem, quam opinionem.* Et *Cicero* lib. 1. de *Officiis*: „ Cavenda est (inquit) gloriæ cupiditas. „ Eripit enim animi libertatem, pro qua magnanimitas viris omnis debet esse contentio „.

Inanis gloria opponitur magnanimitati.

REGULÆ MORALES.

REGULA I.

Quibus in
casibus va-
na gloria
sit pecca-
tum mor-
tale.

Quamvis vana gloria non sit ex genere suo peccatum mortale, cum non repugnet ex se eharitati, qua Deus, & proximus diliguntur; dilectioni tamen Dei quibusdam in casibus contraria est, proindeque Mortale peccatum esse potest, ut docet S. Thom. art. 3. Quæstionis laudatæ. Primo: Ratione materiæ, de qua quis gloriatur, cum scilicet gloriatur de aliquo falso, quod contrariatur divinæ reverentiæ: Sic Rex Tyri gloriabatur Ezech. 28. dicens: *Deus ego sum, & in cathedra Dei sedi in corde maris.* Sic peccant, qui de Dei donis gloriantur, quasi ea non accepissent, contra illud Apost. 1. ad Cor. 4. *Quid habes, quod non accepisti? Si autem accepisti, quid gloriaris, quasi non acceperis?* Inanis gloriæ lethali peccato se devincunt, qui ex falsis; & novis opinionibus contra fidem, aut bonos mores gloriam captant; aut gloriæ desiderio aliquid docent ad Fidem catholicam pertinere, quod Ecclesiæ auctoritas dogma esse fidei nondum declaravit. Item, qui de peccato mortali, v. g. fornicatione, duello, &c. gloriantur, sive illud revera commiserint, sive non commiserint. Cui hominum generi convenit illud Isai. 3. *Peccatum suum sicut Sodoma predicaverunt.* Item, qui de peccatis lethalibus laudari amant; de quibus dicitur Psal. 9. *Laudatur peccator in desideriis animæ suæ, & iniquus benedicitur.* Sic peccabat adolescens S. August. ut ipse testatur lib. 2. *Confessionum*, cap. 3. 11. Præceps ibam (*Inquit*) tanta cæcitate, ut inter cœtaneos meos puderet me minoris dedecoris, quoniam audiebam eos jactantes flagitia sua, & tanto gloriantes magis, quanto magis turpes essent; & libeat facere non solum libidine facti, verum etiam laudis. Quid dignum est vituperatione nisi vitium? Ego, ne vituperarer, vitiosior fiebam, & ubi non suberat, quo admissio æquarer perditis, fingebam me fecisse, quod non feceram, ne viderer abjectior, quo eram innocentior, & ne vi-
lior

lior haberer, quo eram castior „ „. Et cap. 9. de furto pomorum cum sodalibus commisso loquens: „ „ O nimis (*inquit*) inimica amicitia ! seductio mentis investigabilis, ex ludo, & joco nocendi aviditas, & alieni damni appetitus; nulla lucri mei, nulla ulciscendi libidine; sed cum dicitur: Eamus, faciamus, & pudet non esse impudentem „ „.

R E G U L A II.

Secundo, inanis gloriæ peccatum mortale committit, ex S. Thoma: *Qui bonum temporale, de quo gloriatur, præfert Deo. Quod prohibetur Jer. 9. Non gloriatur sapiens in sapientia sua, inquit Deus, & non gloriatur fortis in fortitudine sua, & non gloriatur dives in divitiis suis; sed in hoc gloriatur, qui gloriatur, scire, & nosse me.*

R E G U L A III.

Tertio, in hoc genere mortaliter peccat: *Qui præfert testimonium hominum testimonio Dei.* Sic peccant hæretici, & quilibet pravarum opinionum Auctores, Doctores, vel Prædicatores, qui propositiones hæreticas, vel hæresi proximas, erroneas, scandalosas, aut piarum aurium offensivas, Ecclesiæ, vel Episcoporum, ac præcipue romani Pontificis jussu ejurare nolunt, & retractare, ne partæ famæ, ac gloriæ jacturam faciant, aut imminutionem patiantur. Item, qui necessarium virtutis officium prætermittunt; aut Deo ad perfectioris vitæ genus interius vocanti non obediunt, varios hominum rumores, & judicia, aut vituperium metuentes, exemplo Principum, qui crediderunt quidem in Jesum: *Sed propter Joan. 12. Phariseos non confitebantur, ut e Synagoga non ejicerentur. Dilexerunt enim gloriam hominum magis, quam Dei.*

R E G U L A IV.

Quarto, lethali vanæ gloriæ peccato se implicat: *Qui intentionem suam refert ad gloriam tanquam ad ultimum finem, ad quem scilicet ordinat etiam virtutis*
Tom. VII. D opt-

opera, & pro quo consequendo non pratermittit facere etiam ea, quæ sunt contra Deum : Verbi gr. qui metu infamiae a libidinosa muliercula intentatae, fornicationem, adulterium, aut aliud mortale peccatum committit, præclaris *Joseph*, & *Susanna* exemplis non abstergitus. Item, qui ob lethale peccatum, aut finem cum lethali peccato conjunctum, gloriam, vel humanam laudem aucupantur, v. gr. ut mulieris alicujus pudicitiam expugnent, vel ut ad dignitatem, aut Officiū ecclesiasticum, aut civilem præfecturam, seu magistratum perveniant, quibus tamen sunt indigni. Item, qui cum ad hujusmodi dignitates, beneficia, officia, præfecturas, vel magistratus pervenerint immeriti, popularem auram, & inanes famæ rumulculos emendicant, aut emunt, conductis hominibus, qui egregia de ipsis prædicent, & officiose mentiantur, ut dignitatibus hujusmodi, vel muneribus publicis gerendis non impares existimentur. Item, quicumque grave damnum inferre mavult proximo, quam famæ suæ discrimen subire : Verbi gratia, si medicus inanis gloriæ studio recuset accersere medicum alterum ipso forte doctiorem, & majoris experientiæ, ut communi consilio ægrum periculose laborantem procurent. Vel, si Theologus imperitus, aut semidoctus ad difficiles morales christianæ Quæstiones, seu casus conscientiae respondeat doctoribus inconsultis, ne imperitus, aut minus doctus videatur.

Confirmatur ex *S. August.* lib. 10. *Confessionum*, cap. 36. „ „ Timeri (*inquit*) & amari velle ab hominibus, non propter aliud, sed ut inde sit gaudium, quod non est gaudium, misera vita est, & foeda jactantia. Hinc fit, vel maxime non amare te, nec caste timere te. Ideoque tu superbis resistis, humilibus autem das gratiam... Itaque nobis quoniam propter quædam humanæ societatis officia necessarium est amari, & timeri ab hominibus, instat adversarius veræ beatitudinis nostræ, ubique spargens in laqueis, euge, euge; ut dum avidè colligimus,

gimus, incaute capiamur, & a veritate tua gaudium nostrum deponamus, atque in hominum fallacia ponamus; libeatque nos amari, & timeri, non propter te, sed pro te; atque isto modo sui similes factos secum habeat, non ad concordiam charitatis, sed ad consortium supplicii, qui statuit sedem suam ponere in aquilone, ut te perversa, & distorta via imitanti tenebrofi, frigidique fervirent „ „. *Et paulo post:* „ „ Qui laudari vult ab hominibus vituperante te, non defendetur ab hominibus judicante te, nec eripietur damnante te. Cum autem non peccator laudatur in desideriis animæ suæ, nec qui iniqua gerit, benedicatur, sed laudatur homo propter aliquod bonum, quod dedisti ei, at ille plus gaudet sibi laudari se, quam ipsum donum habere, unde laudatur; etiam iste te vituperante laudatur; & melior jam ille, qui laudavit, quam iste, qui laudatus est. Illi enim placuit in homine donum Dei; huic amplius placuit donum hominis, quam Dei „ „.

Et lib. 5. *De Civ. Dei* cap. 14. de cupiditate gloriæ sic loquitur: „ „ Huic igitur cupiditati melius resistitur sine dubitatione quam ceditur. Tanto enim quisque est Deo similior, quanto est ab hac immunditia mundior. Quæ in hac vita, etsi non funditus eradicatur ex corde, quia etiam bene proficientes animos tentare non cessat, saltem cupiditas gloriæ superetur dilectione justitiæ; ut si alicubi jacent, quæ apud quosque improbantur, si bona, si recta sunt, etiam ipse amor humanæ laudis erubescat, & cedat amori veritatis. Tam enim est hoc vitium inimicum piæ fidei, si major in corde sit cupiditas gloriæ, quam Dei timor, vel amor, ut Dominus diceret: *Quomodo potestis credere, gloriam ab invicem* Joan. 5. *exspectantes, & gloriam, quæ a solo Deo est, non querentes?* Item de quibusdam, qui in eum crediderant, & verebantur palam confiteri, ait Evangelista: *Dilexerunt gloriam hominum magis, quam Dei,* quod Joan. 12. SS. Apostoli non fecerunt, *Quos divina facientes, atque dicentes, divincque viventes, debellatis quodam-*

70 Theol. Dog. & Moral. Lib. III.

Matth. 6.

modo cordibus duris, atque introducta pace justitiæ, licet ingens in Ecclesia Christi gloria consecuta sit; non in ea tanquam in suæ virtutis fine quieverunt; sed eam quoque ipsam ad Dei gloriam referentes, cujus gratia tales erant, isto quoquo fomite eos, quibus consulebant, ad amorem illius, a quo & ipsi tales fierent, accendebant. Namque ne propter humanam gloriam boni essent, docuerat eos magister illorum dicens: Cavete, ne faciatis justitiam vestram coram hominibus, ut videamini ab eis; alioquin mercedem non habebitis apud Patrem vestrum, qui in cælis est. Non ergo, ut videamini ab eis, id est, hac intentione, ut eos ad vos converti velitis, quia non per vos aliquid estis; sed ut glorificent patrem vestrum, qui in cælis est, ad quem conversi fiant, quod estis „ „ Et c. 19. illud constare ait inter omnes veraciter pios: „ Neminem sine vera pietate, id est, veri Dei vero cultu veram posse habere virtutem; nec eam veram esse, quando gloriæ servit humanæ. Et Enarratione in Ps. 118. Serm. 29. Multi sunt, qui dicta sapientiæ studiosissime inquirent, eamque in doctrina, non in vita volunt habere, ut non per mores, quos jubet sapientia, perveniant ad Dei lucem; sed per sermones, quos habet sapientia, perveniant ad hominum laudem, quod est vana gloria. Non ergo sapientiam quærunt, alioqui viverent secundum ipsam; sed volunt verbis ejus inflari; & quanto magis inflantur, tanto magis efficiuntur extra ipsam „ „

R E G U L A V-

Extra casus propositos, inanis gloria veniale tantum peccatum est, ut docet S. Thomas. „ Si amor (*inquit*) humanæ gloriæ, quamvis sit inanis, non tamen repugnet charitati, neque quantum ad id, de quo est gloriæ, neque quantum ad intentionem gloriam quærentis, non est peccatum mortale, sed veniale „ „ Sed tamen periculotissimum, proindeque omni studio fugiendum; tum quia bonum opus amittit vim merendi vitam æternam, si propter

pter inanem gloriam fiat; nullus enim peccando, etiam venialiter, meretur vitam æternam: tum quia „ Inanis gloria est dispositio ad gravia peccata, in quantum scilicet per inanem gloriam redditur homo præsumptuosus, & nimis de seipso confidens. Et sic etiam paulatim disponit ad hoc, quod privetur interioribus bonis „ „ (inquit S. Thomas ad 3.)

Eo autem periculosior est hic morbus, quo occultior. Nam plerumque ob aliorum utilitatem spiritali se gloria & laude humana delectari putant homines iusti, & tamen gloriam, & laudem propter seipsum amant, ut docet S. August. arcanos animi tui sensus, ac motus circa gloriæ cupiditatem, post conversionem suam exponens, lib. 10. *Confessionum*, cap. 37. „ Nolle (inquit) ut vel auget mihi gaudium cujuslibet boni mei suffragatio oris alieni. Sed auget, fateor, non solum, sed & vituperatio minuit. Et cum ista miseria mea perturbor, subintrat mihi excusatio, qualis sit, tu scis Deus, nam me incertum facit. Quia enim nobis imperasti non tantum continentiam, id est, a quibus rebus amorem cohibeamus, verum etiam iustitiam, id est, quo eum conferamus; nec te tantum voluisti a nobis, verum etiam proximum diligere, sæpe mihi videor de profectu, aut spe proximi delectari, cum bene intelligentis laude delector; & rursus ejus mala contristari, cum eum audio vituperare, quod aut ignorat, aut bonum est. Nam, & contristor aliquando laudibus meis, cum vel ea laudantur in me, in quibus ipse mihi displiceo; vel etiam bona minora, & leviora pluri æstimantur, quam æstimanda sunt. Sed rursus unde scio, an propterea sic afficior, quia nolo de me ipso a me dissentire laudatorem meum; non quia illius utilitate moveor, sed quia eadem bona, quæ mihi in me placent, jucundiora sunt, cum & alteri placent? Quodammodo enim non ego laudor, cum de me sententia mea non laudatur; quandoquidem aut illa laudantur, quæ mihi displiceant, aut illa amplius, quæ mihi minus placent.

De inanis
gloriæ peri-
culo.

Ergone de hoc incertus sum mei? Ecce in te veritas, video non me laudibus meis propter me, sed propter proximi utilitatem moveri oportere. Et utrum ita sit, nescio. Minus mihi in hac re notus sum ipse, quam tu. Obsecro te, Deus meus, & me ipsam mihi indica. . . Si utilitate proximi moveor in laudibus meis, cur minus moveor, si quisquam alius injuste vituperetur, quam si ego? Cur ea contumelia magis mordeor, quæ in me, quam quæ in alium eadem iniquitate coram me jacitur? An & hoc nescio? Etiamne id restat, ut ipse me seducam, & verum non faciam coram te in corde, & lingua mea? Infaniam istam, Domine, longe fac a me „ „

Et cap. 38. „ „ Egenus, & pauper ego sum, & melior in occulto gemitu displicens mihi, & quærens misericordiam tuam, donec reficiatur defectus meus, & perficiatur usque in pacem, quam nescit arrogantis oculus. Sermo autem ore procedens, & facta, quæ innotescunt hominibus, habent tentationem periculosissimam ab amore laudis, qui ad privatam quamdam excellentiam contrahit emendicata suffragia; tentat, & cum a me in me arguitur; & sæpe homo de ipso vanæ gloriæ contemptu vanius gloriatur „ „

Ejusdem morbi periculum ostendit lib. 2. *De Sermone Domini in monte*, cap. 1. „ „ Oculo cordis magna ex parte mundato (*inquit*) difficile est non subrepere sordes aliquas de his rebus, quæ ipsas bonas nostras actiones comitari solent, veluti est laus humana. Siquidem non recte vivere perniciosum est; recte autem vivere, & nolle laudari, quid est aliud quam inimicum esse rebus humanis, quæ utique tanto sunt miseres, quanto minus placet recta vita hominum? Si ergo inter quos vivis, te recte viventem non laudaverint, illi in errore sunt; si autem laudaverint, tu in periculo; nisi tam simplex cor habueris, & mundum, ut ea, quæ recte facis, non propter laudem hominum facias; magisque illis recta laudantibus gratuleris, quibus id, quod bonum est, placet, quam tibi ipsi, quia recte viveres, etiam-

si nemo laudaret; ipsamque laudem tuam tunc intelligas esse utilem laudantibus, si non te ipsum in tua vita bona, sed Deum honorent, cujus sanctissimus templum est, quisquis vivit bene „„.

Et Serm. 12. in Psal. 118. explicans hunc versum : *Averte oculos meos, ne videant vanitatem*, illumque conferens cum hac Domini sententia : *Si oculus tuus fueris simplex*, &c. ait : „„ Proinde magni interest, cum aliquid boni facinus, cujus rei contemplatione faciamus. Officium quippe nostrum non officio, sed fine pensandum est; ut scilicet non tantum si bonum est, quod facimus, sed præcipue, si bonum est, propter quod facimus, cogitemus. Hos oculos, quibus contemplamur, quare faciamus, quod facimus, averti poscit, ne videant vanitatem, id est, ne hanc attendat, propter quam faciat, cum boni aliquid facit. In qua vanitate præcipuum locum obtinet amor laudis humanæ, propter quam multa magna fecerunt, qui magni in hoc seculo nominati sunt, multumque laudati in civitatibus gentium, quærentes non apud Deum, sed apud homines gloriam, & propter hanc velut prudenter, fortiter, temperanter, justeque viventes, ad quam pervenientes perceperunt mercedem suam, vani vanam. Ab hac vanitate volens Dominus avertere oculos suorum : *Attendite* (inquit) *ne justitiam vestram faciatis coram hominibus, ut videamini ab eis, alioqui mercedem non habebitis apud Patrem vestrum, qui in cælis est.* Deinde cum ipsius justitiæ partes quasdam exequeretur, præcipiens de eleemolynis, de oratione, de jejuniis, ubique id admonuit, ne aliquid eorum propter gloriam hominum fiat, & ubique dicit, eos, qui propterea faciunt, percepisse mercedem suam, id est, non æternam, quæ Sanctis reposita est apud patrem, sed temporalem, quam quærent, qui contemplantur in suis operibus vanitatem; non quia ipsa laus humana culpanda est, nam quid tam optandum est hominibus, quam ut eis placeant, quæ debeant imitari? Sed propter ipsam laudem bene operari, hoc est va-

Matth. 6.

nitatem in suis operibus intueri. Quandoquidem & ipsa ab hominibus laus homini iusto quantacunque provenerit, non ibi esse debet ejus finis boni, sed etiam ipsa referenda est ad laudem Dei, propter quem bona faciunt vere boni; quoniam non a se ipsis, sed ab illo, fiunt boni. Denique in eodem sermone Dominus jam dixerat eis: *Luceat lumen vestrum coram hominibus, ut videant opera vestra bona, & glorificent Patrem vestrum, qui in celis est.* Ubi finem posuit, hoc est, in gloria Dei, hoc debemus, quando aliquid boni facimus, intueri, si avertantur a vanitate oculi nostri. Non ergo sit finis operis boni in laudibus hominum, sed ipsas laudes hominum corrigamus, & ad Dei laudes omnia referamus, a quo nobis datur, quidquid in nobis sine laudantis errore laudatur.

Matth. 9.

ARTICULUS XIII.

Remedia contra vanam gloriam.

I. **A**d inanem gloriam expugnandam, consideranda est illius vanitas. Joan. 8. *Si ego gloriam meam quero, gloria mea nihil est.*

Operum
nostrorum
defectus
consideran-
di

Secundo, considerandi sunt operum nostrorum defectus plurimi, frequentissimi, sæpe nobis ignoti. II. 64. *Facti sumus ut immandi omnes nos, & quasi pannus menstruata universa justitie nostræ.* Sæpe scilicet, quod nobis justitia videtur, & meritum, ubi ad examen divinum vocatur, injustitia est; & *Sordet in conspectu judicis, quod fulget in estimatione operantis;* (inquit S. Græg.) Hinc Job 4. dicitur: *Nunquid homo Dei comparatione justificabitur? ... Ecce, qui serviunt ei, non sunt stabiles, & in Angelis suis reperit pravitatem; quanto magis hi, qui habitant domos luteas, qui terrenum habent fundamentum, consumentur velut a tinea?*

Quidquid
boni in o-
peribus no-
stris est, Dei
munus est.

Tertio, considerandum est, quidquid boni in operibus nostris est, Dei munus esse, proindeque totum illi acceptum referri debere, Ilaïæ 26. *Omnia*

ope-

opera nostra, operatus es nobis. Ad Phil. 2. Deus est, qui operatur in vobis, & velle, & perficere pro bona voluntate. Vult esse nostra merita, quæ sunt sua dona, & cum merita nostra remunerat, coronat sua dona in nobis. „„ Absit ergo (inquit sacra Synodus Tridentina) ut christianus homo in seipso vel confidat, vel gloriatur, & non in Domino; cuius tanta est erga omnes homines bonitas, ut eorum velit esse merita, quæ sunt ipsius dona. Et quia in multis offendimus omnes, unusquisque sicut misericordiam, & bonitatem, ita severitatem, & iudicium ante oculos habere debet, neque seipsum aliquis, etiamsi nihil sibi conscius fuerit, iudicare; quoniam omnis hominum vita non humano iudicio examinanda, & iudicanda est, sed Dei; qui illuminabit abscondita tenebrarum, & manifestabit consilia cordium; & tunc laus erit unicuique a Deo, qui, ut scriptum est, reddet unicuique secundum opera sua „„ Quamobrem In nullo gloriandum, quando nostrum nihil sit. Quam S. Cypriani sententiam contra Pelagianos non semel laudat S. August. Et propterea recte dictum ab Apostolo intelligitur: Non Rom. 9. 16. volentis, neque currentis, sed miserentis est Dei; (inquit idem S. Doctor Enchiridii cap. 32.) „ Ut totum Deo detur, qui hominis voluntatem bonam, & præparat adjuvandam, & adjuvat præparatam „ Et S. Hieron. adversus Pelagium ad Cresiphontem: „„ Velle, & currere meum est, sed ipsum meum sine Dei semper auxilio non erit meum. Semper largitor, semperque donator est. Non mihi sufficit, quod semel donavit, nisi semper donaverit.. Cum me putavero ad calcem pervenisse virtutum, tunc habebo principium.. Hæc hominibus sola perfectio, si imperfectos esse se noverint, &c „„ Dicamus igitur Deo cum Davide 1. Paral. 29. Tua sunt omnia, & quæ de manu tua accepimus, dedimus tibi. Et Ps. 113. Non nobis Domine, non nobis, sed nomini tuo da gloriam. Ne Deo surripiamus, quod ipse est, sed fidelitatem Joab strenui ducis erga Davi-

4. Reg. 12.
27.

dem Regem Dominum suum imitemur; qui expugnans Rabbath urbem regiam Ammonitarum, gloriam omnem victoriæ illi tribui voluit, sic ad illum scribens: *Dimicavi adversum Rabbath, & capienda est urbs aquarum, Nunc igitur congrega reliquam partem populi, & obside civitatem, & cape eam; ne cum a me vastata fuerit urbs, nomini meo adscribatur gloria.* Audiamus præceptum Domini, Luc. 17. *Es vos, cum omnia feceritis, dicite; Servi inutiles sumus; quod debuimus facere, fecimus.* Si inutilis est, qui fecit omnia, quid de illo dicendum, qui officia sua non explevit (dicamus cum Propheta, Psal. 84. *Deus tu conversus vivificabis nos; & plebs tua lætabitur in te.* Hoc est, non quasi nos ipsi nostra sponte sine misericordia tua convertimur ad te, & tu vivificabis nos; sed *Tu conversus vivificabis nos*; ut non solum vivificatio nostra a te sit, sed etiam ipsa conversio sit, ut vivificemur. *Et plebs tua lætabitur in te, Nam „ „* Malo suo lætabitur in se, bono suo lætabitur in te. Quando enim voluit habere gaudia de se, invenit planctum in se. Nunc vero quia totum gaudium nostrum Deus est, qui vult securus gaudere, in illo gaudeat, qui non potest perire. *Ostende nobis Domine, misericordiam tuam.* Felix est cui ostendit Deus misericordiam suam. Ostendendo enim illi misericordiam suam, persuadet illi, quia quidquid boni habet ipse homo, non habet nisi ab illo, qui omne bonum nostrum est. Et cum viderit homo quidquid boni habet, non se habere a se, sed a Deo suo, videt; quia totum, quod in illo laudatur, de Dei misericordia est, non de meritis ipsius, & videndo ista non superbit, non superbiendo non extollitur, non se extollendo non cadit, non cadendo stat, stando inhæret, inhærendo manet, manendo perfruitur, & lætatur in Domino Deo suo „ „ (inquit S. August. Enarratione in Psal. 84.)

Æternæ
gloriæ præ-
mio nos va-
na gloria
frustratur.

Quarto, considerandum est æternæ gloriæ præmium, quo nos frustratur vana gloria. Unde „ „ Si cor veraciter humile est, bona, quæ de se audit, aut
mi-

minime recognoscit, & quia falsa dicuntur, metuit; aut certe si adesse ea sibi veraciter scit, eo ipso formidat, ne ab æterna Dei retributione sint perdita, quo hæc considerat hominibus divulgata; pavetque vehementer, ne Ipse futuri muneris, in mercedem permutetur transitorii favoris » » (inquit S. Greg. lib. 22. *Moralium*, cap. 5.)

Quinto, considerandum est Christi Salvatoris nostri exemplum, qui vanam gloriam fugiendam, verbis, factisque docuit, miracula sua celari jubens. *Matth. 8* Leprolo a se mundato ait: *Vide nemini dix- ris*, *Matth. 9.* duobus cæcis, quibus visum restitue- rat, comminatus est, dicens: *Videte, ne quis sciat*, *Matth. 17.* tribus discipulis gloriosæ Transfigurationis suæ testibus præcepit, dicens: *Nemini dixeritis Vi- sionem*, *donec Filius hominis a mortuis resurgat*. *Luc. 10.* Septuaginta duobus discipulis cum gaudio dicen- tibus: *Domine, etiam demonia subjiciuntur nobis in no- mine tuo*, casum Angelorum reproborum de cælo ob oculos posuit, ut elationis motum in ipsis reprime- ret; *Videbam* (inquit) *satanam sicut fulgur de cælo ca- dentem*, *Ecce dedi vobis potestatem calcandi supra serpen- tes, & scorpiones, & super omnem virtutem inimici; & nihil vobis nocebit. Verumtamen in hoc nolite gaudere, quia Spiritus vobis subjiciuntur*. *Joan. 8.* Ego non quæro gloriam meam; est, qui quærat, & judicet. Denique Proposito sibi gaudio sustinuit crucem, confusione contem- pta, (ut ait Apost. ad *Hebr. 12.*)

Christi ex-
emplum
nos a vanæ
gloria de-
terreret de-
bet.

Sexto, avertendi sunt oculi a bonis operibus nostris, & in defectus nostros, ac peccata reflectendi, ut cum S. *Job* vere dicere possimus: *Si vidi solem cum fulgeret, & Lunam incedentem clare, & osculatus sum manum meam ore meo, quæ est iniquitas maxima, & negatio contra Deum altissimum*. Quasi diceret: » » Opus meum etiam cum aliis exemplorum lucem tribueret, ad præsumptionis gratiam non attendi; quia dum de eo extolli timui, ab intuen- do eo oculos averti (inquit S. Greg. lib. 22. *Moralium*, cap. 5.) Post præmis- sum solem, apte quoque incedentem clare lunam sub-

Job 31.
Oculi no-
stri a bonis
operibus
nostris aver-
tendi, & in
peccata no-
stra refle-
ctendi.

subdidit; quia post opus bonum fama laudabilis sequitur, per quam celebre nomen in hac præsenti vitæ nocte possidetur... Quia igitur sanctum virum magnitudo operis non inflavit, solem fulgentem non vidit. Quia autem illum nec fama laudis extulit, clare incedentem lunam minime attendit... Sic autem profectus est hominum, sicut incrementa esse conspiciamus arbuſtorum. Vis quippe futuræ arboris prius in semine est, postmodum in ortu, atque ad extremum producet in ramis. Sic nimirum si uniuscujusque virtus succrescit operantis. Seminatur namque in intelligentia, oritur in operatione, atque ad ultimam convalescit usque ad profectus magni latitudinem. Sed cum quemlibet sua intelligentia extolliſſet, arbor, quæ oriri poterat, in semine putrescit. Cum vero post operationem bonam elationis peste corrumpitur, quasi jam orta siccatur. Cum autem neque intelligentia, neque operatio corrumpit, sed excreſcente magnitudine, dum favor laudantium sequitur, atque a statu suo bene operantis animum averſit, linguarum ventos arbor protulit, & omne quod in ea robustum creverat, tempeſtas tamæ radicibus evulſit... Sæpe enim laus bene agentis auribus insolenter admota, dum toris sermonibus perſtrepit, intus quamdam menti tacitam elationis tempeſtatem gignit; fitque ut hoc quod animus de humanis favoribus gaudet, non facile exterius ostendat, sed tamen corruptionis vim non tenuiter interius lentiat. Et sunt nonnulli, quos ita laus inflat, ut usque ad verba elationis pertrahat. Unde B. Job, quia nôverat arrogantem se non solum nullo modo in verbis, sed etiam in cogitatione quoque tacita minime fuisse, postquam dicit: *Si vidi solem cum fulgeret, & lunam incedentem clare*, illico subdidit: *Et latatum est in abscondito cor meum*. Qua videlicet attestazione quid nobis innuitur, nisi quod magno metu, & circumspectione opus est, ne mens nostra unquam de suis laudibus vel tacita lætetur? Quisquis enim quasi claritatem lunæ, tamæ suæ magnitudinem contem-

sit,

cit, sibi in occulto mentis gaudium facit; cui iste nili auctori se prætulit, cujus dono, ut bene operaretur, percepit, & tamen in ejus munere de gratia suæ laudis hilarescit? Despecto enim honore Conditoris, semetipsum plus amare convincitur, cujus præconis lætatur. . . Et quia plerumque incon- siderata mens, dum transitoria favori non renititur, ad hoc utque pertrahitur, ut laudet ipsa, quod facit; congrue subintertur: *Et osculatus sum manum meam ore meo*. Per manum quippe operatio, per os locutio designatur. . . Manum ergo suam osculatur ore suo, qui laudat, quod facit, & testimonio propriæ locutionis sibi virtutem tribuit operis. Qua in re quis despiciatur, nili is, qui ipsa operandi munera largitur? Unde bene per egregium Prædicatorem dicitur: *Quid autem habes quod non accepisti? Si autem accepisti, quid gloriaris, quasi non acceperis?* Sancti autem viri sciunt post primi Parentis lapsum de corruptibili stirpe se editos, & non virtute propria, sed præveniente superna gratia, ad meliora se vota, vel opera commutatos; & quidquid sibi mali inesse cognoscunt, de mortali propagine sentiunt meritum. Quidquid vero in se boni inspiciunt, immortalis gratiæ cognoscunt donum, eique de accepto munere debitores fiunt, qui & præveniando dedit eis bonum velle, quod noluerant, & sublequendo concessit bonum posse quod volunt. Unde bene per Joannem dicitur: *Adoraverunt viventem in secula seculorum mittentes coronas suas ante thronum Domini*. Coronas namque suas ante thronum Domini mittere est, certaminum suorum victorias non sibi tribuere, sed Auctori; ut ad illum referant gloriam laudis, a quo se sciunt vires accepisse certaminis. Beatus vero Job, quia, sic bona, quæ operatus est, narrat, ut tamen hæc suæ operationi non tribuat, sed ad auctoris laudem recurrat, manum suam ore suo osculatam se fuisse denegat. Ac si patenter dicat: Ego mea opera tanquam mea non profero; quia Auctoris sui gratiam negare convincitur, quilibet sibi tribuit, quod operatur. Unde

1. Cor. 4.

Apoc. 4.

de protinus subdit : *Qua est iniquitas maxima, & negatio contra Deum altissimum*, liquet etenim, quia illum negat, cujus despecta gratia, sibi vires boni operis arrogat. Quod recte quoque & iniquitas maxima vocatur; quoniam omne peccatum, quod ex infirmitate est, spem nequaquam perdit, quia a superbo iudice veniam requirit. Præsumptio autem virtutis propriæ tanto gravius in desperatione est, quanto longius ab humilitate. Cumque vires sibi tribuit operis, ad adiutorium non recurrit auctoris; fitque ut eo gravius peccator pereat, quo & ipsum hoc, quia est peccator, ignorat „ „.

Hinc ante *Gregorium* scripsit *S. August.* lib. 5, de *Civitate Dei*, c. 20. „ „ Qui vera pietate in Deum, quem diligit, credit, & sperat, plus intendit in ea, in quibus sibi displicet; quam in ea, si quæ in illo sunt; quæ non tam ipsi, quam veritati placent; neque id tribuit, unde jam potest placere, nisi ejus misericordiæ, cui metuit displicere; de his sanatis gratia agens, de illis sanandis preces fundens „ „.

Divini judi-
cii confide-
ratio.

Septimo, ad divini iudicii considerationem recurrendum est, ut vanæ gloriæ morbus sanetur. Nam dum vir justus bona, quæ egit, ab hominibus laudari cognoscit, subtile contra se extremi iudicii examen metuit, ac trepidus ad conscientiam recurrit, & quidquid illic inest reprehensibile, corrigit. „ „ Dum enim bona sua innotuisse formidat, subtilitatem secuturi examinis pertimescens, si qua in se mala occulta sunt, amputat. Pavet namque si saltem talis Deo non ostenditur, qualis ab hominibus putatur; & neque contentus est, ut in quo potuit innotescere, in hoc debeat remanere. Jam enim de bonis suis quasi retributionem sibi factam æstimat, nisi eis & alia, quæ ab hominibus nesciuntur, adjungat. Unde bene per *Salomonem* dicitur : *Sicut probatur in conflatorio argentum, & in fornace aurum, ita probatur homo ore laudantis.* Argentum quippe, vel aurum, si reprobum est, igne consumitur; si probum vero igne declaratur. Sis nimirum est & sensus ope-
ran-

Prov. 27.

rantis; nam qualis sit, in eo quod laudatur ostenditur. Si enim se auditis suis laudibus extollit, quid iste aliud, quam aurum, vel argentum reprobum fuit, quem videlicet fornax linguæ consumpsit? Si autem favores suos audiens, ad superni iudicii considerationem redit, ac ne de his apud occultum arbitrum gravetur, metuit; quasi expurgationis igne ad magnitudinem claritatis excrefcit; & unde incendium trepidationis lultinet, inde clarius fulget „ „; (*inquit ibidem S. Greg.*)

Consideremus ergo, quid nobis defit ad christianæ, Confiderandum, quid nobis
spiritualilque vitæ perfectionem, non quid egerimus, li quid boni egimus; & cum David dicamus: *Notum fac mibi, Domine, finem meum. . Ut sciam, quid defit mibi.* Et cum Apostolo: *Ego me non arbitror comprehendiffe. Unum autem, quæ quidem retro sunt obliuifcens, ad ea vero, quæ funt priora, extendens me ipsum, ad destinatum persequor, ad bravium supernæ vocationis Dei in Christo Jefu. Et quicumque perfecti sumus, hoc sentiamus.* Nec illos imitemur, qui cum bona aliqua faciunt, iniquitatum fuarum protinus obliuifcuntur, & cordis oculum in confideratione bonorum operum, quæ exhibent, figunt; atque eo fe jam Sanctos exultimant, quo inter bona, quæ agunt, malorum fuorum, in quibus & fortaffe adhuc implicati funt, memoriam declinant. „ „ Qui fcilicet li diftinctionem iudicis vigilanter attenderent, plus de malis fuis metuerent, quam de imperfectis bonis exultarent; plus infpicerent, quod de his, quæ adhuc eis agenda funt, debitores tenentur, quam quod operantes quædam, jam debiti partem folvunt. Neque enim abfolutus eft debitor, qui multa reddit, fed qui omnia; nec ad bravium victoriæ pervenit, qui in magna parte fpectaculi velociter currit, fi juxta metas veniens, in hoc, quod reliquum eft, deficit. Nec ad quælibet deftinata loca pergentibus inchoando prodeft longum iter carpere, fi non etiam valeant consummare. Qui ergo æternam vitam quærimus, quid aliud quam quædam itinera agimus,

Confiderandum,
quid nobis
defit.
Pfalm. 38.
Phil. 3.

mus, per quæ ad patriam festinamus? Sed quid prodest, quod carpinus multa, si ea, quæ ad perveniendum restant, negligimus reliqua? More itaque viatorum, nequaquam debemus alpicere, quantum jam iter egimus, sed quantum superest, ut peragamus. Amplius debemus inspicere, quæ bona necdum fecimus, quam ea, quæ jam nos fecisse gaudemus „ „.

Hinc *S. August.* Enarratione in Ps. 38. „ „ In comparatione (*inquit*) illius, quod est, attendens ista, quæ non ita sunt, & plus mihi videns deesse, quam adesse, ero humilior ex eo, quod deest, quam elatior ex eo, quod adest. Nam qui putant se aliquid habere, cum hic vivunt, superbiendo non accipiunt, quod deest; quia magnum putant esse, quod adest. Qui enim putat se esse aliquid, cum nihil sit, semetipsum seducit. Nec isti ex hoc magni sunt. Nam & inflatio, & tumor imitatur magnitudinem, sed non habet sanitatem „ „.

Cæterum Christianus „ „ In laudatoribus suis quamvis parvipendat, quod eum laudant, non tamen parvipendit, quod amant; nec eos vult fallere laudantes, ne decipiat diligentes; ideoque instat ardentem, ut potius ille laudetur, a quo habet homo, quidquid in eo jure laudatur (*inquit S. August.* lib. 5. de Civitate Dei, cap. 19.)

Præclara
moralis
christianæ
regula.

Denique observanda est præclara illa moralis christianæ regula, quam *S. August.* tradit Ep. 22. alias 64. ad *Aurelium* Carthaginensem Episcopum, ubi sic loquitur de Prælato: „ „ Seipsum præbet patientiæ, atque humilitatis exemplum, minus sibi assumendo quam offertur; sed tamen ab eis, qui se honorant, nec totum, nec nihil accipiendo, & id, quod accipitur laudis, aut honoris, non propter se, qui totus coram Deo esse debet, & humana contemnere; sed propter illos accipitur, quibus consulere non potest, si nimia dejectione vilescat. Magnum est de honoribus, & laudibus hominum non lætari, sed & omnem pompam inanem præcidere, & si quid inde necessarium retinetur, id totum ad utilitatem honorantium, salu-

salutemque conferre. Non enim frustra dictum est: *Deus confringet ossa hominum placere volentium.* Quid Psal. 52.
enim languidius, quid tam sine stabilitate, ac fortitudine, quod ossa significant, quam homo, quem male loquentium lingua debilitat, cum sciat falsa esse, quæ dicuntur? Cujus rei dolor nullo modo animæ vilcera dilaniaret, si non amor laudis ossa ejus confringeret. . . Non hujus hostis vires sentit, nisi qui ei bellum indixerit; quia si cuiquam facile est laude carere, dum denegatur, difficile est ea non delectari, cum offertur; & tamen tanta mentis in Deum debet esse suspensio, ut si non merito laudemur, corrigamus eos, quos possumus; ne arbitrentur aut in nobis esse, quod non est, aut nostrum esse, quod Dei est; aut ea laudent, quæ quamvis, non desint nobis, aut etiam supersint, nequaquam sunt laudabilia; velut sunt bona omnia, quæ vel cum pecoribus habemus communia, vel cum impiis hominibus. Si autem merito laudamur, propter Deum, gratulamur eis, quibus placet verum bonum; non tamen nobis, quia placemus hominibus; sed si coram Deo tales sumus, quales non esse credunt, & non tribuitur nobis, sed Deo, cujus dona sunt omnia, quæ vere, meritoque laudantur. Hæc mihi ipse canto quotidie, vel potius ille, cujus salutaria præcepta sunt, quæcunque sive in divinis lectionibus inveniuntur, sive quæ intrinsecus animo suggeruntur; & tamen vehementer cum adversario dimicans, sæpe ab eo vulnera capio, cum delectationem oblatae laudis mihi auferre non possum „ „

ARTICULUS XIV.

De vana gloriæ filiabus.

Inanem gloriam vitium esse capitale, post *S. Gregorium* docet *S. Thomas*, quia ex illius inordinato appetitu multa vitia oriuntur. Nec vero necesse est, ut vitium capitale semper sit peccatum mortale: *Quia etiam ex veniali peccato potest mortale oriri, in quantum scilicet veniale disponit ad mortale.* Secunda secundæ q. 132. ar. 4.

Tom. VII.

E

Se-

Septem
inanis glo-
riæ filia.

Septem porro inanis gloriæ filias *S. Gregor.* lib. 30. *Moralium*, cap. 31. recenset: *Inobedientiam*, *jaſtantiam*, *hypocriſim*, *contentionem*, *pertinaciam*, *diſcordiam*, & *novitatum præſumptionem*. „Vitia enim, quæ ad finem alicujus vitii capitalis ordinantur, dicuntur filiæ ejus; (inquit *S. Thom.* 2. 2. q. 132. art. 5.) „Finis autem inanis gloriæ eſt manifeſtatio propriæ excellentiæ. Ad quod poteſt homo tendere dupliciter. Uno modo directe, ſive per verba, & ſic eſt *Jaſtantia*; ſive per facta, quæ ſi ſint vera, & aliquam admirationem patientia, eſt *Præſumptio novitatum*, quas homines ſolent magis admirari; ſi autem falſa ſint, eſt *Hypocriſis*. Alio modo nititur aliquis manifeſtare ſuam excellentiam indirecte, oſtendendo ſe non eſſe alio minorem; idque quadrupliciter. Primo quidem quantum ad intellectum, & eſt *Pertinacia*, per quam homo nimis innititur ſuæ ſententiæ, nolens cedere ſententiæ meliori. Secundo, quantum ad voluntatem, & eſt *Diſcordia*, dum non vult a propria voluntate diſcedere, ut aliis concordet. Tertio, quantum ad locutionem, & eſt *Contentio*, cum aliquis verbis clamoroſe contra alium litigat. Quarto; quantum ad factum, & eſt *Inobedientia*, dum ſcilicet aliquis non vult exequi ſuperioris præceptum.

ARTICULUS XV.

De inobedientia inanis gloriæ filia primogenita.

Quid ſit inobedientia.

Inobedientia eſt peccatum, quo violatur præceptum ſuperioris ex contemptu; ut docet *S. Thom.* 2. 2. qu. 105. art. 1.

REGULA I.

Quando inobedientia ſit mortale peccatum.

Mortale autem peccatum eſt etiam in rebus minoribus, ſi ſit perfectus contemptus, id eſt, ſi quis ita ſit affectus, ut nullo parere velit ſuperiori, quidquid præcipiat, & ideo renuit aliquid agere, vel pati, quia præceptum eſt. Peccatum enim mortale

talē est, quod repugnat charitati, qua diliguntur Deus, & proximus. Exigit autem charitas Dei, ut ejus mandatis obediatur. Et ideo *Inobedientem esse divinis praeceptis, est peccatum mortale, quasi divina dilectioni contrarium.*

In praeceptis autem divinis continetur, ut etiam Superioribus obediatur. Et ideo etiam *Inobedientia, qua quis inobediens est praeceptis Superiorum, est peccatum mortale, quasi divina dilectioni contrarium; secundum illud ad Rom. 13. Qui potestati resistit, Dei ordinationi resistit.* Unde etiam ad Rom. 1. & 2. ad Tim. 3. inter mortalium peccatorum reos, numerantur *Parentibus non obediētes.* Repugnat etiam dilectioni proximi, quatenus *Superiori proximo subtrahit obedientiam, quam ei debet.*

Peccati inobedientiae gravitatem testatur *Saulis Regis* reprobatio propter inobedientiam. Missus enim a Deo ad delendos funditus Amalecitas, Agg eorum Regi pepercit. multamque praedam, & greges ovium, armenta quoque bovum, specie pietatis, quasi ad sacrificia Deo offerenda, contra ejus mandatum servavit. Quamobrem a Samuele Propheta his verbis reprehensus est, ut habetur 1. Reg. 15. *Nunquid vult Dominus holocausta, & victimas, & non potius ut obedias voci Domini? Melior est enim obedientia, quam victimae; & auscultare magis, quam offerre adipem arietum.* Quoniam quasi peccatum arrolandi est repugnare; & quasi scelus idololatriae nolle acquiescere. Pro eo ergo quod abjecisti sermonem Domini, abiecit te Dominus, ne sis Rex. Quem locum egregie S. Bernard, explicat lib. de *Præcepto, & Dispensatione*, cap. 11. „Blasio (inquit) contemnentis, atque inpenitentis obstinatio, in minimis quoque peccatis culpam facit non minimam, & convertit in crimen gravis rebellionis narium satis levis & simplicis transgressionis. Denique in quo inobedientiae crimen, & absque dubio sit, apud Samuelem advertite. *Quasi (inquit) peccatum arrolandi est repugnare, & quasi scelus idololatriae nolle acquiescere.* Non ait: Non acquiescere, Sed, Nolle ac-

Saulis Regis reprobatio propter inobedientiam.

1. Reg. 15

66 Theol. Dog. & Moral. Lib. III.

quiescere ; ut non jussionis simplex ipsa transgressio , sed voluntatis superba contentio scelus idololatriæ reputetur. Non est enim ipsum nolle obedire , & non obedire. Hoc quippe interdum erroris est , non nunquam & infirmitatis ; illud vero , aut odiosæ pertina- ciæ , aut contumaciæ non ferendæ. Quod & ipsum repugnare est , & resistere Spiritui sancto , & si ad mor- tem usque perduraverit , blasphemia est non remit- tenda sive in hoc seculo , sive in futuro. Non ergo qualiscunque mandati præteritio criminalem facit in- obedientiam , sed repugnare , sed nolle obedire „ „

R E G U L A II.

„ „ **T**anto gravior est inobedientia , quanto supe-
rior est , qui præcipit. Quamobrem gravius
peccatum est inobedientem esse Deo , quam homi-
ni „ „ *Ad. 9. 29.* Siquidem *Oportet magis obedire Deo , quam*
hominibus.

R E G U L A III.

„ „ **I**nobedientia , qua divinum mandatum contem-
nitur , eo gravior est , quo melius est , majo-
risque momenti , quod Deus præcipit : *Quia cum*
voluntas Dei per se feratur ad bonum , quanto aliquid
est melius , tanto Deus vult illud magis impleri. Un-
de qui inobediens est præcepto de dilectione Dei ,
gravius peccat , quam qui inobediens est præcepto
de dilectione proximi „ „ (*inquit S. Thomas.*)

R E G U L A IV.

„ „ **I**n iis , quæ præcipiuntur ab homine , eo gra-
vior est inobedientia , quo superior magis vult
fervari suum præceptum. *Voluntas enim hominis non*
semper in id magis fertur , quod melius est , & ideo ubi
obligamur ex solo hominis præcepto , non est gra-
vius peccatum ex eo , quod majus bonum præteri-
tur , sed eo , quod præteritur illud , quod est magis
de intentione præcipientis „ „ (*inquit S. Thomas*
art. 2. ejusdem quæstionis.)

R E.

REGULA V.

„ **I**nobedientia, qua contemnitur præceptum hominis, levior est peccato, quo contemnitur ipse præcipiens; quia ex reverentia præcipientis procedere debet reverentia præcepti „ „ (ait idem angelicus Doctor.)

REGULA VI.

Pari ratione peccatum, quod directe pertinet ad contemnitur Dei, sicut blasphemia, & idololatRIA, gravius est eo, in quo contemnitur solum Dei præceptum. Ita S. Thomas, ibidem.

REGULA VII.

„ **N**on omnis inobedientia est peccatum in Spiritum sanctum, sed solum illa, cui oblatio adhibetur: Non enim contemptus cujuscunque, quod peccatum impedit, constituit peccatum in Spiritum sanctum; alioquin cujuslibet boni contemptus esset peccatum in Spiritum sanctum, quia per quodlibet bonum potest homo impediri a peccato. Sed bonorum illorum contemptus facit peccatum in Spiritum sanctum, quæ directe ducunt ad pœnitentiam, & remissionem peccatorum „ „ Verba sunt S. Thomæ, quælt. & art. superius laudatis, in responsione ad 2. objectionem.

Quenam inobedientia sit peccatum in Spiritum sanctum.

ARTICULUS XVI.

De Jactantia, filia inanis gloriæ altera,

Jactantia est peccatum, quo homo verbis se extollit supra id, quod in se est secundum rei veritatem, aut secundum aliorum opinionem. Ita docet S. Thom. 2. 2. qu. 112. art. 1. A S. August. lib. 25. de Civ. Dei, cap. 15. definitur Libido gloriandi. Et lib. 12. cap. 8. Vitium animæ perverse amanti laudari ab hominibus, spreto testimonio conscientia. Quamvis autem ex superbia frequentius oriatur, & ad inanem gloriam, ut ad finem tendat; quandoque tamen ex mera vanitate procedit.

Quid sit Jactantia.

& solam delectationem jactatoris pro fine habet; inquit *S. Thom.* Alii tandem seipsos jactant non solum propter gloriam, vel propter delectationem, sed propter lucrum, qui de se fingunt, & apud vulgus prædicant ea, quibus pecunias emungere, & corrumpere possunt, v. gr. quod medicinæ, vel divinationis periti sint.

Quam fugienda jactantia.

A jactantiæ peccato nos deterret Spiritus sanctus per os Salomonis Prov. 27. *Laudet te (inquit) alienus, & non os tuum; extraneus, & non labia tua.* Et per *S. Paulum* 2. ad Corinth. 12. ubi cum laudes suas ad Pseudo-Apostolos confundendos paulo magnificentius prædicasset; *Factus sum (inquit) insipiens, vos me coegistis; Ego enim a vobis debui commendari.* Unde *S. Joan. Chrysostr.* Hom. 5. de Laudibus *S. Pauli*, ait; „Extremæ dementiæ est, nulla imminente necessitate, & necessitate violenta, propriis laudibus velle decorari „ Fugiendæ jactantiæ exemplum dat idem Apostolus, cum subdit; *Parco autem, ne quis me existimet supra id, quod videt in me, aut aliquid audit ex me.* Quæ verba *S. Bernard.* Epist. 87. sibi ipsi accommodans, ait; „„ Prodest mihi meam insipientiam sciri, & a scientibus jure confundi, cui sæpe contingit a nescientibus injuste laudari. Terret me Apostolus, qui & ipse territus dicit; *Parco autem, ne quis me existimet supra id, quod videt, aut quod audit.* Quam pulchre dixit, *Parco.* Non parcit sibi arrogans, non parcit sibi superbus, non cupidus vanæ gloriæ, & jactator actuum suorum, qui vel sibi arrogat, quod est, vel mentitur de se, quod non est. Solus qui vere humilis est, parcit animæ suæ, qui ne putetur, quod non est, semper, (quantum in se est) vult nesciri, quod est „ „

S. August. lib. 1. de Ordine, cap. 11. *Inanis jactantiæ altimum, sed nocentior omnibus pestem vocat.*

Et lib. 5. de Civ. Dei, cap. 16 Jactantiæ inanitatem paucis ostendit, „ Tolle (inquit) jactantiam, & omnes homines, quid sunt nisi homines? Quod si perversitas seculi admitteret, ut honoratiores essent qui-

quique meliores ; nec sic pro magno haberi debuit honor humanus , quia nullius est ponderis fumus „ „.

S. Ambros. lib. 4. *In Lucam*, ordinem tentationis Christi explicans, ad illa verba ; *Si Filius Dei es, mitte te deorsum*, ait : „ „ Sequitur jactantiæ telum, quo Quam periculosa jactantiæ laqueus.

proclive delinquitur ; quia dum homines gloriam virtutis suæ jactare desiderant , de loco meritorum suorum , & statione decedunt. Ita est enim jactantia , ut dum se putat unusquisque ad altiora conscendere, sublimium usurpatione factorum ad inferiora trudatur. . . Diabolus cognovit aliquem attentum religioni , virtutibus clarum , signis , & operibus præpotentem ; jactantiæ tendit laqueum , ut hujusmodi virum inflaret tumore ; quo pietati se non credat , sed credat jactantiæ ; nec Deo deputet , sed sibi arroget. . . Ergo & hic diabolus , quoniam fortem sensit , jactantiam prætendit , quæ etiam fortes decipit „ „.

Idem in Psalm. 37. „ Jactantia (*inquit*) insolens „ etiam in integro , deprecatio autem in peccatore „ laudabilis „.

Et lib. 2. *de Abraham* , cap. 6. „ Deflectentibus „ a vero amica jactantia est. Virtus se humiliat , extollit autem se iniquitas „.

Lib. 1. *de Cain*, & *Abel* , cap. 6. „ „ Jactantiæ laqueus etiam bonam mentem prosperis currentem semitis solet strangulare. . . Si ergo vere jactantia declinanda est , quanto magis nemo debet falsa jactare pro veris „ „ ?

Denique Serm. 20. in Psalm. 118. „ „ Justus nullo licet fructus labore , nullius certaminis dubius eventus , humilem omnibus affectum exhibet , nec sua extollere studet ; sed magis minui operibus suis pretium , & meriti sui gratiam. Audi justum humiliantem se : *Ego sum* (*inquit*) *minimus Apostolorum*. Ille vas electionis divinæ , ille gentium Doctor minimum esse se dicit , indignum ejus officii nomine , quod suis operibus præferebat ; nihilque sibi arrogat ; sed totum gratiæ Dei deputat. Hoc utique decet justum „ „.

1. Cor. 15.

Jactantia
virtutes
inanes, bo-
na opera in
fructuosa
reddit.
4. Reg. 20.

S. Isidorus Hispalensis, lib. 3. Sententiarum, cap. 23: „ „ Boni (inquit) operis inchoatio non debet cito palam ad hominum cognitionem venire; ne dum humanis oculis referatur, a virtute perfectionis inanescat intentio sanctitatis. Ante maturitatis enim tempus menses florentes cito pereunt, germinaque inutilia sunt „ „

Ibidem: „ „ Virtutes Sanctorum per ostentationis appetitum dominio dæmonum subjiuntur immun-
dorum, sicut Ezechias Rex, qui divitias suas Chal-
dæis per jactantiam prodidit, & propterea perituras
per Prophetam audivit; ut significaret Dei servum
suas, dum vanæ gloriæ studio prodiderit, perdere,
& statim dæmones suorum operum dominos facere;
sicut ille per ostentationem Chaldæos rerum sua-
rum Dominos fecit „ „

REGULA I.

Quando ja-
ctantia
mortale
peccatum
sit.
Jactantia
Sennache-
rib.

Jactantia mortale peccatum est, cum aliquis jactan-
ter de se profert, quod est contra gloriam Dei. Ta-
lis erat jactantia Regis Tyri, de quo dicitur Ezech. 28.
Elevatum est cor tuum, & dixisti: Deus ego sum.
Talis erat jactantia Sennacherib Regis Assyriorum 4.
Regum, c. 18. Quinam illi sunt in universis Diis ter-
rarum, qui eruerunt regionem suam de manu mea, ut
possit eruere Dominus Jerusalem de manu mea? Talis
Moabitarym jactantia, Jer. 48. Audivimus (inquit)
superbiam Moab; superbus est valde, sublimitatem ejus,
& arrogantiam, & superbiam, & altitudinem cordis
ejus; ego scio, ait Dominus, jactantiam ejus, & quod
non sit juxta eam virtus ejus.

REGULA II.

Jactantia
Pharisæi.

Jactantia mortale peccatum est, cum proximo debitam
charitatem extinguit; scilicet cum aliquis jactando
seipsum prorumpit in contumelias aliorum; sicut su-
perbus ille Pharisæus Luc. 18. Publicano insultans:
Non sum sicut ceteri hominum, raptores, injusti, ad-
ulteri, velut etiam hic Publicanus, Quæ verba S. Joan.
Chrysost.

Chrysoſt. expendens *Hom. de Publicano, & Pharifæo*, ait ; „ Tu ne igitur iudicio tuo juſtior es omnibus ? *Non ſum ſicut cæteri hominum*, inquit ? Quid agis, Pharifæe ? Noli nomen naturæ commune ſpectare. Immutabilis enim ille, atque hominum amator factus eſt homo. Saltem cum illud cogitaveris a verbis illis jaçtatoris abſtine ; dic potius : *Ut nonnulli hominum* ; non autem : *Ut cæteri hominum*. Omneine, præter te unum, Pharifæe, raptores ? ... Quid inſultas patienti ? Quid accuſas, & criminariſ illum ſine remiſſione verberantem conſcientiam ſuam ? Intueris ſpeciem commiſeratione, ac ſubſidio dignam ; jacet enim demiſſo, ac proſtrato in terram vultu, peçtus velut malorum officinam torquet, oculos ad cœlum atollere non audent, ac fortaiſſe ab iſtis aſtris accuſari ſe putat. Non te ille inflectit contremiſcens ? Non ad cõdolendum emollit „ „ ?

R E G U L A I I I.

Jaçtancia de peccato mortali eſt mortale peccatum, *Prov. 2. Latantur, cum male fecerint, & exultant in rebus peſſimis.*

R E G U L A I V.

Jaçtancia procedens a ſuperbia, vel inani gloria, quæ ſit peccatum mortale, peccatum & ipſa lethale eſt. Talis eſt jaçtancia, qua quis ſe extollit, ut alterius merita obumbret, illiusque minuat exiſtimationem, Qua de re *S. Ambr. lib. 2. de Officiis, cap. 25.* „ „ Si quis (*inquit*) non obediat Epifcopo, extollere, atque exaltare ſe deſiderans, obumbrare merita Epifcopi ſimulata affectatione doctrinæ, aut humilitatis, aut miſericordiæ, iſ a vero devius ſuperbit ; quoniam veritatis ea eſt regula, ut nihil facias commendandi tui cauſa, quo minor alius fiat ; neque ſi quid boni habeas, id ad reformationem alterius, & vituperationem exerceas „ „

REGULA V.

Jactantia propter lucrum aliquod illicitum, & cum gravi proximi damno conjunctum, est peccatum lethale. Idem esto judicium de jactantia, qua quis commendatitias dotes suas magnificis verbis prædicat, ut ecclesiasticum beneficium, vel quamlibet præfecturam obtineat, qua indignus est.

REGULA VI.

Qui se jactat causa lucri, non semper mortalis peccati reus est; quia potest esse tale lucrum, quod proximo nullum damnum inferat. Hinc S. Thomas: „ Videtur (*inquit*) ad mendacium officiosum pertinere, cum aliquis ad hoc se jactat, ut gloriam, vel lucrum acquirat; dummodo hoc sit sine damno alieno; Quocum si conjuncta esset jactantia, jam pertineret ad mendacium perniciosum „ „

REGULA VII.

„ **Q**ui aliqua de se jactat, quæ neque sunt contra Deum, neque contra proximum, venialis „ duntaxat peccati labem contrahit „ „

REGULA VIII.

„ **Q**ui delectationis causa se jactat, venialis duntaxat peccati sit reus, idque ad mendacium joiosum pertinet; nisi forte hoc divinæ dilectioni præferret, ut propter hoc Dei præcepta contemneret. Sic enim esset contra charitatem Dei, in quo solo mens nostra debet quiescere sicut in ultimo fine „ „ Hoc igitur casu lethale peccatum esset.

REGULA IX.

Qui se jactat, ut jurgia concitet, secundum illud Prov. 28. *Qui se jactat, & dilatat, jurgia concitat*; peccat mortaliter; cum Deus eos detestetur: *Qui seminant discordias*, ut habetur Prov. 6. Sed quandoque contingit, jactantiam esse causam jurgiorum, non per se, sed per accidens; quo casu non est peccatum mortale.

R E-

REGULA X.

Ironia, seu dissimulatio, oppositum iactantiae vitium. *Ironia, seu dissimulatio quatenus oppositum iactantiae vitium.*
 Est, quo quispiam asserit de seipso aliquid vile, quod in se non agnoscit, aut negat de se aliquid magnum, quod tamen in seipso esse percipit. Hinc Ecol. 19. dicitur; *Est qui nequiter se humiliat, & interiora ejus plena sunt dolo.* Hinc S. August. Serm. 181. alias 29. De verbis Apostoli; „ Cum (inquit) humilitatis causa mentiris, si non eras peccator antequam mentireris, mentiendo efficieris, quod evitaveras. Veritas in te non est, nisi te ita dixeris peccatorem, ut etiam esse cognoscas. Veritas autem ipsa est, ut, quod es, dicas. Nam quomodo est humilitas, ubi regnat falsitas „? Non est igitur mentiendum, ut superbia vitetur. Unde rursus S. August. tr. 43. in Joan. *Non ita caveatur arrogantia (inquit) ut veritas relinquatur.* Et S. Greg. lib. 26. *Moralium*, cap. 3. *Incaute (inquit) sunt humiles, qui se mentiendo illi queant.*

Huic regulæ non repugnant verba Sapientis, *Prov.* 30. dicentis; *Stultissimus sum virorum*; nec verba *Amos* Prophetæ cap. 7. dicentis; *Non sum Propheta*; nec denique verba S. Gregorii, lib. 11. *Epistolarum*, Ind. 6. *Epist.* 71. decimæ Quæstioni ab *Augustino* Anglorum Episcopo propositæ respondentis; *Bonarum mentium est, etiam ibi suas culpas agnoscere, ubi culpa non est.* Nam Sapiens spectat, quod sibi convenit ex fundo suo. Præterea duplex est sapientia, duplexque stultitia. Est enim quædam sapientia secundum Deum, quæ mundo, id est, hominibus diligentibus mundum stultitia est, secundum illud 1. ad Corinth. 3. *Si quis inter vos sapiens videtur esse in hoc seculo, stultus fiat, ut sit sapiens.* Alia est sapientia huius mundi, quæ (ut ibidem ait Apostolus) *Stultitia est apud Deum.* Sapientia itaque se stultissimum esse secundum opinionem hominum vere confitetur, quia scilicet humana contemnit, quæ hominum sapientia quærit. Unde continuo subdit: *Et sapientia hominum non est mecum.*

Amos autem vere negat se esse Prophetam origine, quia non erat de genere Prophetarum. Unde ibidem subdit: *Nec filius Propheta.*

Denique *S. Gregorius* non tribuit justis, quod culpam dicant, quod pro culpa non agnoscunt; sed quod culpam agnoscant, ubi non sunt. Ad bonitatem scilicet mentis pertinet, ut homo ad iustitiæ perfectionem tendat; & ideo culpam existimat, non solum si deficiat a communi iustitia; sed etiam si deficiat a iustitiæ perfectione, quod quandoque culpa non est.

R E G U L A X I.

Qui verbis, vel signis externis, ut vili, abjectaque veste, aut aliqua re simili, defectum quidem in exterioribus rebus præsefert, sed excellentiam aliquam spiritualem mentitur, quales sunt illi, de quibus Dominus ait: *Exterminant facies suas, ut appareant hominibus jejunantes*, ironiæ, seu dissimulationis simul, & iactantiæ vitium incurrit, & propterea gravius peccat. Nam „„ Simulatio humilitatis major superbia est; inquit, *S. August.* lib. de *S. Virginitate cap. 43.* Idcirco Scriptura volens ostendere veracem humilitatem esse oportere, cum dixisset: *Quanto magnus es, tanto humilia te in omnibus*; mox quoque subdidit: *Et coram Deo invenies gratiam*, utique ubi se fallaciter humiliare non posset „„ Hinc idem *S. Doctor*, ut utrumque vitium illud extremum vitaret, simulationis, & iactantiæ; „„ Vestes, calceamenta, & lectualia ex moderato, & competenti habitu sibi comparabat, nec nitido nimium, nec abjecto plurimum. Quia his plerumque vel iactare se insolenter homines solent, vel abjicere „„; ut refert *Possidius* in ejus vita, cap. 22.

Matth. 6.
16.

Ecclesi. 3.

R E G U L A X I I.

Iactantia gravius, ut plurimum ironia, seu dissimulatione peccatum est. „„ Iactantia enim, ut plurimum ex turpiori motivo procedit, scilicet ex appetitu lucri, vel honoris: Ironia vero ex hoc, quod

ali-

aliquis fugit, (licet inordinate) per elationem aliis gravis esse. Contingit tamen quandoque, quod aliquis minora de se fingit ex aliquo motivo, puta, ad dolose decipiendum; & tunc ironia est gravior „ „ *(inquit S. Thomas, ex quo duodecim illæ regulæ excerptæ sunt, 2. 2. q. 112. art. 1. & 2.)*

ARTICULUS XVII.

De Hypocrisi, tertia inanis gloriæ filia.

Hypocrisis est peccatum, quo quis alienam personam *simulans, adumbratam sanctitatis imaginem hominum oculis objicit, vel occultando vitia, quibus scatet, vel præferendo speciem virtutis, qua caret.* Nam ut ait S. Isidorus Hispalensis lib. 10. *Originum*, tit. 11. Hypocrita ille est, „ „ qui cum intus malus sit, ut bonum se palam ostendit. Nomen scilicet hypocritæ tractum est *(inquit)* a specie eorum, qui in spectaculis contestata facie incedunt, distinguentes vultum vario colore, ut ad personæ, quam simulant, colorem perveniant; modo in specie viri, modo in specie femine, ut in ludis populum fallant „ „. Hinc S. August. lib. 2. *De Sermone Domini in monte*, c. 2. „ „ Manifestum est *(inquit)* hypocritas, non quod oculis prætendunt hominum, idem etiam corde gestare. Sunt enim hypocritæ simulatores, tanquam pronuntiatores personarum alienarum, sicut in theatricis fabulis. Non enim, qui agit partes Agamemnonis in Tragædia, v. gr. sive alicujus alterius ad historiam, vel fabulam, quæ agitur, pertinentis, verò ipse est, sed simulat eum, & hypocrita dicitur. Sic in Ecclesia, vel in omni vita humana, quisquis se vult videri, quod non est, hypocrita est. Simulat enim justum, non exhibet; quia totum fructum in laude hominum ponit, quam possunt etiam simulantes percipere, dum fallunt eos, quibus videntur boni, ab eisque laudantur. Sed tales ab inspectore cordis Deo mercedem non accipiunt, nisi fallaciæ supplicium; ab hominibus autem, inquit: *Percipe-*

Quid sit hypocrisis.

Hypocritarum justitia simulata.

Matth. 6. *runt mercedem suam. Rectissimeque his dicitur: Re-*
 Luc. 13. 27. *cedite & me operarii doloſi: Nomen meum habuiſtis,*
ſed opera mea non feciſtis. Illi ergo perceperunt mer-
 cedem ſuam, qui non ob aliud eleemoſynam fa-
 ciunt, niſi ut glorificentur ab hominibus; non ſi
 glorificentur ab hominibus, ſed ſi ideo faciant, ut
 glorificentur. Laus enim humana non appeti a recte
 faciente, ſed ſubſequi debet recte facientem; ut illi
 proficiant, qui etiam imitari poſſunt, quod lau-
 dant; non ut hic putet aliquid eos ſibi prodeſſe,
 quem laudant. » »

Quamvis hypocriſis ſit ſimulatio, non tamen om-
 nis ſimulatio eſt hypocriſis, ſed ſolum illa, qua quis
 ſimulat perſonam alterius; ſicut cum peccator ſimu-
 lat perſonam juſti. Virtuti veritatis directe opponi-
 tur; ſiquidem omnis ſimulatio mendacium eſt; ni-
 hil enim refert, utrum quis mentiatur verbo, vel
 facto. Cuilibet autem virtuti indirec-
 te opponitur, quam hypocrita ſimulare poteſt; ejuſque ſpeciem
 ludificandis hominibus exhibere.

Hypocriſis
 quam grave
 peccatum.

Quam grave ſit peccatum hypocriſis, & quam
 Deo exolum, conſtat ex ſacris Literis, quæ hypo-
 criſim prohibent, ac damnant Eccl. 1. *Ne fueris hy-*
pocrita in conſpectu hominum, Sap. 1. *Spiritus ſanctus*
disciplina effugiet fictum, id eſt hypocritam. Job 13.
Ipe erit Salvator meus, non enim veniet in conſpectu
ejus omnis hypocrita. Quæ verba S. Gregorius expen-
 dens, lib. 11. *Moralium,* cap. 18. obſervat, nos duo-
 bus modis in conſpectu Domini venire. Primo, cum
 hic peccata noſtra perpendentes, in ejus, nos con-
 ſpectu ponimus, & flendo dijudicamus. Secundo,
 cum in extremo iudicio ante tribunal ejus ſiſtemur.
 » » Hypocrita igitur per examen ultimum ante con-
 ſpectum iudicis venit; ſed quia modo culpas ſuas
 conſiderare, ac deſlere diſſimulat, in conſpectu Do-
 mini venire recuſat. Sicut enim juſti viri, cum di-
 ſtrictionem venturi iudicis contemplantur, peccata
 ſua ad memoriam reducunt; deſlent, quod commi-
 ſerunt, & diſtrictè ſe iudicant, ne iudicentur; ita
 hypo-

hypocritæ quo exterius hominibus placeant, eo se interius aspicere negligunt; totosque se in verbis proximorum fundunt; & Sanctos se esse æstimant, quia sic se haberi ab hominibus pensant. Cumque mentem per verba suæ laudis sparserint, nunquam hanc ad cognitionem reducant culpæ; nunquam considerant, ubi internum iudicem offendant; nihil de ejus distractione metuunt; quia sic se placuisse ei, sicut hominibus credunt. Qui si terrorem ejus ad mentem reducerent, hoc ipsum, quod in mala intentione positi placent hominibus, plus timerent. Bene itaque dicitur: *Non enim venit in conspectum ejus omnis hypocrita*: quia distractionem Dei ante oculos non ponit, dum placere humanis oculis concupiscit. Qui si mentem suam discutiens, semetipsum in conspectu Dei poneret, profecto jam hypocrita non esset „ „.

Hypocrisim omnino fugiendam, ut exitiale christianæ vitæ malum, docet Christus, Matthæi cap. 6. *Attendite* (inquit) *ne justitiam vestram faciatis coram hominibus, ut videamini ab eis; alioquin mercedem non habebitis apud patrem vestrum, qui in cælis est. Cum ergo facis eleemosynam, noli tuba canere ante te, sicut hypocritæ faciunt in synagogis, & in vicis, ut honorificentur ab hominibus. . . Amen dico vobis, receperunt mercedem suam. Te autem faciente eleemosynam, nescias sinistra tua, quid faciat dextera tua; ut sit eleemosyna tua in abscondito, & pater tuus, qui videt in abscondito, reddet tibi. Et cum oratis, non eritis sicut hypocritæ, qui amant in synagogis, & in angulis platearum stantes orare, ut videantur ab hominibus: Amen dico vobis, receperunt mercedem suam. . . Cum autem jejunatis, nolite fieri sicut hypocritæ tristes. Exterminant enim facies suas, ut appareant hominibus jejunantes. Amen dico vobis, quia receperunt mercedem suam.*

Hypocrisis
exitiale
christianæ
vitæ ma-
lum.

Convenienter hos nominat hypocritas, qui eleemosynam erogant, ut videantur, & laudentur ab hominibus. Est quippe facies ipsa miserationum, mens vero inhumanorum, atque crudelium (inquit S. Joan. Chrysost.

Chrysoſt. Hom. 19. in Matth.) Non enim erogant, ut miſeriæ proximorum ſuccurrant, ſed ut ipſi delectatione gloriæ paſcantur. *Non ergo tantummodo dediffe eleemoſynam, ſed quemadmodum oportet dediffe, & propter hoc dediffe, virtus eſt.* „ „ Quænam vero „ dementia eſt, eum, qui a Deo mercedem operis „ efflagitet, Deo etiam vidente ad ſpectandum ipſum „ opus homines advocare? Si enim oſtentare nos „ volumus, patri ante omnia nos ſtudeamus oſtendere, qui & coronandi nos habet poteſtatem, & mulctandi. „ „ Et certe etiam ſi futuri præmii damna non eſſent, tamen gloriæ cupidos non decebat divinum ſpectaculum relinquentes, male oculis placere mortalium. Cujus enim ſtoliditatis eſt, ut ad ſpectandas virtutes ejus Rege properante, illum quidem relinquat, ac negligat, ab egenis vero, atque mendicis ſpectari velit, ab eſtque potius laudem requirat „ „ ? Conſvenienter etiam hypocritas vocat, qui orant, ut ab hominibus videantur. Non enim orantium, ſed ridiculorum prorsus hominum perſonam gerunt. „ „ Qui enim ad ſupplicandum paratur, omnibus relictis illum intuetur unum, qui habet donandi, quod petitur, poteſtatem. Si vero juſtum relinquens, per diverſa errabundus vageris, & ubique oculos, mentenique circumferas, poſt longiſſimas preces vacuis proſecto manibus abſcedes; hoc quippe ipſe voluiſti. Propterea non dixit, tales non recipient mercedem ſuam: ſed *Receperunt* (inquit) ab his tamen duntaxat, a quibus etiam concupiſcunt. Neque enim hoc voluit Deus, qui certe eam, quæ ab ipſo eſt, vult tribuere mercedem; illi vero eam, quæ eſt ab hominibus requirentes, nequaquam jam ab illo merentur accipere, propter quem nihil omnino fecerunt „ „. Hypocritas denique vocat, qui exterminant facies ſuas, ut videantur hominibus jejunantes, quia id, quod ſunt, non exhibent hominum oculis, ſed ſub aliena latentes perſona, velut in theatro, iſtis imponunt. Hoc igitur in virtutis ratione conſiderandum (inquit S. Joan,

Joan. Chrysostomus.) „ „ Ut eam neque propter alios appetas, neque propter homines obedias Deo, sed propter Deum potius hominibus. Alioqui si virtutem etiam videaris sequi, nihilominus similis non sequenti, Deum in iracundiam concitasti. Sicut enim ille non faciendo inobediens fuit, ita tu non recte faciendo „ „

Jubet Christus, ut *Te faciente eleemosynam*, vel aliud quodvis bonum opus, *nesciat sinistra tua, quid faciat dextera tua*: Id est, ne facias sicut hypocritæ, qui ita faciunt, ut laudes hominum quærant. *Sinistra igitur significat* „ „ Ipsam delectationem laudis; *Dextera autem* intentionem implendi præcepta divina. Cum itaque conscientia facientis eleemosynam miscet se appetitio laudis humanæ, fit sinistra conscientia operis dexteræ. „ Sit ergo eleemosyna tua in ipsa conscientia tua, ubi multi eleemosynam faciunt bona voluntate, etiamsi pecuniam, vel si quid aliud, quod inopi largiendum est, non habent. Multi autem foris faciunt, & intus non faciunt, qui vel ambitione, vel alicujus rei temporalis gratia volunt misericordes videri, in quibus sola sinistra operari exitimanda est. Item alii quasi medium inter utroque locum tenent, ut & intentione, quæ in Deum est, eleemosynam faciant, & tamen inserat se huius optimæ voluntati nonnulla etiam laudis, vel cujusque rei fragilis, & temporalis cupiditas. Sed Dominus noster multo vehementius prohibet solam sinistram in nobis operari, quando etiam misceri eam vetat operibus dexteræ; ut scilicet non modo sola temporalium rerum cupiditate caveamus eleemosynam facere; sed nec ita in hoc opere attendamus Deum; ut sese miscat, vel adjungat exteriorum appetitio commodorum. Agitur enim de corde mundando, quod nisi fuerit simplex, mundum non erit. Simplex autem quomodo erit, si duobus Dominis servit, nec una intentione rerum æternarum purificat aciem suam, sed eam mortalium quoque, fragiliūque rerum amore obnubilat „ „ ? Ita S. August.

lib. 2. De Sermone Domini in monte, cap. 2.

Tom. VII.

F

„ „ Per.

Qui bonita-
tem simu-
lant, du-
plici corde
sunt.

Eum solum
intueri de-
bet christia-
nus homo,
cum recte
vivit, qui
conscientiæ
solus inspe-
ctor est.

Gal. 1.

1. Cor. 16.

„ „ Pertinet ergo ad oculum mundum non in-
tueri in recte faciendo laudes hominum, & ad eas
referre, quod recte facis, id est, propterea recte fa-
cere aliquid, ut hominibus placeas. Sic enim etiam
simulare bonum libebit, si non attenditur, nisi ut lau-
det, qui, quoniam videre cor non potest, potest etiam
falsa laudare. Quod qui faciunt, id est, qui bonita-

tem simulant, duplici corde sunt. Non ergo habet
simplex, id est, mundum cor, nisi qui transcendit
humanas laudes, & illum solum intuetur, cum recte
vivit, & ei placere nititur, qui conscientiae solus in-
spector est. De cujus conscientiae puritate quidquid
procedit, tanto est laudabilius, quanto humanas lau-
des minus desiderat. „ „ Cavete ergo (inquit) facere

justitiam vestram coram hominibus, ut videamini ab eis :
Id est, cavete hoc animo juste vivere, & constituere
bonum vestrum, ut vos videant homines „ „ Cum
enim antea dixerit: *Sic luceat lux vestra coram homi-
nibus, ut videant opera vestra bona, & glorificent pa-
trem vestrum, qui in calis est*, non hic putandus est
prohibuisse, ne recte fiat coram hominibus, sed ne
ob id forte recte fiat coram hominibus, ut videamur
ab eis, id est, *ut hoc intueamur, & ibi finem nostri*

propositi collocemus. Sic & Apostolus dicit: *Si adhuc
hominibus placere, Christi servus non essem*; cum alio
loco dicat: *Placere omnibus per omnia, sicut & ego
omnibus per omnia placeo*. Quod qui non intelligunt,
contrarium putant; cum ille se dixerit non placere
hominibus: „ „ Quia non ideo recte faciebat, ut
placeret hominibus, sed ut Deo; ad cujus amorem
corda hominum volebat convertere, eo ipso, quo
placebat hominibus. Itaque, & non se placere ho-
minibus recte dicebat, quia in eo ipso, ut Deo pla-
ceret, intuebatur; & placendum esse hominibus re-
cte præcipiebat, non ut hoc appeteretur tanquam
merces recte factorum; sed quia Deo placere non
posset, qui non se iis, quos salvos fieri vellet, præ-
beret imitandum, imitari autem illum, qui sibi non
placuerit, nullo pacto quilibet potest. Sicut ergo

non

non absurde loqueretur, qui diceret : In hac opera, qua navem quæro, non navem quæro, sed patriam : Sic & Apostolus convenienter diceret : In hac opera, qua hominibus placeo, non hominibus, sed Deo placeo, quia non hoc appeto, sed ad id refero, ut me imitentur, quos salvos fieri volo. Sicut dicit de oblatione, quæ sit in Sanctos : *Non qui quæro datum, sed inquo fructum* : Id est, quod quæro datum vestrum, non hoc quæro, sed fructum vestrum. Hoc enim iudicio apparere poterat, quantum protectissent in Deum, cum id libenter offerrent, quod non propter gaudium de muneribus, sed propter communionem charitatis ab eis quærebatur „ „.

Philip. 4.

Ab hypocrisi cavere jubet iterum Christus Lucæ 12. *Attendite (inquit) a fermento Phariseorum, quod est hypocrisis.* Sicut enim fermentum totam, cui injicitur, farinæ massam corrumpit ; ita „ Simulatio, cujus semel animum imbuerit, tota virtutum „ sinceritate, & veritate fraudabit „ ; (*inquit venerabilis Beda.*)

Denique Matth. 23. Hypocritas octuplici maledictione ferit Salvator : *Va vobis (inquit) Scribæ, & Pharisei hypocritæ ; quia clauditis regnum cælorum ante homines. Vos enim non intratis, nec introeuntes finitis intrare. Va vobis, Scribæ, & Pharisei hypocritæ ; quia comeditis domos viduarum, orationes longas orantes. Propter hoc amplius accipietis iudicium. Va vobis, Scribæ, & Pharisei hypocritæ ; qui circuitis mare, & aridam, ut faciatis unum Profilytum ; & cum fuerit factus, facitis eum filium gehennæ duplo quam vos. Va vobis, duces cæci, qui dicitis ; quicumque juraverit per templum, nihil est ; quicumque autem juraverit in auro templi, debet. . . Va vobis, Scribæ, & Pharisei hypocritæ ; qui decimatis mentham, & anethum, & cuminum, & reliquistis, quæ graviora sunt legis, iudicium, & misericordiam, & fidem. Hæc oportuit facere, & illa non omittere. Duces cæci, excolantes culicem, et melum autem glutientes. Va vobis, Scribæ, & Pharisei hypocritæ ; quia mundatis, quod de foris est cali-*

Hypocritas
octuplici
maledictione
Christus
percellit.

cis, & paropsidis; intus autem pleni estis rapina, & immunditia. Pharisee cace, munda prius, quod intus est calicis, & paropsidis, ut fiat id, quod de foris est, mundum. *Va vobis, Scribae, & Pharisei hypocrite, quia similes estis sepulchris dealbatis, quae a foris parent hominibus speciosa, intus vero plena sunt ossibus mortuorum, & omni spurcitia; sic & vos a foris quidem paretis hominibus iusti; intus autem pleni estis hypocrisis, & iniquitate. Va vobis, Scribae, & Pharisei hypocrite, qui aedificatis sepulchra Prophetarum, & ornatis monumenta iustorum, & dicitis, si fuissetis in diebus patrum nostrorum, non essemus socii eorum in sanguine Prophetarum. . . Serpentes, genimina viperarum, quomodo fugietis a iudicio gehenna? Ex omni peccatorum genere nullos vehementius, & acrius objurgavit Salvator noster, quam hypocritas. „ Omnes enim, qui perperam agunt, supplicio digni sunt; qui vero simulatione bonitatis ad improbitatem tendit, multo graviore poena omnino afficiendus „ » (inquit S. Joan. Chrysostomus, Hom. 74. in Mattheum.)*

Hypocrisis
characte-
rica.

S. Petrus Chrysologus, Sermone 7. Hypocrisis malitiam sic describit: „ „ Hypocrisis lubtile malum, secretum virus, venenum latens, virtutum fucus, tinea sanctitatis. Adversa omnia nituntur viribus suis, armis suis pugnant; impugnant palam; unde & caventur tam facile, quam videntur. Hypocrisis securus simulat, fallit prospera, curiosa mentitur, & crudeli arte virtutes truncat mucrone virtutum; jejuniis jejunium perimit, oratione orationem evacuat, misericordiam miseratione prostermit. . . Fratres, fugiendum est virus, pestilentia cavenda, quæ de remediis creat morbos, conficit de medicina languorem, sanctitatem vertit in crimen, placationem facit reatum, generat de propitiatione discrimen. Hypocrisim, qui fugerit, vincit; qui incurrerit, cadit. . . Thesaurum, qui non abscondit, prodit. Virtutes proditæ non manebunt. . . Ergo jejunium, quod contra vitia prima virtus est nobis, in arce pectoris collocetur. . . Facies moerore dejecta invitat famem,

mem, non jejunium voluntarium profitetur. Si vult, quare triftis? Si non vult, jejunus quare? Merito tali poena vivit, qui sibi facit de virtute vitium, mendacium de veritate, de mercede stipendium, de remissione peccatum. Agricola si non imprefferit cultrum, si sulcum non defoderit, si non exciderit sentes, si gramina non evulserit, si in tuto semina non locarit, sibi mentitur, non terræ; nec terræ facit damnum, sed sibi non facit fructum; & ita se vacuat, ita decipit, impugnat ita, qui terræ manu fallaci mentitur. Quid faciet, quid habebit, quid inveniet, qui Deo, esuriente carne, hypocrisis luxuriantem mentitur „ „?

REGULA PRIMA.

Hypocrisis mortale peccatum est, cum aliquis *non curat sanctitatem habere, sed solum sanctus appare- re*; (inquit S. Thomas, 2. 2. quæst. III. art. 4.)

His convenit illud Davidis oraculum, Psalm. 52. *Deus dissipavit ossa eorum, qui hominibus placent; confusi sunt, quoniam Deus sprevis eos.* Et illud Apostoli 2. ad Tim. 3. *Habentes speciem quidem pietatis, virtutem autem ejus abnegantes.* Hi christianæ religionis spiritum, verumque Dei cultum, quantum in ipsis est, moribus suis evertunt. Cum enim Christus Joan. 4. dicat: *Spiritus est Deus, & eos, qui adorant, in spiritu, & veritate oportet adorare.* Hypocritæ non spiritu, sed solo corporis habitu Deum colunt, & adorant. Cum nos R. Ephes. 4. *renovari spiritu mentis nostræ, Deus per Apostolum suum jubeat, & induere novum hominem, qui secundum Deum creatus est in justitia & sanctitate veritatis*; hypocritæ de interna illa, & spiritali renovatione nihil omnino curant, sed adumbratæ sanctitatis, & justitiæ fūco hominibus imponere gestiunt. Sola specie externa Christiani sunt, seu quod idem est, Sancti: *Vocatis sanctis.* 1. Petr. 3. *Non vivit in illis Absconditus cordis homo, in incorruptibilitate modesti, & quieti spiritus, qui est in conspectu Dei locuples.* Coloss. 3. *Non habent Viscera misericordiæ, non Illuminatus oculos cordis, non Aures audiendi, quibus Dei ver-* Ephes. 4.

Hypocritæ christianæ religionis spiritum moribus suis evertunt.

84 Theol. Dog. & Moral. Lib. III.

Isai. 19. Mortui sunt & vivere videntur, secundum illud Apoc. 3. *Nomen habes, quod vivas, & mortuus es.* De his prophetavit Isaias; *Populus hic labiis me honorat; cor autem eorum longe est a me*, ut Christus interpretatur. Similitudinem templi exterius hominum oculis obijciunt; cum interius crocodilum, canem, selem, vitulum, aut aliud brutum animal Ægyptiorum templorum instar, abscondant, id est, vitia, & cupiditates pravas illorum animalium symbolis significatas. Dei autem vivi templa esse non curant; cum tamen interior cultus sit christianæ religionis anima, ut præclare *Minucius Felix*, in *Octavio*, edisserit. „ Nonne melius (*inquit*) in nostra dedicatus est mente? In nostra imo consecrandus est pectore? . . . Cum sit litabilis hostia bonus animus, & pura mens, & sincera sententia. Igitur qui innocentiam colit, Domino supplicat; qui iustitiam, Deo libat; qui fraudibus abstinere, propitiatur Deum; qui hominem periculo surripit, opinionam victimam cœdit. Hæc nostra Sacrificia, hæc Dei sacra sunt. Sic apud nos religiosior est ille; qui iustior. *Et infra*; Nos non habitu sapientiam, sed mente præferimus; non eloquimur magnâ, sed vivimus „ „ Quanta sit hypocritarum cæcitas, *S. August.* ostendit in expositione Epistolæ ad Galatas, cap. 6. „ „ Quid (*inquit*) ista cæcitate tenebrosius, ad obtinendam inanissimam gloriam errorem hominis aucupari, & Deum testem in corde contemnere? Quali vero ullo modo comparandus sit error illius, qui te bonum putat, errori tuo qui cum homini de falso bono placere studes, de vero malo displices Deo „ „ .

Cultus interior christianæ religionis anima.

R E G U L A II.

Hypocrisis mortale peccatum est, cum quis simulat sanctitatem propter finem repugnantem charitati Dei, vel proximi.

Quando hypocrisis mortale peccatum sit.

Verbi gratia ut falsam doctrinam disseminet, vel ut adipiscatur ecclesiasticam dignitatem indignus, vel quæcunque alia temporalia bona, in quibus finem constituit Ita *S. Thomas* loco supra laudato.

De Peccatis capitalibus.

85

to. De his, qui personam sanctitatis assumunt, ut errores spargant, aut schisma faciant, ait Christus (Matth. 7.) *Attendite a falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Et S. Paulus (1. ad Tim. 4.) *Spiritus manifeste dicit, quia in novissimis temporibus discedent quidam a fide, attendentes spiritibus erroris, & doctrinis demoniorum, in hypocrisis loquentium mendacium, &c.*

R E G U L A III.

Qui simulat sanctitatem ob finem non repugnantem sanctitati, veniale dumtaxat hypocrisis peccatum committit.

Tales sunt hypocritæ, qui sanctitatem simulant, quia fitione ipsa delectantur. „ Contingit etiam quandoque ut aliquis simulet perfectionem sanctitatis, quæ non est de necessitate salutis, & talis simulatio, nec semper est peccatum mortale, nec semper est cum peccato mortali „ (inquit S. Thomas ibidem.)

R E G U L A IV.

Mortale peccatum hypocrisis committunt, qui in minimis anxie religiosi sunt, de gravioribus autem nequaquam solliciti.

Tales erant Pharisei, qui decimas vilissimorum etiam olerum studiosissime persolvebant, ut legis observatores religiosissimi viderentur, & graviora legis præcepta, scilicet iudicium, sive iustitiam, misericordiam, fidem. citra ullum conscientię stimulum violabant. Tales sunt Phariseis hęc temporibus Christiani plerique, qui certa pietatis exercitia omittere ducerent religioni, v. gr. gestationem Scapularis, recitationem Rosarii, auditionem Missæ protestis diebus, &c. & religioni non ducunt detrahere famę proximi, mendacia, & perjurya in venditionibus, & emptionibus ex habitu committere, divitiis congerendis toto studio intendere, viscera sua, crumenal-

84 Theol. Dog. & Moral. Lib. III.

bum percipiant. Mortui sunt & vivere videntur, secundum illud Apoc. 3. *Nomen habes, quod vivas, & mortuus es.* De his prophetavit Isaias; *Populus hic labiis me honorat; cor autem eorum longe est a me*, ut Christus interpretatur. Similitudinem templi exterius hominum oculis obijciunt; cum interius crocodilum, canem, felem, vitulum, aut aliud brutum animal Ægyptiorum templorum instar, abscondant, id est, vitia, & cupiditates pravas illorum animalium symbolis significatas. Dei autem vivi templa esse non curant; cum tamen interior cultus sit christianæ religionis anima, ut præclare *Minucius Felix*, in *Octavio*, edisserit. „ Nonne melius (*inquit*) in nostra dedicatus est mente? In nostro imo consecrandus est pectore? . . . Cum sit libabilis hostia bonus animus, & puramens, & sincera sententia. Igitur qui innocentiam colit, Domino supplicat; qui iustitiam, Deo libat; qui fraudibus abstinet, propitiatur Deum; qui hominem periculo surripit, opinionam victimam coedit. Hæc nostra Sacrificia, hæc Dei sacra sunt. Sic apud nos religiosior est ille; qui iustior. *Et infra*; Nos non habitu sapientiam, sed mente præferimus; non eloquimur magnam, sed vivimus „ „ Quanta sit hypocritarum cæcitas, *S. August.* ostendit in expositione Epistolæ ad Galatas, cap. 6. „ „ Quid (*inquit*) ista cæcitate tenebrosius, ad obtinendam inanissimam gloriam errorem hominis aucupari, & Deum testem in corde contemnere? Quali vero ullo modo comparandus sit error illius, qui te bonum putat, errori tuo qui cum homini de falso bono placere studes, de vero malo displices Deo „ „ .

Cultus interior christianæ religionis anima.

R E G U L A II.

Hypocrisis mortale peccatum est, cum quis simulat sanctitatem propter finem repugnantem charitati Dei, vel proximi.

Quando hypocrisis mortale peccatum sit.

Verbi gratia ut falsam doctrinam disseminet, vel ut adipiscatur ecclesiasticam dignitatem indigneus, vel quæcunque alia temporalia bona, in quibus finem constituit Ita *S. Thomas* loco supra laudato.

De Peccatis capitalibus.

to. De his, qui personam sanctitatis assumunt, ut errores ipargant, aut schisma faciant, ait Christus (Matth. 7.) *Attendite a falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Et S. Paulus (1. ad Tim. 4.) *Spiritus manifeste dicit, quia in novissimis temporibus discedent quidam a fide, attendentes spiritibus erroris, & doctrinis demoniorum, in hypocrisis loquentium mendaciam, &c.*

R E G U L A III.

Qui simulat sanctitatem ob finem non repugnantem sanctitati, veniale duntaxat hypocrisis peccatum committit.

Tales sunt hypocritæ, qui sanctitatem simulant, quia fictione ipsa delectantur. „ Contingit etiam quandoque ut aliquis simulet perfectionem sanctitatis, quæ non est de necessitate salutis, & talis simulatio, nec semper est peccatum mortale, nec semper est cum peccato mortali „ (inquit S. The-
mas ibidem.)

R E G U L A IV.

Mortale peccatum hypocrisis committunt, qui in minimis anxie religiosi sunt, de gravioribus autem nequaquam solliciti.

Tales erant Pharisei, qui decimas vilissimorum etiam olerum studiosissime persolvebant, ut legis observatores religiosissimi viderentur, & graviora legis præcepta, scilicet iudicium, sive iustitiam, misericordiam, fidem, citra ullum conscientia stimulum violabant. Tales sunt Pharisaicis huius temporibus Christiani plerique, qui certa pietatis exercitia omittere ducerent religioni, v. gr. gestationem Scapularis, recitationem Rosarii, auditionem Missæ profectis diebus, &c. & religioni non ducunt detrahere famæ proximi, mendacia, & perjuriam in venditionibus, & emptionibus ex habitu committere, divitiis congerendis toto studio intendere, viscera sua, crumena-

- que pauperibus claudere. His sensibus, non malitia;
1. Cor. 14. parvuli sunt, cum Apostolus dicat: *Nolite pueri effici sensibus, sed malitia parvuli stote; sensibus autem perfecti estote.* Illi autem pueros imitantur, non innocentia, & simplicitate, sed sensibus; siquidem minimis inhærent, rebus autem magnis non æque afficiuntur. Tales sunt ecclesiastici quidam viri, qui modestiam habitus, & capillorum secundum Canones accurate observant; & plura beneficia sine ullo conscientia stimulo congerunt, mansiones seu residentie in iisdem leges non curant, bonorum ecclesiasticorum redditus sibi attributos heredibus servant, ditandisque propinquis impendunt, pauperibus, quorum sunt patrimonia, ingemiscuntibus; & Canonum, tamen religiosi observatores videri volunt. Tales sunt monachi nonnulli, qui regularium observantiarum minutias prætermittere religioni ducerent, & christianam humilitatem, fraternam charitatem, obedientiam, pacem violare, ac perturbare non verentur. De quibus *S. Bernardus* in Apologia ad *Guillelmum* Abbatem, cap. 5. „Regnum Dei (inquit) intra vos est; hoc est, non exterius in vestimentis, aut alimentis corporis, sed in virtutibus interioris hominis. Unde Apostolus: *Regnum Dei non est esca, & potus; sed iustitia, & pax, & gaudium in Spiritu sancto.* Et rursus: *Regnum Dei non est in sermone, sed in virtute.* De corporalibus itaque observantiis fratribus calumniam struitis; & quæ majora sunt regulæ, spiritualia scilicet instituta, relinquitis, camelumque glutientes, culicem liquatis. Magna abusio! Maxima cura est, ut corpus regulariter induatur, & contra regulam suis vestibus anima nuda deferatur. Cum tanto studio, & tunica, & cuculla corpori procurentur, quatenus cui deerunt, monachus non putetur, cur similiter spiritui pietas, & humilitas, quæ profecto spiritualia indumenta sunt, non providentur Tunicati, & elati abhorremus pellicias, tanquam non melior sit pellibus involuta humilitas, quam tunicata superbia. . Repleti dein-

deinde ventrem faba, mentem superbia, cibis damnamus saginatos, quali non melius sit exiguo sagimine ad usum velci, quam ventoso legumine usque ad ructum exlaturari. . . Sed & satius est modico vino uti propter infirmitatem, quam multa aqua ingurgitari propter aviditatem. . . Jam vero de labore manuum quid gloriamini, cum & Martha laborans increpata, & Maria quiescens laudata sit, & Paulus aperte dicat: *Labor corporis ad modicum va-* Tim. 4.
let, pietas autem ad omnia. . . Neque hoc dico, quia hæc exteriora negligenda sint; (*inquit ille c. 6.*) aut qui se illis non exercuerit, mox spiritali efficiatur, cum potius spiritalia (quamquam meliora) nisi per ista aut vix, aut nullatenus, vel acquirantur, vel contineantur. . . Optimus autem ille, qui discrete, & congrue & hæc operatur, & illa „ „

R E G U L A V.

Hypocrisis lethale peccatum committunt, qui omnia sua, & præsertim pietatis opera ad hominum gratiam, laudemque captandam, & ad inanem gloriam referunt.

Ut enim ait S. Thomas, 2. 2. q. 177, art. 2. „ „ Opus exterius naturaliter significat intentionem. Quando ergo aliquis per bona opera, quæ facit ex suo genere ad Dei servitium pertinentia, non querit Deo placere, sed hominibus, simulat rectam intentionem, quam non habet. Unde S. Greg. dicit *lib. 31. Moralium, cap. 8*: Hypocritæ per causas Dei deserviunt intentioni seculi; quia per ipsa quoque, quæ se agere sancta ostendunt, non conversionem quarunt hominum, sed auras favorum. *Et ita* simulant mendaciter intentionem rectam, quam non habent (*inquit S. Thomas*) quamvis non simulent aliquod rectum opus, quod non agunt „ „

R E G U L A VI.

„ „ Qui habitum sanctitatis assumit, intendens se ad statum perfectionis transferre, si per in-

firmitatem deficiat, non est simulator, vel hypocrita; quia non tenetur manifestare suum peccatum, sanctitatis habitum deponendo (*Vellem scilicet clericalem, aut monasticam.*) Si autem ad hoc sanctitatis habitum assumeret, ut se iustum ostentaret, esset hypocrita, & simulator „ „. Ita *S. Thomas* ibidem ad secundum,

REGULA VII.

Hypocrisis gravius peccatum est, cæteris paribus; iis, quæ palam committuntur.

Ita docent *S. Hieronymus* Commentario in *Isaiæ* cap. 6. „ „ Si præbeo (*inquit*) eleemolynam, ut glorificer ab hominibus, recepi mercedem meam, & mercenarius appellandus sum. Si castum esse me simulo, & aliud est in conscientia mea; habeo non gloriam mercenarii, sed supplicia peccatoris. Et in comparatione duorum malorum, levius est aperte peccare, quam simulare, & fingere sanctitatem „ „.

S. August. Enarratione in *Psal.* 63. „ „ Simulata (*inquit*) innocentia non est innocentia; simulata æquitas non est æquitas, sed duplex iniquitas; quia & iniquitas est, & simulatio. *Et Sermone* 355. alias de *Diversis*, 49. Nolo habere hypocritas. Malum est cadere a proposito, sed pejus est simulare propositum „ „.

S. Leo, *Sermone* 5. *De Passione Domini*, ubi de *Juda* sic loquitur: „ Merito, sicut & *Propheta* prædixerat: Oratio ejus facta est in peccatum; quoniam „ consummato scelere tam perversa impii conversio „ fuit, ut etiam poenitendo peccaret „.

S. Bernardus, in *Apologia ad Guillelmum Abbatem*, cap. 1. „ Quis (*inquit*) magis impius, an profitens „ impietatem, an mentiens sanctitatem? Nonne is, „ qui etiam mendacium addens, geminat impietatem „?

REGULA VIII.

Christiana pietas interior simul, & exterior esse debet.

Ut enim *Psal.* 44. dicitur: *Omnis gloria ejus filia Regis ab intus; in sinistris aureis circumamicta varic-*

Christiana
pietatis ca-
racter.

rietatibus. Quæ verba expendens Auctor Commentarii in lib. *Regum*, inter Opera *S. Gregorii* editi, lib. 6. cap. 15. „ Quid est (*inquit*) quod omnis gloria intus esse prohibetur, nisi quia & illa quæ foris est gloria, cum aliis innumeris intus esse cognoscitur? Aurea enim virginitas non est, si foris est, & intus non est. Quia ergo intus, & foris est, quia eadem splendet in corpore, eadem fulget in mente; omnis gloria filię *Regum* intus esse sentiri convenienter potest. Omnis gloria ejus intus est, quia foris sola intus tota non est. Quia enim multæ sunt virtutum charitates in mente Virginis, sic virgineus splendor asseritur, ut intus omnis gloria prædicetur „ Idem docet Apostolus ad Rom. 12. *Providentes bona* (*inquit*) non tantum coram Deo, sed etiam coram omnibus hominibus. Hinc *S. Gregorius Nazianz.* Oratione in funere sororis suæ *Gorgonia*, veram illius virtutem his verbis prædicat: „ Quod præclarissimum est, non magis opum videri, quam revera esse studebat; quin potius in abscondito, apud eum, qui abscondita intuetur, pietatem luculenter excolebat „ Hinc *Tertullianus*, lib. de *Pallio*, ait; „ Etsi eloquium quiescat, nam & elinguis *Philosophia* vita contenta est, ipse habitus sonat. Sic denique auditur *Philosophus*, dum videtur: De occurſu meo vitia suffundo... Grande *Pallii* beneficium est, sub cujus recogitatu improbi mores vel erubescunt „ „

ARTICULUS XVIII. DE CONTENTIONE,

quarta inanis gloria filia.

Contentio est impugnatio veritatis cum confidentia clamoris. Ex genere suo mortale peccatum est. Quid est contentio. Ab Apostolo enim inter peccata a regno Dei excludentia non semel recensetur. Ad Rom. 1. loquens de Philosophis, quos tradidit Deus in reprobum sensum, ait illos fuisse *Repletos omni iniquitate, malitia, fornicatione, avaritia, nequitia, plenos invidia, homicidio,*

con-

92 Theol. Dog. & Moral. Lib. III.

la, conflictationes hominum mente corruptorum, & qui veritate privati sunt, existimantium, questum esse pietatem. Et *S. Jacobus* Epistolæ suæ catholicæ, c. 3. Quod si zelum amarum habetis, & contentiones sint in cordibus vestris; nolite gloriari, & mendaces esse adversus veritatem. Non est enim ista sapientia desursum descendens, sed terrena, animalis, diabolica; ubi enim zelus, & contentio, ibi inconstantia, & omne opus prævum. Hinc *Tertullianus*, lib. de *Presumptionibus hæreticorum*, c. 17. ostendens, quam periculosa sit, nedum infructuola contra hæreticos Scripturas sacras non recipientes, vel adulterantes, disputatio coram infirmis, ait: „ Necessario nolunt agnoscere ea, per quæ revincuntur; his nituntur, quæ ex laïlo composuerunt, & quæ de ambiguitate coeperunt. Quid promovebis exercitatissime Scripturarum, cum si quid defenderis, negetur; ex adverso si quid negaveris, defendatur? Et tu quidem nihil perdes nisi vocem in contentione; nihil consequeris nisi bilem de blasphematione. Ille vero, si quis est, cujus causa in congressum descendis Scripturarum, ut eum dubitantem confirmes, ad veritatem, an magis ad hæreses devertet? Hoc ipso motus, quod te videat nihil promovisse, æquo gradu negandi, & defendendi adversa parte, statu certe pari, altercatione incertior discedet, nesciens quam hærelim judicet „ „

R E G U L A III.

Lethale contentionis peccatum incurrunt improbi litigatores, causidici, procuratores, qui causam injustam dolis, clamoribus, tergiversationibus obtinere, imo potius extorquere nituntur.

Hæc regula colligitur ex *S. Thoma* loco supra laudato, in responsione ad tertium, dicente: „ Secundum completam rationem contentionis, prout est peccatum mortale, ille in judicio contendit, qui impugnât veritatem justitiæ; & in disputatione contendit, qui intendit impugnare veritatem
do-

doctrinæ. Et secundum hoc catholici non contendunt contra hæreticos, sed potius e converso „ „

R E G U L A I V.

Lethali contentionis peccato se inficiunt, qui in disputatione quavis, aut lisis prosecutione, verbis improprii disceptant, quibus charitas proximo debita graviter laeditur, ejusque fama proscinditur; cum optimis tantum rationibus veritatem, aut causæ merita in lucem proferre, ac tueri deberent. Hæc Regula colligitur ex *S. Thom.* Lectione 3. in cap. 2. Epistolæ 2. ad *Timotheum*.

R E G U L A V.

Contentio, quæ est impugnatio falsitatis cum debito modo acrimoniz, est laudabilis. Si autem accipitur contentio secundum, quod importat impugnationem falsitatis cum inordinato modo, sic potest esse peccatum veniale; nisi forte tanta inordinatio fiat in contendendo, quod ex hoc generetur scandalum aliorum. Contentio laudabilis.

Hæc regula ipsis *S. Thomæ* verbis concepta est, 2. 2. quæst. & art. supra laudatis. Et confirmatur ex responsione ad tertium: „ Si accipiat *(inquit)* contentio in iudicio, vel disputatione secundum imperfectam rationem, scilicet secundum quod importat quamdam acrimoniam locutionis, sic non semper est peccatum mortale „ „ Immo nullum quandoque peccatum est, secundum illud *S. August.* Tract. 7. in Epist. 1. *S. Joannis*: „ Dilige, & quod vis fac, sive taceas, dilectione taceas; sive clames, dilectione clames; sive emendes, dilectione emendes; sive parcas, dilectione parcas. Radix sit intus dilectionis, non potest de ista radice nisi bonum existere „ „

R E G U L A V I.

Contentio de re, de qua non est contendendum, veniale saltem peccatum est.

Contentio enim hujusmodi est inordinata, & per-versa. Talis fuit Apostolorum contentio Contentio venialis.

94 Theol. Dog. & Moral. Lib. III.

12. *Falsa est & contentio inter eos, quis eorum videretur esse major.* In discipulis autem Christi, ut observat S. Thomas, quæst. & articulo supra laudatis, in responsione ad primum: „ Non erat contentio cum intentione impugnandi veritatem; quia unusquisque defendebat, quod sibi verum videbatur. Erat tamen in eorum contentione inordinatio, quia contendebant, de quo non erat contendendum, scilicet de primatu honoris. Nondum enim erant spirituales. Unde & Dominus consequenter eos compescuit „ „ Gravius certe peccabant prædicatores illi, qui s. Paulo in vinculis propter Evangelii veritatem detento, emulationis, & contentionis animo Christum & ipsi prædicabant, existimantes se majus periculum Apostolo creare, ut ipse testatur ad Philip. 1. *Quidam autem (inquit) ex contentione Christum annuntians, non sincere, existimantes pressuram se suscitare vinculis meis. Quid enim? Dum omni modo, sive per occasionem, sive per veritatem Christus annuntietur, & in hoc gaudeo, sed & gaudebo.* Hi certe „ „ Reprehensibiles erant (inquit S. Thomas) quia quamvis non impugnarent veritatem fidei, sed eam prædicarent, impugnabant tamen veritatem quantum ad hoc, quod putabant se suscitare pressuram Apostolo veritatem fidei prædicanti. Unde Apostolus non gaudebat de eorum contentione, sed de fructu, qui ex hoc proveniebat, scilicet quod Christus annuntiabatur; quia ex malis etiam occasionaliter subsequantur bona „ „

R E G U L A VII.

Disputationes ad illustrandam, & explicandam veritatem minime susceptæ, & peractæ, sed solo studio vincendi adversarios, & gloriæ captandæ, contentiones sunt, & peccatæ.

Contentio-
nes vitan-
dæ.

Hinc Apostolus 2. ad Timoth. 2. scribit: *Stultas, & sine disciplina Quæstiones devota; sciens quia generant lites. Servum autem Domini non oportet litigare, sed mansuetum esse ad omnes, docibilem, patientem,*

tem, & cum modestia corripientem eos, qui resistunt veritati. Hinc Dialecticam, quatenus ea Sophistæ abutuntur, Tertullianus, lib. de Præscriptionibus hæreticorum, cap. 7. In argumentis operariam contentionum vocat. Et lib. de Anima, cap. 18. Philosophicas argutias vocat tormenta cruciandæ simplicitatis, & suspendendæ veritatis. Hinc S. August. lib. 4. de Doctrina christiana, cap. 28. „„ Verbis (inquit) contendere, non est curare, quomodo error veritate vincatur, sed quomodo tua dictio dictioni præferatur alterius. Porro qui non verbis contendit, id agit verbis, ut veritas pateat, veritas placeat, veritas moveat; quoniam nec ipsa, quæ præcepti finis, & plenitudo legis est, charitas ullo modo recta esse potest, si ea, quæ diliguntur, non vera, sed falsa sunt „„.

REGULA VIII.

Molesta, & plena contentionis negotia vir christianus declinare debet, quantum potest.

Hanc regulam tradit S. Ambrosi. Ep. 63. ad Excellentem Ecclesiam. „„ Quoniam (inquit) nemo potest esse sine aliquibus adversis, id agamus, ne nobis nostro vitio adversa accidant. Nemo enim gravius alieno condemnatur iudicio, quam insipiens suo, qui sibi auctor est malorum. Unde molesta, & plena contentionis declinemus negotia, quæ neque fructum habent, & impedimentum afferunt. Quamquam id agere debemus, ne nos arbitrii nostri pœniteat, aut facti. Prudentis est enim prospicere, ne frequentè eum pœniteat sui; nunquam enim pœnitere solius est Dei. Quis vero justitiæ fructus, nisi mentis tranquillitas? Aut quid est iuste vivere, nisi cum tranquillitate vivere „„?

ARTICULUS XIX.
DE PERTINACIA,

quinta inanis gloria filia.

Pertinacia vitium est ex inani gloria ortum, quo quis repudiata meliore, & aequiore sententia, de sua, Quid sit
pertinacia.
Tom. VII. G licet

licet falsa, & iniqua, nulla ratione dimoveri potest. Hic proprius est hæreticorum character, de quibus *S. Hieron.* in fine dialogi *Adversus Luciferanos* ait: *Facilius eos vinci posse, quam persuaderi.* Hinc *S. August.* lib. 3. de *Anima, & ejus origine*, cap. 15. „Hæc (*inquit*) si pertinaciter singula defendantur, „tot hæreseles facere possunt, quot opiniones esse „enumerantur „. *Et lib. 3. Contra Cresconium grammaticum, cap. 3. „.* Sicut laudabile est a vera sententia non moveri; ita culpabile persistere in falsa; quam nunquam tenere prima laus est, secunda mutare; ut aut ex initio vera permaneat, aut mutata falsa vera succedat „.

Pertinacia perseverantiæ opponitur. „ Pertinaces enim perseverant in propria sententia plus, quam oportet; perseverans secundum quod oportet (*inquit S. Thomas 2. 2. qu. 138. art. 2.*) Ideo autem aliquis nimis persistit in propria sententia, quia per hoc vult suam excellentiam manifestare. Unde oritur ex inani gloria, sicut ex causa „.

R E G U L A P R I M A.

Pertinacia lethale peccatum est, cum aliquis manifestata sibi doctrina catholicæ Fidei, resistere maluerit, & illud, quod tenebat, elegerit.

Pertinacia
quam grave
peccatum.

Hic enim proprie hæreticus est, ut docet *S. August.* lib. 4. de *Baptismo contra Donatistas*, cap. 16. & lib. 2. c. 5. „ Ideo (*inquit*) plerumque doctioribus minus aliquid revelatur, ut eorum patiens, & humilis charitas, in qua fructus major est, comprobetur; vel quomodo teneant unitatem, cum in rebus obscuris diversa sentiunt, vel quomodo accipiant veritatem, cum contra id, quod sentiebant, declaratum esse cognoscunt... *Et infra*: Homines sumus. Unde aliquid aliter sapere, quam res se habet, humana tentatio est. Nimis autem amando sententiam suam, vel invidendo melioribus, usque ad præcedendæ Communionis, & condendi schismatis,
vel

vel hæresis sacrilegium pervenire, diabolica præsumptio est. In nullo autem aliter sapere, quam res se habet, angelica perfectio est. Quia itaque homines sumus, sed spe Angeli sumus, quibus æquales in resurrectione futuri sumus, quamdiu perfectionem Angeli non habemus, præsumptionem diaboli non habeamus „ „.

R E G U L A II.

Pertinacia lethale peccatum est, cum aliquis Ecclesiæ, summi Pontificis, aut Episcopi cujuslibet catholici, in sua Diœcesi, judicio, & mandato, propositiones catholicæ Fidei, vel christianæ morum disciplinæ, pietati, ecclesiasticæ hierarchiæ, aut paci contrarias, vel piarum aurium quovis modo offensivas, aut scandalum moventes, seu verbis tenus assertas in scholis, concionibus, publicis disputationibus, privatisque congressibus, seu literis consignatas, ejurare, retractare, ac emendare noluerit.

Hac enim pertinacia charitas Dei, qui prima veritas est, & charitas proximi, graviter læduntur. „ „ Nam nimis perverse seipsum amat, qui & alios vult errare, ut error suus lateat. Quanto enim melius, & utilius, ut ubi ipse erravit, alii non errent, quorum admonitu errore careat? Quod si noluerit, saltem comites erroris non habeat (*inquit S. August. Epist. 143. alias 7. ad Marcellinum.*) Et infra: Illius Scripta summa sunt auctoritate dignissima, qui nullum verbum, non quod revocare vellet, sed quod revocare deberet, emisit. Hoc quisquis nondum est assecutus, secundas habeat partes modestiæ, quia primas non potuit habere sapientiæ. Quia non valuit omnia non poenitenda diligenter dixisse, poeniteat, quæ cognoverit dicenda non fuisse „ „.

R E G U L A I I I.

Pertinacia lethale peccatum est, cum quispiam Scripturarum divinarum auctoritati rationes quascunque non summittit; aut certæ, ac evidenti rationi Scripturæ sacre præter Ecclesiæ sensum intellectæ auctoritatem studiose opponit.

Ut enim ait *S. August.* Epist. mox laudata: „ Si ratio contra divinarum Scripturarum auctoritatem redditur, quamlibet acuta sit, fallit verisimilitudine; nam vera esse non potest. Rursus si manifestissimæ, certæque rationi velut Scripturarum sanctarum objicitur auctoritas; non intelligit, qui hoc facit, & non Scripturarum illarum sensum, ad quem penetrare non potuit, sed suum potius objicit veritati; nec quod in eis, sed quod in seipso velut pro eis invenit, opponit „ „.

R E G U L A I V.

Pertinacia lethale peccatum est. cum aliquis Propositiones in materia Fidei, & morum, a Conciliis, vel ab Episcopis, & imprimis a romano Pontifice damnatas, propugnat.

His siquidem examen, & judicium doctrinarum divinitus commissum est. Unde qui aliquam ex damnatis *Jansenii*, aut *Baji* Propositionibus, vel ex propositionibus laxiorum Casuistarum ab *Alexandro VII.* & *Innocent. XI.* Romanaque, & catholica Ecclesia confixis propugnaret, aut veram esse, ac sequendam nihilominus sentiret, lethalis peccati reus esset. Hinc *Majores Ecclesiæ causas*, & *difficiles Quæstiones*, Fidem scilicet, vel dubiam disciplinam spectantes: *Ad Sedem apostolicam quasi ad caput, atque ad apicem Episcopatus referri*, ejusque judicium expectari, & velut oraculum suscipi, vetus mos obtinuit. Hinc *S. Hieron.* Patrum doctissimus, *Damasi* Pontificis sententiam de una, vel tribus hypostasibus dicendis rogavit, Ep. 57. „ „ Obtestor beatitudinem tuam (*inquit*)

Cap. multi
dist. 17.
Innoc. I.
Epist. 4.

quit) per Crucifixum, mundi salutem, per homou-
 sion Trinitatem, ut mihi Epistolis tuis sive tacenda-
 rum, sive discendarum hypostaseon detur auctori-
 tas „„. Hinc *S. August.* de Pelagiana hæresi non so-
 lum in Synodis Africæ, verum etiam Romæ a sum-
 mis Pontificibus *Innocent. I. & Zosimo*, damnata ait:
 „ Sedis apostolicæ rescripta venerunt, causa finita
 „ est; utinam & error finiatur „. Hinc *S. Anselmus*,
 lib. *de Fide Trinitatis* offerens, & dicans *Urbano II.*
 Pontifici maximo, scribit „„ Quoniam divina Pro-
 videntia vestram elegit sanctitatem, cui vitam, &
 Fidem christianam custodiendam, & Ecclesiam suam
 regendam committeret; ad nullum alium rectius re-
 fertur, si quid contra catholicam fidem oritur in
 Ecclesia, ut ejus auctoritate corrigatur; nec ulli alii
 tutius, si quid contra errorem responderetur, ostendi-
 tur, ut ejus prudentia examinetur „„. Hinc *S. Ber-
 nardus*, Ep. 190. „„ Oportet (*inquit*) ad vestrum
 referri Apostolatum pericula quæque, & scandala
 emergentia in regno Dei, ea præsertim, quæ de fide
 contingunt. Dignum enim arbitror ibi potissimum
 relargiri damna fidei, ubi non possit fides sentire
 defectum; hæc quippe hujus prærogativa Sedis „„.
 Quamobrem *Hincmarus* Archiepiscopus Remensis in
 Præfatione Opusculi *De Divortio Lotharii Regis, &
 Tethergæ Regina*, scribit: „„ De omnibus dubiis,
 vel obscuris, quæ ad rectæ fidei tenorem, vel pietatis
 dogmata pertinent, S. R. E. ut omnium Ecclesiarum
 mater, & magistra, nutrix, & doctrix, est consulenda,
 & ejus salubria monita sunt tenenda; maxime ab
 his, qui in illis regionibus habitant, in quibus di-
 vina gratia per ejus prædicationem omnes in fide
 genuit, & catholico lacte nutrit, quos ad vitam
 præordinavit æternam „„. Hinc *Yvo Carnotensis*
 Episcopus Ep. 8. „ Sedis (*inquit*) Apostolicæ judiciis,
 „ & Constitutionibus obviare, plane est hæreticæ pra-
 „ vitatis notam incurrere „. Hinc denique Conven-
 tus Melodunensis Ecclesiæ gallicanæ, tit. 1. *De Fi-
 dei Professione*, ita decrevit: „„ Operam dabunt ii,

G 3

qui-

quibus hæc cura demendata est, Episcopi scilicet, & eorum Vicarii, ut in omnibus Synodis tam diocesanis, quam provincialibus, omnes, & singuli tum Clerici, tum Laici, amplectantur, & aperta professione eam fidem pronuntient, quam S. romana Ecclesia, magistra, columna, & firmamentum veritatis proficitur, & colit. Ad hanc enim propter suam principalitatem necesse est omnes convenire Ecclesias.

R E G U L A V.

Lethalis pertinaciæ reus est, quisquis damnationi propositionum aliquarum in materia fidei, & in sensu etiam auctoris, e cujus libris excerptæ sunt, secundum formulam ab apostolica Sede, & Episcopis præscriptam, subscribere superbe recusat.

Is enim sententiam suam nimis amat, eamque præponit, & veritati fidei, quam subscriptione sua aperte profiteri renuit; & obedientiæ, quam debet summo Pontifici, & Episcopis subscriptionem jure impetrantibus, ut omnis hæreseos suspicio eluatur; & ædificationi, quam toti debet Ecclesiæ summittendo privatum lumen suum, atque opinionem iudicio pastorum ipsius, & præsertim romani Pontificis pastorum omnium unius, summique pastoris. Hinc S. Hieron. Ep. 65. adversus Origenistas hæc habet: „ Subscriptionem tergiversantur, quæruntque suffugia. Alius, non possum, inquit, damnare, quod nemo damnavit. Alius, nihil super hoc a Patribus statutum est; ut dum totius orbis provocatur auctoritas, subscribendi necessitas differatur. Quidam constantius; quomodo damnabimus, quos Nicæna Synodus non tetigit „? Et in præmio Dialogi adversus Pelagianos: „ Si quis (*inquit*) falso se infamari clamitat, & gloriatur nostra sentire, tunc veræ fidei probabit assensum, cum aperte, & absque dolo adversa damnaverit „. Hinc S. Leo Ep. 6. alia 86. ad Aquilejensem Episcopum de Pelagianis scri-

De Peccatis capitalibus. 101

scribit: „„ Damnent apertis professionibus suis superbi erroris auctores, & quidquid in doctrina eorum universalis Ecclesia exhorruit, detestentur; omniaque Decreta synodalia, quæ ad excisionem hujus hæreseos apostolicæ Sedis confirmavit auctoritas, amplecti se, & in omnibus approbare, plenius, & apertius, ac propria manu subscriptis protestationibus eloquantur. Nihil in verbis eorum obscurum, nihil inveniatur ambiguum. Quoniam novimus hanc istorum esse versutiam, ut in quacunque particula dogmatis execrandi, quam a damnandorum soliditate discreverint, nihil sibi sensuum suorum æstiment esse non saluum. *Et infra:* Qui correctos se videri volunt, ab omni suspitione se purgent, & obediendo nobis, probent se esse nostros. Quorum si quisquam salubribus præceptis satisfacere detrectarit, sive ille Clericus, sive Laicus, ab Ecclesiæ societate pellatur, ne perditur animæ suæ, salutis insidietur alienæ „„. Sic actum cum *Anatolio*, qui Eutybianæ hæreseos in suspensionem venerat, ut constat ex ejusdem Pontificis Ep. 33. alias 52. „„ Sinceram (*inquit*) communis fidei professionem absolutissima subscriptione, coram omni Clero, & universa plebe declaret, apostolicæ Sedi, & universis Domini Sacerdotibus, atque Ecclesiis publicandam „„. Sic actum cum *Astasio* Presbytero, ut constat ex ejusdem sancti Pontificis Ep. 77. alias 128. ad *Anatolium* data. His exemplis *Alexander VII.* Pontifex maximus formulam præscripsit damnationis: *Quinque propositionum ex Cornelii Jansenii libro, cui nomen Augustinus, excerptarum, & in sensu ab eodem auctore intento, prout illas per suas Constitutiones Sedes apostolica damnavit; Cui formulæ ab omnibus Archiepiscopis, necnon aliis quibuscunque ecclesiastici Ordinis, tam regularibus quam secularibus, etiam monialibus, doctoribus, & licentiatibus, collegiorum rectoribus, atque magistris subscribi distincte mandavit, sub poenis canonicis. Quam subscriptionem absque lethali pertinaciæ crimine superbe recusare nemo potuit, aut potest.*

REGULA VI.

Lethalis pertinaciæ reus est, quisquis opinionem erroneam, aut minus probabilem in materia morum, veræ, & probabiliori anteponeat, & secundum illam agit.

Tunc enim *Innititur suæ sententiæ, nolens credere sententiæ saniori* (inquit *S. Thomas* qu. 9. de *Malo*, ar. 2.) idque in re maximi momenti, & ubi de æterna salute agitur; consulit cupiditatem suam, non docentem intus veritatem; aut certe Doctores prurientes auribus, a veritate recedentes, & cupiditati blandientes. At veritas, quæ Christus est, non cupiditas, est consulenda, ut docet *S. August.* lib. *De Magistro*, cap. 11. „„ De universis, quæ intelligimus (*inquit*) non loquentem, qui personat foris, sed intus ipsi menti præsentem consulimus veritatem, verbis fortasse, ut consulamus admoniti. Ille autem, qui consulitur, docet, qui in interiore homine habitare dictus est Christus, id est, incommutabilis Dei virtus, atque æterna sapientia; quam quidem omnis rationalis anima consulit, sed tantum cuique panditur, quantum capere propter propriam sive malam, sive bonam voluntatem potest. Et si quando fallitur, non sit vitio consultæ veritatis; ut neque hujus, quæ foris est, lucis vitium est, quod corporei oculi sæpe falluntur; quam lucem de rebus visibilibus consuli fatemur, ut eas nobis, quantum cernere valeamus, ostendat „„

REGULA VII.

Lethalis pertinaciæ reus est, quisquis in Comitibus, conventibus, capitulis, consiliis, ubi de bono Ecclesiæ, reipublicæ, aut societatis cujuslibet, spiritualis, vel temporalis deliberatur, & imprimis de eligendo summo Pontifice, Episcopo, vel Superiore quocunque ecclesiastico; aut Principe, vel magistratu, de condendis, aut legibus, vel statutis, de gratiis concedendis, aut poenis irrogandis, æquiores, & saniores sententiam, studio partium, minus justæ postponit.

Hic

De Peccatis capitalibus. 107

Hic enim sententiam suam nimis amare convincitur, qui bono communi, & saniori sententiæ in illud tendenti ipsam præponere non veretur.

REGULA VIII.

Veniale tantum peccatum committit, qui in materia levi, nec sibi, alterive perniciofa, pertinax est; nisi forte ratione scandali, quod pareret propriæ sententiæ nimius amor, & immobilis in ea permanfio.

ARTICULUS XX.

DE DISCORDIA.

Sexta filia inanis gloria,

Discordia est diffenfio, & discrepantia voluntatum circa bonum Dei, vel proximi, in quod homo confentire tenetur ex præcepto, quo Deum, & proximum diligere debet.

Quid fit discordia.

Diffenfio voluntatum dicitur, non opinionum duntaxat. Possunt enim homines inter fe diffentire, & varias in opiniones abire, salvo charitatis, & concordix vinculo, nisi hæc diffenfio fit circa ea, quæ necessaria sunt ad salutem, nempe circa fidem, vel christianam morum disciplinam, vel cum nimia pertinacia conjuncta fit. Dicitur circa bonum, quia in malo diffentire bonum est. Dicitur Dei, vel proximi, quia discordia repugnat charitati, qua utrumque bonum diligitur. Additur, in quod homo confentire tenetur, quia non tenetur quilibet amplecti quodlibet bonum, sed illud tantum, quod necessarium est ad salutem, non quod est meræ supererogationis. ut Theologi loquuntur. Unde si quis diffentiat ab amico monasticæ vitæ professionem suadente, discordiæ peccatum non committit.

Discordia ex genere suo mortale peccatum est. Apostolus enim ad Gal. 5. *Diffenfiones* numerat inter opera carnis, de quibus subdit: *Qui talia agunt, regnum Dei non consequentur.* Nihil autem excludit a regno Dei nisi peccatum mortale. Et Prov. 6. *Sex*

Ex genere lethale peccatum est.

sunt (inquit sapiens) quæ odit Dominus, & septimum detestatur anima ejus, oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes veloces ad currendum in malum, proferentem mendacia, testem fallacem, & eum, qui seminat inter fratres discordias. Id confirmat S. *August.* Enar. in Psal. 149. „ Si tu (inquit) laudas Dominum, & ego laudo Dominum, quare in discordia sumus? Charitas laudat Dominum, discordia blasphemat Dominum „ Et Serm. *De Utilitate jejunii*, cap. 8. explicans cur diabolus discordiam inter Christianos ferat. dum concordēs sunt inter se Pagani, hæc habet: „ Non præferant nobis quasi concordiam suam, non sibi tanquam de unitate sua placeant. Hostem quippe, quem patimur, illi non patiuntur; illos & non ista agentes ipse possidet. Videt eos adoratores fallorum Deorum; videt eos servos, & servos demoniorum; quid illi lucri est, quia litigant, aut quid damni est, quia non litigant? Et unum quamvis fallum, & vanum sentientes, sibi que contentientes, sic eos possidet. At vero cum defereretur, & multi ad unum Deum concurrerent, ejus sacrilega Sacramenta defererent, templa everterent, idola frangerent, Sacrificia prohiberent, vidit se perdidisse, quos tenebat, vidit a sua familia recellisse, verum Deum cognovisse. Quid faceret? Quomodo insidiaretur? Concordes nos scit, quod possidere non possit, unum Deum nobis dividere non potest, falsos Deos nobis supponere non potest, sentit esse vitam nostram charitatem, mortem nostram dissensionem; lites immisit inter Christianos, quia multos Deos non potuit fabricare Christianis; Sectas multiplicavit, errores seminavit, hæreses instituit „ Et cap præc. Paganorum concordiam Christianis pudorem suffundere debere ostendit. „ Pagani (inquit) admoneant te aliquid de unitate Christi tui: ecce nos unum verum ideo invenimus, ut sub uno in unitate non simus? Multos illi & falsos, nos unum & verum, & illi sub multis non habent divisionem, nos sub uno vero non tene-

De Peccatis capitalibus.

107

invenimus unitatem. Non doles, non gemis, non erubescis. . . . Audi Dominum tuum mandatum dantem, ut nos invicem diligamus. Cum ex nobis omnibus tanquam membris corpus sibi faciat, quod corpus habeat unum caput ipsum Dominum, & Salvatorem; tu contra divellis te a membris Christi; non amas unitatem. Non hoc expavesceres in membris tuis? Si distortum digitum haberes, non ad correctorem digiti tui medicum curreres? Certe tunc se habet bene corpus tuum, quando sibi concordant membra tua; tunc diceris sanus, tunc bene vales. Si autem aliquid in tuo corpore dissentiat ab aliis partibus, quæris, qui emendet. Cur ergo non quæris emendari, ut compagini membrorum Christi revoceris, & congruas in ipsa corpore, & tuo? Certe viliores sunt cæteris membris capilli tui. Quid vilius in corpore tuo capillis tuis? Quid contemptius? Quid abjectius? Et tamen si male te tondeat, irascere tonsori, quia in capillis tuis non servat æqualitatem; & tu in membris Christi non tenes unitatem „ „.

R E G U L A I.

Per se discordat aliquis a proximo, cum sciens, & ex intentione dissentit a bono divino, & bono proximi, in qua debet consentire; & hoc est peccatum mortale ex suo genere, propter contrarietatem ad charitatem; licet primi motus hujus discordiæ, propter imperfectionem actus, sint peccata venialia.

Hac regula ipsius *S. Thomæ* verbis concepta est, 2. 2. quæst. 28, art. 1.

R E G U L A II.

Cum intentio aliquorum fertur in aliquod bonum, quod pertinet ad honorem Dei, vel utilitatem proximi; sed unus æstimat hoc esse bonum, alius autem habet contrariam opinionem, discordia tunc est per accidens, *id est*, præter intentionem, contra bonum divinum, vel proximi. Et talis discordia non est peccatum, nec repugnat charitati; nisi *conjuncta* sit cum errore circa ea, quæ sunt de necessitate salutis, vel pertinacia indebite adhibeatur.

Ita

Discordia
innocens.

Ita S. Thomas ibidem. Talis discordia fuit inter Sanctos Paulum, & Barnabam, de qua Actuum 15. S. Lucas scribit: *Post aliquot dies dixit ad Barnabam Paulus; Revertentes visitemus fratres per universas civitates, in quibus prædicavimus verbum Domini, quo modo se habeant. Barnabas autem volebat secum assumere & Joannem, qui cognominabatur Marcus. Paulus autem rogabat eum (ut qui discessisset ab eis de Pamphilia, & non esset cum eis in opus) non debere recipi. Facta est autem dissensio, ita ut discederent ab invicem.* Hæc (inquam) discordia peccatum non fuit; „„ Uterque enim intendebat bonum; sed uni videbatur hoc esse bonum, alii illud; quod ad defectum humanum pertinebat. Non enim erat talis controversia in his, quæ sunt de necessitate salutis; quamvis hoc ipsum fuerit ex divina providentia ordinatum propter utilitatem inde consequentem „„ (*inquit S. Thomas*, ibidem in responsione ad tertiam objectionem.) Hæc scilicet dissensio consiliorum fuit, ex tenebris humanæ mentis profecta, non animorum. De qua dissensione S. Joan. Chrysost. Hom. 34. in acta: „„ *Exacerbatio (inquit) non fuerit mala, quando pro talibus unusquisque contendit, idque iusta cum ratione. Itaque si quis illorum exacerbatus, quod suum, & quod in suam gloriam quævisset, bene; si autem uterque volebat docere, & instituere, & hic quidem hanc, ille autem aliam viam ingressus est; quale hoc fuerit crimen? Multa etiam humana ratione faciebant, &c. Et paulo post: Uter igitur melius consuluerit, non est nostrum pronuntiare, sed quod magna fuerit Dei ordinatio, &c. Et infra: In hac quæstione audiendum, non quod diversi fuerint in sententiis, sed quod alter alteri morem gessit; unde ex discessione majus bonum fuit, & res hinc occasionem sumpsit. Quid igitur? Inimici ne inter se discesserunt? Absit. Vides enim, quod Barnabas postea multum a Paulo in Epistolis celebratur „„.*

REGULA III.

Discordia quandoque est cum peccato unius tantum; puta, cum unus vult bonum, cui alius sciens resistit; quandoque autem est cum peccato utriusque, puta, cum uterque dissentit a bono alterius, & uterque diligit bonum proprium.

Ita *S. Thomas*, quæstione, & articulo supra laudatis. Sic discordia inter hæreticos, sive schismaticos, & Catholicos est cum illorum duntaxat peccato; volumus enim, ut ad fidei catholicæ professionem, & unitatem redeant; cui illi resistunt. Hinc *S. August.* Serm. 359. alias *De Diversis* 91. „ „ Ecce (*inquit*) quale consilium Dominus fratribus dedit dissidentibus, quo concordessent, ut carerent cupiditate, & continuo implerentur veritate. Invenimus ergo talem hæreditatem. Quamdiu loquimur de concordia terrenorum fratrum, quæ rara est, quæ difficilis est? Loquamur de illa fratrum concordia, quæ vera esse debet, & potest. Fratres sunt Christiani omnes, nati ex Deo, & ex visceribus matris Ecclesiæ per Spiritum sanctum; habeant & ipsi hæreditatem dandam, & non dividendam. Hæreditas eorum Deus ipse est. . . In hac hæreditate concordia custoditur; pro hac hæreditate non litigatur. Alia hæreditas litigando acquiritur; ista litigando amittitur. Nolentes homines hanc hæreditatem perdere, vitant litigare. Et quando forte videntur litigare, non litigant. Sed forte videntur litigare, aut putantur litigare, cum volunt fratribus consulere. Videte, quam concors sit eorum litigatio, quam pacifica, quam benigna, quam iusta, quam fidelis. Nam nos litigare videmur cum Donatistis; sed non litigamus. Ille enim litigat, qui adversario suo male vult; litigat ille, qui adversarium suum vult detrimentum pati, se augmentum; illi aliquid decedere, sibi accedere. Non sic sumus nos. . . Volebamus enim eos, cum quibus litigare videbamur, vel adhuc videmur, acquirere nobiscum, non perdere, ut nos acquiramur. Denique alia vox

Discordia
quandoque
unius dun-
taxat, quan-
doque duo-
rum, vel
plurium
peccatum
est.

Luc. 12.

nostra est, quam fuit fratris illius, qui interpellavit Christum, in terra ambulantiem. Nam & nos interpellamus eum in hac caula in coelo sedentem, & nos dicimus: *Domine, sic fratri meo, ut dividat mecum hereditatem*; sed dic fratri meo, ut teneat mecum hereditatem... Hoc non est litigare, sed amare „ „ Sic Concionator, vel Confessarius, vel quilibet Christianus proximum a peccato revocare, & liberare latagens, ab ipso peccatore dissentit; sic medicus ab ægroto lethargico, vel phrenetico, ut explicat diler- te S. August. Serm. De Utilitate jejunii, cap. 10. „ Si pater ægrotet lenex (inquit) jam vicinus morti, & adlit illi pie filius ejus, & videat eum medicus lethali, & noxio somno premi, patiens est in senem moriturum propter ipsos paucos dies, quibus hic potest vivere; stat filius, & adest patri sollicitus; & cum audierit medicum dicentem, iste homo lethargicus potest esse, & inde mori, si permittatur dormire; si vultis eum vivere, non dormiat; illum somnus ille noxius premit, qui & noxius, & dulcis est. Filius autem ejus admonitus a medico; stat sollicitus, patri molestus, pullat; & si pullatio ejus vincitur, vellicat; & si vellicatio nihil agit, pungit. Certe molestus est patri; & esset impius, nisi molestus esset. At ille, quem delectat mori molestum sibi filium tristi aspectu, & voce reverberat: Quiesce mihi, quid mihi molestus es? Sed medicus ait, quia si dormieris, morieris. Et ille, dimitte me, mori volo. Senex dicit, mori volo. Et puer impius est, si non dicat: Ego nolo. Et illa vita utique temporalis est, nec ille in ea perpetuus erit, cui filius est molestus, ut excitet; nec ille, qui abeunti patri, & decedenti succedit. Ambo per eam transeunt, ambo per illam temporaliter transvolant; & tamen impii sunt, nisi ad ipsam sibi temporalem, etiam cum invicem molesti sunt, consulant. Ergone video fratrem meum somno noxiæ consuetudinis premi, & non excito, dum timeo molestus esse dormienti, atque pereunti? Absit a me, ut hoc facerem, nec si illo vivo nostra angustaretur hære-

De Peccatis capitalibus.

109

hæreditas. Nunc vero cum illud, quod accepturi sumus, dividi non possit; cum possessore multiplicato angustari non possit; non cum erigam vel molestiis, ut vigilet, & carens somno vetustissimi erroris, mecum in hæreditate gaudeat unitatis? Prorsus faciam; si vigilo, faciam, si non facio, & ego dormio „ „.

Et rursus Serm. 359. supra laudato, de lite, & concordia Catholicorum cum Donatistis loquens: „ „ Medicus (*inquit*) non contendit cum ægrotis; & si ægrotus facit cum medico, vincitur febris, & sanatur ægrotus. Nam hoc intendit medicus vincere; hoc intendit & febris vincere. Positus est quasi in medio ægrotus. Si vicerit medicus, salvus est ægrotus, si vicerit febris, morietur ægrotus. In contentione ergo nostra contendebat medicus pro salute, pro febre contendebat ægrotus. Qui enim advertebant medici consilium, vicerunt, febrem superaverunt. Habemus eos sanos, & gaudentes nobiscum in Ecclesia. Blasphemabant nos antea, qui fratres nos non agnoscebant; febris enim mentem turbaverat. Nos tamen illos, & detestantes nos, & sævientes in nos amabamus, & sævientibus ægrotis serviebamus. Resistebamus, contendebamus, & quasi litigabamus, & tamen amabamus. Molesti enim sunt omnes, qui talibus languentibus serviunt; sed ad salutem molesti sunt „ „.

R E G U L A I V.

A proximo discordare in malo, est laudabile, tantum abest, ut sit peccatum.

Nusquam enim peccato consentire licet; nec solum rei sunt, qui malum agunt, sed & qui consentiunt facientibus. Id egregie confirmat S. *August.* Serm. 49. alias *de Tempore*, 237. „ „ Aliquando (*inquit*) amico tuo charissimo inimicus est aliquis, qui erat amborum. Incipiunt esse de tribus amicis duo inter se inimici. Quid faciat medius, qui remansit? vult, exigit, flagitat a te, ut oderis cum illo, quem odisse

Que discordia laudabile.

210 Theol. Dog. & Moral. Lib. III.

odisse coepit, & hæc verba tibi dicit: Non es amicus meus, quia es amicus inimici mei. Quæ vox hujus est ad te, ipsa est & illius ad te. Tres enim eratis, duo coeperunt esse discordes, remansisti tu. Si huic te junxeris, illum habebis inimicum; si illi, istum; si ambobus, ambo murmurabunt. Ecce tentatio, ecce spinæ in vinea, quo conducti sumus. Expectas forte à me audire, quid facias. Permane amicus amborum. Qui discordant inter se, concordent per te. Mala, si quæ audis ab altero, noli prodere alteri; ne forte sint postea amici, qui modo sunt inimici, & proditores suos prodant sibi. Ecce nemo te prodit: Deus, qui videt, ipse te judicat. Audisti ab irato verbum, a dolente, a succedente, moriatur in te. Dic sanè amico tuo, qui vult te facere inimicum amici tui; alloquere, & tanquam ægrotantem animum medicinæ lenitate pertracta. Dic illi, quare vis, ut sim inimicus illius? Respondet, quia inimicus meus est. Vis ergo, ut sim inimicus inimici tui? Inimicus esse debeo vitii tui. Iste, cui me vis facere inimicum, homo est; est alius inimicus tuus, cui debeo esse inimicus, si amicus tuus sum. Respondebit, quis est alius inimicus meus? Vitium tuum. Respondebit, quod vitium meum? Odium, quo odisti amicum tuum. Esto ergo similis medico. Medicus non amat ægrotantem, si non odit ægritudinem; ut liberet ægrotum, persequitur febrem. Nolite amare vitia amicorum veltro-
rum si amatis amicos vestros „ „.

Eandem Regulam confirmat *S. Thomas*, quæstione, & articulo supra laudatis, in responsione ad secundum. „ „ Sicut (*inquit*) voluntas hominis adhærens Deo est quædam regula recta, a qua peccatum est discordare; ita etiam voluntas hominis Deo contraria, est quædam perversa regula, a qua bonum est discordare. Facere ergo discordiam, per quam tollitur bona concordia, quam charitas facit, est grave peccatum. Sed causare discordiam, per quam tollitur mala concordia; scilicet in mala voluntate, est

est laudabile. Et hoc modo laudabile fuit, quod S. Paulus posuit diffensionem inter eos, qui erant concordēs in malo „„, scilicet inter Sadducæos & Phariseos, ut refertur Actuum. 23. *Sciens autem Paulus, quia una pars esset Sadducæorum, & altera Phariseorum, exclamavit in Concilio: Viri fratres, ego Phariseus sum, filius Phariseorum, de spe, & resurrectione mortuorum ego judicor. Et cum hac dixisset, facta est diffensio inter Phariseos, & Sadducæos.*

ARTICULUS XXI.

DE PRÆSUMPTIONE NOVITATUM.

septima inanis gloria filia.

Præsumptio novitatum vitium est, quo quis inanis gloria studio; ut scilicet nomen sibi faciat, hominumque admirationem sibi conciliet, nova excogitare præsumit. Quam periculosa sit huiusmodi præsumptio, probant mala inde manantia. Hinc enim hæreses, & sententiæ quævis erroneæ contra fidei catholicæ veritatem, aut morum integritatem adinventæ: hinc superstitiones innumeræ, perniciosæque artes; hinc vestium variæ formæ fovendo luxui; novæ choreæ, ac saltationes nutriendæ voluptati, excitandæ libidini; novi ludi in animæ, corporisve perniciem, reive familiaris eversionem; novi ciborum apparatus irritandæ gulæ, nova spectacula pascendæ curiositati, pravisque cupiditatibus accendendis, atque imprimis amorī profano, excogitata. Hinc veterum consuetudinum innoxiarum, aut optimarum etiam legum eversiones, haud absque scandalo, & perturbatione factæ.

Quid sit
præsumptio
novitatum.

REGULA PRIMA.

Præsumptio novitatum lethale peccatum est, cum nova doctrina contra fidei veritatem, aut morum integritatem excogitatur, & asseritur.

Hinc Apostolus ad *Timotheum* 6. scribit: *O Timothee, depositum custodi, devitans profanas vocum Tem. VII.*

Quam grave crimen.

H

novi-

112 Theol. Dog. & Moral. Lib. III.

novitates. Quid est depositum? (inquit *Vincentius Lirinensis*, *Commonitorii* 1. cap. 27.) „ Id est, quod tibi creditum est, non quod a te inventum; quod accepisti, non quod excogitasti; rem non ingenii, sed doctrinæ; non usurpationis privatæ, sed publicæ traditionis; rem ad te perductam, non a te prolata; in qua non auctor debes esse, sed custos; non institutor, sed sectator; non ducens, sed sequens. *Depositum* (inquit) *custodi.* Catholicæ fidei talentum inviolatum, illibatumque conserva. Quod tibi creditum est, hoc penes te maneat, hoc a te tradatur. Aurum accepisti, aurum redde; nolo mihi pro aliis alia subicias; nolo pro auro imprudenter plumbum, aut fraudolenter æramenta supponas; nolo auri speciem; sed naturam plane. O Timothee, o Sacerdos, o Doctor, si te divinum munus idoneum fecerit, ingenio, exercitatione, doctrina est spiritualis Tabernaculi Beseleel, pretiosas divini dogmatis gemmas exculpe, fideliter coapta, adorna sapienter, adjice splendorem, gratiam, venustatem. Intelligatur te exponente illustrius, quod antea obscurius credebatur. Per te posteritas intellectum gratuletur, quod ante vetustas non intellectum venerabatur; eadem tamen, quæ didicisti, doce, ut cum dicas nove, non dicas nova. *Et cap. 9.* Mos iste (inquit) semper in Ecclesia viguit, ut quo quisque foret religiosior, eo promptius novellis adinventionibus contraireret „ „

Hinc *Tertull.* lib. *De Præscriptionibus hæreticorum*, c. 13. ita de hæreticis loquitur: „ „ Mentior, si non etiam a regulis suis variant inter se, dum unusquisque proinde suo arbitrio modulatur, quæ accepit, quemadmodum de suo arbitrio ea composuit ille, qui tradidit. Agnoscit naturam suam, & originis suæ morem profectus rei. Idem licuit Valentinianis, quod Valentino, Marcionitis, quod Marcioni, de arbitrio suo fidem innovare „ „

His apprime convenit illud *Psal. 143.* *Quorum filii sicut novella plantationes in juventute sua. Filia eorum*

com-

composita, circumornata, ut similitudo templi. Quem locum *S. Hieron.* seu potius alius Auctor Commentarii in Psalm. inter ejus opera editi sic interpretatur: Plantatio eorum non est vetus, sed novella est. Non est enim de veteri Lege, non est de Prophetis, non est de Apostolis, sed novis magistris est. In juventute sua; semper juvenes sunt, licet multæ sint hæreses veteres, tamen quotidie mutantur, & novæ quotidie inveniuntur. Novæ sunt ipsæ hæreses, licet veteres sint; tamen cum quotidie doctrinas suas innovant, novæ sunt. Non enim sunt veterum magistrorum errore contenti; sed quotidie ipsi nova reperiunt... *Filiæ eorum compositæ.* Sermo compositus, & sensus sordibus. In Scripturis sanctis cogitationes semper filii dicuntur, verba filiarum. Vide ergo, quid dicit: Cogitationes eorum, hoc est, filii novi sunt. Verba vero eorum, quæ habent de sapientia seculari, compositæ sunt. *Filiæ eorum compositæ.* Videntur quidem compositæ, sed quia filiarum sunt, & non filiorum, vires non habent. *Circumornata ut similitudo templi.* Non habent veram Ecclesiam, sed similitudinem Ecclesiæ „ „.

R E G U L A II.

Præsumptio novitatum in ritibus, & disciplina Ecclesiæ, cum scilicet in rebus magni momenti sit innovatio absque causa, & auctoritate Episcoporum, ac imprimis romani Pontificis, grave peccatum est.

Hæc regula colligitur ex *S. Bernard.* Ep. 174. „ Contra Ecclesiæ ritum (*inquit*) præsumpta „ novitas, mater temeritatis, soror superstitionis, „ filia levitatis „. Hinc *Radulfus Tungrensis*, lib. *De Observantiis canonicis*, Prop. 6. ait: „ In divino Officio „ est a novitatibus omnimode abstinendum. *Et Prop. 7.* „ Officium divinum majorum auctoritate, non diversorum arbitrio regi debet „. Hinc *Nicolaus de Clemangis*, Archidiaconus Bajocensis, Tract. *De novis*

Celebritatibus non instituendis, hæc habet : „ Pariunt novitates discordias, partas nutriunt, nutritas augment, auctas roborant. . . Per novitates Dominus graviter irritari solet, de quibus in Psalmo scriptum est : *Et irritaverunt eum in adinventionibus suis, & multiplicata est in eis ruina*. Nonne satis in omnibus Ecclesiis festa multiplicata sunt? Vix temporali officio, inchoandique semel in mense Hiltorius propter quotidiana Sanctorum solemnia locus relinquitur. Dies consulto a Patribus Deo relictos, Sanctorumque Natalitius absolutos, novi assidue Sancti occupant, & pulsus cogitur Deus suo loco cedere. *Et infra* : Improbanda valde videtur illa consuetudo, qua in omnibus fere Ecclesiis canonicalibus ad cujuslibet etiam laici petitionem novæ quotidie Sanctorum celebritates instituntur, modo temporalis inde emolumenti aliquid proveniat. Nam ultra ea, quæ præmissa sunt de Dei expulsiōe, sacræque Historiæ abolitione, corrumpuntur antiquæ Ecclesiarum observationes, præcæ ritus, vetera statuta violantur, corrumpuntur libri ordinarii, & novæ in dies abractiones in illis fiunt, detractiones, additiones lituræ, abolitiones. Et quid tam leve, tam inconstans, tam turpe, & ridiculosum, quam suum quotidie ordinem pervertere, suum morem mutare, suam formam deformare, suam regulam nova regula, imo nova irregularitate variare? Quid magis fixum, magis stabile, magis immobile in Ecclesia debet esse, quam ordo, & ritus officii, quibus Ecclesiæ ab invicem maxime discernuntur? Quis ibi potest servari ordo, ubi a suscepto ordine tam sæpe dilceditur? Non potest ordo esse ordinis corruptio; non est regula, quæ regulam aufert, nec forma, quæ formam destruit „ Hinc Conc. Colonienſe anno 1536. P. 2 cap. 7. „ Sunt (*inquit*) in Clero zelum quidem Dei habentes, sed non secundum scientiam, qui privatis quibuldam affectibus ducti, vel testamento, vel (ut vocant) fundationibus efficiunt, ut nova Festa præter Ecclesiæ auctoritatem subinde celebrentur. Quo interim fit,

ut

ut preces horariz , ac reliqua publice recepta pro affectu cujuslibet facile noventur, id quod nobis non satis probatur. Neque enim errarunt Patres, a quorum institutis in dicendis precibus utinam tam longeditcessum non fuisset. Quod si hic singulorum auctoribus indulgebatur , tandem antiqua ritus penitus evanescet „ „.

R E G U L A I I I.

Præsumptio novitatum , qua antiquæ consuetudines charitati Dei, & proximi non repugnantes ablique iusta causa, & ipse majoris boni immutantur, & evertuntur , non est abique peccato.

Colligitur hæc regula ex *S. August. Ep. 54. alia* 118. ad *Januarium*, cap. 5. ubi triplicis generis observantias distinguit qualdam Scripturæ sacræ auctoritate præscriptas ; alias totius Ecclesiæ ulu consecratas; nonnullas, quæ per loca , regionesque variantur. De primis ita respondet : „ „ Quid horum sit faciendum , si divinæ Scripturæ præscribit auctoritas , non est dubitandum , quin ita facere debeamus , ut legimus , ut jam non quomodo faciendum , sed quomodo Sacramentum intelligendum sit , disputemus. *De secundis ita censet* : Si quid horum tota per orbem frequentat Ecclesia , quin ita faciendum sit disputare , insolentissimæ insaniz est. *De postremis dat consilium ut* faciat quisque , quod in ea Ecclesia , in quam venit, invenerit. Non enim quidquam eorum contra fidem sit, aut contra mores, hinc, vel inde meliores. His enim causis, id est, aut propter fidem, aut propter mores , vel emendari oportet , quod perperam fiebat, vel institui , quod non fiebat. Ipsa quippe mutatio consuetudinis , etiam quæ adjuvat utilitate , novitate perturbat. Quapropter , quæ utilis non est, perturbatione instructuosa consequenter noxia est „ „ Tandem consuetudinis mutatio , nota est levitatis , & irreverentiæ erga majores argumentum. Quo nomine *Tertull. Apologetici cap. 6. Ethnicos*

sugillat. „ Ubi (*inquit*) religio? Ubi veneratio majoribus debita a vobis? Habitu, victu, instructu, censu, iplo denique sermone proavis renuntiastis. Laudatis semper Antiquos, sed nove de die vivitis. Per quod ostenditur, dum a bonis Majorum institutis deceditis, ea vos retinere, & custodire, quæ non debuiltis, cum, quæ debuiltis, non custoditis „.

ARTICULUS XXII. DE AMBITIONE.

Quid sit, & quam grave peccatum.

Ambitionis
definitio.

Cupiditas eminendi, vel stirpi sua innixa, vel soboli, nunc prolem habet superbiam, nunc parentem (*inquit S. Leo, Serm. 12. De Quadragesima.*) De ambitione igitur agendum superest.

Ambitio est inordinatus appetitus honoris. Semper peccatum est, Scripturæ sacræ, & Traditionis auctoritate damnatum. Eccli. 7. Noli quarere a Domino ducatum, neque a Rege cathedram honoris. Discipulos de ambitione arguit Christus, Matth. 18. Accesserunt discipuli ad Jesum, dicentes: Quis, putas, major est in regno celorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum celorum. Marci 9. Si quis vult primus esse, erit omnium novissimus, & omnium minister. Luc. 9. Qui minor est inter vos omnes, hic major est. Luc. 22. Facta est contentio inter eos, quis eorum videretur esse major. Dixit autem eis: Reges gentium dominantur eorum; & qui potestatem habent super eos, benefici vocantur. Vos autem non sic; sed qui major est in vobis, fiat sicut minor; & qui præcessor est, sicut ministrator. Nam quis major est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat. Filios Zebedæi ambitionis arguit Matth. 20. Accessit ad eum mater filiorum Zebedæi cum filiis suis, adorans, & petens aliquid ab eo. Qui dixit ei: Quid vis? Ait illi: Dic, ut sedeant hi duo filii mei,

unus ad dexteram tuam, & unus ad sinistram in regno tuo. Respondens autem Iesus dixit: Nescitis, quid peccatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meus bibetis; sedere autem ad dexteram meam, vel sinistram, non est meum dare vobis, sed quibus paratum est a patre meo. Cum autem duorum fratrum ambitiosa petitio aliorum Apostolorum indignationem commovisset, Iesus ad eos conversus ait: Scitis, quia Principes gentium dominantur eorum, & qui majores sunt, potestatem exercent in eos. Non ita erit inter vos; sed qui, unque voluerit inter vos major fieri, sit vester minister; & qui voluerit inter vos primus esse, erit vester servus. Sicut filius hominis non venit ministrari, sed ministrare, & dare animam suam redemptionem pro multis. Ambitionis Phariseus damnavit Matth. 23. Amant (inquit) primos recubitus in cenis, & primas cathedras in synagogis, & salutationes in foro, & vocari ab hominibus Rabbi. Idem vitium damnant Apostoli, imprimis S. Paulus ad Philippenes 2. cum jubet Christianis, ut in humilitate superiores sibi invicem arbitrentur. At ambitiosi, qui honores, & dignitates sive ecclesiasticas, sive seculares consecretantur, sibi superiorem arbitrantur neminem, cum se omnibus anteponi velint. Ibidem fideles hortatur, ut Christi Salvatoris nostri humilitatem, & exinanitionem imitentur. Hoc (inquit) sentite in vobis, quod & in Christo Iesu, qui cum in forma Dei esset, non rapinam arbitratus est esse se equalem Deo, sed semetipsum exinaniavit formam servi accipiens. Quam autem longe sint a Christo, qui dominari & præesse desiderant hominibus, res ipsa loquitur. Item 1. ad Cor. 13. charitatis describens characteres, ait: Caritas non est ambitiosa, non querit, quæ sua sunt. Quamquam ambitio simia charitatis a Petro Blefensi merito nuncupetur. „ Charitas enim (inquit) patiens est pro æternis, ambitio patitur omnia pro caducis. Caritas benigna est pauperibus, ambitio divitibus. Caritas omnia suffert pro veritate, ambitio pro va-

Ambitio
simia charitatis.

nitate. Utraque omnia credit, omnia sperat, sed longe dissimili modo, hæc ad gloriam hujus vitæ; illa ad gloriam sine fine. Nam in igne aliter se habet aurum rutilans, aliter palea fumans „ „. Neminem denique sine divina vocatione ad honores, & dignitates, præsertim ecclesiasticas, ascendere debere, docet idem Ap. ad Hebræos 5. *Nec quisquam (inquit) sumit sibi honorem, sed qui vocatur a Deo tanquam Aaron. Sic & Christus non semetipsum clarificavit, ut Pontifex fieret; sed qui locutus est ad eum; Filius meus es tu, ego hodie genui te.* At ambitiosi sine divina vocatione ad honores, & dignitates ascendunt, in easque se intrudunt. S. Joannes Ep. 3. ambitionem pariter damnat in *Diotrephe*, his verbis: *Is, qui amat primatum gerere in eis Diotrephe, non recipit nos.*

Ambitiosus
ad fidem
ejurandam
proclivis.

Hujus peccati gravitatem æque demonstrant gravissima Patrum testimonia. *Tertull.* lib. adversus *Valentinianos*, cap. 4. ambitiosum ad ejurandam fidem proclivem esse innuit, si aliter optatis honoribus frui non valeat. „ „ Speraverat (*inquit*) Episcopatum *Valentinus*, quia & ingenio poterat, & eloquio; sed alium ex Martyrii prærogativa loci potitum indignatus, de Ecclesia authenticæ regulæ abruptit, ut solent animi pro prioratu exciti præsumptione ultionis accendi, ad expugnandam conversus veritatem „ „ Testatur etiam *Hegeſipus* apud *Ensebiu*, lib. 4. *Historia ecclesiastica*, cap. 22. Ecclesiam ad suam usque ætatem *Virginem* vocatam fuisse, quia vanis sermonibus nondum corrupta fuerat. „ Primus Thebutis indigne ferens, „ quod minime creatus esset Episcopus, eam occulto „ vitare est aggressus „.

Ecclesiasti-
carum di-
gnitatum
ambicio.

S. Greg. *Nazianz.* Orat. 1. sic in eos invehitur, qui ambitionis impulsu ad ecclesiasticas Dignitates proſiliunt. „ „ Ita projecta, & confusa res est, tamque male afficimur, ut prius fere quam primam comam abjecerimus, puerilique more balbutire desierimus, prius quam in divina atria introjerimus, prius quam sacrorum librorum vel nomina ipsa noverimus; prius quam novi, veterisque Testamenti characterem, & au-
cto-

ctores eorum cognitos habuerimus, (nondum enim dico, prius quam cænum, & animæ labes, quas peccatum nobis impressit, eluerimus) si duo, aut tria pia verba didicerimus, eaque non ex lectione, sed auditione sola hausta, aut Davidi paulum opere dederimus, aut pallium scite contraxerimus, aut zonatenus philosophati fuerimus, pietatis speciem quamdam nobis illinentes; pape! quam & dignitate, & prudentia reliquis antecellere, & aliis præesse, & admirationi continuo esse volumus. Samuelis in modum jam inde ab incunabulis consecrati nobis videmur; & mox sapientes, & doctores, divinorum Mysteriorum notitia sublimes, inter legis Scribas, & interpretes sedere volumus, & nosmetipsos quamdam quasi inauguratione in Cœlitum numerum adscribimus, expetimus vocari ab hominibus Rabbi, nec unquam Scripturas ad literam interpretamur, sed cum eas in insulas quasdam allegorias inanibus somniis simillimas detorserimus, indignamur, nisi magnis præconiis, & laudibus efferamur „ „ „

S. Joann. Chrys. Hom. 3. in acta Apostolorum: „ „ „ Si quis (*inquit*) ad summum Sacerdotium accesserit velut ad solitudinem, & curam, nullus illud facile susceperit. Nunc autem non aliter quam profanos magistratus, & hanc affectamus dignitatem, nimirum ut glorificemur, & honoremur apud homines, perdimur apud Deum. Quid lucri fert hic honos? Quem conscium adibis, si procuraveris, vel per te ipsum, vel per alium? Quibus oculis obtueberis illum, qui tibi fuit auxilio? Quid habebis, quod excuses? Etenim, qui nolens, & invitus compulsus est, habiturus est aliquam excusationem... Cogita, quid acciderit Simoni. Quid enim refert, si non das pecuniam, sed pecuniæ loco adularis, subornas, multaque machinaris? *Pecunia tua tecum sit in perditionem*, illi dictum est. Et his dicitur. *Ambitio tua sit tecum in perditionem*, quoniam putasti ambitu humano parari donum Dei „ „ „

Act. 8. 20.

Ambitio-
sum Epi-
scopatus
desiderium
damnatur
S. Joan.
Chryl.

Et lib. 3. *De Sacerdotio*, cap. 10. „ „ Sacerdotis (*inquit*) animum honoris illius desiderio vacare undique oportet. Nam si ad eum Principatum adipiscendum vehementi animi affectu rapietur, eo adepto impotentiorum sane ambitionis flammam incendet, & ut sibi adeptum honorem stabiliat, nulli peccato non serviet, seu adulandum, seu servile quid, atque indignum sustinendum; seu res magno pecunie sumptu tentanda... Oportere autem puto tantam religionem, ac cautionem ad rem ipsam accedere, ut illius molem, magnitudinemque prorsus detrectes? Deinde adepto honore aliorum iudicia, sententiasque non expectare, si quod forte commissum deprehendatur, propter quod oporteat te honorem illum deponere, quin potius illud antevertere, te ipse munere abdicere. Sic enim par est, ut divinam concilium, impetresque misericordiam; qui si tibi honorem illum præter decorum mordicus retinere studueris, indignus es, qui veniam consequaris; tum vero divinam iram magis, ac magis incendis, altero peccato, & eo graviore per te addito. At vero constantiam hanc præstare nullus valeat; tam pestilens, tamque lethale est appetentiae istius virus. Neque id dico cum B. Paulo pugnare volens, quin imo ut maxime cum illius verbis consentiam. *Si quis Episcopi munus appetit, honestum opus desiderat.* At ego non operis ipsius, sed dominationis, ac potentiae desiderium pestilens esse dixi. Atque hoc ego desiderium sic toto studio ab animo abjiciendum esse cenleo, ut ne animum quidem ipsum prorsum permittas ab illo occupari, ut is rerum omnium libere agendarum potestatem habeat „ „

Episcopus
bonum
opus non
dignitas de-
siderari in-
noxie po-
test.

S. Hier., Ep. 83. ad Oceanum data: „ „ *Si quis (inquit) Episcopatum desiderat, bonum opus desiderat*; Opus (*inquit*) non dignitatem; laborem, non delicias; opus, per quod humilitate decreseat, non immutetur fastigio „ „ Et Commentario in c. 3. Sophoniae: „ „ *Qui Episcopatum desiderat, bonum opus desiderat.* Videte, quod dixerit bonum opus desiderat,

rat, non dignitatem. Si autem dispectio opere solum aspexerit dignitatem, cito corrui turris in Siloa, & excelsæ cedri fulmine feriuntur, & erecta cervix frangitur, & cygnus extento collo, & in sublime se tendens inter immundas volucres computatur „ „

S. Ambrosius, lib. 4. in Lucam, explicans ordinem tentationis Christi ad illa verba; *Duxit illum diabolus iterum in montem altissimum, & ostendit illi omnia regna orbis terra in momento temporis*, ait: „ „ Bene

Ambitionis
tentatio.

in momento temporis secularia, & terrena monstrantur. Non enim tam conspectus celeritas indicatur, quam caducæ fragilitas potestatis exprimitur; in momento enim cuncta illa prætereunt, & sæpe honor seculi abit, antequam venerit. Quid enim seculi potest esse diuturnum, cum ipsa diuturna non sint secula? Docemur hic inanis ambitionis flabra despicere, quod omnis dignitas secularis diabolicæ subjaceat potestati; ad, vltum fragilis, & inanis ad fructum. Sed quomodo hic dat diabolus potestatem; & alibi legitur, quia *Omnis potestas a Deo est*? Nun-

Terrenæ
potestatis
fragilitas.

quid potest quis duobus dominis servire, aut a duobus accipere potestatem? Nunquid ergo contrarium est? Minime. Sed vide, quia omnia a Deo; neque enim sine Deo mundus, quia *Et mundus per ipsum factus est*: sed licet a Deo factus sit; tamen opera ejus mala, quia seculum in maligno positum est; ordinatio mundi a Deo, opera mundi a malo. Ita etiam a Deo potestatum ordinatio; a malo ambitio potestatis. . . Atque hoc ipso perniciosior ambitio, quod blanda quædam est conciliatricula dignitatum; & sæpe quos vitia nulla delectant, quos nulla potuit movere luxuria, nulla avaritia subvertere, facit ambitio criminosos. Habet enim forensem gratiam domesticum scelus; & ut dominetur aliis, prius servit. Curvatur obsequio, ut honore donetur; & dum vult esse sublimior, simulata humilitate fit villior, & fit remissior; cum in ipsa potestate, quod præcellit, alienum sit; legibus enim imperat, sibi servit „ „

Rom. 13.

Joan. 1.

Mundanae
cellitudinis
vanitas.

S. August. Enarr. in Ps. 36. Ser. 2. Versum illum; Inimici Domini mox ut honorificati fuerint, & exaltati, deficientes quemadmodum fumus deficient, de ambitiosis interpretatur. „ Ex ipsa (inquit) similitudine rem, quam insinuavit, agnoscite. Fumus loco ignis erumpens in altum extollitur, & ipsa elatione in globum magnum intumescit; sed quanto fuerit globus ille grandior, tanto fit vanior; ab illa enim magnitudine non fundata, & solidata, sed pendente & inflata, it in auras, atque elabitur, ut videas ipsam ei obfuisse magnitudinem. Quanto enim plus erectus est, quanto extensus, quanto diffusus undique in maiorem ambitum, tanto fit exilior, & deficiens, & non apparens „ „

Honor, &
locus eccle-
siastici regi-
minis a
Christiano
innoxie
honor appeti-
tur.

*Idem lib. 19. De Civ. Dei, cap. 19. honorem, & locum regiminis a Christiano innoxie non appeti do-
cet. Ubi enim distinxit triplex vitæ genus, otiosum, actuosum, & ex utroque mixtum, subdit: „ Quamvis salva fide quisque possit in quolibet eorum vitam ducere, & ad sempiterna præmia pervenire; interest tamen, quid amore teneat veritatis, quid officio charitatis impendat. Nec sic quisque debet esse otiosus, ut in eodem otio utilitatem non cogitet proximi; nec sic actuosus, ut contemplationem non requirat Dei. In otio non iners vacatio delectare debet; sed aut inquisitio, aut inventio veritatis; ut in ea quisque proficiat, & quod invenerit, teneat, & alteri non invideat. In actione vero non amandus est honor in hac vita, siue potentia; quoniam omnia vana sub sole; sed opus ipsum, quod per eundem honorem, vel potentiam fit, si recte, atque utiliter fit, id est, ut valeat ad eam salutem subditorum, quæ secundum Deum est. Propter quod ait Apostolus: Qui Episcopatum desiderat, bonum opus desiderat exponere voluit, quid sit Episcopatus, quia nomen est operis, non honoris. Græcum est enim, atque inde ductum vocabulum, quod ille, qui præficatur, eis, quibus præficatur, superintendit, curam eorum scilicet gerens. . . Ut intelligat non se esse*

1. Tim. 3.

esse Episcopum, qui præesse dilexerit, non prodesse. Itaque a studio cognoscendæ veritatis nemo prohibetur, quod ad laudabile pertinet otium; locus vero superior, sine quo regi populus non potest, etsi ita teneatur, atque administretur, ut decet, tamen indecenter appetitur „ „

Non est bonus Episcopus, qui præesse diligit non prodesse.

S. Petrus Coryf., Ser. 23. expendens hæc Christi verba Luc. 12. *Nolite timere, pusillus grex, quia complacuit patri vestro dare vobis regnum*, opus fuisse, ait, ut Dominus discipulorum animos confirmaret, ad solam regni vocem merito trepidantium: „ „ Promissionem (*inquit*) regni sine timore servilis status audire non sufficit. Dominus ergo servorum mentes tali voce confirmat, ne eos repentinus promissi regni prosterneat auditus. Regnum velle servum, crimen est, adire, periculum, temeritas, non timere „ „

S. Greg. magnus, in Pastoralis p. 1. cap. 1. „ „ Sunt nonnulli (*inquit*) qui intra S. Ecclesiam per speciem regiminis gloriam affectant honoris; videri Doctores appetunt, transcendere cæteros concupiscunt, atque attestante veritate, primas salutationes in foro, primos in coenis recubitus, primas in conventibus cathedras quærunt; qui susceptum Curæ pastoralis officium ministrare digne tanto magis nequeunt, quanto ad humilitatis magisterium ex sola elatione pervenerunt. Ipsa quippe in magisterio lingua confunditur, quando aliud dicitur, & aliud docetur. Contra quos Dominus per Prophetam quæritur dicens: *Ipsi regnaverunt, & non ex me: Principes extiterunt, & non cognovi. Ex se namque, & non ex arbitrio summi Rectoris regnant, qui nullis fulti virtutibus, nequam divinitus vocati, sed sua cupidine accensi, culmen regiminis rapiunt potius, quam assequuntur. Quos tamen internus iudex & provehit, & non cognoscit; quia quos permittendo tolerat, profecto per iudicium reprobationis ignorat* „ „

Qui Episcopatum aut alias Ecclesiæ dignitates ambiunt ad humilitatis magisterium sola elatione perveniunt.

Osce 8.

Et cap. 8. „ „ Plerumque, qui præesse concupiscunt, ad utrum suæ libidinis instrumentum Apostolici sermonis arripiunt, quo ait: *Si quis Episcopatum* de-

Apostoli testimonio abutuntur, qui illud

usurpant ad
probandum
Episcopa-
tus delide-
rium inno-
xium esse.

1. Tim. 3.

Non potest
in culmine
honoris hu-
militatem
discere, qui
in imis po-
situs non
desit super-
bire.

desiderat, bonum opus desiderat; qui tamen laudans desiderium, in pavorem vertit protinus, quod laudavit, cum repente subjungit: *Oportet autem Episcopum irreprehensibilem esse...* Quamvis notandum, quod illo tempore hoc dicitur, quo quisquis plebibus præerat, primus ad Martyrii tormenta ducebatur. Tunc ergo laudabile fuit Episcopatum quærere, quando per hunc quemque dubium non erat ad supplicia graviora pervenire. Unde ipsum quoque Episcopatus officium boni operis expressione definitur, cum dicitur: *Si quis Episcopatum desiderat, bonum opus desiderat*. Ipse ergo sibi testis est, quia Episcopatum non appetit, qui non per hunc boni operis ministerium, sed honoris gloriam quærit. Sacrum quippe officium non diligit omnino, sed nescit, qui ad culmen regiminis anhelans in occulta meditatione cogitationis cæterorum subiectione pascitur, laude propria lætatur, ad honorem cor elevat, rerum affluentium abundantia exultat. Mundi ergo lucrum quæritur sub ejus honoris specie, quo mundi destrui lucra debuerunt.

Et cap. 9. „ „ Sed plerumque hi subire magisterium pastorale cupiunt, nonnulla quoque bona opera animo proponunt; & quamvis hoc elationis intentione appetant, operaturos tamen se magna pertractant; fitque, ut aliud in imis intentio supprimat, aliud tractantis animo superficies cogitationis ostendat. Nam sæpe sibi de se mens ipsa mentitur, & fingit se de bono opere amare, quod non amat, de mundi autem gloria non amare, quod amat; quæ principari appetens, fit ad hoc pavida, cum quærit, audax cum pervenerit. Timens enim, ne non perveniat, trepidat; sed repente perveniens, jure sibi debitum, ad quod pervenerit, putat. Cumque percepti Principatus officio perfrui seculariter cœperit, libenter obliviscitur, quid quid religiose cogitavit. Unde necesse est, ut cum cogitatio extra usum ducitur, protinus mentis oculus ad opera transacta revocetur; ac penset quisque, quid subjectus egerit, & repente cognoscit, si Prælatus bona agere, quæ proposuerit, possit; quia nequaquam

valet in culmine humilitatem discere, qui in imis positus non delitit superbire „ „

3. Bernardus, Serm. 6. in Plal. *Qui habitat*, cap. 4 „ „ Ambitio (*inquit*) subtile malum, secretum virus, pestis occulta, doli artifex, mater hypocritis, livoris parens, vitiorum origo, criminis fomes, virtutum ærugo, tinea sanctitatis, excœcatrix cordium, ex remediis morbos creans, generans ex medicina languorem. *Et infra, sic deflet Ecclesia mala*: Nunc quidem pax a Paganis, pax ab hæreticis, sed non est pax a falsis filiis. . . Omnes christiani, & omnes fere, quæ sua sunt quærunt, non quæ Jesu Christi. Ipsa quoque ecclesiasticæ dignitatis Officia in turpem quæritum, & tenebrarum negotium transiere; nec in his salus animarum, sed luxur quæritur divitiarum. Propter hoc tondentur, propter hoc frequentant Ecclesias, Missas celebrant, Psalmos decantant. Pro Episcopatibus, & Archidiaconatibus impudenter hodie decertatur, ut Ecclesiarum redditus in superfluitatibus, & vanitatis usus dissipentur „ „

Cap. 6. Maledicti qui in Ecclesia dignitatibus non salutem animarum, sed luxuriam, quærunt divitiarum.

Ibidem cap. 5. tres tentationes explicans quibus diabolus Christum aggressus est: „ „ Tertia (*inquit*) de ambitione fuit, quando omnia regna mundi promisit, si cadens adoraret eum. Videsne, quod ambitionis via adoratio diaboli sit, quia videlicet ad honores, & gloriam mundi perveniendum suis ille adoratoribus pollicetur „ „ ?

Ambitio via est ad diaboli adorationem.

Et Serm. 4. *De Ascensione Domini*, varios modos explicans ascendendi cum Christo, vel cum dæmone: „ „ Cupidi quidem sumus ascensionis (*inquit*) exaltationem concupiscimus omnes. Nobiles enim creaturæ sumus, & magni cujusdam animi, ideoque altitudinem naturali appetimus desiderio. Sed væ nobis, si voluerimus eum sequi, qui ait: *Sedebo in monte testamenti, in lateribus Aquilonis*. Heu miser, in lateribus Aquilonis? Frigidus est mons ille, non te sequimur. Potestatis habes concupiscentiam, altitudinem præsumis potentie. Quanti tamen usque hodie foeda sequuntur, infeliciaque vestigia, imo vero quam pauci

Omnes exaltationem concupiscunt.

Isai. 14.

evadunt, quibus non dominandi libido domine-
tur „ „ ?

Ambitio in-
ordinatus
appetitus
honoris tri-
pliciter.

S. Thomas, 2. 2. qu. 131. art. 1. probat ambitionem
esse peccatum, quia est inordinatus appetitus hono-
ris, quem homo non meretur, vel quem non in Deum
sed ad propriam duntaxat utilitatem refert. „ „ Ho-
nor (*inquit*) importat quamdam reverentiam alicui
exhibitam in testimonium excellentiæ ejus. Circa ex-
cellentiam autem hominis duo sunt attendendâ. Pri-
mo quidem, quod illud secundum, quod homo ex-
cellit, non habet homo a seipso, sed est quasi quid-
dam divinum in eo; & ideo ex hoc non debetur ei
principaliter honor, sed Deo. Secundo consideran-
dum est, quod illud, in quo homo excellit, datur
homini a Deo, ut ex eo aliis proficit. Unde in tantum
debet homini placere testimonium suæ excellentiæ,
quod ab aliis exhibetur, in quantum ex hoc paratur
sibi via ad hoc, quod aliis proficit. Tripliciter autem
appetitus honoris contingit esse inordinatum. Uno
modo, per hoc, quod aliquis appetit testimonium de
excellencia, quam non habet, quod est appetere ho-
norem supra suam proportionem. Alio modo, per
hoc, quod honorem sibi cupit, non referendo in
Deum. Tertio, per hoc, quod appetitus ejus in ipso
honore quiescit, non referens honorem de unitate
aliorum. Ambitio autem importat inordinatum ap-
petitum honoris. Unde manifestum est, quod ambi-
tio semper est peccatum „ „.

ARTICULUS XXIII.

Qua nos ab ambitione deterrere debeant.

Exemplum
Christi ho-
nores fu-
gientis.

Ab ambitione deterrere nos imprimis debet ex-
emplum Christi, qui honores fugit; fugiendos-
que docuit. Joan. 6. *Iesus ergo, cum cognovisset, quia*
venturi essent, ut raperent eum, & facerent eum Re-
gem, fugit iterum in montem ipse solus. Ubi imprimis
notandum verbum illud, *raperent*, quod vim quam-
dam significat. Erat enim Christus Dominus honori-
bus

bus tam contrarius, ut ad illos nonnisi vi trahendus, ac rapiendus videretur. Idque turbæ ipsæ non ignorantes, venire decreverunt, non ut ei volenti, ac libenti regnum offerrent, sed potius ut renuentem, ac repugnantem Regem inaugurarent. Deinde notandum verbum illud, *fugit*, quod vehementem significat ab honoribus aversionem. Neque enim solum dicitur honores repudiasse, sed plane illos fugisse tanta contentione, quanta hostis hostem insensibilissimum fugit. Quamobrem *Tertull.* ad hunc locum alludens, lib. *De Idololatria*, cap. 18. ait: „Tu nullius servus, in quantum solius Christi, qui te etiam captivitate seculi liberavit, ex forma Dominica agere debebis. Ille Dominus si potestatis jus nullum, ne in suos quidem exercuit, quibus sordido ministerio functus est; si Regem denique fieri, conscius sui regni, refugit, plenissime dedit formam suis, dirigendo omni fastigio, & suggestu, tam dignitate, quam potestatis. Quis enim magis lis usus fuisset, quam Dei filius? Quales & quanti cum facies producerent? Qualis purpura de humeris ejus floreret? Quale aurum de capite radiaret, nisi gloriam seculi alienam & sibi, & suis judicasset? Igitur quam noluit, rejecit, quam rejecit, damnavit, quam damnavit, in partem diaboli deputavit. Non enim damnasset, nisi non sua; alterius autem esse non possunt, nisi diaboli, quæ Dei non sunt „

Christi etiam exemplo proposito homines ab ambitione deterret *S. Bernardus*, Hom. 1. super *Misericordia* est, c. 8. „ Erubescere (*inquit*) superbe cinis; Deus se humiliat. & tu te exaltas? Deus se hominibus subdit, & tu dominari gestiens hominibus, tu te præponis auctori? Utinam mihi aliquando tale aliquid cogitanti Deus respondere dignetur, quod & tuo increpando respondit Apostolo? *Vade* (*inquit*) *Matth. 16.* *post me satan, quia non sapis ea, quæ Dei sunt.* Quoties enim hominibus præesse desidero, toties Deum meum præire contendo; & tunc vere non sapio ea, quæ Dei sunt „

Ambitionis
vilitas.

Secundo ab ambitione deterrere debet ejus vilitas. Nihil enim ambitioso homine vilius, & ignavius. Ambitionis vilitatem duo illi Apostoli *Joannes*, & *Jacobus* non ignorarunt, qui prius cathedras petaturi, tempus illud oblervarunt, quo Christus assumpsit duodecim discipulos; secreto (*Matth.* 20. imo seorsim) a reliquis discipulis Christum Dominum convenerunt. Quod expendens *S. Joan. Chryf.*, Hom. 65. in *Matth.* „ „ Illi (*inquit*) cum humano more id faciebant, coram omnibus erubescerent dicere, seorsim ab aliis discipulis Christum accipientes interrogaverunt. Præcellerunt enim, inquit, ut remotis occultius loquerentur „ „ Et fortasse, ne in recessu quidem, ac solitudine suam aperire ambitionem auli sunt, sed matrem præmiserunt, quæ aperiret. *Accessit ad eum mater filiorum Zebedai.* Ab ipsis hæc excogitata petitio, inquit *S. Chryf.* *Sed pudore victi, matris patrocinium assumpserunt.* Quin etiam ipsa mater accedens erubuit postulare, & fortasse penitus obmutesceret, nisi ad loquendum excitaretur a Christo dicente: *Quid vis?* Hinc *S. Bern.* Ep. ad Episcopos Aquitanix: „ Ambitio (*inquit*) „ latebras amat, lucis impatiens est. . . Quid tam in- „ glorium, quam gloriæ cupidum deprehendi „ ?

Nihil magis
inglorium,
quam glo-
riæ cupidi-
tas.

Curæ, &
labores am-
bitionis co-
mites.

Tertio, ab ambitione deterrere debent curæ, ac labores cum ipsa conjuncti. Ambitionis poena ipsa ambitio est. Quod egregie *Tertull.* explicat, lib. *De Penitentia*, c. 11. „ „ Sed enim (*inquit*) illos, qui ambitus obeunt capessendi magistratus, neque pudet, neque piget incommodis animæ, & corporis, nec incommodis tantum, verum & contumeliis omnibus eniti in causa votorum suorum. Quas non ignobilitates vestium affectant? Quæ non atria nocturnis, & crudis salutationibus occupant? Ad omnem occursum majoris cujusque personæ decrescerent, nullis conviviis celebres, nullis commensationibus congreges, sed exules a libertatis, & lætitiæ felicitate; idque totum propter unius anni volaticum gaudium. Nos, quod securium, virgarumve petitio
su-

suffinet, in periculo æternitatis tolerare dubitamus „ „.

Magistro concinit *S. Cyr.* Ep. 1. „ „ An tu (*inquit*) vel illos putas tutos, illos saltem inter bonorum insulas, & opes largas stabili firmitate securos, quos regalis aula splendore fulgentes armorum excubantium tutela circumstat? Major illis, quam cæteris metus est; tam ille timere cogitur, quam timetur. Exigit poenas pariter de potentiore sublimitas, sit licet satellitum manu septus, & clausum, ac protectum latus numerofo stipatore tueatur. Quam securos non sinit esse subjectos, tam necesse est, ut non sit & ipse securus. Ante ipsos terret potestas sua, quos facit esse terribiles. Arridet, ut sæviat; blanditur, ut fallat; illicit, ut occidat; extollit, ut deprimat. Fœnore quodam nocendi, quam fuerit amplior summa dignitatis, & bonorum, tam major exigitur usura poenarum. Una igitur placida, & fida tranquillitas; una solida, & firma, & perpetua securitas, si quis ab his inquietantis seculi turbinibus extractus, salutaris portus statione fundetur, ad cœlum oculos tollat a terris, & ad Domini munus admissus, ac Deo suo jam proximus, quidquid apud cæteros in rebus humanis sublime, ac magnum videtur intra suam jacere conscientiam gloriatur; nihil appetere jam, nihil desiderare de seculo potest, qui seculo major est „ „.

Idem confirmat præclara illa *S. August.* sententia, lib. 8. *Confessionum*, cap. 6. „ In Palatio Imperatorum, „ quid non fragile, plenumque periculis? Et per quot „ pericula pervenitur ad grandius periculum „ ?

Idem confirmat *S. Bernard.* lib. 3. *De Consideratione*, cap. 1. exclamans: „ O ambitio, ambientium crux! „ Quomodo omnes torquens, omnibus places? Nil „ acerbius cruciat, nil molestius inquietat; nil „ tamen apud miseros mortales celebrius negotiis „ ejus „.

Quarto, detertere nos debet ab ambitione hono- Honorum
rum vanitas, his verbis descripta Sap. 5. *Spes impii* vanitas.
tanquam lanugo est, qua a vento tollitur, & tanquam

spuma gracilis, qua a procella dispergitur; & tanquam fumus, qui a vento diffusus est; & tanquam memoria hospitis unius diei pratercuntis. Honores etiam per somnium visi multoties in sacris Literis memorantur. Joseph in somnio suam in Ægypto exaltationem vidit. *Esther* omnis ejus felicitas per somnium ostensa. Per somnium Deus *Gedeoni* futuras ejus victorias ostendit. *Nabucodonosor* quatuor illas adeo celebres in mundo Monarchias per somnium vidit. Regis Ægypti Pincerna se in dignitatem, & gradum pristinum restituendum per somnium vidit. Quamobrem scite *S. Ambros.* lib. *De Joseph Patriarcha*, cap. 6. ait: *Omnis potentia seculi somnium, non veritas est.* Quid firmitus in speciem, ac diuturnius Romano imperio, cui fingitur Jupiter non diuturnitatem, sed æternitatem promississe, juxta illud Virgilii:

*His ego nec metas rerum, nec tempora pono,
Imperium sine fine dedi.*

Quod tamen obnoxium fuit mutationibus, & distractionibus, tanquam aliquando perituum? Unde *S. August.* turpem hanc adulationem execratus, ait: „ Qui hoc terrenis regnis promiserunt, non veritate ducti sunt, sed adulatione mentiti sunt. *Et introducit Poetam ab hac se se adulatione excusantem hunc in modum:* Quid facerem, qui Romanis verba vendebam, nisi hac adulatione aliquid promitterem, quod falsum erat? Et tamen & in hoc cautus fui, quando dixi: *Imperium sine fine dedi?* Jovem ipsorum induxi, qui hoc diceret. Non ex persona mea dixi rem falsam, sed Jovi imposui falsitatis personam; sicut Deus falsus erat, ita mendax vates erat. Nam vultis nosse, quia ista noveram? Alio loco, quando non Jovem lapidem induxi loquentem, sed ex persona mea locutus sum, dixi: *Non res Romana, perituraque regna...* Peritura veritate non tacui, semper mansura adulatione promisi „ „. Hæc *S. August.* Serm. 105. alias 29. *De verbis Domini*, cap. 7. At Christus regnum promisit, de quo dictum est: *Et regni ejus non erit finis.* Figamus spem in Deum, æter-

æterna concupiscamus, æterna expectemus. „ Non
 „ frustra audiamus, sursum cor. Quid ponimus cor
 „ in terra, cum videamus, quia evertitur terra „ ?

Quinto, ab ambitione detertere nos debet ejus cru- Ambitionis
crudelitas.
 delictis innumeris exemplis comprobata, præcipue

Achimelech filii Jeroboam, qui septuaginta fratribus suis
 occisis super lapidem unum, regnum Sichimorum
 usurpavit, *Judicum* cap. 9. *Absalonis* adversus *Davidem*
 patrem suum conjurantis, eumque regno spo-
 liare conati, 2. *Regum* cap. 15. *Athalia* matris *Ucho-
 zia*, quæ semen omne regium extinxit, ut regnum
 Juda usurparet, 4. *Reg.* 11. Ambitiosi sensum om-
 nem pietatis exiunt, ut ad optatos honores, & di-
 gnitates perveniant; & ambitiois illius mulieris ro-
 manæ crudelitatem imitari, quæ super cadaver pa-
 tris a marito ejus regnum ambiente occisi, & in
 via jaçentis currum agitari jubens, ad Capitolium
 perrexit regni possessionem initura; Christum cru-
 citum concupiscere non verentur, ut ambitionem
 suam expleant.

ARTICULUS XXIV.

REGULÆ MORALES.

De Ambitione.

REGULA PRIMA.

Ambitio lethale peccatum est, si quis in honore finem
 ultimum constituat.

Id est, ita sit affectus, ut per fas, & nefas, ad ali-
 quam Dignitatem ecclesiasticam, vel civilem ascen-
 dere paratus sit, nec mortale peccatum committere
 vereatur, ut ad illam perveniat, v. gr. luxuriam
 exercere.

REGULA II.

Ambitio lethale peccatum est, cum quis ex ali-
 quo peccato mortali honorem querit.

R E G U L A III.

Ambitio lethale peccatum est, cum appetitur, vel quæritur aliqua Dignitas ecclesiastica, vel civilis ob finem aliquem nefarium, sive cum peccato mortali conjunctum.

Verbi gr. si quis beneficium, seu Dignitatem ecclesiasticam quærat, ut divitiis affluat, ut genio indulgeat, ut colatur ab hominibus *Dominandi cupiditate*, non officio consulendi; principandi superbia, non providendi misericordia, (ut loquitur *S. August.* lib. 19. *De Civ. Dei*, cap. 24.)

R E G U L A IV.

Ambitio lethale peccatum est, si quis honorem quærat cum alterius damno, vel injuria.

Verbi gr. si minus dignus beneficium curam animarum annexam habens, aut quamlibet Præfecturam ecclesiasticam, sive in Clero seculari, sive regulari ambiat, & studiis omnibus obtinere nitatur, etiamsi adsint competitorēs digniores; multo magis si Dignitatem ecclesiasticam, vel secularem Magistratum ambiat indignus. Injuriam enim infert competitoribus, qui digni sunt; & si de beneficio, vel Dignitate ecclesiastica agatur, fit injuria dignioribus, qui debent anteponi, secundum Conc. Trid. sess. 24. cap. 1. & 18 *De Reformatione*, & *S. Thomam* 2. 2. q. 64. art. 2. & qu. 175. art. 3.

R E G U L A V.

Ambitio lethale peccatum est, si quis absque vocatione, solius honoris, aut commodorum temporalium intuitu, ecclesiastica beneficia capit, petit, concupiscit.

Hæc Regula colligitur ex Apostolo ad Hebræos 5. *Nec quisquam sumit sibi honorem, sed qui vocatur a Deo tanquam Aaron.*

Ex

Ex S. Gregorio, Ep. 20. lib. 4. scribente: „„ Licet cætera cuiuspiam talia vitæ sint merita, ut nihil sit, quod ex his sacerdotalibus valeat Ordinationibus obviare; tamen solius nefas ambitus severissima Canonum districtione damnatur „„.

Ex S. Bernardo, Tractatu De Conversione ad Clericos, cap. 19. „„ Væ vobis (*inquit*) qui clavem tollitis non solum scientiæ, sed & auctoritatis; nec ipsi introitis, & multipliciter impeditis, quos introducere debuistis. Tollitis enim, & non accipitis claves. De quibus Dominus quæritur per Prophetam: *Ipsi regnaverunt, & non ex me: Principes extiterunt, & ego non vocavi eos.* Unde tantus Prælationis ardor? Unde ambitionis impudentia tanta? Unde vesania tanta præsumptionis humanæ? Audetne aliquis vestrum terreni cuiuslibet Reguli, non percipiente, aut etiam prohibente eo, occupare ministeria, præcipere beneficia, negotia dispensare? Nec tu Deum putes, quæ in magna domo sua a vasis iræ aptis in interitum sustinet, approbare. Multi quidem veniunt, sed considera, quis vocetur, ordinem ipsum dominici sermonis attende. *Beati* (*inquit*) *mundo corde, quoniam ipsi Deum videbunt.* Mundos corde utique vocat Pater cœlestis, qui non quærunt, quæ sua sunt, sed quæ Jesu Christi; nec quod sibi utile, sed quod multis. *ceire* (*inquit*) *amas me? Domine, tu sis, quia amo te. Pisce, ait, oves meas.* Quando enim sic amatas oves committeret non amanti „„?

Ex S. Thom. 2. 2. qu. 185. art. 1. „„ In Episcopatu (*inquit*) tria possunt considerari. Quorum unum est principale, & finale, scilicet episcopalis operatio, per quam utilitati proximorum intenditur, secundum illud Joannis ultimo: *Pisce oves meas.* Aliud autem est altitudo gradus; quia Episcopus super alios constituitur, secundum illud Matth. 24. *Fidelis servus, & prudens, quem constituit Dominus super familiam suam.* Tertium autem est, quod consequenter se habet ad illa, scilicet reverentia, & honor, & sufficientia temporalium, secundum illud 1. ad Timoth. 5. *Qui bene*

Osæ 8.

Ambitionis
impudentia.

Matth. 5.

Joan. 21.

Tria in Episcopatu
spectanda.

An sub ali-
quo respec-
tu appeti
possit.
Matth. 25.

presunt Presbyteri, duplici honore digni habentur. Appetere ergo Episcopatum ratione huiusmodi cir-
cumstantium honorum, manifestum est, quod est il-
licitum, & pertinet ad cupiditatem, vel ambitionem.
Unde contra Phariseos Dominus dicit; *Ama-
ntes primatus recubitus in equis, & primas cathedras in Synago-
gis, & salutationes in foro, & vocari ab hominibus Ra-
bi.* Quantum autem ad secundum, scilicet ad celsitu-
dinem gradus, appetere Episcopatum, est præsump-
tuolum. Unde Dominus (Matth. 20.) arguit disci-
pulos Primatum quærentes, dicens: *scitis, quia Prin-
cipes gentium dominantur eorum.* Ubi Chrysostomus
dicit, (Hom. scilicet 76. in Matth.) quod per hoc
ostendit, quod gentile est Primatus cupere, & sic
gentium comparatione eorum apinam æltuantem
convertit. seu appetere proximis prodelle est secundum
se laudabile, & virtuosum. Verum quia prout est Epi-
scopalis actus, habet annexam gradus celsitudinem,
præsumptuosum videtur, quod aliquis præesse appet-
tat ad hoc, quod subditis profit, nisi manifesta ne-
cessitate imminente » ».

Appetere
Episcopa-
tum, etiam
ut prolis,
præsum-
ptuosum
est, nisi ma-
nifesta ne-
cessitas im-
puneat.

Et quodlibeto 12. q. 19. art. 3. » » Contingit (inquit)
appetere prælationem dupliciter; aut propter neces-
sitatem urgentem, aut non urgentem: Primo modo
dupliciter; vel quando imponitur a Superiore, vel
quando non invenitur aliquis, qui velit onus præla-
tionis subire; tali necessitate existente, meritorium
est appetere; unde Isaia 6. *Quem mittam, & quis
ibit nobis? Respondit: ecce ego, mitte me:* tamen an-
te dixit se indignum. Secundo modo (scilicet quan-
do non urget necessitas) sic non licet; quia non
potest carere, aut vitio injustitiæ, si velit se mino-
rem præferri maioribus; aut vitio præsumptionis, si
reputet se sufficientem præferri aliis. Unde Chrysost.
super illud: *Reges gentium dominantur eorum,* &c.
(Luc. 22.) Primatus (inquit) ecclesiasticos concupi-
scere, nec iustum, nec utile » ».

REGULA VI.

Lethalis ambitionis reus est, qui Episcopatum, aut quodvis aliud Beneficium ecclesiasticum curam animarum habens, aut monasticam Præfecturam pro se postulat, aut sibi ipsi in electione canonica suffragatur.

Colligitur hæc Regula ex *S. Bernardo*, lib. 6. *De Consideratione*, cap. 4. „ Alius (*inquit*) pro alio, alius forte & pro se rogat; pro quo rogaris, sit suspectus; qui ipse rogat pro se, jam judicatus est; nec interest, per se an per alium quis roget „ „

Qui pro se rogat, jam judicatus est.

Item ex *S. Thom.* 2. 2. qu. cap. art. 5. ad secundum, ubi postquam præmisit, preces pro indigno porrectas ad simoniam pertinere, subdit: „ Si vero aliquis pro se rogat, ut obtineat curam animarum, ex ipsa præsumptione redditur indignus, & sic preces sunt pro indigno „ Hinc Patres, & christiani Principes, eos maxime dignos Episcopatu censuerunt, qui ad ipsum repugnantes, & quodammodo inviti promoti fuerint. Unde *S. Cyprianus*, Ep. 52. de *Cornelio* scribit: „ Episcopatum ipsum nec postulavit, nec voluit, nec ut cæteri, quos arrogantia, ac superbia tumor inflit, invasit; sed quietus, & modestus, & qualem esse consueverunt, qui ad hunc locum divinitus eliguntur, pro pudore virginalis conscientia, ac pro humilitate ingenua sibi, & custodita verecundia, non vim fecit, ut Episcopus fieret, sed ipse vim passus est, ut Episcopatum coactus acciperet „ „ Hinc *S. Hieronymus*, Epist. ad *Hiliodorum*, loquens de *Nepotiano* Sacerdotium recusante, ait: „ Quanto magis repugnabat, tanto magis in se studia omnium concitabat; & merebatur negando, quod esse volebat; eoque dignior erat, quo magis se clamabat indignum „ „ Hinc *S. Isidorus Pelusiota*, lib. 2. Epist. 125. de *Hierarche* Presbytero scribit: *Veluti mentem habens, Episcopatum, ut gravissimum morbum fugit.* Hinc *Leo*, & *Anathemius* Imperatores, l. Si quemquam

Episcopatu digniores, cæteris paribus qui ad illum quodammodo repugnantes promoveantur.

Indignus
Episcopa-
tu, qui non
illum pene
invitus su-
scipit.

31. Cod. tit. *De Episcopis, & Clericis*, de Episcopo eligendo ita statuunt: „„ Castus, & humilis nostris temporibus eligatur Episcopus; ut quocunque locorum pervenerit, omnia vitæ integritate purificet Nec pretio, sed precibus ordinetur Antistes. Tantum ab ambitu debet esse sepositus, ut quæzatur cogendus, rogatus recedat, invitatus effugiat, sola illi suffragatur necessitas excusandi. Profecto enim indignus est Sacerdotio, nisi fuerit ordinatus invitus „„ Hinc denique *Atbalaricus* Rex, apud *Cassiodorum*, lib. 9. *Variarum*, Ep. 15. sic Patriarchas alloquitur: „„ Iniquum est, ut locum apud vos habeat ambitus, quem nos Laicis divina consideratione præclulimus. Quapropter si quis apostolicæ Præsulem Ecclesiæ, vel Patriarcharum Episcopum, sive per se, sive per parentes, aut servientium quascunque personas, aliqua suffragii crediderit ambitione promovendum, & ipsum reddere accepta definimus, & quod est Canonibus statutum, eum modis omnibus esse passurum „„.

Merito itaque Concilium Mediolanense 1. sub *S. Carolo Borromæo* statuit ut „„ Qui beneficium ecclesiasticum vacans multis, & ambitiosis precibus per se, vel per alios petierit, eo facto ita reddatur indignus, ut per biennium in eum neque illud, neque aliud beneficium conferri possit „„.

REGULA VII.

Qui pro se beneficium ecclesiasticum sine cura animarum petit, ad inopiam suam sublevandam, non est reus ambitus.

Hæc Regula *S. Thom.* testimonio nititur, 2. 2. q. 100. art. 5. ad tertium: *Licite tamen* (inquit) *potest aliquis, si sit indigens, pro se beneficium ecclesiasticum petere sine cura animarum.* Idem asserit *S. Raym.* in *Summa*, lib. 1. tit. 1. §. 7. & ex cap. *Ad aures*, Ext. *De Rescriptis*, confirmat.

R E.

REGULA VIII.

Lethalis ambitionis reus est. qui eo præcipue consilio, & ea intentione monasticum habitum induit, ut Abbatiam obtineat.

Hic enim finem in honore constituere convincitur. Hinc monasticum habitum suscipere spe Abbatiz sacri Canones prohibent. *S. Basilii* præfaturum ambitum a monachis alienum esse debere tam luculenter ostendit, ut nemini dubium sit, ipsum luculentius asserturum, nefas esse vitam monasticam profiteri Abbatiz, aut cujusvis præfecturæ intuitu. Sic autem loquitur in Constitutionibus monasticis, cap. 9. „ Cæterum Clerum, aut inter fratres Principatum nullo modo appetere monachus debet; siquidem diabolica ista pestis est, & libidinis dominandi labes; quæ res insigne est primæ illius diaboli pravitatis indicium „ „ Legatur totum caput, necnon 24.

Concilium romanum sub *Nicolao II.* Pontifice maximo Canone 7. decernit: „ Ut nullus habitum monachi suscipiat, spem, aut promissionem habens, „ ut Abbas fiat „ Qui Canon repetitur, & confirmatur in Synodo romana sub *Alexandro II.* anno millesimo sexagesimo tertio. Idem prohibet Conc. Tolosanum sub *Victoris II.* Pontificatu, can. 5. „ „ Statuit autem sancta Synodus, ut si quis Clericorum adipiscendæ Abbatiz causa monachus effectus fuerit, in Abbatia quidem monachus permaneat, sed ad ipsum honorem, ad quem aspirabat, nullatenus accedat. Quod si præsumpserit, excommunicetur „ „

REGULA IX.

Lethalis ambitionis rei sunt Concionatores, qui majorum, & nobiliorum Ecclesiarum pulpita suis, aut amicorum precibus obtinere nituntur, aut revera obtinent eo fine, ut nominis claritatem consequantur, atque ad Episcopatum, aliave beneficia ecclesiastica promoveantur.

Illi enim absque divina vocatione sacrum Ministerium exercent. Hi plausum quærunt, non fructum spirituales auditorum; *Voluptatem quærunt, non prolem, adulterantes verbum Dei* (inquit S. Greg.) Hanc regulam confirmat S. Carolus Borromeus, in *Instrukione Prædicatorum verbi Dei*, tit. De Præparatione, quam Concionator adhibere debet ad concionandi munus salutariter exequendum. „ Fugiet autem (inquit) tanquam pestem, omnem ambitionem, omnemque illius suspensionem. Ne loca insigniora, ubi prædicationis suæ semen spargat, ambiat, affectetve; memor Christi Domini, quem a Patre e cœlo demissum ad erudiendum genus humanum, pagos, & vicos, & castella obisse legimus. Nunquam in opinionem inducet, majori, atque nobiliori suggesto se dignum esse. Fuit hæc quondam incredibilis ambitio ethnicorum oratorum. Christianus autem Concionator ab istius ambitionis suspicionem alienus esse debet, qui ad prædicandum Christum crucifixum, non ad sui ingenii ostendationem vocatus est „ „

R E G U L A X.

Sicut ambitionis reus est, qui Episcopatum, aliamve dignitatem, aut Præfecturam ecclesiasticam appetit, quærit, postulat; ita reus est pusillanimitatis, & desidiæ, qui a Deo vocatus, & Superioris auctoritate, ac mandatis sacro Regimini admotus, impositum onus suscipere pertinaciter recusat.

Ecclesiæ
dignitates
& Præ-
fecturæ quan-
do recusari
non de-
bent.

Hanc regulam tradunt SS. Patres, imprimis S. Greg. Nazianz. Oratione I. „ „ Ac videte (inquit) quam recte, quamque iuste, inter utrumque timorem negotium transigam, nimirum, ut nec minime oblatam Præfecturam appetam, nec oblatam repudiem. Illud enim temerarium hominum est, hoc inobedientium, utrumque autem imperitorum. Atque ipse inter nimis audaces, & nimis timidos quodammodo interjectus sum, nempe & his, qui ad Præ-

Præfecturas omnes proſiliunt, timidior; & iis rursus, qui omnes fugiunt, audacior. Hæc de his rebus mea est sententia „„

S. Auguſt. Epist. 48. alias 81. ad Eudoxium Abbatem, & Monachos insulæ Caprariæ. „„ Vos autem Fratres (*inquit*) exhortamur in Domino, ut propositum vestrum custodiatis, & usque in finem perseveretis; ac si quam operam vestram mater Ecclesia desideraverit, nec elatione avida suscipiatis, nec blandiente desidia respuatis, sed miti corde obtemperetis Deo; cum mansuetudine portantes eum, qui vos regit, qui dirigit mites in iudicio, qui docet mansuetos vias suas. Nec vestrum otium necessitatibus Ecclesiæ præponatis; cui parturienti si nulli boni ministrare vellent, quomodo nasceremini, non inveniretis. Sicut autem inter ignem, & aquam tenenda est via, ut nec exuratur homo, nec demergatur; sic inter apicem superbiæ, & voraginem desidiæ iter nostrum temperare debemus, sicut scriptum est: *Non declinantes, neque ad dexteram neque ad sinistram.* Sunt enim, qui dum nimis timent, ne quasi in dexteram rapti extollantur, in sinistram lapsi demerguntur. Et sunt rursus, qui dum nimis se auferunt a sinistra, ne torpida vocationis mollitie sorbeantur, ex altera parte iactantiæ fastu corrupti, atque consumpti, in favillam, fumumque vanescunt. Sic ergo, dilectissimi, diligite otium, ut vos ab omni terrena delectatione refrænetis, & memineritis nullum locum esse, ubi non possit laqueos tendere, qui timet, ne revolemus ad Deum „„

Et lib. 19. *De Civ. Dei*, cap. 19. „„ Otium sanctum (*inquit*) quærit charitas veritatis; negotium iustum suscipit necessitas charitatis. Quam sarcinam si nullus imponit, percipiendæ, atque intuendæ vacandum est veritati; si autem imponitur, suscipienda est propter charitatis necessitatem; sed nec sic omni modo veritatis delectatio deferenda est, ne subtrahatur illa suavitas, & opprimat ista necessitas „„

S. Greg. 1. P. *Pastoralis*, cap. 5. „„ Sunt nonnulli (*inquit*) qui eximia virtutum dona percipiunt, & pro

pro exercitatione cæterorum magis muneribus exaltantur; qui studio charitatis mundi, abſtinentiæ robore validi, doctrinæ dapibus reſerti, patientiæ longanimitate humiles, auctoritatis fortitudine erecti, pietatis gratia benigni, juſtitiae ſeveritate diſtricti ſunt. Qui nimirum culmen regiminum ſi vacati ſuſcipere renuunt. ipſa ſibi plerumque dona adimunt, quæ non pro ſe tantummodo, ſed etiam pro aliis acceperunt. Cumque ſua, & non aliorum lucra cogitant, ipſi ſe, quæ privata habere appetunt, bonis privant. Hinc namque ad diſcipulos Veritas dicit:

Matth. 5. Non poteſt civitas abſcondi ſupra montem poſita; neque accendunt lucernam, & ponunt eam ſub modio, ſed ſuper candelabrum, ut luceat omnibus, qui in domo ſunt.

Joan. 21. Hinc Petro ait: Simon Joannis, amas me? Qui cum ſe amare protinus reſpondiſſet, audivit: Si diligis me, pæſce oves meas. Si ergo dilectionis eſt teſtimonium cura paſtionis; quiſquis virtutibus polens gregem Dei renuit paſcere, Paſtorem ſummum convincitur non amare. Huic Paulus dicit: *Si Chriſtus pro omnibus mortuus eſt, ergo omnes mortui ſunt. Et ſi pro omnibus mortuus eſt, ſuper eſt, ut qui vivunt, jam non ſibi vivant, ſed ei, qui pro ipſis mortuus eſt, & reſurrexit.* Hinc Moyſes ait, ut uxorem fratris ſine filiis defuncti ſuperſtes frater accipiat, atque ad nomen fratris filium gignat; quam ſi accipere forte renuerit, huic in faciem mulier exſpuat, unumque ei pedem propinquus diſcalcet, ejuſque habitaculum Domus diſcalceati vocetur. Frater quippe defunctus ille eſt, qui poſt Reſurrectionis gloriam apparens dixit: *Ite, nuntiate fratribus meis.* Qui quaſi ſine filiis obiit; quia adhuc electorum ſuorum numerum non implevit. Hujus ſcilicet uxorem ſuperſtes frater fortiri præcipitur; quia dignum proſecto eſt, ut cura ſanctæ Eccleſiæ ei, qui hanc bene regere prævalet, imponatur. Cui nolenti in faciem mulier exſpuit; quia quiſquis ex muneribus, quæ perceperit, prodeſſe aliis non curat, bonis quoque ejus S. Eccleſia exprobanſ, ei quaſi in faciem ſalivam jaſtat. Cui ex uno

uno pede calceamentum tollitur, ut discalceati domus vocetur. Scriptum quippe est : *Calceati pedes in preparatione Evangelii pacis*. Si ergo, ut nostram, sic curam proximi gerimus, utrumque pedem per calceamentum munimus. Qui vero suam cogitans utilitatem, proximorum negligit, quasi unius pedis calceamentum, cum dedecore amittit. Sunt itaque nonnulli, qui magnis, ut diximus, muneribus ditati, dum solius contemplationis studiis inardescunt, parere utilitati proximorum in prædicatione refugiunt, secretum quietis diligunt, secessum speculationis petunt. De quo si districtè judicentur, ex tantis proculdubio rei sunt, quantis venientes ad publicum prodesse potuerunt. Qua enim mente is, qui proximis profuturus enitesceret, utilitati cæterbrum secretum præponit suum, quando ipse summi Patris Unigenitus, ut multis prodesset, de sinu Patris egressus est ad publicum nostrum „ „ ?

Idem persequitur argumentum cap. 6. „ „ Et sunt nonnulli (*inquit*) qui ex sola humilitate refugiunt, ne iis, quibus se impares æstimant, præferantur. Quorum profecto humilitas, si cæteris quoque virtutibus cingitur, tunc ante Dei oculos vera est, cum ad respuendum hoc, quod utiliter subire præcipitur, pertinax non est. Neque enim vere humilis est, qui superni nutus arbitrium, ut debeat, præesse intelligit, & tamen præesse contemnit. Sed divinis dispositionibus subditus, atque a vitio obstinationis alienus, cum sibi Regiminis culmen imperatur, si jam donis præventus est, quibus & aliis proficit, & ex corde debet fugere, & invitus obedire „ „.

S. Thomas, 2. 2. qu. 185. art. 2. „ „ In assumptione (*inquit*) Episcopatus duo sunt consideranda. Primo quidem, quid deceat hominem appetere secundum propriam voluntatem. Secundo, quid hominem deceat facere ad voluntatem alterius. Quantum ergo ad propriam voluntatem, convenit homini principaliter insistere propriæ saluti; sed quod aliorum saluti intendat, hoc convenit homini ex dispositione alterius

rius potestatem habentis. Unde sicut ad inordinationem voluntatis pertinet, quod aliquis proprio motu feratur in hoc, quod aliorum gubernationi præficiatur; ita etiam ad inordinationem voluntatis pertinet, quod aliquis omnino contra Superioris Injunctionem, prædictum gubernationis officium finaliter recuset, propter duo: Primo quidem, quia hoc repugnat charitati proximorum, quorum utilitati se aliquis debet exponere pro loco, & tempore. Secundo, quia hoc repugnat humilitati, per quam aliquis Superiorum mandatis se subicit „„

R E G U L A X I.

Obedire Superiori, beneficium, dignitatem, aut Præfecturam ecclesiasticam imponenti, non tenetur, qui aliquod in se impedimentum agnoscit, quod nec ejus studio, nec Superioris auctoritate removeri potest.

Quando
dignitas,
aut Præfe-
ctura eccle-
siastica de-
beat recu-
sari.

Hæc regula colligitur ex S. *Thoma*, 2. 2. qu. 184. art. 2. ad secundum. „„ Nullus (*inquit*) tenetur obedire Prælato ad aliquod illicitum. Potest ergo contingere, quod ille, cui injungitur Prælationis officium, in se aliquid sentiat, propter quod non liceat ei Prælationem accipere. Hoc autem impedimentum quandoque quidem removeri potest per ipsummet, cui Pastoralis cura injungitur; puta, si habeat peccandi propositum, quod potest deferere. Et propter hoc non exculatur, quin finaliter teneatur obedire Prælato injungenti. Quandoque vero impedimentum, ex quo fit ei illicitum Pastorale officium, non potest ipse remove, sed Prælatus, qui injungit; puta, si sit irregularis, vel excommunicatus. Et tunc debet defectum suum Prælato injungenti ostendere, qui si impedimentum remove voluerit, tenetur humiliter obedire. Unde *Exodi* 4. cum *Moses* dixisset: *Obsecro, Domine, non sum eloquens ab heri, & nudijs tertius*: Dominus respondit ad eum, *Ego ero in ore tuo, doceboque te, quid loquaris*. Quandoque

doque vero non potest removeri impedimentum, nec per injungentem, nec per eum, cui injungitur; sicut si Archiepiscopus non possit super Irregularitate dispensare. Unde subditus non tenetur ei obedire ad suscipiendum Episcopatum, vel sacros Ordines, si sit irregularis „ „ „

REGULA XII.

Lethalis ambitionis reus est, qui beneficium, dignitatem; seu præfecturam ecclesiasticam retinet absque legitimo titulo; aut cum dotibus omnino necessariis ad illius functiones obeundas non est præditus, nec eas vult; aut potest comparare.

Qui enim absque legitimo titulo beneficium, dignitatem, vel præfecturam ecclesiasticam retinet: *Non intravit per ostium in ovile ovium, sed ascendit aliunde, adeoque fur est & latro.* Quamobrem abdicare se tenetur inter manus Collatoris. Nam *Beneficium ecclesiasticum non potest licite absque institutione canonica obtineri;* (ut habet Regula juriſt. t. in Sexto.) Qui ergo per Simoniam, sive simplicem, sive fiduciariam, ecclesiasticum beneficium obtinuerit; aut expuncto in provisionis literis ejus, suis collatum est, nomine, suoque inscripto, aliavē fraude surripuerit, illud restituere tenetur; in primò quidem casu legitimo Collatori; in secundo vero ei, cui canonice collatum erat. Si vero retineat, non solum gravis injustitiæ, sed & lethalis ambitionis reus est. Idem esto judicium de illo, quem arguit conscientia criminis, ab Ordinis, vel Officii executione, peracta etiam pœnitentia, impediens, quale est homicidium; vel cum gravi scandalo conjuncti. Pro gravi namque scandalo vitando, cum aliter sedari non potest, dignitate, & beneficio cedere debet: *Ne plus temporalem honorem, quam aeternam videatur affectare salutem.* Idem censendum de illo, quem Irregularitatis vinculum adstringit, ut si forte sit bigamus, vel viduæ maritus. Idem de imperito; quia *Scientia circa spirituum*

De ambitione.
Joan. 10. 1.

148 Theol. Dog. & Moral. Lib. III.

apud *Theodoretum* lib. 5. cap. 11. Conc. Carthag. 4. Can. 27. *S. Leo* Epist. 12. alias 84. ad *Anastasium* Thessalonicensem Episcopum, cap. 8. Concil. Calcedonense can. 5. *Hilarius* romanus Pontifex in Ep. ad Episcopos provinciæ Tarracohenfis. *Pelagius* 2. Epist. 2. Conc. Ravennatense sub *Joanne* 9. Canon 3. & 5. Nannetense can. 16. cujus hæc sunt verba: „ De Episcopo canonica decrevit auctoritas, ut si per ambitionem majorem civitatem appetierit, & illam perdat, quam tenuit, & illam nequaquam obtineat, quam usurpare tentavit „. Et *Innocent. III.* cap. *Quanto*, & cap. *Licet*, Ext. *De Translatione Episcopi*. Idem esto judicium de Presbyteris a minori titulo ad majorem migrantibus, secundum can. 14. Conc. Turonensis 3. Carolo magno imperante celebrati, cujus hæc sunt verba: „ De titulo minori ad majorem migrare, nulli Presbytero licitum sit; sed in eo permaneat, ad quem ordinatus est. Quod si inventus fuerit contra statuta id facere, eadem feriatur sententia, qua Episcopus, si de minore ad majorem transmigraverit sedem „. Parochus igitur, qui absque necessitate, aut utilitate Ecclesiæ, a minori parochia transit ad majorem, & insigniorem, lethalis ambitionis reus est; non autem, qui propter necessitatem, vel utilitatem Ecclesiæ, ab Episcopo transfertur; sicut nec Episcopus, qui vel electione, vel Regis nominatione, ab ipso non petita, nec procurata, sed romani Pontificis auctoritate confirmata, (penes quam unum est hujusmodi translationum potestas secundum præsentem disciplinam,) a minori ad majorem Ecclesiam transfertur.

R E G U L A X V.

Non semper ambitionis reus est, qui ordinem suum, ac locum tuetur. Quandoque ignavus est, & parva dignus, qui suo jure cedit.

Hæc regula colligitur ex *S. Leone* Ep. 18. alias 5. ad *Dorum* Beneventanum Episcopum, quem de per-

perturbato Presbyterii ordine, primosque Presbyteros jure suo cedentes redarguit; ac suum cuique ordinem vindicat pro Ordinationis tempore; primis, qui cesserant, ad infimum locum detrufis. „„ Omnis (*inquit*) laborum fructus aufertur, omnis meritum mensura vacuatur, si tantum quis assequitur dignitatis, quantum adulationis obtinuit; ut cupiditas eminendi non solum superbientem minuat, sed etiam conniventem. Si vero, ut asseritur, primi, secundique Presbyteri, circa Epicarpium sibiimet præponendum, tanta huic assentatio fuit, ut illum cum sui dedecore posceret honorari, nec hoc quidem illis proprio se judicio deicientibus tribui debuit, quod volebant, cui tam miseræ voluntati te dignius fuerat obviare, quam cedere. Deformis autem, & ignava subjectio bene sibi conscis, & non irritam facientibus gratiam Dei præjudicare non potuit, ut primatus suos quocunque commercio in alterutrum transferentes, subsequenter suorum minuerent dignitatem, & quia ultimum sibi anteposuerant, cæteris præeminerent. Prædicti igitur Presbyteri, qui indignos se honoris sui ordine sunt professi, licet privari etiam Sacerdotio mererentur; tamen ut eis pro apostolicæ Sedis pietate parcat, ultimi inter omnes Ecclesiæ Presbyteros habeantur; & ut judicii sui sententiam ferant, interiores etiam illo erunt, quem propria sententia sibiimet prætulere; cæteris omnibus Presbyteris in eo ordine permanentibus, quem unicuique Ordinationis suæ tempus adscripsit. . . Paulus vero Presbyter ordinem suum, de quo laudabili firmitate non cessit, obtineat.

CAPUT II.

De Avaritia.

ARTICULUS PRIMUS.

*Quid sit avaritia, & quam grave peccatum.**Avaritia
definitio.*

Avaritia est libido habendi pecuniam (inquit S. August. lib. 14. De Civ. Dei, cap. 15.) sive, Immoderatus amor habendi; ut definit S. Thomas, 2. 2. qu. 118. art. 1. sive, Immoderatus amor divitiarum.

II. Singulare peccatum est, saepe mortale, capitale; de quo Apostolus ad Rom. 1. Tradidit illos Deus in reprobum sensum, ut faciant ea, qua non conveniunt, repletos omni iniquitate, malitia, fornicatione, avaritia, &c. Et 1. ad Timotheum 6. Radix omnium malorum est cupiditas; quam quidam appetentes, erraverunt a fide, & inferuerunt se doloribus multis. Tu autem, o homo Dei, hac fuge. Ad Hebr. 13. Sint mores sine avaritia, contenti presentibus; ipse enim dixit; Non te deferam, neque derelinquam. 1. ad Cor. 5. Nunc autem scripsi vobis non commisceri; si is, qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax, cum ejusmodi nec cibum sumere. Et cap. 6. Nolite errare; neque fornicariis, neque idolis servientes, neque adulteri. . . neque fures, neque avari. . . Regnum Dei possidebunt.

*Avaritia
peccatum
est in Deum.*

III. Hujus gravitatem peccati Scriptura sacra ostendit, Eccli. 10. Avaro (inquit) nihil est scelestius. Peccatum est in Deum, in se ipsum, & in proximum. In Deum, in quantum homo propter bonum temporale contemnit æternum. Hinc avaritiam idolorum servitutem vocat Apostolus. (Eph. 5.) Hoc enim scitote intelligentes; quod omnis fornicator, aut immundus, aut avarus, quod est idolorum servitus, non habet hereditatem in regno Christi, & Dei. Nunquid enim non est idololatriæ reus, qui divitiis servit, Dei impesum excutit? Cum Dominus dixerit (Matth. 6.) Non possis Deo servire, & mammona.

Nun-

Nunquid divitias pro Deo non habet, qui *Sperat in pecunia, & thesauris*? Deum non colit avarus, sed loco Dei divitias. *Hoc enim colitur, quod diligitur* (inquit *S. August.*) Divitias autem præ Deo diligit; pro nihilo siquidem ducit perdere Deum, ut acquirat nummum. „ „ Ut lucrum faceres, Deum offendisti (inquit *S. August. Enarr. in Ps. 123.*) Ut augeres pecuniam, fides diminuta est, & aurum crevit. Quid perdidisti, & quid acquisisti? Quod acquisisti, aurum vocatur; quod perdidisti, fides vocatur; compara fidem auro... Lucra tua cogitas, damna tua non cogitas; de arca gaudes, de corde non plangis... Acquisisti aurum, perdidisti fidem; post paucos dies exis de hac vita; aurum, quod acquisisti perdita fide auferre tecum non potes; cor tuum inane fidei ad penas exit, quod plenum fide ad coronam exiret „ „ Deo non obedit avarus, sed pecuniz. Deo non obedit avarus, sed pecunia.

Unde Eccli. 10. Salomon ait: *Pecunia obediunt omnia*. Clamat Deus: „ „ Ego possidear. Quid vis ab avaritia possideri? Dura jubet, levia jubeo; onus ejus grave, sarcina mea levis est; jugum ejus asperum est, jugum meum leve est. Noli velle ab avaritia possideri. Jubet avaritia, ut mare transeas, & obtemperas; jubet, ut te ventis, procellisque committas; jubeo ego, ut ante ostium tuum ex eo, quod habes, des pauperi; piger es ad faciendum ante te opus bonum, & strenuus es ad transeundum mare. Quia avaritia imperat, servis; quia Deus jubet, odisti „ „ (inquit *S. August. Enarr. in Psal. 128.*) Deum non invocat avarus, sed lucrum. „ „ Invocas Deum, quando in te vocas Deum. Hoc est enim illum invocare, illum in te vocare, quodammodo eum in domum cordis tui invitare. Non autem auderes tantum Patremfamilias invitare, nisi nosset ei habitaculum præparare. Si enim tibi dicat Deus, ecce invocasti me, venio ad te, quo intrabo? Tantas sordes conscientie tue sustinebo? Si servum meum in domum tuam invitares, nonne prius eam mundare curares? Invocas me in cor tuum, & plenum est rapinis, plenum est fraudibus.

dibus, plenum est malis concupiscentiis. . . De talibus denique quid ait in alio loco Psalmus ? Dominum non invocaverunt. Et utique invocaverunt, nec tamen invocaverunt. . . Dico homini avaro, invocas Deum ? Quare invocas Deum ? Ut det mihi lucrum. Lucrum ergo eo invocas, non Deum. Quia hoc lucrum, quod concupiscis, non potes habere per servum tuum, non potes habere per colonum tuum, per clientem tuum, per amicum tuum, per satellitem tuum ; invocas Deum, ministrum lucri tui facis Deum ; viluit tibi Deus. Vis invocare Deum ? Gratis invoca. Avare, an parum est tibi, si te impleat ipse Deus ? Deus si ad te veniat sine auro, & argento, non vis illum ? Quid ergo tibi de his, quæ fecit Deus, sufficit, cui Deus ipse non sufficit „ „ ? (inquit *S. August.* Enarr. 4. in Psal. 39.) Pecuniam in Deorum, numero apud veteres Romanos consecratam, *S. August.* testatur lib. 4. *De Civ. Dei*, cap. 21. Templum tamen habuisse nullum testis est Juvenalis : *Et si funesta pecunia Templo nondum habitas, nullas nummorum extruximus Aras.* Templum scilicet, aramque in corde suo illi dedicarunt avari ; nullum aliud voluerunt, ut impensis parcerent. Hinc Judas pretium ex sacrilega magistri sui venditione comparatum : „ Non „ projecit in sterquilinum, sed in Templum ; nimium talibus semper Diis templum suum devoverat „ (inquit *Drogo Ostiensis*, Sermones de Passione Domini.) Huc spectat illud *Osee* 19, *Vitis frondosa Israel, fructus addquatus est ei ; secundum multitudinem fructus sui multiplicavit Altaria, juxta ubertatem terra sua exuberavit simulacris.* Deo dicere non potest dives avarus : *Tuus sum ego, salvum me fac, quoniam justificationes tuas exquisivi.* Ille dicit : *Tuus sum*, qui potest dicere : *Ecce omnia reliquimus, & secuti sumus te.* Apostolorum itaque vox ista est, nec omnium tamen. Nam & Judas Apostolus fuit, & in convivio Christi inter Apostolos recumbebat. Dicebat & ipse : *Tuus sum*, sed voce, non corde. „ „ Venit, & introivit in eum satanas, & coepit dicere : Non est

est tuus, sed meus est. Denique ea, quæ mea sunt, cogitat; quæ mea sunt, in pectore suo volvit; tecum epulatur, & tecum pascitur; a te panem accipit, a me pecuniam; tecum bibit, & mihi tuum sanguinem vendit; tuus est Apostolus, & meus est mercenarius. Verba sunt *S. Ambrosii*, Serm. 12. in Psal. 118.

Avaritiæ malum idem Pater diserte explicat lib. 3. *De Officiis*, c. 26. „Vetus (inquit) avaritia est, quæ cum ipsis divinæ legis cœpit oraculis, imo propter ipsam reprimendam lex Dei lata est. Propter avaritiam Balac putavit Balaam præmiis posse tentari, ut malediceret populum Patrum; & vicisset avaritiâ, nisi Dominus a maledicto eum abstinere vetuisset. Propter avaritiam præcipitatus Achan in exitum deduxerat totam plebem parentum. Itaque Iesus nave, qui potuit solem sistere, ne procederet, avaritiam hominum non potuit sistere, ne serperet. Ad vocem ejus sol stetit, avaritiâ non stetit; sol itaque stante confecit Jesus triumphum, avaritiâ autem procedente pene amisit victoriam. Quid fortissimum omnium Samsonem, northe Dalilæ mulieris avaritiâ decepit?... Influxit pecunia in gremium mulieris, & a viro discessit gratia. Feralis igitur avaritiâ, illecebrosa pecunia, quæ habentes contaminat, non habentes non juvat „

IV. Avaritiâ est peccatum hominis in se ipsum quatenus inordinato divitiarum amore, aut desiderio, vel delectatione in eis, pervertitur hominis affectus, ut ait *S. Th.* *Cupiditas* quippe *venenum est charitatis*; (inquit *S. August.*) Avaritiâ hominem duræ, & indecoræ mancipat servituti. Divitias non possidet, imo ab illis possidetur. „ Ille enim habet aurum, qui novit uti auro; qui autem auro uti non novit, habetur, non habet; possidetur, non possidet. Estote domini auri, & non servi auri; quia & aurum Deus fecit, & te super aurum ipse fecit; aurum fecit ad subsidium tuum, & te ad imaginem suam. Vide, quod supra te est, & calcas, quod in-

Avaritiâ
peccatum
est hominis
in seipsum.
S. August.
lib. 9. c. 37.
q. 16.

Avarorum
dura, &
pudenda
servitus.

fra te est „ „ ; (inquit S. Aug. Enarrat. in Psalm. 123.) Hinc etiam S. Ambr. lib. De Nabuth, cap. 15. Avaros merito *Viros divitiarum a Davide nuncupatos* observat Psal. 75. *Dormierunt* (inquit) *somnum suum, & nihil invenerunt omnes viri divitiarum in manibus suis.* Viros divitiarum appellavit, non divitias virorum: „ „ Ut ostenderet eos non possessores divitiarum esse, sed a suis divitiis possideri. Possessio enim possessoris debet esse, non possessor possessionis. Quicunque igitur patrimonium suo tanquam possessione non utitur, qui largiri pauperi, & dispensare non novit, is suarum servulus est, non dominus facultatum, qui alienas custodit, ut famulus, non tanquam Dominus, ut suis utitur. In huiusmodi ergo affectu dicimus, quod vir divitiarum sit, non divitiarum virorum. *Et cap. 12.* Captiva est opulentia, paupertas libera. Servitis, divites, ac miseram quidem servitutem, qui servitis errori, servitis cupiditati, servitis avaritiarum, quæ expleri non potest. *Et cap. 5.* Tolerabitur conditio servulorum; illi enim hominibus serviunt, iste peccato. Semper in laqueis, semper in vinculis est: nunquam liber a compedibus, quia semper in criminibus „ „.

Avari dæ-
moniis
similes.

Matth. 6.
24.

Miserum avarorum statum, quia non solum duram servitutem serviant, sed similes sint dæmoniis, describit egregie S. Joan. Chrys., Hom. 29. in Matth. „ „ Quid enim (inquit) miserius avaro? Nam dæmoniacus etsi homines contempserit, verbo tamen Christi ab actis dæmonibus liberatus est; pecuniarum autem servus Christum non auscultat. Nam etsi quotidie Christum audit prædicantem: *Non potestis Deo servire, & mammona*; etsi gehennæ terror incutitur, ac inferni poenæ imminere dicuntur, non credit tamen Christi verbo. . . Quis mentis compos cum huiusmodi hominibus conversabitur? Nam mea quidem sententia, cum mille dæmoniis habitandum potius esset, quam cum uno, qui hoc morbo laboraret. Nam aeris quidem avidi etiam innocuos, nisi utiles sibi sint, inimicos ducent; & liberum hominem, si pos-

possent, libenter in servitutem suam redigerent, eumque mille implicarent malis; dæmoniachi vero nihil hujusmodi faciunt, sed ipsi soli suo malo laborant. Et illi quidem multas domos evertunt, nomenque Dei propter ipsas blasphemare faciunt; communis ærumna civitatum, atque orbis totius sunt; dæmonibus autem exagitati, lacrymis nobis ita movent, ut eorum facile misereamur; & isti non sentiunt plerumque, quod agunt; illi præmeditati omnia faciunt, in mediis urbibus bacchantes, ac novam insanientes insaniam. Quando enim omnes simul dæmoniachi tantum facinoris committent, quantum Judas solum commisit, qui ad extremam iniquitatem turpi pecuniarum ardore deVectus est, pariterque omnes, qui avaritiam illius imitantur. . . Et vincula quidem etiam his undique injecta sunt, judicii timor, legum terror, multorum odia; sed his ruptis omnia perturbant; quod si quis hos nexus omnino ab his auferret, tunc videres peiores hos dæmone, quam dæmoniacos, ac fortiore vexari . . .

Curationem suam adeo refugium, ut etiam celestem medicum irrideant. Luc. 16. Cum Christus proposita parabola de villico iniquitatis auditores suos ad erogandas elemosynas hortatus esset, dixissetque, neminem Deo, & mammonæ servire posse, notat Evangelista, quod *Audiebant omnia hæc Pharisæi, qui erant avari, & deridebant illum.* Quapropter difficillimam esse divitum salutem, Christus Dominus asseruit (Matth. 19.) *Amen dico vobis, quia dives difficile intrabit in regnum celorum.* Et iterum dico vobis; *facilius est, camelum per foramen acus transire, quam divitem intrare in regnum celorum.* Auditis autem his discipuli mirabantur valde, dicentes; *quis ergo poterit salvus esse? Aspiciens autem Jesus dixit illis; apud homines hoc impossibile est; apud Deum autem omniaabilia sunt.* Et Matth. 13. Parabolam sementis explicans; *Sollicitudo (inquit) seculi istius, & fallacia divitiarum suffocat verbum, & sine fructu efficitur.*

Pene insubriabile avaritiae malum.

Divitum salus difficilis.

Hinc & *Petrus Chrys.* Ser. 29. „ Aurum (*inquit*) natura grave, gravius fit avaritia; plus habentem deprimat, quam ferentem, & vehementius aggravat corda, quam corpora. Nascitur in terra profunda, sectatur ipsa montium fundamenta, perque ima venarum cæcis discurrit anfractibus; & dum suam semper repetat ad naturam, coelestes animas ad inferna deponit. *Et infra*: Auri furor ardentius humano fervet in pectore, quam caminus totus ignescit incendiis; & acrius homines dissolvit, quam solvitur in calore flammarum. Crudelitatis dominus, sævus hostis, amando lædit, nudat ditando, ipsum etiam captivat aspectum, fidem frangit, violat affectum, vulnerat charitatem, turbat quietem, adimit innocentiam, docet furtum, suadet fraudem, imperat latrocinium. *Ex quibus colligit, quod*, aurum erogare, bonum; reponere, malum; contemnere validum; fugere persecurum; quod sicut vincere virtutis, ita felicitatis est evasisse „ „

Hinc *Salvianus* lib. 2. Ad Ecclesiam catholicam: „ Non est (*inquit*) quod competere quisquam, aut non obesse divitias religioni putet. Impedimenta hæc sunt, non adjumenta; onera, non subsidia: possessione enim, & usu opum non suffulcitur religio, sed evertitur „ „ Hinc denique *S. Bern.* Ep. 103. „ Si sapias (*inquit*) si habes cor, si tecum est lumen oculorum tuorum, desine jam ea sequi, quæ & assequi miserum est. Beatus, qui post illa non abiit, quæ possessa onerant, amata inquinant, amissa cruciant „ „

Quæ tamen non eo dicuntur animo, ut divitiæ secundum se malæ existimentur, sed perversus earum amor, & pravus usus. Ait namque Deus per *Aggaum* Prophetam: *Meum est aurum, & meum est argentum.* Quem locum expendens *S. August.* Ser. 50. alias *De Diversis*, 15. nec non trigesima inter Homilias quinquaginta, cap. 2. ait: „ Vis videre, quam iusti iudicis res est aurum, & argentum? Avarus inde torquetur, unde misericors adjuvatur. Reia suam divina distribuite iustitia,

Agg. c. 2.

Non male
per se divi-
sed

stitia, & recte facta inde manifestantur, & peccata inde puniuntur. Namque aurum, & argentum, atque omnis terrena possessio, & exercitatio humanitatis est, & supplicium cupiditatis. Cum talia Deus bonis hominibus tribuit, ostendit in eis, quanta contemnat animus, cujus divitiæ sunt ipse, qui tribuit. Non enim potest quisque apparere contemptor, nisi ejus rei, cujus possessor effectus est. Nam & qui non habent, possunt ista contemnere; sed utrum fiant, an vere contemnant, Deus videt, qui cordis inspector est; hominibus autem, ut imitari possint, cogitatio contemnentis nonnisi in manibus erogantis inspicitur. Cum autem malis hominibus Deus ista concedit, in eis quomodo & in ipsis bonis, quæ Deus largitur, crucietur animus, cui viluit, qui tanta largitur. Bonis enim subministrat occasiones beneficiorum: malos torquet timore damnorum. Et ideo si amittant utrique aurum, & argentum, isti coelestes divitias læto corde retinebunt; illis autem, & bonis temporalibus inanis domus, & bonis æternis inanior conscientia remanebit. Illius est ergo aurum, & argentum, qui novit uti auro, & argento; nam etiam inter ipsos homines tunc quisque habere aliquid dicendus est, quando bene utitur. Nam quod juste non tractat, jure non tenet. Quod autem jure non tenet, si suum esse dixerit, non erit vox justî possessoris, sed impudentis incubatoris improbitas. Quapropter si homo non importune dicit aliquid suum, non quod iniqua, & stulta cupiditate occupaverit, sed quod prudentissima potestate, & justissima moderatione tractaverit; quanto magis Deus vere, ac proprie suum esse dicit aurum, & argentum, quod & largissima bonitate condidit, & justissimo administrat imperio; ut sine ipsius nutu, atque dominatu, nec mali ad avaritiæ supplicium, nec boni ad usum mîlericordiæ possint habere aurum, & argentum? Si autem solis malis in potestatem daretur aurum & argentum, recte putaretur malum; si solis bonis, recte putaretur magnum aliquod bonum. Rura
lus

sus si solis malis deesset, videretur magna poëta paupertas; si autem solis bonis deesset, videretur summa beatitudo paupertas. Nunc vero si scire vis aurum posse bene haberi, habent & boni; si scire vis non eos per aurum bonos esse, habent & mali. Item si scire vis, quam non sit miseria paupertas, sunt quidam pauperes beati; si scire vis quam non sit beatitudo paupertas, sunt quidam pauperes miseri. Ita ergo aurum, & argentum distribuit hominibus conditor rerum, & administrator Deus, ut ipsum per se natura, & genere suo bonum sit, quamvis non summum, & magnum bonum, & pro gradu sui ordinis laudabilem Conditorem universalitatis ostendat; copia vero ejus non extollat bonos, nec elidat inopia; malos autem, & cum offertur, excæcet, & cum auferitur, excruciet. Quamobrem Spiritus sanctus per os Siracidis ait, ecclesiast. 10. *Nihil est iniquius quam amare pecuniam. Hic enim & animam suam venalem habet; quoniam in vita sua projecit inimica sua.*

Avarus in seipsum iniquus.

Iniquus revera in seipsum est avarus, qui se veris bonis defraudat, & in summa divitiarum affluentia inops, & indignus est. Unde Psalm. 33. dicitur: *Divites egnerunt, & esurierunt.* Et Luc. 1. *Divites dimisit inanes.* Eandem avari in seipsum iniquitatem Sapiens expressit, Ecclesiastis, cap. 4. *Considerans reperit & aliam vanitatem sub sole; unus est, & secundum non habet, non filium, non fratrem, & tamen laborare non cessat, nec satiantur oculi ejus divitiis; nec recogitat, dicens: Cui laboro, & fraudo animam meam bonis? Et cap. 5. Avarus non implebitur pecunia, & qui amat divitias, fructum non capiet ex eis; & hoc ergo vanitas. Ubi multa sunt opes, multi & qui comedunt eas. Et quid prodest possessori, nisi quod cernit divitias oculis suis? Dulcis est somnus operanti; sive parum, sive multum comedat; saturitas autem divitis non finit eum dormire. Est & alia infirmitas pessima, quam vidi sub sole; divitia conservata in malum Domini sui. Pereunt enim in afflictione pessima; generavit filium, qui in summa egestate erit. Sicut egressus est nudus de utero matris sue, sic rever-*

revertetur, & nihil auferet secum de labore suo. Miserabilis prorsus infirmitas! Quomodo venit, sic revertetur. Quid ergo prodest ei, quod laboravit in ventum? Cunctis diebus visa sua comedit in tenebris, & in curis multis, & in ærumna, atque tristitia. Temporales divitiz animam non satiant, quia finitæ sunt, corporeæ, transitoriz; anima vero incorporea est secundum substantiam, sempiterna secundum durationem; infinita secundum capacitatem. *Animum Dei capax quicquid Deo minus est non implebit* (inquit S. August.).

S. Ambrosius lib. De Nabuthe, cap. 4. expendens cur de Achab Rege dicatur, & non manducavit panem suum, 3. Reg. cap. 21. „ Divites (inquit) magis alienum panem, quam suum manducant, qui rapto vivunt, & rapinis sumptum exercent suum. Aut certe non manducavit panem suum, volens se morte mulctare, quod ei aliquid negaretur. Compara nunc affectum pauperis. Nihil habet, & jejunare voluntarius nisi Deo nescit, jejunare nisi ex necessitate non novit. Divites, eripitis quidem pauperibus universa, auferitis omnia, nihil relinquitis: poenam tamen pauperum vos potius divites sustinetis; illi jejunant, si non habeant, vos cum habetis. A vobis igitur prius poenam exigitis, quam pauperibus irrogatis. Vos igitur vestro affectu luitis miseræ paupertatis ærumnas; & pauperes quidem non habent, quo utantur; vos autem, nec ipsi utimini, nec alios uti finitis. Eruitis aurum de metalli venis, sed rursus absconditis illud. Quantorum vitas in illo infoditis auro „?

Divitis
avari ego
sum.

Et cap. 6. locum illum Evangelii explicans, Luc. 12. Quid faciam? Destruam borrea mea, &c. ait: „ In uberate fructuum vocem egentis mittit. Quid faciam? (inquit) Nonne hæc pauperis vox est, non habentis subsidia vivendi? Clamat se dives non habere. Paupertatis hic sermo est.. Miserior iste foecunditatibus suis, quam pauper, cui periculum de egestate est. Habet ille, unde non excuset ærumnam, habet certe injuriam, non habet culpam; iste non habet, quem præter se arguat. Et cap. 2. O dives, nescis quam

pa-

pauper sis, quam intops tibi ipse videaris, qui te divitem dicis! Quanto plus habueris, plus requiris, & quidquid acquisieris, tamen tibi adhuc indiges. Inflammaturo lucro avaritia, non restringitur. Quasi quosdam gradus cupiditas habet; quo plures ascenderit, eo ad altiora festinat; unde sit gravior ruina lapsuro. Tolerabilior tamen iste, cum minus haberet; census sui contemplatione mediocritas requirebat, accessione patrimonii accessit cupiditatis augmentum. Non vult esse degener votis, pauper in desideriis. Ita duo intolerabilia simul jungit; ut ambitionem spem divitis augeat, & non deponat mendicitatis affectum. Denique docet nos Scriptura divina, quam misere egeat, mendicet abjecte. Rex Achab in Israel erat, & pauper Nabuthe. Ille regni opibus affluebat; iste angusti soli cespitem possidebat. Nihil pauper de possessionibus divitis concupivit: Rex sibi egere visus est, quia vineam habebat pauper vicinus. Quis igitur tibi pauper videtur, qui contentus est suo, an qui concupiscit alienum?

Fideli totus
mundus divi-
tiarum
est.

Alter certe pauper censu videtur, alter est pauper affectu. *Et cap. 12.* Pauperiorem se judicat omnis abundans; quia sibi deesse arbitratur, quidquid ab aliis possidetur. Toto mundo eget, cujus non capit mundus cupiditates; ejus autem, qui fidelis est, totus mundus divitiarum est „ „.

Perituras
divitiarum non
auferunt
egestatem.

t. Petri 3.

Perituras illas divitias egestatem non auferre, & *August.* pariter ostendit; Serm. 50. „ „ Cum (*inquit*) hoc genus rerum Dominus in Evangelio mammona iniquitatis appellat; significat alterum esse mammona, id est, alias divitias, quas nisi iusti, & boni possidere non possunt, ut ideo mammona iniquitatis vocetur, quia iniquitas eas vocat divitias. Justitia vero novit esse alias divitias, quibus homo adornatur interior; sicut B. Petrus dicit: *Qui est ante Deum dives.* Illæ iustæ dicuntur divitiæ, quia bonis meritis; iustisque tribuuntur. Illæ veræ dicuntur divitiæ, quia quisquis eas habuerit, non egebit. Istæ vero injustæ divitiæ, non quia injustum est aurum, & argentum, sed

sed quia injustum est, eas putare divitias, quæ non auferunt egestatem. Tanto enim magis quisque ardebit egestate, quanto magis eas diligens majores habuerit. Quomodo ergo sunt divitiæ, quibus crescentibus crescit inopia; quæ amatoribus suis, quando fuerint ampliores, non afferunt satietatem, sed inflammant cupiditatem? Divitem tu putas, qui minus egeret, si minus haberet?... Major pecunia succus avaritiæ non claudit, sed extendit; non irrigat, sed accendit. Poculum respiciunt, quia fluvium sitiunt. Utrum ergo ditior, an egentior dicendus est, qui cum ideo voluit habere aliquid, ne indigeret, ideo plus habet, ne minus indigeat...?

Idem Ser. 61. alias 5. *De Verbis Domini*, cap. 3. *Habes aurum (inquit) habes argentum; & concupiscis aurum, & concupiscis argentum? Et habes, & concupiscis; & plenus es, & sitis. Morbus est, & non opulentia. Sunt homines in morbo, humore pleni sunt, & semper sitiunt. Quomodo ergo delectas opulentiam, qui habes hydropem concupiscitiam...?*

Avaritia
spiritualem
hydropem.

Libido, & avaritia dicuntur a sapiente Prov. 30. *Sanguisuga dua filia, dicentes, affer, affer. Infatiabilis quidem utraque est, sed magis avaritia, quæ nec ipsa hominis senectute expleri potest. Communes sanguisugæ concidunt satietate, & pondere ipso sanguinis detractæ, aut sale aspersæ; ut referunt naturalis historiæ Scriptores. Avari autem, qui se in terrenas opes ingurgitant, nec earum copia, & pondere concidunt; nec divinis monitis, & Concionatorum, plorumque virorum sapientia, salutaribusque verbis tanquam sale aspersi, ab avaritiæ ardore ullo modo refrigescunt, vel revocantur.*

Avaritia
sanguisuga.

V. Avaritia denique peccatum est in proximum, quia exterioribus divitiis non potest unus homo superabundare, nisi alteri deficiant; quia bona temporalia simul a multis possideri non possunt; (inquit *S. Thomas*.) Quam immanis sit in proximum avaritia, propheticiis Oraculis ostenditur. Jer. 2. *In albis*

Avaritia
peccatum
est in pro-
ximum.

quis inventus est sanguis animarum pauperum, & innocentium. Et Michæ 6. Ignis in domo impij thesauri iniquitatis. Instar enim ignis vicina quæque consumit, devastat, evertit. Avaritia crudelis est illa *Jezabel*, quæ *Naburhem* falsis testimoniis opprimit, perditque, ut ejus vineam Regi *Achab* tradat possidendam (3. Regum cap. 21.) Qua de re *S. Ambrosius*, lib. *De Nabushe*, cap. 1. ita scribit: „*Nabuthæ historia tempore vetus est, usu quotidiana. Quis enim divitum non quotidie concupiscit? Quis opulentissimorum non exturbare contendit agellulo suo pauperem, atque inopem aviti rûris eliminare finibus? Quis contentus est suo? Cujus non inflammatur divitiis animum vicina possessio? Non igitur unus Achab natus est; sed, quod pejus est, quotidie Achab nascitur, & nunquam huic seculò moritur. Si unus occidit, assurgunt pluri; plures qui rapiant, quam qui amittant. Non unus Nabuthæ pauper occisus est; quotidie Nabuthæ sternitur, quotidie pauper occiditur.* „

Crudelitas
avaritiæ.

Plures, qui
rapiant,
quam qui
amittant.

Avari vera
effigies.

S. Joan. Chrysost. cum ubique triumphet eloquentia, tum maxime in avari crudelitate describenda; *Hom. 29. in Matthi.* „*Fiſcite (inquit) videre terram quemdam hominem, qui ab oculis ignem emittat, cui ex utroque humero dracones pro manibus dependeant, cujus os cavernæ instar magnitudine sit, in quo pro dentibus acuti enses stent, ex lingua venenosus fons scaturiat; venter omni fornace sit voracior, cuncta, quæ immittuntur subito consumens, pedes alati, quavis etiam flamma vehementiores; facies canis, ac lupi simul; nec hominis vocem emittat, sed insuave quiddam, ac terribile mugiat; facies præterea in manibus teneat. Imaginemur illud obvios quosque jugulare, carnes eorum lacerare, ac devorare; multo truculentior est avarus, in omnes ut mors insiliens, omnes ut infernus deglutiens, communis generis humani hostis; quippe qui vellet nullum hominem esse, ut omnia possideret. Neque hic sistit gradum; sed cum omnes perdidit cupiditate sua,*
etiam

etiam terræ substantiam cupit abolere, ac ipsam in aurum conversam vellet aspicere. Verum ut videatis nondum nos insaniam illorum oratione affectos, fingamus a nemine ipsum accusari, nullum ipsi terrorem imminere, non a iudiciis, non a consuetudine hominum, non a legibus, & tunc videbis ipsum arrepto ense omnes interimere, nulli parcere, non amico, non cognato, non fratri, non ipsis parentibus. Interrogate avarum, si non hæc secum quotidie versat, si non omnes cogitatione invadat amicos, cognatos, parentes. Ac nec interrogare quidem ipsum opus est. Scitis enim quod Qui hoc morbo premuntur, & vitam parentum senum graviter ferunt, & dulce illud, ac natura suavissimum liberorum donum grave, ac molestum esse censent. Unde factum est, multi sterilitatem uxorum herbis procuraverint, & naturam orbam effecerint, qui etsi filios natos non interfecerunt, attamen, ne omnino nascerentur, effecerunt.

Denique quam exitialis proximo sit avaritia, manifestum est ex latrocinis, rapinis, usuris, contractibus injustis, litibus improbis, monopolis, iniquis exactionibus, quibus pauperes vexantur, opprimuntur, spoliantur. Idemque probat divitum avarorum in pauperes ferreum pectus, quorum miseriis non moventur; quos, dum non pascunt, occidunt. Unde Concilia eos, qui res pauperum inopie sublevandæ destinatas retinent, (eadem autem est ratio eorum, qui elemosynam non erogant extremam necessitatem patientibus) *Necatores pauperum* appellant. Ita Conc. Carth. 4. Can. 95. & Aurelianense 5. Can. 15.

Præclarum *S. Cypriani* locum de avaritia, Epistola 1. ad *Donatum*, temperare mihi non possum, quin referam. Sed & quos divites opinaris (*inquit*) continuantes saltibus saltus, & de confinio pauperibus exclusis infinita, ac sine terminis rura latius porrigentes, quibus argenti, & auri maximum pondus, & pecuniarum ingentium, vel exstructi aggeres, vel desolæ strues; hos etiam inter divitias suas trepidos

Avaritiæ
effigies a *S.*
Cypriano
adumbrata.

cogitationis incertæ sollicitudo discruciat, ne prædo vastet, ne percussor infestet; ne inimica cujunque locupletioris invidia calumniosis litibus inquietet. Non cibus securo, somnive contingit. Suspenditur ille in convivio, bibat licet gemmas, & cum epulis marcidum corpus thoris mollior alto sinu condiderit, vigilat tamen in pluma; nec intelligit miser speciosa sibi esse supplicia auro se alligatum teneri, & possideri magis quam possidere divitias, atque opes. Quod detestabilis cæcitas mentium, & cupiditatis insanæ profunda caligo! Cum exonerare se possit, & levare ponderibus, pergit magis fortunis augmentibus incubare, pergit poenalibus cumulis pertinaciter adherere. Nulla in clientes inde largitio est, cum indigentibus nulla partitio, & pecuniam suam dicunt, quam velut alienam domi clausam sollicito labore custodiunt, ex qua non amicis, non liberis quidquam, non sibi denique impertiunt. Possident ad hoc tantum, ne possidere alteri liceat. Et ob nominum quanta diversitas! Bona appellant, ex quibus nullus illis nisi ad res malas usus est.

ARTICULUS II.

Rationes explicantur, propter quas Christiani ab avaritia deterreri debent.

De avaritia.

Christianos ab avaritia deterrere debet opum vanitas, & fallacia, spiritualium excellentia bonorum, vitæ christianæ conditio, quæ via est ad meliorem, & coelestem, æternamque patriam; Christi verba, divites avaros damnatis, pauperes spiritu commendantis, & Beatos prædicantis, quoniam ipsorum est regnum celorum, discipulis tandem suis jubentis, ut avaritiam omnem fugiant, Luc. 12. Videte, & cavete ab omni avaritia; quia non in abundantia cujusquam vita ejus est, ex his, quæ possidet. Ejusdem Salvatoris exemplum, qui Propter nos egenus factus est, cum dives esset, ut illius inopia divites essemus; Et qui Non habuit ubi reclinaret caput suum. Qui ex paupere ma-

2. Cor. 8.

Matth. 8.

2.

tre

esse in stabulo natus, & in præsepi exceptus, pan-
 peres discipulos elegit, pauperem cum pauperibus
 vitam duxit, nudus in cruce mori voluit. *Tur-*
ge est, & nimis pudendum, dolendum (inquit S.
August. Ser. 177.) si cultores idolorum inventi sunt
 avaritiæ domitores, & cultor Dei unius ab avari-
 tia subjugetur, & fiat avaritiæ mancipium, cujus
 sanguis sit pretium. . . Hujus familiæ facti sumus,
 in hujus familiam adoptati sumus; hujus filii non
 nostris meritis, sed ipsius gratia sumus. Nimis gra-
 ve est, & nimis horribile, ut avaritia nos teneat in
 terris; cum illi dicamus; *Pater noster qui es in caelis*,
 cujus desiderio vilescunt omnia, nec nata nobis sunt,
 inter quæ nati sumus, quia propter illum renati su-
 mus. Sint hæc ad necessitatis usum, non ad chasti-
 tatis affectum; sint tanquam stabulum viatoris, non
 tanquam prædium possessoris. Refice, & transi. Iter
 agis, attende, ad quem venisti, quia magnus est, qui
 ad te venit. Discedendo de hac vita, locum facis
 venienti; stabuli est ista conditio; cedes, ut alius ac-
 cedat. Sed si vis ad locum tutissimum pervenire;
 Deus a te non recedat, cui dicimus; *Deduxisti me*
per semitas justitiæ tuæ, propter nomen tuum; non pro-
pter meritum meum. Aliud est ergo iter mortalita-
 tis, aliud iter pietatis. Iter mortalitatis, commune
 est, illuc enim ambulant omnes nati; illuc nonnisi
 renati. Ad illud pertinet nasci, crescere, senescere,
 mori. Propter hoc necessarius est victus, & tegu-
 mentum, sufficientes sint hujus itineris sumptus. Qua-
 re te gravis, quare tantum portas in via brevi, non
 unde ad hanc viam finiendam juveris, sed unde po-
 tius gravius oneraris? Nimum quippe mirabile est,
 quod tibi vis, ut contingat; oneras te, multum
 portas; premit te in hac via pecunia, & per hanc
 viam premit te avaritia. Avaritia enim cordis est im-
 munditia. Nihil tollis de hoc mundo, quem amasti,
 sed tollis vitium, quod amasti. Si perseveranter amas
 mundum, qui fecit mundum, non te invenit mun-
 dum. Si ergo in usum temporalem moderata pecu-
 nia

Desiderio . .
 Dei omnia
 vilescunt.
 Bona tem-
 poralia sta-
 bulum sunt
 viatoris,
 non præ-
 dium pos-
 sessoris.

Mal. 2.

Avaritia,
 cordis im-
 munditia.

1. Tim. 6. **nia** sit viatici, in eo fine constituto, qui scriptus est: Sine amore (*inquit*) pecuniz, modus sufficiens est presentibus. Vide ante omnia, quid præstruxit: Sine amore (*inquit*) ita manum mitte, ut cor inde solvas. Nam si pecuniz per amorem cor alligare volueris, inferis te doloribus multis; & ubi erit: *Tu autem homo Dei hac fuge?* Non enim ait, relinque, & desere; sed, fuge, quasi hostem. Quærebas fugere cum auro, fuge aurum; cor tuum fugiat, & servus est tuus. Cupiditas non sit, pietas tamen non desit; est, quod facias de auro, si dominus es auri, non servus. Si dominus auri es, facis de illo, quod bonum est; si servus, facit de te, quod malum est. Si dominus auri es, vestitus de te Dominum laudat; si servus auri es, spoliatus de te blasphemat. Servum autem te facit cupiditas, liberum charitas. Inde servus, si non fugeris. *Tu autem, o homo Dei, hac fuge.* In hac causa si non vis esse servus, esto fugitivus. Audisti, quid fugias, habes & quod secteris. Non enim inaniter fugis, aut sic relinquis, ut non apprehendas. Sectare ergo iustitiam, fidem, pietatem, charitatem. Hæc te divitem faciant. Hæc divitiæ intus sint; fur ad eas non accedit, nisi mala voluntas ei dederit locum. Muni arcam interiorem, hoc est, conscientiam. Has divitiæ non tibi latro, non quilibet potentissimus inimicus, non irruens hostis, aut barbarus, non denique naufragium poterit auferre, unde si nudus ex eas, plenus exis. Neque enim vere inanis erat, quamvis forinsecus nihil habere videretur, qui dicebat: *Dominus dedit, Dominus abstulit; sicut Domino placuit, ita factum est: Sis nomen Domini benedictum.* Laudabilis ista plenitudo, ingentes divitiæ; inanis auro, plenus Deo; inanis omni transitoria facultate, plenus sui Domini voluntate. Quid quæritis aurum tantis laboribus, & peregrinationibus? Amate has divitias, & modo implemini; fons earum non latet, si cor patet; aperit cor clavis fidei, & aperit, & mundat, ubi ponas. Noli tibi angustus videri; divitiæ tuæ Deus tuus, quan-

Servum facit cupiditas, liberum charitas.

Vere divitis.

Job 1.

quando intravit, ipse dilatavit. Ergo, sine amore pecunie, modus sufficiens est presentibus; quare presentibus? quia: *Nihil insulsum in hunc mundum, nec auferri aliquid possumus*; ideo presentibus, non futuris. Sed quæ res decipit hominem ad avaritiæ compitum? Quid si diu vivō? Qui dat vitam, dat, unda vita sustentetur. Postremo sint redditus, quare queritur & thesaurus? Reddit aliquid de negotio, reddat aliquid de artificio, reddat aliquid de pretio; sufficiat, non thesaurizetur; ne ubi ponēs thesaurum tuum, ibi remaneat & cor tuum, & ut fursum sit, frustra audias, falsumque respondeas. Quando enim respondes ad illum sacratissimum verbum: Sursum corda, habemus ad Dominum, & voce subscribis, ab ipso corde intus non accensaris? Quamvis pressum, & oppressum cor tuum, non tibi intus dicit, sub terra nō ponis, quare mentiris? Ergone tibi nō dicit, nōne ibi sum, ubi thesaurus tuus? Ergo mentiris. An vero ille mentitur, qui dixit: *Ubi enim fuerit thesaurus tuus, illic erit & cor tuum*? Tu dicis, nō illic erit. Veritas dicit, illic erit. Sed nō illic erit, quia nō amo, factis proba. „ Ad coelorum regnum festinamus; hujus itaque mundi impedimenta relinquere debemus. In cujus rei figuram *Elias* igneo currū in cœlum raptus, palliū *Eliseo* discipulo dimisit, ut *S. Hieron.* observat. „ *Elias* ad „ cœlorum regnum festinans, ire non potest cum „ pallio, sed mundi in mundo vestimenta dimisit „ Christianorum igitur gloria, & divitiæ, evangelica paupertas, juxta illud *S. Ambrosii*: *Mens ergo paupertas Christi patrimonium est.* Et Epist. 63. ad Ecclesiam Vercellensem: „ Ille est dives in Ecclesia, qui fide dives est; fidei enim totus mundus divitiarum est. „ Non census divitem, sed animus facit. „ Non naturæ paupertas, sed opinionis est; ideoque cito invenitur dives naturæ, difficile cupiditati. Quid quasi necessarium queritis cumulum divitiarum? Nihil tam necessarium, quam cognoscere, quid non sit necessarium „ „

Matth. 6.

Non census divitem facit, sed animus.

Nemo potest esse, pauper, qui Deo dives est.

Hinc *Minucius Felix*, in *Octavio*; „„ Cæterum (*inquit*) quod plerique pauperes dicimur, non est infamia nostra, sed gloria. Animus enim ut luxu solvitur, ita frugalitate firmatur. Et tamen, quis potest pauper esse, qui non eget, qui non inhiat alieno, qui Deo dives est? Magis pauper ille est, qui cum multa habeat, plura desiderat. Dicam tandem, quemadmodum sentio; Nemo tam pauper potest esse, quam natus est. Aves sine patrimonio vivunt, & in diem pascua pascuntur; & hæc tamen nobis nata sunt, quæ omnia, si non concupiscimus, possidemus. Igitur, ut qui viam terit, eo felicior, quo levior incedit; ita beator in hoc itinere vivendi, qui paupertate se sublevat, non sub divitiarum onere suspirat. Et tamen facultates, si utiles putaremus, a Deo posceremus. Utique indulgere posset aliquantum, cujus est totum. Sed nos contemnere malumus opes, quam continere. Innocentiam magis cupimus, magis patientiam flagitamus; malumus nos bonos esse, quam prodigos „„ Ita Christianorum omnium nomine loquitur, quorum agit causam apud Ethnicos.

Hinc *S. Cyprianus*, *Epist. I.*, „„ Quem Deus divitem fecerit, nemo pauperem faciet. Penuria esse nulla jam poterit, cui semel pectus cœlestis sagina saturavit. Jam tibi auro distincta laquearia, & pretiosi marmoris crustis vestita domicilia sordescunt, cum scieris te excolendum magis, te potius ornandum, domum tibi hanc esse potiore, quam Dominus insedit templi vice, in qua Spiritus sanctus cœpit habitare. Pingamus hanc domum pigmentis innocentiae, illuminemus luce justitiæ. Non hæc unquam procumbet in lapsum senio vetustatis, nec pigmento parietis, aut auro exolescente fœdabitur. Caduca sunt, quæcunque fucata sunt; nec fiduciam præbent possidentibus stabilem, quæ possessionis non habent firmitatem. Hæc manet cultu jugiter vivido, honore integro, splendore diuturno, aboleri non potest, nec extinguï; potest tantum in melius corpore redeunte formari „„

ARTICULUS III. REGULÆ MORUM.

Circa avaritiam.

REGULA PRIMA.

Avaritia quatenus opponitur iustitiæ, ex genere suo mortale peccatum est, quamvis interdum esse veniale peccatum contingat propter imperfectionem actus, aut materiæ levitatem.

Avaritia scilicet immoderationem quamdam circa divitias importat dupliciter; (inquit *S. Thomas* 2² 2, qu. 118. art. 3.) „ „ Uno modo, immediate circa ipsam acceptionem, & conservationem divitiarum, in quantum aliquis acquirit pecuniam ultra debitum, aliena surripiendo, vel retinendo; & sic opponitur iustitiæ „ „ Et hoc modo accipitur avaritia *Ezech. 22.* ubi dicitur; *Principes ejus in medio ejus quasi lupi rapientes prædam, ad effundendum sanguinem, & avare lucra sectanda.* Alio modo importat immoderationem „ „ circa interiores affectiones divitiarum; puta, cum quis nimis amat divitias, aut nimis delectatur in eis, etiam si nolit rapere aliena. Et hoc modo avaritia opponitur libertati, quæ moderatur hujusmodi affectiones „ „ Et sic accipitur avaritia 2. ad Cor. 9. *Neceſſarium exiſtimavi rogare fratres, ut perveniant ad vos, & præparent repromiſſam benediſſionem hanc paratam eſſe, ſic quaſi benediſſionem, non tanquam avaritiam.* Avaritia igitur quatenus opponitur iustitiæ: „ „ Ex genere suo est peccatum mortale. Sic enim ad avaritiam pertinet, quod aliquis injuste accipiat, vel retineat res alienas, pertinet ad rapinam, vel furtum, quæ sunt peccata mortalia „ „ (inquit *S. Thomas* art. 4.) Hominibus hac avaritiæ labe infectis convenit illud *Sap. cap. 15.* *Æſtimaverunt luſum eſſe vitam noſtram, & converſationem vite compoſitam ad lucrum, & oportere undecunque, etiam ex malo, acquirere.*

L 5

Hanc

Sæpe Ser.
maledictio-
nes adver-
sus avaros.

Hanc Regulam firmant maledictiones adversus avaros in sacris Literis exarata. *Isaia 5. Va, qui conjungitis domum ad domum, & agrum agro copulatis usque ad terminum loci; nunquid habitabitis vos soli in medio terra? Et cap. 32. Va, qui prædatis, nonne & ipse prædaberis? Habac. 2. Va ei, qui multiplicat opus sua! Usquequo & aggravat contra se densum lutum?* Avaro quippe contra se densum lutum aggravare, est terrena lucra cum pondere peccati cupulare. (inquit S. Greg. 3. p. Pastoralis, Admonitione 21.) Syriacus vertit, *Nubem luti*, quia nimirum opes solidarum affectionum, & scelerum nubes exhalant, quibus involuta mens, & oppressa, in summa coelestium rerum caligine, & ignorance versatur. Idem Propheta, ibidem; *Va* (inquit) *qui congregas avartitiam malam domui sue, ut sis in excelsu nidus ejus, & liberari se putas de manu mali. Cogitasti confusio- nem domui tue, concidisti populos multos, & peccavisti anima tua. Quia lapis de pariete clamabit, & lignum, quod inter juncituras est adificiorum, respondebit. Va, qui adificat civitatem in sanguinibus, & præparat urbem in iniquitate! Amos 6. Va, qui opulenti estis in Sion! . . . Qui dormitis in lectis churmeis, & lascivitis in stratis vestris; qui comeditis agnum de grege, & vitulos de medio armenti. Qui canitis ad vocem psalterii. . . Bibentes vinum in pibialis, & optimo unguento delibuti; & nihil patiebantur super contritione Joseph. Luc. 6. Va vobis divitibus (inquit Christus) quia habetis consolationem vestram. Jacobi 5. Agite nunc divites, plorate ululantes in miseriis vestris; quia adveniens vobis, Divitia vestra putrefacta sunt; & vestimenta vestra a tineis comesta sunt. Aurum, & argentum vestrum aruginavit; & arugo eorum in testimonium vobis erit, & manducabit carnes vestras sicut ignis. Thesaurizastis vobis iram in novissimis diebus. Ecce merces operatorum, qui messuerunt regiones vestras, qua fraudata est a vobis, clamat; & clamor eorum in aures Domini Sabaoth introivit. Hinc Prov. 28. scriptum est: *Qui festinat ditari, non erit innocens.**

Ut enim ait *S. Greg.* loco supra laudato: „ Qui augere opes ambit, vitare peccatum negligit; & more avium captus, cum escam terrenarum rerum avidè conspicit, quo stranguletur peccati laqueo non agnoscit. Cum quælibet præsentis mundi lucra desiderant, & ea, quæ de futuro damna patientur, ignorant, audiant, quod scriptum est: *Hæreditas ad quam se- Prov. 11. 21*
signatur in principio, in novissimo benedictione carebit. Ex hac quippe viâ initium ducimus, ut ad benedictionis sortem in novissimo veniamus. Qui itaque in principio hereditari festinant, sortem sibi in novissimo benedictionis amputant; quia dum per avaritiæ nequitiam hic multiplicari appetunt, illic ab æterno patrimonio exheredes fiunt. Cumque plurima ambiunt, vel obtinere cuncta, quæ ambierint, possunt, audiant, quod scriptum est; *Quid prodest Matth. 6. 25*
homini, si totum mundum lucretur, anima vero sua detrimentum faciat? Ac si aperte veritas dicat: Quid prodest homini, si totum, quod extra se est, congregat, si hoc ipsum solum, quod ipse est, dam-
 nat „ „

REGULA II.

Avaritia, quatenus opponitur liberalitati, veniale peccatum est, nisi charitati adversetur; tunc enim est lethale peccatum.

Avaritia enim sic accepta, est inordinatus amor divitiarum. „ Si ergo in tantum amor divitiarum crescat, quod præferatur charitati, ut scilicet propter amorem divitiarum aliquis non vereatur facere contra amorem Dei, & proximi; sic avaritia est peccatum mortale. Si autem inordinatio amoris intra hoc sistat, ut homo, quamvis superflue divitiarum amet, non tamen præferat earum amorem amorì divino; ut si propter divitias non velit aliquid facere contra Deum, & proximum; sic avaritia est peccatum veniale „ „; (*inquit S. Thom. 2. 2. qu. 112. art. 4.*) Quod ex *S. August.* confirmatur lib. *De Fide.*

176 Theol. Dog. & Moral. Lib. III.

✠ *Operibus*, cap. 16. explicante locum Apostoli 1. ad Cor. 3. *Si quis autem superedificat super fundamentum hoc &c.* ubi præmisit fundamentum esse Christum, & fidem Christi, quæ per dilectionem operatur, ait: „ Porro si circa divitias suas carnali quodam teneretur affectu, quamvis ex eis multas eleemosynas faceret, nec ad eas augendas fraudis aliquid, rapinæque moliretur, aut earum minuendarum, vel amittendarum metu in aliquod facinus, flagitiumve laberetur; (alioquin jam se isto modo ab illius fundamenti stabilitate subtraheret;) sed propter carnalem, ut dixi, quem in eis haberet, affectum, quod talibus bonis sine dolore carere non posset, ædificaret super fundamentum illud ligna, fenum, stipulam; maxime si & uxorem sic haberet, ut etiam propter ipsam cogitaret ea, quæ sunt mundi, quomodo placeret uxori. Hæc igitur quoniam affectu dilecta carnali, non sine dolore amittuntur, propterea quia ea sic habent, ut habeant in fundamento fidem, quæ per dilectionem operatur, neque huic ista ulla ratione, vel cupiditate præponant, in eorum amissione passi detrimentum per ignem quemdam doloris perveniunt ad salutem. A quo dolore, atque detrimento tanto est quisque securior, quanto ea vel minus amaverit, vel tanquam non habens habuerit. Qui vero propter illa vel tenenda, vel adipiscenda, homicidium, adulterium, fornicationem, idololatriam, & similia quæque commiserit, non propter fundamentum per ignem salvabitur, sed amisso fundamento æterno igne torquebitur „ „ Si quis igitur ex cupiditate lucri aliquod Dei, vel Ecclesiæ mandatum violare malit, quam non adipisci divitias, aut amittere; verbi gratia, si Missam non audire diebus festis, vel ab opere servili cessare, lethale peccatum avaritiæ committit.

REGULA III.

Avaritiæ peccatum lethale est, si ex alio peccato mortali ducat originem, verbi gratia, si quis totus sit in congregandis divitiis ex errore circa divinam providentiam, aut ex diffidentia benignitatis Dei; vel si in divitiis felicitatem, aut spem collocet.

Hinc avaritia non semel ab Apostolo vocatur *Idolorum servitus* (ad Ephes. 5. & ad Coloss. 3.)

Quemadmodum enim idololatra creaturæ exteriori se subijcit ad cultum illi exhibendum; sic avarus ad ea fruendum; & sicut ille in idolo, ita avarus in materia idoli, auro, & argento, quæ *Principes materiae* a Tertulliano vocantur, fiduciam collocat, & propter ea velut finem operatur. De hoc hominum genere dicitur Psalm. 48. *Qui confidunt in virtute sua, & in multitudine divitiarum suarum gloriantur.* Hinc

Psalm. 61. scriptum est: *Divitiæ si affluant, nolite cor apponere.* Et Prov. 11. *Qui confidit in divitiis suis, corruet.* Nolite cor apponere, id est, *Ne in divitiis confidatis, non presumatis, non speretis* (inquit S. Augustinus hunc Psalmum exponens.)

Ne dicatur, Ecce homo, qui non posuit Deum adiutorem suum, sed speravit in multitudine divitiarum suarum, & prevaluit in vanitate sua. Non divitiæ, sed spes in divitiis, & divitiarum cupiditas damnatur. Unde non solum divites, sed & pauperes spectat illud oraculum. *Nam quid tibi prodest, si eges facultate, & ardes cupiditate?* Unde cum Dominus dixisset: *Facilius est camelum transire per foramen acus,*

quam divitem intrare in regnum caelorum: Apostoli apud se dicentes: *Quis poteris salvari? quid attenderunt?*

„ Non facultates, sed cupiditates. Viderunt enim „ etiam ipsos pauperes, etsi non habentes pecuniam, „ tamen habere avaritiam „. Et ut noveris non pecuniam in divite, sed avaritiam damnari, respice pauper divitem stantem juxta te; forte in illo est pecunia, & non est avaritia; in te non est pecunia, & est avaritia. Pauper ulcerosus, ærumnolus, linctus a canibus, non habens opem, non habens escam;

non

Psalm. 51.

Matth. 19.

24.

Nec divitia in divite, sed avaritia damnatur; nec paupertas in paupere, sed pietas laudatur.

non habens forte ipsam vestem, ablatus est ab Angelis in sinum Abraham. Eja tu pauper, gandes modo, nunquid tibi ulcera optanda sunt? Nonne patrimonium tuum sanitas est? „ Non est in hoc Lazaro meritum paupertatis, sed pietatis. Nam vides, qui sublatus est, non vides, quo sublatus est. Quis est sublatus ab Angelis? Pauper, ærumniosus, ulcerosus. Quo sublatus est? In sinum Abraham. Legē Scripturas, & invenies divitem Abraham. Ut novēris, quia non divitiæ culpantur; habebat Abraham multum auri, argenti, pecorum, familie, dives erat, & in ejus sinum Lazarus pauper sublatus est. In sinum divitis pauper; an potius ambo Deo divites, ambo a cupiditate pauperes „? Non igitur, qui habuit divitias, sed qui in ipsis speravit, & non in Deo, damnatur, punitur, movetur de tabernaculo, sicut pulvis, quem projicit ventus a facie terre. Dixit nimirum in corde suo: *Beatus populus, cui hæc sunt*; id est, ista terrena; cum sit *Beatus populus, cujus est Dominus Deus ejus*. Ita & Augusti Enarratione in Psal. 11.

Idem confirmatur ex Apostolo 1. ad Timoth. 6. scribente: *Divitibus hujus sæculi præcipe non sublimis sapere, neque sperare in incerto divitiarum, sed in Deo vivo (qui præstat nobis omnia abunde ad fruendum) bene agere, divites fieri in bonis operibus, facile tribuere, communicare, thesaurizare sibi fundamentum bonum in futurum, ac apprehendant veram vitam*. Quem locum S. Augusti egregia paraphrasi illustrat Serm. 177. alias 16. inter editos ex majori Carthusiæ Miss. „ Præcipe (inquit) divitibus hujus mundi: *Quia sunt & divites Dei, & veri divites non sunt nisi divites Dei. Non superbe sapere. Habentur divitiæ, multumque amantur. Nidus colligitur superbiæ, ubi nutriatur, & crescat; quod pejus est, non volet, sed maneat. Ergo ante omnia: Non superbe sapere. Ut intelligat, sapiat, cogitet se mortalem, & mortales pauperes pares. Neque sperare in incerto divitiarum. Amas aurum? fac, si potes, certum, ut non*

Veri divites, sunt divites Dei. Divitiæ nihil superbia.

non timeas amittere. Congregasti facultatem? da tibi, si potes, securitatem; tolle inde spem, ubi fixisti. *Sed in Deo vivo.* Ibi fige spem, ibi anchoram cordis tui, ut tempestas seculi non inde te abrumpat. *In Deo vivo, qui praestat nobis omnia abunde ad fruendum.* Si omnia, quanto magis se? Et vere ad fruendum ipse erit nobis omnia. Nam non mihi videtur dictum: *Qui dedit nobis omnia abundanter ad fruendum*, nisi seipsum. Videtur enim aliud esse uti, aliud frui. Utimur enim pro necessitate, fruimur pro jucunditate. Ergo ista temporalia dedit ad utendum, se ad fruendum. Si ergo se, quare dictum est, *omnia*, nisi quia scriptum est: *Ut sit Deus omnia in omnibus?* Ergo ibi cor ad fruendum, ut sit sursum cor. Solve te hinc, sed alliga ibi: periculosum est tibi in his temptationibus sine vinculo remanere. . . Quid tam omnia, quam qui fecit omnia? Habet intus, quod operatur foris. Ibi ergo sunt omnia praecipua, immortalia, indeficientia, permanentia, & ipse Deus omnia in omnibus, sed Sanctis suis. Ipse ergo solus sufficit, de quo dictum est: *Ostende nobis Patrem, & sufficit.* Si avari sumus, ipsum amemus. Si opes desideramus, solus nos satiare poterit, de quo dictum est: *Qui implet in bonis desiderium tuum.* Hoc tantum, tam magnum bonum peccatori non sufficit! Volendo habere omnia, plus perdidit omnia; quia, radix est omnium malorum avaritia. *Divites sint in operibus bonis.* Ad hoc dives esto, ut facile tribuas. Pauper enim vult tribuere, & non potest; apud illum difficultas, apud te facilitas. Hoc tibi profit, quod dives es; quia cum volueris facere, statim facis. *Facile tribuant, communicent.* Nunquid perdunt? *Thesaurizans sibi fundamentum bonum in futurum.* Ecce ipsum aurum, & argentum & praedia, & ea, quae pulchra videntur in facultatibus hominum, etiam ibi desideremus, cum dicitur nobis, illuc migrate, thesaurum vestrum ibi ponite; admonuit nos contra carnales cogitationes, & subjecit: *Ut apprehendamus veram vitam.* Non aurum, quod in terra re-

1. Cor. 13.

Joan. 14.

Psal. 104.

Bonus usus divitiarum.

man-

Sacrum
commer-
cium divi-
tibus Deus
præcipit,
mutatio-
nem cum
illis facit.

manſit, non facultates putredinis, non bona tranſeuntia, ſed *veram vitam*. Quodammodo ergo migramus, quando hoc illuc tranſit, neque hoc ibi habebimus, quod hinc transferimus. Quodam modo Dominus Deus noſter mercatores nos vult eſſe, mutationem nobiſcum facit; quod hic abundat, damus; quod ibi abundat, accipimus; quemadmodum plerique trajectitias merces faciunt, aliud dant alibi, & quo veniunt aliud accipiunt. Talis eſt iſta mutatio, qualis noſtra mercatio. Quid damus, & quid accipimus? Hoc damus, quod nobiſcum auferre non poſſumus, eſſi vellemus. Quare ergo perit? Id, quod minus eſt, detur, ut, quod eſt majus, ibi inveniatur. Damus terram, & accipimus cœlum; damus temporalia, & accipimus æterna; damus putreſcentia, & accipimus immortalia; damus, quod dedit Deus, & accipimus ipſum Deum. Non ergo ſumus pigri in iſta mutatione rerum, in iſta mercatura optima, & ineffabili. Proſit quia hic ſumus, proſit, quia nati ſumus, proſit, quia peregrinamur. Non inopes remaneamus. Non intret arcam cordis tineæ malæ cogitationis; non dicatur, non dabo, ne cras non habeam. Noli multum cogitare de futuris; imo multum cogita de futuris, ſed de longe futuris. *Theſaurizent ſibi fundamentum bonum in futurum, ut apprehendant veram vitam*: Habe; tantum noli amare, ſervare, theſaurizare, incubare reconditis, hoc eſt, de incertis ſperare „ „.

Et Serm. 85. alias *De Tempore 205.* „ „ Avaritia eſt velle eſſe divitem, non jam eſſe divitem. Mergi non times in interitum, & perditionem? Non times radicem omnium malorum avaritiam? De agro tuo exſtirpas radicem ſpinarum, & non exſtirpas de corde tuo radicem malarum cupiditatum? Purgas agrum tuum, unde fructum capiat venter tuus, & non purgas cor tuum, ubi habitat Deus „ „?

Hanc denique Regulam confirmat *S. Thom.* qu. 13. *De peccatis*, inter Quæſt. diſputatas, art. 2. „ „ Si loquamur (*inquis*) de amore, & deſiderio ſtriſte ſic

ſic avaritia ſemper eſt peccatum mortale. Cum enim amor, & deſiderium ſit boni; bonum autem proprie, & principaliter ſit finis; id autem, quod ad finem ordinatur, non habeat per ſe rationem boni, niſi propter ordinem finis; inde eſt, quod amor, & deſiderium proprie, & principaliter eſt finis, ſecundario autem eorum, quæ ſunt ad finem. Si ergo avaritia dicatur amor, & deſiderium temporalium bonorum, ita quod in eis finis conſtituatur, avaritia ſemper erit peccatum mortale. Converti enim ad bonum creatum ſicut ad finem, facit averſionem ab incommutabili bono, quod debet eſſe ultimus finis; eo quod non poſſunt eſſe plures ultimi fines.

R E G U L A I V.

Lethalis avaritiæ rei ſunt, quicumque plura concupiſcant, quam hujus vitæ neceſſitas, ſtatufque ſui decentia, & decorum exigant, & neceſſaria habentes, novas opes congregare non ceſſant.

Hanc Regulam tradit Apoſtolus 1. ad Tim. 6. *Eſt autem (inquit) quaſtus magnus pietas cum ſufficiencia. Nihil enim intulimus in hunc mundum; hand dubium, quod nec auferre quid poſſumus. Habentes autem alimenta, & quibus tegamur, his contenti ſumus; nam qui volunt divites fieri, incidunt in tentationem, & in laqueum diaboli, & deſideria multa inutilia, & nociva, quæ mergunt homines in interitum, & perditionem. Radix enim omnium malorum eſt cupiditas; quam quidam appetentes erraverunt a fide, & inſcrutarant ſe doloribus multis. Illis autem verbis: His contenti ſumus, enuntiari præceptum ad omnes perti-nens, utpote ex ipſa naturæ lege proſectum, minime dubium eſt. Nam ſuperflua quaerere, & deſiderare, contra naturam eſt. Porro, ut ait Tertullianus libro de Corona militis, „ Omne, quod contra naturam eſt, monſtri meretur notam penes omnes; „ penes nos vero etiam elogium ſacrilegli in Deum „ naturæ auctorem „. Non ait Apoſtolus, qui divi-*

tes sunt; sed *Qui volunt divites fieri*. Inter divitem esse, & velle esse, justa discretio negari non potest. *Ibi facultas est, hic cupiditas*; (inquit *S. Augustinus*, Sermone 177.)

Cum Propheta convenit Apostolus; *Baruch* enim cap. 3. scriptum est: *Ubi sunt Principes gentium? qui argentum thesaurizant, & aurum, in quo confidunt homines, & non est finis acquisitionis eorum? Qui argentum fabricant, & solliciti sunt, nec est inventio operum illorum? Exterminati sunt, & ad inferos descendunt, & alii loco eorum surrexerunt.* Et *Isai. 5. V. a.* *qui conjungitis domum ad domum, & agrum agro copulatis usque ad terminum loci? Nunquid habitabitis vos soli in medio terra? Deficiente scilicet terra, non satiatur avaritia.* „ „ Quæ rabies (inquit *S. Hieronymus*) cum testa, & agri ad depellendos imbres, & ad ferendas fruges haberi debeant, ea habere cupere, in quibus cunctis habitare non possis, & quæ colere non sufficias; alteriusque necessitatem tuam facere voluptatem „ „?

Id denique confirmat parabola, quam proposuit Christus, Lucæ 12. *Hominis cujusdam divitis uberes fructus ager attulit; & cogitabat intra se dicens: Quid faciam, quia non habeo, quo congregem fructus meos? Et dixit: Hoc faciam, destruam horrea mea, & majora faciam; & illuc congregabo omnia, quæ nata sunt mihi, & bona mea, & dicam animæ meæ: Anima, habes multa bona posita in annos plurimos; requiesce, comede, bibe, epulare.* Dixit autem illi Deus: *Stulte, hac nocte animam tuam repetunt a te; quæ autem parasti, cujus erunt? Sic est, qui sibi thesaurizat, & non est in Deum dives.* Nunquid vero dives ille aliena quærebat? Fructus suos colligere disponebat, ubi poneret, consulebat: „ „ Non de cujusquam vicini agris, non limite perturbato, non spoliato paupere, non circumvento simplice, sed tantummodo de suis colligendis cogitabat. . . Ait illi Deus: *Stulte, ubi tibi sapiens videris, ibi stulte.* *Stulte* (inquit) *hac nocte repetunt a te animam tuam, hæc, quæ preparasti, cujus erunt? Si* ser-

servaveris, tua erunt. Quid (*inquit*) reponis, quod reliquus es? Ecce increpatus est stultus male recondens. Si stultus est, qui recondit sua, vos invenite nomen ei, qui tollit aliena. . . Fortassis aliquis respondeat, & dicat, non valde magna poena erat illi homini, cui dixit Deus, stulte. Non sic dicit Deus, stulte, quomodo homo dicit. Tale in quemquam Dei verbum, iudicium est. Nunquid enim Deus stultis daturus est regnum coelorum? Quibus autem non est daturus regnum coelorum, quid eis restat, nisi poena gehennarum „ „? Verba sunt *S. Augustini* Serm. 178. alias 19. *De Verbis Apostoli*, cap. 2. Hinc *S. Cyprianus* lib. *de Lapsis*, inter gravia peccata, quibus iratus Deus Ecclesiae persecutionem permisit, nimium augendi patrimonii studium recenset. „ „ Studebant (*inquit*) augendo patrimonio singuli; & obliti, quid credentes, aut sub Apostolis ante fecissent, aut semper facere deberent, insatiabilis cupiditatis ardore ampliandis facultatibus incubabant „ „.

REGULA V.

Non solum lethalis avaritiae reus est, qui rapit aliena, sed & ille, qui cupide servat sua, si tanta sit cupiditas, ut illa non sit paratus amittere, ne Deum lethaliter offendat.

Hanc regulam tradit *S. August.* Serm. 107. alias *de Avarus est, qui cupide servat sua.* *Tempore* 196. & *de Diversis* 28. eamque colligit ex Christi verbis, Luc. 12. *Videte, & cavete ab omni avaritia; quia non in abundantia cuiusquam vita ejus est ex his, quae possidet.* Praeceptum illud a Christo datum observat occasione hominis, qui ipsum interpellavit contra fratrem suum, qui totum patrimonium abtulerat, & fratri suo partem non reddebat. Causa justa erat, breviter, & clare exposita iustissimo iudici, & aequitatem causae, antequam illi exponeretur, cognoscenti. *Magister, dic fratri meo, ut dividat mecum hereditatem.* Respondit Dominus: *Homo, quis me constituit iudicem, aut divisorem super*

vos? Dixitque ad illos: *Videte, & cavete ab omni avaritia. Forte (inquit) „ Tu avarum, & cupidum diceres, si quæreres aliena; ego autem dico: Cupide, & avarum non appetas nec tua. Hoc est Ab omni. Cavete (inquit) ab omni avaritia. Meum servo, non alienum tollo. Cavete ab omni avaritia. Non solum avarus est, qui rapit aliena; sed & ille avarus est, qui cupide servat sua... Multa, qui recondit, quantum inde tollit, ut vivat? Cum tulerit inde, & quodammodo cogitatione separaverit, quod sufficiat, unde vivat, videat cætera, cui remaneant; ne forte cum servas, unde vivas, colligas, unde moriaris. Ecce Christus, ecce veritas, ecce severitas, Cavete, dicit Veritas. Cavete, dicit severitas. Si non amas veritatem, time severitatem: Non in abundantia hominis vita ejus est ex his, quæ habet. Crede illi, non te fallit. Contra tu dicis, imo in abundantia hominis est vita ejus ex his, quæ habet. Ille te non fallit; tu te fallis... Ecce amas tua, non tollis aliena; de labore habes, de justitia habes; hæres relictus es, donavit tibi, quem promeruisti; navigasti, periclitatus es, fraudem non fecisti, mendacium non jurasti, quod Deus voluit, acquisisti; & servas cupide tantquam in bona conscientia, quia non habes de malo, & non quæris aliena. Si non audieris illum, qui dixit: Cavete ab omni avaritia, audi, quanta mala facturum es propter tua. Ecce contingit, v. gr. ut fieres iudex. Non corrumperis, quia non quæris aliena. Nemo tibi dat præmium, & dicit, judica contra adversarium meum. Absit, homo, qui non quæris aliena, quando tibi hoc persuaderi potest? Vide, quid mali facturum sis propter tua. Ille, qui vult, ut male judices, & pro ipso feras sententiam contra adversarium ipsius, forte potens homo est, & potest tibi calumniam facere, ut perdas tua. Attendis potentiam ipsius, cogitas illam, cogitas tua, quæ servas, quæ amas; non quæ possedisti, sed quibus male inhæcisti. Attendis viscum tuum, propter quod liberam virtutis non habes pennas; & dicis apud te ipsum, offendo*

do hominem istum, multum potest ad tempus; fugeret de me mala, & proscribor, & perdo, quod habeo. Judicaturus es male, non cum quæris aliena, sed cum servas tua. Da mihi hominem, qui audivit Christum, da mihi hominem, qui cum timore audivit; *Cavete ab omni cupiditate*; & non mihi dicat, ego homo pauper sum, plebejus, mediocris, gregalis, quando spero me judicem futurum? Non timeo istam tentationem, cujus periculum ante oculos posuisti. Ecce dico & pauperi, quid timere debeat. Vocat te dives, & potens, ut pro illo dicas falsum testimonium. Quod facturus es modo? Dic mihi, Habes bonum peculium, laborasti, acquisisti, servasti. Exigit ille, dic pro me falsum testimonium, & tantum dabo tibi. Tu, qui non quæris aliena, abisti a me, inquis; non quæro, quod mihi noluit Deus dare, non accipio, recede a me. Non vis accipere, quod do? Quod habes, tollo. Ecce modo te proba, modo te interroga. Quid me attendis? Intus te attende, intus te vide, intus te examina; sede ad te, & constitue ante te, & in equuleum præcepti Dei extende te, & timore torque te, & noli te palpare; responde tibi. Ecce si hoc quilquam minetur, quid facies? Tollo tibi, quod cum tanto labore acquisisti, nisi pro me falsum testimonium dixeris. Da illum; *Cavete ab omni avaritia*. O serve meus, dicet tibi, quem redemi, & liberum feci, quem de servo fratrem adoptavi, quem in corpore meo membrum posui, audi me; tollat, quod acquisisti, me tibi non tollet. Ne pereas, servas tua. Nonne tibi dixi; *Cavete ab omni cupiditate*? Ecce turbaris, ecce fluctuas; cor tuum quasi navis tempestatibus quatitur, Dormit Christus; excita dormientem, & non timebis tempestatem sævientem. Ipsum excita, qui nihil habere voluit, & totum habes, qui usque ad Crucem pro te pervenit, cujus nudi, atque pendentis ossa ab insultantibus numerata sunt; & cave ab omni avaritia x x.

REGULA VI.

Gravis impatientia in rei familiaris amissione animam
prodit lethalis avaritiæ reum.

Nihil no-
strum, quo-
niam Dei
omnia.

Qui damni
impatientia
concitatur,
terrena coe-
lestibus an-
teponit.

Non piget
donare, qui
non timet
perdere.

Hæc Regula colligitur ex *Tertulliano*, lib. de *Pa-
sientia*, cap. 7. „ Si detrimento (*inquit*) rei
familiaris animus concitatur, omni pene in loco de
contemnendo seculo Scripturis dominicis commone-
tur; nec major ad pecuniæ contemptum exhortatio
subjacet, quam quod ipse Dominus in nullis divi-
tiis invenitur, semper pauperes justificat, divites præ-
damnat. Ita detrimentum patientiæ fastidium opu-
lentiæ præministravit, demonstrans per abjectionem
divitiarum læsuras quoque earum computandas non
esse. Quod ego nobis appetere minime opus est,
quia nec Dominus appetivit, detruncatum, vel etiam
ademptum non ægre sustinere debemus. Cupidita-
tem omnium malorum radicem Spiritus Domini per
Apostolum pronuntiavit. Eam non in concupiscen-
tia alieni tantum constitutam interpretemur, nam &
quod nostrum videtur, alienum est. Nihil enim no-
strum, quoniam Dei omnia, cujus ipsi quoque nos.
Itaque si damno affecti, impatienter se interimus,
de non nostro amissum dolentes, ad fines cupidita-
tis deprehendemur. Alienum quærimus, cum alienum
amissum ægre sustinemus. Qui damni impatientia
concitatur, terrena coelestibus anteposendo, de pro-
ximo in Deum peccat. Spiritum enim, quem a Do-
mino sumpsit, secularis rei gratia concutit. Liben-
ter igitur terrena amittamus, coelestia tueamur. To-
tum licet seculum pereat, dum patientiam lucrifa-
ciam. Jam qui minutum sibi aliquid aut furto, aut
vi, aut etiam ignavia, non constanter sustinere con-
stituit, nescio, an facile, vel ex animo ipse rei suæ
manum inferre posset in causa eleemosyna. Quis
enim ab alio secari omnino non sustinens, ipse fer-
rum corpori suo ducit? Patientia in detrimentis ex-
ercitatio est largiendi, & communicandi. Non pi-
get donare, qui non timet perdere... Gentilium est om-

omnibus detrimentis impatientiam adhibere, qui rem pecuniariam fortasse animæ anteponant, Nos vero secundum diversitatem, qua cum illis sumus, non animam pro pecunia, sed pecuniam pro anima deponere convenit, seu sponte in largiendo, seu patienter in amittendo ipsam animam, ipsumque corpus in seculo isto expositum omnibus ad injuriam gerimus, ejusque injuriæ patientiam subimus, minorum deliberatione lædemur? Absit a servo Christi tale inquinamentum, ut patientia majoribus tentationibus præparata in frivolis excidat „ „.

Hinc *S. Cyprianus*, amittendarum opum timorem inter impedimenta Martyrii, causa defectionis plurimorum a christianæ Fidei confessione commemorat, lib. de Lapsis. „ „ Dissimulanda (*inquit*) veritas non est, neque vulneris nostri materia, & causa reticenda. Decepit multos patrimonii sui amor cæcus; nec ad recedendum parati, aut expediti esse potuerunt, quos facultates suæ velut compedes ligaverunt, Illæ fuerunt remanentibus vincula, illæ catenæ, quibus & virtus retardata est, & fides pressa, & mens vincta, & anima præclusa; ut serpenti terram secundum Dei sententiam devoranti prædæ, & cibus fierent, qui terrestribus cupiditatibus inhærerent. Et idcirco Dominus honorum magister, & præponens, & consulens in futurum: *Si vis* (*inquit*) *perfectus esse, vade, vende omnia tua, & da pauperibus & habebis thesaurum in cælis, & veni, sequere me.* Si hoc divites facerent, per divitias suas non perirent; thesaurum in cælo reponentes, hostem nunc expugnatorem domesticum non haberent, esset in cælo cor, & animus, & sensus, si thesaurus esset in cælo, Nec vinciri a seculo posset, qui, unde vinceretur, in seculo non haberet; sequeretur Dominum solutus, & liber, ut Apostoli, & sub Apostolis multi; & nonnulli sæpe fecerunt, qui & rebus suis, & parentibus derelictis, Christo individuis nexibus adhæserunt. Sequi autem Christum quomodo possunt, qui patrimonii vinculo detinentur? Aut quomodo cælum petunt, & ad sublimia,

Timer
amittenda-
rum opum
martyrii
impedi-
mentum
est.

Matth. 19.
21.

Sequi i Ch-
ristum non
possunt, qui
patrimonii

vínculo detinentur.

& alta conscendunt, qui terrenis cupiditatibus deg-
gravantur? Possidere se credunt, qui potius possiden-
tur; census sui servi, nec ad pecuniam suam Domini,
sed magis pecuniæ mancipati n. p.

REGULA VII.

Quamvis recta ratio, & christiana charitas postulent,
ut Patresfamilias, qui liberos habent, facultates
illis comparent vitæ, ac statui convenientes; ava-
ritiæ tamen lethalis rei sunt, si nullum congo-
rendis filiorum gratia opibus modum statuunt;
eaque ratione ab erogandis eleemosynis se excu-
sent urgente præcepto.

Divites ab
eleemofy-
nis pro sua-
rum facul-
tatum, &
necessitatis
pauperum
ratione ero-
gandis, filio-
rum nume-
rus non ex-
cusat.

Hanc regulam tradunt SS. Patres; & quibus duos
impræsentiarum proferam, *Cyprianum* scilicet,
ac *Augustinum*. Audiatur *S. Cyprianus*, Tract. de Opere,
& eleemosynis, ubi hæc habet: „ Sed nec illa res,
Fratres charissimi, a bonis operibus & justis refrænet,
& revocet Christianum, quod excusari se posse ali-
quis existimet beneficio filiorum; quando in impen-
sis spiritualibus Christum cogitare, qui accipere se
professus est, debeamus; nec conservos liberis no-
stris, sed Dominum præferamus, ipso instructe, &
monente; *Qui diligit* (inquit) *patrem, aut matrem*
super me, non est me dignus; & qui diligit filium, aut
filiam super me, non est me dignus. Item in Deu-
teronomio ad corroboracionem fidei, & dilectio-
nem Dei paria scripta sunt; *Qui dicunt patri, aut ma-*
tri; Non novi te, & filios suos non agnoverunt, hi cu-
stodierunt præcepta tua, & testamentum tuum servave-
runt. Nam si Deum toto corde diligimus, nec paren-
tēs, nec filios Deo præferre debemus. Quod & Joannes in Epistola sua ponit, eharitatem Dei apud eos
non esse, quos videamus operari in pauperem nolle:
1. Jo. 3. 17. *Qui habuerit* (inquit) *substantiam mundi, & viderit*
fratrem suum desiderantem, & clauscrit viscera sua,
quemodo charitas Dei manet in illo? Si enim Deus
eleemosynis pauperum foeneratur, & cum datur mi-
ni-

nimis Christo datur; non est, quod quis terrenā conlectibus præferat, nec divinis humana præponat. Sic vidua illa in tertio Regum libro, cum in siccitate, & fame consumptis omnibus de modico farre, & oleo, quod superfuerat, fecisset subcinericium panem, quo assumpto moritura cum liberis esset, supervenit Helias, & petiit sibi prius ad edendum dari; tunc quod superfuisset, inde illam cum filiis suis vesci, nec obtemperare illa dubitavit, aut Heliaz filios mater in fame, & egestate præposuit. Fit imo in conspectu Dei, quod Deo placeat, prompte, ac libenter, quod petebatur, offertur; nec de abundantia portio, sed de modico totum datur, & esurientibus liberis alter prius pascitur, neque in penuria, & famē cibis, antequam misericordia cogitatur; ut dum in opere salutari carnaliter contemnitur, spiritualiter anima servetur. Helias itaque typum Christi gerens, & quod ille pro misericordia vicem singulis reddat, ostendens, respondit, & dixit; *Hæc dicit Dominus: Reg. 17. Fidelia farris non deficiet, & capsaces olei non minuetur usque in diem, quo dabit Dominus imbrem super terram.* Secundum divinæ pollicitationis fidem multiplicata sunt viduæ, & cumulata, quæ præstitit, & operibus justis, ac misericordiæ meritis augmenta, & incrementa sumentibus, farris, & olei vasa completa sunt. Nec filiis abstulit mater, quod Heliaz dedit; sed magis contulit filiis, quod benigne, & pie fecit. Et illa nondum Christum sciebat, nondum præcepta ejus audierat; non Cruce, & Passione ejus redempta, cibum, & potum pro Sanguine rependebat; ut ex hoc appareat, quantum in Ecclesia peccet, qui se, & filios Christo anteponens, divitias suas servat, neque patrimonium copiosum cum indigentium paupertate communicat. Sed enim multi sunt in domo liberi, & retardat te numerositas filiorum, quo minus largiter bonis operibus insistas; atqui in hoc ipso operari amplius debes, quo multorum pignorum pater es, Plures sunt pro quibus Dominum deprecaberis; multorum delicta redimenda sunt, multorum purgandæ

Pater, qui
largas elee-
molynas fa-
cit, melius
filiis consu-
lit.

Pl. 36.

Prævarica-
tor, & pro-
ditor pater.

conscientiæ; multorum animæ liberandæ. Ut in hæc vita seculari alendis, sustinendisque pignoribus, quo major est numerus, hoc major & sumptus est; ita, & in vita spiritali, atque cœlesti, quo amplior fuerit pignorum copia, esse & operum debet major impensa. Sic & Job Sacrificia numerosa pro liberis offerebat, quantusque erat in domo pignorum numerus, tantus dabatur Deo & numerus hostiarum. Et quoniam quotidie deesse non potest, quod peccetur in conspectu Dei, sacrificia quotidiana non deerant, quibus possent peccata tergi. . . Si ergo vere filios tuos diligis, si eis exhibes plenam, & paternam dulcedinem charitatis, operari magis debes, ut filios tuos Deo iusta operatione commendes. Nec eum liberis tuis cogites patrem, qui & temporarius, & infirmus est; sed illum patrem putes, qui æternus, & firmus filiorum spiritualium pater est. Illi assigna facultates tuas, quas hæredibus servas; ille sit liberis tuis tutor, ille curator, ille contra omnes injurias seculares divina maiestate protector. Patrimonium Deo creditum nec respublica eripit, nec fiscus invadit; nec calumnia aliqua forensis evertit. In tuto hæreditas ponitur, quæ Deo custode servatur. Hoc est charis pignoribus impofterum providere; hoc est futuris hæredibus paterna pietate consulere secundum fidem Scripturæ sanctæ dicentis: *Junior fui & senui, & non vidi justum derelictum, neque semen ejus egens panem. Tota die miseretur, & sanerat; & semen ejus in benedictione est. Et iterum: Qui conversatur sine vituperatione in justitia, beatos post se filios relinquet.* Prævaricator itaque & proditor pater es, nisi filiis tuis fideliter consulas; nisi conservandis eis religiosa, & vera pietate prospicias. Qui studes terreno magis; quam cœlesti patrimonio, filios tuos diabolo magis commendare, quam Christo, bis delinquis, & geminum, ac duplex crimen admittis; & quod non præparas filiis tuis Dei patris auxilium, & quod doces filios, patrimonium plus amare quam Christum „ „

Idem

Idem confirmat *S. August.* Serm. 87. alias de Diversis 43. „Dicit avaritia; Consule imposterum, homini fortassis victuro, nec in crastinum. Sed ecce vivat; quantum putat avaritia, non quantum ostendit, non quantum docet, non quantum fidit, sed quantum putat, vixerit, senuerit, finierit; adhuc senex incurvus, baculo innixus lucrum quærit, & audit avaritiam dicentem, consule imposterum. In quod posterum? Jam expirans loquitur. Propter filios, inquit. Utinam, vel illos senes non avaros haberemus, qui filios non habent! Etiam ipsis, etiam talibus, etiam iniquitatem suam nulla pietatis imagine excusantibus non cessat dicere, consule imposterum. Sed forte ipsi cito erubescunt; illos videamus, qui filios habent, utrum certi sint filios suos possessuros esse, quæ reliquerint. Intendunt, cum vivunt, filios aliorum, alios alienis improbitatibus, quod habuerant, amittentes, alios propria nequitia, quod possederant, consumentes; & remanent inopes filii divitum. Parcite nosci servi avaritiæ. Sed possidebunt hoc, inquit, filii mei. Incertum est; postremo, fac certum; quid eis vis relinquere? Quod acquisisti tibi. Certe quod acquisisti, relictum non erat, & habes. Si tu habere potuisti, quod tibi relictum non est, poterunt ergo habere & illi, quod tu non reliqueris... Serva & filiis tuis; sed audi me. Si de filiis quisque suis aliquem amiserit, intendite fratres mei, quia avaritia excusationem non habet, neque hic, neque in futuro seculo, christianum filium amisisti; non ergo amisisti, sed præmisisti. Neque enim ille decessit, sed præcessit. Interroga fidem tuam; certe & tu illo iturus es, quo ille antecessit. Vivit filius tuus. Si ergo vivit, quare invaditur pars ejus a fratribus ejus? Sed dices, nunquid redditurus est, & possessurus? Mittatur ergo illi, quo præcessit ille; ad rem suam venire non potest; res ejus ad eum ire potest; vide, cum quo sit. Si in palatio militaret filius tuus, & amicus Imperatoris fieret, & diceret tibi: Vende ibi partem meam, & mitte mihi;

Uno filio,
rum amis-
so, pars
ejus, pau-
peribus ero-
ganda.

nun-

Trajecti-
tium ex
elemofy-
nis facien-
dum.

Christus ad
filiorum
numerum
addendus.

nunquid invenires, quid responderes? Modo cum Imperatore omnium Imperatorum, & cum Rege omnium Regum, & cum Domino omnium Dominorum est filius tuus; mitte illi. Non dico, necessarium habet ipse; Dominus ipsius, apud quem est filius tuus, eget in terra. Hic vult accipere, quod dat in cœlo. Quod facere nonnulli avari solent, fac trajectitium; da in peregrinos, quod recipias in patria tua. Postremo jam de te nihil, de filio tuo loquor. Dubitas dare tuum, dubitas & reddere alienum; certe convinceris, quia non filiis tuis servabas. Ecce non das filiis tuis, quia tolles filiis tuis, Huic certe tolles. Quare indignus est accipere, quia cum digniore vivit; absit ergo, ut tibi dicam, da, quod habes; sed dico tibi, redde, quod debes. Sed habebunt illud, ais, fratres illius. O mala doctrina, docens filios tuos mortem optare fratribus suis. Si de re fratris sui mortui ditiores erunt, vide, quemadmodum se attendant in domo tua. Quid ergo facies? Patrimonium dividis, & parricidia doces? Sed nolo dicere de uno amisso, ne casus humanos videar minari. Melius quodammodo, prosperiusque loquamur. Non dico; Unum minus habebis, computa, quia unum plus habes. Fac locum Christo cum filiis tuis, accedat familiæ tuæ Dominus tuus, accedat ad prolem Creator tuus, accedat ad numerum filiorum tuorum frater tuus. Cum enim tantum inter sit, & frater esse dignatus est. Et cum sit patri unicus, voluit habere cohæredes. Ecce ille quam largiter! Tu quare tam steriliter? Duos filios habes, tertium illum computa; tres habes, quartus numeretur; quintum habes, sextus dicatur; decem habes, undecimus sit. Nolo amplius dicere; unius filii tui serva locum Domino tuo. Quod enim dabis Domino tuo, & tibi proderit, & filiis tuis; quod autem male servas filiis tuis, & tibi oberit & filiis. Dabis autem portionem unam, quam unius filii deputasti. Deputa te unum amplius genuisse. Quid magnum, fratres mei? Consilium do, nunquid guttur ligo?
sicut

sicut ait Apostolus: *Hac ad utilitatem vestram dico*, 1. Cor. 7.
non ut laqueum vobis injiciam. Puto, fratres, quia
 parva, & facilis cogitatio est, putare patrem filio-
 rum habere unum filium amplius, & comparare ta-
 lia prædia, quæ possideas in æternum & ipse, &
 filii tui. Quid dicat avaritia, non habet. Non vos
 vincat, non plus valeat in cordibus vestris, quam
 Redemptor vester. Non filius valeat in corde vestro,
 quam ille, qui monet sursum corda habere „ „.

Denique Patres, qui filiis suis ingentes opes con-
 gregant, cumulant illis *Peccatorum materiam*, & *irri-*
tamentum; adeoque metuere debent, ne duplici poena
 plectantur, tam propter sua scilicet, quam illorum pec-
 cata. Ille nimirum filiorum inordinatus amor: „ „ Et
 illis gravis est, qui perniciosas pariunt hæreditates,
 & illis, qui inter improbißimum quæstum improbi
 educantur hæredes. Et hinc est, quod pene omnes
 parentibus suis filii non magis in patrimonia, quam
 in vitia succedunt; nec magis facultates paternas su-
 munt, quam pravitates; ac sic transeuntes semper in
 mores patrum, ante eorum incipiunt nequitiam,
 quam substantiam possidere. Bona enim parentum
 nonnisi mortuis eis possident; viventibus autem ad-
 huc, & valentibus, mores. Ac sic prius quam in do-
 minio suo habere incipiant res paternas, habent in
 animis ipsos patres; & antequam habeant illa, quæ
 falso dicuntur bona, habent illa, quæ vere proban-
 tur mala. Quid ergo, cum hæc ita sint, interdice-
 re forsan parentibus filiorum videor affectum? Mi-
 nime. . . Non solum enim amandos filios dicimus,
 sed præcipue, ac super omnia amandos; nec quem-
 quam his omnino anteponendum, nisi Deum solum.
 Nam & hoc est præcipue amare illum, filiis antepo-
 nere, quem non expediat omnino postponere. Quid
 est ergo, aut quo modo amandos dicimus filios?
 Quo absque dubio, nisi quo Deus ipse constituit?
 Neque enim est ullus melior filiorum amor, quam
 quem ille docuit, qui ipsos filios dedit? Quomodo
 igitur Deus amari filios jussit, non dico ego, dicat
 ser-

Patres, qui
 filiis ingen-
 tes opes
 congregant,
 peccatorum
 materiam
 illis cumu-
 lant.

Fillios divi-
tes fecit qui
thesaurum
Dei illos fe-
cerit.

Pater avari-
tus in sua
filiorumque
persona a
Deo puniendus.

sermo divinus ; ut tradant mandata Dei filiis suis , ut ponant in Deo spem suam , & mandata ejus exquirant... Non necesse est ergo , ut filio tuo terrenos thesauros recondas ; nulla re eum facies ditiores , quam si ipsum filium tuum thesaurum Dei feceris. Quamquam hæc ita se habeant , & sint vera , ac saluberrima ; tamen non ita dicam , quali filios bonis , & facultatibus paternis penitus excludam „ „ Verba sunt *Salviani* , lib. 1. *Ad Ecclesiam catholicam*.

Ad hæc , avari illi homines , qui filiis immodicas opes congregant , nec succurrunt necessitati pauperum , animam suam , quam , quæ liberis propior , & conjunctior est , adeoque præ illis diligenda , negligunt. Neque vero Deus liberos ea conditione dedit , ut prohibeat eorum amor , quo minus parentes Dei mandatis pareant ; & ut parentibus regni cœlestis ædium intercludant (inquit *S. Basilii* , *Homilia In Dilectos*) Quod autem pater avarus in sua , filiorumque persona puniendus sit , cum intuitu filiorum a sublevanda pauperum inopia manum abstinere , docet *Psalm.* 108. *Cum judicatur* (inquit) *exeat condemnatus , & oratio ejus fiat in peccatum. Fiant filii ejus orphani , & uxor ejus vidua. Nutantes transferantur filii ejus , & mendicent ; & ejiciantur de habitationibus suis. Scrutetur fœnerator omnem substantiam ejus , & diripiant alieni labores ejus : Non sit illi adjutor , nec sit , qui misereatur pupillis ejus. Fiant vati ejus in interitum ; in generatione una deleatur nomen ejus... Fiant contra Dominum semper , & dispereat de terra memoria eorum ; pro eo quod non est recordatus facere misericordiam. Et persecutus est hominem inopem , & mendicum , & compunctum corde mortificare.*

REGULA VIII.

Lethalis avaritiæ rei sunt Clerici , qui ex ecclesiasticis redditibus thesauros congregant , aut villas , agros , vel domos emunt , quibus res eorum familiaris , sive patrimonium augeatur.

Bonorum enim ecclesiasticorum, *Quæ Dei sunt*, Clericorum ut sacra Synodus Tridentina loquitur; quæ sunt avaritia. *Obiaciones fidelium, pretia peccatorum, patrimonium pauperum*; ut loquuntur antiqua Concilia, viri ecclesiastici dispensatores sunt duntaxat, non domini (ut alias probavimus.) Quidquid igitur ex eis præter victum, & vestitum, si præter necessaria vitæ, & decoro statui reliquum fuerit, pauperum est, ac proinde pauperibus erogari debet, non servari ad rei familiaris, si patrimonii incrementum, non ad hæredes transmitti. Præclare *Salvianus* lib. 2. *Ad Ecclesiam catholicam*, ait: „Licet Decretum vetus largam cunctis ampliandarum opum dederit facultatem, omnes tamen Levitas, & Sacerdotes intra certum habendi limitem coarctavit; quos scilicet neque segetem, neque vineam, neque ullum omnino fundum habere permisit. Ex quo intelligi potest, an ea nunc Deus noster velit in Evangelio viventes Clericos suos mundanis post se hæredibus derelinquere, quæ adhuc in lege positas, ne ipsos quidem voluit possidere. Et infra: Parum est Levitis, ac Sacerdotibus si ipsi tantum divites fuerint, nisi etiam hæredes divites relinquant. Erubescamus hac infidelitate. Sufficiat nobis, quod videmus usque ad vitæ terminos Dominum spernere; cur id agimus, ut contemptum ipsius etiam post mortem extendamus?

Confirmatur ex *S. Hieronymo*, Ep. 2. ad *Nepotianum* data, in qua de Clerico sic loquitur: „Qui Dominum pollidet, & cum Propheta dicit: *Pars mea Dominus*, nihil extra Dominum habere potest. Quod si quidpiam aliud habuerit præter Dominum, pars ejus non erit Dominus; v. gr. si aurum, si argentum, si possessiones, si variam supellectilem; cum istis partibus pars ejus fieri Dominus non dignabitur. Si autem ego pars Domini sum, & funiculus hereditatis ejus, nec accipio partem inter cæteras Tribus, sed quasi Levita, & Sacerdos vivo de Decimis, & Altari serviens, Altaris oblatione sustentor; habens victum, & vestitum, his contentus ero, & nudam crucem

Lucta seculi in Christi militia non querenda.

nudus sequar. Obsecro te , ne Officium Clericatus genus antiquæ militiæ putes , id est , ne lucra seculi in Christi quæras militia ; ne plus habeas , quam quando Clericus esse cœpisti , & dicatur tibi ; *Clerici eorum non proderunt eis*. Nonnulli sunt Clerici , qui possideant opes sub Christo paupere , quas sub locuplete , & fallace diabolo non habuerant ; ut suspiret eos Ecclesia divites , quos mundus tenuit ante mendicos „ „

Et lib. 2. Commentariorum in *Isaiam* , illa verba capituli 3. *Rapina pauperum in domo vestra* , inflectit contra Principes Ecclesiæ id est. contra Sacerdotes. „ „ *Rapina (inquit) pauperum in domibus eorum est* , quando thesauros suos replent , & Ecclesiæ opibus abutuntur in delicias , publicasque stipes , quæ ad sustentationem pauperum datæ sunt , vel sibi reservant , vel propinquis distribuunt , & alienam inopiam suas , suorumque faciunt esse divitias „ „

Prudens
cautio.

Non est tamen avaritiæ , sed prudentiæ , si modicam pecuniæ summam reservent Clerici , quibus nullum , vel tenue patrimonium est , nec ampli beneficii redditus , ut sibi ipsis in gravi . & diuturna , quæ contingere potest , infirmitate subveniant ; velut calamitosa tempestate , qua villicis , & agricolis debitorum aliquid remittendum est , habeant , unde vivant , & pauperibus subministrent. Sed cavendum , ne ingeniosa cupiditas , & prudentia seculi captent excusationes , quibus a faciendis eleemosynis revocentur , ut monet *S. August.* Serm. 177. ubi observat , Apostolum ad Hebr. 13. scripsisse : *Sint mores sine avaritia , contenti presentibus* , propter malas cogitationes , quæ dicunt , „ „ Si thesaurum non habuero , quis mihi dabit , cum egere coepero ? Deinde , abundat , unde vivam , sufficit mihi , unde vivam , sed quid si impingatur mihi calumnia , unde me redimam ? Quid si mihi necesse sit litigare , unde sumptus impendam ? Quamdiu omnia mala , quæ possunt evenire generi humano , narrare , & computare non poteris , plerumque una calamitas turbat computum numerantis , & totum , quod numerabatur , non solum perit ,
sed

Prava ex-
cusatio.

sed nec in digitis remanebit? Ideo contra istum cogitationis vermiculum, contra malignam tineam apposuit Deus in Scriptura sua, quomodo solent apponi vestibus odora menta quædam, ne tineant. Quid cogitabasne tibi calamitates? Non timebas unam grandem? Attende, quod sequitur: *Sine amore modus pecunia sufficiens est presentibus. Ipse enim dixit: Non te derelinquam, non te deseram.* Timebas mala, nescio quæ, propterea pecuniam servabas; tene fidei iussorem; hoc Deus tibi dicit: *Non te derelinquam, non te deseram.* Homo si promitteret, crederes; Deus promittit, & dubitas? Promisit, scripsit, cautionem fecit; esto securus. Lege quod, tenes, cautionem tenes, ipsum debitorem tenuisti, a quo tua debita relaxari petisti „ „.

Fidei ius-
for Deus.

Avaritiam, ac tenacitatem longe gravius esse peccatum in Clericis, quam in laicis hominibus, ex sacris Canonibus, & Ecclesiæ Decretis adversus hanc labem compertum est. Avarum, & tenacem Clericum ad Episcopatum promovendum non esse, S. Greg. magnus, lib. 12. Ep. 6. scripsit. „ „ Indicatum nobis est (*inquit*) Florentinum Archidiaconum Ecclesiæ Anconitanæ, qui ad Episcopatum fuerat electus, Scripturæ quidem sacræ scientiam habere; sed ita ætatis senio jam confectum, ut ad regiminis officium non possit assurgere; adjicientes etiam, ita illum tenacem existere, ut in domum ejus amicus ad charitatem nunquam introeat... Requirendum est, si hoc, quod de præfato Archidiacono dictum est, quia nunquam amicus domum ejus ingressus est, si ita se veritas habet; & utrum ex necessitate, an ex tenacitate talis sit „ „.

Avaritia
longe gra-
vius pecca-
tum in Clericis, quam
in laicis
hominibus.

Concil. Aquisgranense 1. cap. 11. adversus Clericorum avaritiam hæc habet, ex S. Hieronymi ad Oceanum Epistola. „ „ Avaritiam (*inquit*) in Sacerdote vitandam, & Samuel docet, nihil coram populo eripuisse se cuiquam probans; & Apostolorum paupertas, qui refrigeria sumptuum a fratribus accipiebant, & præter victum, atque vestitum, nihil

se aliud nec habere, nec velle gloriabantur. Quam ad Timotheum avaritiam, ad Titum turpis lucri cupiditatem apertissime notat. *Domum suam bene regentem*; non ut opes augeat, &c. » »

Clericorum
avaritia
gravius
peccatum
est.

Concil. Parisiense 6. cap. 13. » » Quia vero (*inquit*) nonnullos Ordinis nostri socios avaritiam turpiter sectari, & merito a multis reprehendi, & ob id innoxios cum noxiis hac occasione infamari contempnimus; ab hinc in commune nos, & socios nostros mutua exhortatione corrigendos esse dijudicamus, ita videlicet, ut nec nos in hujuscemodi peste avaritiæ coram Deo peccaremus, nec aliis per nostrum malum exemplum detrahendi, & in nobis peccandi locum daremus. Verum cum nullus Christianus thesauros in terra, sed potius secundum Domini sententiam, in coelo recondere debeat, cavendum summo opere Sacerdotibus est, ut ab avaritiæ peste, quæ est idolorum servitus, & cupiditate, quæ radix omnium malorum est, suosque sectatores a regno Dei excludunt, se compescant. Quoniam digne non possunt subditis prædicare, ut ab his se abstineant, cum ipsi his, quod valde dedecens, imo periculosum est, se mancipaverint. Gravius quippe, atrociusque hæ pestiferæ lues in illis damnantur, quam in his, qui eorum dictis, & exemplis ab his coerceri debuerunt. Solent namque a nonnullis multifariæ occasiones obtendi, quæ necessitatis nomine palliantur. Et revera dum exterius necessitas prætenditur, interius avaritia tegitur... In vita B. Ambrosii legitur... Ingemiscebat vehementer, cum videret radicem omnium malorum avaritiam, quæ neque copia, neque inopia minui potest, magis, magisque succrescere in hominibus, & maxime in his, qui in potestatibus erant constituti; ita ut interveniendi apud illos, gravissimus labor esset: quia omnia pretio distrahebant... Et quid dicam, si in hujusmodi personis ita rabiem suam exercent, qui solent aut filiorum, aut propinquorum causas prætere ad excusandas excusationes in peccatis, quandoquidem plerisque coeperit etiam cæca
labes

habes Sacerdotes & Levitas, quibus portio Deus est, ut illam etiam ipsi appetant? Et vix mihi misero, quia nec fine mundi provocamur, ut tam gravi iugo servitutis liberari velimus, quod demergit usque ad profundum inferni, ut faciamus nobis amicos de mammona iniquitatis, qui nos recipiant in æterna tabernacula. His itaque præmissis, oportet Sacerdotes Domini, ut ab appetitu avaritiæ, & cupiditatis se cohibentes, sibi subiectis in omnium virtutum profectibus imitabiles exhibeant, quibus pro omnibus divitiis solus Christus abundat, juxta illud Apostoli:

Philip. 2:

Mihi vivere Christus est, & mori lucrum. „ „
 Et cap. 25. „ „ Non solum rumore, sed etiam evidentibus factis comperimus, quorundam Episcoporum ministros, non solum in Presbyteris, sed etiam in plebibus parochiæ suæ, avaritiam potius exercere, quam utilitati ecclesiasticæ Dignitatis inservire, populi que saluti consulere. Quam negligentiam, imo & execrabile, ac damnabile cupiditatis vitium, omnibus in commune deinceps vitandum statuimus. Per timelenda porro, & vigilanter cavenda est Domini Sacerdotibus Heli Sacerdotis ruina, qui filios suos indigne agentes, Dominumque in suis pravis actibus ad iracundiam provocantes, Sacrificioque Domini injuriam irrogantes, quia verbis tantum, & non verbis corripuit, eis divina, justaque ultione ruentibus ruit. Ac si forte, quod ablit, ullus Episcoporum deinceps sectatores avaritiæ ministros in parochia sua constituerit, & eorum cognitam pravitatem auctoritate pastoralis acriter terrire detrectaverit, exemplum negligentis Heli Sacerdotis imitari se cognoscat, sciatque, quia quidquid pravitatis, vel avaritiæ hujusmodi subiecti in plebibus Christi egerint, si eos corrigere juxta tacti qualiratem neglexerit, in eum proculdubio, a quo constituti sunt, ea, quæ admiserint, redundabunt, & Synodali correptioni modis omnibus subjiendum. Nam & communi consensu statuimus, ut unusquisque Episcoporum super Archidiaconis suis deinceps vigilantiorum curam adhibeat,

quoniam propter eorum avaritiam, & morum improbitatem multi scandalizantur, & ministerium sacerdotale vituperatur, & in Ecclesiis a Sacerdotibus multa propter eos negliguntur „ „ Eadem pene repetit Concil. Aquisgranense 2. p. 3. cap. 4-

Instrumenta
passionis
Christi in
fornace
avaritiæ
confiata.

S. Bernardus, Serm. 10. in Cantica luculenter ostendit quam execranda sit Clericorum avaritia: „ „ Christi (*inquit*) opprobria, sputa, flagella, clavos, lanceam, crucem, & mortem, hæc omnia in fornace avaritiæ conflant & profligant in acquisitionem turpis quæstus; & pretium universalitatis suis marlupis includere festinant; hoc solo sane a Juda licariote differentes, quod ille horum omne emolumentum paucorum denariorum numero compensavit; illi voraciori ingluvie lucrorum infinitas exigunt pecunias. His insatiabili desiderio inbiant, pro his ne amittant, timent; & cum amittunt, dolent; harum in amore quiescunt, quantum duntaxat eis liberum est a servandi, vel augmentandi cura; animarum nec casus reputatur, nec salus. Non sunt profecto matres, qui cum sint de Crucifixi patrimonio nimium incrassati, impinguati, dilatati, non compatiuntur super contritione Joseph „ „

REGULA IX.

Lethalis avaritiæ rei sunt, qui mediocres eleemosynas erogant, ut amplius accipiant, ditioresque fiant ex depositis pietatis, quæ ad distribuendum pauperibus ipsis creduntur.

Avaritia
specie pietatis
palliat.

Hæc enim est turpis lucri cupiditas, hæc fordida, & fraudulenta negotiatio, hæc pauperum defraudatio, de qua *S. Hieronymus*, Ep. 2. „ „ Sunt, qui pauperibus paullulum tribuunt, ut amplius accipiant, & sub prætextu eleemosynæ quærunt divitias; quæ magis venatio appellenda est, quam eleemosynæ genus. Sic bestię, sic aves, sic capiuntur & pisces. Modica in hamo elca ponitur, ut Matronarum in eo sacculi protrahantur. Sciat Episcopus, cui

cui commissæ est Ecclesia, quem dispensationi pauperum, curæque præficiat. Melius est non habere, quod tribuam, quam imprudenter petere, quod recendam. *Et rursus* : Amico quidpiam rapere, furtum est; Ecclesiam fraudare, sacrilegium est; accepisse, quod pauperibus erogandum sit, & esurientibus plurimis, aut quod apertissimi sceleris est, aliquid inde subtrahere, omnium prædonum crudelitatem superat „„.

R E G U L A X.

Quamvis interdum necessarium sit, laudabile, & pium res suas iudicio repetere, vel tueri; sapius tamen avaritiæ saltem venialis rei sunt, qui lites forenses suscipiunt bonorum temporalium causa.

Hinc Christus homini ipsum interpellanti, ut Iudex esset causæ, quæ ipsi erat adversus fratrem totum patrimonium retinentem, nec volentem dividere cum fratre (quæ quidem causa ex parte supplicantis iusta erat) respondit: *Homo, quis me constituit iudicem, aut divisorem super vos?* Eaque occasione dixit: *Videte, & cavete ab omni avaritia, Quia scilicet præcipuas in huiusmodi litibus, ut plurimum, partes habet avaritia.* Luc. 12. 14

Hinc etiam S. Paulus 1. ad Cor. 6. non solum edocuit, quod apud Iudices infideles iudicio agerent adversus fratres, id est, adversus christianæ consortes religionis, sed quod rerum temporalium causa inter se litigarent; idque delictum esse asserit. *Jam quidem* (inquit) *omnino delictum est in vobis, quod judicia habetis inter vos. Quare non magis injuriam accipitis? Quare non magis fraudem patimini? Sed vos injuriam facitis, & fraudatis; & hoc fratribus.* Quamvis enim quidam interpretes hic non intelligant peccatum, sed imperfectionem, quasi dicat Apostolus: Hoc ad vestram imperfectionem pertinet, quod vestra iudicio repetitis; cum sit evangelicæ perfectionis: *Non resistere malo, dicente Domino (Matth. 5.)*

Lites rerum temporalium causa susceptæ, Christianis periculose.

A litibus non abstinere secundum præparationem cordis peccatum est.

*Et ei, qui vult tecum iudicio contendere, & tunicam tuam tollere, dimitte ei & pallium. Et Luc. 6. Omni petenti te tribue; & qui aufert, quæ tua sunt, ne repetas. Tamen sciendum est (inquit Estius Theologus doctissimus in hunc S. Pauli locum) ea ipsa jam recitata Domini verba præceptum continere, sic ut saltem ad venialem culpam obligent, si non præstentur secundum *Præparationem cordis*, ut loquitur S. August. lib. 1. *De Sermone Domini in monte*. Qui verus est ejusmodi præceptorum intellectus. Quare & hic S. Pauli locus sic accipiendus est ut vere proprieque delictum sit, Christianos habere iudicia inter se; quatenus scilicet hoc contrarium sit memoratis Christi præceptis. Et ita locum hunc acceperunt Veteres.*

Ita S. Joan. Chrysost. Hom. 16. in Epist. 1. ad Corinthios. „ Duplex est crimen (inquit) & quod iudicio contendit, & quod apud infideles. Si enim per se est peccatum cum fratre iudicio contendere; etiam apud externos contendere, quamquam habet veniam? *Jam quidem omnino delictum est in vobis, quod iudicia habetis inter vos.* An autem iuste, aut iniuste iudicio contendas, hoc est alterius disputationis. Ne dicas ergo, quis fecit injuriam? Hinc enim te condemnno, nempe, quod iudicio contendas. Si est autem crimen, quod ferre non possit eum, qui fecit injuriam; etiam injuriam facere, quanta dignum est accusatione? *Quare non magis injuriam accipitis? quare non magis fraudem patimini?* &c. Rursus crimen est duplum; fortasse autem & triplum, & quadruplum. Unum quidem nescire ferre, cum injuria sit affectus. Secundum autem, etiam injuriam facere. Tertium, iniquis de his permittere cognitionem. Quartum, hoc facere fratrem „ „

Litium malum.

Ita S. Augustinus in *Enchiridio*, cap. 78. hunc Apostoli locum expendens. „ Hic posset putari (inquit) iudicium habere adversus alterum non esse peccatum, sed tantummodo id extra Ecclesiam velle iudicari, nisi securus adjungeret: *Jam quidem omnino de-*

delictum est, quia judicia habetis vobiscum. Et ne quisquam hoc ita excusaret, ut diceret, justum se habere negotium, sed iniquitatem se pati, quam vellet a se judicum sententia removeri; continuo talibus cogitationibus, vel excusationibus occurrit, atque ait:

Quare non magis iniquitatem patimini? Quare non potius fraudamini? Ut ad illud redeatur, quod Dominus ait: Si quis voluerit tunicam tuam tollere, & judicio tecum contendere, dimitte illi & pallium. Et alio loco: *Qui abstulerit (inquit) tua, noli repetere.*

Matth. 5.

Luc. 6.

Prohibuit itaque suos de secularibus rebus cum aliis hominibus habere judicium; ex qua doctrina Apostolus dicit esse delictum. Tamen cum finit in Ecclesia talia judicia finiri inter fratres fratribus judicantibus, extra Ecclesiam vero terribiliter vetat; manifestum est etiam hic, quid secundum veniam concedatur infirmis. Propter hæc, atque hujusmodi peccata, & alia, licet eis minora, quæ fiunt verborum, & cogitationum offensionibus, Apostolo Jacobo confitente, ac dicente: *In multis offendimus omnes; oportet, ut quotidie, crebroque oremus ad Dominum, atque dicamus: Dimitte nobis debita nostra; nec in eo, quod sequitur, mentiamur: Sicut & nos dimittimus debitoribus nostris* „ „.

Jacob. 3.

Et Enarratione in Psal. 80. Christianum sua repetentem & pro illis habentem cum fratre judicium, numerat inter eos, qui supra fundamentum, quod est Christus, ædificant lignum, foenum, stipulam. „ „ Sunt autem alii (inquit) qui rebus infirmitati concessis inhærent aliquantum dilectione. Non rapit villam alienam, sed sic amat suam, ut, si perdidit, contristetur. Non tollit aliena, sed repetit sua, & habet cum fratre suo judicium. Talibus enim dicitur: *Jam quidem omnino delictum est in vobis, quia judicia habetis vobiscum.* Verum ipsa judicia in Ecclesia jubet agi, non ad forum trahi, tamen delicta esse dicit. Contendit enim Christianus pro rebus terrenis amplius, quam decet eum, cui promissum est regnum coelorum. Non totum cor sursum levat, sed aliquam par-

Sua ex cupiditate in judicio repetere, veniale saltem peccatum est.

1. Cor. 4.

tem ejus trahit in terra... Dico enim, fratres, possides fundamentum, hære cælo, calca terram. Si talis es, non ædificas nisi aurum, & argentum, & lapides pretiosos. Cum autem dixeris, amo possessionem istam, timeo, ne pereat; & imminet damnum, & tu contristaris; non quidem præponis eam Christo; nam sic amas possessionem istam, ut si dicatur tibi, ipsam vis, an Christum? Et si tristis eam perdis, plus tamen amplecteris Christum, quem posuisti in fundamento; salvus eris tanquam per ignem „ „

Litigantes
vitiosis, &
negotiosis
cupiditati-
bus impli-
cantur.

Et Serm. 24. in Psal. 118. explicans hunc versum: *Declinate a me maligni, & scrutabor mandata Dei mei*, sic litigantes vitiosis, & negotiosis cupiditatibus implicari asserit; conditionem Episcoporum deplorans, qui litibus Christianorum judicandis meliores horas impendere tenebantur. „ „ Maligni (*inquit*) exercent ad facienda mandata, a scrutandis autem avocant, non solum cum persequuntur, aut litigare nobiscum volunt; verum etiam cum obsequuntur, & honorant, & tamen suis vitiosis, & negotiosis cupiditatibus adjuvandis, ut occupemur, & eis nostra tempora impendamus, efflagitant; aut certe infirmos premunt, & causas suas ad nos deferre compellunt; quibus dicere non audemus: *Dic homo, quis me constituit judicem, aut divisorem inter vos?* Constituit enim talibus causis ecclesiasticos Apostolus cognitores, in foro prohibens jurgare christianos. Ne illis quidem, qui non aliena rapiunt, sed sua cupide repetunt, dicimus: *Cavete ab omni cupiditate*, constituentes eis ante oculos hominem, cui dictum est: *Stulte, hac nocte auferetur a te anima tua; qua præparasti, cujus erunt?* Quia & quando dicimus, non recedunt, nec declinant a nobis; sed instant, urgent, precantur, tumultuantur, extorquent, ut ipsi potius ad ista, quæ diligunt, quam scrutandis Dei mandatis, quæ diligimus, occupemur „ „

Luc. 12.

Ita S. Thomas Commentario in cap. 6. Ep. 1. ad Corinthios, Lect. 2. „ „ *Judicium (inquit) adversus aliquem est illicitum omnibus quantum ad tria. Primo qui-*

quidem quantum ad causam, ex qua aliquis iudicium habet, puta, ex cupiditate, & avaritia. Unde Lucas 12. cum quidem de turba Domino dixisset: *Dic fratri meo, ut dividat mecum hereditatem*; Dominus dixit:

Quis me constituit iudicem ad dividendum inter vos?

Postea subdit: *Videte, & cavete ab omni avaritia.*

Secundo, quantum ad modum iudicii, quia scilicet cum contentione, & detrimento pacis iudicium prosequuntur; ut enim dicitur Jacobi 3. *Ubi zelus, & contentio, ibi inconstantia, & omne opus primum.* Et hoc videtur Apostolus in eis reprehendere, ut patet ex hoc, quod supra dixit: *Frater cum fratre in iudicio contendit.*

Tertio ex perversitate iudicii, puta, cum aliquis iniuste, & fraudulenter in iudicio procedit, secundum illud Isaia 10. *Ut opprimerent pauperem, & vim facerent causa humilium populi mei.* Et hoc etiam Apostolus in eis reprehendit, ut patet per id, quod subdit: *Sed vos injuriam facitis.*

Quarto, propter scandalum, quod sequitur; unde & Dominus mandat Matth. 5. *Qui vult tecum in iudicio contendere, & tunicam tuam tollere, dimitte ei & pallium.* Ait ergo Apostolus: *Omnino delictum est in vobis, id est, ad delictum vobis reputatur, quod Iudicia habetis inter vos;*

inter quos scilicet debet esse pax, quia, ut dicitur 2. ad Timoth. 2. *Servum Dei non oportet litigare, sed mansuetum esse ad omnes.*

Ex charitate vero sua in iudicio repetere, licitum est; cum scilicet caventur pericula plurimarum offensionum, quæ ex litibus nascuntur, quales sunt pravæ de fratre suspiciones, & iudicia, obreptiones, odia, &c. & pacis, ac tranquillitatis internæ detrimentum majori aliquo bono compensatur; scilicet cum quis non suum, sed publicum alicujus communis agit negotium, ut Ecclesiæ, monasterii, collegii, maxime si ex obedientia, aut ex officio id faciat; cum bona pauperum, pupillorum, viduarum, vel ablata, seu male alienata repetit, vel, ne tollantur, obstitit; cum sua repetit, quæ coniugi, & liberis alendis, fovendis, collocandis sunt necessaria; cum quis in iudicio vitam suam.

Lites adversus proximum habere, quadruplici modo illicitum.

1. Cor. 6.

Sua ex charitate in iudicio repetere, licitum & laudabile est.

Quomodo
affecti esse
debeant,
qui pro
temporali-
bus rebus
litigant.

Matth. 5.

1. Tim. 2.

defendit, præsertim multis profuturam; quemadmodum S. Paulus fecit Cæsarem appellans. (*Act.* 25.) Denique cum adversarius videtur futurus ad nocendum audacior, & plures alios injuriis affecturus, si auctoritate judicis non reprimatur. Cæterum ita debent esse affecti, qui rerum temporalium causa litigant, ut potius injurias, & damna quælibet pati ex animo parati sint, quam fraternam charitatem violare. Ea enim animi præparatio non est meri consilii, sed præcepti.

Hinc rursus S. August. lib. 2. *De Sermone Domini in monte*, cap. 8. ait: „ Pecuniam dimittere illo potius jubemur præcepto, quod superius dictum est: *Si quis tibi tunicam tollere voluerit, & judicio tecum contendere, remitte ei & vestimentum*: Nec ibi necesse est omni pecuniario debitori dimittere debitum, sed ei, qui reddere noluerit, in tantum, ut velit etiam litigare: *Servum autem Domini*, ut ait Apostolus, *non oportet litigare*. Qui ergo vel sponte, vel conventus pecuniam debitam reddere noluerit, dimittenda illi est. Duas enim ob res nollet reddere, vel quod non habeat, vel quod avarus sit, reique alienæ cupidus; utrumque autem pertinet ad inopiam; nam illa inopia est rei familiaris, hæc animi. Quisquis itaque tali dimittit debitum, inopi dimittit, opusque christianum operatur, manente illa regula, ut in animo paratus sit amittere, quod sibi debetur. Nam si modeste, ac leniter omni modo egerit, ut sibi restituatur, non tam intendens fructum pecuniæ, quam ut hominem corrigat, cui sine dubio perniciosum est, habere, unde reddat, & non reddere; non solum non pecabit, sed proderit etiam plurimum, ne ille, dum alienam pecuniam lucrum facere vult, damnum fidei patiatur, quod tanto est gravius, ut nulla sit comparatio „ „.

Hinc S. Greg. magnus, lib. 21. *Moralium*, cap. 8. Perfectus igitur Christianus (*inquit*) quomodo debet res terrenas jurgando defendere, quas nunc præcipitur non possidere? Itaque cum res proprias amittimus,

tempus, si perfecte Deum sequimur, in hujus vitæ itinere a magno onere levigati sumus. Cum verò curam rerum ejusdem nobis itineris necessitas imponit, quidam, dum eas rapiunt, solummodo tolerandi sunt; quidam vero conservata charitate prohibendi, non tamen sola cura, ne nostra subtrahant; sed ne rapientes non sua, semetipsos perdant. Plus quippe ipsis raptoribus debemus metuere, quam rebus irrationalibus defendendis inhiare. Ista namque etiam non rapta morientes amittimus; cum illis vero, & nunc conditionis ordine, & sic corrigi studeant, post perceptionem numeris unum sumus. Quis autem nesciat, quia minus ea, quibus utimur, & plus debemus amare, quod sumus? Si ergo & pro sua utilitate raptoribus loquimur, non jam solum nobis, quæ temporalia, sed ipsis etiam, quæ sunt æterna, vindicamus. Qua in re illud est solerter intuendum, ne per necessitatis metum, cupiditas subrepat rerum; & zelo succensa prohibito, impetus immoderatione distensa, usque ad odiosa verba, & turpitudinem contentionis erumpat. Dumque pro terrena re pax a corde cum proximo scinditur, liquido apparet, quia plus res quam proximus amatur. Si enim charitatis viscera etiam circa raptorem proximum non habemus, nolimetipsos pejus ipso raptoe persequimur, graviusque nos, quam alter poterat, devastamus; quia dilectionis bonum sponte deferentes, a nobis ipsis intus est, quod amittimus, qui ab illo sola exteriora perdebamur. Sed hanc hypocrita formam charitatis ignorat; quia plus terrena, quam celestia diligens, contra eum, qui temporalia diripit, sese in intimis immani odio inflamat „

Quamquam vero Christianis omnibus admodum periculosa sint lites rerum temporalium causa susceptæ, ad quas nimirum suscipiendas sola plerumque cupiditas impellit, & quarum prosecutione sæpius, heu! fraterna charitas perit, & extinguitur in litigantium animis; adeoque nihil agere non debeant, ut lites vitent, causarum suarum iudicium cominu-

Plus raptoribus metuere debemus, quam rebus temporalibus defendendis inhiare.

Litigantes peccarent, qui charitatem, & pacem cum illis, a quibus injuriæ sunt affecti, non servant.

Ecclesiastici præsertim religiosique viri alieno a litibus animo esse debent.

nibus amicis, aut electis arbitris permittendo, quantum in ipsis est; magis tamen a litibus alieni esse debent ecclesiastici, religiosique viri, qui vel perfecti esse debent, vel ad perfectionem ex sui status obligatione tendere. Omnem enim avaritiæ suspicionem illos vitare oportet, atque charitatis exemplo cæteris omnibus præluere. Hinc Conc. Carthag. 4. can. 19. sancitum est: *Ut Episcopus pro rebus transitoriis non litiget provocatus*. Hinc S. Ambrosius lib. 2. de *Officiis*, c. 21. „„ Decet (*inquit*) esse benignum, non alieni cupidum, imo de suo jure cedentem potius aliqua, si fuerit lacessitus, quam aliena jura pulsantem, fugitantem litium, abhorrentem a jurgiis, redimentem concordiam, & tranquillitatis gratiam. Siquidem de suo jure virum bonum aliquid relaxare, non solum liberalitatis, sed plerumque etiam commoditatis est. Primum dispendio litis carere, non mediocre est lucrum; deinde accedit ad fructum, quod augetur amicitia, &c. „„

Et Ep. 49. ad *Marcellum* Episcopum, scribens de compositione litis, quæ ipsi cum fratre, & sorore intercesserat, & quam ipse *Ambrosius* a partibus Judex electus, finire maluerat ut arbiter, omnes causam vicisse ostendit, sed præcipue *Marcellum*, qui charitate vicit. „„ Cum (*inquit*) anceps judicium, jus controversum, multiplices ab utraque parte actiones pernerem, invidiæ plenas supplicationes, rescriptorum quoque obreptiones obtexerent; adverterem etiam gravi conditione illum, si vicisset, acturum de duplis fructibus, & de sumptibus annosæ litis; tuo autem officio non convenire, ut expensas jurgii posceres, nec competere, ut quidquam de fructibus possessor ageres, quos percepisses; malui jurgium compositione sedare, quam pronuntiatione acerbare. Alia enim habebant excitari jurgia. Tum, quod est gravissimum, etsi jurgia sublata forent, erant tamen odia mansura; quæ apud bonos mores dispendia sunt. Inter hos æstus positus, cum me persona Sacerdotis, feminæ sexus, viduæ gravitas, amici quoque contem-

Epist. 82.
Editionis
postrema
Parisi.

templatio trino quodam non perfunctorio conveniret nomine, illud sequendum putavi, ut neminem vinci vellem, & omnes vincere. Nec fefellit sententia. Vicistis enim omnes germanitatis, vicistis naturæ, vicistis Scripturæ dicentis: *Quare non magis injuriam accepistis? Quare non magis fraudem patimini?* Sed putas te gravatum jactura juris, damno pecuniæ. Meliora utique Sacerdotibus damna, quam lucra seculi sunt. *Beatius est enim dare, quam accipere.* Sed forte dicas, fraudem non debui pati, injuriam non debui perpeti, damnum subire. Quid ergo inferre velles? Sed etsi tu non inferres, idem se passum diceret. Itaque vide, quid dicat Apostolus: *Quare non magis fraudem patimini?* Ut prope videatur, qui non patitur, fecisse. Tolerare enim debet, qui fortior est. Verum quid ego ita tecum ago, quasi hoc meum, & non tuum sit? Tu enim obtulisti quasi arbiter litis, ut soror in diem vitæ suæ possideret partem prædii; post obitum ejus fratri cederet omnis possessio; neque quisquam eum tuo, vel Ecclesiæ conveniret nomine; sed sibi haberet, si ita mallet, ut nihil dispensaret Ecclesiæ... Vicistis ergo omnes: Lætus, quia jus loci adeptus est, quod non tenebat; soror, quia annuis potietur fructibus; jam sine lite, sine jurgio; nemo tamen plenius, nemo gloriosius, quam tu vicisti, qui dum erga sororem confirmari vis liberalitatem tuam, in utrumque eam fraternæ consortem necessitudinis contulisti. Nam & fratri concessisti proprietatem, & sorori usumfructum. Nihil autem adimitur Ecclesiæ, quod pietati acquiritur. Charitas enim non damnum, sed lucrum Christi est. Denique charitas fructus Spiritus sancti est... Profuit jurgium, ut formam indueres apostolicæ vitæ, & præceptionis. Illud Sacerdotio non congruebat, hæc transactio & apostolicam decet normam. Nec vereare, ne immunis sit, atque exfors Ecclesia liberalitatis tuæ. Habet & illa fructus tuos, & quidem uberiores, habet fructus doctrinæ tuæ, habet tuæ vitæ stipendium; habet fecunditatem, quam tuis institutis rigasti.

His

His dives redditibus non quærit temporalia, quia æterna possidet. Tu interea confirmatus in Apostolum Christi, assumens Propheticam auctoritatem dicēs ad Dominum: *Possedisti renes meos*. Hæc melius Christum possessio decet, ut virtutes Sacerdotis possideat sui; hos fructus capiat, qui sunt integritatis, & continentię, & quod est amplius charitatis, & tranquillitatis „ „

Pal. 138.

Hinc S. Gregorius, Ep. 58. libri 8. ad Bonifacium Regiensē Episcopum scribit: „ „ Sacerdotali proculdubio convenit gravitati, ut si quis Ecclesię suę causas habuerit, aut pacifica eas ordinatione si fieri potest, aut certe iudicio interveniente, sine mora definiat; ut sublata e medio contentionis materia, sola illi cum filiis suis pacis possit concordia permanere „ „ Et tamen sanctus idem Pontifex lites aliquando inspiciehdas docet pro tuendis Ecclesię bonis, quę sunt patrimonia pauperum, cum alia media christiana mansuetudo frustra adhibuit. Sic enim scribit ad Italicam Patritiam, Epist. 58. lib. 2. Indict. 11. „ „ Illud, quod revocare in memoriam nostram Excellentia vestra studiose contendit, scriptum vobis sciat, nihil cum scandalo, nihil cum torali strepitu vobiscum nos velle de causis pauperum definire. Hoc & nos scriptisse meminimus, & scimus nosmetipsos juvante Domino, a causarum litigiis ecclesiastica moderatione compestere, atque secundum Apostolicum illum sensum, rapinam bonorum nostrorum cum gaudio sustinere. Sed illud scire vos volumus, taciturnitatem, atque patientiam nostram futuris post me Pontificibus in rebus pauperum præjudicium non tacturam „ „ Hanc formam S. Pontifex viris ecclesiasticis dedit; imo a Christo, & a S. Paulo traditam docuit. lib. 31. *Moralium*, cap. 8. „ „ Ecce (inquit) divina voce præcipitur: *Si quis tibi tunicam tulerit, & voluerit tecum iudicio contendere, amitte illi, & pallium*. Et rursus: *Si quis quod tuum est tulerit, ne repetas*. Paulus quoque Apostolus discipulos suos cupiens exteriora despiciere; ut valeant interna servare,

Matth. 5.

Luc. 6.

re,

re, admonet dicens: *Jam quidem omnino delictum est* 1. Cor. 6.

in vobis, quod judicia habetis inter vos; quare non magis injuriam accipitis? quare non magis fraudem patimini? Et tamen hypocrita assumpto sanctæ conversationis habitu, filiorum custodiam deserit, & temporalia quæque defendere etiam jurgiis quærit. Exemplo suo eorum perdere corda non trepidat, & quasi per negligentiam amittere patrimonia terrena formidat. In errorem discipulus labitur, & tamen cor hypocritæ nullo dolore lauciatur. Ire in iniquitatis voraginem commissos sibi conspicit, & hæc quasi inaudita pertransit; ac si quod sibi leviter inferri temporale damnum senserit, in ultionis iram repente ab intimis inardescit. Mox patientia rumpitur, mox dolor cordis in vocibus effrænatur; quia dum animarum æquanimiter tolerat, jacturam verorum temporalium repellere etiam cum spiritus commotione festinat, cunctis veraciter indicat, teste mentis perturbatione, quid amat. Ibi quippe est grande studium defensionis, ubi & gravior vis amoris. Nam quanto magis terrena diligit, tanto privari eis vehementius pertimescit. Quia enim mente aliquid in hoc mundo possidemus, non docemur, nisi cum amittimus. Sine dolore quippe amittitur quicquid sine amore possidetur. Quæ vero ardentem diligimus habita, graviter suspiramus ablata. Quis autem nesciat, quia nostris usibus res terrenas Dominus condidit, suis autem animas hominum creavit? Plus ergo Deo se amare convincitur, qui neglectis his, quæ ejus sunt, propria tuetur. Perdere namque hypocritæ ea quæ Dei sunt, id est animas hominum, non timent; & ea quæ sua sunt, amittere, videlicet res cum mundo transeuntes, quasi districto Judici polituri rationes timent, ac si placatum inveniant, cui desideratis rebus, id est, rationabilibus perditis, insensibilia, & non quæsitâ conservant.

Sine dolore
amittitur,
quicquid
sine amore
possidetur.

Ea de re & S. Bernar. audiamus, Ep. 301. ad Sanctiam Regis Hispaniæ sororem, quam rogat, ut litem inter duæ monasteria ortam opera sua sopire, & com-

po-

ponere conetur, aut certe a duobus Episcopis finiri curet. „„ Et quoniam (*inquit*) servos Dei non oportet litigare, consilii nobis fuit ad vestrum potissimum consilium causam remittere, ut vestra auctoritate, & opera omnis inepta, & injusta (ut ajunt) calumnia conquiescat, & ordo in domo Dei receptus ad ejus gloriam, & vestram ipsius salutem deinceps in pace permaneat. . . Si autem vestris (quod non credimus) salutaribus monitis, aut consiliis contradictores illi acquiescere nolunt; tunc duorum judicio Episcoporum, ad quos duo illa loca jure parochiali pertinere noscuntur, omnis inter eos controversia terminetur. Quodque ab eis judicatum, sive constitutum concorditer fuerit, vestrum erit ratum habere, & de cætero firmiter manu tenere. . . Si timetis Deum, non patiemini impediri tantum bonum. . . Nec fratres illos suæ devotionis privari fructu, nec Deum denique tam accepto sibi reformati Ordinis sacrificio defraudari „„

Sacri quoque Canones Clericos, & Monachos a litibus ex cupiditate suscipiendis, ac persequendis abstinere jubent, ut constat ex cap. *Multa sunt*, Ext. *Ne Clerici, vel Monachi secularibus negotiis se immisceant*, qui Moguntini Concilii sub Carolo magno can. 14. est. „„ *Multa (inquit) negotia secularia, ad quæ pertinet omnis concupiscentia. . . Contentiones, vel lites, vel rixas amare; in placitis secularibus disputare, excepta defensione orphanorum, aut viduarum. . . & omnibus quibuslibet causis superfluis interesse. Ecce talia, & his similia ministris altaris Domini, necnon & monachis omnino contradicimus, de quibus ait Apostolus: Nemo militans Deo, implicat se negotiis secularibus* „„

R E G U L A X I.

Lethalis avaritiæ rei sunt Monachi, & moniales, & quicunque paupertatis evangelicæ voto se obstrinxerunt, si peculium habeant, vel pecunias, aut quidvis aliud pretio æstimandum, absque Superiorum licentia, ad usum retineant. Hæc

Hæc Regula SS. Patrum, & sacrorum Canonum auctoritate firmatur. *S. Basilii in Constitutionibus monasticis* cap. 34. „ Etenim qui proprium habere aliquid studet, is sine dubio nihil aliud, quam distinctionem, ac defectionem a cæteris meditatur. Nam, cui hoc in animo non est, quid est tandem quod ipse possidere seorsum velit; cum ipse sciat, Christi beneficio servos ipsius in necessariorum copia assidue versari? Proinde perspicuum est, qui talis sit, eum de præcidenda, ac morte afficienda anima sua meditari, qui exiguis obolis salutem suam addicere, ac prodere paratus sit, & alter Judas efficiatur, nempe qui a furto exordiat; (Furtum enim est privata possessio) & in prodicionem desinat; quando ut ille Dominum, sic iste etiam veritatis verbum prodit. *Et infra*: Societatis expilatio est rei cujuscunque, & undecunque in privatum usum revocatio „ Idem in Epistola ad Chilonem monachum: „ Aurum (*inquit*) maximopere ut animæ tuæ blandissimum insidiatorem, ut parentem peccati, ut diaboli administrum modis omnibus fuge. Prætextu sublevandæ pauperum inopiæ provide, ne fias inexplibili congerendæ pecuniæ cupiditati obnoxius; adeo ut si quis pecunias offerat in inopum usum erogandas, ipse autem certo cognoveris indigos, is, cujus sunt pecuniæ, fac consilio tuo secum, ut eas auferat, egenis fratribus erogaturus; ne contingat, ut cum dispertiendas ipse acceperis, earum affricu conscientiæ tuæ nitor sitim ducat avaritiæ, & inquinetur „ „

De avaritia
monacho-
rum.

Privata pos-
sessio Reli-
gioforum
furtum est.

S. Hieronymus Epist. 20. ad *Enstochium, de Casti-
dia Virginitatis* inscripta, refert quod gestum sit ali-
quando Nitriæ circa monachum vitio proprietatis
maculatum. „ Quidam (*inquit*) ex fratribus par-
cior magis quam avarior, & nesciens triginta ar-
genteis Dominum venditum, centum solidos, quos
lina texendo acquisierat, moriens dereliquit. Initum
est inter monachos consilium. (Nam in eodem lo-
co circiter quinque millia divisis cellulis habitabant)

Exemplum
terribile.

quid factu opus esset. Alii pauperibus distribuendos esse dicebant, alii dandos Ecclesiæ, nonnulli pauperibus remittendos. Macarius vero, & Pambo, & Isidorus, & cæteri, quos Patres vocant, sancto in eis loquente Spiritu, decreverunt infodiendos esse cum eodem dicentes: (*Act. 8. 20.*) Pecunia tua tecum sit in perditione. Nec hoc crudeliter quisquam putet factum; tantus cunctos per totam Ægyptum terror invasit, ut unum solidum dimisisse sit criminis „ „.

S. August. Epist. 211. alias 109. quæ est Regula Monialibus scripta: „ „ Non dicatis aliquid proprium (inquit) sed sint vobis omnia communia... Charitas
1. Cor. 13. enim, de qua scriptum est, quod *Non quaris quæ sua sunt*, sic intelligitur, quia communia propriis, non propria communibus anteponit. Et ideo quanto amplius rem communem, quam propriam curaveritis, tanto amplius vos profecisse noveritis; ut in omnibus, quibus utitur transitura necessitas, supereminet, quæ permaneat charitas. Consequens ergo est, ut etiam illud, quod suis vel filiabus, vel aliqua necessitudine ad se pertinentibus in monasterio constitutis aliquis, vel aliqua contulerit, sive vestem, sive quodlibet aliud inter necessaria deputandum, non occulte accipiatur, sed sit in potestate Præpositæ, ut in commune redactum, cui necesse fuerit, præbeatur. Quod si aliqua rem sibi collatam celaverit, furti iudicio condemnetur „ „.

Idem confirmat *Cassianus lib. 4. de Institutis Renuntiantium*, cap. 3. 4. 13. & 15. Idem omnes Regulas monasticæ.

Religiosi
 proprieta-
 rii, qui nec
 in morte
 peculium
 abdicarunt
 & in manus
 Superioris
 deposue-
 runt, sacra
 sepultura
 privandi.

S. Greg. magnus lib. 4. Dialogorum, cap. 55. „ „ Neque hoc silendum puto, quod actum in meo monasterio ante hoc triennium reminiscor. Quidam enim Monachus Justus nomine medicinali arte fuerat imbutus, qui mihi in eodem monasterio constituto sedule obsequi, atque in assiduâ ægritudinibus meis excubare consueverat. Hic itaque languore corporis præventus, ad extremum deductus est. Cui in ipsa sua molestia frater germanus nomine Copiosus ser-
 vic-

viebat, qui ipse quoque nunc in hac urbe per eandem medicinæ artem temporalis vitæ stipendia se-
 ctatur. Sed prædictus Justus, cum jam se ad extre-
 mum pervenisse cognovisset, eidem Copioso fratri
 suo, quia tres aureos occultatos haberet innotuit.
 Quod nimirum fratribus non potuit celari, sed sub-
 tiliter indagantes, atque illius omnia medicamenta
 perscrutantes, eosdem tres aureos invenerunt abscon-
 sos in medicamine. Quod mox, ut mihi nuntiatum
 est, tantum malum de fratre, qui nobiscum commu-
 niter vixerat, æquanimiter ferre non valui; quippe
 quia ejusdem mei monasterii Regula fuerat, ut cun-
 cti fratres ita communiter viverent, quatenus eis
 singulis nulla propria habere liceret. Tunc nimio
 mærore perculus, cogitare cœpi, vel quid ad pur-
 gationem morientis facerem, vel ad exemplum vi-
 ventibus fratribus providerem. Pretioso igitur ejus-
 dem monasterii præposito ad me accersito dixi: Vi-
 de ut nullus ex fratribus se ad eum morientem jun-
 gat, nec sermonem consolationis ex cujuslibet eo-
 rum ore percipiat; sed cum in morte constitutus
 fratres exquisierit, ei suus carnalis frater dicat, quia
 propter aureos, quos occultatos habuit, a cunctis
 fratribus abominatus sit; ut saltem in morte de cul-
 pa sua mentem ipsius amaritudo transverberet, at-
 que a peccato, quod perpetravit, purget. Cum ve-
 ro mortuus fuerit, corpus illius cum fratrum cor-
 poribus non ponatur, sed quolibet in sterquilinio
 fossam facite, & in ea corpus ejus projicite, ibique
 super eum tres aureos, quos reliquit, jactate, om-
 nes simul clamantes: *Pecunia tua tecum sit in perdi- Act. 8. 20*
 tione; & sic eum terra operite. In quibus utrique
 rebus, unam morienti, alteram vero viventibus vo-
 lui prodesse fratribus, ut & illum amaritudo mor-
 tis a culpa solubilem faceret, & istos avaritiæ tanta
 damnatio terreret, atque a culpa prohiberet, quod
 ita factum est. Nam cum idem monachus pervenis-
 set ad mortem, atque anxie se quæreret commen-
 dari fratribus, & nullus e fratribus ei applicari, &

loqui dignaretur, ei carnalis frater, cur ab omnibus fratribus esset abominatus, indicavit. Qui protinus de reatu suo vehementer ingemuit, atque ipsa sua tristitia e corpore exivit; qui ita est seipsum, ut dixeram. Sed fratres omnes ex eadem ejus sententia conturbati coeperunt singuli extrema quæque, & vilia, & quæ eis habere regulariter semper licuerat, ad medium proferre, vehementerque formidare, ne quid apud eos esset, unde reprehendi potuissent „„.

Idem Epist. 22. lib. 10. „„ Venientes monachi monasterii quondam Abbatis Claudii petiverunt tibi Constantium monachum Abbatem debere constitui. Quos valde ego in sua petitione detestatus sum, quia mihi terrenæ mentis esse omnimode apparuerunt, quia terrenum nimis hominem Abbatem quæsi-
runt habere. Cognovi enim, quod Constantius peculiaritati studeat; quæ res omnino testatur, eum cor monachi non habere. *Et infra*: Hæc autem prædicto Fratri, & Coepiscopo nostro omnino dicere stude, ut peculiaritatem a quatuor, aut quinque monasteriis Monachis, in quibus corrigi hætenus minime potuit, studiosissime compescat, & hoc ipsum monasterium a tali peste mundare festinet; quia si illic peculiaritas a Monachis habetur, neque concordia, neque charitas in Congregatione eadem poterit permanere. Quid est autem habitus Monachi, nisi despectus mundi? Quomodo igitur mundum despiciunt, qui in monasterio positi aurum quærun? „„?

Habitus
monachi
despectus
est mundi.

Idem confirmat & B. Petrus Damiani, Opusculo 12. quod inscribitur, *Apologeticus de Contemptu Jecur*, cap. 3. illiusque gravitatem peccati ostendit proposito Anania, & Saphira exemplo, *Aluum* cap. 5. Hugo de S. Victore in Expositione regulæ S. August. „. Thomas 2. 2. q. 186. art. 3. & 7. & *Tractatu contra Proprietarios regula S. Augustini*, inter Gersonis Opera Tom. 1.

Conc. Aurelianense, anno Christi 507. can. 21.
„„ Monachi (inquit) Abbatibus omni obedientia,
& devotione subiaceant. Quod si quis per contumaciam

ciam extiterit indevotus, aut per aliqua loca vagari, aut peculiare aliquid habere præsumpserit; omnia, quæ acquirerit, ab Abbatibus auferantur, secundum Regulam monasterio profutura „ „.

Concil. Augultodunense sub *S. Leodegario*, circa annum Christi 670. can. 1. statuit: „ „ Ut Abbates, vel Monachi peculiare non habeant, & Monachi ab Abbate victum, & vestitum consuetum accipiant. . . Nemo suum aliquid esse dicat, sed sint eis omnia communia, &c. Quilibet autem hæc a nobis Deo præcipiente dicta in confirmationem regularem Monachorum tentaverit aliqua transgressionem cassare, si Abbas est, anno uno Communionis ei potestas suspendatur; si præpositus, annis 3 si monachus, aut fustibus verberetur, aut a Communione, & Missa, & charitate tres annos suspendatur „ „.

Religiosis
proprieta-
riis neganda
communio.

Concil. Oecumenicum Lateranense sub *Alexandro III.* cap. 10. de Monachis: „ „ Si vero peculium habuerit, nisi ei ab Abbate pro injuncta fuerit administratione permissum, a communione removeatur Altaris; & qui in extremis cum peculio inventus fuerit, nec oblatio pro eo fiat, nec inter fratres recipiat sepulturam; quod etiam de universis Religiosis præcipimus observari „ „.

Pro religio-
sis, qui pro-
prietarii
moriuntur,
sacrificium
non offe-
rendum.

Innocentius III. cap. *Cum ad Monasterium*; Ext. *De statu Monachorum*, prohibet in virtute obedientiæ, & sub obtestatione divini judicii: „ „ Ne quis Monachorum proprium aliquo modo possideat, sed si quis aliquid habeat proprii, totum in continenti resignet. Alioquin Regulari monitione præmissa, de monasterio expellatur, nec recipiatur ulterius, nisi poeniteat secundum monasticam disciplinam. Quod si proprietas apud quemquam inventa fuerit in morte, ipsa cum eo in signum perditionis extra monasterium in sterquilinio subterretur. Unde si quidquam alicui fuerit specialiter destinatum, non præsumat illud accipere, sed Abbati, vel Priori, vel Cellulario assignetur „ „.

Concil. Salisburgense anno 1281. c. 4. „ „ Item statuimus, ut monachi, vel regulares, nisi a notitia presentium, infra dies quindecim vel ante, ad manus suorum offerant Prelatorum, usque ad restitutionem debitam ab officio sint suspensi; & nihilominus si manifesta sit proprietas, carcerali custodizæ mancipentur „ „.

Pecunia
pro vesti-
bus viritim
religiosis
non tri-
buenda.

Conc. Oxoniense sub Stephano Cantuariensi Archiepiscopo anno 1222. „ „ Quoniam non licet viris religiosis aliquid proprium possidere, qui se, & sua pariter in religionis ingressu Domino dedicarunt, presenti auctoritate definimus, ut nulla persona in regulari Ordine constituta condere testamentum præsumat, cum nihil habeat suum temporale, quod transferre valeat in dominium alienum „ „. Idem Concilium ut vitium proprietatis in monachis, & monialibus penitus eradicet, prohibet: „ „ Ne singulis eorum denarii pro vestibus tribuantur, sed talia per certas personas ad hoc deputatas, puta Camerarios, vel Camerarias diligenter expediantur; qui, ut quilibet indiguerit, & facultas domus sustinuerit, eis indumenta ministrent. Et cum eis nova tradita sunt, vetera ab eis recipiantur, quæ in usus pauperum, vel alias necessitates, de consilio Abbatis, vel Prioris, vel Abbatissæ, vel Priorissæ convertantur „ „. Id & alia Concilia sanxerunt, inter alia Camerac. anno 1565. tit. 18. cap. 10.

Proprietatis
vitium in
religiosis
eradicare
conata est
suis Decre-
tis sacra
Synodus
Tridentina.

Concil. Tridentinum sess. 25. *De Regularibus, &c.* cap. 2. „ „ Nemini igitur Regularium, tam virorum, quam mulierum, liceat bona immobilia, vel mobilia, cujuscunque qualitatis fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere; sed statim ea Superiori tradantur, conventuique incorporentur. Nec deinceps liceat Superioribus bona stabilia alicui Regulari concedere, etiam ad usumfructum, vel usum, administrationem, vel commendam. Administratio autem bonorum monasteriorum, seu conventuum ad solos officiales eorundem, ad nutum Superiorum

amo-

amovibiles pertineat. Mobilium vero usum ita Superiores permittant, ut eorum supellex statui paupertatis, quam professi sunt, conveniat, nihilque superflui in ea sit, nihil etiam, quod sit necessarium, eis denegetur. Quod si aliquis quidquam tenere deprehensus, aut convictus fuerit, is biennio activa, & passiva voce privatus sit, atque etiam juxta suæ Regulæ, & Ordinis constitutiones puniatur „ „.

Denique „ „ Status religionis (*inquit S. Thomas*) Secunda Secundæ q. 186. art. 3. est quoddam exercitium, & disciplina, per quam pervenitur ad perfectionem charitatis. Ad quod quidem necessarium est, quod aliquis affectum suum totaliter abstrahat a rebus mundanis. Dicit enim S. Lib. 10. Conf. cap. 9. August. ad Deum loquens: *Minus te amat, qui te cum aliquod amat, quod non propter te amat „ „.* Et lib. 2. questionum octoginta trium, q. 36. ait quod, nutrimentum charitatis est imminutio cupiditatis; perfectio nulla cupiditas. „ „ Ex hoc autem, quod aliquis res mundanas possidet, allicitur animus ad earum amorem. Unde S. August. dicit in Epistola ad Paulinum, & Therasium (*Ep. 31. alias 34.*) quod „ Terrena diliguntur arctius adepta, quam concupita. „ Nam unde juvenis ille tristis discessit, nisi quia magnas divitias habebat? Aliud est enim nolle incorporare, quæ defunt, aliud jam incorporata delere. Illi velut cibi repudiantur, illa vero velut membra præciduntur. „ Et inde est, quod ad perfectionem charitatis acquirendam primum fundamentum est voluntaria paupertas, ut aliquis absque proprio vivat, dicente Domino: *Si vis perfectus esse, vade, vende omnia, quæ habes, & da pauperibus, & veni, & sequere me „ „.*

Ad perfectionem charitatis acquirendam primum fundamentum est voluntaria paupertas.

Concilium provinciale Colonienſe sub Conrado Archiepiscopo Sedis apostolicæ Legato, anno 1240. cap. 11. „ „ Statuimus, quod Abbates excommunicationis sententiam in proprietarios semel in anno, scilicet Sabbato proximo ante Dominicam *Latere*, solemniter in capitulo publicent; & si post aliquis inventus fuerit habere proprium, secundum Regulam

Excommunicatio Religiosorum proprietariorum.

214 Theol. Dog. & Moral. Lib. III.

puniatur „ „. Quod in altera Synodo Colonienſi ſub Henrico Archiepiſcopo , anno 1310. confirmatum eſt , addito ſtatuto ſequenti.

„ „ Si qui Monachi , vel Sanctimoniales beatorum Benedicti , & Auguſtini Ordinum , præter Superioris licentiã , bona mobilia apud ſe , vel apud alios in depoſito negotiationis , aut alia de cauſa habuerint , illa ſuo Superiori , & conventui reſignent , & eiſdem ad cautelam quolibet anno , intra quindenam ante feſtum Paſchæ , intiment , ſpecificent , revelent , & demonſtrent , & ad manus ejuſdem Superioris Abbatis , in præſentia conventus , reſignent penitus , atque tradant Monachi , & Moniales ejuſdem. Contrarium facientes , ſeu qui bona huiusmodi dolo non deſierint poſſidere , excommunicentur , & puniantur ſecundum inde ſtatuta. Et quicumque alii utriuſque ſexus homines , præfata bona ſub quovis nomine ſub ſe habuerint , tales , ſi eadem bona intra menſem ſimili modo ad manus Superioris ejuſdem Monachi vel Monialis reportent , & reſignent , excommunicationis ſententiã volumus incurrere eo facto „ „.

R E G U L A XII.

Lethalis avaritiæ rei ſunt parentes , qui filios , aut filias in monaſteria detrudunt , ſeu ad vitæ religioſæ profeſſionem cogunt , vel inducunt , ut eorum fratribus , aut ſororibus ampliores opes relinquant.

Lethalis avaritia parentum filios ad vitam religioſam cogentium.

Hanc Regulam ſignat Decretum Concilii Remenſis anno 1583. tit. *De Regularibus* , num. 3. „ „ Quoniam (*inquit*) arma huius ſanctæ militiæ non debent eſſe carnalia , (ut verbis Apoſtoli utamur ,) adulti monaſterium ingreſſuri , vel puerorum parentes , qui illos offerunt , moneantur , ut alia non ſubeat ipſorum animos cogitatio , quam ſempiternorum bonorum. Quisquis igitur otium , honores , beneficia , vel alia temporalia , quaſi ſcopum ſibi proponit , vitam monaſticam ſuſcepturus , vereatur , ne mittatur in tenebras

bras exteriores, non afferens vestem nuptialem; cui periculo se etiam obnoxios parentes noverint, qui liberis ingressum religionis procurant, vel quod natura sint ad res gerendas inepti, animo hebetes, vel corpore vitiosi, aut valde deformes; vel certe ut aliis liberis istorum quasi ablegatione ampliores opes relinquant „ „.

Parentum avaritiam filios religiosos velut exheredantium graviter perstringit *Salvianus* lib. 3. Ad Ecclesiam catholicam; „ „ Nullus (*inquit*) omnino a suis minus relinquitur, quam quibus ob Dei reverentiam plus debetur; nullos pietas minus respicit, quam quos religio præcipue commendat. Denique si qui a parentibus filii offeruntur Deo, omnibus filiis postponuntur oblati; indigni judicantur hæreditate, quia digni fuerint consecratione; ac per hoc una tantum re parentibus viles fiunt, quia coeperint Deo esse pretiosi. Ex quo intelligi potest, quod nullus pene apud homines vilior est, quam Deus; cujus utique sit despectione, ut eos præcipue parentes filios spernant, qui ad Deum coeperint pertinere. Sed præclaram videlicet, qui hæc faciunt, rationem consilii sui reddunt, dicentes: Quid opus est, ut filiis jam religiosis æqua hæreditatis portio relinquatur? Nihil ergo justius, nihil dignius, quam ut, quia coeperunt religiosi esse, mendicent? Non quidem quod eos hæc res mendicitate oppressura sit, quod a terrenis facultatibus abdicantur, cælum spe possidentes, cito etiam re possessuros, regente illos Deo suo, ac protegente, qui eos cum immortalis spe æternorum, etiam sufficientia temporalium munerabit. Sed tamen quantum ad inhumanitatem parentum pertinet, egent, a quibus sic relictæ sunt, ut egerent. Certe etiam si qui non penitus domo eliminantur, & quibus non omnino extorribus, quasi igne, & aqua interdicitur (cum aut tenues, aut certe usufructuarii relinquuntur) tamen tanto inferiores fratribus relinquuntur, ut etiam si paupertate non egeant, comparatione tamen egere videantur, &c. „ „

Avaritia
parentum
filios reli-
giosos ne-
gligentium,
& ex bonis
suis non ju-
vantium.

REGULA XIII

Lethalis avaritiæ, & rapinæ rei sunt Judices, qui munera accipiunt, vel ut jus dicant, vel ut alicui pretium faveant, vel ut crimina impunita relinquunt, & quamvis ea intentione non accipiant, ut violent justitiam, ratione tamen scandali, & periculi, in quod se conjiciunt, a lethali avaritiæ labe non sunt immunes, si dominatrix cupiditas eos ad munerum receptionem impellat.

Avaritia judicium.
Munerum acceptio à vino jure vetita Judicibus.

Hinc munerum acceptionem Scriptura sacra judicibus interdicit, graviaque mala ex ea oriri declarat. Exodi 23. *Nec accipies munera, quæ etiam excæcant prudentes, & subvertunt verba justorum.* Deut. 16. *Non accipies personam, nec munera; quia munera excæcant oculos sapientum, & mutant verba justorum.* Et cap. 27. *Maledictus, qui accipit munera, ut perentiam animam sanguinis innocentis.* Il. 1. *Principes tui infideles, socii furum; omnes diligunt munera, sequuntur retributiones, papillo non judicant, & causa vidua non ingreditur ad illos.* Et cap. 5. *Va qui justificatis impium pro muneribus, & justitiam justî auferitis ab eo.* cap. 33. *Qui ambulat in justitiis, & loquitur veritatem, qui projicit avaritiam ex calumnia, & excutit manus suas ab omni munere. . . Iste in excelsis habitabit.* Pl. 25. *Ne perdas cum impiis, Deus, animam meam, & cum viris sanguinum vitam meam. In quorum manibus iniquitates sunt, dextera eorum repleta est muneribus.* Prov. 15. *Conturbat domum suam, qui scèssatur avaritiam, qui autem odit munera, vivet.* Prov. 17. *Munera de sinu impius accipit, ut pervertat semitas judicii.* Ecclesi. 20. *Xenia, & dona excæcant oculos judicum, & quasi mutus in ore avertit correptiones eorum.* Job 15. *Ignis devorabit tabernacula eorum, qui munera libenter accipiunt.* Jure etiam civili prohibetur munerum acceptio, scilicet L. *Plebiscito*, ff. de Officio *Præsidis*. S. *Solet*, ff. de Officio *Proconsulis*, Auth. *novò Jure*, C. de *Pana jud.* Auth. *De Judicibus*, ff. *Nullo quoque.* Idemque Judicibus ecclesiasticis species-

Jure etiam canonico & civili.

cia-

ciatim prohibetur, c. *Cum ab omni*, Ext. *De Vita, & honestate Clericorum*, & c. *Statutum*, tit. *De Rescriptis* in 6. Hinc adversus Judices munera accipientes gravissimæ poenæ statutæ sunt jure civili. In causa pecuniaria pro promisso duplum imponitur, pro dato triplum; in criminali, omnium bonorum proscriptio, & exilium. Apud Romanos capitale quondam crimen fuit ex lib. 12. Tabularum. Munerum denique quamvis exiguum acceptio a partibus litigantibus, sub poena criminis concessionis, & repetundarum prohibita est Regum christianissimorum Edictis, Aurelianensi, art. 43. Molinenſi art. 19. Blesensi art. 114. Venditionem justitiæ gravius esse peccatum venditione beneficii ecclesiastici, censet *Petrus Blesensis*, Ep. 115. „ „ Quidam sunt (*inquit*) qui super exhibitione, aut executione justitiæ literas non indulgent, nisi sub certa promissione pecuniæ. Sed sciat quisquis hujusmodi literas vendit, quod Dei justitiam, cujus debitor est, & quam gratis exhibere tenetur, venalem exponit. . . Certe acceptior est apud Deum justitia, quam præbenda. Ideoque, cum in utroque possit simonia committi, damnabilior tamen est omnis venalitas in exhibitione justitiæ; quam in venditione decimæ, vel præbendæ „ „

Venditio
justitiæ
quam grave
peccatum.

Si tamen non sint ejusmodi munera, quæ integritatem Judicis corrumpere valeant, & officii, atque humanitatis, potius quam lucri, & cupiditatis motu recipiuntur, potest Judex illa recipere absque peccato ab amicis, sed nunquam a partibus litigantibus, aut earum nomine. Id enim non solum mali speciem semper habet, a qua Christianos omnes abstinere jubet Apostolus, sed legibus prohibitum, & scandalo obnoxium est. Ea de re *S. Hilarium* audire non ingratum erit, ea Pl. 14. verba *Et munera super innocentem non accepit*, exponentem. „ „ Est quædam (*inquit*) munerum consuetudo, quæ honorem afferat largienti, ita ut majoris doloris sit oblata contemni, quam dona donatæ, quæ sumpta sunt.

Judices
nulla pro-
fus munera
recipere
possunt a li-
tigantibus

218 Theol. Dog. & Moral. Lib. III.

Igitur ea munera, quæ in alterius operarentur injuriam, inhibuit. Nam si usum omnino munerum abstulisset, satisfuerat dixisse: *Et munera non accepit*; sed quia simplex donorum usus ex hominis, aut etiam Dei reverentia venit, ea vetuit munera, quæ integritatem judicii corrumpere, quæ innocentis injuriam emerent, quæ nullum in se charitatis mutui officium continerent. Etenim, quæ Deo offerimus, his quidem ille non eget, sed per nos debitæ reverentiæ explentur officio. Ita etiam in muneribus docet servandam esse rationem, ut ea sumantur a nobis, quæ sint grata, & utilia offerentibus, non quæ nos faciant venales nec insidiosa innocentibus sint, nec munerantibus sumptuosa, officio potius quam cupiditate sumpta; honore ingesta, quam metu, charitate magis suscepta, quam lucro „ „.

Propositio
damnanda.

Ex his patet, quam merito damnanda sit hæc recentiorum quorundam Casuistarum propositio: „ Possunt Judices accipere munera a litigantibus; „ nec tenentur restituere, quæ acceperint ad pronuntiandam sententiam „. Clerus etiam gallicanus anno 1700. judicavit hanc propositionem *Falsam, perniciosam, verbo Dei contrariam, & judicium corruptelas inducentem*,

REGULA XIV.

Quamvis lethalis avaritiæ rei sint iudices, qui vendunt justum judicium, & testes, qui verum testimonium, possunt tamen Advocati absque avaritiæ labe vendere justum patrocinium, vel consilium.

Justum Advoca-
torum
stipendium.

Hanc Regulam tradit *S. August.* Epist. 153. alias 54. *Ad Macedonium*, cap. 6. „ „ Non ideo (*inquit*) debet iudex vendere justum judicium, aut testis verum testimonium, quia vendit Advocatus justum patrocinium, & jurisperitus verum consilium. Illi enim inter utramque partem ad examen adhibentur; isti ex una parte consistunt. Cum autem iudicia, & testimonia, quæ nec justa, & vera vendenda sunt,

sunt, iniqua, & falsa venduntur, multo sceleratius utique pecunia sumitur, quia scelerate etiam quamvis a volentibus datur. Ille tamen solet tanquam male sibi ablatam pecuniam repetere, qui iustum iudicium emit, quoniam venale esse non debuit. Qui vero pro iniquo iudicio dedit, vellet quidem repetere, nisi timeret, vel puderet emisse „ „ Refertur in Decretis, causa 14. qu. 52. can. *Non sane*. Idem docet S. Thomas, 2. 2. qu. 71. art. 4. ad 3. „ „ Iudex (*inquit*) & testis communes sunt utrique parti; quia iudex tenetur iustam sententiam dare, & testis verum testimonium dicere. Iustitia autem, & veritas non declinant in unam partem magis, quam in aliam. It ideo iudicibus de publico sunt stipendia laboris statuta, & testes accipiunt, non quasi pretium testimonii, sed quasi stipendium laboris, expensas, vel ab utraque parte, vel ab ea, a qua inducuntur, quia *Nemo militas suis stipendiis unquam*. Sed advocatus 1. Cor. 9. alteram partem tantum defendit; & ideo licite potest primum accipere a parte, quam adjuvat „ „ Eademque ratio est de Procuratoribus, Notariis & aliis inferioris loci, & officii hominibus: „ „ Dum tamen moderate accipiant, considerata ratione personarum, & negotiorum, & laboris, & consuetudine patriæ, & *Regiorum edictorum verbis*. Si autem per improbitatem aliquid immoderate extorqueant, peccant contra iustitiam „ „ (*inquit S. Thom.*) Unde S. August. ibidem ait: „ „ Ab his extorta per immoderatam improbitatem repeti solent; data per tolerabilem consuetudinem, non solent; magisque reprehendimus, qui talia inusitate repetiverunt, quam qui ea de more sumplerunt; quoniam multæ necessariæ personæ rebus humanis vel invitantur huiusmodi commodis, vel tenentur „ „

R E G U L A XV.

Lethalis avaritiæ reus est Advocatus, conveniens de quota parte litis, aut pactum iniens, ut obtenta causa tantum sibi solvatur.

Advocato-
rum vi-
tium.

Id enim jura vetant, ne præbeatur advocatis oc-
casio volendi per fas, & nefas causam obtinere.
Id confirmat *S. Antoninus* 3. p. tit. 6. cap. 2. §. 5.
ubi vitia advocatorum perccnens: Quarto (inquit)
peccant, „ recipiendo nimis magnū salarium, vel
„ paciscendo de certa parte litis cum gravi damno
„ litigatoris, quod prohibetur 3. q. 7. cap. Infamis.
„ §. Tria „.

R E G U L A X V I.

Lethalis avaritiæ rei sunt mercatores, qui lucrum
tanquam finem ultimum expetunt.

Avaritia
mercato-
rum.

Nititur hæc morum Regula, can. *Quicunque*,
causa 14. qu. 4. qui ex lib. 1. Capitularium cap.
1; 1. sumptus est. „ „ Quicunque tempore messis,
vel vindemiæ, non necessitate, sed propter cupidi-
tatem comparat annonam, vel vinum, v. gr. de duo-
bus denariis comparat modium unum, & servat us-
que dum vendatur denariis quatuor, aut sex, aut
amplius, hoc turpe lucrum dicimus „ „

Hanc Regulam confirmat *S. Thom.* 2. 2. qu. 77. art.
4. ad 1. Censetur autem finem ultimum in lucro con-
stituere, si Dei legem violare lucri gratia paratus
sit: Item „ „ Quando rem non immutatam carius
vendit. At Cum aliquis lucrum moderatum, quod
negotando quærit, ordinat ad domus suæ sustentatio-
nem, vel etiam ad subveniendum indigentibus, vel
etiam cum aliquis negotiationi intendit propter pu-
blicam utilitatem, ne scilicet res necessariæ ad vitam
patriæ desint; & lucrum expetit non quasi finem,
sed quasi stipendium laboris, non peccat „ „

R E G U L A X V I I.

Lucrum tanquam finem ultimum expetunt, qui alie-
nis incommodis compendium suum quærent; &
honesti rationem sola utilitate metiuntur.

Nihil judi-
candum
utile, nisi

Id hominum genus omni execratione dignum *Tul-*
lius ipse judicavit, lib. 3. *De Officiis* demonstrans,
Nihil

Nihil esse utile, nisi quod honestum. Sed *S. Ambrosius* audire præstat, libro pariter 3. *De Officiis*, cap. 4. quod in commune proficit.

„ Liqueat (*inquit*) id expetendum, & tenendum omnibus, quod eadem singulorum sit utilitas, quæ sit universorum. Nihilque judicandum utile, nisi quod in commune proficit, quomodo enim potest uni prodesse, quod inutile est omnibus? Mihi certe non videtur, qui inutilis est omnibus, sibi utilis esse posse. Etenim si una lex naturæ omnibus, una utique utilitas universorum. Quod si una utilitas universorum, ad consulendum itaque omnibus naturæ lege constringimur. Non est ergo ejus, qui consultum velit alteri secundum naturam, nocere ei adversus legem naturæ. Etenim si hi, qui in stadio currunt, ita feruntur præceptis informari, atque instrui, ut unusquisque celeritate non fraude contendat, cursuque, quantum potest, ad victoriam properet, supplantare autem alterum, aut manum dejicere non auit; quanto magis in hoc cursu vitæ istius, sine fraude alterius, & circumscriptione quærenda nobis victoria est „ „?

Et cap. 3. „ „ Hoc est (*inquit*) conformari Christo, alienum non quærere, nihil alteri detrahere, ut acquirat sibi. Christus enim Dominus cum esset in forma Dei, exinanivit se, ut formam susciperet hominis, quam operum suorum locupletaret virtutibus. Tu ergo expolias, quem Christus induit? Tu exuis, quem vestivit Christus? Hoc enim agis, quando alterius detrimento tua commoda augeri expetis. Considera, o homo, unde nomen sumpleris; ab humo utique, quæ nihil cuiquam eripit, sed omnia largitur omnibus, & diversos in usum omnium animantium fructus ministrat. Inde appellata humanitas, specialis, & domestica virtus hominis, qua consortem adjuvet. Ipla te doceat forma tui corporis, membrorumque usus. Nunquid membrum tuum alterius membri officia sibi vindicat, ut oculus officium oris, aut os oculi officium sibi vindicet, aut manus pedum ministerium, aut pes manuum? Quin etiam ipsæ manus dextera, ac sinistra dispersita habent officia ple,

Humanitas, specialis, & domestica virtus hominis.

2. Cor. 12.

Contra legem naturæ est proximum non juvare.

pleraque, ut si usum commutes utriusque, adversum naturam sit, priusque totum hominem exuas, quam membrorum tuorum ministeria convertas. . . Finge hanc, & da oculo virtutem, ut possit detrahere sensum capiti, auditum auribus, menti cogitationes, odoratum naribus, ori saporem, & sibi conferat, nonne omnem statum dissolvit naturæ? Unde pulchre Apostolus ait: Si totum corpus oculus, ubi auditus? Si totum auditus, ubi odoratus? Omnes ergo unum corpus sumus, & diversa membra, sed omnia corpori necessaria. Non enim potest membrum membro dicere, non es mihi necessarium. Quin etiam ipsa, quæ videntur infirmiora membra esse, multo magis necessaria sunt, & majorem plerumque tuendi se requirunt sollicitudinem. Et si quid dolet membrum unum, compatiuntur ei membra omnia. Unde quam grave est, ut detrahamus aliquid ei, cui nos compati oportet? & cui debemus consortium ministerii, ei fraudi, & noxæ simus? Hæc utique lex naturæ est, quæ nos ad omnem stringit humanitatem, ut alter alteri tanquam unius partes corporis invicem deferamus; nec detrahendum quidquam putemus, cum contra naturæ legem sit non juvare. Sic enim nascimur, ut consentiant membra membris, & alterum alteri adhæreat, & obsequantur sibi mutuo ministerio. Quod si unum desit officio suo, impediuntur & cætera; ut si eruat oculum manus, nonne sibi operis sui usum negavit? Si pedem vulneret, quantorum sibi actuum profectum inviderit? Et quanto gravius est totum hominem, quam unum membrum detrahi? Jam si in uno membro totum corpus violatur, utique in uno homine communio totius humanitatis solvitur, violatur natura generis humani, & S. Ecclesiæ Congregatio, quæ in unum connexum corpus, atque compactum unitate fidei, & charitatis assurgit. Christus quoque Dominus, qui pro universis mortuus est, mercedem sanguinis sui evacuatam dolebit. Quid quod etiam ipsa lex Domini hanc formam tenendam edo-

edocet, ut nihil alteri detrahas tui commodi servandi gratia? (Nihil ergo spectat vir justus, nisi quod constans & honestum est (inquit idem Pater c. 1.) Et ideo etiam si aliis videatur pauper, sibi dives est, qui non eorum, quæ caduca, sed eorum, quæ æterna sunt, æstimatione censetur „ „.

ARTICULUS III.

De filiabus avaritiæ.

Radix omnium malorum cupiditas (inquit Apost. 1. ad Tim. 6.) quia sicut ex radice rami, folia, flores, fructus progerminant, & sobolescunt, ita ex avaritia omne genus vitiorum. Id significavit Amos Propheta, Vaticaniorum suorum cap. 9. *Vidi (inquit) Dominum stantem super altare, & dixit: Percute cardinem, & commoveantur superliminaria: Avaritia enim in capite omnium.* Præmiserat sanctissimus Vates: *In die illa deficient Virgines pulchræ.* Quas S. Hieron. illud Oraculum exponens, virtutes interpretatur. Septem autem sunt avaritiæ filiæ, secundum S. Gregorium, lib. 31. *Moralium*, cap. 31. scilicet: *Proditio, fraus, fallacia, perjurium, inquietudo, violentia, & contra misericordiam obduratio.* Ex avaritia enim præcipua quadam ratione oriuntur, ad eamque ceu ad finem ordinantur.

Proditio est manifestatio illicita rei alicujus vel personæ, in proximi detrimentum vergens, & explenda avaritiæ causa. Quadrupliciter exerceri potest; primo respectu personarum, secundo respectu locorum, scilicet urbium, castrorum, &c. tertio respectu rerum mobilium, quarto respectu arcanorum.

Fraus peccatum est, quo quis media astute ad proximi deceptionem excogitata adhibet ad assequendum avaritiæ finem.

Istud autem discrimen intercedit inter astutiam, dolum, & fraudem, quod astutia sit excogitatio viarum falsarum, simulatorum, & obliquarum ad finem aliquem consequendum; dolus sit executio astutiæ seu

verbis, seu factis. Verbis, unde Psal. 9. dicitur *cujus maledictione os plenum est, & amaritudine & dolo* Psal. 11. *Labia dolosa in corde, & corde locuti sunt. Disperdat Dominus universa labia dolosa.* Psal. 13. *Linguis suis dolose agebant.* Psal. 14. *Non egit dolum in lingua sua.* Psal. 49. *Et lingua tua concinnabat dolos.* Psal. 51. *Dilexisti omnia verba precipitationis, lingua dolosa.* Psal. 108. *Loquebantur adversum me lingua dolosa.* Psal. 119. *Libera animam meam a labiis iniquis, & lingua dolosa.* Factis vero; unde Psal. 104. dicitur: *Et dolum fecerunt in servos ejus.* Quamvis & in corde sit dolum secundum illud Eccl. 19. *Interiora ejus plena sunt dolo.* Et Psal. 37. *Dolos tota die meditabantur.* At fraus ad astutiæ executionem spectat, quatenus ejus opus factis consummatur. Marci 10. *Ne fraudem feceritis.*

§ Th. 2. 2.
q. 15. art. 3.
ad 2.

Astutia porro ita viro christiano indigna est, ut ne ob bonum quidem finem liceat: „Nec enim oportet „ad finem bonum fallis viis pervenire, & simulatis, „sed veris. Unde etiam astutia, si ordinetur ad bonum finem, est peccatum „, ad fallam prudentiam pertinens. De qua S. Gregor. lib. 10. *Moralium*, cap. 16. exponens illud Job 12. *Deridetur justus simplicitas*, ait: „Sapientia hujus mundi est cor-machinationis tegere, sensum verbis velare, quæ falsa sunt; vera ostendere, quæ vera sunt, falsa demonstrare: Hæc nimirum prudentia usu a juvenibus scitur, hæc a pueris pretio discitur „.

Fallacia. *Fallacia est verborum mendacium, aut equivocorum dolosa usurpatio ad decipiendum proximum.*

Perjurium. *Perjurium est hujusmodi verborum usurpatio in eundem finem juramento confirmata.*

Inquietudo. *Inquietudo, seu sollicitudo, est nimia, anxioque animi occupatio circa temporalia vitæ subsidia, ne forte in futurum desint.*

Violentia. *Violentia est peccatum, quo quis ditior, & potentior aliena usurpat; suam ut expleat cupiditatem: Seu Tyrannis pauperes opprimens oneribus, rapinis, injuriis, verberibus, iniquis pecuniarum, vel operum exactionibus.*

Obduratio contra misericordiam est pravus animi affectus, quo divites ita rerum suarum sunt tenaces, ut cor eorum miseriis proximorum emolliri non possit ad eorum inopiam suis opibus sublevandam.

Obduratio
contra mi-
sericor-
diam.

De plerisque avaritiæ filiabus *S. Augustinus*, Serm. 367. alias 15. *De Verbis Domini*, hunc in modum differit: „ Inexplebilis est sola avaritia divitum. Semper rapit, & nunquam satiatur; nec Deum timet, nec hominem reveretur; nec patri parcit, nec matrem agnoscit, nec fratri obtemperat, nec amico fidem servat; viduas opprimit, pupilli rem invadit; libertos in servitium revocat, testamentum falsum profert. Res mortui occupantur, quasi non & ipsi, qui hoc faciunt, moriantur. Quæ est ergo ista animarum insania, amittere vitam, appetere mortem? acquirere aurum, & perdere coelum „ „?

Et *S. Leo*, Serm. 9. *De Passione Domini*, cap. 4. „ Videte, dilectissimi, quæ germina, & quales fructus de avaritiæ stirpē nascantur, quam merito Apostolus radicem omnium malorum esse definivit; quia nullum peccatum sine cupiditate committitur, & omnis illicitus appetitus istius aviditatis est morbus. Amore pecuniæ vilis est omnis affectio, & anima lucri cupida etiam pro exiguo perire non metuit; nullumque est in illo corde justitiæ vestigium, tibi avaritia sibi fixit habitaculum. Hoc perfidus Judas veneno, dum sitit lucrum, pervenit ad laqueum; & tam stulte impius fuit, ut triginta argenteis & Dominum venderet, & Magistrum „ „.

ARTICULUS IV.

REGULÆ MORUM

Filias avaritiæ spectantes; ac imprimis proditionem;

REGULA PRIMA.

Proditio lethale crimen est, cum quis proximum simu-
lata specie amicitiae occidit; vel in hostium manus
tradit; aut factum aliquod manifestat, cujus denun-
tiatione grave damnum proximo procuratur.

De proditi-
one.

Sic *Cain* deambulationis specie invitatum in agrum fratrem interficiens, *Genes. 4.* homicidii crimen proditione cumulavit. Sic *Dalila* meretrix *Samsonem* in sinu suo recumbentem, abrahis septem crinibus, fractum, & debilitatum, Philistæis tradidit, a quibus pecuniam acceperat; qui statim eruerunt oculos ejus, & duxerunt Gazam victum catenis, & clausum in carcere molæ admovent. (*Judic. 16.*) Sic *Doeg* proditionis scelus commisit, cum *Sauli* denunciavit *Davidem* Nobe ab *Achimelech* Sacerdote receptum, quo audito, *Saul* omnes Sacerdotes Domini trucidari jussit, & Nobe civitatis sacerdotalis incolas universos gladio exterminari. (*1. Reg. 21. & 22.*) Sic *Joab* occurrens *Amasa* regii exercitus æmulo Duci dixit: *Salve, mi frater. Et tenuit manum dextera mentum Amasa, quasi osculans eum.* Et gladio percussit eum in latere, & effudit intestina ejus in terram; (ut refertur *2. Reg. 20.*) Sic *Judas Iscariotes* triginta argenteos pactus, Dominum nostrum Jesum Christum Judæis tradidit, *Matth. 26.* cum „Vim sceleris per speciem pacis incipiens, signum „traditionis sæviore omnibus telis osculo præbuisse;“ ut loquitur *S. Leo* Sermone 1. *De Passione Domini.*

R E G U L A II.

Traditio perduellium legitimo Principi, contra quem conjurarunt, sive seditionem moverunt, non est peccatum, sed officium.

Sic mulier sapiens de Abela *Sebam* filium *Bechri* perduellem adversus *David* Regem, tradendum suavit *Joab* civitatem nomine *Davidis* obsidenti. Cumque populus abscissum perduellis hominis caput per murum ad *Joab* projecisset, ille obsidionem solvit (*2. Regum 20.*)

R E G U L A III.

Lethalis criminis reus est, quisquis regnum, provinciam, urbem, castrum, aut aliquem locum, seu fidei suæ, seu alienæ commissum, & a legitimo Domino possessum, tradit hostibus. Hinc

Hinc Andegavense Concilium, can. 6. „ Qui in tradendis (*inquit*) vel capiendis civitatibus interfuisse fuerint detecti, non solum a communione habeantur alieni, sed ne conviviorum quidem admittantur esse participes „ „ Et merito; fides enim, & justitia hujusmodi prodicione violantur; grave detrimentum Principi, aut Domino locorum infertur. Hoc scelere se obstrinxerunt Angli, qui regnum Arausiaco Principi tradiderunt, in Deum. Regemque legitimum magnæ Britanniae *Jacobum* perfidi; & qui nefaria conjuratione regnum Neapolitanum Philippo V. Regi catholico, legitimoque Domino nuper eripere conati sunt. Sed cruenta, & bonis omnibus execranda consilia, Deus christianissimi Regis; Nepotisque Catholici, & Gallicæ, Hispanæque monarchiæ protector patefecit, confudit, evertit, dissipavit.

R E G U L A I V.

Lethalis prodicionis reus est, qui fidem non solum amico, sed hosti datam violat in re gravi.

Hanc Regulam tradit *S. August.* Epist. 189. alias 205. „ Fides (*inquit*) quando promittitur, etiam hosti servanda est, contra quem bellum geritur, quanto magis amico, pro quo pugnatur „ ? Et *S. Thom.* 2. 2. qu. 40. art. 3. *Illicitum semper esse* docet fallere hostes, vel dicendo falsum, vel non servando promissum. „ Sunt enim quædam jura bellorum, & foedera, etiam inter ipsos hostes servanda „ Hinc *S. Ambros.* lib. 1. *De Officiis*, c. 29. „ Quanta (*inquit*) justitia sit, ex hoc intelligi potest, quod etiam hostibus reservatur, ut si constitutus sit cum hoste, aut locus, aut dies prælio, adversus justitiam putetur prævenire „ „

R E G U L A V.

Lethalis prodicionis rei sunt, qui adversus legitimum Principem suum quocunque modo conjurant, aut ab eo deficiunt, & juratam ipsi, vel debitam fidem violant.

Rom. 13.

Divini enim præcepti per Apostolos Petrum, & Paulum in eorum Epistolis promulgati, quò nos *Regi subiectos* esse jubet; & *Qui resistunt potestati, ordinationi Dei resistere, & damnationem sibi acquirere* docet, sunt prævaricatores manifesti. Ipsorum ideo perfidiam excommunicatione ulciscitur Ecclesia, Concilii Toletani 4. can. 74. Toletani 5. can. 2. & 4. Toletani 7. can. 1. Toletani 12. can. 1. Aquilgranenlis 2. p. 2. cap. 12. Moguntini sub *Rabano* Archiepiscopo, can. 5. Meldensis can. 14. & 15. Wormatiensis can. 43.

R E G U L A VI.

Lethalis proditiōis reus est, quicumque subditos sollicitat, ut a legitimo suo Principe deficiant, & per occultas machinationes ad regni fastigium adrepit.

Talis fuit *Abfelonis* proditio 2. Regum cap. 15. Contra hujusmodi sceleris reos Synodus Toletana 8. excommunicationem decrevit. „ „ Quemcunque (*inquit*) aut per tumultuosas plebes, aut per absconsa dignitatis publicæ machinamenta adeptum esse constiterit regni fastigia, mox idem cum omnibus, tam nefarie sibi consentientibus, & anathema fiat, & Christianorum communionem amittat „ „

R E G U L A VII.

Lethalis proditiōis rei sunt, qui casus Principum exquirunt, & vivente Principe de Successore eligendo consilia agitant, & alios in partes trahunt.

De proditiōis crimine.

Hujus sceleris reos excommunicatione percellit Concil. Toletanum 5. can. 4. „ „ Quia (*inquit*) & religioni inimicum, & hominibus constat esse perniciosum futura illicita cogitare, & casus Principum exquirere, ac sibi impoſterum providere... censemus, ut quisquis inventus fuerit talia perquisisse, & vivente Principe in alium attendisse pro futura regni

gni spe ; aut alios in se propter id attraxisse , a conventu Catholicorum excommunicationis sententia expellatur „ „

R E G U L A VIII.

Lethalis proditiōis rei sunt Clerici , & Laici adversus Episcopos suos conjurantes & consilia ineuntes , & cartas conscribentes.

Clericos quidem hujus sceleris reos a Cleri matricula expungendos , omnique gradu privandos , & curiæ seculari tradendos , Laicos vero excommunicatione plectendos Canones decernunt , Canon , *Conjuratiōum* , & , *Si qui Clerici* , causa 11. qu. 1. qui Concilii Chalcedonensis Canon decimus octavus est. Et Canon , *Conspiratiōum* , qui *Calixto* Papæ tribuitur , ibidem. Et Can. *Si qui Clericorum* , 2. qui Concilii Aurelianensis 3. Can. vigesimus primus est. Item Can. *Clericus* , causa 3. qu. 4. Et Can. *Clericus* , dist. 46. qui Concilii Carthaginensis 4. Canon quinquagesimus sextus est.

R E G U L A IX.

Lethalis proditiōis reus est , qui absconditas alicujus pecunias , vestes , aut quamlibet suppellectilem , cartas , titulos , contractus , apochas , codices magni momenti , & similia indicat latroni , ut ea rapiat.

Is enim furti particeps & conscius est ; unde & restitutionis lege tenetur. Sic proditiōis , & quidem sacrilegæ , reus fuit *Simon* de tribu Benjamin , Templi hierosolymitani præpositus , qui *Apollonio* duci thesauros ejusdem templi manifestos fecit , ad quos rapiendos missus est a *Seleuco* Rege *Heliodorus*. (2. *Machabæorum* c. 3.)

R E G U L A X.

Lethalis proditiōis reus est , quisquis alterius arcanium in ejus detrimentum aperit , & divulgat.

Id scilicet naturæ legi , fidei , amicitiae , justitiæ repugnat. Sic proditiōis rei sunt Consiliarii , &

ministri Principum, vel rerum publicarum, qui ipsorum arcana revelant. Secreti fidem ita servandam existimavit *S. Ambrosius*, ut neque cum amantissimo fratre Satyro communium amicorum secreta communicare sibi integrum esse duceret, ut ipse tectatur lib. 1. *De excessu fratris sui Satyri*. Num. 39. „ „ Cum omnia nobis essent nostra communia (*inquit*) individuus spiritus, individuus affectus; solum tamen commune non erat secretum amicorum; non quo conferendi periculum vereremur, sed tenendi servaremus fidem. Sane si consilio pendenda res esset, erat semper commune consilium, nec semper commune secretum. Nam etsi amici ita alteri nostrum dicerent, ut dicta sua ad alterum pervenirent; tamen scio plerumque ita fidem secreti esse servatam, ut nec fratri committeretur. Erat enim fidele indicium, & extraneo non esse proditum, quod non esset cum fratre collatum „ „

Proditionis rei sunt, quicumque societatis alicujus arcana consilia, & negotia in ejus damnum patefaciunt. Proditionis rei sunt procuratores, & advocati, qui clientum arcana revelant adversæ parti; medici, chirurgi, pharmacopolæ, qui morbos pendentes, sed occultos eorum, qui se ipsorum fidei, curisque crediderunt, ad ipsorum infamiam divulgant. Sacrilegæ proditionis rei sunt Confessarii sacramentalis Confessionis arcanum revelantes. Proditionis lethale crimen incurrunt, quicumque arcanum amici ipsius creditum, quod gravis sit momenti, & ex cujus revelatione malum ipsi probabiliter imminet, alteri præter ipsius voluntatem revelant. His enim, quos nobis amicos existimamus, arcana nostra lubenter committimus, non extraneis, & ignotis, vel quibus diffidimus, ne inde insultandi nobis, nocendique occasionem arripiant, secundum illam *Salomonis* sententiam, Prov. 25. *Causam tuam tracta cum amico tuo, & secretum extraneo ne reveles; ne forte insultet tibi, cum audierit, & exprobrare non cesset. Qui autem amici revelat arcanum, violat amicitie*

citiz jura , & fraudulenter nocet amico suo ; quare nec imprudentia , vel inconsideratio ipsum a peccato lethali excusant , si res sit gravis momenti. Unde Prov. 26. scriptum est : *Sicut noxius est , qui mittit sagittas , & lanceas in mortem ; ita vir , qui fraudulenter nocet amico suo ; & cum fuerit deprehensus , dicit : Ludens feci.* Hinc rursus Prov. 11. *Qui ambulat fraudulenter , revelat arcana ; qui autem fidelis est animi , celat amici commissum.* Et Eccl. 22. *Ad amicum si aperueris os triste , ne timeas. Est enim concordatio , excepto convitio , & improprio , & superbia , & mysterii revelatione , & plaga dolosa ; in his omnibus effugiet amicus.* Et cap. 27. *Qui denudat arcana amici , fidem perdit , & non inveniet amicum ad animum suum. Dilige proximum , & conjungere fide cum illo ; quod si denudaveris , absconsa illius , non persequeris post eum.* Et infr. *Denudare amici mysteria , desperatio est anima infelicis.*

Proditionis denique lethale crimen est alienarum literarum resignatio juri gentium contraria , & publicæ fidei , cui sigilla literarum credita intelliguntur , debitamque mittenti , & ei , ad quem mittuntur velut animati legati , justitiam violans. Cum enim jus habeat homo cogitationes suas abscondendi , & cui voluerit , patefaciendi ; ita ut ne ipsi quidem Angeli cogitationes nostras certo cognoscere possint , nisi revelantibus nobis , aut aliquo signo externo animi nostri affectum pendentibus ; idque unius Dei proprium sit , cujus supremum est in mentes nostras , atque voluntates dominium , nullum jus habet homo cogitationes , & arcana consilia , vel negotia alterius literis commissa , & sigillo munita cognoscendi. Unde non solum injustæ curiositatis , verum etiam proditionis crimen incurrit , quisquis obsignatas aliorum literas invitis dominis resignat.

*Alienarum
literarum
resignatio
grave peccatum.*

Exceptiones tamen habet hæc Regula. Si enim alienis literis res levis duntaxat momenti contineri certus sit , venialis tantum peccati reus est. Nullus vero , si ejusmodi literas , vel in proprium , vel in

Exceptiones.

tertiū cuiuspiam, præsertim communitalis damnum conscriptas esse non temere, sed probabiliter iudicet. Jure namque suo excedit, qui in alterius damnum eo abutitur. Publica etiam auctoritate alienæ literæ licite referantur, scilicet Regis, Proregis, aut Præfecti provinciæ, vel urbis, aut Ducis exercitus mandato, tempore belli; item jussu Magistratuum, cum ad eos scriptæ sunt, qui criminis alicujus in suspicionem veniunt. Licet etiam patri, & matri referare literas filiorum, & filiarum, qui sub eorum cura adhuc versantur. Idemque judicium esto de iis, qui patris, & matris loco sunt post eorum mortem. Vir pariter potestatem habet resignandi literas uxoris, cum sit caput, & rector illius, non uxor viri, cui subdita esse debet, ipso invito, & repugnante. Hinc illiberitana Synodus, can. ultimo sanxit: „ Ne „ feminae suo potius quam maritorum nominibus, „ laicis scribere audeant, qui fideles sunt, vel literas „ alicujus pacificas ad suum nomen scriptas accipiant. „ Quo Decreto maritorum honori, & auctoritati, feminarum castitati, & pudori consultum, audaciæ sollicitatorum obviam itum est. Licet etiam Superioribus Religiosorum hominum, & Abbatissis, aut Priorissis monialium, quibus literarum scriptiōe, ac receptione clandestina Regula, vel Constitutiones monasticæ interdiciunt, subditorum vel subditarum literas aperire, & legere. Qua de re *S. August.* Epistola 211. alias 109. quæ regula est Sanctimonialibus præscripta, ita statuit: „ Quæcunque in tantum progressa fuerit malum, ut occulte ab aliquo literas, vel quælibet munuscula accipiat, si hoc ultro confitetur, parcatur illi, & oretur pro ea. Si autem deprehenditur, atque vincitur, secundum arbitrium Præpositæ, vel Presbyteri, vel etiam Episcopi, gravius emendetur „ „ Et *S. Benedictus*, in Regula cap. 54. „ „ Nullatenus liceat monacho, nec a parentibus suis, nec a quoquam hominum, nec sibi invicem literas, eulogias, vel quælibet munuscula accipere, aut dare, sine præcepto Abbatis „ „

Ex-

Exceptiones pariter habet Regula de arcanis aliorum non revelandis. Tantum enim abest, ut prodicionis reus sit, mortaliq[ue] peccato se obstringat, qui arcanum a quopiam, etsi amicissimo, sibi creditum revelat, cum vergit in grave damnum tertii, præsertim Ecclesiæ, Regis, reipublicæ, aut cujuslibet communitalis; ut e contrario lethale crimen incurreret, nisi arcanum hujusmodi revelaret iis, quorum interest, ut damnum caveant, vel prohibeant; nefariiq[ue] consilii executionem impendant. Sic laude dignus *Chusai* amicus *Davidis* Regis, qui dissipavit consilium *Achitophel*, arcanaq[ue] consilia perduellis *Abjalon*, & Seniorum Israel, *Davidi* Domino suo revelavit, ut refertur 2. Reg. 17. Si quis igitur hæreses, aut prava quævis dogmata contra morum disciplinam, contra fidem, reverentiam, & obedientiam Principi debitam occulte disseminet, aut meditetur; si quid molitur contra sacram Regis majestatem, vel jura, contra regni tranquillitatem, & pacem; si alicujus etiam privati, vitæ, famæ bonis insidietur; omnino tenetur hæc arcana denuntiare, & revelare iis, quorum interest, quisquis ille sit, cui credita sunt, si humano modo illa noverit, & exceperit, etiamsi dixerit vir nequam, hoc tibi arcanum credo sub sigillo confessionis, (modo extra Confessionem sacramentalem id faciat.) Quia juramentum præstitum contra bonos mores non obligat; nullumq[ue] secretum recipiendum, ac celandum est contra bonum commune. Hinc *S. Thom.* 2. 2. qu. 68. art. 1. ad 3. ait: „Revelare secreta in malum personæ, est contra fidelitatem; non autem si revelentur propter bonum commune, quod semper præferendum est bono privato. Et ideo contra bonum commune nullum secretum licet suscipere. Et qu. 70. art. 1. ad 2. De illis, quæ homini sunt commissa in secreto per Confessionem, nullo modo debet testimonium ferre; quia hujusmodi non scit ut homo, sed tanquam Dei minister, & majus est vinculum Sacramenti quolibet hominis præcepto. Circa vero ea, quæ aliter homi-

Exceptiones regulæ de arcanis aliorum non revelandis.

ni sub secreto committuntur, distinguendum est. Quandoque enim sunt talia, quæ statim cum ad notitiam hominis venerint, homo ea manifestare tenetur, puta, si pertinent ad corruptionem multitudinis spirituales, vel corporalem, vel grave damnum alicujus personæ, vel si quid aliud est hujusmodi, quod aliquis propalare tenetur, vel testificando, vel denunciando. Et contra hoc debitum obligari non potest per secreti commissum, quia in hoc frangeret fidem, quam alteri debet. Quandoque vero sunt talia, quæ quis prodere non tenetur. Unde potest obligari ex hoc, quod sibi sub secreto committuntur; & tunc nullo modo tenetur ea prodere, etiam ex præcepto Superioris, quia servare fidem est de jure naturali. Nihil autem potest præcipi homini contra id, quod est de jure naturali „ „.

An religiosus teneatur revelare Superiori suo arcanum fidei suæ commissum.

Et quodlibeto 1. qu. 8. art. 1. ubi quærit: *Utrum Religiosus teneatur revelare Prælati præcipienti secretum suæ fidei commissum.* Istud principium S. Bernardi lib. De Dispensatione, & Præcepto, cap. 4. statuit:

„ Sufficiens obedientia est, ut religiosus obediat suo Prælati in his, quæ ad Regulam pertinent; vel directe sicut ea, quæ scripta sunt in Regula; vel indirecte, sicut ea, quæ ad hæc reduci possunt; sicut ministeria exhibenda fratribus, & poenæ pro culpis infligendæ, & hujusmodi; perfecta autem obedientia est, ut simpliciter in omnibus obediat, quæ non sunt contra Regulam, vel contra Deum; sed quod aliquis obediat Prælati in his, quæ sunt contra Deum, vel contra Regulam, est obedientia incauta, & illicita „ „. Quo posito, respondet quæstioni distinctione præmissa. „ Est enim (*inquit*) aliquod secretum, quod illicitum est celare; sicut quod in periculum vergit aliorum, quibus aliquis cavere tenetur; unde & in juramento fidelitatis continetur, quod hujusmodi tervi secreta debeant dominis revelare. Ad præceptum ergo Prælati tenetur religiosus tale secretum pandere, etiam si promissit se non revelare; dicente S. Ilidoro: *In malis promissis rescinde fidem*; nisi forte in Confessione audie-

Lib. 2. Synonimorum, ex quo

audierit ; quia tunc nullo modo esset revelandum. Est autem secretum, quod de se celari potest sine peccato, & tale secretum Religiosus nullo modo Prælato præcipienti pandere debet, si sit fidei suæ commissum, peccaret enim frangendo fidem commissi „ „ refertur in Decretis, causa 22. qu. 4. cap. 2. num. 50. aliis.

ARTICULUS V.

De fraude, altera avaritia filia.

REGULA PRIMÆ.

Lethalis fraudis reus est, qui rem pluris justo pretio vendit, aut minoris justo emit.

Justum autem pretium illud est, quod vel a publica potestate præfinitum, vel communi hominum prudentum æstimatione determinatum est. Quod Principis, vel Magistratus auctoritate sancitum est, vulgo dicitur *Pretium legitimum* ; quod communi hominum peritorum æstimatione constitutum est, dicitur *Pretium naturale, & vulgare*. Primum in indivisibili positum est, ita ut, qui pretium a Principe, vel Magistratu præfixum prætergressus fuerit, mortaliter peccet, & quod ultra illud accepit, restituere teneatur. Secundum vero non consistit in indivisibili, sed pro circumstantiarum varietate mutatur. Pro mercium scilicet inopia, & emptorum multitudine augetur ; pro mercium copia, & eementium paucitate minuitur. Unde tres iusti pretii gradus distinguuntur solent ; summum, seu rigidum, medium, & infimum. Verbi gratia, si ulna panni ad summum æstimetur sex libellis monetæ gallicæ, ut minimum vero quinque ; iustum pretium erit quinque libellarum, & quod excurrit ad summam usque sex libellarum inclusive. Justo itaque pretio rem vendet mercator, qui summum seu rigidum pretium sex libellarum non excedet, quamvis uni pluris veneat quam alteri. Justo pretio comparabit emptor, qui libellas quinque solvit, modo infra pretium illud infimum non descendat. Hinc *S. Thomas 2. 2. qu. 77. art. 1. ad 1. ait* : „ „ Pretium rerum non est punctua-

De fraude
& injustitia
emptio-
num, &
venditio-
num.

Equaliter determinatum, sed magis in quadam æstimatione consistit; ita quod modica additio, vel minutio non videtur tollere æqualitatem justitiæ „ „ Hoc posito.

Regulæ statutz veritas probatur ex lege naturali, & divina, *Matth. 7.* a Christo expressa. *Omnia quaecunque vultis, ut faciant vobis homines, & vos facite illis.* Cum igitur nullus velit sibi rem carius vendi, quam valeat, nullus debet alteri rem pluris vendere, justumque pretium excedere.

Præterea, emptio, & venditio sunt introductæ pro communi utilitate contrahentium: „ „ Quod autem pro communi utilitate inductum est, non debet esse magis in gravamen unius, quam alterius, & ideo debet secundum æqualitatem rei inter eos contractus institui: Quantitas autem rei, quæ in usum hominis venit, mensuratur secundum pretium datum. Et ideo si vel pretium excedat quantitatem valoris rei, vel res excedat pretium, tolletur justitiæ æqualitas. *Quamobrem*, carius vendere, vel vilius emere rem, quam valeat, secundum se injustum, & illicitum „ „ Ita ratiocinatur *S. Thom. 2. 2. qu. 77. art. 1.* Et quodlibeto 2. qu. 5. art. 2. „ Est (*inquit*) justa venditio, „ quando pretium acceptum ab habente æquatur rei „ venditæ; injusta autem, si non æquetur, sed „ plus accipiat „ „

R E G U L A I I.

Cum quis rem alterius admodum sibi necessariam vult emere, qua si careat alter, damnum patietur, pluris, quam valeat, venundari absque fraude, vel injustitia potest.

Hanc Regulam tradit *S. Thom. 2. 2. qu. & art.* supra laudatis. „ „ Alio modo (*inquit*) possumus loqui de emptione, & venditione, secundum quod per accidens cecidit in utilitatem unius, & detrimentum alterius; puta, cum aliquis multum indiget habere rem aliquam, & alius læditur, si ea

careat. Et in tali casu iustum pretium erit, ut non solum respiciatur ad rem, quæ venditur, sed ad damnum, quod venditor ex venditione incurrit. Et sic licite poterit aliquid vendi plus, quam valeat secundum se, quamvis non vendatur plus, quam valeat habenti „ „. Si tamen venditor non rogante, & urgente emptore, sed sponte, ac rerum suarum necessitate compulsus quidpiam vendat, pretium ejus ob damnum, quod patitur, nullatenus augere potest, ut docet *S. Thom.* quæst. 13. de *Malo*, inter Quæstiones disputatas, art. 4. ad decimum quartum: „ „ Qui emit rem aliquam (*inquit*) tantum pro eâ iuste dat, quantum valet; non autem quantum ille, qui vendit, ex ejus carentia damnificatur „ „. Ratione igitur damni emergentis, & lucri cessantis, modo fraus, & dolus absint, & vera sit, efficax, propinqua, non simulata damni emergentis, lucrique cessantis causa, res carius, quam valeat, vendi potest.

REGULA III.

Pretium rei augeri absque fraude, & injustitia non potest ob necessitatem emptoris, & commoda, quæ ex illa percipiet, si venditor illam distrahendo nullum damnum patiatur.

Hanc Regulam tradit *S. Thom.* ibidem, eaque ratione firmat, quod „ „ Utilitas, quæ alteri accrescit, non est ex vendente, sed ex conditione eementis. Nullus autem debet vendere alteri, quod non est suum, licet possit ei vendere damnum, quod patitur. Ille tamen, qui ex re alterius accepta multum juvatur, potest propria sponte aliquid vendenti superetogare, quod pertinet ad ejus honestatem „ „.

REGULA IV.

Emptiones, & venditiones citra ditiditum iusti pretii manifeste fraudulentæ sunt, & injustæ.

In iis enim non conservatur æqualitas pretii ad rem, & rei ad pretium, adeoque iustitia manifeste

violatur. Et quamquam Leges civiles declarent, ad rescindendam venditionem non sufficere, quod comparatus magno pretio fundus diltrahatur minori, quam emptus sit. L. *Ad restituendam*, lib. 4. Cod. tit. 44. & 4. *Digest.* tit. 4. L. 16. & lib. 19. tit. 2. L. 22. vulgatumque sit effatum: *Res tantum valet, quantum vendi potest.* Id tamen intelligendum cum hac restrictione, ut res ultra summum pretium, aut infra infimum non vendatur. Nam *Pretia rerum non ex affectu, nec utilitate singulorum, sed communiter funguntur*, ut habetur L. *Pretia rerum*, ff. *Ad Legem falcidiam*. Hinc legibus Impp. sancitum est, ut si venditor læsus fuerit infra dimidium iusti pretii, emptor, cujus in utilitatem cessit, rem ipsam restituere teneatur, aut quod iusto pretio deest, supplere. Sic enim L. *Rem majoris*, C. lib. 4. tit. 44. de rescindenda venditione: „ Rem majoris pretii si tu, vel pater tuus minoris diltraxerit; humanum est, ut vel pretium te restituente emptoribus, fundum vendundatum recipias auctoritate Judicis intercedente; vel si emptor elegerit, quod deest iusto pretio, recipias. Minus autem pretium esse videtur, si nec dimidia pars veri pretii soluta sit „ Idem confirmatur ex cap. *Cum causa*, Ext. de *emptiione, & venditione*, ubi *Innocent. III.* in causa monasterii *S. Martini de monte* ex una parte, & civium *Viterbiensium* ex altera, sic respondet: „ Cum constitisset nobis monasterium in venditione ultra dimidiam iusti pretii fuisse deceptum, sententiando decrevimus, ut præfati cives, aut receptor pretio possessiones restituerent memoratas, aut supplerent, quantum constaret legitimæ venditionis tempore iusto pretio defuisse „ Idem antea responderat *Alexander III.* in causa *Monachorum Cariloci* ex una parte, & *Bellovacensium Canonicorum* ex altera, ut constat ex cap. *Cum Dilecti*, sub eodem titulo. „ Quia vero (*inquit*) in arbitrio emptoris est, si velit, supplere iustum pretium, aut venditionem rescindere, cum res minus dimidio iusti pretii comparatur: sententiam ipsam tan-

tanquam juri contrariam irritantes , possessionem monachis judicavimus esse reddendam „ „ Res igitur tantum valet , quantum vendi potest absque fraude , & intra limites justii pretii , non quantum vendi potest , absolute pro arbitrio , & cupiditate venditoris.

Confirmatur hæc Regula ex *S. Thom.* 2. 2. qu. 77. ad 1. „ „ Lex humana (*inquit*) populo datur , in quo sunt multi a virtute deficientes. Et ideo lex humana non potuit prohibere , quidquid est contra virtutem , sed ei sufficit , ut prohibeat ea , quæ destruunt hominum convictum , alia vero habeat quasi peccata , non quia ea approbet , sed quia ea non unit. Sic ergo habet quasi licitum , poenam non inducens , si absque fraude venditor rem suam super-vendat , aut emptor vilius emat , nisi sit nimius excessus , quia tunc etiam lex humana cogit ad restituendum , puta , si aliquis sit deceptus ultra dimidiam justii pretii quantitatem. Sed lex divina nihil impunitum relinquit , quod sit virtuti contrarium ; unde secundum divinam legem illicitum putatur , si in emptione , & venditione non sit æqualitas justitiæ observata. Et tenetur ille , qui plus habet , recompensare ei , qui damnificatus est , si sit notabile damnum „ „

At (*inquires*) scienti , & volenti non fit injuria ; igitur emptori plus rem ementi , quam valeat , nulla fit injuria

Occupatur
objectio.

Falsa consecutio. Nam justum pretium ignorat contrahentium alter ; vel si sciat , vult tantum solvere pretium æquale rei , & si plus offerat , hoc velut invitum facit , compellente necessitate , sicut qui solvit usuram , aut pecunias dat latroni. Hinc *S. Thom.* qu. 13. *de Malo* , art. 4. ad 7. respondet , eum , qui solvit usuram , injustitiam pati , non a seipso , sed ab usurario : „ „ Qui licet non inferat ei violentiam absolutam , infert tamen ei quamdam violentiam mixtam , quia necessitatem habenti accipere mutuum , gravem conditionem imponit , ut scilicet plus

Tom. VII.

Q

red-

reddat, quam ei præstetur. Et est simile, si quis alicui in necessitate constituto venderet rem aliquam multo amplius, quam valeret; esset enim injusta venditio, sicut & usurarii mutuatio est injusta „ „. Injustum itaque prorsus est lutrum negotiatorum, qui duplo carius merces vendunt, quam emerint, nisi res ipsorum arte, & industria meliores factæ sint; aut ratione expensarum, & periculi, quod in earum transfectione subierunt; aut quia mercium pretium secundum diversitatem loci, vel temporis mutatum est; ut docet *S. Thom.* 2. 2. quæst. 77. art. 4. ad secundum.

Ex his colligitur, non rerum duntaxat ad humanos usus necessariarum, sed & earum, quæ ad curiositatem, splendorem, voluptatem conducunt, v. gr. gemmatum, florum, avium, canum; picturarum antiquarum, veterum numismatum, ac manuscriptorum codicum valorem, & pretium virorum peritorum iudicio æstimandum, non vero pro venditoris arbitrio, & cupiditate augeti posse.

REGULA V.

Non est reus fraudis, aut injustitiæ, qui vendit merces certo pretio majori, quam tunc valeant, cum distrahuntur, quia non intendebat eas vendere, servare usque ad tempus, quo probabiliter pluris erant valituræ; nunc autem vendit rogante, & urgente emptore, ut ejus commodis serviat. Si vero illas quantocyus vendere statuerat, vel probabile, seu verisimile non sit eo tempore, quo eas distrahere decreverat, tanti valituræ, quanti tunc vendit, eas ultra vulgare pretium nunc vendere non potest, quia nullam habet rationem consulendi indemnitati suæ, cum nullum damnum probabiliter sit passurus.

De fraude
& injustitia
emptio-
num, &
venditionu.

Hanc Regulam tradit *S. Antoninus*, p. 2. tit. 11. cap. 8. §. 1. eamque probat ex cap. *In Civitate*, Extra, de *Usuris*, quo *Alexander III* Genuensi Archiepiscopo respondet. „ „ In civitate tua (inquit) dicis
tæpe

sæpe contingere, quod quidam piper, seu cinnamomum, seu alias merces comparant, quæ tunc ultra quinque libras non valent, & promittunt se illis, a quibus illas merces accipiunt, sex libras statuto termino soluturos; licet autem contractus hujusmodi ex tali forma non possit cenferi nomine usurarum, nihilominus tamen venditores peccatum incurrunt, nisi dubium sit merces illas plus, minusve solutionis tempore valituras „„. Idem esto de emptore iudicium. Si enim numerata pecunia solvit pretium mercium ante tempus, quo eas recepturus est, & minoris emit, quam tunc valeant solutionis tempore, quia probabile est minoris valituras, cum eas est recepturus, aut saltem dubium est, utrum pluris, an minoris tunc valituræ sint, justo pretio emere censetur. Verbi gratia, si mense Martio emit sextarium frumenti tunc sex libellis monetæ gallicæ æstimatum, quem Julio mense recepturus est, quo tempore probabile est quinque duntaxat libellis vulgo vendendum, vel dubium est, an minoris tunc pretii futurus sit; emptio fraudulenta non est, vel injusta. Bona igitur fides desideratur, sine qua venditio, & emptio in hujusmodi casu justæ non essent, ac immunes a fraude. Quamobrem cum sæpe mentiatur iniquitas sibi, & dubitare se fingat cupiditas, ubi nulla est dubitandi ratio, consultius est, ac tutius ab augendo pretio abstinere, cum solum dubium est, an pluris, vel minus valituræ sint merces, quo tempore mercator illas vendere proposuerat. Id constat ex *Alexandri III. Decretali* mox laudato. „ Et ideo (*inquit*) cives tui saluti suæ „ bene consulerent, si a tali contractu cessarent; cum „ cogitationes hominum omnipotenti Deo nequeant „ occultari „.

R E G U L A V I.

Lethalis fraudis reus est venditor, qui supposititio emptores interponit, & subornat, qui mercium pretium augeant, dum pretium justo majus illi offerunt, ut fallatur emptor. Fraudis pariter reus

est emptor, si aliquos subornet, qui pretium offerant justo longe minus, ad cogendum venditorem, ut ab iplo emptore pretium, quod obtulerit majus, sed tamen infra vulgare, & infimum, accipiat.

De fraude,
& injustitia
emptonū,
& venditio-
num.

Hanc Regulam tradit *S. Thom.* 2. 2. qu. 77. art. 1. & solo rationis naturalis lumine ipsis Ethnicis cognitam fuisse testimonio *Ciceronis* ostendit. „Fraudem (*inquit*) adhibere ad hoc, quod aliquid plus justo pretio vendatur, omnino peccatum est, in quantum aliquis decipit proximum in damnum ipsius. Unde Tullius dicit, *lib. 3. de Officiis*: *Tollendum est ex rebus contrahendis omne mendacium: non licitorem venditor, nec qui contra se liciteatur, emptor apponat* „ „Istius generis fuit fraus illa Siculi hominis, qui cum peregrinum aliquem reperisset, cognito, quod cupidus esset hortorum venalium, ad coenam in hortos rogavit. Promisit invitatus postridie se venire. Veniens ostendit illic magnam piscatorum multitudinem, exquisitis copiis adornatum convivium, in prospectu coenantium, ante hortulos, compositos piscatores, ubi nunquam ante jaciebant retia; unusquisque, quod coeperat, certatim offerebat epulantibus; supra mentam pisces ingerebantur, oculos recumbentium resiliens verberabant. Mirari hospes coepit tantam copiam piscium, tantumque numerum cymbarum. Responsum quærenti, aquationem illic esse, dulcis aquæ gratia innumerabiles eo pisces convenire. Quid multa? Pellexit hospitem, ut sibi extorqueret hortos; vendere volens cogitur, pretium gravatim sulcipit. Sequenti die ad hortos emptos cum amicis venit, navigium nullum invenit. Percon- tanti num aliqua piscatoribus eo esset die feriarum solemnitas, respondetur; nulla nec unquam illic, præter hesternum diem piscari solitos, ita refert *S. Ambrosius*, *lib. 3. De Officiis*, cap. 11. post *Ciceronem*, *lib. pariter 3. De Officiis*, Sectione 14.

REGULA VII.

Lethalis fraudis, & iniustitiæ rei sunt Monopoliorum auctores, & participes.

Monopolium est clandestina machinatio mercatorum, ex compacto inter se conspirantium, ut ipsi soli certo, quod ipsi constituerint, pretio, merces emant, aut vendant; quod ut facilius assequantur, servant illas in tempus inopiæ; aut vi, vel fraude impediunt, ne merces aliunde advehantur; vel falsis rationibus expositis, & per subreptionem, privilegium impetrant a Principe, ut ipsi soli merces huiusmodi vendant, legitimo pretio his mercibus ab ipso Principe, vel Magistratu, minime constituto. Si tamen ob graviores impensas, vel probabilia damni pericula, vel cum onere solvendi certam pecuniæ summam, quæ ad regni necessitates utatur, huiusmodi privilegium Princeps concesserit, rei non sunt Monopolii, qui illud obtinent, modo res ultra iustum pretium non vendant. Monopolium etiam a mercatoribus exercetur, cum annonæ, vel aliarum mercium ad humanos usus necessariorum, pretium imminutum iri prævidentes, quia naves ejusmodi mercibus onustæ mox ad portum sunt appellendæ, supposititias literas, aut falsum rumorem spargunt in vulgus, naves illas periisse, aut ab hostibus captas fuisse, ut huiusmodi commento annonæ, vel mercium pretium augeatur. Exercetur etiam ab artificibus Monopolium, cum inter se conveniunt, & conspirant, ut si quis aliquod opus inchoaverit, nemo illud perficiat. His positis.

Regulæ statutz veritas ostenditur. Monopolium enim in reipublicæ, & privatorum grave detrimentum vergit; ad communem inopiam invehendam, contra negotiationis & commerciorum finem exercetur; publicæ fidei, juri gentium, civilique reprobatur, ut constat ex *L. Jubemus, lib. 4. Cod. tit. 5. De Monopoliis*, cujus hæc sunt verba: „Jubemus, ne quis cujuscunque vestis, vel piscis, vel pectinam

forte, aut echini, vel cujuslibet alterius ad victum, vel ad quemcunque usum pertinentis speciei, vel cujuslibet materiæ, pro sua auctoritate, vel sacro jam elicito, aut impostum eliciendo rescripto, aut pragmatice sanctione, vel sacra nostræ pietatis in adnotatione, Monopolium audeat exercere; neve quis illicitis habitis conventionibus conjuret, aut paciscatur, ut species diversorum corporum negotiationis, non minoris, quam inter se statuerit, venundentur. Ædificiorum quoque artifices, vel ergolabi, aliorumque diversorum operum professores, & balneatores penitus arceantur pacta inter se componere, ut ne quis, quod alteri commissum sit, opus impleat, aut injunctam alteri necessitudinem alter intercipiat; dat licentiam unicuique ab altero inchoatum, & derelictum opus, per alterum sine aliquo timore dispendii implere, omniaque hujusmodi facinora denuntiandi sine ulla formidine, & sine judiciariis sumptibus. Si quis autem Monopolium ausus fuerit exercere, bonis propriis expoliatus, perpetuitate dampnetur exilii. Cæterarum præterea professionum primates, si impostum, aut super taxandis rerum pretiis, aut super quibuslibet illicitis placitis ausi fuerint convenientes hujusmodi sese pactis constringere, quadraginta librarum auri solutione percelli decernimus „ „.

Quæ cum ita sint, Monopoliorum auctores, & participes & quicunque ultra justum pretium merces, aut res alias vendiderunt, restitutionis lege tenentur, vel iis ipsis, quos læserunt, si illos noverint; vel si sint ignoti, pauperibus faciendæ. Quod si ingruente caritate nondum vendidere merces, quas Monopolio coacervarunt, tenentur eas illo ipso pretio vendere, quo probabiliter erant valituræ, si eas majoris lucri gratia non congregassent.

REGULA VIII.

Vili velle emere, & caro vendere, non naturæ desiderium, sed pravæ cupiditatis est.

Hanc Regulam tradit *S. Thom.* 2. 2. qu. 77. art. 1. Mercatorum avaritia.
Cum enim hanc objectionem secundo loco præmisisset; quod est omnibus commune, videtur esse naturale, & non peccatum; sed, ut *S. August.* refert lib. 13. de *Trinitate*, c. 3. dictum cujusdam mimi fuit ab omnibus approbatum: *Vili vultis emere, & caro vendere.* Cui etiam consonat illud *Prov.* 20. *Malum est, malum est, dicit omnis emptor; & cum recesserit, gloriatur.* Ergo licitum est carius vendere, & vilius emere, quam valeat. Huic objectioni respondet: „ „ Illud desiderium non esse naturæ, sed vitii; & ideo commune esse multis, qui per latam viam vitiorum incedunt. Unde *S. August.* ibidem ait: Et mimus quidem ille, vel seipsum intuenso, vel alios quoque experiendo vili velle emere, & caro vendere, omnibus id credit esse commune. Sed quoniam revera vitium est, potest quisque adipisci ejusmodi justitiam.. qua huic resistat, & vincat. Nam scio ipse hominem, cum venalis codex ei fuisset oblatus, pretiique ejus ignarum, & ideo quiddam exiguum poscentem cerneret venditorem, justum pretium, quod multo amplius erat, nec opinanti dedisse.. Largitionis etiam gratia novimus quosdam emisse frumenta carius, & vilius vendidisse suis civibus „ „.

REGULA IX.

Lethalis fraudis, & injustitiæ reus est, qui vendit rem aliquam, vel in substantia, vel in quantitate, seu mensura, vel in qualitate notabiliter deficientem; adeoque restitutionis lege tenetur.

Hic enim divinum mandatum violat ab Apostolo promulgatum, ut *Nemo circumveniat in negotio fratrem suum, quoniam vindex est Dominus.* 1. Thes. 4

**Triplex
mercium
defectus.**

Hanc Regulam ipsis *S. Thomæ* verbis, 2. 2. quæst. 77. art. 2. explico, & confirmo. „ „ Circa rem, quæ venditur, triplex defectus considerari potest. Unus secundum speciem rei. Et hunc quidem defectum si venditor cognoscat in re, quam vendit, fraudem committit in venditione; unde venditio illicita redditur. Et hoc est, quod dicitur contra quosdam, *Isaiæ* 1. *Argentum tuum versum est in scoriam, vinum tuum mixtum est aqua.* Quod enim permixtum est, patitur defectum quantum ad speciem „ „.

„ „ Alius defectus est secundum quantitatem, quæ per mensuram cognoscitur. Et ideo si quis scienter utatur deficienti mensura in vendendo, fraudem committit, & illicita venditio est. Unde dicitur *Deut.* 25. *Non habebis in sacco diversa pondera, majus & minus, nec erit in domo tua modius major, & minor. Ponderis habebis justum, & verum, & modius æqualis, & verus erit tibi; ut multo vivas tempore super terram, quam Dominus Deus tuus dederit tibi. Abominatur enim Dominus Deus tuus eum, qui facit hæc, & aversatur omnem injustitiam* „ „.

Huic Scripturæ loco, quem profert *S. Thom.* adde sequentia testimonia, *Lev.* 19. *Nolite facere iniquum aliquid in iudicio, in regula, in pondere, in mensura. Statera justa, & æqua sint pondera, justus mensuræ, æquusque sextarius: Ego Dominus Deus vestester.* *Psal.* 61. *Mendaces filii hominum in stateris, ut decipiant ipsi de vanitate in idipsum.* Ad quæ verba *S. August.* ait: „ „ Decipere vultis, fraudem vultis facere, quid affertis, ut decipiatis? Stateras dolosas. Fallo examine fallitis intuentes; nescitis alium esse, qui appendit, alium, qui de pondere judicat? Non videt, cui tua appendis, sed videt, qui te, & ipsum appendit „ „. *Prov.* 11. *Statera dolosa abominatio est apud Dominum; & pondus æquum voluntas ejus.* Et *cap.* 20. *Pondus, & pondus, mensura, & mensura; utrumque abominabile est apud Deum.* Et infra: *Abominatio est apud Dominum pondus, & pondus; Statera dolosa nun est bona.* *Michææ* 6. *Adbuc ignis in domo im-*
pii

pai thesauri iniquitatis, & mensura minor ira plena, Nunquid justificabo stateram impiam, & sacelli pondera dolosa? In quibus divites ejus repleti sunt iniquitate, & habitantes in ea loquebantur mendacium, & lingua eorum fraudulenta in ore eorum. Et ego ergo cœpi percutere te perditione super peccatis tuis, Tu comedes, & non saturaberis... Tu seminabis, & non metes; tu calcabis olivam, & non ungeris oleo; & mustum, & non bibes vinum.

Tertius rerum venalium defectus est „ „ Ex parte qualitatis, puta, si quis aliquod animal infirmum vendat quasi sanum. Quod si quis sciens fecerit, fraudem committit in venditione; unde est illicita venditio „ „ Et in his omnibus non solum aliquis peccat injusta venditione, sed etiam ad restitutionem tenetur; (inquit S. Thomas.)

Confirmatur hæc Regula ex S. Ambrosio, lib. 3. *De Officiis*, cap. 21. „ Regula (inquit) justitiæ manifestata est, a vero declinare virum non deceat bonum, nec damno injusto afficere quemquam, neque doli aliquid annexere „.

R E G U L A X.

Si venditor rei venditæ notabilem defectum absque sua culpa ignoret, fraudis, aut injustitiæ reatum non incurrit; cum tamen ad ejus notitiam pervenerit, damnum illatum emptori resarcire tenetur. Idemque de emptore judicium ferendum est, si venditorem pretiosas merces pro vilibus vendidisse, aut in rerum venalium qualitate, & pretio cum suo damno fuisse deceptum animadvertit.

Hanc Regulam tradit S. Thom. loco supra laudato. Et certe bona fides alienæ rei possessorem non excusat, nisi quamdiu duraverit: „ Et jure naturæ „ æquum est, neminem cum alterius detrimento, & „ injuria fieri locupletiores „ „ ut habetur l. 206. *De Diversis Regulis juris*. Cum igitur aliquis rei venalis defectum ignorans, ipsam bona fide quasi in-

Rerum venalium defectus.

tegram vendidit, & postea defectu notabili affectum fuisse compertum habet, adeoque se ex alterius detrimento commodum reportasse, *Tenetur damnum recumpensare emptoris*, ut loquitur *S. Thom.* Tunc enim venditor desit esse bonæ fidei, ipsumque arguit conscientia damni proximo illati. Idemque de emptore ferendum judicium est. „„ Contingit enim quandoque, venditorem credere rem suam esse minus pretiosam quantum ad speciem, sicut si aliquis vendat aurum loco aurichalci, emptor si cognoscat, injuste emit, & ad restitutionem tenetur; & eadem est ratio de defectu qualitatis, & quantitatis „„ (*inquit S. Thom. ibidem.*)

R E G U L A XI.

Pondera, & mensuras publica auctoritate, vel consuetudine institutas adulterare, aut præterire non licet; idque ne fiat, invigilare tenentur Principes, & Magistratus sub reatu peccati mortalis.

De justis
ponderibus
& mensuris.

Hanc Regulam conceptis verbis tradit *S. Thom.* ibidem in responsione ad secundum. „„ Mensuras (*inquit*) rerum venalium necesse est in diversis locis esse diversas, propter diversitatem copiarum, & inopiarum rerum; quia ubi res magis abundant, consueverunt esse majores mensuræ. In unoquoque tamen loco ad rectores civitatis pertinet determinare, quæ sint justæ mensuræ rerum venalium, pensatis conditionibus locorum, vel rerum. Et ideo has mensuras publica auctoritate, & consuetudine institutas præterire non licet „„ Qua de re Concilium Parisiense 6. p. 1. cap. 51. sic loquitur: „„ Illud ex toto a divina auctoritate dissentit, & afflictionem, atque oppressionem ingentem pauperibus irrogat, quod quidam non solum Clerici, sed & Laici, dominici præcepti transgressores effecti, minorem modium, atque sextarium in vendendo, atque commodando, majoremque in recipiendo habent; simulque stateras minores, atque dolosas in mutando,

at-

atque vendendo, majoresque in recipiendo habentes; & ob hoc dum suæ intolerabili cupiditati satisfacere æstuant, heu! proh dolor! miseros quosque paupertati addicunt, & mendicos efficiunt. . . Quamquam ergo consuetudines perversæ non facile corrigantur, hæc tamen consuetudo inæqualium modiorum, & injustorum sextariorum, atque ponderum dolosorum, necesse est, ut principali metu ocyus corrigatur, & ad præceptum divinum tanta fortitudo reflectatur; quia verendum est, ne inter cætera mala hoc quoque non solum facientibus, & consentientibus, sed etiam non corrigentibus (quod absit) proveniat in damnationem „ „ „

Confirmatur ex cap. *Ut Mensura*, Ext. *De Emptione, & Venditione*, quod ex Moguntino Concilio sumptum indicatur: „ Si quis (*inquit*) justas mensuras, „ & iusta pondera, causa lucri mutare præsumperit, „ triginta dies in pane, & aqua poeniteat „; præter restitutionis obligationem, qua fungi imprimis debet,

REGULA XII.

Lethalis fraudis rei sunt, non solum qui merces, sed etiam qui monetam quovis modo adulterant, vel adulterinam, aut inæqualis ponderis scientes volentes tradunt pro sincera; quamvis ipsi prius decepti fuerint, & velut sinceram receperint; adeoque restitutionis lege tenentur.

Hæc Regula colligitur ex cap. *Quanto*, Ext. *De De Moneta* *defectu* *jurando*, quo *Innocentius III.* Aragonum Regi respondet, qui imprudenter juraverat, se ad certum usque tempus conservaturum monetam patris sui; *Qua tamen circa mortem ejus fuerat legitimo pondere defraudata, & adeo diminuta erat, & minoris valoris effecta*, ut grave propter hoc scandalum in populo ortum esset. Quocirca Princeps absolutionem a juramento rogaverat. Respondit Pontifex, juramentum fuisse illicitum, & nullatenus observandum, si monetam falsam, legitimo pondere destitutam esse cre-

crediderit, quando juramentum edidit : *Cum juramentum non, ut esset iniquitatis vinculum, fuerit institutum.* Si autem legitimam, & sinceram esse crediderit, juramentum licitum fuisse, & usquequaque servandum. Unde consultit, & mandat : *Ut reprobata moneta, quæ a legitimo pondere fuerat defraudata, alia sub nomine patris ejus moneta cudatur ; Quam ad legitimum pondus reducat, secundum cum statum, quem tempore patris ejus habuit meliorem.*

Confirmatur ex Concil. Lateranensi 1. sub *Calisto II.* can. 15.,,, Quicumque monetam falsam scienter fecerit, aut studiose expenderit, tanquam maledictus, & pauperum virorum oppressor, & civitatis turbator, a Fidelium consortio separetur ,,, Monetarum falsarios, & eorum receptores excommunicatione ferit Synodus Colonienfis anno circiter 1300, celebrata, cap. 18. & interdicti poenam decernit in loca, in quibus falsæ monetæ cuduntur, quamdiu falsarii ibi steterint.

Denique Synodus Turonensis, apud *Bochellum* lib. 8. Decretorum Ecclesiæ gallicanæ, tit. 59 ita statuit ; ,, Pecuniam si quis adulterinam, aut minus probatam receperit, quamvis ignoranter, auctorque sibi sit incognitus, alteri tradere non præsumat ; cum id fieri nequeat sine specie mali ; (a qua Apostolus vult omnes abstinere Christianos,) ac sine magna furti suspitione ,,, Quidni vero dixerimus, sine furto evidenti ? Jus canonicum Civili concordat, ad *L. Corneliam, ff. De Falsis.*

Quærit *Harato* lib. 6. De Officiis : ,, Si sapiens adulterinos nummos acceperit imprudens pro bonis ; cum id resciverit soluturus ne sit eos, si cui debeat, pro bonis. Diogenes ait, Antipater negat, cui potius assentior ,, (inquit *Tullius*, lib. 3. *De Officiis.*) Adulterari autem potest moneta trita, tribus modis, videlicet circa substantiam, circa pondus, & circa formam. Quoad substantiam, cum substituitur, aut permiscetur unum metallum pro alio ; quoad pondus quando minus pro majori ponitur ; quoad formam,

CUM

cum quis bonam monetam cudit, justique ponderis, sed sine auctoritate faciendi, aut imprimendo characterem, vel formam alienam, absque ejus consensu, cujus erat.

R E G U L A X I I I.

Lethalis fraudis, & injustitiæ reus est venditor, qui occultum rei venalis vitium, & emptori noxium, vel periculosum, ipsi ante venditionem non aperit.

Hanc Regulam tradit *S. Thom.* 2. 2. quæst. 76. art. 3. eaque ratione firmat. „, Dare alicui occasionem periculi, vel damni, semper est illicitum. Venditor autem, qui rem vendendam proponit, ex hoc ipso dat emptori damni, vel periculi occasionem, quod rem vitiosam ei offert, si ex ejus vitio damnum, vel periculum incurrere possit. Damnum quidem, si propter hujusmodi vitium res, quæ vendenda proponitur, minoris sit pretii; ipse vero nihil de pretio subtrahat. Periculum autem, si propter hujusmodi vitium usus rei reddatur impeditus „,; sive inutilis, & noxius; ut si vendat equum claudicantem, aut debilem pro veloci, & valido; pannum adultum, frumentum corruptum, vinum acidum, aut adeo debile, ut diu servari non possit, oves morbidas, cibum, ves pharmacum noxium, aut veneno infectum pro salubri. „ Unde si hujusmodi vitia sint occulta, & ipse non detegat, erit illicita, & dolosa venditio, & tenetur venditor ad damni compensationem „. (inquit *S. Thomas*) Tenetur (inquam) non modo detrahere tantum de pretio, quantum ad rem vitiatam, non pluri, quam valeat, emendam detrahere oportuerit, ut rursus confirmat *S. Thomas*, quodlibeto 2. qu. 5. art. 2. sed etiam obligatur ad resarciendum damna quæcunque ex hujusmodi venditione consecuta; v. gr. si quis ovem morbidam, non indicato, quo laborabat, morbo, vendiderit & illas cæteras oves infecerit, tenetur etiam restituere omnia damna, quæ ovili per ipsam illata sunt. *Quis enim* *us. asid-*
nem

De injusta
dissimula-
tione viti-
terum ve-
nalium.

nem damni dat, damnum dedisse videtur, ut dicitur cap. Si culpa; Ext. De pœnis. Quin etiam ad rescindendum contractui tenetur pro emptoris voluntate, quia nemini fraus sua patrocinari debet.

Confirmatur ex S. Ambrosio, lib. 3. De Officiis, cap. 10. „„ Ubique (inquit) honestatis præponderat consideratio, quæ dolum excludit, fraudem ejicit. Unde recte generalem David Propheta promisit sententiam dicens; *Nec fecit proximo suo malum*. Non solum itaque in contractibus (in quibus etiam vitia eorum, quæ veneunt, prodi jubentur, ac nisi intimaverit venditor, quamvis in jus emptoris transcripserit, doli actione vacuatur) sed etiam generaliter in omnibus dolus abesse debet; aperienda simplicitas, intima veritas est, veterem autem istam de dolo non jurisperitorum formulam, sed Patriarcharum sententiam Scriptura divina evidenter expressit, &c. „„ Contractum venditionis, si vitium rei venditæ celaverit venditor emptorem, doli actione vacuari, id est, rescindi, S. Ambrosius asserit. Actio enim doli appellatur, quæ permittitur alicui coram judice ad querelam de dolo sibi facto instituendam contra eum, a quo deceptus est, & ad indemnitatem suam postulandam.

Hanc sanioris moralis Regulam solo rationis lumine cognovit, ac explicuit profanus Orator Cicero, lib. 3. Officiorum; Sect. 13. „„ Vendat (inquit) ædes vir bonus propter aliqua vitia, quæ ipse norit, cæteri ignorent. Pestilentes sint, & habeantur salubres; ignoretur in omnibus cubiculis apparere serpentes; male materiale, ruinosæ; sed hoc præter dominum nemo sciat; quæro, si hoc emptoribus venditor non dixerit, ædesque vendiderit pluris, quam se venditum putarit, num id injuste, an improbe fecerit? Ille vero (inquit Antipater) quid enim est aliud erranti viam non monstrare (quod Athenis execrationibus publicis sancitum est) si hoc non est emptorem pati ruere, & per errorem in maximam fraudem incurrere? Plus etiam est, quam viam noti-

mon-

monstrare; nam est scientem in errorem alterum inducere. . . Ac de jure quidem prædiorum sancitum est apud nos jure civili; ut in his vendendis vitia dicerentur; quæ nota essent venditori. Nam cum ex 12. Tabulis satis esset ea præstari, quæ essent lingua nuncupata, quæ, qui inficiatus esset, duplici poena subiret; a jureconsultis etiam reticentiæ poena est constituta. Quidquid enim esset in prædio vitii, id statuerunt, si venditor sciret, nisi nominatim dictum esset, præstari oportere „ „. Quod & romani Senatus Consultis confirmat. *Raguel* propinquus *Tobie* contemplatione honestatis, cum rogaretur, ut filiam suam in conjugium daret, vitia quoque filiæ non tacebat, ne circumvenire petitozem videretur tacendo. Itaque cum *Tobias* filius *Tobie* posceret, ut sibi daret puellam, respondit, lege quidem ipsi eam deberi tanquam propinquo, sed dedisse se eam jam sex viris, & omnes eos esse mortuos: Justus itaque vir plus alienis timebat, & malebat innuptam sibi manere filiam; quam propter nuptias ejus extraneos periclitari. Quam breviter absolvit omnes questiones Philosophorum: „ „ Illi de vitiis tractant domorum, tegenda, an prodenda a venditione videantur; hic noster nec filiæ vitia celanda arbitratus est, & certe non ipse affectabat, ut eam traderet; sed rogabatur. Quanto utique iste honestior sit illis, dubitare non possumus, si conferamus, quanto præstantior sit filiæ causa, quam rei venalis pecunia „ „ (*inquit S. Ambrosius cap. 16.*)

REGULA XIV.

Vitium rei venalis manifestum non semper tenetur venditor emptori aperire, modo propter illud subtrahat de pretio, quantum oportet.

Hanc Regulam tradit *S. Thomas*, 2. 2. qu. 77. art. 3. „ „ Si vitium (*inquit*) sit manifestum, puta, cum equus est monocus; vel cum usus rei etli non competat venditori, potest tamen esse con-

veniens aliis ; & si ipse propter hujusmodi vitium , subtrahat , quantum oportet , de pretio ; non tenetur ad manifestandum vitium rei ; quia forte propter hujusmodi vitium emptor vellet plus subtrahi de pretio , quam esset subtrahendum. Unde potest licite venditor indemnitati suæ consulere , vitium rei reticendo „ „ Refert *Tullius* lib. 3. De Officiis , *M. Marium Gratidianum* propinquum suum *C. Sergio Orate* vendidisse ædes eas , quas ab eodem ipse paucis ante annis emerat. Hæ *Sergio* serviebant ; sed hoc in mancipio *Marius* non dixerat. Adducta res in judicium est. *Oratam* *Crassus* , *Gratidianum* defendebat *Antonius* ; jus *Crassus* urgebat : „ „ Quod vitii venditor non dixisset sciens , oportere præstari : *Æquitatem Antonius* : quoniam id vitium ignotum *Sergio* non fuisset , qui illas ædes vendidisset , nihil fuisse necesse dici ; nec eum deceptum , qui id , quod emerat , quo jure esset , teneret „ „

Si tamen subsit aliqua fraus , v. gr. si vitium rei venalis , etsi manifestum , non ita facile ab emptore deprehendi possit ; vel si emptor se rem vitiatam emere nolle sit contestatus , aut venditor interrogatus de rei venalis vitio , illud vel tacuerit , vel negaverit , vel eam quasi vitio carentem , etiam non interrogatus laudaverit , aut inter res integras , omnisque vitii expertes venalem exposuerit ; tenetur ad emptoris arbitrium contractum rescindere , si res vendita tunc temporis integra maneat.

R E G U L A X V.

Non videtur esse reus fraudis , aut injustitiæ mercator , qui frumentorum , aut aliarum rerum ad humanos usus necessariarum copiam brevi advehendam certo sciens , id celat emptores , & sua frumenta , vel res alias vendit corrente pretio. Majoris tamen honestatis , & virtutis est , animique ab avaritia , & dolo magis alieni , id non celare.

Hanc Regulam tradit *S. Thomas* , 2. 2. qu. 73. art. 3. ad tertium , ubi respondet , non sequi , quod ven-

venditor vitia rei venalis celare possit emptorem absque fraude, & injustitia, si triticum deferens ad locum, ubi fervet frumenti caritas, dissimulare possit frumenti copiam a multis aliis mercatoribus brevi advehendam. Rationem affert discriminis, quia „ Vitium rei facit rem in præsentem esse minoris valoris, quam videatur. Sed in casu præmissa, in futurum res exspectatur esse minoris valoris per super-ventum negotiatorum, qui ab eumentibus ignoratur. Unde venditor, qui vendit rem secundum pretium, quod invenit, non videtur contra justitiam facere; si quid futurum est, non exponat. Si tamen exponeret, vel de pretio subtraheret, abundantioris esset virtutis, quamvis ad hoc non videatur teneri ex justitiæ debito „ „

Angelico Doctore simpliciter docenti, quam *Tullio* exaggeranti, potius adhæreo. Quæstionem proponit ille lib. 3. *Officiorum*, Sect. 12. „ „ Si vir bonus Alexandria Rhodum magnum frumenti numerum advexerit in Rhodiorum inopia, & fame, summaque annonæ caritate. Si idem sciat complures mercatores Alexandria solvissse, navesque in cursu frumento onustas petentes Rhodum viderit; dicturusne sit id Rhodiis, an silentio suum quam plurimo venditurus? Sapientem, & bonum virum fingimus, de ejus deliberatione, & consultatione quærimus; qui celaturus Rhodios non sit, si id turpe judicet; sed dubitet, an turpe non sit. In hujusmodi causis aliud Diogeni Babylonio videri solet, magno, & gravi Stoico, aliud Antipatro, discipulo ejus, homini acutissimo. Antipatro, omnia patefacienda, ut ne quid omnino, quod venditor norit, emptor ignoret. Diogeni, venditorem, quatenus jure civili constitutum sit, dicere vitia oportere, cætera sine insidiis agere; & quoniam vendat, velle quam optime vendere; advexi, exposui, vendendo meum, non pluris, quam cæteri; fortasse etiam minoris, cum major est copia; cui sit injuria? Exoritur Antipatri ratio ex altera parte: Quid ais? Tu, cum hominibus consulere debeas, & servire humanæ socie-

tati, eaque lege natus sis, & ea habeas principia naturæ, quibus parere, & quæ sequi debeas, ut utilitas tua communis utilitas sit, vicissimque communis utilitas tua sit; celabis homines, quid iis sit commoditatis, & copiæ? *Et infra*: Non igitur videtur nec frumentarius ille Rhodius, nec hic ædium venditor, celare emptores debuisse. Neque enim id est celare, quidquid reticeas; sed cum quod tu scias, id ignorare emolumenti tui causa velis eos, quorum intersit id scire. Hoc autem celandi genus quale sit, & cujus hominis, quis non videt? Certe non aperti, non simplices, non ingenui, non iusti, non viri boni; veruti potius, astuti, fallacis, malitiosi, callidi, veteratoris, vafri „ „.

R E G U L A X V I.

Proxenetæ, vel factor, aut alius quispiam, cui aliquid certo pretio vendendum commissum est, si pluris vendat, non potest id, quod accedit lucri, absque fraude, & injustitia retinere, si laboris sui mercedem acceperit, aut accepturus sit.

Nullo enim legitimo titulo retinere potest, quod accedit lucri ad summam, qua rem suam vendi constituit dominus. Res quippe vendita non est proxenetæ, aut factoris, seu alterius, cui commissæ est ejus venditio; industriæ autem, vel laboris sui merces ei constituta est. Tenetur itaque reddere domino, quidquid lucri ex venditione provenit. Idem esto iudicium de eo, qui rem alterius vendendam gratis suscepit, ut enim *L. Obligatio, ff. Mandati*, habetur: „ Mandatum nisi gratuitum nullum est. Nam originem ex officio, atque amicitia trahit; contrarium „ porro est officio merces „. Quod vero dominus pretium rei venalis præfixerit, non est argumento, quod retinere possit venditor id, quod accedit amplioris lucri, aut quod id permittat dominus; sed pretium ea conditione præfixisse intelligitur, ut minori vendere non possit, non autem, ut pluris non
ven-

vendat, si valeat, in commodum ejus, cujus est res.

At si dominus rem vendendam proxenetæ commiserit certo pretio, nulla ipsi assignata laboris mercede; sed cum pacto, ut ipsi proxenetæ seu factori cedat, si quid lucri proveniat amplioris, illud legitimo titulo retinebit.

R E G U L A X V I I.

Famuli, aut artifices in aliqua officina emere soliti minori pretio, retinere sibi non possunt absque fraude, quod in eorum gratiam detrahere mercator videtur de majori pretio, quo res similis in alia officina venundatur.

Cum enim mandatum acceperint a domino, cujus obsequiis sunt addicti, aut cujus res gerunt, ipsius commoda fideliter procurare debent, non sua, maxime cum nec verisimile sit, aut facile credi debeat, mercatores in gratiam hujusmodi hominum aliquid de mercium suarum pretio condonare, sed ipsis blandiantur sæpius, ac mentiantur; & ea sit dominorum voluntas, ut, quo poterunt æquiori, ac minori pretio comparent, quorum ipsis emptionem commiserunt. Unde *Tullius*, in oratione pro Sexto Roscio Amerino: „ „ In privatis (*inquit*) rebus, si qui rem mandatam non modo malitiosius gessisset, sui quæstus, aut commodi causa, verum etiam negligentius, cum majores summum admisisse dedecus exultimabant. Itaque mandati constitutum est iudicium, non minus turpe, quam furti. Credo, propterea quod, quibus in rebus ipsi interesse non possumus, in his operæ nostræ vicaria fides amicorum supponitur; quam qui lædit, oppugnat omnium commune præsidium; & quantum in ipso est, disturbat vitæ societatem. Non enim possumus omnia per nos agere. Alius in alia re est magis utilis .. Quid recipis mandatum, si aut neglecturus, aut ad tuum commodum conversurus es? Cur mihi te offers, ac meis commodis officio simulato officis, & obstas?

R 2

Re-

Recede de medio, per alium transigam... Ergo idcirco turpis hæc culpa est, quod duas res sanctissimas violat, amicitiam, & fidem. Nam neque mandat quisquam fere nisi amico; neque credit, nisi ei, quem fidelem putat. Perditissimi igitur est hominis, simul & amicitiam dissolvere, & fallere eum, qui læsus non esset, nisi credidisset „ „.

R E G U L A X V I I I.

Lethalis fraudis reus est, quicumque in quovis ludi genere summam notabilem malis artibus lucratur, fallendo scilicet, ac receptas ludi leges violando.

De fraude
in ludis.

De condi-
tionibus in
ollæ ludo,
vulgo lote-
ria, servan-
dis.

Peccat enim in re gravi adversus justitiam, bonam fidem & charitatem, nec non adversus septimum præceptum decalogi: *Non furtum facies*. Unde & ad restitutionem tenetur, ut docet *S. Thomas*, 2. 2. qu. 32. art. 7. ad secundum. Idem esto iudicium de illo, qui se victorem in ludo futurum certo novit, ob collusorum inæqualitatem. Decipiuntur enim, qui sperant se tantumdem lucrari posse, quantum ipsi periculo se exponunt. Idem censendum est de illis, qui in ollæ ludo, quem vulgo Loteriam vocant, permutant, vel imminuunt præmia, vel schedulas alterant, quibus fit sortitio, vel præmia proponunt non extantia, vel distractis præmiis ludum prorogant. Hi (inquam) lethalis fraudis rei sunt; & restitutionis lege tenentur. Quasdam præterea conditiones postulant Theologi, ut ludus ille sit licitus, nempe ut qui in privatum commodum loteriam instituit, non plus inde lucretur, quam si quovis alio contractu licito suas merces distraheret. Si vero in publicam utilitatem, auctoritate Principis, aliquid amplius lucrari possit, prout arbitrio prudentum, ad publicam necessitatem sublevandam; vel ad causam piam promovendam, visum fuerit decernere, quantum quisque sortientium inferre debeat. Deinde conditiones, si quæ sint a Principe, aut Magistratu statutz, observare oportet. In ipsis enim lu-
dis

dis leges civiles obligare conscientiam, docet *S. Thomas*, 2. 2. quæstione, & articulo supra laudatis.

R E G U L A XIX.

Lethalis fraudis reus est, qui de aliquo eventu seu futuro, seu præterito spondet appposito pignore, aut pretio notabili, si sit de eventu certus.

Id enim natura sponſionis est, quæ est concertatio plurium de eodem eventu incerto, sub spe certi pretii a victore obtinendi. Si ergo spondentium alter de eventu certus sit, iniusta sponſio est ob inæqualitatem, & restituere tenetur, quod ita certo lucratus est; nisi forte se ea de re certum esse ante sponſionem professus sit, & alter nihilominus certare voluerit; scienti enim, & volenti non fit injuria. Non posset etiam absque fraude pretium sponſionis sibi vindicare, si alter eodem sensu non accepisset id, de quo facta sponſio est. Hæc enim conditio ad legitimam sponſionem est etiam necessaria. Certæ nihilominus sponſiones jure civili, ac municipali regnorum, aut provinciarum aliquarum vetitæ sunt, Quædam jure ipso naturali sunt illicitæ, & invalidæ, quæ nimirum criminibus viam aperiunt; aut occasionem præbent spondentibus aliquid agendi, aut optandi contra Dei legem, contra jus, contra officium; ut si sponſio fiat cum illo, qui crimen aliquod meditatur, quod illud non audebit facere; hujusmodi enim sponſione, & spe mercedis victori constitutæ, ad crimen perficiendum inflammatur. Aut si de morte hominum, itineribus, navigationibus, felici vel infelici mulieris partu sponſiones fiant; quibus datur occasio mortem proximi optandi, aut infaustum iter, naufragium, infelicem partum, vel necem, abortum, insidias, alia nocumenta procurandi, struendi, inferendi, optandi; aut si quis Rege bellum gerente, & urbem aliquam hostilem obsidente, spondeat victorem non futurum, non expugnaturum. Qui enim ea de re spondet, ipsam videtur optare, quod certe contra officium boni subditi erga Principem est.

De fraude
& injustitia
in sponſio-
nibus, vul-
go gageu-
res.

Sponſiones
illicitæ.

ARTICULUS VI.

De Fallacia, & Perjurio avaritia filiabus.

De mendacio, quod idem videtur cum fallacia, nec non de perjurio, erit alibi opportunior dicendi locus, cum scilicet in Decalogi explicatione verlabimur. Hic igitur unam, aut alteram duntaxat Regulam statuemus.

REGULA PRIMA.

Differenda est Absolutio sacramentalis mercatoribus, qui mendaciis, & perjuriis assueverunt, nec aliter vendere, & emere se posse ajunt, donec pravum habitum emendaverint.

De fallacia, & perjurio mercatorum.

Hi namque in occasione continua, & affectu lethalis peccati veriantur. Quamvis enim mendacium veniale sit, cum grave damnum proximo non infert, lethale tamen est semper, cum ad proximum in negotio graviter circumveniendum, ac fallendum adhibetur, aut perjurio confirmatur. Unde Eccl. 20. *Potior fur quam assiduitas viri mendacis; perditionem autem ambo hereditabunt.* In mercatoribus sane plerisque impleri videmus, quod *Apocalypsis* 13. prædictum est: *Ne quis possit emere, aut vendere, nisi qui habet characterem, aut nomen bestiae, aut numerum nominis ejus.* Bestia diabolus est; character illius, mendacium: *Cum loquitur mendacium, ex propriis loquitur; quia mendax est & pater ejus* (inquit Christus, *Joan.* 8.) Absque isto caractere se emere aut vendere non posse, mercatores plerique profitentur; nec attendunt ad illud Oraculum, *Apoc.* 14. *Si quis adoraverit bestiam, & imaginem ejus, & acceperit characterem in fronte sua, aut in manu sua, & hic bibet de vino ira Dei... & cruciabitur igne, & sulphure in conspectu Angelorum sanctorum, & ante conspectum Agni, & fumus tormentorum eorum ascendet in secula seculorum.* Fallacia tamen, & perjuria non sunt vitia negotiationis, quasi per se illis occasio daretur, aut sine illis exerceri

ceri non possit, sed hominum lucri cupiditate æstuantium. Quod *S. August.* testatur, *Enar. in Psal. 70.* explicans hunc versum: *Quod non cognovi literaturam,* seu (ut ipse legit) *Negotiationes, introibo in potentias Domini.* Sic enim habet: „ „ Audiant negotiatores & mutent vitam; & si fuerunt, non sint; non cognoscant, quid fuerunt, obliviscantur; postremo non approbent, non laudent; improbent, damnent, mutantur, si peccatum est negotiatio. Hinc enim aviditate nescio qua acquirendi, o Negotiator, quando damnum passus fueris, blasphemabis; & non erit in te, quod dictum est: *Tota die laudem tuam.* Quando autem pro pretiis rerum, quas vendis, non solum mentiris, verum etiam fallum iuras, quomodo in ore tuo tota die laus Dei? Quando, si Christianus es, etiam ex ore tuo blasphematur nomen Dei, ut dicatur: ecce quales sunt Christiani! Ergo si propterea iste tota die laudem Deo dicit, quia non cognovit negotiationes; corrigant se Christiani, non negotientur. Sed ait mihi negotiator: ecce ego afferō quidem ex longinquo merces ad ea loca, in quibus non sunt ea, quæ attulero, unde vivam, tanquam mercedem laboris mei peto, ut carius vendam, quam emerim; unde enim vivam, cum scriptum sit: *Dignus est operarius mercede sua?* Sed agitur de mendacio, de perjurio. Hoc vitium est, non negotiationis; neque enim, si vellem, possem agere sine isto vitio. Non ergo meam culpam actor ad negotium transfero; sed si mentitor, ego mentior, non negotium. Possem enim dicere, tanti emi, sed tanti vendam; si placet, eme. Non enim istam veritatem audiens emptor repelleretur, & non potius omnes accurrerent; quia plus fidem quam mercem diligerent. Hoc ergo, inquit, me mone, ne mentiar, ne perjurem; non ut abjiciam negotium, unde me transigo... Mone, quemadmodum vivam; si bene, bene mihi erit; unum tamen scio, quia si malus fuero, non negotiatio mihi facit, sed iniquitas mea; quando verum dicitur, non est, quod contradicatur „ „ Attamen

Concione

1.

Negotiationis pericula.

Luc. 10.

men spectata hominum cupiditate, & ad vitium propensione periculosa negotiatio est, Hinc *Tertullianus*, lib. *De Idololatria*, cap. 10. „ De negotiationibus cætera delictorum recogitemus, imprimis cupiditatem, radicem omnium malorum; tum mendacium cupiditatis ministrum. Taceo de perjurio, quando ne jurare quidem liceat, negotiatio servo Dei apta est „ ? Et *S. Leo*, Ep. 2. alias 92. ad *Rusticum* Narbonensem Episcopum, Inquisitione 11. „ Qualitas lucri (*inquit*) negotiantem aut excusat, aut arguit; quia est & honestus quæstus, & turpis. Verumtamen poenitenti utilius est dispendia pati, quam periculis negotiationis obstringi; quia difficile est, inter eumentis, vendentisque commercium, non intervenire peccatum „. Nam *Eccl.* 26. dicitur: *Dua species difficiles, & periculosa mihi apparuerunt; difficile eximitur negotiator a negligentia* (bonorum scilicet spiritualium, & propriæ salutis) *& non justificabitur campo a peccatis labiorum.* Et cap. 27. *Sicut in medio compaginis lapidum palus figitur; sic & inter medium venditionis, & emptionis angustabitur peccatum.* Et *Deus Tyrionum peccata prodiisse ex negotiatione* significat, *Ezec.* 28. *In multitudine negotiationis tuæ repleta sunt interiora tuâ iniquitate, & peccasti, & ejeci te.* Et rursum; *Iniquitate negotiationis tuæ poluisti sanctificationem tuam.*

R E G U L A II.

Lethalis fallaciæ reus est, qui promissa, & pacta non servat in re gravi; aut sincere, ac sponte promittit rem licitam, & possibilem, absque voluntate solvendi promissum.

De fallacia
in promissis,
& pactis.
Adversus
justitiam
peccat, qui
promissum

Jus enim naturæ, ac gentium violat frangendo fidem, quæ humanæ societatis fundamentum, ac vinculum est, & adversus justitiam peccat, cum se promissione obligaverit. Hinc cap. *Qualiter*, Ext. *De Pactis*, dicitur: *Studiosè agendum est, ut ea, quæ promittuntur, opere compleantur.* Et quid mirum si ho-

homo promissis suis debitor fiat cum „ „ Deus ipse non implet debitor nobis factus sit, non aliquid a nobis acci- in re gravi. Deus ipse debitor nobis factus est promittendo.

Quando dicis, debes mihi, quia promissisti mihi; tu nihil dedisti, & tamen exigis. Bonitas enim ejus, qui promissit, dabit, ne in malitiam fides convertatur. Qui enim fallit, malus est „ „ (inquit S. August. Serm. 158. alias 16. De Verbis Apostoli.) Hinc S. Thomas, 2. 2. qu. 88. art. 3. „ „ Ad fidelitatem hominis (inquit) pertinet, ut solvat id, quod promissit. Unde secundum Augustinum, fides dicitur ex eo, quod fiunt dicta. Et in responsione ad primum; Secundum honestatem (inquit) ex qualibet promissione homo homini obligatur; & hæc est obligatio juris naturalis. Sed ad hoc, quod aliquis obligetur ex aliqua promissione obligatione civili, quædam alia requiruntur „ „. Verum si promissio sit de re illicita, reus non erit fallaciæ, qui ipsam non servaverit, secundum Regulam juris, in sexto: *In malis promissis fidem non expedit observari*; Et Can. *In malis*, causa 22. qu. 4. *In malis promissis rescinde fidem*. Et cap. *Pactiones*, Extra De Pactis, Gregorius IX. respondet: „ „ Pactiones factæ pro quibusdam spiritualibus obtinendis, cum in hujusmodi omnis pactio, omnisque conventio debeat omnino cessare, nullius penitus sunt momenti. Quod etiam de aliis est dicendum, quæ observatæ vergunt in animæ detrimentum. Nam etiam juxta legitimas Sanctiones, pactum turpe, vel rei turpis, aut impossibile de jure, vel de facto, nullam obligationem inducit „ „. Et L. *Pacta*, C. tit. De Pactis, lib. 2. *Pacta, quæ contra leges, constitutionesque vel contra bonos mores fiunt, nullam vim habere, indubitati juris est.*

Nec etiam fallaciæ reus est, qui promissa non servat, quæ exsolvere non potest. Nemo enim ad impossibile tenetur. L. *Si stipulor*, tit. De Verborum obligationibus, Digest. lib. 45. „ „ Si stipulor, ut id

Si promissio sit rei illicitæ, non est fallaciæ reus, qui illam non servat.

Non est fallaciæ reus, qui promissa non servat, quæ impos-

plere non
potest.

fiat, quod natura fieri non concedit, non magis obligatio consistit, quam cum stipulor, ut detur, quod dari non potest, nisi per quem stetit, quominus facere id possit „ „. Et L. *Impossibile*, ff. *De Regulis juris*, 158. *Impossibile nulla obligatio est*. Quamobrem si quod tempore promissionis erat possibile, postea impossibile fiat; vel propter aliquam rerum, aut personarum mutationem ita fiat arduum, ut si promissor hos casus, vel eventus prævidisset, non fuisset promissurus, vel casus illos excepisset, ut si quisensem alteri promiserit, & ille insanus fiat; si puellam ducere, & hæc postea fornicetur; si merces aliquas mittere, & Regis, vel Magistratus prohibitio superveniat, cessat obligatio promissi. Ita docet *S. Th.*, 2. 2. qu. 110. art. 3. ad quintum respondens: „ „ Ille, qui aliquid promittit, si habeat animum faciendi, quod promittit, non mentitur, quia non loquitur contra id, quod gerit in mente. Si vero non faciat, quod promisit, videtur infideliter agere per hoc, quod animum mutat. Potest tamen excusari ex duobus. Uno modo si promisit id, quod manifeste est illicitum, quia promittendo peccavit; mutando autem propositum, bene facit. Alio modo, si sint mutatae conditiones personarum, & negotiorum. Ut enim Seneca dicit, lib. 4. *De Beneficiis*, cap. 3. Ad hoc, quod homo teneatur facere, quod promisit, requiritur, quod omnia immutata permaneant; alioquin nec fuit mendax in promittendo, quia promisit, quod habebat in mente, subintellectis debitis conditionibus; nec etiam est infidelis non implendo quod promisit, quia eadem conditiones non extant. Unde & Apostolus non est mentitus, qui non ivit Corinthum, quo se iturum promiserat, ut dicitur 2. ad Corinthios 1. & hoc propter impedimenta, quæ supervenerant „ „.

Non est fallaciae reus, qui promissum vi, metu, aut dolo

Non est etiam fallaciae reus, qui promissum vi, metu, aut dolo extortum non servat. Cum enim promissio sit liberalis, mereque gratuita pollicitatio, ab ea debent abesse vis, metus, & dolus, unde cap.

Ab.

Abbas, Ext. *De his, quæ vi metusve causa fiunt*, ait extortum Alexand. III. *Quæ metu, & vi fiunt, de jure debent in irritum revocari.* Et Innocens. III. cap. *Ad audientiam*, sub eod. tit. *Quæ vi, metusve causa fiunt, carere debent robore firmitatis.* Id confirmatur testimonio S. *Thomæ*, 2. 2. qu. 89. art. 7. ad tertium respondentis : Obligatio „ Quæ quis obligatur homini, cui aliquid „ promittit, tollitur per coactionem ; quia ille, qui „ vim intulit, hoc meretur, ut ei promissum non „ servetur „.

Non est denique fallaciæ reus, qui promissum non solvit ei, cui promissio grata non est, nec accepta ; sed lethalis fallaciæ reus est, etiam si non habuerit voluntatem se obligandi ; cum sponte promisit rem honestam, possibilem, gratam, & acceptam ei, cui facta promissio est, & magni momenti, si voluntatem se obligandi verbis, aut instrumentis expresse- rit, neque tamen promissionem impleat. Promissione enim sua delusit proximum in re gravi. Et si causam indicaverit, ob quam promisit, vel sine causa promissille non censetur, ut cum aliquid promisit loco pio, vel civitati, aut reipublicæ, non solum in foro conscientiæ, sed etiam in foro exteriori tenetur extolvere promissum, secundum jurisperitos. Quamquam vero promissum, aut *Pactum nudum* (ut vocant) non pariat actionem, secundum leges civiles ; nec aliquis in jus vocari possit, quando non intervenit stipulatio, nec contractus aliquis actualis nominatus, nec chirographum, aut literarum solemnitas, quæ *Pactum vestitum*, (ut loquuntur) efficiunt ; tamen ex nudo pacto, & promisso actionem etiam ori- ri, secundum Canones, communis est, & verior juris canonici Peritorum opinio. Quæ de re legi potest *Prosper Fagnanus* in 2. P. primi Decretalium, ad cap. *Antigonus*, tit. *De Pactis*. Ut ut est, non servans pactum legitimum in re gravi, peccati lethalis reus est, quia violans pactum potest excommunicari, ut constat ex cap. *Antigonus* : Ext. *De Pactis*, quod ex Conc. Carthag. 1. sumptum est. „ „ Antigonus Epi- sco-

Qui voluntatem se obligandi verbis, aut instrumentis expresse- rit, rem honestam, possibilem magni momenti, & gratiam ei, cui spondetur, promittens, lethaliter peccat si promissum non impleat, quamvis non habuerit voluntatem se obligandi.

scopus dixit. . . Aut inita pacta suam obtineant firmitatem, aut conventus (si se non cohibuerit) ecclesiasticam sentiat disciplinam. Universi dixerunt : Pax servetur, pacta custodiantur. Porro excommunicatio jure non infligitur nisi ob mortale peccatum, ut colligitur ex Can. *Nemo Episcoporum*, causa 11. quest. 3.

REGULA III.

Lethalis fallaciæ reus est, qui pro altero fidejussorem se obligat, cum nec ipse solvendo sit, nec principalem debitorem solvendo futurum existimet.

Fallacia enim suâ occasionem præbet creditori gravis damni. *Dare porro alicui occasionem periculi, vel damni, semper est illicitum* (inquit S. Thomas, 2. 2. qu. 77. art. 3.) Hinc Eccli. 8. Spiritus sanctus ait : *Non spondeas super virtutem tuam; quod si sponderis, quasi restituens cogita.*

ARTICULUS VII.

De Solitudine.

REGULA PRIMA.

Sollicitudo lethale peccatum est, cum finem ultimum in rebus temporalibus quis constituit, & terrenis curis ita se immergit, ut æternæ salutis suæ curam abjiciat, vel cum divinæ Providentiæ diffidit.

Nimia de rebus temporalibus sollicitudo a Christo damnata.

Hæc scilicet solitudinis genera, ut Gentium incredularum vitia damnat Christus Dominus (Matth. 6.) *Non potestis (inquit) Deo servire, & Mammonæ. Ideo dico vobis, ne solliciti sitis anima vestra, quid manducetis, neque corpori vestro, quid induamini. Nonne anima plus est, quam esca, & corpus plus, quam vestimentum ? Respiciite volatilia cæli, quoniam non serunt, neque metunt, nec congregant in horrea, & Pater vester cælestis pascit illa. Nonne vos magis pluris estis illis ? . . . Et de vestimento quid solliciti estis ? Considerate lilia agri, quomodo crescunt; non laborant, neque nent.*

ment. Dico autem vobis, quoniam nec Salomon in omni gloria sua coopertus est sicut unum ex istis. Si autem fenum agri, quod hodie est, & cras in clibanum mittitur, Deus sic vestit; quanto magis vos modica fidei? Nolite ergo solliciti esse, dicentes, quid manducabimus, aut quid bibemus, aut quo operiemur? Hac enim omnia Gentiles inquirunt. Scit enim Pater vester, quia his omnibus indigetis: Quærite ergo primum regnum Dei, & justitiam ejus, & hæc omnia adjicientur vobis. Quam postremam Christi Salvatoris sententiam S. August. lib. 2. De Sermone Domini in monse, cap. 16. sic exponit: „ Quid intersit inter bonum, quod appetendum est, & necessarium, quod sumendum est, hæc sententia declaravit. Regnum ergo, & justitia Dei bonum nostrum est, & hoc appetendum, & ibi finis constituendus, propter quod omnia faciamus, quæcunque facimus. Sed quia in hac vita militamus, ut ad illud regnum pervenire possimus, quæ vita sine his necessariis agi non potest. Apponentur vobis hæc (inquit) sed vos regnum Dei, & justitiam ejus primum quærite. Cum enim dixit illud primum, significavit, quia hoc posterius quærendum est, non tempore, sed dignitate; illud tanquam bonum nostrum, istud tanquam necessarium nostrum; necessarium autem propter illud bonum „ „

Regnum,
& justitia
Dei bonum
nostrum est,
& hoc ap-
petendum,
ut finis,
cætera
propter il-
lud ut ne-
cessarium
nostrum.

Confirmatur hæc Regula ex S. Thoma, 2. 2. qu. 54. art. 6. „ „ Sollicitudo (inquit) temporalium rerum tripliciter potest esse illicita. Uno quidem modo ex parte ejus, de quo sollicitamur, si scilicet temporalia tanquam finem quæramus „ „ Unde S. August. dicit, lib. De Opere Monachorum, cap. 26. „ „ Dominus ait: Nolite solliciti esse anima, quid manducetis, neque corpori, quid vestiamini. Recte, quoniam supra dixerat: Non potestis Deo servire, & Mammonæ. Qui enim propter hoc Evangelium prædicat, ut habeat unde manducet, & unde vestiatur, simul se putat, & Deo servire, quia Evangelium prædicat; & Mammonæ, quia propter ista necessaria prædicat; quod Dominus dicit fieri non posse. Ac per hoc ille, qui propter ista

Sollicitudo
tempora-
lium rerum
tripliciter
illicita.

ista Evangelium prædicat, non Deo, sed Mammonæ servire convincitur; etsi Deus illo ad aliorum provectum, quomodo ipse nescit, utatur. Nam huic sententiæ subjungit: *Ideo dico vobis: Nolite solliciti esse anima, quid manducetis, neque corpori, quid vestiamini*, non ut isti non procurent, quantum necessitati satis est, unde honeste potuerint; sed ut non ista intueantur, & propter ista faciant, quidquid in Evangelii prædicatione facere jubentur „ „.

Pergit S. Thomas: „ „ Alio modo potest esse temporalium sollicitudo illicita propter superfluum studium, quod apponitur ad temporalia procuranda; propter quod homo a spiritualibus, quibus principalius inservire debet, retrahitur; & ideo dicitur (*Matth. 13.*) Sollicitudo seculi istius, & fallaciæ divitiarum suffocat verbum, & sine fructu efficitur „ „. Hinc verus auctor Operis imperfecti in Matthæum inter *S. Chrysostomi Opera* editi, Hom. 31. „ „ Sollicitudo divitiarum (*inquit*) Ecclesiam te frequentare non permittit, ut nutriatur verbum, quod accepisti; & si venis corpore, non venis mente; si audis auribus, non audis corde; totus animus tuus in illis est, de quibus sollicitus es „ „.

S. Thomas
Ibid.

Tertio modo sollicitudo temporalium est illicita „ „ ex parte timoris superflui, quando scilicet aliquis timet, ne faciendo, quod debet, necessaria sibi deficient; quod Dominus tripliciter excludit. Primo, propter majora beneficia homini præstita divinitus præter suam sollicitudinem scilicet corpus, & animam. Secundo, propter subventionem, qua Deus animalibus, & plantis subvenit, absque opere humano, secundum proportionem suæ naturæ. Tertio, ex divina providentia, propter cujus ignorantiam gentiles circa temporalia bona quærenda principaliter sollicitantur. Et ideo concludit, quod principaliter nostra sollicitudo esse debet de spiritualibus bonis, sperantes, quod temporalia nobis provenient ad necessitatem, si fecerimus, quod debemus „ „.

Labor ex-
ercendus,

Labor ergo exercendus est; unde Apostolus ait, 2.
ad

ad Theſſal. 3. *Si quis non vult operari, nec mandu-* solicitude
tollenda.
get. Sollicitudo tollenda, meticulosa ſcilicet, ani-
 mum diſcrucians, divinæ providentiæ diffidens. Hinc
S. Auguſt. libro ſupra laudato *De Opere Monachorum*,
 c. 27. ait: „ Si, & nos per aliquam vel infirmi-
 tatem, vel occupationem, non poſſumus operari,
 ſic ille nos paſcet, & veſtiet, quemadmodum aves,
 & lilia, quæ nihil operantur huiuscemodi; cum au-
 tem poſſimus, non debemus tentare Deum noſtrum;
 quia, & hoc, quod poſſumus, ejus munere poſſu-
 mus; & cum hinc vivimus, illo largiente vivimus,
 qui largitus eſt, ut poſſimus. Et ideo de iſtis neceſ-
 ſariis ſoliciti non ſumus; quia cum hæc poſſumus
 agere, ille nos paſcit, & veſtit, a quo paſcuntur
 homines, & veſtiuntur; cum vero hæc non poſſu-
 mus agere, idem ipſe nos paſcit, & veſtit, a quo
 aves paſcuntur, & lilia veſtiuntur; quoniam nos plu-
 ris ſumus illis. Quapropter in iſta militia noſtra,
 nec in craſtinum cogitamus; quia non propter iſta
 temporalia, quo pertinet craſtinus, ſed propter illa
 ſempiterna, ubi ſemper hodiernus eſt, nos illi pro-
 bavimus, ut ei nullis negotiis ſecularibus implicati
 placeamus „ „

R E G U L A II.

Sollicitudo temporalium, etiam ea, quæ non repu-
 gnat fini charitatis, veniale peccatum eſt, ſi ſu-
 perflua ſit, & anticipata.

Hanc Regulam tradit *S. Thomas*, 2. 2. qu. 55. art. Solicitude
tempora-
lium ordi-
nata.
 5. ad tertium „ Sollicitudo (*inquit*) tempora-
 lium in operibus miſericordiæ ordinatur ad finem
 charitatis. Et ideo non eſt illicita, niſi ſit ſuper-
 flua „ Et art. 7. Nullum opus bonum eſſe poſſe
 ait, niſi debitis circumſtantiis comitatum, quarum
 una eſt *Debitum tempus*, ſecundum illud Eccl. 8.
Omni negotio tempus eſt, & opportunitas. Quod non
 ſolum in exterioribus operibus, ſed etiam in inte-
 riori ſollicitudine locum habet: *Unicuique enim tem-*
pore

peri competis propria sollicitudo; sicut tempori æstatis competit sollicitudo metendi; tempori autem Autumni sollicitudo vindemiæ. „ Si quis ergo tempore æstatis de vindemia jam esset sollicitus, superflue præoccuparet futuri temporis sollicitudinem. Unde hujusmodi sollicitudinem tanquam superfluam Dominus prohibet dicens: (*Marth. 6.*) *Nolite ergo solliciti esse in crastinum. Crastinus enim dies sollicitus erit sibi ipsi* „ id est, propriam sollicitudinem suam afferet, quæ sufficit ad animum affligendum; unde subdit: *sufficit diei malitia sua*, id est, sufficit, quod illa sumere urgebit ipsa necessitas; sive, sufficit afflictio ipsa sollicitudinis. Verumtamen (inquit *J. August. lib. De Sermone Domini in monte, cap. 17.*) „ Vehementer cavendum est, ne forte cum viderimus aliquem servum Dei providere, ne illa necessaria desint, vel sibi, vel eis, quorum sibi cura commissa est, judicemus eum contra præceptum Domini facere, & de crastino esse sollicitum. Nam & ipse Dominus, cui ministrabant Angeli, tamen propter exemplum, ne quis postea scandalum pateretur, cum aliquem fervorem ejus animadvertisset ista necessaria procurare, loculos habere dignatus est cum pecunia, unde usibus necessariis, quidquid opus fuisset, præberetur... Item in actibus Apostolorum scriptum est, ea, quæ ad victum sunt necessaria, procurata esse in futurum propter imminensem famem... *Quibus, & similibus Scripturarum locis*, satis apparet, Dominum nostrum non hoc improbare, si quis humano more ista procuret; sed si quis propter ista Deo militet, ut in operibus suis non regnum Dei, sed istorum acquisitionem intueatur. Ad hanc ergo regulam hoc totum præceptum redigitur, ut etiam in istorum provisione regnum Dei cogitemus, in militia vero regni Dei ista non cogitemus. Ita enim etiam si aliquando defuerint, quod plerumque propter exercitationem nostram Deus finit, non solum non debilitant propositum nostrum, sed etiam examinatum, probatumque confirmant... Quandoquidem
ista

Joan. 12.

Act. 11.

ista sicut adjutoria novit ille medicus, cui semel nos totos commisimus, & a quo habemus promissionem vitæ præsentis, & futuræ, quando apponat, quando detrahat, sicut nobis judicat expedire, quos & consolandos, & exercendos in hac vita, & post hanc vitam in perpetua requie stabiliendos, atque firmandos gubernat, ac dirigit. Non enim, & homo, cum plerumque juramento suo cibaria detrahit, deserit illud cura sua; ac non potius curando hæc facit „ „

Hinc idem *S. August.* Enarrat. in Psal. 39. explicans hunc versum: *Ego autem mendicus sum, & pauper, Dominus sollicitus est mei*; ait: „ „ Et quid facturus es; o egene, & pauper? Mendica ante januam Dei, pulsa, & aperietur tibi. Jacta in Dominum curam tuam, & spera in eum, & ipse faciet. Quid tibi curaturus es? Quid tibi provisorus? Habeat tui curam, qui fecit te. Qui habuit tui curam antequam esses, quomodo non habebit curam, cum jam hoc es, quod voluit, ut esses? Jam enim fidelis es, jam ambulas in viâ justitiæ. Curam tui non habebit, qui facit solem suum oriri super bonos, & malos, & pluit super iustos, & iniustos? Te jam justum ex fide viventem negliget, deseret, dimittet? Imo vero, & hic fovet, & hic adjuvat; & hic necessaria subministrat, & noxia refecat. Dandò consolatur, ut permaneas; auferendo corripit, ne pereas. Dominus curam habet tui, securus esto. Ille portat, qui te fecit; ab artificis tui manu noli cadere; si cecideris a manu artificis, frangeris. Ut autem permaneas in manu artificis, bona voluntas facit. Dic, Deus meus voluit, & portabit ipse, & tenebit ipse. Jacta te in illum, noli putare inane esse; ut quasi præciperis; non ita tibi videatur. Ille dixit: *Celum, & terram ego impleo*. Nusquam tibi deest; tu illi noli deesse, tu tibi noli deesse. *Dominus sollicitus est mei* „ „

Fiducia in
providentia
Dei.

Jer. 23.

ARTICULUS VIII.

De Violentia.

REGULA PRIMA.

Lethalis violentiæ rei sunt divites, qui pauperes opprimunt rapinis, oneribus, injuriis, verberibus, ini-
quis vectigalibus.

De violentia

Hi scilicet justitiæ, charitatis, imo humanitatis, quam natura docet, & quæ alios pro virili nos juvare jubet, ut ejusdem corporis membra, leges palam violant, & evertunt. Quæ flagitia quantum Deus execretur; Scriptura sacra testis est. Eccli. 4. *Verti me ad alia, & vidi calumnias, quæ sub sole geruntur, & lacrymas innocentium, & neminem consolatorem; nec posse resistere eorum violentiæ; cunctorum auxilio destitutos. Et laudavi magis mortuos, quam viventes; & feliciorum utroque judicavi; qui necdum natus est, nec vidit mala, quæ sub sole fiunt.* Prov. 22. *Qui calumniatur pauperem, ut augeat divitias suas; dabit ipse ditiori; & egebit. Non facias violentiam pauperi, quia pauper est; neque conteras egenum in porta; quia judicabit Dominus causam ejus, & configet eos, qui confixerunt animam ejus.* Prov. 30. *Generatio, quæ pro dentibus gladios habet. & comedit molaribus suis, ut comedat inopes de terra, & pauperes ex hominibus.* Ecclesi. 13. *Quæ pars diviti ad pauperem? Venatio leonis, onager in eremo; sic & pascua divitum sunt pauperes.* Isaïæ 3. *Vos depasti estis vineam; & rapinâ pauperis in domo vestra. Quare attetitis populum meum; & facies pauperum commolitis; dicit Dominus Deus exercituum? Michæ 3. Audite Principes Jacob, & Duces domus Israel; nunquid non vestrum est scire judicium; qui odio habetis bonum, & diligitis malum; qui violenter tollitis pelles eorum desuper eis; & carnem eorum desuper ossibus eorum? Qui comederunt carnem populi mei, & pellem eorum desuper excoxiaverunt; & ossa eorum confregerunt, & conciderunt sicut in lebetis; & quasi carnem in medio olla. Tunc clamabunt ad*

ad Dominum, & non exaudiet eos; & abscondet faciem suam ab eis in tempore illo, sicut nequiter egerunt in adinventionibus suis. Habacuc 1. Usquequò Domine, clamabo, & non exaudies? Vociferabor ad te vim patiens, & non salvabis? Quare ostendisti mihi iniquitatem, & laborem; videre prædam; & injustitiam contra me?... Quare non respicis super iniqua agentes, & taces devorante impio justiorum se? Et facies homines quasi pisces maris; & quasi reptile non habens principem. Taurum in domo sublevavit; traxit illud in sagena sua, & congregavit in rete suam. Super hoc latabitur, & exultabit. Propterea immolabit sagena suæ, & sacrificabit reti suo; quia in ipsis incrassata est pars ejus, & eibus ejus electus. Amos 8. Audite hoc; qui conteritis pauperem, & deficere facitis egenos terræ, dicentes: Quando transibit messis, & venundabimus merces; & sabbatum, & aperiemus frumentum; ut imminuamus mensuram; & augeamus sicilam, & supponamus stateras dolosas, ut possideamus in argento egenos, & pauperes pro calcamentis, & quisquilias frumenti vendamus? Juravit Dominus in superbiam Jacob: Si oblitus fuero usque ad finem omnia opera eorum.

Quod spectat iniqua vectigalia, quibus pauperes a potentibus opprimuntur, de his præclare *Salvianus*, lib. 5. De Gubernatione Dei: „ „ Illud (*inquit*) gravius est; quod plurimi proscribuntur a pauperibus, quibus exactio publica peculiaris est præda, qui fiscalis debiti titulos faciunt esse quæstus privatos; & hoc non summi tantum, sed perinde infimi, non iudices solum, sed iudicibus obsequentes. Quæ enim sunt non modo urbes, sed etiam municipia, atque vici, ubi non quot curiales fuerint, tot Tyranni sint? Quamquam forte hoc nomine sibi gratulentur; quia potens, & honoratus esse videatur. Nam, & latrones ferme omnes gaudent, & gloriantur, si atrociores admodum, quam sunt, esse dicantur. *Et infra*: Exactionis publicæ nomen in quæstus proprii emolumenta verterunt; & indictiones tributarias prædas suas esse fecerunt; qui in similitudinem immanium

Iniqua vectigalia, quibus pauperes a potentibus opprimuntur.

bestiarum non rexerunt traditos sibi, sed devorant; nec spoliis tantum hominum, ut plerique latrones solent, sed laceratione etiam, & ut ita dicam, sanguine pascebantur. Miseri, qui assiduum, imo continuum exactionis publicæ patiuntur excidium; quibus imminet semper gravis, & indefessa proscriptio; qui domos deserunt, ne in ipsis domibus torqueantur; exilia petunt, ne supplicia sustineant. Leviores his hostes, quam exactores sunt; & res ipsa hoc indicat, ad hostes fugiunt, ut vim exactionis evadant „„

R E G U L A II.

Lethalis violentiæ rei sunt Consules. Collectores, & quicunque indictiones publicas, tributa, seu tallias (ut loquuntur) imponunt facultatum proportionem minime servata, & pauperum aggravant onera; ut ditiores sublevent, aut ipsi præstationes suas minuant. Lethalis etiam violentiæ rei sunt nobiles, qui ex agris non nobilibus indictiones, seu tallias non solvunt, iis in provinciis, in quibus hujusmodi indictiones, seu talliæ reales sunt, & eas solvere tenentur; quo fit, ut hujusmodi onera Consules, aut communia oppidorum, vel pagorum, in cæteros incolas refundere cogantur.

De violentia nobilium, Collectorum, Consuluum &c.

Adversus tam crudele violentiæ genus *Salvianus*, loco supra laudato hunc in modum invehitur. „ Illud indignius, ac pœnalius, quod omnium onus non omnes sustinent; imo quod pauperculos homines tributa divitum premunt, & infirmiores ferunt sarcinas fortiorum; nec alia causa est, quod sustinere non possunt, nisi quia major est miserorum sarcina, quam facultas. Res diversissimas dissimillimasque patiuntur, invidiam, & egestatem. Invidia est enim in solutione, egestas in facultate. Si respicias, quod dependunt, abundare arbitreris; si respicias, quod habent, egere reperiēs. Quis æstimare rem hujus iniquitatis potest? Solutionem sustinent divitum, & indigentiam mendicorum. Plus multo est, quod dictu-

dicturus sum. Adjectiones tributarias ipsi interdum divites faciunt, pro quibus pauperes solvunt. . . Veniunt plerumque novi nuntii, novi epistolarii a summis sublimitatibus missi, qui commendantur illustribus paucis ad exitia plurimorum; decernuntur his nova munera, decernuntur novæ indictiones; decernuntur potentes, quod solvant pauperes; decernit gratia divitum, quod perdat turba miserorum. Ipsi enim in nullo sentiunt, quod decernunt „ „

Confirmatur ex L. *Fundos*, Cod. *de Fundis Patrim.* qua sancitum est: „ Ut revelato onere rei, quod imminet fatigatis, translatio in eos, qui integris viribus florent, & adscriptio tributorum æqua lance dividatur „

REGULA III.

Lethalis violentiæ rei sunt, qui indictionum, sive talliarum, aut tributorum quorumcunque remissionem a Principe, aut republica concessam, secundum æquitatis leges non distribuunt, spectatis locorum, & hominum facultatibus, & oneribus.

Hujus immanitatem flagitii verbis gravissimis pertrahit *Salvianus*, loco supra laudato. „ Si-
cut (*inquit*) sunt in aggravatione pauperes primi, ita in relevatione postremi. Si quando enim defectis urbibus minuendas in aliquo tributarias functiones potestates summæ existimaverint, illico remedium cunctis datum soli inter se divites partiuntur. Quis tunc pauperum meminit? Quis ad communionem beneficii humiles, & egestuosos vocat? Quis eum, qui primus est, semper in sarcina, vel ultimo esse loco patitur in medela? Et quid plura? Tributarii omnino pauperes non putantur, nisi cum his tributum cumulus imponitur. Extra numerum autem tributariorum sunt, cum remedia dividuntur. Et putamus, quod poena divinæ severitatis indigni sumus, cum sic nos semper pauperes puniamus? Aut credimus, cum iniqui nos jugiter sumus, quod Deus iustus in nos omnino esse non debeat „ „?

De violentia in talliarum, aut tributorum distributione.

R E G U L A I V.

Lethalis violentiæ rei sunt Toparchæ, Magnates, divites, & potentes quicunque homines, qui pauperibus patrocinium suum vendunt, & ab eis munera, obsequia, servitutes indebitas, & opera exigunt clientelæ prætextu; vexationesque graviore redimere cogunt minorum vexationum tolerantia.

De violentia magnatum, & divitum.

Hi scilicet concussionis pauperum rei manifesto probantur, divinis, humanisque legibus, ut tales damnandi. Horum crimen sinceris coloribus pingit *Salvianus* eod. lib. „ Tradunt se (*inquit*) pauperes ad tuendum, protegendumque majoribus, credititios se divitum faciunt, & quasi in jus eorum, ditionemque transcendunt. Nec tamen grave hoc, aut indignum arbitrarer, imo potius gratularer hanc potentum magnitudinem, quibus sese pauperes dedunt, si patrocinia ista non venderent; si quod se dicunt humiles defensare, humanitati tribuerent, non cupiditati. Illud grave, ac peracerbum est, quod hac lege tueri pauperes videntur, ut spolient; hac lege defendunt miseros, ut miseriore faciant defendendo. Omnes enim hi, qui defendi videntur, defensoribus suis omnem fere substantiam suam, prius quam defendantur, addicunt; ac sic, ut patres habeant defensionem, perdunt filii hereditatem. Tutio parentum mendicitate pignorum comparatur. Ecce, quæ sunt auxilia, ac patrocinia majorum. Nihil susceptis tribuunt, sed sibi. Hoc enim pacto aliquid parentibus temporarie attribuitur, ut in futuro totum filius auferatur. Vendunt itaque, & quidem gravissimo pretio, majores quidam, quæ cuncta præstant. Et quod dixi, vendunt? utinam venderent ulitato more, atque communi; aliquid forsitan remaneret emptoribus. Novum quippe hoc genus venditionis, & emptionis est. Venditor nihil tradit, & totum accipit. Emptor nihil accipit, & totum penitus amittit. Cumque omnis ferme contractus hoc in se habeat, ut tota res penes emptorem,

in-

inopia penes venditorem esse videatur; quia emptor ad hoc emit, ut substantiam suam augeat, venditor ad hoc vendit, ut minuat; inaudtum hoc commercii genus est; venditoribus crescit facultas, emptoribus nihil remanet nisi sola mendicitas. Nam illud quale! quam non ferendum, atque monstrigerum, & quod non dicam pati humanæ mentes, sed quod audire vix possunt; quod plerique pauperculorum, atque miserorum spoliati resculis suis, & exterminati agellis suis, cum rem amiserint, amissarum tantum rerum tributa patiuntur; cum possessio ab his recesserit, captatio non recedit. Proprietatibus carent, & vestigalibus obruuntur. Quis æstimare hoc malum possit? Rebus eorum incubant pervalores, & tributa miseri pervaloribus solvunt. Post mortem patris nati obsequiis juris sui agellos non habent, & agrorum munere enecantur. Ac per hoc nihil aliud sceleribus tantis agitur, nisi ut qui privata pervasione nudati sunt, publica afflictione moriantur; & quibus rem deprædatio tulit, vitam tollat exactio.

R E G U L A V.

Lethalis violentiæ rei sunt Toparchæ, seu Domini, qui tenentes suos, seu vassallos cogunt, ut ad suum molendinum frumenta sua molenda deferant, quamvis molendinum bannale non sit. Item, qui ad molendinum bannale venire cogunt homines ab ea servitute liberos; aut molitores suos haud æqua mensura uti patiuntur.

Iustitiam namque simul, & charitatem violant, dum servitutem, & onus imponunt liberis hominibus præter jus, & consuetudinem municipalem, faventque molitorum rapacitati. Contra huiusmodi injuriam, ac violentiam graviter expostulat *Fulbertus Carnotensis Episcopus* apud *Richardum* Normaniæ Ducem l.p. 14. „ „ Nuper ad nos venit imperatæ legatio, quod *Baldricus* minister nostris hominibus novam angariam induxerit, banniendo scilicet, ut

De violentia Toparcharum, seu Dominorum.

irent ad molendinum S. Audoenis, quinque leucis, ut fertur, ab eorum hospitii remotum. Si hæc, optime Princeps, vestro iussu, quod minime credimus, facta sunt, plurimum vestri causa dolemus, & ut corrigantur, suppliciter postulamus „„. Paris violentiæ rei sunt, qui compellunt homines absque legitimo titulo, aut præscripta consuetudine, ut ad furnum suum coquendum panem, aut ad torcular premendas uvas, aut poma, vel olivas deferant; jus enim molendini, furni, aut torcularis bannalis, seu bannarii nemini competit, nisi municipali jure, aut præscripta, & immemoriali consuetudine, aut concessione Principis, aut libera pactione ab incolis inita cum Domino. Cæterum *Longi temporis consuetudinem vicem servitutis obtinere*, si possessor, *nec vi, nec clam, nec precario* possideat, constat ex L. 1. *Si quas*, C. tit. *De Servitutibus*, & *aqua*.

Quod molitores spectat, tenentur bannalium molendinorum domini invigilare, & curare, ut æqua mensura utantur, eorumque rapacitatem cohibere. Conniventia enim eorum, vel negligentia ipsos (ut dixi) lethali peccati reos, & restitutioni obnoxios facit, in molitorum ipsorum supplementum, si huic justitiæ officio illi defuerint.

REGULA VI.

Lethalis violentiæ rei sunt nobiles, qui minis, & terroribus prohibent, ne ipsorum vassalli decimas Capitulis, monasteriis, aut parochis debitas conducant, ut ipsis vili pretio elocentur. Et multo magis, qui decimarum solutionem impediunt, vel recusant.

De violentia nobilium.

Gravem enim injuriam, ac detrimentum inferunt Ecclesiæ libertati, ac bonis; & edita *Caroli IX. 1571* & *Henrici III. 1585*. Regum christianissimorum violant, quibus prohibetur viris quibuscunque nobilibus, sub pœna excidendi a privilegiis nobilitatis, ne directe, vel indirecte, per se, vel per inter-

terpositas personas, decimas, aliave jura, aut redditus ecclesiasticos conducant. Hinc sacri Canones excommunicationem in eos decreverunt, qui decimarum collectionem, perceptionem, elocationem ab ecclesiasticis viris libere fieri impedirent. Ita Concil. Turonense anno 1282. „ „ Omnes illos, cujuscunque status, aut conditionis existant, qui personas ecclesiasticas, aut Ecclesiarum ministros, quo minus possint decimas ad ipsos, seu eorum Ecclesias pertinentes colligere, percipere, ad firmam tradere, cui, aut quibus expedire viderint, & impedire præsumperint quoquo modo, post inhibitiones, & monitiones eis in generali competenter factas, præcipimus excommunicationis vinculo generaliter innodandos „ „ Conc. Bituricense anno 1584. „ „ Inquirant Episcopi, Archidiaconi, aut alii eorum nomine visitantes in eos, qui decimas, quas debent, aut in rem suam vertunt, aut quoquo modo non solvunt, aut solvere volentes impediunt; hi autem, cujuscunque sint gradus, aut conditionis, auctoritate Episcopi excommunicentur. Contumaces judici seculari denuntientur „ „ Conc. Burdigalense anno 1582. „ „ Ne per inscitiam, aut oblivionem aliqua poenas a sacris Canonibus adversus eos decretas, qui decimas Ecclesiis, & religiosis locis, vel ex parte tantum, vel omnino non solvunt, incurrat, parochiis omnibus, & verbi divini prædicatoribus mandamus, ut primo quoque die Dominico Adventus, & Quadragesimæ in suis Pronis, & Concionibus denuntient, eos omnes, qui decimas subtrahunt, vel impediunt, excommunicatos esse, nec ab hoc crimine, nisi plena restitutione subsecuta, absolvi posse „ „ Conc. Trid. sess. 25. De Reformatione, cap. 12. „ „ Non sunt ferendi, qui variis artibus decimas Ecclesiis obvenientes subtrahere moliuntur; aut qui ab aliis solvendas temere occupant, & in rem suam vertunt, cum decimarum solutio debita sit Deo; & qui eas dare noluerint, aut dantes impediunt, res alienas invadunt. Præcipit igitur sancta Synodus omnibus, cu-

juscunq̃ue gradus, & conditionis sint, ad quos Decimarum solutio spectat, ut eas, ad quas de jure tenentur, cathedrali, aut quibuscunq̃ue aliis Ecclesiis, vel personis, quibus legitime debentur, integre persolvant. Qui vero eas aut subtrahunt, aut impediunt, excommunicentur; nec ab hoc crimine, nisi plena restitutione secuta, absolvantur „ „ Idem Decretum repetit Conc. Rothomagenſe anno 1581.

R E G U L A VII.

Lethalis violentiæ rei sunt nobiles, qui colonos cogunt, ut censualia, prædialiaque jura vulgo *le Chambers*, sibi solvant, eaque colligunt, & in sua horrea transferri jubent, ante collectionem, & solutionem Decimarum.

Id enim vergit in Ecclesiæ injuriam, & Decimatorum detrimentum, jureque canonico prohibitum est, cap. *Cum non sit in homine*, Ext. *De Decimis*, quod est *Innocentii III.* & Concilii Lateranensis. „ „ Cum (*inquit*) non sit in homine, quid semen ferenti respondeat, quoniam juxta verbum Apostoli; 1. Cor. 3. 7. *Neque, qui plantat, neque, qui rigat, est aliquid, sed qui incrementum dat Deus. Ipsum, qui de mortificato semine plurimum fructum affert, nimis avare quidam in decimis defraudare nituntur; census, & tributa, quæ interdum indecimata prætereunt, de frugibus primitus deducentes. Cum autem in signum universalis dominii quasi quodam titulo speciali sibi Dominus decimas reservaverit; nos & Ecclesiarum dispendiis, & animarum periculis obviare volentes, statuimus, ut in prærogativam dominii generalis, exactionem tributorum, & censuum præcedat solutio decimarum; vel saltem hi, ad quos census, vel tributa indecimata pervenerint, (quoniam res cum onere suo transit,) ea per Censuram ecclesiasticam decimare cogantur Ecclesiis, quibus de jure debentur „ „ Pluribus tandem Senatus-consultis decretum est, ut prius decimæ, quam prædialia, censualiaque jura solverentur.*

REGULA VIII.

Lethalis violentiæ conscii sunt nobiles, quorum Toparchis annexa est summa jurisdictio, seu jus gladii, si maleficos, ac sceleratos pœnis legum sanctione constitutis plecti non curent, sive, ut sumptibus parcant, sive ut commodum aliquod ex patrociniis flagitiosis illis hominibus impenso consequantur. Idemque de iudicibus censendum est, qui criminosos coercere, ac punire negligunt, aut pœnas legibus constitutas relaxant; (quod ad solos Principes, nec citra causam legitimam, pertinet) aut pœnas corporales in multas pecuniarias convertunt.

Vim scilicet inferunt legibus, reipublicæ, privatis, quibus jus denegant, & in quos ex improborum impunitate gravissima in dies incommoda derivantur. Divinum enim mandatum violant, Exodi 22. Icriptum: *Maleficos non patieris vivere.* Et Deut. 13. *Auferes malum de medio tui... non parcet oculis tuis, ut miserearis.* Et Prov. 17. *Qui justificat impium, & qui condemnat justum, abominabilis est uterque apud Deum.* Præterea: „ Non frustra instituta sunt potestas Regis, jus gladii cognitoris, ungulæ carnificis, arma militis, disciplina dominantis, severitas etiam boni patris. Habent ista omnia modos suos, causas, rationes, utilitates. Hæc cum timentur, & coercentur mali, & quietius inter malos vivunt boni; non quia boni pronuntiandi sunt, qui talia metuendo non peccant; non enim bonus est quispiam timore pœnæ, sed amore justitiæ; verumtamen non inutiliter etiam metu legum humana coercetur audacia, ut & tuta sit inter improbos innocentia; & in ipsis improbis dum formidato supplicio frænatur facultas, invocato Deo sanetur voluntas „ (inquit S. August. Epist. 153. alias 54.) Hæc autem inania reddunt, quantum in ipsis est, Toparchæ jus gladii habentes, cum maleficos pœnis legum sanctione constitutis plecti non curant; & iudices, qui sceleratos comprimere, ac punire

nire negligunt ; aut poenas legibus constitutas relaxant ; aut poenas corporales in multas pecuniarias convertunt. Denique „ „ Sicut non est beneficentiae adjuvando efficere, ut bonum, quod majus est, amittatur ; ita non est innocentiae parcendo sinere, ut in malum gravius incidatur. Pertinet ergo ad innocentis officium, non solum nemini malum interre, verum etiam cohibere a peccato, vel punire peccatum, ut aut ipse, qui plectitur, corrigatur experimento, aut alii terreantur exemplo „ „ (inquit S. August., lib. 19. *De Civ. Dei*, cap. 16.)

Furti, & cujuslibet damni proximo illati conscios esse, & restitutionis lege teneri, qui non obstant, non reprehendunt, non puniunt : „ Quando incumbit illis ex officio, sicut Principibus terræ, qui propter hoc potestate publica potiuntur, ut sint iustitiae custodes „ „ docet S. Thomas, 2. 2. qu. 62. art. 7. ad tertium. Edicti etiam Bleesenlis art. 196. Toparchis jurisdictiones summas, seu jus gladii habentibus præceptum est, ut in maleficos inquiri, ipsosque in carcerem detrudi, & secundum leges plecti curent ; sub poena jurisdictionis amittendæ.

R E G U L A I X.

Lethalis violentiæ conscii sunt iudices, qui pauperes, pupillos, viduas, quibus succurrere possunt, & tenentur ex officio, a Magnatibus opprimi patiuntur.

De violentia iudicium.

Istud violentiæ genus Dominus detestatur, Isaia 1. *Pupillos non iudicant, & Causa viduæ non ingreditur ad illos. Propter hoc, ait Dominus Deus exercituum ; heu consolabor super hostibus meis, & vindicabor de inimicis meis. Et Jer. 5. Causam vidua non iudicaverunt, causam pupilli non direxerunt, & iudicium pauperum non iudicaverunt. Nunquid super his non visisbo, dicit Dominus ; aut super gentem huiusmodi non miscebitur anima mea ?* Hinc Eccli. 4. præcipit Deus : *Libera enim, qui injuriam patitur, de manu superbi &*

& non accide feras in anima tua. In judicando esto pupillis misericors ut pater, & pro viro matri illorum; & eris tu velut filius Altissimi obediens, & miserabitur tui magis, quam mater. Scilicet: Religio munda, & immaculata apud Deum, & patrem hac est, visitare pupillos, & viduas in tribulatione eorum; (inquit S. Jacobus, Epistolæ suæ catholicæ cap. 1.) Pupillorum preces, & viduarum in gemitus ad Dominum clamant, non solum contra magnates, & potentes, qui ipsos opprimunt, sed etiam contra judices, qui iplis non succurrunt legum præsidio, cum possint, & ex officio teneantur. Eccli. 35. Non accipiet Dominus personam in pauperem, & deprecationem laesi exaudiet. Non despicias preces pupilli; nec viduam, si effundat loquelam gemitus. Nonne lacrymæ vidua ad maxillam descendunt, & exclamatio ejus super deducentem eas? A maxilla enim ascendunt usque ad celum, & Dominus exauditor non delectabitur in illis?

R E G U L A X.

Lethalis violentiæ rei sunt judices, qui recusationem, aut appellationem, quam debent, non admittunt. Eiusdem criminis rei sunt inique appellantes.

Hæ Regula colligitur, & firmatur ex cap. *Super eo*, & ex cap. *Consuluit*, 18. Ext. de *Appellationibus*, item ex cap. *Proposuit*, 24. Ibidem, cap. *Postremo*, 36. sub eod. tit. Item cap. *Secundo requiris*, §. *Consultationi*; & aliis Decretalibus, quibus, sub eodem tit. casus declarantur, in quibus judicem recusare, vel ab eo appellare liceat. Item ex L. *Apertissimi*, C. tit. de *Judiciis*, item ex L. *Appellatione*, L. *Litigatoribus*, L. *Judicibus*, aliisque C. tit. de *Appellationibus*, & *Consultationibus*. Verum & lethalis sæpe violentiæ rei sunt inique appellantes, consensu vero supremi judices, qui male appellantes non plectunt, ut appellationum abusum refecent. Hinc S. Bernardus, lib. de *Consideratione*, cap. 2. sic

De violentia inique appellantium.

Eugenium Pontificem alloquitur: „„ Formulam hanc justitiæ præfigit tibi; & divinæ incommutabilis ratio æquitatis, & ni fallor, ipsa appellationum lex; ut illicite usurpata appellatio, nec proffit appellanti; nec appellatio oblit. Ut quid enim frustra fatigatus sit homo? Quam plenum justitiæ, ut sese potius læserit, qui voluit proximum? Appellasse inique, iniquum est; inique, & impune, iniquarum appellationum fomes. Iniqua autem omnis appellatio, ad quam justitiæ inopia non coegit. Appellare, non ut graves, sed si graveris, licet. Appellandum a sententia; ante sententiam improbe omnino, nisi ob manifestum gravamen, præsumitur appellatio. Qui igitur non gravatus appellat, liquet, quia, aut gravare intendit, aut tempus redimere. Non est autem suffugium appellatio, sed refugium. Quantos novimus appellasse pulsatos, quo interim liceret, quod nunquam licet. Nonnullis etiam; quoad vixerunt, licuisse appellationis suffragio nefarias scimus, v. gr. incestum, adulterium. Quale est hoc, turpitudini patrocinari, quod vel maxime formidari a turpibus oportebat? Quousque murmur universæ terræ, aut dissimulas, aut non advertis? Quousque dormitas? Quousque non evigilat consideratio tua ad tantam appellationum confusionem, atque abusionem? Præter jus, & fas, præter morem, & ordinem sunt: Non locus, non modus, non tempus; non causa discernitur, aut persona. Præsumuntur leviter passim, plerumque & nequiter. Volentes malignari, nonne his potissimum terreri solebant? Nunc terrori ipsi ex his magis sunt, atque id bonis. Antidotum versum in venenum, non mutatio dexteræ Excelsi hæc. Appellantur boni a malis, ut non faciant bona, & supersedent a voce tonitruï tui formidantes; denique appellantur Episcopi, ne illicita audeant matrimonia solvere, vel prohibere. Appellantur, ne rapinas, ne furta, ne sacrilegia, & quæ ejusmodi sunt, punire ullatenus, vel cohibere præsumant. Appellantur, ne indignas, & infames personas a sacris Officiis,

be.

beneficiisve repellere, seu amovere queant. Quod tu invenis remedium morbo huius, ne quod reperi-
tum ad remedium fuit, reperiatur ad mortem? ze-
latus est Dominus domum orationis factam spelun-
cam latronum; tu ejus minister dissimulas misero-
rum retugium datum arma iniquitati. Videas præri-
pi passim partes oppressorum, & prorumpere ad
appellandum non tam gravatos, quam gravare vo-
lentes „ „.

Hinc S. Thomas, 2. 2. quæst. 69. art. 3. „ „ Du-
plici de causa (*inquit*) contingit aliquem appellare:
Uno quidem modo confidentia justæ causæ; quia
videlicet injuste a judice gravatur; & sic licitum est
appellare; hoc enim est prudenter evadere. Alio
modo aliquis appellat causa afferendæ moræ, ne con-
tra eum iusta sententia proferatur; & hoc est calum-
niose se defendere. Facit enim injuriam, & judici;
cujus officium impedit; & adversario suo, cuius ju-
stitiam, quantum potest, perturbat. Et ideo sicut di-
citur causa 2. quæst. 6. Canone, *Omniino, ex Legibus*
Theodosii accepto, omnimode puniendus est; cuius
appellatio injusta pronuntiatur „ „.

R E G U L A X I.

Lethalis violentiæ, & rapinæ rei sunt Publicani, qui
aliquid exigunt, & extorquent, præter id, quod
ipsis a Rege, vel a republica constitutum est.

Violant enim divinum mandatum ipsis a S. Joan-
ne Baptista significatum, cum ex illis quidam
ad Baptismum accederent: *Nihil amplius quam, quod*
constitutum est vobis, faciat. Hinc poenæ in ipsos,
si quid ultra exegerint, vel extorserint, jure civili
decretæ. L. *Locatio*, Dig. L. 39. tit. 4: *De Publicanis*;
& *Vetigalibus*, Paulus jurisconsultus ait: „ „ Quod
illicite publice, privatimque exactum est, cum alte-
ro tanto pallis injuriam exsolvitur; per vim vero
extortum, cum poena triplici restituitur. Amplius
extra ordinem plectuntur; alterum enim utilitas pri-
vate

De violentia Publica-
norum.
Luc. 3. 13.

vatorum, alterum vigor disciplinæ postulat „ „ Et L. Si Provincialium, tit. De Vexigalibus, & Commissis, C. lib. 4. „ „ Si Provincialium nostrorum querela de conductorum aviditate extiterit, & probatum fuerit ultra antiquam consuetudinem, & nostræ terminos jussionis aliquid eos profligasse, rei tanti criminis perpetuo exilio puniantur „ „

R E G U L A XII.

Lethalis violentiæ rei sunt, qui pauperibus suas domos, vel agros adhibita vi adimunt, aut vendere cogunt, etiam justo pretio.

De violentia virorum potentium.

Primam hujus Regulæ partem, quamvis per se manifestam, probat illud Michææ Prophetæ Oraculum, cap. 2. *Vae, qui cogitatis inutile, & operamini malum in cubilibus vestris; in luce matutina faciant illud, quoniam contra Deum est manus eorum: Et concupierunt agros, & violenter tulerunt, & rapuerunt domos; & calumniabantur virum, & domum ejus; virum; & hereditatem ejus. Idcirco hæc dicit Dominus: Ecce ego cogito super familiam istam malum; unde non auferetis colla vestra, & non ambulabitis superbi, quoniam tempus pessimum est. Et Prov. 23. Ne attingas parvulorum terminos, & agrum pupillorum ne introcas; propinquus enim illorum fortis est; & ipse judicabit contra te causam illorum.*

Secundam vero partem nostræ Regulæ confirmat Historia Regis Achab, qui Nabothis vineam concupiscens, hortis suis amplificandis opportunam, & regiæ conjunctam, ipsum cogere voluit, ut eam venderet justo pretio, ac negantem crudelis Jezebel uxor ejus oppressit: 3. Reg. cap. 21: *Locutus est ergo Achab ad Naboth, dicens: Da mihi vineam tuam, ut faciam mihi hortum olerum, quia vicina est, & prope domum meam; daboque tibi pro ea vineam meliorem; aut, si commodius tibi putas, argenti pretium, quanto digna est. Cui respondit Naboth: Propinquus sit mihi Dominus, ne dem hereditatem patrum meorum tibi.*

tibi. Venit ergo Achab in domum suam indignans, & frendens super verbo, quod locutus fuerat ad eum Naboth. Dixit ergo ad eam Jezabel uxor ejus: Grandis auctoritatis es, & bene regis regnum Israel. Surge, & comede panem, & aquo animo esto, ego dabo tibi vineam Naboth. Mox crudelis Jezabel Nabothem falsis testimoniis oppressum lapidari jussit, natisque illius accepto nuntio, dixit Regi: Surge & posside vineam Naboth, qui noluit tibi acquiescere, & dare eam tibi accepta pecunia. Statim surrexit Achab, vineæ possessionem ut iniret, cui, Deo jubente, occurrit Elias Propheta, dicens: Hæc dicit Dominus: Occidisti, insuper & possedisti. Quam historiam expendens S. Ambr. lib. de Nabuthæ, c. 9. ait: „ Utinam non appropere rapinam; utinam quod concupieris, non extorqueas; utinam alienum non petas, negatum prætermittas, excusatum patienter feras, non audias illam Jezabel, quæ est avaritia, quodam profluvio vanitatis dicentem: Ego tibi dabo possessionem, quam desideras. Tu tristis es, quia vis mensuram considerare justitiæ, ut alienum non eripias: Ego habeo mea jura, habeo meas leges; calumniabor, ut spoliem; & ut possessio pauperis eripiat, vita pulsabitur. Quid enim aliud in illa historia, nisi divitum avaritia describitur, quæ est vanum profluvium, quod omnia fluvii modo rapiat, & nulli usui profutura transducatur? Hæc est Jezabel non una, sed multiplex, non unius temporis, sed temporum plurimorum; hæc omnibus dicit, sicut illa dixit viro suo Achab: Surge, manduca panem, & redi ad te; ego tibi dabo vineam Nabuthæ Jezraelita „ „

Idem confirmat S. Joan. Chrys., Hom. 87. in Matthæum. „ Noli (inquit) dicere, quid est & rem proximi desiderabo? Hoc enim Achab Regem perdidit. Nam quamvis pretium dederit, verumtamen quia a nolente accepit, poenas luit. Emptor enim non cogere, sed persuadere debet, quod si vero æquum pretium persolvens tanto supplicio af-

fectus est; qui nullo pretio dato aliena rapit, præsertim cum gratiæ documentis sit roboratus, quam punitionem non meretur „ „?

Denique Conc. Arelatense 6. can. 23. vetat: „ „ Ne Comites, vel Vicarii, seu iudices, vel Centenarii sub mala occasione, vel ingenio res pauperum emant, nec per vim tollant, aut quolibet argumento surripiant; sed si cui aliquid possessionum emendum, & vendendum sit, id in publico coram comite, & iudicibus, & nobilibus civitatis facere debebit „ „.

REGULA XIII.

Lethalis violentiæ rei sunt, qui proximo de usu luminis in domibus suis lites injustas intentant, easque demoliri cogunt.

Hæc Regula colligitur ex *S. August.*, Sermon. 58. alias de Diversis 15. „ „ Plerumque (*inquit*) homines de usu solis, & luminis in ædificiis suis lites injustissimas concitant; & ut fenestris suis radii liberiores aliquanto largius infundantur, domos alienas dejicere sæpe moluntur; & eos, qui contraxerint, etiam si jure certissimo contradicant, inimicitiiis acerbissimis infectantur. Si queni igitur infirmorum potentior aliquis injuste, ac nefarie propter usum solis oppresserit, diripuerit, in exilium etiam, mortemve compulerit. Solis est crimen, quo ille abundantius uti desiderat, an potius male utentis iniquitas, qui dum cupit corporis oculis temporale lumen largius acquirere, cubiculum cordis luci non aperit æquitatis „ „?

REGULA XIV.

Lethalis violentiæ rei sunt, qui alienus Ecclesiæ, seu beneficii secularis, vel regularis, aut cujuslibet pii loci jurisdictiones; bona, census, ac jura etiam feudalicia, & emphyteutica, fructus, emolumenta, seu quascunque obventiones, quæ in ministrorum, & pauperum necessitates converti debent, per se, vel

vel alios, vi, vel timore incusso, seu quacunque arte, aut quocunque quæsito colore in proprios usus convertere, & usurpare præsumpserint, seu impedire, ne ab iis, ad quos jure pertinent, percipiantur. Ejusdem criminis rei sunt, qui Defunctorum oblationes, & pia legata intervertunt, retinent, vel Ecclesiis, aut aliis piis locis tradere differunt.

Adversus hos omnes excommunicationis poenam sacri Canones decernunt, donec restitutis rebus, Ecclesiam, vel ejus administratorem, aut beneficium, indemnem reddiderint. Ita Conc. Aurelianense 5. can. 13. hujusmodi homines *Necatores pauperum* appellans; Vasense 1. Can. 4. Tortonense 2. Can. 25. Moguntinum sub *Leone IV.* Canonibus 6. & 11. Arvernense Can. 4. Meldense, Can. 40. Nicænum 2. Oecumenicum Can. 13. Troslejanum Can. 4. cujus hæc sunt verba: „ Res, & facultates Ecclesiæ sunt vota Fidelium, pretia peccatorum, patrimonia pauperum; si quis illas rapuerit, damnationis Ananiæ, & Saphiræ particeps erit; & oportet hujusmodi tradere satanæ in interitum carnis, ut spiritus salvus sit in die Domini... Ergo & nos congregati cum Spiritu sancto sicut Jeremias peccatorem populum quadruplici planxit Alphabeto, sic & nos sacrilegos Dei, & Ecclesiæ contemptores percutiamus quadruplici anathematis maledicto. Sit eis clausa porta coeli, aperta janua inferni, cum nullo Christiano partem habeant omnino, vel societatem; sed & de reliquis ciborum illorum nihil detur pauperibus, quin potius projiciatur canibus, donec per dignam, & humilem poenitentiam, & congruam emendationem, lætificent Ecclesiam, quam per sacrilegia, & nefanda scelera exacerbaverunt „ „ Concilium Lateranense 3. Oecumenicum 2. & Conc. Trid. cujus pene verbis Regula concepta est, poenam excommunicationis in violentos illos rerum ecclesiasticarum invasores, & detentores pariter decernunt. Ejusmodi violentia ca-

De violentia erga Ecclesias, & pia loca.

sus est romano Pontifici reservatus, secundum Tridentinam Synodum. Si Ecclesiæ Patronus hoc in crimen incurrat, etiam jure Patronatus præterea privatus ipso facto existet. Clericus vero nefandæ fraudis, & usurpationis auctor, vel conscius eisdem etiam poenis subiacebit, omnibusque beneficiis insuper excidet, atque ad alia beneficia perpetuo fiat inhabilis, & ab Ordinum suorum executione, etiam post integram satisfactionem, & absolutionem, sui Ordinarii arbitrio suspendetur.

R E G U L A X V.

Lethalis violentiæ rei sunt divites, qui suis opibus, & auctoritate freti, pauperes ad tribunalia judicum trahunt, corruptisque pecunia, vel favore judicii, opprimunt, spoliant; aut lites pauperibus intentatas malis artibus ita protrahunt, ut ab iis persequendis omnino desistere cogantur; aut minis, & incusso terrore impediunt, ne a pauperibus sua repetentibus in jus ipsi vocentur.

De violentia divitum malis artibus pauperes opprimuntur.

Hæc violentiæ genera verbo Dei damnantur, Eccles. §. *Si videris calumnias egenorum, & violenta judicia, & subverti justitiam in provincia, non mireris super hoc negotio; quia excelsio excelsior est alius, & super hos quoque eminentiores sunt alii, & insuper universa terræ Rex imperat servienti.* Job 31. *Si contempsi subire judicium cum servo meo, & ancilla mea, cum disceptarent adversum me. Quid enim faciam, cum surrexerit ad judicandum Deus? Et cum quaesierit, quid respondebo illi? Numquid non in utero fecit me, qui & illum operatus est; & formavit me in vulva unus? Quem locum expendens S. Greg. lib. 21. Moralium, cap. 10. ait: „ Quis digne considerare valeat hujus viri tam sublimia virtutum moderamina? In quo tanta est auctoritas regiminis, ut ad silentium restringantur duces, tanta humilitas cordis, ut ex æquo ad judicium venire permittantur ancillæ. Ex quo apparet mirummodo in potestate Principibus potentior, in certamine,*

maine servis æqualis; in cœtu Principum memor regiminis, in certamine famulorum memor conditionis. Sese quippe sub vero Domino famulum conspicit, ideoque cordis altitudine se super famulos non extollit. Qui venturum judicem cogitat, indefinenter quotidie rationum suarum in melius causas parat; quia dum æternum Dominum tremore cordis intuetur, jura temporalis domini super subiectos moderari compellitur. Perpendit enim nil esse, quod temporaliter præest cæteris, quando illi ad reddendam rationem subest, qui sine fine dominatur. . . Unde beatus Job, quia ejus judicium, qui super omnia est, metuit. hic ad temporale judicium famulis æqualis venit. Qui ut semper cor in humilitate deprimat, nequaquam in eisdem famulis conspicit, quod sibi status est dispar, sed quod natura communis. *Nunquid non in utero fecit me, qui & illum operatus est, & formavit in vulva unus?* Ac si aperte dicat: Cur non æque debeamus in cujuslibet negotii judicio discuti, qui per Conditoris potentiam sumus æqualiter facti „„? Id confirmat *S. Jacobus*, Epistolæ catholicæ, cap. 2. *Vos autem exhonorastis pauperem. Nonne divites per potentiam opprimunt vos, & ipsi trahunt vos ad judicia?*

R E G U L A X V I.

Lethalis violentiæ rei sunt magnates, nobiles, & potentes quilibet viri, ac Magistratus, qui subditos suos, vel alios collocare cogunt in matrimonium filias suas, neptes, aut pupillas, liberis, amicis, aut servis suis; aut quovis modo directe, vel indirecte aliquem, vel aliquam cogunt, quo minus matrimonium libere contrahat.

Violentia enim hujusmodi juri naturali adversatur, quod matrimonii libertatem vindicat; quam qui violaverint, excommunicatione secundum sacros Canones percelluntur, etiam si regiam auctoritatem ad obtinendam puellam adhibuerint, ut con-

De violentia Magnatum, nobilium, & potentium virorum circa matrimonia.

stat ex Canone *Nullus*, causa 36. qu. 2. qui Concilii Parisiensis 3. Canon 6. est, & ex Concilii Aurelianensis 4. Can. 22. Contra hoc violentiæ genus Decretum edidit sacra Synodus Tridentina, Sess. 24. *De Reformatione Matrimonii*, cap. 9. his verbis: „Ita plerumque temporalium Dominorum, & Magistratum mentis oculos terreni affectus, atque cupiditates excœcant, ut viros, & mulieres sub eorum jurisdictione degentes, maxime divites, vel spem magnæ hereditatis habentes, minis, & pœnis adigant, cum iis matrimonium invitos contrahere, quos ipsi Domini, vel Magistratus illis præscripserint. Quare cum maxime nefarium sit matrimonii libertatem violare, & ab eis injurias nasci, a quibus jura expectantur, præcipit S Synodus omnibus, cujuscunque gradus, dignitatis, & conditionis existant, sub anathematis pœna, quam ipso facto incurrant, ne quovis modo directe, vel indirecte subditos suos, vel quoscunque alios cogant, quo minus libere matrimonium contrahant „Idem sanxerunt Conc. Rothom. anno 1581. tit. *De Matrimonio*, c. 13. Remense 1583. eod. tit. c. 6. Turon. eodem anno cap. 9. Aquense 1585. sub eod. tit. *Carolus IX.* Rex christianissimus edicto Aurel. & *Henric. III.* Edicto Blesensi contra hujusmodi violentiæ auctores, ceu contra raptores in judicio agi, atque illos e nobilium albo expungi sanxerunt, etiam si ad puellas rapiendas, & sequestrandas regias literas, aut mandata importunis precibus, vel per obreptionem impetraverint.

Cæterum, quod pœnam excommunicationis spectat, sacra Congregatio Concilii Trid. interpres illam a Concilio latam non esse declaravit in privatis personas, quæ directe, vel indirecte cogerent aliquem, quo minus matrimonium libere contrahat, sed tantum in Dominos temporales, & magistratus cujuscunque gradus, & conditionis, ut refert *Fagnanus*, in 4. Decretalium, in cap. *Insinuante*, tit. *Qui Clerici, vel vocentes, &c.*

REGULA XVII.

Lethalis violentiæ rei sunt parentes, & alii quicumque, qui suos liberos, vel alios, ad monasticum habitum suscipiendum, & ad religiosam Professionem emittendam, vel adhibita vi, vel incusso metu adigunt.

Libertatem enim ipsis adimunt, in quam ius non habent, præsertim cum agitur de vitæ statu deligendo, in quo ad mortem usque perseverare necesse est. Hinc S. Gaudensius Brixienſis Episcopus, Serm. 8. parentes „ Imperare perpetuam continentiam non posse ait, quia res esse noscitur voluntatis „ Et hæc Apostoli verba: *Qui dat Virginem suam bene facit, & qui non dat, melius facit*, non parentibus Virginum, quos constat aliena voluntatis arbitrio dominari non posse, sed unicuique hominum dicta interpretatur, cui optio data sit: „ Ut virginem suam, hoc est, carnem suam, virginem natam, aut integritati conservet, meliorem partem, liberamque eligens; aut agnita conditione, nuptiæ eam (si se non continet) tradat „ Hinc Carolus magnus, in Capitulari secundo anni 811. cap. 10. querit: „ In quo Canonum, vel in cuius sancti Patris Regula constitutum sit, ut invitatus quislibet, aut Clericus, aut monachus fiat, aut ubi Christus præcepisset, aut quis Apostolus prædicasset, ut de nolentibus, & invitatis, & vilibus personis congregatio fieret in Ecclesia, vel Canonicorum, vel monachorum „ Quamobrem Concil. Trid. sess. 25. *De Regularibus, & Monialibus*, cap. 18. „ Anathemati subjicit omnes, & singulas personas, cujuscunque qualitatis, vel conditionis fuerint, tam Clericos, quam Laicos, seculares, vel regulares, atque etiam qualibet dignitate fulgentes, si quomodocunque coegerint aliquam virginem, vel viduam, aut aliam quamcunque mulierem invitam, præter quam in casibus a jure expressis, ad ingrediendum monasterium, vel ad suscipiendum habitum, cujuscunque religionis, vel ad

De violentia parentum liberorum ad vitam monasticam cogentium.
1. Cor. 7. 35.

emittendam professionem; quique consilium, auxilium, vel favorem dederint; quique scientes eam non sponte ingredi monasterium, aut habitum suscipere, aut professionem emitte, quoquo modo eidem actui, vel presentiam, vel consensum, vel auctoritatem interpoluerint „ „

R E G U L A X V I I I.

Lethalis violentiæ rei sunt, qui ab habitus religiosi susceptione, vel solemnii votorum nuncupatione, absque iusta causa, aliquem impedierint,

Violentia
impedien-
tium ali-
quem ab in-
gressu reli-
gionis,

Hanc Regulam sacri Canones pariter confirmant, cum in huiusmodi violentiæ reqs excommunicationem decernunt. Ita Conc. Tolet. 3. can. 10. „ „ Pro consulto castitatis, quod maxime hortamento Concilii proficere debet, annuente domino nostro gloriosissimo Reccaredo Rege hoc sanctum affirmat Concilium, ut viduæ, quibus placuerit tenere castitatem, nulla vi ad nuptias iterandas venire cogantur. Quod si, priusquam profiteantur continentiam, nubere elegerint, illis nubant, quos propria voluntate elegerint habere maritos. Similis conditio & de virginibus habeatur, ne citra voluntatem parentum, vel suam cogantur maritos accipere. Si quis vero propositum castitatis viduæ, vel virginis impenderit, a sancta Communione, & a liminibus Ecclesiæ habeatur extraneus „ „ Puellam, vel adolescentem, ætate religiosæ professionis legitimam, quæ olim duodecim annorum fuit, ex hodierna vero disciplina sexdecim, parentes, vel tutores a religiosa professione impedire jure non posse, statutum est, Canone *Puella*, causa 20. qn. 1. qui Concilii Triburiensis can. 24. est. „ „ Puella, si ante duodecim annos ætatis sponte sua sacrum sibi velamen assumpsit, possunt statim parentes ejus, vel tutores id factum irritum facere, si voluerint. At si annum, & diem id dissimulando consenserint; ulterius, nec ipsi; nec ipsa mutare hoc poterunt. Si vero in fortiori

æta-

etate adolescentula, vel adolescens servire Deo elegerit, non est potestas parentum prohibendi. Denique Conc. Trid. loco supra laudato: „Anathemati subjicit eos, qui sanctarum virginum, vel aliarum mulierum voluntatem veli accipiendi, vel voti emittendi, quoquo modo, sine justa causa, impederint.

Cæterum quam graviter a Deo puniendi sint homines violenti, Spiritus sanctus docet, Job 27. *Hæc est pars hominis impij apud Deum, & hæreditas violentorum, quam ab Omnipotente suscipient. Si multiplicati fuerint filii ejus, in gladio erunt, & nepotes ejus non saturabuntur pane. Qui reliqui fuerint ex eo, sepelientur in interitu, & vidua illius non plorabit. Si comportaverit quasi terram argentum, & sicut lutum præparaverit vestimenta; præparabit quidem, sed iustus vestietur illis, & argentum innocens dividet. Edificavit sicut tinea domum suam, & sicut custos fecit umbraculum. Divex, cum dormierit, nihil secum auferet; aperiet oculos suos, & nihil inveniet. Apprehendet eum quasi aqua inopia, nocte opprimet eum tempestas, Tolle eum ventus urens, & auferes, & velut turbo rapiet eum de loco suo. Et mittet super eum, & non parecet; de manu ejus fugiens fugiet, Stringet super eum manus suas, & sibilabit super illum, intuens locum ejus. Et Sapientia 6. Audite Reges, & intelligite, discite iudices finium terra, Præbete aures vos, qui continetis multitudines, & placetis vobis in turbis nationum; quoniam data est a Domino potestas vobis, & virtus ab Altissimo, qui interrogabit opera vestra, & cogitationes scrutabitur; quoniam cum essetis ministri illius, non recte judicastis, nec custodistis legem iustitiæ, neque secundum voluntatem Dei ambulastis. Horrende, & cito apparebit vobis; quoniam iudicium durissimum his, qui præsumunt, fiet. Exiguæ enim conceditur misericordia; potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam; quoniam pusillum, & magnum ipse fecit, & æqualiter cura est illi de omnibus. Fortioribus autem fortior instat cruciatio.*

Ultio divina in homines violentos.

ARTICULUS IX.

De Obduratione contra misericordiam.

REGULA PRIMA.

Lethalis obdurationis contra misericordiam rei sunt, qui pauperibus pecuniam mutuo dare, nisi sub fœnoris, sive usurarum conditione, renuunt; vel in extrema necessitate constitutis dare mutuum nolunt, quod nulla spes recuperandæ sortis affluat.

^{ita}
^{dan-} **I**lli enim Dei mandatum prohibentis usurarum exactionem, præsertim a pauperibus, violare non verentur. Expressum illud est Exodi 22. *Si pecuniam mutuum dederis populo meo pauperi, qui habitat tecum, non urgebis eum quasi exactor, nec usuris opprimes. Et Lev. 25. Si attenuatus fuerit frater tuus, & infirmus manu, & susceperis eum quasi advenam, & peregrinum, & uixeris tecum, ne accipias usuras ab eo, nec amplius quàm dedisti. Deut 15. Si unus de fratribus tuis, qui morantur intra portas civitatis tuæ, in terra, quam Dominus Deus tuus daturus est tibi, ad paupertatem venerit; non obdurabis cor tuum, nec contrahes manum, sed aperies eam pauperi, & dabis mutuum, quo eum indigere perspexeris. Cave, ne forte subrepat tibi impia cogitatio, & dicas in corde tuo: Appropinquat septimus annus remissionis; & avertas oculos tuos a paupere fratre tuo, nolens ei, quod postulat, mutuum commodare; ne clamet contra te ad Dominum, & fiat tibi in peccatum. Sed dabis ei, nec ages quidpiam callide in ejus necessitatibus sublevandis; ut benedicat tibi Dominus Deus tuus in omni tempore, & in cunctis, ad quæ manum miseris. Quod si Judæis præceptum erat popularibus suis indigentibus dare mutuum gratis, etiàm desperata forte ob annum Sabbaticum imminens; multo magis Christianis, quos novi Testamenti gratia ad majorem, quam Judæos, obligat perfectionem, præceptum est, ut proximo ad extremam inopiam redacto, mutuum dando gratis, desperata etiàm sortis recuperatione, succurrant. Quod quidem ex Eccli.*

Eccli. cap. 29. confirmatur: *Qui facit misericordiam, fœneratur proximo suo; & qui prœvalet manu, mandata servat. Fœnerare proximo tuo in tempore necessitatis illius. . . Multi non causa nequitiæ non fœnerati sunt, sed fraudari gratis timuerunt. Verumtamen super humilem animo fortior esto, & pro elemosyna non trabas illum. Propter mandatum assume pauperem; & propter inopiam ejus, ne dimittas eum vacuum. Perde pecuniam propter fratrem, & amicum tuum; & non abscondas illam sub lapide in perditionem. Pone thesaurum in praeceptis; & proderit tibi magis quam aurum. Denique Christus Lucæ 6. Evangelica Præcepta tradens: *Et si (inquit) mutuum dederitis his, a quibus speratis recipere, quæ gratia est vobis? Nam & peccatores peccatoribus fœnerantur, ut recipiant equalia. . . Benefacite, & mutuum date, nihil inde sperantes; & erit merces vestra multa, & eritis filii Altissimi, quia ipse benignus est super ingratos, & malos.* Quem locum explicans S. Ambrosius, lib. De Tobia, ait: „ „ Date mutuum iis, a quibus non speratis vos, quod datum fuerit, recepturos. Nullum hic damnum est, sed compendium. Minimum datis, multum recipietis; in terra datis, & id vobis solvetur in cœlo; fœnus amittitis, mercedem magnam habebitis; fœneratores esse desinitis, filii eritis Altissimi; eritis misericordes, qui vos Patriæ æterni probetis hæredes. Sed fœneratorum vox delectat, & usurarum vocabulum. Id quoque non invideo. Docebo, quomodo boni fœneratores esse possitis, quomodo bonas quærat is usuras. Dicit Salomon: *Fœneratur Domino, qui miscetur pauperi; secundum datum ejus retribuet eis.* Ecce bonum fœnus de malo factum est; ecce irreprehensibilis fœnerator, usura laudabilis. Nolite ergo jam invidentem me vestris commodis æstimare. Putatis, quod hominem subtraham vobis debitorem? Deum provideo, Christum subrogo, illum demonstro, qui vos fraudare non possit. Fœnerate ergo Domino pecuniam vestram in manu pauperis. Ille adstringitur, & tenetur; ille scribit, quidquid egenus acceperit: Evangelium*

Prov. 19.

Deo fœnerandum.

Deus fide-
jussor, cum
mutui, vel
eleemosyna
datur pau-
peri.

lipm ejus cautio est; ille promittit pro omnibus in-
digentibus; ille dicit fidem, quid dubitatis dare? Si
quis vobis dives hujus seculi offeratur, qui fide pro-
mittat sua pro aliquo debitore, statim numeratis
pecuniâ; pauper est vobis Dominus cœli, & Con-
ditor mundi hujus, & adhuc deliberatis, quem di-
torem quærat fidejussorem „? Verum de usuris
p̄terius agemus capite sequenti.

R E G U L A II.

Lethalis obdurationis contra misericordiam rei sunt,
qui rem pauperum usibus necessariam ab illis in
pignus accipiunt, ac diu retinent.

De obdura-
tione ad-
versus mi-
sericor-
diam.

Peccat enim contra divinum mandatum, Deut. 24.
*Non accipies loco pignoris inferiorem, & superio-
rem molam; quia animam suam apposuit tibi, .. Cum reper-
tes a proximo tuo rem aliquam, quam debet tibi, non
ingredieris domum ejus, ut pignus auferas; sed stabis for-
tis, & ille tibi proferet, quod habuerit. Sin autem pau-
per est, non pernoctabit apud te pignus, sed statim red-
des ei ante solis occasum; ut dormiens in vestimento
suo benedicat tibi, & habeas justitiam coram Domino
Deo tuo. .. Nec auferes pignoris loco vidua vestimen-
tum. Et Exodi 22. Si pignus a proximo tuo acceperis
vestimentum, ante solis occasum reddes ei. Ipsum enim
est solum, quo operitur, indumentum carnis ejus, nec
habet aliud, in quo dormiat; si clamaverit ad me, ex-
audiam eum, quia misericors sum. L. Executores, C.
lib. 8. tit. Quæ res pignori obligari possunt, Constan-
tinus Imperator prohibet sub gravi pœna, ne bo-
ves aratorii, aut aratorium instrumentum pignoris
causa a creditoribus abstrahantur. L. Pignorum, ibi-
dem, Honorius, & Theodosius Imp. ita decernunt:
„ Pignorum causa aliquid, quod ad culturam agri per-
tinet, auferri non convenit „*

R E G U L A I I I.

Lethalis obdurationis contra misericordiam rei sunt, qui frumenta necessitatis tempore comprimunt, faciuntque, ut sua culpa carior, ac durior sit annona.

Peccant enim gravissime contra charitatem, & justitiam. Hinc Prov. cap. 11. Spiritus sanctus ait: *Qui abscondit frumenta, maledicetur in populis; benedictio autem super caput vendentium.* Populi autem adversus hujusmodi homines imprecatio, divinam in eorum capita maledictionem trahit, secundum illud Eccli. 4. *Ab inope, ne avertas oculos tuos propter iram; & non relinquo quarentibus tibi retro maledicere; maledicentis enim tibi in amaritudine anima exaudietur deprecatio illius; exaudiet autem eum, qui fecit illum.* Temporalis simul, & æterna maledictione immanes illos annonæ flagellatores, ex calamitate publica lucra captantes, a Deo configi, testis est S. Joan. Chrys.; Hom. 39. in Ep. 1. ad Cor. „„ Sicut (*inquit*) isti a curculione exesum frumentum, & inutile redditum, projiciunt in amnes; ita eos, quibus id est factitatum, propter hoc ipsum inutiles factos Deus in stagnum ignis projiciet. Sicut enim frumentum arrodit curculio, & vermis; ita impiorum animas exedit crudelitas, & immanitas „„ Hujus criminis gravitatem ostendit S. Ambrosius, lib. 3. *De Officiis*, cap. 6. „„ Non vincat (*inquit*) honestatem utilitas, sed honestas utilitatem. Hanc dico utilitatem, quæ æstimatur secundum vulgi opinionem. Mortificetur avaritia, moriatur concupiscentia. Sanctus in negotiationem introisse se negat; quia pretiorum captare incrementa, non simplicitatis, sed veritatis est. Et alius ait: *Captans pretia frumenti, maledictus* Prov. 11: *in plebe est.* Definita est sententia, nihil disputationi relinquens „„ Mox inanes eorum, qui frumenta comprimunt, excusationes refellit. „„ Aravi (*inquiunt*) studiosius, uberius seminavi, diligentius excolui, bonos collegi proventus, sollicitus recondidi, servavi fideliter, provide custodivi. Nunc in tempore famis sub-

Eorum, qui comprimunt annonam, immanitas.

subvenio esurientibus ; vendo frumentum non alienum, sed meum, non pluris, quam cæteri, imo etiam minori pretio. Quid hic fraudis est, cum multi possent periclitari, si non haberent, quod emerent? Num industria in crimen vocatur? Num diligentia reprehenditur? Num providentia vituperatur? Fortasse dicat: Et Joseph frumenta in abundantia collegit, in caritate vendidit. Num carius aliquis emere compellitur? Num vis adhibetur emptori? Omnibus defertur emendi copia, nulli irrogatur injuria. „ „ Quas avarorum hominum ratiunculas nullius esse momenti ad eorum duritiam excusandam sic ostendit. „ „ Cur ad fraudem convertis naturæ indulgentiam? Cur invides usibus hominum publicos, partus? Cur populis minuis abundantiam? Cur affectas inopiam? Cur optari facis a pauperibus sterilitatem? Cum enim non sentiant beneficia fecunditatis, te auctionante pretium, recondente frumentum, optant potius nihil nâci, quam te de fame publica negotiari. Ambis frumentorum indigentiam, alimentorum penuriam, uberes soli partus ingemiscis, fies publicam fertilitatem, horrea frugum plena deploras, exploras, quando sterilior proventus sit, quando exilior partus. Votis tuis gaudes arrisisse maledictum, ut nihil ulquam nasceretur. Tunc messem tuam venisse latarris, tunc tibi de omnium miseria congeris opes; & hanc tu industriam vocas, hanc diligentiam nominas, quæ calliditatis versutia, quæ astutia fraudis est? sit hoc tu remedium vocas, quod est commentum nequitiae? Latrocinium hoc, an fœnus appellem? Captantur tanquam latrocinii tempora, quibus in villosa hominum durus insidiator obrepas. Augetur pretium tanquam sorte cumulatum fœnoris, quo periculum capitis acervatur. Tibi conditæ frugis multiplicatur usura, tu frumentum quasi foenerator occultas, quasi venditor auctionaris. Quid imprecaris male omnibus, quia major futura sit fames, quasi nihil frugum super sit, quasi infœcundior annus sequatur? Lucrum tuum damnum publicum est. Joseph sanctus

omnibus aperuit horrea, non clausit; nec pretia captavit annonæ, sed perenne subsidium collocavit; nihil sibi acquisivit, sed quemadmodum fames etiam impolterum vinceretur, provida ordinatione disposuit. Denique Legibus etiam civilibus poenæ decretæ sunt adversus immanem avaritiam hominum vexantium, & comprimentium annonam, quos *Dardanarios* vocant. His scilicet negotiatione interdicitur, interdum & relegandos esse pronuntiatur, humiliores vero ad opus publicum damnandos. L. *Annonam*, tit. *De extraordinariis criminibus*, lib. 47. *Digestorum*. Cum vero in omnibus gravissimum sit id crimen, tam maxime in Clericis execrandum est. Quamobrem consultissime statutum est a Concilio Cabilonensis a Patribus, Can. 8. „ Ut si quando Sacerdotes fruges vel quosdam redditus terræ congregant, & protelant; non ideo hoc faciunt, ut carius vendant, & thesauros congregent, sed ut pauperibus tempore necessitatis subveniant „.

Leges ad-
versus eos
qui anno-
nam com-
primunt.

Sed & *Carolus magnus* in Capitulari Noviomagensi anni 806. cap. 18. ea de re ita statuit: „ Quicumque tempore Messis, vel Vindemiæ, non necessitate, sed propter cupiditatem, comparat annonam, aut vinum, v. gr. de duobus denariis comparat modium unum, & servat usque dum iterum venundari possit contra denarios quatuor, aut sex, seu amplius, hoc turpe lucrum dicimus. Si autem propter necessitatem comparat, ut sibi habeat, & aliis tribuat, negotium dicimus „.

R E G U L A IV.

Lethalis obdurationis contra misericordiam rei sunt, qui peregrinos tempore famis urbe expellunt, si satis annonæ luppetat, vel comparari possit, ut iis simul, & indigenis subveniatur.

Hanc Regulam tradit *S. Ambrosius*, lib. 3. *De Officiis*, cap. 7. „ Sed & illi (*inquit*) qui peregrinos urbe prohibent, nequaquam probandi; expellere

De obdura-
tione ad-
versus mis-
ericordiam.

eo tempore, quo deberent juvare, separare commerciis parentis, infans omnibus partus negare; inita jam consortia vivendi averruncare; cum quibus fuerint communia jura, cum his nolle in tempore necessitatis subsidia partiri. Feræ non expellunt feras, & homo excludit hominem? Feræ, ac bestię communem putant omnibus victum, quem terra ministrat. Illæ etiam conformem sui generis adjuvant; homo impugnat, qui nihil a se alienum debet trudere, quidquid humani est. Quanto ille rectius, qui cum jam provecta processisset ætate, & famem toleraret civitas, atque (ut in talibus solet) peterent vulgo, ut peregrini urbe pellerentur, præfecturæ urbanæ curam cæteris majorem sustinens, convocavit honoratos, & locupletiores viros, poposcit, ut in medium consulerent, dicens: Quam immane esset peregrinos ejici, quam hominem exuere, qui cibum morienti negaret? Canes ante mensam impastos esse non patimur, & homines extrudimus? Quam inutile quoque tot populos mundo perire, quos dira conficeret tabes? Quantos urbi suæ perire, qui forent adjumento esse vel in conferendis subsidiis, vel in celebrandis commerciis? Neminem fame aliena juvari; protrahere ut plurimum diem posse, non inopiam repellere; imo tot cultoribus extinctis, octafura in perpetuum subsidia frumentaria. Hos igitur excludimus, qui victum nobis inferre consueverunt? Hos nolumus in tempore necessitatis pascere, qui nos omni ætate paverunt. Quanta sunt, quæ ab ipsis nobis hoc tempore ministrantur? Non in solo pane vivit homo. Nostri illic familia, plerique etiam nostri parentes sunt. Reddamus, quod accipimus. Sed veremur, ne cumulemus inopiam. Primum omnium misericordia nunquam destituitur, sed adjuvatur. Deinde subsidia annonæ, quæ hic impartienda sunt, collatione redimamus, reparemus auro. Nunquid his deficientibus, non aliis nobis redimendi cultores videntur? Quanto vilius est pascere, quam emere cultores?... Quid plura? Collato auro, coacta fru-

frumenta sunt. Ita nec abundantiam urbis minuit, & peregrinis alimoniam subministravit. Quantæ hoc commendationis apud Deum fuit sanctissimo Seni? Quantæ apud homines gloriæ? Hic magnus vere probatus, qui vere potuit Imperatori dicere, demonstrans provinciæ totius populos: Hos tibi omnes reservavi, hi vivunt beneficio tui Senatus, hos tua Curia jam morti abstulit. Quanto hoc utilius, quam illud, quod proxime Romæ factum est, ejectos esse urbe amplissima, qui jam plurimam illic ætatem transegerant, flentes cum filiis abijisse, quibus velut civibus amoliendam exilium deplorarent, interruptas complurium necessitudines, direptas affinitates? Et certe arriserat anni sæcunditas, investitio urbs sola egebat frumento; potuissent juvari, si peterent ab Italis frumentum, quorum filii expellebantur. Nihil hoc turpius, excludere quasi alienum, & exigere quasi suum. Quid illum ejicis, qui de suo pascitur? Quid illum ejicis, qui te pascit? Servum retines, tridis parentem? Frumentum suscipis, nec affectum impartis? Victum extorques, nec rependis gratiam? Quam deforme hoc, quam inutile! Quomodo enim potest utile esse, quod non decet? Quantis corporatorum subsidiis dudum Roma fraudata est? Potuit & illos non amittere, & evadere famem, expectatis ventorum opportunis flatibus, ac speratarum commeatu navium. Quam vero illud superius honestum, atque utile? Quid enim tam decorum, atque honestum, quam collatione locupletum juvare egentes, ministrare victum esurientibus, nulli cibum defore „.

R E G U L A V.

Lethalis obdurationis adversus misericordiam reus est, qui pauperibus in extrema necessitate constitutis, non erogat eleemosynam, tum ex superfluis naturæ, id est, ex iis, sine quibus se, suamque familiam sustentare potest; tum ex necessario personæ, seu status, id est, sine quo retinere, ac ser-

Tom. VII.

U

vare

vare non potest decorem, ac decentiam suæ conditionis, sive dignitatis.

Hic, & sequentibus
Regulis ec-
clesiæ
præceptum
explicatur.
Quæ neces-
sitas extre-
ma censetur.

Extramam necessitatem dicimus, ad quam qui re-
ductus est, in manifestum mortis periculum ad-
ducitur, vel probabiliter, & ex prudentum iudicio
creditor moriturus, nisi quis illi subveniat. Id ubi
cognoverit Christianus sive per se, sive ex testium
fide dignorum relatione tenetur ipsi subvenire. Pec-
cat alioqui contra præceptum charitatis, ab Apo-
stolo Joanne Ep. 1. cap. 5. promulgatum. *Qui ha-
buerit substantiam hujus mundi, & viderit fratrem
suum necessitatem habere, & clauferit viscera sua ab
eo, quomodo charitas Dei manet in eo?* Ordo certe
charitatis postulat, ut proximi vitam magis, quam
status nostri decorem diligamus. Si enim decentiam
sacris Mysteriis debitam imminuendam censuerunt
SS. Patres, & aurea, argenteaque vasa, in quibus
conficiuntur Christi Corpus, & Sanguis, frangenda,
conflanda, & distribuenda pauperibus in extrema
necessitate constitutis, vel captivis redimendis im-
pendenda; qua de re egregius extat apud S. Ambro-
sium locus lib. 2. *De Officiis*, cap. 28. minime dubium
est, quin Christiani quilibet status sui decentiam im-
minuere teneantur, & ad tempus abdicare, ut pau-
peribus in extrema necessitate constitutis subveniant.
Hinc S. Greg. Hom. 20. in Evangelia, explicans illa
S. Joannis Baptistæ verba: *Qui habet duas tunicas,
det non habenti; & qui habet escas, similiter faciat;* ait:
„ Per hoc quod tunica plus est necessaria usui nostro,
quam pallium, ad fructum dignum poenitentiae per-
tinet, ut non solum exteriora quæque, & minus ne-
cessaria, sed ipsa valde nobis necessaria dividere cum
proximis debeamus, scilicet vel escam, qua carna-
liter vivimus, vel tunicam, qua vestimur. Quia enim
in lege scriptum est: *Diliges proximum tuum sicut te
ipsum;* minus proximum amare convincitur, qui non
cum eo in necessitate illius etiam ea, quæ sibi sunt
necessaria, partitur „ „ Homicidii certe reus est,
qui

Luc. 3.

qui pauperi ad eas angustias redacto non succurrit, secundum illud *Lactantii*, lib. 6. *Divinarum Institutionum*, cap. 11. „ „ „ „ „ Largire cæcis, debilibus, claudis, destitutis, quibus, nisi largiari, moriendum est; inutiles sunt hominibus, sed utiles Deo, qui eos vita, qui spiritu donat, qui luce dignatur. Fove, quantum in te est, & animas hominum, ne extinguantur, humanitate sustenta. Qui succurrere perituro potest, si non succurrerit, occidit „ „ „ „ „ Hinc illud *S. Ambrosii* nomine laudari solitum: Refertur 1. p. Decreti, dist. 86. cap. Pasce. *Quisquis pascendo hominem servare poterat, si non pavisti, occidisti.* Hinc verus *Ambrosius*, lib. *De Bono mortis*, cap. 8. „ „ „ „ „ Si quem viderimus pauperem moriturum, sumptu juvemus; & dicat unusquisque nostrum: *Benedictio morituri in me veniat.* Si quem viderimus debilem, non

Homicidii reus est, qui pauperi in extrema necessitate constituto etiam ex necessariis sui status non succurrit.

deferamus; si quem in extremis positum, non relinquamus; occurrat & nobis dicere: *Benedictio morituri in me veniat.* Laudet & te unusquisque moriturus, unusquisque depositus in ævo, unusquisque confectus vulnere gravi, unusquisque morbo absumptus, & jam morti proximus. Hic versiculus quantos benedici fecit? Quoties mihi pudorem incussit, si moriturum præterii, si non visitavi graviter ægrum, si fastidivi inopem, si captivum non redemi, si senem sprevi? Sit ergo in corde id semper, ut stimulet duriores, ut admoneat promptiores. Resonent te postrema verba morituri, & benedictionem tui egrediens corpore anima secum vehat. Eripe etiam eum, qui ad mortem ducitur, qui periturus erat, nisi tu subvenisses, ut dicas: *Benedictio perituri in me veniat* „ „ „ „ „

Id ipsum docet *S. Joan. Chrys.* Hom. 11. in Ep. ad Romanos. „ „ „ „ „ Hoc ipsum (*inquit*) quantam gehennam meretur, cum fratrem tuum, qui bonorum arcanorum tecum particeps factus, atque eo usque a Domino honoratus est tuo, in infinitas calamitates præcipites agis, ut lapides, ut domus tuæ pavimentum, ut animantium ratione carentium, ornatumque,

huiusmodi minime sentientium corpora exornes? Te ne tam sollicitam alendi canis curam gerere, hominem autem, seu (ut verius dicam) Christum ipsum, propter canem, & ea (quæ modo diximus omnia) ad summam famem adigi? Quid hac confusione pestilentius? Quid hac iniquitate lethalius? Quot tandem ignei fluvii ad huiusmodi animam depascendam satis esse possunt? Hem! Qui ad Dei similitudinem conditus est, pannosus, indecorusque jacet per tuam inhumanitatem, muli autem uxorem tuam portant, tum pelles, & ligna, quibus tectum illud textitur, multo auro splendent. Christi autem membrum, & is, propter quem e cælo ad nos Deus descendit, sanguinemque pretiosum effudit, avaritia tua nequidem necessarium cibum habet. Et lectuli quidem argento undique cincti, undique ornati sunt: Sanctorum vero corpora vel necessario operculo carent, ac tibi minoris sit ipse Christus, quam famulorum grex, quam muli, quam lectus, quam sedile, quam scabellum. Omitto enim vasa his etiam viliora... Brutis inhumanior es affectu, qui cum erga ea, quæ sensu omnino carent, studium impendas, Dei templa famé, ac nuditate perire sinas „ „.

Idem sensit *S. Greg. magnus*, qui dum quemdam pauperem in angustis Andronarum recessibus, a vermillionibus inveniri mortuum contigisset, æstimans eum stipis inopia periisse, ita per aliquot dies a Missarum celebratione vacando tristatus est: *Tanquam si cum propriis manibus, quod dictu nefas est; peremisset; ut refert Joannes Diaconus in ejus vitâ lib. 2. cap. 29.* Quod opere docuit, scriptis tradidit sanctissimus Pontifex. Ait enim *Pastoralis Cura* 3. P. Admonitione 21. „ „ Admonendi sunt, qui nec aliena appetunt, nec sua largiuntur, ut sciant solícite, quod ea, de qua sumpti sunt, cunctis hominibus terra communis est, & idcirco alimenta quoque omnibus communiter profert. In cassum ergo se innocentes putant, qui commune Dei munus sibi privatim vindicant; qui cum accepta non tribuunt, in proximorum

rum nece grassantur ; quia tot pene quotidie perimunt, quot morientium pauperum apud se subsidia abscondunt „ „

Hanc vero sententiam SS. Patres ex Scripturis sacris hauserunt. Dicitur enim Prov. 24. *Erue eos, qui ducuntur ad mortem ; & qui trahuntur ad interitum, liberare ne cesses, Si dixeris : Vires non suppetunt ; qui inspector est cordis, ipse intelligit, & Servatorem anima tua nihil fallit, reddetque homini juxta opera sua, Et Eccli. 34. Panis egentium vita pauperum est ; qui defraudat illum, homo sanguinis est.*

Hinc divitis illius epulonis damnationem in ejus duritiem, quam extrema Lazari mendici necessitas non commovit, SS. Patres post Evangelium refundunt. S. Petrum Chrysologum inter alios audiamus, Serm. 121. „ „ Iste dives (*inquit*) imo divitiarum captivus, servus opum, & ipsis censibus compeditus, tantum pompæ immobile sepulcrum, in quo pietatis totus utique, & visus defecerat, & auditus, non jam personam, non pauperem, sed ipsam misericordiam despicit ad januam suam Lazaro sic jacente. Purpura, byssu, delicatis vestibus, epulis blandis ferrea viscera crudelis anima nutriebat, quem Deus humanæ salutis avidus inquisitor emollire cupiens, non tam Lazarum, quam ipsum pietatis conflatorium ejus projecit ad januam : Conflatorium dixi, propter ferrea viscera. Impiis ergo oculis mendicus Lazarus ingeritur, admovetur, & ut dives dare possit, magis magisque divitis census cumulatur ; sed dives adamante durior, quidquid Deus pauperis propter alimoniam, divitis conferebat ad censum, ille aut effundebat turpiter, aut crudeliter reponebat. Item Deus, ut non taceret, ut clamaret, ut admoneret divitem, ut panem se quærere tantum jejuniis pauper ostendat, ut vel ad minima largienda abundantis impellat animum, augetur pauperi fames. *Cu, piebat (inquit) de micis saturari, qua cadebunt de mensa divitis.* At dives variis crapulatus ferculis indigeriem suam ructabat ad coelum, ne vocem pau-

Lucæ 16.

Duritia ex
ga paupe-
res causa
damnatio-
nis divi-
tum.

peris humi, & taliter jacentis audiret. Itemque Deus, quia obturatis auribus unius oris nil erat vox clamantis, ad aperiendum cor divitis, totum corpus pauperis vulneribus aperit, ut in admohiendo divite tot essent pauperis ora, quot vulnera. Solvuntur viscera, ulcera producuntur, hiatus vulnorum dilatatur, sanies effunditur, & tota pauperis caro componitur in scenam pietatis; ut quem vox elurientis non moverat, vel suspiria, vel dolores, vel gemitus, & tota ærumnarum congeries commoveret; sed dives superbo oculo, & insatiabili corde, hæc omnia & audire, & videre, & sentire contemnit. Quærit adhuc Deus, quemadmodum dives a sua obstinatione solvatur. Solvit pauperi manus a suis artubus, uti nec abigeret canes divitis, quos vulneribus suis divitis erat pasciturus in vulnus; & novo modo, Fratres, humanitatis ordo mutatur? Fit humana mendicitas, ut cupiditas prodatur inhumana. Dives pauperem nec cadentibus de mensa micis pascit; & Lazarus pauper, quia aliud non habebat, etiam de carnibus suis canibus humanus excipit. Miser dives, si panem non dedisti, quare vel canes abigere noluiti? Sed mitiores te canes tui, imo tu sævior canibus tuis; nam te sæviente illi parcunt, qui non ad morsum dentes, sed linguas ad obsequium sic producunt, ut in modum spongiæ non vexent vulnera, sed detergant. Dives in canibus tuis famem pietas vicit; in te impietatem saturnitas non evicit „ „. Idcirco dives *Sepultus est in inferno*, & clamabat ad Abraham: *Pater Abraham miserere mei*. Stulte petit a patre misericordiam, quam negaverat fratri. *Miserere mei*. Quid illi cum misericordia, cui jam totum in poenam? Aut quæ illi supplicatio apud patrem poterit subvenire, cui in sinu patris residet acculator? „ „ Pectus patris Lazarus tenet, & totam sancti cordis pulsât æquitatem, quatenus se filii patrem boni, mali judicem servet. *Mitte Lazarum, ut intingat extremum digiti sui in aqua, & refrigeres linguam meam*. Sitit itaque guttam, qui vini lacus, cum pau-

pauper sitiret, effudit; & stilla digiti extremi credit gehennæ flammæ extinguere, qui mensuris per totam diem ebrietatis nox extinxit incendia. Sed hanc sibi guttam ad refrigerium dari petit, ad ardorem pauperis quam negat. Ista gutta est, dives, quæ te facit crudelem; ista gutta est, quæ os Lazari a te negata siccat; quia ad refrigerium pauperis & gutta sufficit, & mica. *Cupiens* (inquit) *saturari de micis, quæ cadebant de mensa*. Spargebatur panis, fundebatur vinum, & quod ad extremam vitam pauperis negabatur, hoc totam divitis peribat ad pompam. *Et mitte Lazarum, ut intingat extremum digiti sui in aqua, & refrigeret linguam meam*. Lingua in capite, caput mali, ipsa derogat egeno, insultat pauperi, pietate latrat, misericordiam carpit; & merito prima est in gehenna, in cruciatu prævia, dum poenarum, quia ipsa interdixit misericordiam, cui datum fuerat, ut juberet „ „. Dives ille (inquit *S. August.* Ser. 178. alias 9. *De Verbis Apostoli*) non est dictus raptor rerum alienarum. „ „ Erat quidem *Dives* (inquit) qui induebatur purpura, & bysso, & epulabatur quotidie splendide. *Dives* (inquit) erat. Non dixit, calumniator; non dixit, pauperum oppressor; non dixit, rerum alienarum raptor, aut delator, aut receptor; non dixit, pupillorum spoliator; non dixit, viduarum persecutor; nihil horum; sed: *Erat quidam dives*. Quid magnum est? Dives erat, de suo dives erat. Cui aliquid tulerat? An forte auferret, & Dominus de illo reticeret, & personam ejus acciperet, si crimina ejus absconderet, qui nobis dicit: *Nolite personaliter judicare?* *Joan. 7. 24.* Si vis ergo audire crimen divitis illius, noli amplius quærere, quam audis a veritate. *Dives erat, induebatur purpura, & bysso, & epulabatur quotidie splendide*. Quod ergo ejus crimen? Jacens ante januam ulcerosus, & non adjutus. Hoc enim aperte de illo dictum est, quod immisericors erat. Nunquid enim, si pauper ante januam jacens sufficientem panem a divite acciperet, diceretur de illo, quia cupiebat sa-

turari de micis, quæ cadebant de mensa divitis? Propter hanc solam inhumanitatem, quæ contemnebat pauperem ante januam suam jacentem, nec congrue, digneque pascebat, mortuus est, & sepultus; & cum apud inferos in tormentis esset, levavit oculos suos, & vidit pauperem in sinu Abraham. Et quid pluribus immoror? Desideravit guttam, qui non dedit micam; non recepit iusta sententia, qui non dedit crudeli avaritia „ „.

Eleemof-
næ præce-
ptum ex-
plicatur ex
S. Thom.

Statutam superius Regulam confirmat S. Thomas, 2. 2. q. 23. art. 5. „ Dare (*inquit*) eleemosynam „ de superfluo, est in præcepto, & dare eleemofy- „ nam ei, qui est in extrema necessitate „. Et art. 6. Necessarium dupliciter dici observat; uno modo, sine quo aliquid esse non potest; & de tali necessario omnino eleemosyna dari non debet. Puta, si aliquis in articulo necessitatis constitutus, haberet solum, unde ipse, & ejus familia sustentari posset. „ „ De hoc enim necessario eleemosynam dare, est sibi; & suis vitam subtrahere; *casum excipit S. Thomas, in quo* subtrahendo sibi, daret alicui magnæ personæ, per quam Ecclesia, vel respublica sustentaretur; quia pro talis personæ liberatione seipsum, & suos laudabiliter periculo mortis exponeret, cum bonum commune sit proprio præferendum „ „. Alio modo aliquid necessarium esse dicitur, sine quo non potest convenienter vita transigi secundum conditionem, & statum propriæ personæ, & aliarum, quarum ei cura incumbit. De hujusmodi necessario (*inquit* S. Thomas) eleemosynam dare, *non cadit sub præcepto, sed sub consilio*; illis nimirum pauperibus, qui communem tantum necessitatem patiuntur. „ „ Inordinatum enim esset, si aliquis tantum sibi de bonis propriis subtraheret, ut aliis largiretur, quod de residuo non posset vitam transigere convenienter secundum proprium statum, & negotia occurrentia. Nullus enim inconvenienter vivere debet „ „. Atque hanc esse Doctoris angelici mentem, probant exceptiones, quas affert. „ „ Sed ab hoc (*inquit*) tria sunt exci-

U 5

veniat, quam necessitati propriæ, vel propinquarum conditionatæ. Et ideo dicitur communiter, quod dare eleemosynam de superfluo, cadit in præcepto; & sic dare eleemosynam ei, qui est in extrema necessitate, dare autem de eo, quod est necessarium necessitate secunda; non autem de eo, quod est necessarium necessitate prima; quia hoc esset contra ordinem charitatis „ „. Legis igitur divinæ præcepto penetrat dives eleemosynam dare pauperi ad extremæ necessitatis angustias, vel periculum redacto, ex eo, quod necessarium sibi, vel suis est necessitate duntaxat conditionata, scilicet ad decentem sui status conservationem; & nisi det, lethalis obdurationis adversus misericordiam reus est. „ „ Præterea, quando alius est in statu extremæ necessitatis, efficiuntur ei omnia communia; unde etsi per violentiam, vel furtum acciperet, non peccaret „ „ (inquit *S. Thomas* in responsione ad secundum.) Rem igitur alienam retinet, qui pauperi ad extremæ necessitatis angustias redacto ex iis, quæ ad sui status decorem necessaria videntur, non subvenit. Et in responsione ad quartum, ait, præceptum de eleemosyna eroganda obligare ex parte accipientis: „ „ Quando apparent signa probabilia extremæ necessitatis futuræ, nisi ei subveniat; ut cum aliquis vidit alios impotentes, vel pigros ad subveniendum, & pauperem indigentem cibo, & potu, & aliis vitæ necessariis, nec sibi satisfacere posse. Non enim expectanda est ultima necessitas; quia tunc forte non posset juvari natura jam fame, vel siti consumpta. Dicit enim *Chrysostomus Hom. 76. in Joan.* Non oportet pauperem ululantem deceptorem vocare. Quid dicis, o homo, propter unum panem deceptionem quis complicat? Utique dicis; quocirca maxime misericordiam consequatur, aut maxime necessitati eripiatur „ „.

REGULA VI.

Lethalis obdurationis adversus misericordiam reus est, qui pauperibus in gravi necessitate constitutis eleemosynas non erogat ex iis, quæ suæ, suorumque sustentationi superflua sunt, tametsi ad statum, seu conditionis suæ decetiam sint necessaria.

Gravis necessitas dicitur, ex qua mors si non evidenter imminere judicatur, probabili certe conjectura metuitur. Item cum quis versatur in evidenti periculo patiendi grave aliquod detrimentum, ut gravem morbum, carcerem, infamiam, amentiam, cum ingenuas mulieres in periculum prostitutionis egestas adducit, &c. Tunc (inquam) lethalis adversus misericordiam obdurationis reus est, qui eleemosynam non erogat etiam ex iis, quæ ad decorem sui status, aut dignitatis conservandum sunt necessaria. Non solum enim extremam, sed gravem necessitatem expressit dilectus Domini discipulus, Ep. 1. cap. 3. scribens: *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in illo?* Quæ verba explicans S. August. Tract. 5. in illam Epistolam, num. 12. ait: „ Ecce unde incipit charitas. Si nondum es idoneus mori pro fratre, jam idoneus esto dare de tuis facultatibus fratri. Jam percutiat viscera tua charitas, ut non de jactantia facias, sed de intimo adipe misericordiae; ut consideres illum in egestate positum. Si enim superflua non potes dare fratri tuo, animam tuam potes ponere pro fratre? Jacet pecunia in sinu tuo, quam tibi fures possunt auferre; & si illam non auferent fures, moriendo illam deferres, etiamsi te illa viventem non deferat; quid inde facturus es? Esuris frater tuus, in necessitate positus est; fortassis suspenditur, a creditore angustatur; non habet ipse, habes tu: frater tuus est, simul empti estis. unum est pretium vestrum, ambo Sanguine Christi redempti estis; vide, si misereris, si habes facultates mundi.

Quæ necessitas gravis censetur.

Obligatio divitum ad subveniendum pauperibus in egestate constitutis.

Quid

Quid ad me pertinet, forte dicis? Ego daturus sum pecuniam meam, ne ille molestiam patiatur? Si hoc tibi responderit cor tuum, dilectio patris non in te manet. Si dilectio patris non in te manet, non es natus ex Deo. Quomodo te gloriaris esse Christianum? Nomen habes, & facta non habes. Quid tibi prodest nomen, ubi res non invenitur „ „

Eandem Regulam confirmat *S. Ambr.*, lib. I. *De Officiis*, cap. 30. „ „ Grandis culpa (*inquit*) si sciens te te fidelis egeat, si scias eum sine sumptu esse, fame laborare, ærumnam perpeti, qui præsertim egere erubescat; si in causam ceciderit, aut captivitatis suorum, aut calumniæ, & non adjuves; si sit in carcere, & poenis, & suppliciis propter debitum aliquod iustus excrucietur; si tempore afflictionis suæ nihil a te impetret, si tempore periculi, quo rapitur ad mortem, plus apud te pecunia tua valeat, quam vita morituri „ „

Explicatur
S. Thom.

Non diffiteor *S. Thomam*, 2. 2. qu. 32. art. 5. duas tantum statuere casus, quibus præceptum eleemosynæ obligat, scilicet ratione extremæ necessitatis, & ratione superflui; alias autem rem esse meri consilii. „ „ Sic ergo (*inquit*) dare eleemosynam de superfluo, est in præcepto, & dare eleemosynam ei, qui est in extrema necessitate. Alias autem eleemosynam dare est in consilio; sicut & de quolibet meliori bono dantur consilia „ „ Verum necessitatis extremæ nomine *S. Thom.* gravem quoque necessitatem significasse, constat evidenter ex ipsius responsione ad tertium. „ „ Est (*inquit*) aliquod tempus, in quo mortaliter peccat, si eleemosynam dare omittat. Ex parte quidem recipientis, cum apparet evidens, & urgens necessitas; nec apparet in promptu, qui subveniat. Ex parte vero dantis, cum habet superflua, quæ secundum statum præsentem non sunt sibi necessaria „ „

REGULA VII.

Lethalis obdurationis adversus misericordiam rei sunt, qui pauperibus communem necessitatem patientibus superflua non erogant, id est, ea quæ suæ, ac suorum sustentationi, atque status sui, ac dignitatis decentiæ conservandæ non sunt necessaria.

Id probat primo divina hæc sententia, Ezech. 16. *Ecce hæc fuit iniquitas Sodoma sororis tuæ, superbia, & saturitas panis; & abundantia, & otium ipsius, & filiarum ejus; & manum egeno, & pauperi non porrigebant.* De obligatione divitiarum erga pauperes necessitatem communem patientia.

Id deinde probant S. Joannis Baptistæ verba, Lucæ 3. *Qui habet duas tunicas, det non habenti; & qui habet escas, similiter faciat.* Quæ verba S. Hier. explicans, Epist. 150. ad Edibiam, unius tunicæ nomine significari asserit: „ Quidquid corpori nostro sufficere potest, & humanæ succurrere imbecillitati; Escarum vero, seu victus unius diei nomine, quidquid in præsentibus alimentis necessarium est. Unde præceptum est. non cogitetis de crastino, hoc est, de futuro tempore. Et Apostolus: *Habentes (inquit) alimenta, & quibus tegamur, his contenti simus.* Si plus habes, quam tibi ad victum, vestitumque necessarium est, illud eroga, & in illo debitricem esse te noveris „ „.

Idem probant Christi verba, Lucæ 11. *Verumtamen quod superest, date eleemosynam.* Quæ verba S. Greg. libr. 12. Epist. 30. ad August. Episcopum, ad interrogationem 2. respondens, hoc brevi commentario illustrat: „ „ Omne, quod superest necessitatibus, in causis piis, ac religiosis erogandum est. Domino, ac magistro omnibus dicente: *Quod superest, date eleemosynam, & ecce omnia munda sunt vobis* „ „.

Idem probant Christi judicis sententiam extremam in reprobos pronuntiantis verba terribilia: *Discedite a me, maledicti, in ignem æternum: Esurivi enim, & non dedistis mihi manducare; Sivi, & non dedistis mihi*

Matth. 25.

mibi

mibi potum, &c. Quibus verbis non extremam, neque gravem, & urgentem, sed quancunque necessitatem exprimit, cui sublevandæ superflua pauperibus non erogantur. Hinc *S. August.* lib. I. *Contra Adversarium legis, & Prophetarum*, cap. 16. „„ Eceë (*inquit*) pro esca temporali, non ablata, sed non data, æternum, & horrendum supplicium committatur. Et recte, si consulas veritatem. Per parvum est enim, quod in eleemosynis datur, sed cum pie datur, æternum inde meritum comparatur. Et ideo potius, quia parvum est, quod datur, magna impietate non datur. Unde non mirum est, quod tantæ sterilitati velut infructuosarum arborum, ignis æterni supplicium præparatur „„

Christus repro-
bis in
iudicio so-
las eleemo-
synas pau-
peribus ne-
gatis ex-
probrabit.

Et *Serm. 60. alias De Tempore 50. cap. 16. „„* Illis, quos damnaturus est, imo plus illis, quos coronaturus est, solas eleemosynas imputabit, tanquam dicens; difficile est, ut si examinem vos, & appendam vos, & scruter diligentissime facta vestra, non inveniam, unde vos damnem: sed ite in regnum, esurivi enim, & dedistis mihi manducare. Non ergo itis in regnum, quia non peccastis; sed quia vestra peccata eleemosynis redemistis. Rursus & illis: Ite in ignem æternum, qui paratus est diabolo, & angelis ejus. Et illi tanquam noxii, olim rei, sero trementes, attendentes peccata sua, quando audent dicere, immerito se damnari, immerito in se hanc depromi a iudice tam justo sententiam? Sine dubio videbunt se iuste damnari pro se, iuste damnari pro sceleribus, & criminibus suis; & quasi eis diceret, non, non inde putatis, sed quia esurivi, & non dedistis mihi manducare. Si enim ab illis omnibus vestris facti averfi, & ad me conversi, illa omnia crimina, atque peccata eleemosynis redemissetis, illæ eleemosynæ modo liberarent vos, & a reatu tantorum criminum absolverent. Beati enim misericordes, quoniam ipsi misericordia præstabitur. Modo autem, Ite in ignem æternum. Iudicium sine misericordia ei, qui non fecit misericordiam „„

Jacob 14.

Idem

Idem probat S. Joannis locus supra laudatus Ep. 1. cap. 3. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo?* Christianus quisque tenetur charitatem Dei in animo habere, siquidem, ut ait idem Apostolus: *Qui non diligit, manet in morte.* Charitatem autem Dei non habet, qui necessitati proximi non solum gravi, sed communi succurrere negligit. Nullum enim excipit dilectus Christi Apostolus. Unde ibidem ait: *Filii mei, non diligamus verbo, neque lingua, sed opere, & veritate.* Quem locum expendens S. August. Tract. 6. in hanc Ep. ait: „ Hinc incipit ista charitas, ut de suis superfluis tribuat egenti. *Et Tract. 50. in Evangelium S. Joannis.* Unge pedes Jesu, bene vivendo dominica sectare vestigia. Capillis terge; si habes superflua, da pauperibus, & Domini pedes terfisti. Habes, quid agas de superfluis tuis; tibi superflua sunt, sed Domini pedibus necessaria „ „.

Hanc Regulam confirmat S. Paulus, cum ipsis infimæ sortis hominibus, & artificibus præcipit, ut laborent, non solum ad victum comparandum; sed ut aliquid seponere possint, ex quo pauperibus subveniant: *Ad Ephesi. cap. 4. Qui furabatur, jam non furetur; magis autem laboret operando manibus suis, quod bonum est, ut habeat, unde tribuat necessitatem patienti.* Et 1: *Ad Tim. 6.* ipsum docens quomodo erga divites gerere se debeat: *Divitibus (inquit) hujus seculi præcipe. Divites fieri in operibus bonis, facile tribuere, communicare; thesaurizare sibi fundamentum bonum in futurum, ut apprehendant veram vitam.* Non paucæ eleemosynas erogare jubet, sed plurimas, & uberimas, ex quibus thesaurus in futuram vitam cumuletur; non interdum, sed frequenter; non ex consilio, sed ex præcepto ad illas erogandas teneri docet, *Præcipe,* adeoque non tantum pauperibus ad extremam necessitatem redactis, qui raro admodum occurrunt, sed quamcunque necessitatem patientibus, siue publice, & ostiatim, siue clanculum, & privati-

Charitatem non habet qui necessitatibus pauperum, etiam communibus, de superfluis suis non subvenit.

tim mendicent, sive in Xenodochiis, & Ptochiis fidelium misericordia communiter sustententur: De quibus ait Christus Matth. 26. *Semper pauperes habetis vobiscum.*

Superflua
divitum
pauperibus
debentur.

Confirmatur hæc Regula SS. Patrum suffragio, asserentium superflua divitum pauperibus deberi, atque adeo non solum ex charitate, sed ex iustitia, non quidem in foro seculi, sed in foro Dei teneri ad superflua, cum naturæ, tum personæ, sive status, pauperibus eroganda. Ita S. Basilus, Hom. in illud S. Lucæ, *Destruam horrea mea*, &c. Quis (inquit) peculator? Ille, qui ad se unum transfert, quæ sunt singulorum. „ Tu ergo nonne peculator, qui ea, quæ dispensanda, distribuendaque acceperis, tibi uni propria facias? Nonne, qui vestem diripuerit, spoliator appellabitur? Qui autem nudum non vestierit, modo potuerit, an alio quam spoliatoris nomine donandus erit? Esurientis est panis, quem tu retines; nudi est vestis, quam in arca servas, discalceati calceus, qui apud te marcescit; indigentis argentum, quod possides defossum. Quocirca tam multis injuriam facis, quam multis opem conferre potuisti „

Divites,
qui super-
flua sua
pauperibus
non ero-
gant, ut ra-
ptores in
judicio Dei
punientur.
Ila. 3.

Ita S. Joan. Chrys. Concione 2. de Lazaro, Tom. 5. „ Rapina est (inquit) de suis facultatibus non impartiri. Quapropter Deus accusans Judæos per Prophetam, ait: *Produxit terra proventum suum, & non intulistis decimas, sed rapina pauperis est in domibus vestris.* Quoniam (inquit) oblationes solitas non dedistis, rapuistis ea, quæ sunt pauperis. Ita divites affatur per Malachiam Prophetam, ut intelligant divites, sese res pauperum possidere, etiamsi ex paterna hereditate eis obvenerint, etiamsi aliunde pecunias ex æquo, & bono conflagaverint. Et alibi: *Ne spolies* (inquit) *vitam pauperis.* Qui autem spoliatur, intervertit aliena. Nam spoliatio quædam admittitur a nobis, cum aliena rapimus, & detinemus. Unde discoimus nos, si eleemosynæ præceptum infregerimus, eodem supplicio affectum iri, quo raptores.

&

& spoliatores affici solent. Nostræ facultates, undecumque obvenerint, illius sunt Domini, cujus obsequio mancipati sumus. Quod si eas egentibus erogaverimus, maximas opes procul dubio inde capiemus. Ideo enim uberiores divitias nobis indulsit Deus, non ut eas in scortationes, in temulentiam, in ingluviem, superbasque vestes, scædamque mollietiem effunderemus, sed egenis, & calamitosis earum largitione succurreremus. Quemadmodum enim regalis ærarii custos, si committas sibi pecunias illis ipsis, quibus est iussus distribuere, impartiri neglexerit, sed in suas contulerit voluptates, & delicias, plectitur, & exauctoratur; ita vir dives se gerere debet ad instar quæstoris cuiuspiam, qui ab ipso Deo pecunias pauperibus erogandas acceperit. Quapropter si maiorem ejusmodi pecuniarum copiam, quam poscat sua ipsius necessitas, suos in usus convertat; se gravissime plectendum esse noverit. Non enim ejus sunt, quæ possidet, sed conservorum, quos egestas affligerit. Parcamus igitur nostris opibus ut alienis, ut vere in nostram possessionem transeant. Quomodo autem illis parcemus? Si eas non contulerimus in sumptus supervacaneos, nec in nostros duntaxat usus converterimus, sed in manus pauperum effuderimus. Nam quantumvis opulentus fueris, creditarum tibi pecuniarum redditurus es rationem, si ex eis impenderis plus, quam tua necessitas postulare. Hoc ipsum facitatur in Magnatum ædibus. Multi quippe suos redditus, suas apothecas committunt famulis; famuli illi commissa studiosissime tuentur, & servant, nec iis abutuntur, at distribuunt prout herus edixerit. Hoc ipsum, quisquis es dives, facito. Non enim plura cæteris accepisti bona, ut solus ea consumeres, sed ut ea indigentibus proximis impartiendo, boni dispensatoris gloriam tibi comparares.

Ita S: *Ambr.* lib. *de Nabushe*, cap. 12. *Ne di. Prov. 3.*
xeris (inquit Deus) *cras dabo*. Qui non patitur te
dicere, *Cras dabo*, quomodo patitur dicere, non

Tem. VII.

X

dabo?

Eccl. 4.

Psal. 112.

dabo? Non de tuo largiris pauperi, sed de suo reddis. Quod enim commune est in omnium ulum datum, tu solus usurpas. Omnium est terra, non divitum; sed pauciores, qui non utuntur suo, quam qui utuntur. Debitum igitur reddis, non largiris indebitum. *Ideo ait Scriptura: Declina pauperi sine tristitia aurem tuam, & redde debitum tuum, & responde illi pacifica in mansuetudine. Et Serm. 8. in Psal. 118. Misericordia quidem justitiæ portio est; ut si velis donare pauperibus, hæc misericordia justitia est, secundum illud: Dispersit, dedit pauperibus; justitia ejus manet in æternum.* Deinde, quia conformis tuus injustum est, ut non adjuvetur a socio; cum præsertim Dominus Deus nolter terram hanc possessionem omnium hominum voluerit esse communem, & fructus omnibus ministrare; sed avaritia possessionum jura distribuit. Justum est igitur, ut si aliquid tibi privatum vindicas, quod generi humano, omnibus animantibus in commune collatum est, saltem aliquid inde pauperibus aspergas; ut quibus juris tui consortium debes, his alimenta non deneges „ „

Idem lib. 2. in Lucam n. 77. „ „ Singulis (*inquit*) generibus hominum conveniens tribuit S. Jo. Baptista responsum, unum omnibus, ita Publicanis, ne ultra præscriptum exigant; militibus, ne calumniam faciant, ne prædam requirant; docens idcirco stipendia constituta militiæ; ne dum sumptus quaeritur, prædo grassetur. Sed hæc, & alia officiorum præcepta propria singulorum; misericordia communis est usus, ideo commune præceptum; omnibus officiis, omnibus ætatibus necessaria, & ab omnibus deferenda. Non Publicanus, non miles excipitur, non agricola, vel urbanus, dives, & pauper, omnes in commune admonentur, ut conferant non habenti. Misericordia enim plenitudo virtutum est. Et ideo omnibus est proposita perfecta forma virtutis, ne vestimentis, alimentisque suis parcant. Misericordiae tamen ipsius pro possibilitate conditionis humana.

Misericordia plenitudo virtutum.

manæ mensura servatur, ut non sibi unusquisque totum eripiat; sed, quod habet, cum paupere partiat. „„

Ita S. August., Serm. 50. alias de diversis 15. „„ Cur non miseri intelligunt, quod apud Aggrum loquens Dominus, propterea dixerit: *Meum est aurum*, & *meum est argentum*, ut & ille, qui non vult cum indigentibus communicare, quod habet, cum audit præcepta faciendæ misericordiæ, intelligat, Deum non de illius, cui jubet, sed de re sua jubere donari; & ille, qui aliquid porrigit pauperi, non se arbitretur de suo facere, ne forte non tam confirmetur misericordiæ nomine, quam infletur superbæ vanitate? *Meum est* (inquit) *aurum*, & *meum est argentum*, non vestrum, o divites terræ. Quid ergo dubitatis pauperi dare de meo, aut quid extollimini cum datis de meo „„?

Aggr. 2. 9.

Divites, non de sua, sed de rebus Dei donat pauperi, cum elemosynam erogab.

Idem Serm. 206. alias de Diversis 70. „„ Hinc (inquit) intelligit animus christianus, quantum remotus esse debet a fraude alienæ rei, quando sentit simile esse fraudi, si superflua sua non tribuerit indigenti „„. Sed, o cæca hominum corda! dant necessaria, ut hic diutius, vel misere vivant; nolunt dare superflua, ut in æternum cum Christo regnent. „„ Quam multos invenimus, qui dicant, tollat fiscus res meas, ut serius moriar. Et tamen, o amator temporalis vitæ, si tollat fiscus, te spoliatur in hoc seculo; si tollat Christus, tibi servat in cælo. Propter hanc vitam volunt habere homines, unde vivant, & propter hanc volunt dare, unde vivant. Quod tibi servas, unde vivas, hoc das, ut vivas forte fame defecturus. Et tamen dicis: Tollat, quid ad me? Mendicare volo. Das, unde vivas, mendicare paratus, ut vivas. Paratus es, datis etiam necessariis, mendicare in hoc mundo; & non es paratus, erogatis superfluis, regnare cum Christo „„? Verba sunt S. August. Serm. 302. alias De Diversis, 111. cap. 6.

Idem Serm. 61. alias 5. De verbis Domini, cap. 7. Mendici (inquit) Dei sumus; ut agnoscat ille men-

Mendici Dei sumus.

322 Theol. Dog. & Moral. Lib. III.

Ut & Deo
impetrent
divites ejus
dona, ne-
cesse est,
ut dent
pauperibus.

dicos suos, agnoscamus & nos nostros. Sed & ibi etiam cogitemus, quando petitur a nobis, qui petunt, a quibus petunt, quid petunt. Qui petunt? Homines. A quibus petunt? Ab hominibus. Qui petunt? Mortales. A quibus petunt? A mortalibus. Qui petunt? Fragiles. A quibus petunt? A fragilibus. Qui petunt? Miseri. A quibus petunt? A miseris. Excepta substantia facultatum, tales sunt, qui petunt, quales sunt, a quibus petunt. Quam frontem habes petendo ad Dominum tuum, qui non agnoscis parem tuum? Non sum (inquit) talis, absit a me, ut talis sim. Inflatu obfericatus ista loquitur de pannofo, sed ego nudos interrogo. Non interrogo in vestibus quales sitis, sed quales nati fueritis. Ambo nudi, ambo infirmi, miseram vitam inchoantes, ideo ambo plorantes. Recole dives primordia tua, vide, utrum huc aliquid attuleris. Jam venisti, & tanta invenisti. Dic, quid attuleris, aut si dicere erubescis, Apostolum audi: *Nihil (inquit) insulimus in hunc mundum, sed nec auferre aliquid possumus.* Quid ergo sequitur? *Victum, & tegumentum habentes, his contenti sumus.* Nihil dives habet de divitiis suis, nisi quod ab illo postulat pauper, victum, & tegumentum. Hinc tu quid plus habes ex omnibus, quæ habes? Accepisti victum, accepisti necessarium tegumentum. Necessarium dico, non inane, non superfluum. Quid plus de divitiis tuis capis? Certe omnia tua superflua erunt. Quæ sunt tua superflua, sint pauperibus necessaria. *Et infra: Non cogam (inquit) divites cibis pauperum vilibus, & inconditis vesci.* Utantur divites consuetudine infirmitatis suæ; sed doleant aliter se non posse. Melius enim possent, si aliter possent. Si ergo non extollitur pauper de mendicitate, tu quare extolleris de infirmitate? Conceditur tibi, utere superfluis, da pauperibus necessaria, utere pretiosis, da pauperibus vilia. Expectat a te, expectas a Deo; expectat ille manum, quæ facta est secum, expectas tu manum, quæ fecit te. Sed non solum te. fecit, sed & pauperem tecum. Dedit vobis
unam

unam viam istam vitam; invenistis vos comites, unam viam ambulatis; ille nihil portat, tu nimium oneratus es; ille nihil secum portat, tu tecum plus portas, quam opus est, Oneratus es; da illi de eo, quod habes; & illum pascis, & onus minuis „ „

Idem Serm. 85. alias *De Tempore*, 205. „ „ Decimas dabant Scribæ, & Pharisei, pro quibus Christus nondum Sanguinem fuderat; ne forte aliquid magnum facere te putes, quia frangis panem pauperi; & vix est millesima ista facultatum tuarum. Et tamen non reprehendo; vel hoc fac. Sic litio, sic esurio, ut & ad micas istas gaudeam. Sed tamen quid dixerit vivus, qui pro nobis mortuus est, non tacebo: *Ubi-rior, & largior esse debet Chri- stianorum eleemosyna, quam Phariseo- rum.*

Nisi abundaverit iustitia vestra plus quam Scribarum, Matth. 5. & Phariseorum, non intrabitis in regnum celorum. Ille nos non palpat, medicus est, usque ad vivum pervenit: Scribæ, & Pharisei decimas dabant, Quid est? interrogate vos ipsos. Videte, quid faciatis, de quanto faciatis; quid detis, quid vobis relinquatis; quid misericordiæ impendatis, quid luxuriæ reserve- tis. Ergo, facile tribuant, communicent, thesau- rizen tibi fundamentum bonum in futurum, ut ap- prehendant veram vitam „ „

Ita S. Greg. magnus, p. 3 *Pastoralis Cura*, Admo- *Eleemosy- na iustitiæ debitum.*
nitione 22, „ „ Cum quælibet necessaria indigentibus ministramus, sua illis reddimus, non nostra largi- mur; iustitiæ debitum potius solvimus, quam mise- ricordiæ opus implemus. Unde & ipsa veritas, cum de misericordia caute exhibenda loqueretur, ait: *Matth. 6.*
tendite, ne iustitiam vestram faciatis coram hominibus. Cui sententiæ Psalmista concinens dicit: *Psalm. 111.*
Dedit pauperibus, & iustitia ejus manet in æternum, Cum enim largitatem impensam pauperibus præmi- sisset, non hanc vocare misericordiam, sed iustitiam maluit; quia quod a communi Domino tribuitur, justum profecto est, ut quicumque accipiunt, eo communiter utantur. Hinc etiam Salomon ait: *Qui Prov. 19.*
justus est, tribuet, & non cessabit. Admonendi sunt quoque ut solícite attendant, quod ficulnea, quæ

fructum non habuit, contra hanc districtus agricola queritur, quod etiam terram occupavit. Terram quippe ficulnea sine fructu occupat, quando mens tenacium hoc, quod prodesse multis poterat, inutiliter servat „ „

Eleemosy-
næ præce-
ptum ex S.
Th. iterum
explicatur.

Ita S. Thomas, 2. 2. quæst. 32. art. 5. „ „ Cum (*inquit*) dilectio proximi sit in præcepto; necesse est omnia illa cadere sub præcepto, sine quibus dilectio proximi non conservatur. Ad dilectionem autem proximi pertinet, ut proximo non solum velimus bonum, sed etiam operemur, secundum illud 1. Joannis 3. *Non diligamus verbo, neque lingua, sed opere, & veritate.* Ad hoc autem, quod velimus, & operemur bonum alicujus, requiritur, quod eius necessitati subveniamus, quod sit per eleemosynarum largitionem; & ideo eleemosynarum largitio est in præcepto. Sed quia præcepta dantur de actibus virtutum, necesse est, quod hoc modo donum eleemosynæ cadat sub præcepto; secundum quod actus est de necessitate virtutis; scilicet secundum quod recta ratio requirit, secundum quam est aliquid considerandum ex parte dantis, & aliquid ex parte ejus, cui est eleemosyna danda. Ex parte quidem dantis considerandum est, ut id, quod est in eleemosynas erogandum, sit ei superfluum, secundum illud Lucæ 11. *Quod superest, date eleemosynam.* Et dico superfluum, non solum respectu sui ipsius, quod est supra id, quod est necessarium individuo, sed etiam respectu aliorum, quorum cura sibi incumbit, respectu quorum dicitur necessarium personæ; secundum quod persona dignitatem importat; quia prius oportet, quod unusquisque sibi provideat, & his, quorum cura ei incumbit, & postea de residuo necessitatibus aliorum subveniat. Ex parte autem recipientis requiritur, quod necessitatem habeat, alioquin non esset ratio, cur ei eleemosyna daretur „ „. Necessitatem etiam communem ex parte recipientis; superfluum ex parte dantis, legitimas, ac sufficientes rationes esse, quibus aliquis ad erogandam

Necessitas,
etiam com-
munis, ex
parte reci-

dam eleemosynam obligatur, *S. Thomas* docet; quamvis extremam duntaxat, vel gravem necessitatem rationem esse asserat, cur huic potius pauperi deferminatur, quam aliis, subvenire quis ex præcepto teneatur, cum omnibus subvenire non possit. „ Sed cum (*inquit*) non possit ab aliquo uno omnibus necessitatem habentibus subveniri; non omnis necessitas obligat ad præceptum, sed illa sola, sine qua is, qui necessitatem patitur, sustentari non potest. „ Hanc autem esse *S. Thomas* mentem facile ostenditur ex aliis ejusdem locis; nempe qu. 66, art. 7. ubi ait: „ Res, quas aliqui superabundanter habent, ex naturali jure debentur pauperum sustentationi. Sed quia multi sunt necessitatem patientes, & non potest ex eadem re omnibus subveniri, committitur arbitrio uniuscujusque dispensatio propriarum rerum, ut ex eis subveniat necessitatem patientibus. *Et qu. 37, art. 1. ad 4.* Secundæ decimæ, quæ reservabantur ad sacrificia offerenda, locum in nova lege non habent, cessantibus legalibus victimis, Tertiæ vero decimæ, quas cum pauperibus comedere debebant, in nova lege augentur per hoc, quod Dominus non solum decimam partem, sed etiam omnia superflua pauperibus jubet exhiberi, secundum illud *Lucæ 11, Quod superest, date eleemosynam.* Ipsæ etiam decimæ, quæ ministris Ecclesiæ dantur, per eos debent in usus pauperum dispensari. „ Et in 4. *Sententiarum, dist. 15. qu. 2. art. 1. quæst. 4.* ad quartum asserit, præceptum de eleemosynis erogandis obligare, „ Ex parte dantis, quando habet homo multa, quibus non indiget, neque ad sustentationem vitæ sui, & suorum, neque ad decentem status sui conservationem; etsi pauperes extremæ necessitatis non compareant „ „

Sed, ut jam innui, cum omnibus pauperibus communem patientibus necessitatem eleemosynam erogare dives quisque non possit, satis erit, ut satisficiat divino præcepto, si quantum in ipso erit pauperibus ex superfluo suo succurrat. Unde *Tobie 4.*

plentis, superflui ex parte dantis, sufficientes rationes sunt, quibus Christianis ad eleemosynam erogandam obligatur.

dicitur : *Ex substantia tua fac eleemosynam , & noli avertere faciem tuam ab ullo paupere ; ita enim fiet , ut nec a te avertatur facies Domini. Quomodo potueris , ita esto misericors. Si multum tibi fuerit , abundanter tribue ; si exiguum tibi fuerit , etiam exiguum libenter impertiri stude.* Cum prudentia quoque , & servato charitatis ordine , superflua sua pauperibus erogare debet , ut scilicet parentes , & propinquos extraneis , indigenas advenis , domesticos fidei infidelibus , & hæreticis , inter fideles eos , qui sanctiores sunt , utpote Deo propinquiore , si sit æqualis eorum necessitas , cæteris anteponat. Nam absolute loquendo , prius ei subveniendum , qui extremam , illi deinde , qui gravem , postremo illi , qui communem necessitatem patitur. Charitatis ordinem commendavit Ap. 1. ad *Timotheum* 5. scribens : *Qui suorum , & maxime domesticorum curam non habet , fidem negavit , & est infideli deterior.* Canonibus etiam sancitum est , ut unaquæque civitas pauperes suos alat ; & *Carolus magnus* , in Capitulari 5. anni 806. sive in Capitulari Noviomagensi statuit ; „ Ut unusquisque „ suum pauperem de beneficio , aut de propria familia nutriet , & non permittat alio ire mendicando „. Verum de prudentia in eleemosynarum erogatione servanda alius erit dicendi locus.

REGULA VIII.

Lethalis obdurationis adversus misericordiam rei sunt , qui præsentī statui superflua servant , & recondunt , ut ad altiorem statum ascendant , aut censum augeant , si avaritiæ , aut ambitionis impulsu illa reservent ; vel graves pauperum necessitates postulent , ut iis in præsentiarum succurrant ; vel ascensus ille ad altiorem statum probabilis non sit ; vel si probabiliter sit futurus , frequentes , & sufficientes eleemosynas pauperibus communem etiam necessitatem patientibus non erogent.

Multa superflua habet , qui

Hanc Regulam *S. August.* fulcit , Enar. in Psal. 147. num. 12. „ „ Nos (*inquit*) consolatur Scriptura , quæ

quæ hortatur ad misericordiam faciendam, ut omnino crebrescamus in erogando, quod amplius habemus. Multa autem superflua habemus, si nonnisi necessariæ teneamus; nam si inania quæramus, nihil sufficit. Fratres, quærite, quod sufficit operi Dei, non quod sufficit cupiditati vestræ. Cupiditas vestra non est opus Dei. Forma vestra, corpus vestrum, anima vestra, hoc totum opus Dei. Quære, quæ sufficiant, & videbis, quam pauca sint. . . Videte, quia non solum pauca sunt, quæ vobis sufficiant; sed nec ipse Deus multa a vobis quærit. Quære, quantum tibi dederit, & ex eo tolle, quod sufficit; cætera, quæ superflua jacent, aliorum sunt necessaria. Superflua divitum, necessaria sunt pauperum. Res alienæ possidentur, cum superflua possidentur „ „

nonnisi necessaria
cessaria tes
net.

Eandem Regulam confirmat *S. Thomas*, 2. 2. quæst. 32 art. 5. ad tertium respondens: „ „ Est (*inquit*) aliquod tempus, in quo mortaliter peccat, si eleemosynam dare omittat. Ex parte quidem recipientis, cum apparet evidens, & urgens necessitas, nec apparet in promptu, qui ei subveniat; ex parte vero dantis, cum habet superflua, quæ secundum præsentem statum non sunt sibi necessaria, prout probabiliter æstimari potest. Nec oportet, quod consideret omnes casus, qui possunt contingere in futurum. Hoc enim esset de crastino cogitare, quod Dominus prohibet, *Matth* 6. Sed debet dijudicari superfluum, & necessarium, secundum ea, quæ probabiliter, ut in pluribus, occurrunt „ „

Hinc Lovaniensis Academia Propositionem illam, ut fallam, & obligationem eleemosynæ, a Scriptura sacra crebro inculcatam, elidentem, Censura sua confixit anno 1657. „ „ Superfluum non est, quod homines servant pro status sui, vel parentum qualitate habita, vel adipiscenda; ideoque vix poterunt inter seculares inveniri, qui superfluum habeant „ „ Dam-nata est eadem propositio a sacra Facultate Parisiensi, a plerisque Galliarum Episcopis, & tandem ab *Inno-centio XI.* die secunda Martii 1679. Inter propositio-

Propositio
damnam.

nes scilicet quas, *ut minimum tanquam scandalosas, & in praxi perniciosas* damnavit, & prohibuit, hæc 12. legitur. „ Vix in Secularibus invenies, etiam in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui „ „

Hanc etiam propositionem Clerus gallicanus anno 1700. hac censura confixit : „ Hæc propositio est „ temeraria, scandalosa, perniciosa, erronea, & evangelicum de eleemofyna præceptum pessumdat „

Divitum fa-
lus diffici-
lia.

Si quis objiciat, divitum partem maximam damnationem æternam incurrere, si res ita se habeat, & in magno periculo versari Sacerdotes, qui eorum Confessiones excipiunt; id totum concedemus. Firmum enim Christi oraculum est, Lucæ 18. *Quam difficile, qui pecunias habent, in regnum Dei intrabunt. Facilius est enim camelum per foramen acus transire, quam divitem intrare in regnum Dei.* Quod oraculum expendens S. Hilarius, can. 19. in Matth. ait: „ „ Periculosa cura est, velle ditescere; & grave onus innocentia subit, incrementis opum occupata; rem enim seculi, famulatus Dei non sine seculi istius vitiis assequetur. Hinc difficile est, divitem regnum cœlorum adire. Atque etiam, quia uti plures his, quæ habent, recte possent, ea in sermone Domini ratio servata est, ut non absolute regnum cœlorum nemo introire possit, sed intelligi posset futurorum raritas ex difficultate „ „ Quod spectat divitum Confessarios, in maximo certe lalutis suæ periculo versantur, si absolvant eos, qui superflua sua pauperibus non erogant. Si enim *cæcus cæco ducatur, praebeat, ambo in foveam cadunt.* Illud itaque divitibus, quorum Confessiones excipiunt, non suadere tantum, sed præcipere, & a Deo præceptum significare tenentur, ut superflua sua pauperibus etiam communem duntaxat necessitatem patientibus erogent, juxta illud Dan. 4. *Pecata tua eleemosynis redime; & iniquitates tuas misericordiis pauperum:* Et illud Apostoli 1. ad Timoth. 6. *Præcipe divitibus*

Non absol-
vendi qui
superflua
sua pauperi-
bus non
erogant.
Quid divi-
tibus, præ-
cipere de-
beant, qui
conscientias
eorum mor-
dantur.

hujus

hujus seculi, non sublime sapere, neque sperare in incerto divitiarum, sed in Deo vivo, bene agere, divites fieri in operibus bonis, facile tribuere, communicare, thesaurizare sibi fundamentum bonum in futurum, ut apprehendant veram vitam. Pastoribus in Timothei persona præscribit non solum, ut hæc divitibus persuadeant, sed ut *præcipiant*; non modo tribuere, sed *facile tribuere, communicare*; nec illis vult permitti, ut neglectis pauperibus thesauros cumulent, quibus ad sublimiorem in terris statum conscendant, sed jubet *Thesaurizare sibi fundamentum bonum in futurum, ut apprehendant veram vitam.* Qui non ita sunt affecti divites, absolvi sacramentaliter non debent, liquidem Dei mandatum violare non solum non verentur, sed nec audire volunt, ut liberius peccent. Merum consilium esse licet recentiores quidam inhumanæ cupiditatis adulescentes effutierint, Christus, Prophetæ, Apostoli, SS. Patres præcipiunt, aut præceptum a Deo divitibus esse docent, ut superflua sua pauperibus erogent, vel communem patientibus necessitatem. Temperare mihi non possum, quin egregium *S. Gregorii Nazianzeni* locum ad hujus confirmationem veritatis proferam, Oratione 16. *De Pauperum amore* inscripta. „ „ Cæterum (*inquit*) omnium maxime divino mandato, & exemplo moveamur. Quodnam porro hoc mandatum est? Videte, quam constans sit, atque sincerum. Neque enim hominibus Spiritu sancto afflatis sat fuit semel, atque iterum de pauperibus sermonem habuisse, nec quidam duntaxat de his rebus verba fecerunt, reliqui minime; aut aliis parcius, velut de re non ita magna, nec admodum necessaria; verum & omnes in universum, & sedulo quisque, vel primum, vel imprimis ad eam rem nos cohortantur, nunc admonentes, nunc comminantes, nunc exprobrantes, nonnunquam etiam eos, qui virtutis hujusce munere funguntur, laudibus efferentes; nimirum, ut per admonitionis assiduitatem eo nos adducant, ut hoc mandatum exequamur. *Et infra: An tu benigui-*

Superflua
pauperibus
erogare,
non est ma-
ri consilii,
sed præce-
pti.

gnitatem non necessariam, sed tibi liberam esse putas, ac non legem, sed consilium? Hoc quoque magnopere vellem, & existimarem; sed me sinistra illa manus terret, & hædi, & probra, quæ ab eo, a quo illic collocati sunt, conjiciuntur, non quia manus alienis bonis attulerunt, nec quia templa diripuerunt, aut adulterium perpetrarunt, aut aliud quiddam ex aliis, quæ interdicta sunt, admiserunt, hoc ordine multati, sed quia Christum in pauperibus minime curarunt. Quocirca, si quid mihi auscultandum putatis, servi Christi, & fratres, & coheredes, Christum, quamdiu licet, visitemus, Christum curemus, Christum alamus, Christum induamus, Christum colligamus, Christum honoremus, non mensa solum, ut quidam, non unguentis, ut Maria; nec sepulcro duntaxat, ut Joseph Arimathæus; nec rebus ad sepulturam accomodatis, ut ille dimidia tantum ex parte Christum amans Nicodemus, nec denique auro, thure, & myrrha, ut Magi; sed quoniam omnium Dominus misericordiam vult, non sacrificium, ac pinguium agnorum myriades commiseratio superat, hanc in pauperibus humi provolutis ipsi conferamus; ut cum hinc exceßerimus, in æterna tabernacula nos accipiant. Enim vero (*inquit idem Doctor*) duorum alterum faciendum est, ut vel omnia propter Christum depouamus, quo vere, atque sincere ipsum sublata humeris cruce sequamur, ac leves, & expediti, nec ab ulla re in diversum tracti, ad supernum mundum convolemus. Christumque loco omnium rerum lucremur, propter humilitatem elati, propter egestatem locupletati, vel certe cum Christo opes nostras partiamur, ut ipsæ honeste possessæ, & cum iis, qui paupertate constricti sunt, communicatæ, sanctitate quadam imbuantur „ „

R E G U L A IX.

Lethalis obdurationis adversus misericordiam rei sunt divites, qui christianæ frugalitatis, & moderatio-
nis

nis regulas prætergressi, ea, quæ familiæ sustentationi, & status sui, atque dignitatis decentiæ minime necessaria sunt, in frequentes, & splendoras epulas, in ædium magnificentiam, in pretiosorem, quam par sit, supellectilem, in vestium luxum, in ludos, in curiositatis lenocinia, aut voluptates profundunt.

Hi nempe pauperibus subtrahunt superflua, quæ illorum usibus a Deo sunt destinata. „ „ Bona enim temporalia, quæ homini divinitus conferuntur, ejus quidem sunt quantum ad proprietatem; sed quantum ad usum non solum debent esse ejus, sed etiam aliorum, qui eis sustentari possunt ex eo. quod ei superfluit „ „ (inquit *S. Thomas*, 2.2. qu. 33. art. 5. in responsione ad secundam objectionem.) Hinc *S. Greg. Nyssenus*, Oratione 1. *De Pauperibus amandis*, ait: „ „ Usui vitæ modum imponite, omnia vestra existimate, sit pars etiam pauperum, & amicorum Dei. Illius enim vere sunt omnia, quem habemus patrem, nos autem fratres sumus. Quapropter, ut genere conjunctos, ac fratres melius quidem, & justius erat, æquis partibus cernere hereditatem. Verum quando id factum non est, sed unus, aut alter plus intervertit, reliqui partem unam saltem accipiant. Quod si quis omnium prorsus esse dominus, & universam vult hereditatem avertere, & sexta, aut quinta parte fratres excludere, ille frater non est, sed acerbis tyrannus, immitis, barbarus, imo vero inexplebilis fera, quæ hianti ore sola suaves devoret dapes, vel potius ipsis etiam feris sævior, & agrestior. Siquidem & lupus ad devorandam prædam lupum sibi socium adjungit, & canes multi nonnunquam simul idem dilanant corpus. At iste divitiarum suarum nullum ejusdem generis hominem participem facit. Moderata mensa sufficit tibi. Ne te in illud luxuriæ pelagus demittas, ut convivia omni genere ciborum instructa velis. . . Uttere igitur, ne abutaris. Sic enim Paulus etiam edocuit. *Es infra*; Qui molliter,

Luxus immanis.

Qui utuntur hoc mundo, tanquam non utantur.

1. Cor. 7.

&

& delicate vivere instituerunt, necessario ad excogitandos magnificos ædificiorum apparatus alliciuntur. In his contruendis, & exornandis maxima vis pecuniarum profunditur. Ad hæc cætus hominum libenter convocant, & invitant, splendidam, & variam supellectilem studiose comparant, innumerabilia poculorum genera, scurras, mimos, cytharistas, cantores, cantatrices, saltatores, saltatrices, totum denique petulantiae ludum. Atque dum hæc intus geruntur, assident ad vestibuli fores innumerabiles Lazari, partim gravibus ulceribus pleni, partim oculis orbat, partim pedibus mutili. Conclamant, nec tamen exaudiuntur. Si Deus hæc aspicit, ut perfecto aspicit, quam vitæ commutationem, quem exitum fore cogitatis, o pauperum inimici? An nescitis horum causa in sacro Evangelio poni, & commemorari exempla omnia horrenda, & terribilia? Nonne graves illius cruciatus, & gemitus recensentur, qui in bysso fuerat enutritus? An non in malorum abyssu describitur coerceri? Quid huic alter similis, nonne cum vespere de matutinis deliciis cogitaret, tam inexpectata, & repentina damnatus est morte, ut ne orientis quidem solis radium potuerit intueri? Proinde cum mortales simus, fidem ne abiciamus, neve fruamur voluptatibus, ut immortales „ „. Adversus divites illos, quibus nihil superfluum videtur, cum in luxum, ac voluptatem profundant, quidquid præter necessaria naturæ, ac statui, superest, terribilis maledictio exarata est. Amos 6. *Va, qui opulenti estis in Sion, & confiditis in monte Samaria: Optimates capita populorum, ingredientibus pompæ domum Israel: Qui dormitis in lectis eburneis, & lascivitis in stratis vestris; qui comeditis agnum de grege, & vitulos de medio armenti; qui canitis ad vocem psalterii... Bibentes vinum in phialis, & optimo unguento delibuti, & nihil patiebantur super contritione Joseph; Id est, calamitati, & inopiæ fratris nullatenus compatiébantur, nec illi succurrebant.*

REGULA X.

Lethalis obdurationis adversus misericordiam reus est, qui pauperi omnibus omnino bonis temporalibus, & vitæ præfidiis, viribus, arte, & industria destituito: per mutuum quidem, commodatum, aut venditionem credito factam subvenire paratus est, non vero eleemosynam simpliciter erogare.

Is enim indigentiam proximi non sublevat eo modo, quo lex divina præscribit, gratis scilicet, ac sine onere; sed præceptum eleemosynæ eludit. Mutuum nempe ab eleemosyna distingui nemo nescit. Quamquam enim & eleemosyna mutuum sit, sive foenus, non tamen respectu pauperis, sed Dei, secundum illud Prov. 19. *Faneratur Domino, qui miseretur pauperis.* Quæ verba *S. Basilii* in Psal. 14. expendens ait: „ Intellige dicti efficaciam, & Legislatoris humanitatem admiraberis. Quando pauperi das in Domini gratiam, idem ipsum & donum est, & mutuum: donum quidem, quod a paupere non speres te recepturum; mutuum vero sive foenus, ob Domini munificam liberalitatem pro illo reddentis; qui parva quidem in paupere, cum acceperit, maxima pro ipso retribuet „ „ Hinc *S. August.* lib. 1. *De Sermone Domini in monte*, cap. 20. „ „ Mutuatur (*inquit*) omnis, qui accipit, etiamsi non ipse soluturus est; cum enim misericordibus Deus plura restituat, omnis, qui beneficium præstat, foeneratur „ „

Eleemosyna, & donum est, & mutuum.

REGULA XI.

Lethalis obdurationis adversus misericordiam rei sunt, qui salutaris scientiæ, seu Prædicationis talento donati, illud in proximorum salutem, & ædificationem Ecclesiæ impendere renuunt.

Non minus enim tenentur ex officio charitatis spiritale illud talentum in proximorum utilitatem conferre, & divinis illis opibus spiritalem fratrum inopiam sublevare, quam teneantur divites eleemosynam

Obligatio erogandi spiritalia talenta in proximam

rum utili-
tatem.

nam ex terrenis opibus pauperibus erogare. Id probat Evangelica talentorum Parabola, Matth. 25. Terribilis enim illa increpatio servi, qui talentum detoderat, *Serve male, & piger, & illa verba: Oportuit ergo te committere pecuniam meam nummulariis*, præceptum indicant a servo inutiles violatum, hoc ipso, quod nullum ex talento tibi dato lucrum Domino peperit. Peccati vero gravitatem ostendit privatio talenti, & æternæ damnationis poena. *Tollite itaque ab eo talentum* (inquit) *& inutilem servum ejicite in tenebras exteriores; illic erit fletus, & stridor dentium.* Non diligit proximum sicut seipsum, qui salutem plurimorum, cum possit, non procurat. Non diligit Ecclesiam, pro qua Christus seipsum tradidit, qui eam sanæ doctrinæ verbo ædificare recusat; non diligit Christum, qui ejus oves, & membra pascere negligit, & curare. *Unicuique* (inquit S. Paulus 1. ad Corinth. 12.) *datur manifestatio Spiritus ad utilitatem. Alii quidem per Spiritum datur sermo sapientia, alii autem sermo scientia, secundum eundem Spiritum. Ad utilitatem* (inquit) *non ad otium.* Id confirmat S. Petrus, Ep. 1. cap. 4. *Unusquisque sicut accipit gratiam, in alterutrum illam administrantes, sicut boni dispensatores multiformis gratia Dei.*

Hinc Regulæ robur addit Admonitio 26. S. Gregorii, 3. p. *Pastoralis Cura* scribentis: „Admonendi sunt, qui cum utiliter prædicare possunt, immoderata tamen humilitate refugiunt, ut ex minori consideratione colligant, quantum in majoribus rebus delinquant. Si enim indigentibus proximis, ipsi, quas habent, pecunias absconderent, adjutores procul dubio calamitatis extitissent. Quo ergo reatu constringantur, aspiciant, qui dum peccantibus fratribus verbum prædicationis subtrahunt, morientibus mentibus vitæ remedia abscondunt. Si populum fames attereret, & occulta frumenta ipsi servarent, auctores procul dubio mortis existerent. Qua itaque plecendi sunt poena, considerent, qui cum fame verbi Dei animæ pereunt, ipsi panem perceptæ gratiæ non
mi-

ministrant? Unde & bene per Salomonem dicitur:

Qui abscondit frumenta, maledicetur in populis. Frum- Prov. 11.
26.

menta quippe abscondere, est prædicationis sancta verba apud se retinere. In populis autem talis quisque maledicetur, qui in solius culpa silentii pro multorum, quos corrigere poterat; poena damnatur. Si medicinalis artis minime ignari secandum vulnus cerne-
rent, & tamen secare recularent, profecto peccatum fraternæ mortis ex solo corpore committerent.

Quanta ergo culpa involvantur, aspiciant, qui dum cognoscunt vulnere mentium, curare negligunt ea sectione verborum. Unde & bene per Prophetam dicitur:

Maledictus, qui prohibet gladium suum a sanguine. Jerem. 48.

Gladium quippe a sanguine prohibere, est prædicationis verbum a carnalis vitæ interfectione retinere.

Hi itaque cum apud se sermonem prædicationis occultant, divinas contra se sententias terribiliter audiant, quatenus ab eorum cordibus timorem timor expellat. Audiant, quod talentum, qui erogare noluit, cum sententia damnationis amittit. Audiant, quod Paulus eo se a proximorum sanguine mundum credidit, quo feriendis eorum vitiis non pepercit dicens: *Consecror vos hodierna die, quia mun-*

us sum a sanguine omnium; non enim subterfugi, quo minus annuntiarem omne consilium Dei vobis. Act. 20.

Audiant, quod voce angelica Joannes admonetur, cum dicitur: *Qui audit, dicat, veni.* Ut nimirum cui se vox Apocal. 12.

interna insinuat, illuc etiam clamando alios, quo ipse rapitur, trahat; ne clausas fores etiam vocatus inveniat, si vocanti vacuus appropinquat.

Audiant, quod Isaias, quia a verbi ministerio tacuit, illustratus superno lumine, magna voce poenitentiae se ipsum reprehendit, dicens: *Vae mihi, quia tacevi* 22.

R E G U L A X I I .

Lethalis obdurationis adversus misericordiam reus est advocatus, qui causas pauperum in extrema, vel gravi necessitate constitutorum, gratis patrocinari renuit.

Advocato-
rum erga
pauperes
officiū.

Hanc Regulam tradit *S. Tb. 2. 2. q. 71. art. 1.* Cum enim præstare patrociniū causæ pauperum ad opus misericordiæ pertineat, *idem de eo judicium esse debet, ac de aliis misericordia operibus.* Nullus autem sufficit omnibus indigentibus misericordiæ opus impendere. Et ideo, sicut *S. August.* ait, lib. 1. *De Doctrina christiana*, cap. 28. Cum omnibus prodesse non possis, his potissimum consulendum est, qui pro locorum, & temporum, vel quarumlibet rerum opportunitatibus contritiū tibi quadam sorte junguntur. *Dicit*, pro locorum opportunitatibus, *quia non tenetur homo per mundum quærere indigentes, quibus subveniat, sed sufficit, si eis, qui sibi occurrunt, misericordiæ opus impendat. Unde dicitur Exodi 23. Si occurreris bovi inimici tui, aut asino erranti, reduc ad eum.* Addit & temporum; *quia non tenetur homo futuræ necessitati alterius providere; sed sufficit, si præsentī necessitati succurrat. Unde dicitur 1. Joannis 3. Qui viderit fratrem suum necessitatem habere, & clauserit viscera sua ab eo, quomodo charitas Dei manet in illo? Subdit*, vel quarumlibet rerum, *quia homo sibi conjunctis quacunque necessitudine maxime decet curam impendere, secundum illud 1. ad Tim. 5. Si quis suorum, & maxime domesticorum curam non habet, fidem negavit.* Quibus tamen concurrentibus, considerandum restat, utrum aliquis tantam necessitatem patiat, quod non in promptu appareat, quomodo possit ei aliter subveniri; & in tali casu tenetur ei opus misericordiæ impendere. Si autem in promptu appareat, quomodo aliter ei subveniri possit, vel per seipsum, vel per aliam personam magis conjunctam, aut majorem facultatem habentem, non tenetur ex necessitate indigenti subvenire, ita quod faciendo peccet; quamvis, si subvenerit absque tali necessitate, laudabiliter faciat. Unde advocatus non tenetur semper causæ pauperum patrociniū præstare, sed solum concurrentibus conditionibus prædictis; alioquin oporteret eum omnia alia negotia prætermitt-

mittere, & solis causis pauperum juvandis intendere „ „.

Cum igitur pauper sic eget patrocinio, ad quod tamen sibi procurandum pecunia, & similibus auxiliis destitutus est, ut si adjuvetur, causa sit casurus, & injusta morte plectendus, vel suis, quantulacunque sint, rebus omnibus spoliandus; aut certe gravem bonorum jacturam passurus, artis suæ instrumentis, equis, quibus arabat, vaccis, quibus vivebat, privandus, aut ad triremes, durumve carcerem dammandus, aut ad mendicitatem redigendus, qui antea vitam utcumque tolerabat tenui negotio, vel artificioso, tenetur advocatus ipsi gratis præstare patrocinium, si verisimile sit, neminem ipsius causam cito suscepturum, ac defensurum. Id ni faciat, obdurationis adversus misericordiam reus est, secundum divinam illam S. Joannis sententiam: *Qui habuerit substantiam hujus mundi, & viderit fratrem suum necessitatem habere, & elauferit viscera sua ab eo, quomodo charitas Dei manet in eo?*

1. Joann. 3.

Quamvis porro duplicem duntaxat necessitatis gradum, extremæ scilicet, ac gravis, Regula nostra exprimat, pauperibus tamen communem duntaxat necessitatem passis, nisi gratis patrocinentur advocati, lethalis aliquando adversus misericordiam obdurationis rei sunt; cum nempe id præstare possunt absque sui status imminutione; alioqui proximum sicut seipsum non diligere convincuntur.

Ejusdem adversus misericordiam obdurationis reus erit Judex, nisi pauperibus designet advocatum, qui causas ipsorum gratis agat. Hinc Tolosanum Concilium anno 1590. sanxit, ut *Qui per egestatem litigantes sibi advocatum comparare non possant, illis curia de avvocato, si res postulet, provideat.* Idem multo ante statuerat Concilium apud Campinacum a Gerardo Archiepiscopo Burdegalensi, & comprovincialibus Episcopis celebratum anno 1238. Imo antiquo jure statutum declaraverat, can. 14. „ „ Pristini juris recolentes censuram, mandamus, ut si ali-

Judicium
erga pauperes
res officio.

qui pauperes sint, qui pro paupertate advocatum habere non possint, det ipsis curia advocatum, si causa indiget avvocato.

R E G U L A XIII.

Medici, Chirurgi, Pharmacopolæ, pauperibus, ægrotis, qui ab omnibus deserti sunt, aut probabiliter defendendi, succurrere tenentur, & eorum curationem gratis procurare. Id nisi faciant, lethalis obdurationis adversus misericordiam rei sunt.

Medico-
ram, Chi-
rurgorum,
Pharmaco-
polarum et
ga paupé-
res officiis.

Preceptum enim divinum de proximi dilectione alioquin violabunt, quod Spiritus sanctus Prov. 24. sic explicuit, ut ad Regulam istam confirmandam nihil sit Oraculo illo accommodatius: *Erue eos (inquit) qui deducuntur ad mortem, & qui trahuntur ad interitum, liberare ne cesses. Si dixeris: Vires non superatus; qui inspector est cordis, ipse intelligit, & Servatorem anime tue nihil fallit, redditque homini juxta opera sua.* Qui locus non solum de illis intelligendus est, qui iniqua judicis sententia, falsive testimoniis circumventi, & oppressi rapiuntur ad mortem, sed etiam de omnibus, quorum salus, & vita præ alimentorum, vestimentorum, remedium, aut aliarum id genus rerum, in extremo, vel gravi periculo versatur.

Hanc Regulam confirmat S. *Thomas* auctoritas, 2. 2. qu. 71. art. 1. ubi postquam advocati obligationem in causis pauperum agendis, & defendendis eo, quo diximus, modo exposuit; mox subdit: *Et idem dicendum est de medico quantum ad curationem pauperum.*

R E G U L A XIV.

Lethalis obdurationis adversus misericordiam rei sunt, qui volentes subvenire pauperibus, & calamitosi hominibus, aut religiosorum virorum, vel sacrarum Virginum ex eleemosynis victitantium coenobiis, aut pauperum Clericorum seminariis benefacere, a pio illo proposito quocunque modo deterrent, aut impediunt, vel fundationes, aut pia legata in eorum favorem facta revocare cogunt, aut suadent absque causa justa, & officium conscientie spectante.

Ni.

Nitur hæc Regula Spiritus sancti per Salomone-
nem loquentis Oraculo, Prov. 3. *Noli prohibere benefacere cum, qui potest; si vales, & ipse benefac.* Quam gra-
ve peccatum eorum, qui alios a
Quod non solum respectu secularium hominum pau-
perum, & calamitosorum intelligendum esse, sed
etiam respectu pauperum Clericorum, religiosorum
virorum, aut sacrarum virginum ex eleemosynis vi-
ctitantium, probat egregius S. Augustini locus, Con-
cione 3. in Psal. 103. „„ Sic pasci (inquit) bovem
Dei, quomodo transeuntem mendicum? Illi petenti
das, quia scriptum est: *Omni petenti te da.* De isto Luc. 6.
quid scriptum est? *Beatus qui intelligit super egenum,* Psalm. 49.
& pauperem. Quære, cui des. Beatus enim, qui in-
telligit super egenum, & pauperem, qui præoccu-
pat vocem perituri. Si sic inter vos indigent mili-
tes Christi, ut etiam petunt, videte, ne vos judi-
cent, antequam petant... Alius ad te venit, ut pe-
tat, alium præveni, ne petat. Sicut enim de illo,
qui te quærit, dictum est: *Omni petenti te da;* sic
de illo, quem tu debes quærere, dictum est: *Su-
det eleemosyna in manu tua, donec invenias justum,*
cui eam tradas. Cum enim dandum sit & istis pau-
peribus petentibus... Voca & ipsos, pasc & ipsos;
epulare, cum illi epulantur; delectare, cum illi sa-
ginantur; illi enim pane tuo, tu iustitia Dei. Ne-
mo vobis dicat, præceptum est a Christo, ut serva
Dei detur, mendico non detur. Absit; prorsus im-
pius ista loquitur. Da illi, sed multo magis illi. Il-
le enim petit, & in voce petentis agnoscis, cui des.
Ille autem quanto minus petit, tanto magis tibi vi-
gilandum est, ut præoccupes petiturum; aut forte
modo non petiturum, & aliquando damnaturum...
Non indiget cibo, forte veste indiget. Non indiget
veste, forte tecto indiget, forte Ecclesiam fabricat,
forte aliquid utile in domo Dei molitur; expectat,
ut attendas, expectat, ut intelligas super egentem,
& pauperem. Tu contra, terra dura, lapidea, non
irrigata, servas tibi dicere, non sciebam, non no-
veram, nemo mihi dixit; nemo tibi dixit? Chri-

suis non cessat dicere, *Propheta non cessat dicere: Beatus, qui intelligit super egenum & pauperem.* Non vides arcam inane[m] præpositi tui? Vides certe vel surgentem fabricam; quo intraturus, & oraturus es. Nonne admoventur oculis tuis? Nisi forte putatis, Fratres, quia præpositi vestri thesaurizant; & novimus multos non thesaurizare, & ad quotidiana egere, de quibus omnino non creditur; quos & vos & inveniretis, si velletis, si circumspiceretis, si ad hoc vigilaretis, ut fructum daretis. Lethalis ergo obdurationis adversus misericordiam rei sunt, qui volentes benefacere præpositis suis, parochialibus Ecclesiis, pauperum Clericorum seminariis, religiolorum virorum, aut sacrarum virginum monasteriis, a pio proposito quoquunque modo deterrent, vel impediunt; aut foundationes, vel pia legata in eorum favorem facta revocare compellunt, aut suadent absque justa causa, & officium conscientie spectante. Quam exceptionem Regulæ consulto apposui, quia tenetur quandoque conscientiarum moderator suadere, imo præcipere poenitentibus, ut donationes, legata, foundationes in favorem Capitulorum, parochialium Ecclesiarum, Seminariorum, pauperum Clericorum, cœnobiorum, aut Parthenonum inopum factas rescindant, & commutent; cum scilicet ipsorum bona restitutioni sunt obnoxia; cum debitis onerati; cum parentes, vel propinquos habent egenos, aut a sui status honestate, & decencia mox casuros, nisi ipsis succurratur; cum pauperes alios noverunt in parochia, in vicinia, in urbe magis indigentes, & quibus minus subvenitur, & præsertim invalidos, ægros, orphanos, puellas ingenuas, quas dura egestas in prostitutionis periculum conjicit, familias honestas, quas pudor mendicare prohibet. His enim prudens, & pius conscientiarum moderator prius, potiusque subveniendum esse docebit, quam parochiis, seminariis, cœnobiis, & monasteriis, quibus vel redditus aliqui, vel oblationes, & elemosynæ suppetunt ad vitam, tenuiter licet, ac frugaliter sustenten-

stentandam. Sed restitutionem rerum male partarum imprimis fieri; tum debita solvi necesse est; nec fundationes ullas, aut impia potius, quam pia legata fieri permittet a poenitente prudens, & pius conscientiae moderator, nisi his officiis perfunctus fuerit; nec heredes pauperes, aut illos, quos enumeravimus, calamitosorum hominum ordines, graviore necessitate afflictos, & oppressos, necessariis subsidia frustrari patietur, ut capitulis, parochiis, seminariis, cœnobiis, monasteriis non ita gravem passis inopiam subveniat. Reus erit alioquin & ipse lethalis adversus misericordiam obdurationis.

R E G U L A X V.

Lethalis obdurationis adversus misericordiam reus est, qui opus aliquod misericordiae, live corporalis, live spiritualis prætermittit, ac negligit, cum illud exercere potest, & tenetur, quando nimirum extrema est, vel urgens proximi ea misericordia indigentis necessitas.

Præceptum enim de proximi dilectione naturali, & positiva Dei lege homini datum violat; & videns fratrem suum ad necessitatem redactum, quam sublevare ille potest, *Clandit viscera sua ab eo*; Igitur: *Charitas Dei non mœnet in illo*. Hinc S. Greg. Homil. 9. in Evangelia ait: „ Nullus est qui veraciter dicat: Talentum minime accepi, non est, unde rationes ponere cogar. Talenti enim nomine cuique libet pauperi etiam hoc ipsum reputabitur, quod vel minimum accepit. Alius namque accepit intelligentiam, prædicationis ministerium debet ex talento. Alius terrenam substantiam accepit, erogationem talenti debet ex rebus. Alius nec internorum intelligentiam, nec rerum affluentiam accepit, sed tamen didicit artem, qua pascitur, ipsa ars ei in talenti acceptionem reputatur, Alius nihil horum affectus est, sed tamen fortasse familiaritatis locum apud divitem meruit, talentum profecto familiarita-

1. Joan. 1.

tis accepit. Si ergo nihil ei pro indigentibus loquitur, pro talenti retentione damnatur. Habens ergo intellectum, curet omnino, ne taceat; habens rerum affluentiam, vigilet, ne a misericordiae largitate torpelcat; habens artem, qua regitur, magnopere studeat, ut usum, atque utilitatem illius cum proximo partiat; habens loquendi locum apud divitem, damnationem pro retento talento timeat, si cum valet, non apud eum pro pauperibus intercedit.

Septem misericordiae corporalis opera.

Septem porro misericordiae corporalis opera numerantur, scilicet pascere esurientem, potare sitientem, vestire nudum, excipere hospitem, visitare infirmum, redimere captivum, vel in carcere detentum, & sepelire mortuum; quæ hoc versu exprimuntur:

Visito, potō, cibo, redimo, sego, colligo, condo.

De illis divina extant in sacris Literis præcepta: *Isai. 58. Frange esurienti panem tuum, & egenos, vagosque induc in domum tuam, Cum videris nudum, operi eum, & carnem tuam ne despexeris. Prov. 25. & ad Romanos 12. Si esurierit inimicus tuus, ciba illum; si sitit, potum da illi. Item posteriori isto loco: Necessitatibus Sanctorum communicantes; hospitalitatem sectantes, Epistolæ S. Jacobi cap. 1. Religio munda, & immaculata apud Deum, & Patrem hæc est, visitare pupillos, & viduas in tribulatione ipsorum. Priora sex misericordiae corporalis opera Christus commendat Matth. 25. Tunc dicet Rex his, qui a dextris erunt; Venite, Benedicti Patri mei, possidete paratum vobis regnum ab origine mundi, Esurivi enim, & dedistis mihi manducare; sitiivi, & dedistis mihi bibere; hospes eram, & collegistis me; nudus, & cooperuistis me; infirmus, & visitastis me; in carcere eram, & venistis ad me. Tunc respondebunt ei iusti, dicentes; Domine, quando te vidimus esurientem, & pavimus te? sitientem, & dedimus tibi potum? Quando autem te vidimus hospitem, & collegimus te? Aut nudum, & cooperuimus te? Aut quando te vidimus infirmum, aut in carcere, & venimus ad te? Et respondens Rex, dicet illis; Amen dico vobis, quamdiu feci-*

his

De Peccatis capitalibus. 342

his qui ex his fratribus meis minimis, mihi fecistis. Quod vero in æternam damnationem incurrant, qui opera illa misericordiæ neglexerunt, ostendit sententia ibidem aduersus reprobos lata; Tunc dicet his, qui a sinistris erunt; Discedite a me maledicti in ignem æternum, qui paratus est diabolo, & angelis ejus; esuriui enim, & non dedistis mihi manducare; sitiui, & non dedistis mihi potum; hospes eram, & non collegistis me; nudus, & non cooperuistis me; infirmus, & in carcere, & non visitastis me. Tunc respondebunt ei, & ipsi, dicentes; Domine, quando te vidimus esurientem, aut sitientem, aut hospitem, aut infirmum, aut in carcere, & non ministravimus tibi? Tunc respondit illis, dicens; Amen dico vobis; Quamdiu non fecistis uni de minoribus his, nec mihi fecistis.

Mortuorum sepulturam Christus ibi non commemorat, quia illa duntaxat misericordiæ opera recenset, quæ sunt evidentioris necessitatis; sepultura porro nihil confert mortuo quantum ad sensum, ut loquitur *S. Thom.* Cæterum, & illam inter opera misericordiæ merito recenseri constat ex lib. *Tobia*, cap. 12. ubi *Raphael* Archangelus ait: *Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino.* Quamobrem, & qui Christum Dominum sepelierunt, in Evangelio commendantur. Et quamvis nullus insit cadaveribus sensus, defunctorum tamenq; honori consulitur sepeliendo eorum corpora, quibus ignominiosum est, quatenus in memoria hominum vivunt, ut maneant insepulta. Unde privatio sepulturæ poenâ est gravissimam includens infamiam. Satisfit etiam sepeliendo mortuos legitimo desiderio, quod habuere, dum viverent, ut eorum corpora honorifice tractarentur; ut ait *S. Thomas*, Secunda secundæ, qu. 32. art. 2.

Cum autem visitationem infirmorum inter opera misericordiæ recenseri audis; ne existimes eo nomine visitationem illam duntaxat intelligi, quæ sit ad e-

Mortuorum
sepultura
inter opera
misericordiæ merito
recensetur.

Visitatio in-
firmorum

vandum infirmi tedium & moerorem , sed maxime obsequium , & ministerium infirmo exhibitum ad pellendam ægritudinem & recuperandam sanitatem. Qua de re egregius est apud *S. Gregorium Nazianzenum* locus Oratione 15. De pauperibus amandis.

„ Curemus (*inquit*) non minus aliorum corpora , quam suum quisque corpus , seu commoda valetudine sit , seu eodem modo consumatur. Omnes enim in Domino sumus , sive dives , sive pauper , sive servus , sive liber , sive sanus , sive æger ; atque unum omnium caput , ex quo omnia , Christus. Quodque membra inter se sunt , hoc unum alteri , atque omnibus omnes. Ac proinde minime committendum , ut eos , qui prius in communem infirmitatem inciderunt , contemnamus , & negligamus ; nec magis gaudendum nobis est , quod commoda valetudine utimur , quam lugendum , quod fratres misera , & afflicta. Quin potius ita exultare debemus , corporum , & animarum nostrarum salutem in hoc unopositam esse , ut eos misericordia prosequamur... O serye Christi , ac Dei , & hominum amore prædite , ne degenerem , atque ignavum animum geras , verum fide subnitere. Misericordia timiditatem Dei , metus molitiem vincat , rationes eas , quæ carni favent , pietas superet. Ne fratrem despicias , ne prætereas , ne ut scelus , ut piaculum , ut aliud quiddam fugiendum , & execrandum averleris. Membrum tuum est , tametsi calamitate curvetur. Tibi , licet animo admodum forti prætereas , pauper relictus est ut Deo... Quisquis navigat naufragio propinquus est , eoque magis , quo audacius navigat ; & quisquis corpus gerit , corporis malis propinquus est , eoque magis , quo erectior incedit , nec eos , qui ante se jacent , intuetur. Dum secundo vento navigas , ei , qui naufragium facit , manum porrige ; dum sanus es , & locuples , afflicto fer opem. Ne expectes , dum quantum mare sit inhumanitas , in templo dicas , quantumque bonum viscera egentibus aperire. Ne experiri velis Deum adversus eos , qui cervicem at-

sol-

tollunt, ac pauperes prætereunt, manus extendentem. In alienis calamitatibus hæc discite, egenti parum aliquid tribue, neque enim parvum est ei, qui omnibus rebus caret, imo ne ipsi quidem Deo, si viribus par sit. Summi muneris loco animi promptitudinem dona; si nihil habes, illacryma. Magnum calamitoso remedium est miseratio ex animo collata; ac vere, & sincere condolere, calamitatem magna ex parte levat. Homo apud te jumento vilior non est, quod cum in foveam incidit, aut abstravit, erigere, ac reducere tibi lex præscribit „ „

Ad redemptionem captivorum, seu detentorum in carcere ob debita, quibus solvendis non sunt, revocatur misericordia, qua proximo adversus quamcunque vim, & injuriam extrinsecus illatam subvenitur (inquit *S. Thom.*) Qua de re *S. Ambrosius*, lib. 2. de *Officiis*, cap. 15. scribit: „ Summa liberalitas captivos redimere, eripere ex hostium manibus, subtrahere neci homines, & maxime feminas turpitudini, reddere parentibus liberos, parentes liberis, cives patriæ restituere... Præcipua est igitur liberalitas redimere captivos, & maxime ab hoste barbaro, qui nihil deferat humanitatis ad misericordiam, nisi quod avaritia reservaverit. Æs alienum subire, si debitor solvendo non sit, atque arctetur ad solutionem, quæ sit jure debita, & inopia destituta; enutrire parvulos, pupillos tueri. Sunt etiam, qui virgines orbatas parentibus, tuendæ pudicitie gratia, connubio locent, nec solum studio, sed etiam sumptum adjuvent „ „ Ad redemptionem captivorum, ad sepulturam Fidelium, ad alimoniam pauperum, vasa etiam sacra frangi posse, & quandoque debere, consilari, vendi, *S. Ambrosius* docet cap. 28. „ „ Aurum (inquit) Sacramenta non quærun-
t; neque auro placent, quæ auro non emuntur. Ornatus Sacramentorum, redemptio captivorum est. Et vere illa sunt vasa pretiosa, quæ redimunt animas a morte. Ille verus thesaurus est Domini, qui operatur, quod sanguis ejus operatus est. Tunc vas domi.

Proximo
adversus
quamcum-
que vim,
& injuriam
extrinsecus
illatam,
subvenien-
dum.

Vasa sacra
ad redem-
ptionem ca-
ptivorum,
& alimo-
niam pau-
perum in
extrema
necessitate
frangi, con-
siliari, &
vendi pos-
sunt, Epi-

scoperum
auctoritate,
& manda-
to.

dominici Sanguinis agnosco, cum in utroque vide-
ro redemptionem; ut calix ab hoste redimat, quos
sanguis ab hoste redemit „ „. Id *S. Laurentii* Mar-
tyris exemplo se præstitisse *S. Ambrosius* testatur, &
Arianorum invidiam propterea subiisse. Et infra sub-
dit: „ „ Sane si in sua quis derivat emolumenta,
crimen est; sin vero pauperibus erogat, captivum
redimit, misericordia est. Nemo enim potest dicere,
cur pauper vivit? Nemo potest quæri, quia captivi
redempti sunt. Nemo potest accusare, quia templum
Dei ædificatum est; nemo potest indignari, quia hu-
mandis fidelium reliquiis spatia laxata sunt; nemo
potest dolere, quia in sepulturis Christianorum re-
quies defunctorum est. In his tribus generibus vasa
Ecclesiæ etiam initiata refringere, conflare, vendere
licet „ „. Concilium quoque Remense anno circiter
1630. can. 22. *Ministeria sancta*, seu vasa sacra, fran-
gere permittit Episcopo, si *evenerit ardua necessitas*
pro redemptione captivorum.

S. Amb. L.
2. de offi.
ciis, c. 21.

Matth. 10.

Inter opera misericordiæ corporalis plurimum et-
iam commendatur hospitalitas, Unde „ „ Abraham
pro hospitalitatis mercede fructum posteritatis rece-
pit. Loth propter hospitalitatis affectum Sodomi-
tana a se, suisque supplicia detorsit. In officiis au-
tem hospitalibus omnibus quidem humanitas impar-
tienda est; iustis autem uberius deferenda honorifi-
centia. *Quicumque enim iustum receperit in nomine*
iusti, mercedem iusti accipiet, ut Dominus pronun-
tiavit. Vides, quia Abraham Deum recepit hospi-
tio, dum hospites quærit? Vides, quia Loth ange-
los suscepit? Qui scis, an & tu, cum suscipis hospi-
tem, suscipias Christum? Cum in hospite sit Chri-
stus, quia Christus in paupere est „ „. Hinc Epi-
scopum *hospitalem* esse oportere *S. Paulus* scribit; &
inter bona opera, quibus Viduam christianam com-
mendari optat, hospitalitatis officium recenset: *Sed*
hospitio recepit, si sanctorum pedes lavit.

1. Tim. 5.

Opera mi-
sericordiæ
spiritualia.

Opera misericordiæ spiritualis septem pariter nu-
merantur, scilicet ignorantes docere, consilium præ-
bere

bere dubitantibus, afflictoſ conſolari, peccantes corrigere, offenſas remittere iis, qui læſerunt, aliorum defectus, & infirmitates tolerare, pro omnibus orare; quæ hic verſus complectitur:

Conſule, carpe, doce, ſolare, remitte, ſer, ora.

Variis Scripturæ ſacræ testimoniis commendatur. Eccl. 18. *Qui miſericordiam habet, docet, & erudit quaſi paſtor gregem ſuum.* Ad Gal. 6. *Si præoccupatus fuerit homo in aliquo delicto, vos, qui ſpirituales eſtis, huiusmodi inſtruite in ſpiritu lenitatis.* Matth. 18. *Si peccaverit in te frater tuus, vade, & corripe eum inter te, & ipſum ſolam.* 2. ad Theſſ. 3. *Si quis non obedit verbo noſtro per Epiſtolam, hunc notate, & non commiſceamini cum illo, ut confundatur; & nolite quaſi inimicum exiſtimare, ſed corripite ut fratrem.* 1. ad Theſſ. 4. *Conſolamini invicem in verbis iſtis.* Luc. 6. *Eſſote ergo miſericordes, ſicut & Pater veſter miſericors eſt. Nolite iudicare, & non iudicabimini; nolite condemnare, & non condemnabimini. Dimittite, & dimitemini.* Matth. 6. *Si enim dimiſeritis hominibus peccata eorum, dimittet & vobis Pater veſter cæleſtis delicta veſtra. Si autem non dimiſeritis hominibus; nec pater veſter dimittet vobis peccata veſtra.* Matth. 18. *Serve nequam, omne debitum dimiſi tibi, quoniam rogavi me; nonne ergo oportuit, & te miſereri conſervi tui, ſicut & ego tui miſertus ſum? Et iratus Dominus ejus tradidit eum tortoribus, quoaduſque redderet univerſum debitum. Sic & Pater meus cæleſtis faciet vobis, ſi non remiſeritis unusquiſque fratri ſuo de coram vobis veſtris.* Ad Rom. 15. *Debemus autem nos firmiores imbecillitates infirmorum ſuſtinere, & non nobis placere.* Ad Gal. 6. *Alter alterius onera portate, & ſic adimplebitis legem Chriſti.* Matth. 5. *Orate pro perſequentibus, & calumniantibus vos.* Jac. 5. *Orate pro invicem, ut ſalvemini. . . Fratres mei, ſi quis ex vobis erraverit a veritate, & converterit quis enim; ſcire debet, quoniam qui converti fecerit peccatorem ab errore via ſua, ſalvabit animam ejus a morte, & operiet multitudinem peccatorum. Correptio peccantium inter*
ope-

opera misericordiæ merito numeratur. Quantvis enim in executione actus severitatem justitiæ continere videatur ; quantum ad intentionem tamen corripientis, qui vult hominem a malo culpæ liberare, pertinet ad misericordiam, & dilectionis affectum ; secundum illud Prov. 27. *Meliora sunt vulnera diligenti, quam fraudulenta oscula blandientis.*

De utroque misericordiæ genere, & obligatione illam exercendi, hæc habet *S. Greg. Nazianz.* Orat. 16. *De Pauperibus amandis*, inscripta : „ „ Tu vero, siquidem majora quoque potes, & quibus anima beneficio afficitur ; ne his quoque de indigente bene mereri ablitte ; imo primum, ac potissimum hæc ei, qui abs te petit, dona, priusque etiam, quam postulet, tota die miserans, ac sermonem commodans, sortemque cum scœnore sedulo exigens, hoc est, ejus, cui utilitas affertur, incrementum ; quod quidem doctrinæ semper adjungit, quisquis pietatis semina in seipso paulatim auget. Sin hæc largiri nequis, hæc secunda, & minora, & quæ sub facultatem tuam cadunt, præsta ; subveni, cibum præbe, detritum panem porrige ; medicamentum adhibe, vulnus alliga, de calamitate aliquid percontare, de patientia orationem habe „ „

Salubris
consilii sug-
gestio, mi-
sericordiæ
opus est.

De misericordia spirituali, quæ in salubris consilii suggestionem posita est, hæc habet *S. Ambros.* lib. 2. *de Officiis*, cap. 15. „ „ Sunt (*inquit*) plerique etiam viri boni, qui tenues sunt censu, contenti quidem exiguo ad sui usum, sed non idonei ad subsidium levandæ paupertatis alienæ. Tamen suppetit aliud beneficentiæ genus, quo juvare possunt inferiorem. Est enim duplex liberalitas, una, quæ subsidio rei adjuvat, id est, usu pecuniæ ; altera quæ operarum collatione impenditur, multo frequenter splendidior, multoque clarior... Quanto utilius regem Pharaonem *S. Joseph* consilio providentiæ juvit, quam si contulisset pecuniam ? Pecunia enim unius civitatis non redimit libertatem, prospicientia totius Ægypti per septennium famem repulit. Facile autem pecunia consumitur,

tur, consilia exhauriri nesciunt. Hæc usu augentur, pecunia minuitur, & cito deficit, atque ipsam destituit benignitatem; ut quo pluribus largiri volueris, eo pauciores adjuves; & sæpe tibi desit, quod aliis conferendum putaveris. Consilii autem collatio, quo in plures diffunditur, eo redundantior manet, & in fontem recurrit „ „

De misericordia, quæ in condonatione injuriarum versatur, dicemus alias opportunius. Illud interim ex *S. August.* accipe Serm. 42. alias 29. ex Homiliis 50. Eleemosyna sacrificium Christiani.

„ „ Sacrificium (*inquit*) Christiani, est eleemosyna in paupere. Hinc enim fit Deus peccatis propitius. Nisi autem peccatis propitius fiat Deus, quis remanet, nisi reus? Ab eis peccatis, & delictis, sine quibus vita ista non ducitur, mundantur homines per eleemosynas; quæ sunt duorum generum, erogando, & remittendo; erogando, quod habes, bonum; remittendo, quod pateris, malum. Hæc duo genera eleemosynarum Dominus magister bonus; quam breviter fuerit complexus, audite: *Remittite* (*Inquit*) & remittetur vobis; date, & dabitur vobis. Remittite, & remittetur vobis, pertinet ad ignoscendum: Date & dabitur vobis, pertinet ad erogandum. Ex illa eleemosyna, qua ignoscis homini, nihil perdis. Ecce statim veniam petit, ignovisti, nihil amisisti. Charitate amplior domum redisti „ „

De peccantium fraterna correptione alias etiam agemus. Sufficiat impræsentiarum illa *S. Augustini* sententia Serm. 5. alias 1. ex iis, quos edidit Sirmondus: „ „ Sicut (*inquit*) Deus diligit, & tamen corripit; sic & tu si habes aliquem in potestate, quamvis serves affectum dilectionis, noli tamen negare flagellum correptionis. Quia si negaveris, non tenebis dilectionem; quia ille moritur in peccatis, qui forte correptus ea relinqueret; & magis tibi imputatur verum odium „ „

Fit duobus modis, erogando, & remittendo. Luc. 6. 37.

Servato affectu dilectionis, adhibendum flagellum correptionis.

REGULA XVI.

Lethalis obdurationis adversus misericordiam reus est creditor, qui debitorem, quem solvendo non esse constat, urget, opprimitque, ut solvat, nec inducias ipsi concedit.

Qui a creditoribus suisolvere non valentibus debita exigunt acerbius contra charitatem, & justitiam peccant. *Matth. 58.*

Hanc Regulam Deus per Isaiam tradit, Judæis declarans, jejunium illorum Deo gratum non esse ob vitia ipsum contaminantia, præsertim vero, quod a debitoribus suis, qui solvendo non erant, debita exigent acerbius. *Ecce (inquit) in die jejunii v. stri invenitur voluntas vestra, & omnes debitores vestros repetitis. . . Nolite jejunare sicut usque ad hanc diem, ut audiat in excelsis clamor vester.*

Matth. 18.

Eandem Regulam tradit Christus Dominus proposita Parabola de Rege rationem a tervis suis exigente, quorum unus decem millium talentorum debitor non habebat, unde redderet; cui debitum omne dimisit. Ille vero unum e contrivis, qui debebat ipsi centum denarios, rogantem inducias ad solvendum, oppressit, & in carcerem misit. Quem vocavit Dominus, & his verbis increpuit. *Serve nequam, omne debitum dimisi tibi, quoniam rogasti me; nonne ergo oportuit, & te misereri conservi tui, sicut & ego tui misertus sum? &c.*

Hoc moralis christianæ caput confirmat *S. August.* Ser. 239. alias de Tempore, 146. „„ Noli (inquit) te avertere ab eo, qui mutuum petit, sed tantum accipe, quantum dedisti. Non plores, cui dedisti, nam beneficium perdidisti. Et si hoc ipsum, quod datum est, vel quod accepit, exigitur, forte ad manum nondum habet; pertulisti petentem, expecta non habentem; cum habuerit, reddet tibi. Noli clamare, & dicere, nunquid foenus quæro? Tantum peto quantum dedi; quod dedi, hoc accipiam. Bene facis, sed nondum habet. Non es foenerator, & vis, cui præstitisti, ut quærat foeneratorem, ut tibi reddat. Si propterea foenus non exigis, ne te foeneratorem patiat, quare vis, ut propter te
alium

aliud foeneratorem patiatur ? Premis, suffocas. Et si tantum exigis, quantum dedisti; suffocando tamen, & angustias faciendo, non beneficium dedisti, sed potius majores angustias intulisti. Sed forte dicis, habet, unde reddat; habet domum, vendat; habet possessionem, vendat. Quando a te petivit, ideo petivit, ne venderet; propter te non faciat, qui subvenisti, ne fieret. Hoc fiat ita circa homines, hoc jubet Deus, hoc vult Deus „ „

Non solum vero contra charitatem, sed & contra naturalem ipsam æquitatem peccant, qui a debitoribus suis, quos solvendo non esse constat, debita exigunt acerbius, nec ipsis inducias concedere volunt. Unde judices, qui medii sunt inter instantiam, seu persecutionem creditorum, & moram debitorum, sua sententia interdum statuunt solutionis terminum, & debitori dilationem concedunt pro personarum, summæque ratione. Inducias autem illas invito quandoque creditore debitoribus concessas jus civile disertis verbis, approbat L. *Si debitori*, tit. *De Judiciis*, Dig. 5. & L. *Promissor*, 21. tit. *de Pecunia constituta*, Dig. 13. Item Leg. 1. & 2. C. tit. *De Usuris rei judicata*. Lex *Si bene collocata*, 33. *de Usuris*, lib. 22. Dig. tit. 1. ait, creditorem præbere se non debere *Acerbum exactorem, nec contumeliosum, sed moderatum, & cum efficacia benignum, & cum instantia humanum*. Sic loquitur *Ulpianus*, ex christiana fere disciplina. *Theodoricus Gothorum Rex* Sipontinis negotiatoribus, qui se dicebant hostium populatione vastatos, concedit privilegium, ne per annos duos continuos a creditoribus possent fatigari; quatenus his induciis & datam possint reparare pecuniam creditores ipsi, & aliquatenus debitorum valeat respirare substantia. „ „ Quid enim (*inquit*) proficit creditorem urgere, quando incassum nititur nudatos exigere? Quibus magis prospicimus, si ad mutuata sustinendo pervenire faciamus „ „ Refert *Cassiodorus* lib. 2. *Variarum*, Epist. 38.

REGULA XVII.

Lethalis obdurationis adversus misericordiam retis est, qui agrorum suorum, aut vinearum colono, sive conductori, pensionem non remittit pro rata gravis incommodi, sive damni ex sterilitate, aut alio casu fortuito, absque ipsius coloni, seu conductoris culpa, aut vitio rei contingente.

Nec solum adversus misericordiam, verum & adversus justitiam peccat. Utroque enim jure sancitum est, ut in hujusmodi casibus remissio fiat annuæ pensionis pro rata damni, & incommodi; nisi forte sterilitas anni præcedentis, vel subsequen-
tis valeat ubertate compensari. Ita *Gregorius IX.* respondet, c. *Propter*, Ext. *De Locato, & Conducto*,
cujus hæc sunt verba: „„ Propter sterilitatem affi-
cientem magno incommodo conductores, vitio rei,
sine culpa coloni, seu casu fortuito contingentem,
colonis Ecclesiæ tuæ pro rata est pensionis remissio
facienda; nisi cum ubertate præcedentis, vel suble-
quentis anni valeat sterilitas compensari „„

Idem confirmatur ex L. *Licet certis*, lib. 4. C.
tit. 65. & L. *Ex conducto*, lib. 19. *Digestorum*, tit. 2.

ARTICULUS X.

De Prodigalitate.

De Prodi-
galitate.

Prodigalitas peccatum est avaritiæ oppositum, & cum liberalitatis virtute pariter pugnans. „„ Dif-
ferunt autem avaritia, & prodigalitas secundum lu-
perabundantiam, & defectum diversimode (*inquit*
S. Th. 2. 2. qu. 119. art. 1.) Nam in affectione di-
vitiarum avarus superabundat, plus debito eas dili-
gens; prodigus autem deficit, minus debito earum
solicitudinem gerens. Circa exteriora vero ad pro-
digalitem pertinet excedere quidem in dando, de-
ficere autem in retinendo, & acquirendo; ad avaritiam autem pertinet e contrario deficere quidem
in dando, superabundare autem in accipiendo, &
reti-

retinendo „„. Prodigalitatem peccatum esse; ex eo confirmatur, quod divites, quamvis bonorum suorum temporalium domini sint, Dominum tamen superiorem habent, cujus est terra, & plenitudo ejus, qui per Prophetam ait: *Meum est aurum, & meum est argentum*; qui hominibus temporalia dedit ad utendum, seipsum ad fruendum. Non ergo divitiis uti possunt homines prout libet; sed secundum voluntatem Dei, & leges ab ipso positas. Alioqui illas jure non possident. „ Nam tunc quisque habere „ aliquid dicendus est, quando bene utitur. *Et* quod „ juste non tractat, jure non tenet „ (inquit S. August. Serm. 1. alias *de Diversis* 15.) Hinc Christus discipulos, & in iis Fideles omnes propositis parabolis erudiens, similitudinem Villici inter alias proposuit: „„ Ut exemplo hujus personæ nihil esse nostrum in seculo isto signaret; sed nobis creditam esse dispensationem facultatum Domini nostri, vel ad utendum ex eis sufficienter cum gratiarum actione, vel ad distribuendum conservis, prout cuique opus est; nec licere nobis passim facultatibus abuti commissis, aut in expensas usurpare superfluas, cum sit erogationis ratio Domino venienti reddenda „„. Verba sunt S. Gaudentii. Serm. 18.

Luc. 16.

Hinc S. Ambrosius lib. 2. *de Officiis*, cap. 21. „ Non prodigos (inquit) nos docet esse Scriptura, sed liberales. Largitatis enim duo sunt genera; unum liberalitatis alterum prodigæ effusionis. Liberale est hospitio suscipere, nudum vestire, redimere captivos, non habentes sumptum juvare; prodigum est sumptuosius effluere convivii, & vino plurimo. Unde legisti: *Prodigum est vinum, & contumeliosa ebrietas*. Prodigum est, popularis favoris gratia exinanire proprias opes. Quod faciunt, qui ludis circensibus, vel etiam theatralibus, & muneribus gladiatoris, vel etiam venationibus patrimonium dilapidant suum, ut vincant superiorum celebritates, cum totum illud sit inane, quod agunt. Quandoquidem etiam bonorum operum sumptibus immoderatum esse non de-

Prov. 20.

ceat. Pulchra liberalitas erga ipsos quoque pauperes mensuram tenere, ut abundes pluribus, non conciliandi favoris gratia ultra modum fluere. Quidquid ex affectu puro ac sincero promitur, hoc est decorum; non superfluas ædificationes aggredi, nec prætermittere necessarias. Et maxime Sacerdotis hoc convenit, ornare templum Dei decorè congruo; ut etiam hoc cultu aula Domini resplendeat; impensas misericordiæ convenientes frequentare, quantum oporteat largiri peregrinis, non superflua, sed competentia; non redundantia, sed congrua humanitati; ne sumptu pauperum alienam sibi quærat gratiam; ne restrictiorem erga Clericos, aut indulgentiorem se præbeat. Alterum enim inhumanum, alterum prodigum; si aut sumptus desit necessitati, eorum, quos a sordidis negotiationis aucupis retrahere debeas; aut voluptati superfluat „ „.

R E G U L A I.

Quamvis prodigalitas veniale tantum peccatum sit ex genere suo, quatenus cum sola liberalitate pugnat; lethale tamen peccatum est, cum aliquis res suas prodigit contra Regulas charitatis, & iustitiæ, seu ob finem utrique illi virtuti oppositum.

Sic lethalis peccati rei sunt, qui bona sua profundunt, & deoquunt in comestationibus, & ebrietate, in scortationibus, alea, luxu, & quovis illicitarum voluptatum genere; ut filius ille prodigus, qui *Dissipavit substantiam suam vivendo luxuriose*; ut dicitur *Luca 15*. Quod expendens *S. Augustinus*, lib. 2. Quæstionum evangelicarum, qu. 33. ait: „ „ Hanc vitam prodigam vocat, amantem fundere, atque spatari pompis exterioribus, intus inanescentem, cum ea quisque sequitur, quæ ab illa procedunt, & relinquit eum, qui sibi est interior „ „.

Qui lethalis prodigal-
litas rei.

Lethalis prodigalitis rei sunt, quicunque cum gravi aliorum damno, vel scandalo bona sua profundunt.

Item

Item tutores, & curatores, qui bona pupillorum; Dispensatores, Oeconomi, administri, qui bona suæ fidei commissa; Nobiles, mercatores, & quicunque bona creditorum decoquere non verentur; Paterfamilias, qui suarum pecuniarum profusione uxori, & liberis graviter nocent, eis non providendo necessaria; & mulieres, quæ in mundo muliebri, & superfluo vestium ornatu sumptus immodicos faciunt. De quibus *Tertullianus*, lib. *De Cultu Feminarum*, cap. 8. scribit: „ De brevissimis loculis patrimonium grande profertur. Uno lino decies sestertium inferitur, Saltus, & insulas tenera cervix circumfert. Graciles aurium cutes calendarium expendunt, & sinistra per singulos digitos de saccis singulis ludit. Hæ sunt vires ambitionis, tantarum usurarum substantiam uno, & muliebri corpusculo bajulare „.

Lethalis tandem prodigalitatæ rei sunt, quos sumptus inutilis, vani, immoderati impediunt ab erogandis eleemosynis ex illis, quæ sunt ipsis habitatus, & dignitatis ratione superflua. Immodicos, & inutilis sumptus servi, aut Oeconomi sui, rerumque profusionem suarum ab ipsis factam nemo probaret. Qua igitur fronte homines, quibus rerum temporalium possessionem quidem, sed tamen ad rectum usum, & dispensationem Deus supremus omnium rerum, hominumque Dominus concessit, rationes suas ipsi probandas sperant, nisi fideliter illas administrent, & dispensent? „ Placet tibi, homo, servus tuus fidelis, & tu non vis esse Deo servus fidelis? Attendis, quia habes servum, attende, quia habes Dominum. Servum tuum potuisti comparare, non creare: Dominus tuus & verbo suo creavit te, & Sanguine suo redemit te. Si viluisti tibi, recola pretium; si & hoc oblitus es, lege Evangelium. instrumentum tuum. Fidem amas in servo tuo, & Dominus tuus non quærit eam in suo? Redde, quod exigis. Quod tibi gaudes reddi ab inferiore, redde Superiori. Amas servum, qui fideliter custodit aurum tuum; noli contemnere Dominum, qui misericor-

354 Theol. Dog. & Moral. Lib. III.

diter custodit cor tuum „„. Verba sunt *S. August.*
Serm. 36. alias *De Tempore* 212.

R E G U L A I I.

Lethalis est, ut plurimum, Clericorum prodigalitas,
qui redditus ecclesiasticos, in sumptus inanes pro-
fundunt.

Prodigali-
tas Clerico-
rum quam
grave pec-
catum.

Hæc Regula colligitur ex *S. Thom.* 2. 2. qu. 119.
art. 2. in responsione ad 1. „„ Prodigus (*in-*
quit) peccat in se ipsum, dum bona sua consumit,
unde vivere deberet; peccat etiam in alterum con-
sumendo bona, ex quibus deberet aliis providere.
Et præcipue hoc apparet in Clericis, qui sunt dis-
pensatores bonorum Ecclesiæ, quæ sunt pauperum,
quos defraudant, prodige expendendo „„ Quo
spectat & illud *S. Bernardi*, Tractatu *De Moribus*,
& *Officio Episcoporum*, sive Epistola ad *Henricum*
Senonensem Archiepiscopum, c. 2. „„ Discite Pon-
tifices, non quidem in sancto, sed in freno, quid
facit aurum? Quam tolerabilius cernitur in sancto,
quam in freno! Hoc me etiam tacente, etsi non
curia Regum, tamen penuria pauperum clamat, Si-
leat licet fama, sed non fames. Fama quidem silet,
quia non potest mundus odisse vos. Nam quomodo
arguet mundus peccatum, a quo potius laudatur pec-
cator in desideriis animæ suæ, & iniquus benedic-
tur? Clamant vero nudi, clamant famelici, con-
quærantur, & dicunt.. Nobis frigore, & fame mi-
serabiliter laborantibus quid conferunt tot mutato-
ria, vel extensa in perticis, vel plicata in manticis?
Nostrum est, quod effunditis; nobis crudeliter sub-
trahitur, quod inaniter expenditis. Et nos enim Dei
plasmatio, & nos Christi Sanguine redempti sumus.
Nos ergo, fratres vestri, videte, quale sit de fra-
terna portione pascere oculos vestros; vita nostra
cedit vobis in superfluas copias. Nostris necessitati-
bus detrahitur, quidquid accedit vanitatibus vestris.
Duo denique mala de una prodeunt radice cupidi-
tatis,

tatis, dum & vos vanitando peritis, & nos spoliando premitis „ „.

Hinc rursus *S. Tb.* Quodlibeto 6. qu. 8. art. 1. ad 4. „ „ Dicendum (*inquit*) quod neque moderatus usus divitiarum, neque bona fides dispensatorum salvari, videtur in eo, qui scienter superfluas expensas facit in voluptuosis conviviis, & aliis hujusmodi superfluitatibus; & ideo non est dubium, quod in talibus peccat mortaliter... Si autem aliquis non multum in talibus excedat, potest bona fide fieri ab aliquo, qui vult secundum decentiam sui status morem gerere his, quibus convivit „ „.

C A P U T III.

De usura, immani avaritia sobole.

A R T I C U L U S P R I M U S.

Quid sit Usura.

Usura est lucrum ex mutuo exactum, aut speratum, Usuræ definitio explicata.
 Lucri nomine accessio quævis ad sortem intelligitur, sive pecuniæ, sive rei alterius pecunia æstimabilis, ut explicat Conc. Trid. Catechismus. „ „ Est autem usura (*inquit*) quidquid præter sortem, & caput illud, quod datum est, accipitur, sive pecunia sit, sive quidvis aliud, quod emi, aut æstimari possit pecunia; sic enim apud Ezechielem scriptum est: *Usuram, & superabundantiam non acceperis* „ „ Ezech. 18.
 Et Dominus apud Lucam: *Mutuum date, nihil inde sperantes.* Quibus verbis fontes indigitat, ex quibus illa usuræ definitio est derivata. Sors hic dicitur summa principalis, seu capitalis, quam aliquis mutuo dat. Exigere aliquid ultra sortem, est exigere aliquid ultra summam principalem, quæ mutuo tradita est, ratione ipsius mutui; v. gr. si mille aureos deo alteri ea lege, ut intra tale temporis spatium totidem aureos tibi reddat, & supra illam summam triginta, plus vel minus. Luc. 6.

Sola etiam
voluntate,
& intentio-
ne usura
committi-
tur,

Dicitur *lucrum ex mutuo exactum, vel speratum*; quoniam sola etiam voluntate, & intentione usura committitur. Cum enim alia sit realis, mentalis altera; utramque complectitur definitio. Exactio lucri ex mutuo spectat usuram realem, spes vero lucri ex mutuo usuram mentalem. Prima externo opere completur; secunda in voluntate sistit, in prima pactum intervenit, seu expressum, seu tacitum reddendi aliquid ultra sortem; in secunda nullum pactum intercedit, vi cuius foeneratitium lucrum a mutuante percipitur. Exempli gratia, Joannes, qui probitatis, & honestatis laudem ambit, Jacobo dat mutuo centum aureos, post semestre reddendos, nulla de quovis lucro, aut accessione ad sortem intercedente pactione; sed tamen sperat Jacobum summæ capitali inter solutionem, aliquot aureos, ut a plerisque fieri solet, additurum. Elapso semestri Jacobus reddit summam capitalem, adjicit sex aureos, plus minus: Joannes, & sortem, & sortis accessionem lubens accipit, quam speraverat; quapropter mentalis usuræ reus est.

Si quid accipitur a mutuuario, non ratione mutui, sed alio titulo, sive ob aliam causam, damni scilicet vere emergentis, aut lucri cessantis, aut quovis alio justo titulo, sed alio justo titulo, vel ut minus gratuitum nec speratum, non est usu-
ræ.

Si tamen aliquid mutuans accipiat a mutuuario, non ratione mutui, sive ob pecuniam mutuo datam, sed alio titulo, sive ob aliam causam, damni scilicet vere emergentis, aut lucri cessantis, aut quovis alio justo titulo, servatis servandis, omnique malitiæ velamine remoto, ab usuræ labe immunis est; sicut si accipiat, ut gratuitum omnino munus, nec speratum, ut docet *S. Thom. 2. 2. qu. 78. art. 9. „* Si vero (*inquit*) accipiat aliquid hujusmodi, non quasi exigens, nec quasi ex aliqua obligatione tacita, vel expressa, sed sicut gratuitum donum, non peccat; quia etiam antequam pecuniam mutuasset, licite poterat aliquod donum gratis accipere; nec peioris conditionis efficitur per hoc, quod mutuavit. Recompensationem vero eorum, quæ pecunia non mensurantur, licet pro mutuo exigere, puta, & benevolentiam, & amorem ejus, cui mutuatur; vel aliquid hujusmodi. *Et in responsione ad tertiam objectionem:*

Si

Si aliquis ex pecunia mutuata expectet, vel exigat, quasi per obligationem pacti taciti, vel expressi compensationem muneris ab obsequio, vel a lingua; perinde est, ac spectaret, vel exigeret munus a manu; quia utrumque pecunia aestimari potest, ut patet in his, qui locant operas suas, quas manu, vel lingua exercent. Si vero munus ab obsequio, vel a lingua non quasi ex obligatione rei exhibeatur, sed ex benevolentia, quæ sub aestimationem pecuniæ non cadit; licet hoc accipere, & exigere, & expectare.

Hæc usuræ definitio, Patrum, & Theologorum illustriorum calculis approbatur. *Usura est mutui redundantia* (inquit *Tertullianus*, lib. 4. contra Marcionem) *Usura est, si plus quam sortem acceperis* (inquit *S. Basilus* in Psal. 14.) *Usura est quodcumque sorti accedit* (inquit *S. Ambrosius*, lib. de Tobia, cap. 14.) *Usura est, si plus acceperis, quam dederis* (inquit *S. Hieronymus*, in cap. 18. Ezechielis.) *Usura est, si plus, quam dedisti expectes accipere* (inquit *S. August.* in Psal. 36.) *Usura est, ubi amplius requiritur, quam datur* (inquit *Conc. Agathense.*) *Usura est, cum quis plus exigit in pecunia, aut in aliqua alia re, quam dederit* (inquit magister sententiarum lib. 3. dist. 37.) *Usura est pretium pro usu rei mutuo data, quæ usum non habet* (inquit *S. Thom.* 2. 2. qu. 78. art. 1.) Quoniam autem pretium illud, quod pro usu pecuniæ, vel rei cujusque mutuo datæ exigitur, in creditoris emolumentum, ac lucrum transit, & inique ad sortem accedit; idcirco idem valet pretium ulus rei mutuo datæ exigere, aut sperare, quod lucrum ex mutuo, sive accessionem ad sortem exigere, aut sperare; licet verba ipsa differre videantur; cum res mutuo data usum non habeat, qui locari, ac pretio aestimari possit, siquidem ipso usu consumitur. *Usura* (inquit *S. Antoninus* p. 2. tit. 1. cap. 7. §. 1.) *Est lucrum ex mutuo principaliter intentum.* Quam vocem, Principaliter, scrupulosiores quidam auctores immerito rejiciunt, cum innoxia sit, si sano sensu accipitur, prout accipit *S. Archipræsul* definitionem illam

Quælibet
ad sortem
accessio,
usura est.

Usuræ definitio a S. Antonino tradita explicatur.

explicans : „ Principaliter dicitur , propter secundariam intentionem , quæ non inducit usuram. Dicitur autem intentio principalis hæc , cum scilicet magis movetur ad mutuandum propter lucrum , quod sperat sibi evenire , quam propter aliud. Sed intentio secundaria dicitur , quando etsi sperat aliquid sibi dari ab eo , cui mutuavit ex liberalitate , tamen non illud eum movet , sed magis benevolentia , ita quod etiamsi non crederet sibi aliquid dari ultra sortem , adhuc tamen mutuaret. Sic enim principalis ipse , & intentio ad temporale inducit simoniam , & non secundaria , in collatione spiritualium , ut habetur expresse dist. 83. *Quid enim prodest* , in Glossa , & dist. 59. can. *Si Officia* : Ita & in mutuo principalis intentio ad lucrum inducit usuram , non secundaria. . . Et nota , quod intentio principalis ad lucrum , non solum in principio mutationis , sed etiam habita postea , etsi a principio non habuerit , inducit usuram. Puta , mutuatur quis proximo mere ex charitate , post mensem subintrat cogitatio mentem ejus de lucro sibi dando ab eo , cui mutuavit , & ita inficitur , quod si non speraret aliquid recipere ultra sortem , repeteret mutuatum , sed propter illud lucrum dimittit. Certe talis usurarius est. 1. qu. 1. can. *Fertur S. Vulnerato*. Et si quid ultra sortem recipit , quamvis ille daret non exactus , sed propria sponte , tenetur restituere „ „

ARTICULUS II.

Quid sit Mutuum.

Mutuum est contractus re initus , quo res , quæ pondere , numero , & mensura constant , ea lege alteri dantur ad abusum , ut non eadem quidem specie , sed eadem genere reddantur , salvata pari quantitate , ac simili qualitate.

Mutui definitio ex-
plicatur.

Dicitur Contractus re initus , quod mutuo commune est cum deposito , commodato , & pignore. Subditur : *Quo res , quæ pondere , & mensura constant* , qui-

quibus verbis mutui materia explicatur. Mutuum enim in iis rebus consistit, quæ facilem comparationem, ac promiscuum usum habent, & quæ sola quantitate, & qualitate intra idem genus spectata, ac servata, æquabiliter inter se dando, & reddendo mutantur. Unde quantitate magis, quam corpore constare, ac valere dicuntur, quia sola quantitate servata, inter se comparantur, & exequantur; cum una æque utilis sit, & æque prolit, ac altera; modoq; par quantitas intra idem genus servetur. Quod in cæteris rebus, quæ suo usu non consumuntur, adeoque mutui materia non sunt, non reperitur. Nam equus ab equo usu plurimum differt, vixque evenit ut usu, & commoditate similis sit alteri. Unde fit, ut in iis rebus corpus magis spectetur, quam quantitas, nec una pro alia, etiam intra idem genus reddi possit, ut equus pro equo, bos pro bove. Hinc *Justinianus*, L. 3. *Institutionum*, tit. 15. ait: „ Re contrahitur obligatio, veluti mutui datione. Mutui autem datio in iis rebus consistit, quæ pondere, numero, mensura constant; veluti vino, oleo, frumento, pecunia numerata, ære, argento, auro; quas res, aut numerando, aut metiendo, aut appendendo in hoc damus, ut accipientium fiant „ „

Subditur, *dantur ad abusum*, ad quem scilicet natura sua ordinantur; earum enim rerum usus, ad quem per se referuntur, abusus earum est. Dicitur autem hic abusus jurisconsultorum more, ac sensu, non usus ille perversus, ac pravus, quo res ipsæ, quibus abutimur, a proprio fine abducuntur, ad quem factæ, aut institutæ sunt; sed usus ipse, quo res illas, quibus utimur, consumimus, aut distrahimus utendo. Quo sensu *Boetius*, in *Topica Ciceronis*; ait: „ Utimur iis, quæ nobis utentibus permanent; „ iis vero abutimur, quæ nobis utentibus pereunt. „ Hac autem in re mutuum differt a commodato deposito, & pignore. Quamvis enim hæ ipsæ res, quæ mutuo dantur, deponi, pignori dari, ac etiam ad pompam, & ostentationem commodari possunt;

sint; revera tamen neque deposito, neque pignore, neque commodato dantur ad abusum; sed deposito dantur ad custodiam; pignore vero ad securitatem; commodato demum ad pompam, & ostentationem. Ex quo efficitur, ut eadem ipsæ res, quæ depouuntur, commodantur, aut pignori dantur, reddi debeant, non aliæ; cum tamen eæ ipsæ res mutuq datæ non debeant reddi, sed æquales, & intra idem genus, cum ad abusum dentur, suoque ipso usu consumantur. Unde Paulus juris-consultus lib. 2. D. tit. *De Rebus creditis*, ait: „ Mutuum damus recepturi non eadem specie, quam dedimus, alioquin commodatum erit; aut depositum, sed idem genus; nam si aliud genus, veluti ut pro tritico vinum recipiamus, non erit mutuum „ „

Dicitur, *ea lege ut non eadem quidem specie, sed eadem genere reddantur*, quibus verbis mutuum & a donatione, & a permutatione differt; a donatione quidem, qua aliquid ita datur, ut nihil reddi debeat; a permutatione vero, in qua res unius generis pro re alterius generis redditur; v. gr. frumentum pro vino. Differt etiam hac in re mutuum a commodato, deposito, pignore, precario; quibus in contractibus interponitur fides reddendæ ejusdem rei. Hinc sequitur; mutuum alienationem continere. Unde *Justinianus* lib. 3. *Institutionum*, tit. 15. ait: „ Quoniam nobis non eadem res; sed aliæ ejusdem naturæ, & qualitatis redduntur; inde etiam mutuum appellatum est; quia ita a me tibi datur, ut ex meo tuum fiat. Et ex eo contractu nascitur actio, quæ vocatur condictio „ „ Et *Paulus* jurisconsultus L. 2. Dig. tit. *De Rebus creditis*, ait: „ Appellata est mutui datiq ab eo, quod de meo tuum fit, & „ ideo si non fiat tuum, non nascitur obligatio „ Quamobrem in mutuo necesse est, ut ille, qui dat, dominus sit, ut rei dominium in alterum transferre possit, ut observat idem jurisconsultus; *In mutui datione* (inquit) oportet Dominum esse dantem. Quamobrem si fur nummos tibi credendi animo dedit, quia

quia eos accipientis non facit, mutuum non contrahitur, neque inde obligatio, aut conditio, seu actio in personam nascitur, ut tradit *Ulpianus*, lib. 13. Dig. tit. *De Rebus creditis*. Sive autem inde mutuum dictum sit, quod ex meo tuum fiat, sive quod mutationem quamdam complectatur, ac designet; quia nimirum eadem ipsæ res; quæ mutuo dantur, suoque usu consumuntur, reddi nequeunt; & præterea vicissitudo quædam dandi, & accipiendi inter creditorem, & debitorem interveniat, certum est, mutuo dominium rei in accipientem transferri; si dans mutuum dominus sit, & voluntatem habeat alienandi, ac transferendi dominii rei, quam dat, in illum; qui ab ipso mutuatur. Unde pupillus mutuum dare sine tutoris auctoritate non potest, quia ei sine tutoris auctoritate alienare non licet, ut tradit *Justinianus*; lib. 2. *Institutionum*, tit. 8. Traditione autem rei mutuo datæ non solum fit ejus alienatio, sed simul paritur obligatio in debitore; qua non quidem eam ipsam rem, quam accipit, teneatur reddere, sed similem intra idem genus.

Additur denique in definitione, *Servata pari quantitate, ac simili qualitate*; ut perfecta æqualitas in mutuo servanda indicetur. Unde *Pomponius* jurisconsultus, lib. 3. Dig. tit. *De Rebus creditis*, ait: „Cum quid mutuum dederimus, etsi non cavimus, ut æque bonum nobis redderetur, non licet debitori deterio-rem rem, Quæ ex eodem genere sit, reddere; veluti vinum novum pro vetere; nam in contrahendo quod agitur, pro cauto habendum est; id autem agi intelligitur, ut ejusdem generis, & eadem bonitate solvatur, quod datum sit „.

ARTICULUS III.

An usura prohibita sit omnis: Erga omnes: Et quo jure.

Calvinus pluribus in locis, præsertim vero in Com-
mentariis *Ezechielis*, ad cap. 18. & in exposi-
tione Decalogi, usuram, aut foenus tuctur, si a di-
viti- Calvinus;
Molinæus;
& Salma-
sius usura-

rum patro-
ni.

vitibus, non a pauperibus exigatur, modumque legibus defiditum seruet, asseritque usurarum, ac scōdoris prohibitionem, quæ in veteri Testamento legitur, ad ordinem politicum pertinuisse, ac proinde cum ipsa lege veteri oboleuisse; cum inter judicialia, non inter moralia præcepta numeranda sit, nisi quatenus legem naturalem continet, qua vetatur, ne aliis faciamus, quod nobis fieri nolumus. *Carolus Molinaus* in suo *De Usuris* Tract. *Calvini* sententiam secutus, usuram, si moderata sit, modumque a legibus definitum seruet, honestam, ac justam esse contendit; asseritque ipsam neque cum Lege divina, neque cum naturali pugnare nisi gravis sit, & mordax, vel a pauperibus, aut indigentibus exigatur, non vero si levis, ac moderata sit, & divitibus, ac negotiatoribus, qui res suas ex pecunia mutuo accepta amplificant, exigatur, ac percipiatur. *Salmasius* lib. *De Usuris*, asserit usuram per se honestam, & justam esse, eo nomine, quod locatæ pecuniæ merces esse videatur; illamque evangelicæ legi contrariam non esse, quamvis Judæis erga Judæos veteri lege vetita fuerit; non quidem tanquam per se mala, sed tanquam politico illorum regimini, civilique societati parum consentanea. Alii hæreticorum illorum hominum vestigiis insistentes, lucrum illud, quod ultra sortem a mercatoribus, aliisque hominibus, qui res familiares amplificant, exigatur, non solum honestum, ac justum, divinæque legi, ac naturali consentaneum esse, sed ne usuram quidem, ac scōnus nominandum esse pertinaciter contendunt; id enim solum usuram, ac scōnus esse dicendum, quod a pauperibus, aut indigentibus exigatur. Quocirca duplex mutui genus excogitarunt, ac distinxerunt; unum, quo res ad consumptionem datur; alterum, quo datur ad negotiationem; asseruntque usuram in mutuo consumptionis, quod plerumque cum pauperibus, & indigentibus contrahitur, versari solum, non in mutuo negotiationis, quod cum mercatoribus contrahitur iisque hominibus, qui res familiares au-
gent;

gent. Has sententias hæreticas esse nemo Catholicus dubitaverit, secundum Conc. Viennensis sub *Clemente V.* definitionem: „ Si quis (*inquit*) in illum errorem inciderit, ut pertinaciter affirmare præsumat, exercere usuras non esse peccatum; decernimus velut hæreticum puniendum. Locorum nihilominus Ordinariis, & hæreticæ pravitatis Inquisitoribus districtius injungentes, ut contra eos, quos de errore hujusmodi diffamatos invenerint, aut suspectos, tanquam contra diffamatos, vel suspectos de hæresi procedere non omittant „ „

PROPOSITIO PRIMA.

Usura omnis, sive lucrum, aut accessio, quando ultra sortem mutuo datam exigitur, sive a pauperibus, & indigentibus, sive a divitibus, mercatoribus, iisve hominibus, qui res suas amplificant, quantumvis moderata sit, per se turpis, ac injusta est, legique naturalis contraria.

Id ipsorum Philosophorum ethnicorum testimonio probatur, qui solum animæ nullis præjudiciis occupatæ judicium secuti, usuram omnem fugiendam esse docuerunt, & velut naturæ repugnantem damnarunt. Sic *Plato* lib. 5. *De Legibus*, sic *Aristoteles* lib. 1. *Politicorum*, cap. 7. „ „ Optima ratione (*inquit*) omnibus odio est ars foeneratrix, quod ab ipso nummo quæstus fiat, & non, ad quam rem paratus est, usurpetur; permutationis enim gratia institutus est; foenus autem nummum auget, ac multiplicat, unde & nomen habet, & *Tokos* dicitur, quasi partus; similia enim sunt ea, quæ gignuntur, iis, quæ gignunt, ac procreant; in foenore autem pecunia pecuniæ partus, ac foetus est. Quamobrem hæc ipsa quærendæ pecuniæ ratio maxime omnium abhorret a natura „ „ Et lib. 4. *Ethicorum*, *Fœneratores* non minus quam *Lenones* inter illos numerat, qui illiberales operas præstant, sordidasque artes exercent, qui *Accipiunt, unde non oportet,*

Ethnici ipsi
usuram omnem fugiendam docent.

ret; & quantum non oportet. Legi potest & *Plutar-
chus* in Opusculo de re edito. Hinc *Seneca* lib. 7.
De Beneficiis, ait: „ Quid foenus, & Kalendarium,
„ & usura, nisi humanæ cupiditatis extra naturam
„ quæsitæ nomina „? Et *Suidas* ex *Aristophane* in
Nubibus, ait: „ Usuram esse feram quamdam bel-
„ luam, quæ per menses, & dies amplius argenti
„ semper gignit serpente tempore „. Hinc illud *Ca-
tonis*: *Quid fœnerari? Quid hominem occidere?* Gra-
vissimum ergo semper fuisse hoc facinus, etiam apud
gentes, & maxime odiosum, merito asserit *Conci-
lii Tridentini Catechismus*.

Usura om-
nis naturæ
juri adver-
satur.

Quod *Aristoteles* scilicet dixit usuram eo nomine con-
tra naturam esse, quod pecuniam per se sterilem &
quæ nullam vim pariendi a natura, aut a lege acce-
pit, sed ad res vitæ necessarias, utiles, aut commodas
comparandas instituta est, ordinataque, ut sit medium
commutationis, præsidium indigentiae, usurarius ad
quæstum ex ipsis nummis immediate faciendum referat,
quasi idem medium, & finis esse possit; hanc (in-
quam) rationem SS. Patres approbant, ipsaque utun-
tur ad usuræ perversitatem, ac iniquitatem ostenden-
dam, scilicet *S. Gregorius Nyssenus*. Hom. 4. in eccle-
siastem „ „ O acerbæ nuptias (inquit) o improbam
conjunctionem! Quam natura quidem non cogno-
vit, avarorum autem morbus inter inanimata inno-
vavit. O graves, & molestos conceptus, e quibus
hujusmodi foetus, id est, foenus enascitur! In rebus
solum, quæ sunt, vivunt, ac sentiunt, discrimen in-
venitur sexus maris, & feminae; eis enim dixit Crea-
tor Deus: *Crescite & multiplicamini*, ut per mutuam
inter se generationem augetentur, ac multiplicaren-
tur, quæ gignuntur animantia; nummi aut foetus,
seu foenus, ex quonam consistit matrimonio? ex
quonam perficitur conceptione? Cæterum ex Pro-
pheta didici, quæ sit hujus foetus conceptio: *Ecce
parturiit injustitiam, concepit dolorem, & peperit ini-
quitatem*. Hic est ille partus, quem parturiit quidem
avaritia, parit autem iniquitas, & obstetricatur in-
humanitas „ „

Mat. 5. 15.

Et

Et S. Basilus in Psal. 4. „ „ Genus hoc avaritiæ (inquit) partus appellatur ob multiplex mali germen, atque fecunditatem. Semina omnia suo tempore nascuntur, animalia quoque præstituto tempore suos edunt foetus; foetus hodie nascitur, hodie parere incipit. Animalia, quæ cito pariunt, cito etiam a partu desistunt; pecuniæ vero statim pariunt, & accessionem cum tempore recipiunt infinitam. Quæ crescendi vim habent, ubi ad convenientem sibi, justamque statorem magnitudinem pervenere, augeri desinunt; pecunia vero avari omni tempore augetur, accretionis nullus est finis. Animalia ubi pariendi vires cesserunt soboli suæ, non jam ulterius imprægnantur; foeneratorum pecuniæ, etiam quæ succreverunt, statim pariunt, & veteres renovantur. „ „ Hunc Basilii locum imitatur, & amplificat S. Ambrosius, lib. De Tobia, cap. 13.

Leo denique Decimus in Conc. Lateranensi sess. 10. „ „ Prompta est (inquit) usurarum interpretatio, quando videlicet ex usu rei, quæ non germinat, nullo labore, nullo sumptu, nullo periculo lucrum, foetusque conquiri studetur „ „

Præterea, contra jus naturæ pugnat duplicem compensationem pro una, eademque re exigere, sive rem eandem bis vendere, aut id vendere, quod non est; sed qui foenerantur, bis idem vendunt, aut certe id vendunt, quod non est; naturæ itaque jus evertunt.

Prior propositio nota est; violatur enim æqualitas, dum plus exigitur, quam fuerit datum, contra illud juris principium lib. 9. Cod. tit. De non numerata pecunia. *Ultra id quod accepit, re obligari neminem posse constat.* Et lib. 17. Digest. tit. De Pactis: *Re non potest obligatio contrahi, nisi quatenus datum sit.*

Secunda Propositio sic probatur: Qui ex mutuo aliquam accessionem ad sortem exigit, vel exigit illam percipitque ratione sortis, sive pecuniæ mutuo datæ, aut ratione usus ipsius; si ratione sortis mutuo datæ percipitur, duplicem pro una eademque

re compensationem recipit, siquidem & totam sortem, seu summam capitalem mutuo datam exigit, ac percipit, & præterea accessionem, seu usuras. Bis itaque rem eandem vendit, ut ait Conc. Trid. Catechismus. Si vero pro usu pecuniæ, seu rei alterius pecuniæ æstimabilis mutuo datæ exigit aliquid ultra sortem, id vendit, quod non est; nam usus pecuniæ, seu rei alterius mutuo datæ ab ipsa pecunia, sive re, ac proprietate ejus separari non potest, neque separatam ab illa æstimationem habet. Siquidem in rebus, quæ usu conlumuntur, usus rei seorsim a re ipsa æstimari non potest, v. gr. usus frumenti seorsim a frumento. Unde *Joannes 22. in Extrav. Ad conditorem*, ait: „„ Dicite, quod in rebus, quæ usu consumuntur, usus juris, vel facti separatus a proprietate rei, seu dominio possit constitui, repugnat juri, & obviat rationi. *Et paulo post*: In rebus consumptibilibus nec jus utendi, nec usus facti separati a rei proprietate, seu dominio possunt constitui, vel haberi. *Et rationem statim subjicit*, quoniam scilicet usus-fructus, & usus, jus quoddam est rebus alienis utendi, fruendive salva earum substantia; quod quidem in rebus, quæ usu conlumuntur, fieri non potest „„ In rebus igitur illis, quæ suo usu consumuntur, neque jus illis utendi in alteram transferri potest, retenta earum ipsarum rerum proprietate, neque in illis ipsis rebus jus utendi, fruendique constitui potest, salva earum ipsarum substantia; ut tradit *Justinianus lib. 2. Institutionum. Tit. 4.* „„ Constituatur (*inquit*) usus-fructus non tantum in fundo, & ædibus; verum etiam in lervis, & jumentis, & cæteris rebus, exceptis iis, quæ ipso usu consumuntur. Nam hæ res neque naturali ratione, neque civili recipiunt usumfructum; quo in numero sunt vinum, oleum, frumentum, vestimenta, quibus proxima est pecunia numerata; namque ipso usu assidua permutatione quodammodo extinguitur „„ Quamobrem sicut is, seorsim qui vellet vendere triticum, & seorsim usum illius tritici,

faci-

facinus attentaret rationi, juriq̃ue naturali plane repugnans, quia rem eamdem bis vendere vellet, aut certe vendere rem, quæ non est; ita qui pro pecunia mutuo data tantumdem pecuniæ recipit, & insuper aliquid pretio æstimabile pro ipsius pecuniæ usu, jus naturæ aperte violat, & evertit.

Confirmatur: Iniquissimum est, pretium exigere, ac percipere pro re, quæ non est sua; usus porro rei mutuo datæ non est creditoris, sed debitoris, in quem per mutuum transfertur dominium pecuniæ, seu rei alterius mutuo datæ, & quæ usu consumi potest, simul cum rei ipsius usu. Siquidem mutuum inde appellatum: *Quia ita a me tibi datur, ut ex meo tuum fiat*, adeo ut, si non fiat tuum, nullus nascatur obligatio, Paulus jurisconsultus lib. 2. Dig. tit. De Rebus creditis, & Justinianus lib. 3. Institutionum. tit. 14. tradunt. Unde si res mutuo data pereat, non perit creditori, sed debitori, ut Justinianus docet, lib. 3. Institutionum, tit. 15. „ Is (inquit) cui res aliqua utenda datur, id est, commodatur, re obligatur, & tenetur commodati actione. Sed is ab eo, qui mutuum accepit, longe distat; namque non ita res datur, ut ejus fiat; & ob id de ea re ipsa restituenda tenetur. Et is quidem, qui mutuum accepit, si quolibet fortassis casu amiserit, quod accepit, veluti ruina, incendio, naufragio, aut latronum, hostiumve incurfu, nihilominus obligatus remanet. At is, qui utendum accepit, sane quidem exactam diligentiam custodiendæ rei præstare jubetur; nec sufficit ei tantam diligentiam adhibuisse, quantam suis rebus adhibere solitus est, si modo alius diligentior poterat eam rem custodire; sed propter majorem vim, majoresve casus non tenetur, si modo non ipsius culpa is casus intervenit „ „

Idem rursus confirmatur ex discrimine, quod intercedit inter pecuniam, & res cæteras. Quædam enim sunt, quorum usus non est ipsa rei consumptio; sicut usus domus est inhabitatio, non dissipatio; & ideo in his dominium seorsim ab usu, vel usus seor-

sim a dominio concedi potest; sic aliquis transfert dominium domus in alterum, reservato sibi usu ad tempus; vel contra concedit alteri ulum domus, reservato sibi ejus dominio; & propterea licet exigere pretium pro usu domus, & repetere domum commodatam, sicut patet in conductione, & locatione domus. Pecunia vero in eum præcipue finem instituta est, ut commutationibus serviat, rebusque necessariis, & utilibus comparandis; unde proprius, & præcipuus pecuniæ usus est ipsius consumptio, sive distractio. quatenus in commutationes expenditur. Quamobrem illicitum est pro usu pecuniæ mutuo datæ accipere pretium, quod dicitur usura.

Hæ rationes, quæ usuram omnem illicitam, ac per se malam esse probant, tam moderatam, quam gravem, ac mordacem; tam eam, quæ a divitibus, & negotiatoribus, quam quæ a pauperibus exigitur, & præcipitur, ex *S. Thom* depromptæ sunt in 3. *Sentent.* dist. 47. qu. 1. art. 6. in *Quæstionibus disputatis*, qu. 13. *De Malo*, art. 4. *Quodlibeto* 3. qu. 7. art. 2. & 2. 2. qu. 78. art. 1. In his autem omnibus locis usuram omnem „„ Secundum se injustam. quia venditur id, quod non est; per quod manifeste inæqualitas constituitur, quæ justitiæ contrariatur; *asserit angelicus Doctor; vel Dare pecuniam mutuo ad usuram, esse peccatum mortale. Nec ideo esse peccatum, quia est prohibitum; sed potius ideo esse prohibitum, quia est secundum se peccatum; est enim contra justitiam naturalem* „„

PROPOSITIO II.

Usura omnis, sive lucrum, & accessio, quæ ultra sortem mutuo data exigitur, & percipitur, sive a pauperibus, sive a divitibus, divina Legi repugnat.

Usura omnis divina lege damnatur sive a divitibus, **S**criptum est enim Deut. 23. *Non fœnerabis fratri ad usuram pecuniam; nec fruges, nec quamlibet aliam rem, sed alieno; fratri autem tuo absque usura id, quod indiget, commodabis, ut benedicat tibi Dominus*

nus

nus Deus tuus in omni opere tuo. Frater est omnis homo; a quocunque igitur homine usuram pecuniæ, & fœnus frugum, ac etiam cujuscunque alterius rei exigere lex vetat, non solum gravem, sed etiam quidquid sorti accedit; non solum a pauperibus, sed etiam a divitibus, & mercatoribus, qui pecuniâ mutuo accepta, & negotiationi exposita, res suas amplificant. Hæc porro prohibitio non ad præcepta judicialia, seu politica, sed ad moralia referenda est; siquidem eo loco utuntur SS. Patres, ut probeat usuram tam veteri, quam nova lege vetitam esse christianis hominibus; cum per se turpis, & injusta sit; scilicet *Clemens Alexandrinus* lib. 2. *Stromatum*, *S. Ambr.* lib. *De Tobia*, cap. 14. & 15. & alii.

sive a pauperibus exigatur.

Fœusra opponitur usuræ, ac fœnoris patronis, exactionem usurarum ab alienigena Judæis hæc lege permitti; adeoque usuram non esse per se malam, ac injustam. Responsio enim in promptu est, id ad duritiam cordis Judæorum permitti, quamvis iniquum sit; vel idcirco, quod Deus in alienigenarum bona, quæ fœnore percipiebantur, jus aliquod Judæis concederet, vel denique quod de Amalecitis, Amorrhæis, aliisque vicinioribus populis, cum quibus jus erat belli, & quorum sedes Deus populo suo tradiderat, ageretur. Nam & fœnus belli genus est. Hæc responsio SS. *Ambrosium*, & *Thomam* auctores habet. Ita *S. Ambrosius*, lib. *De Tobia*, cap. 4. „ Sed forte dices, quia scriptum est; alienigenam non fœnerabis, & non consideras, quid Evangelium dicat, quod est plenius. Sed hoc interim sequestremus, legis ipsius verba considera; *Fratri tuo* (inquit) *non fœnerabis ad usuram, sed ab alienigena exiges.* Quis erat tunc alienigena, nisi Amalech, nisi Amorrhæus, nisi hostes? ibi (inquit) usuram exige. Cui merito nocere desideras, cui jure inferuntur arma, huic legitime inducuntur usuræ. Quem bello non potes facile vincere, de hoc cito potes centesima vindicare te. Ab hoc usuram exige, quem non solum crimen occidere. Sine ferro dimicat, qui usuram flagitat;

Qua ratione exactio usurarum ab alienigena Judæis permittitur.

gitat; sine gladio sese hoste ulciscitur, qui fuerit usurarius exactor inimici. Ergo ubi jus belli, ibi etiam jus usuræ. Frater autem tuus omnis, fidei primum, Mal. 21. deinde romani juris est populus; *Narrabo nomen tuum fratribus meis, in medio Ecclesiæ laudabo te.* Denique etiam in Levitico præscribit lex usuram a fratre non esse poscendam. Sic enim habet; *Et vivet frater tuus tecum; pecuniam tuam non dabis illi in usuram, & in amplius recipiendum non dabis illi escas tuas.* Generaliter hæc sententia Dei omne sortis exclusit augmentum „ „.

Lev. 25. 16.

Ita vero *S. Th. 2. 2. qu. 78. art. 1.* in responsione ad secundam objectionem. „ „ Judæis prohibitum fuit accipere usuram a fratribus suis, scilicet Judæis; per quod datur intelligi; quod accipere usuram a quocunque homine est simpliciter malum. Debemus enim omnem hominem habere quasi proximum, & fratrem præcipue in statu Evangelii, ad quod omnes vocantur. . . Quod autem ab extraneis usuram acciperent, non fuit eis concessum quasi licitum, sed permissum ad majus malum vitandum, ne scilicet a Judæis Deum colentibus usuras acciperent, propter avaritiam, cui dediti erant, ut habetur *Itaiz 56.* „ „

Verum (inquires) hæc verba legis; *Fratri tuo absque usura id, quo indiget, commodabis,* locum istum de pauperibus, aut indigentibus intelligendum esse probant,

Respondetur, mutui originem, & occasionem his verbis exprimi; nemo enim mutuum sumit, nisi indigeat; neque enim mutuum peteret, si apud se haberet, quod petit. At indigentia ista, de qua lex loquitur, neque extrema, neque gravis solum intelligenda est, sed etiam communis, quæ ad mutuum etiam divites, & mercatores impellit. Et certe lex usuram a fratribus exigere penitus vetat Judæis; sed inter fratres erant non solum pauperes, & indigentes, sed etiam divites, & mercatores; igitur lex Judæis penitus vetat usuram etiam a divitibus & mer-

Judæis lex
usuram et-
iam mode-
ratam exi-
gere a fra-
tribus, di-

mercatoribus exigere, quantumvis moderata sit. Præterea, eam usuram lex Judæis a fratribus exigere vetat, quam videtur erga alienigenas permittere; sed lex erga alienigenas non videtur permittere nisi usuram moderatam, & quidem eam, quæ exigitur a divitibus, & mercatoribus, non vero eam, quæ a pauperibus, vel egenis exigitur; quæ enim gravior est, modumque non servat, humanitatem omnem, ac æquitatem violat, fatentibus etiam usuræ, ac fœneris patronis. Lex igitur Judæis prohibuit etiam moderatam usuram exigere a fratribus divitibus, & mercatoribus. Quod si non licuit Judæis, multo minus Christianis licet; alioquin a Judæo Christianus charitate, & beneficentia superaretur, nec abundaret justitia nostra plusquam Scribarum, & Phariseorum; cum tamen magna justitia, magna charitas, & perfecta justitia perfecta charitas sit, ut loquitur *S. August.* Hæc itaque lex moralis est, non judicialis, & politica duntaxat, adeoque Christianos etiam spectat.

viuis, &
mercatori-
bus prohi-
bet.

Lex ista
moralis est,
adeoque
Christianos
etiam spe-
ctat.

Id rursus probatur ex Ps. 14. *Domine, quis habitabit in tabernaculo tuo, aut quis requiescet in monte sancto tuo? Qui ingreditur sine macula, & operatur justitiam, Qui pecuniam suam non dedit ad usuram, & munera super innocentem non accepit.* Quem locum *S. Ambrosius* expendens. Lib. *De Tobia*, cap. 15. ait: „David benedictum æstimavit, & dignum habitatione cœlesti, qui pecuniam non dedit ad usuram; si ergo, qui non dedit, benedictus; sine dubio maledictus, qui ad usuram dedit. Cur ergo maledictionem potius eligis, quam benedictionem „?

Idem probat locus insignis *Ezechielis*, cap. 18. v. 9. *Vir, si fuerit justus, & fecerit judicium, & justitiam... ad usuram non commodaverit, & amplius non acceperit... Hic justus est, vita vivet, ait Dominus.* Et infr. v. 10. & 13. *Quod si genuerit filium latronem effundentem sanguinem... ad usuram dantem, & amplius accipientem; nunquid vivet? Non vivet, cum inversa hac detestanda fecerit, morte morietur. Denique,*

v. 14. & 17. *Quod si genuerit filium, qui videns omnia peccata patris sui, quæ fecit, timuerit, & non fecerit simile eis., , usuram, & superabundantiam non acceperit, iudicia mea fecerit, in præceptis meis ambulaverit; hic non morietur in iniquitate patris sui, sed vita vivet.* Usura pro accessione pecuniæ creditæ, scænus pro frugum superabundantia sumitur. Utrumque Deus per Prophetam prohibet, nulla pauperis, & divitis, nulla fratris, & indigenæ distinctione, nulla immoderatæ, aut gravis usuræ mentione facta; nihil ultra sortem exigere permittit; imo vero mortem minatur iis, qui aliquid ultra sortem exegerint a quocunque, aut perceperint. In lege dicitur: *Non fœnerabis fratri, sed alieno.* Sed vi profectum (inquit S. Hieron, hunc locum exponens) „ „ In principio legis a fratribus tantum scænus tollitur; in Propheta ab omnibus usura prohibetur; porro in Evangelio virtutis augmentum est, præcipiente Domino; Fœneramini eis, a quibus non speratis recipere „ „

Idem confirmant Christi Legislatoris nostri verba Luc. 6. *Si mutuum dederitis his, a quibus speratis recipere, quæ gratia est vobis? Nam & peccatores peccatoribus fœnerantur, ut recipiant æqualia, .. Mutuum date, nihil inde sperantes, & erit merces vestra multa, & eritis filii Altissimi; quia ipse benignus est super ingratos, & malos.* Triplicem sensum hæc Domini sententia complectitur. Vult enim, ut illis etiam beneficiamus, & mutuum demus, qui ingrati futuri sunt, nec similem gratiam repensuri; quoniam & ipsi peccatores spe similis beneficii rependendi ad mutuum dandum invitantur. Secundo, vult ut mutuum demus, etiam si sortem ipsam recepturi non simus, sed ejus amittendæ subeamus periculum. Tertio, vult mutuum dari sine spe lucri, & accessionis, seu scænoris supra sortem. Cum enim Christus ad excellentissimam benevolentiam, & beneficentiam Fideles obstrinxerit, ut scilicet inimicos diligerent, ingratis beneficerent, & mutuum darent, nec gratiam, nec sortem etiam ipsam sperantes; qua ratione lucrum, aut scænus etiam
mq-

moderatum ex mutuo exigere permetteret? Qui legem non venit solvere, sed adimplere; qui iustitiam nostram abundare jubet plus, quam Scribarum, & Phariseorum; qui ad ipsam etiam sortem non repetendam nos invitat, ut benignitatem nostram, iustitiamque perfectam faciat; is certe lucrum ex mutuo exigere, aut sperare non permittit, imo vero id multo magis prohibet, cum non solum charitati, sed etiam iustitiæ, & æquitati omnino repugnet. Unde *Tertullianus*, lib. 4. *Contra Marcionem*, istud Christi oraculum cum loco Ezechielis superius prolato componens; sœnus in veteri Testamento vetitum esse docet, ac proinde multo magis in novo, ubi ad mutuum etiam non repetendum invitamur; ad quam quidem benignitatis formam, ac perfectionem, rudia adhuc veteris Legis præcepta usuram, & sœnus solum prohibendo, nos instituebant, „ Hic nunc (*inquit*) de sœnore cum interponit; & si sœneraveritis, a quibus speratis vos recepturos, quæ gratia est vobis? Percurre sequentia Ezechielis de eodem viro iusto; pecuniam (*inquit*) suam sœnori non dedit, & quod abundaverit, non sumet: Sœnoris scilicet redundantiam, quod est usura, Prius igitur fuit, ut fructum sœnoris eradicaret, quo facilius assuefaceret hominem ipsi quoque sœnori (*id est mutuo*) si forte perdendo, cujus fructum didicisset amittere. Hanc enim dicimus operam fuisse legis procurantis Evangelio. Quorumdam tunc fidem paulatim ad perfectum disciplinæ christianæ nitorem primis quibusque præceptis balbutientis adhuc benignitatis informabat „ „

Itaque cum tria quis sperare possit ex mutuo, usuram, gratiam, sortem; suadet Christus, ut mutuum demus, gratiam, aut sortem non recepturi; vetat autem, ne ex mutuo usuram exigamus, aut speremus. Qui enim spe rependendæ gratiæ benefacit, avarus est; qui metu amittendæ sortis mutuum indigenti non tribuit, inhumanus; sed qui spe lucri, & incrementi dat mutuum, injustus est; unde *S. Thomas*, 2. 2. qu.

78. art. 1. consilium, & præceptum in verbis Christi distinguit; consilium quidem, quod ad beneficentiam pertineat, præceptum vero, quod ad iustitiam referatur. Cum enim hanc sibi objectionem quartam ordine proposuisset; „, Prætermittere consilia non obligat ad peccatum; sed Lucæ 6. inter alia consilia ponitur; *Date mutuum nihil inde sperantes*; ergo accipere usuram non est peccatum; *Sic respondet*; *Dare mutuum (inquit) non semper tenetur homo*; & ideo quantum ad hoc ponitur inter consilia; sed quod homo lucrum de mutuo non quærat, hoc cadit sub ratione præcepti „, „. Atque ita hanc Domini sententiam intelligendam esse docent summi Pontifices, & Concilia, cum illius auctoritate usuram omnem, ac fœnus prohibent, & damnant; scilicet Concilium Carthaginense 1. can. 14. Lateranense 2. sub *Innocentio II.* can. 13. Lateranense 3. sub *Alexandro III.* can. 25. *Alexander III.* cap. *Super eo*, *Extra*, *De Usuris*; & *Urbanus III.* cap. *Consuluit*, sub eodem titulo; *Innocentius III.* cap. *Quam perniciosum*, & Concilium Lateranense 5. sub *Leone X.* Sessione 10.

Obijciunt usuræ, fœnorisque patroni hæc verba Exodi 22. quibus Deus gravem duntaxat, ac mordacem usuram, eamque a pauperibus exigere vetat, non moderatam, & a divitibus. *Si pecuniam mutuam dederis populo meo pauperi, qui habitat tecum, non urgebis eum quasi exactor, nec usuris opprimes.* Item illud Lev. 25. *Si attenuatus fuerit frater tuus, & infirmus manu, & susceperis eum quasi advenam, & peregrinum & vixerit tecum, ne accipias usuras ab eo, nec amplius, quam dedisti.*

Respondetur, voces illas, *Pauperi, attenuatus, infirmus*, legem non restringere, sed exempli gratia positas esse, quia frequentissimum est, ut pauperes opis alienæ magis egeant, & ad fœneratores sublevandæ suæ inopiæ causa confugere cogantur; unde harum sententiarum sensus est, si pecuniam mutuam dederis populo meo, præsertim pauperi, & contri-

buli

Sult tuo; præsertim attenuato, & infirmo, usuras ab eo ne accipias, & amplius quam dedisti. Præterea, cum ejusdem sit legem interpretari, cujus est illam condere, & Deus aliis Scripturæ sacræ locis usuram omnem, & erga omnes tam divites, quam pauperes injustam esse doceat, in eaque damnanda lex, Prophetæ, & Evangelium consentiant; priores illæ sententiæ per posteriores sunt explicandæ, scilicet per loca ex Deuteronomii cap. 23. Psalm. 14. Ezech. 18. & Lucæ 6. petita.

Objiciuntur deinde verba illa Dent. 23. quibus Deus quali in præmium servatæ legis Judæis promittit scænus ex gentibus percipiendum, & colligendum: *scænerabis gentibus multis; ipse a nullo scænus accipies.*

Respondetur, scænus ibi accipi pro mutuo, & scænerare pro mutuuum dare. Promittitur enim abundantia divitiarum Judæis; qua fiet, ut aliis mutuuum dare possint, ut explicat *S. Thomas*, 2. 2. qu. 78. art. 1. in responsione ad secundam objectionem. Sic scænerandi verbum sumitur Eccles. 29. *Qui facit misericordiam, scæneratur proximo suo.* Item; *Scænerare proximo tuo in tempore necessitatis illius.*

Objiciunt tertio, Christus usuram moderatam probare videtur proposita Parabola talentorum, Matth. 25. & Luc. 19. *Quare (inquit) non dedisti pecuniam meam ad mensam, ut ego veniens cum usuris utique exegissem illam?* Omnis igitur usura non est prohibita.

Respondetur, usuram esse duplicem, unam pecuniæ; aliam gratiæ. Usura pecuniæ prohibita est a lege; usura gratiæ a lege, & Evangelio præcepta est. Illa ideo prohibita est, quia plus exigitur, quam datum sit; cum scænerator ditescat, debitor contra æquitatem spoliatur; ista divitem facit accipientem, nec aliquid imminuit scæneranti. Quamobrem præcipit Christus, ut bona spiritualia, quæ commisit nobis, bono usu augeamus; prohibet vero usuram exigere ex pecunia mutuo data; quamvis similitudinem ex nummulariis, & trapezitibus ducat, ut ex usu-

usura pecuniæ manu ducat ad usuram gratiæ; non probando iniquitatem fœnoris, sed provocando ad augmentum virtutis. Neque enim undecumque datur similitudo in Scripturis, laudatur ipsa res unde similitudo illa trahitur; non enim laudat Dominus iniquum judicem, qui nec Deum timens, nec homines veritus, viduam audire nolebat; non illum laudat pigrum, qui tres panes non propter amicitiam dedit petenti, sed tædio victus; non laudat villicum iniquitatis, quod fraudem fecerit domino, remittendo partem debitoribus domini sui; & tamen inde similitudines traxit ad instituendos, formandoque mores hominum opportunas; ita non probat usuram pecuniæ, quamvis ex ea similitudinem ducat, ut homines ad usuram gratiæ, & ad spiritualium talentorum incrementum hortetur. Hæc responsio colligitur ex *S. Ambrosio*, Enarratione in Psalm. 36. & libro *De Tobia*, cap. 19. nec non ex *S. Thoma*, Secunda secundæ, quæst. 78. art. 1. in responsione ad primam objectionem. „ Usura (*inquit*) ibi metaphorice accipitur pro superæcrescentia bonorum spiritualium, quam exigit Deus, volens, ut in bonis acceptis ab eo semper proficiamus, quod est ad utilitatem nostram, non ejus „ „

PROPOSITIO III.

Usuram omnem, & erga omnes, divina Lege prohibitam esse Patres divina Legis interpretes, Traditionisque testes summo consensu confirmant; & usuram esse docent, quidquid ultra sortem exigitur, aut percipitur, sive pecuniam, sive quidvis aliud.

Prodit primum *Tertullianus*, cujus locus ex lib. 4. contra *Marcionem* supra descriptus est.

Secundo, *Clemens Alexandrinus*, lib. 2. *Scromatum*, ubi de lege Mosaica sic loquitur: „ Lex prohibet fratri fœnerari; fratrem nominans non eum solum, qui ex iisdem parentibus natus est, sed etiam qui ejusdem tribus, ejusdemque verbi pariceps fuerit;

non

non æquum putans ex usuris pecunias colligere. Jam vero, qui libenter largitur, satis magnas accipit usuras, quæ sunt apud homines pretiosissimæ; nempe mansuetudinem, benignitatem, magnificentiam, bonam famam, laudemque, & gloriam. Non solum erga pauperes usuram vetitam esse *Clemens Alexandrinus* docet; sed etiam erga divites, & negotiatores; siquidem iniquum esse asserit, usuram ex pecuniis colligere; justitiam autem erga omnes servare debemus.

Tertio, *S. Cyprianus*, lib. *De Lapsis*, ubi peccata enumerans, ob quæ persecutionem in Ecclesiam suam excitati Deus permittit, foenus inter cætera collocat: „Episcopos plurimos (inquit) quos & hortamento oportet esse cæteris, & exemplo, divina procuratore contempta, procuratores rerum secularium fieri; derelicta cathedra, plebe deserta, per alienas provincias oberrantes, negotiationis quæstuosæ nundinas aucupari, esurientibus in Ecclesia fratribus non subvenire, habere argentum largiter velle, fundos insidiosis fraudibus rapere, usuris multiplicantibus foenus augere; quid non perpeti tales pro peccatis ejusmodi merentur? Cum jampridem præmonuerit, ac dixerit, Censura divina: *Si dereliquerint legem meam, & in judiciis meis non ambulaverint, si justificationes meas profanaverint, & præcepta mea non observaverint, visitabo in virga facinora eorum, & in flagellis delicta eorum.* Prænuntiata sunt ista nobis, & ante prædicta; sed nos datæ legis, & observationis immemores, id egimus per nostra peccata, ut dum Domini mandata contempsimus, ad collationem delicti, & probationem fidei remediis severioribus veniremus.”

Usura severiora Dei flagella in homines provocat.

Pf. 88. 33.

Quarto, *Lactantius*, lib. 6. *Divinarum Institutionum*, Plus accipere, quam datum sit, non accipiat usuram; ut & beneficium sit incolume, quod succurat necessitati, & abstineat se prorsus alieno; in hoc enim genere officii debet suo esse contentus; quem oporteat alias ne proprio quidem par-

Ex alterius necessitate prædatur foenerator.

parcere, ut bonum faciat. Plus autem accipere, quam dederit, injustum est; quod qui facit, insidiatur quodammodo, ut ex alterius necessitate prædatur „„. Injustum esse asserit *Lactantius* ex mutuo plus accipere, quam datum sit; cum igitur erga divites, & mercatores non minus servari justitia debeat, quam erga pauperes; quamvis erga istos major sit exercenda charitas; tam ab illis, quam ab istis aliquid ultra sortem ob mutuum accipere illicitum est.

Quinto, *S. Hilarius* in Psal. 14. ad illa verba. *Qui pecuniam suam non dedit ad usuram*, ubi de mutuo foenebri loquens: *Fallax* (inquit) hoc beneficium, & humanitas fraudulenta, damnoſa hæc benevolentia dæcetur.

Sexto, *S. Basilus*, in Psal. 14. „„ *Ezechiel* (inquit) in maximis malis ponit fœnus, & plus quam sortem accipere, & lex illud luculenter prohibet. *Et inf.* Iniqua (inquit) prorsus mutui datio utrique, danti pariter, & accipienti; huic, quidem in pecunias, illi vero in ipsam animam damnum, poenamque afferens. . Igitur a volente accipere mutuum, ne vultum avertas, nec pecuniam tuam dederis ad usuram; ut tam ex veteri, quam nova Lege edoctrus, quæ conducibilia sunt, cum spe bona ad Dominum hinc emigres, bonorum factorum usuras recepturus „„. Usuræ iniquitatem *S. Basilus* indicat, eamque veteri, ac nova Lege prohibitam esse docet; non ergo ad judicialia, & politica veteris Legis præcepta pertinet, ut *Calvinus*, & *Salmosius*, alique hæretici contendunt.

Usura latrocinium est.

Septimo, *S. Gregorius Nyssenus*, Homil. 4. in ecclesiastem; „„ Improbum (inquit) fœnoris inventum, qui latrocinium, & parricidium nominaverit, non procul a vero aberraverit. Quid enim refert, an clanculum perfossis muris prædonis more aliena habeas, & prætereuntis cæde te eorum, quæ habeas, dominum constituas; an fœnoris necessitate acquiras ea, quæ ad te non pertinent? O malum vocabulum! Fœnus fit nomen latrocinii. *Et infra*: Si quispiam viaticum cuiuspiam vi abstulerit, aut clam surripuerit,

rit, raptor, & fur dicitur; qui autem etiam adhibitis testibus injuste se, ac acerbè gerit, & pactis conventis suam confirmat iniquitatem; benignus dicitur, & beneficus, & servator „ „.

Et oratione *contra Usurarios*, foenus injustum, & iniquum lucrum esse ait, ac proinde restituendum ei, a quo acceptum est; quam plurimos inopes efficere, ut unum ditet; in lege, Prophetis, & Evangelio damnari; frustra honestis nominibus a foeneratoribus appellari, quibus certa, & inevitabilis poena imminet; inanes eorum exultationes, stultasque minas, quod mutuum egentibus non dabunt, si usuras percipere prohibeantur. „ „ Insona (*inquit*) usurarii vocem illam Joan. Baptistæ: Genimina viperarum, abite a me, perniciēs estis iis, qui vos retinent, & accipiunt; paululum oblectationis affertis, sed temporis progressionē virus a vobis sparsum in acerbum animæ malefīcium convertitur; viam vitæ obsepitis, regni cœlestis fores clauditis; modicum quidem oculos aspectu, tinnituque vestro aures recreatis; interim vero æterni doloris causa estis & origo. *Et inf.* Segnis & insatiabilis est vita usurarii, nescit laborem agrorum colendorum; mercaturam non exercet; sed uno in loco confidens, immanes domi suæ feras nutrit. Vult omnia sibi sine saturo, & inarata progigni; cui quidem aratrum est calamus; ager charta; semen atramentum; pluvia tempus, quod illi pecuniæ fructus occultis incrementis adauget, & educat; falx illi est repetitio; area domus. Dolet foenerator ob argentum domi repositum, quod otiosum est, & infructuosum; imitatur colonos, qui ex acervo frumenti semper semen petunt. Videas plerumque opibus, divitiisque abundantem, sæpe domi ne unum quidem nummum habere; sed omnes spes ejus in charta positas esse, omnesque fortunæ in pactis conventis versari. Hic nihil habet, & omnia possidet, contrario sane modo apostolicis mandatis vitam instituens, qui omnia petentibus non humanitatis, sed cupiditatis gratia largitur. . . Qua-

pro-

Regni cœlestis fores claudit usura.
Usurarii est figies.

propter divina quoque Scriptura, quæ nos ad omnem pietatem informat, ubique usuras prohibet. . . Redde fratri tuo, a quo injuste furripuisti. Quid utilitatis affers, dum multos efficis inopes, & unum consolaris? Si non esset tanta multitudo usurariorum, non esset tanta copia pauperum. . . Omnes accusant fœneratores, nec malo huic mederi queunt lex, Prophetæ, Evangelistæ. . . Patres tantopere non lætantur generatione filiorum, quantum fœneratores sine mensum. Quin & scelus suum pulchris obvelant nominibus humanum censum, seu quæstum appellantes, ethnicorum instar, qui Deas quasdam odio in cunctos inflammatas, hominumque interfetrices, non vero, sed miti nomine vocant Eumenides. Itane vero humanus sensus? An non exactio usuræ est, quæ domos evertit, divitias dissipat, efficitque, ut qui honesto, & nobili loco nati sunt, deteriore vitam vivant, quam servi, quæ quidem initio nonnihil delectat, posteriores vero vitæ partes acerbo dolore complet? *Et inf.* Minantur se pauperibus non duros mutuū, minantur egenis venientibus se oclusuros januam. . . Ego quidem primum dandum esse prædico. Deinde ad mutuū, quoque exhortor; altera enim donationis species est mutuū. Sed addo, hoc dandum esse sine fœnore, & exactione usuraria, eoque modo, quo id divina Oracula præcipiunt. Æque enim obnoxius est posnæ, qui non dat mutuū, & qui dat sub conditione usuræ. Illius namque inhumanitas, hujus vero cauponarius quæstus merito condemnatus est. At isti ultro ad alterum extremum se conferunt, omni modo a dando abstinere volunt, quod sane impudens est propositum, & contra jus, fasque furiosa contentio, lisque, & bellum contra Deum. Vel enim non dabo, inquit, vel mutuū dans, contractum faciam fœneratitium. ¹¹ ¹²

Usura omnis etiam quæ a mercatoribus

Octavo, *S. Ambrosius* lib. *de Tobia*, cap. 14. Usuram etiam illam, quæ a mercatoribus exigitur, divina Lege vetitam esse docet, & quidquid forte

acce-

accedit, tanquam turpe, & injustum lucrum damnat. „ In Deuteronomio (*inquit*) scriptum est: *Non exiges a fratre tuo usuram pecunia, & usuram escarum, & usuram omnium rerum, quasunque seneraveris fratri tuo.* Vides quantum pondus in verbis sit: *Noli (inquit) exigere usuram a fratre tuo, hoc est, eum quo habere debes omnia communia, ab eo tu usuram exiges? Fratres tuos consors naturæ, & coheres gratiæ; noli ab eo exigere amplius, a quo durum est repetere, quod dederis; nisi cum habuerit, unde solvat. Et quia plerique refugientes præcepta legis, cum dederint pecuniam negotiatoribus, non in pecunia usuras exigunt; sed de meritis eorum tanquam usurarum emolumenta percipiunt, ideo audiant, quid lex dicat: Neque usuram (inquit) escarum accipies, neque omnium rerum quasunque seneraveris fratri tuo.* Fraus enim ista, & circumscriptio legis est; non custodia. Et putas te pie facere, quia a negotiatore velut mutuum suscipis? Inde ipse fraudem facit in intercium pretio, unde tibi solvat usuram; fraudis illius tu auctor, tu particeps, tibi proficit, quidquid ille fraudaverit. Et esca usura est, & vestis usura est, & quodcunque sorti accedit, usura est; quod velis ei nomen imponas, usura est. Si licitum est, cur vocabulum refugas? Cur velamen obtexis? Si illicitum est, cur incrementum requiris „ ?

exigitur ab
vina lege
vetita est.
Omnis ad
sortem, ne-
cessio, usura
est.

Lugenda, quæ toto libro eo de argumento habet
Cap. 8. „ Numeratur pecunia (*inquit*) addicitur
libertas, absolvitur miser minore debito, majore li-
gatur. Talia sunt vestra; divites; beneficia. Minus
datis, & plus exigitis. Talis humanitas, ut spolie-
tis etiam, cum subvenitis. Foecundus etiam pauper
est vobis ad quæstum. Usurarius est egeus, egen-
tibus vobis, habet, quod reddat; quod impendat,
non habet. Misericordes plane viri, quæsti alii absol-
vitis, vobis addicitis. Usuras solvit, qui victu indi-
get: An quidquam gravius? Ille medicamentum quæ-
rit, vos offertis venenum; panem implorat, gladium

Crudelia
foenerato-
rum bene-
ficia.

334 Theol. Dog. & Moral. Lib. III.

porrigitis ; libertatem obsecrat , servitutem irrogatis ;
absolutionem precatur . intormis laquei nodum itcin-
gitis . Hanc præcipue injustitiam deplorat sanctus Da-
vid dicens : *Vidi iniquitatem , & contradictionem in*
civitate ; & non defecit de plateis ejus usura , & dolus „ „

Plalm. 54.

Cap. 6. „ „ Quod proscriptio tyrannorum , aut
latronum manus operari solet , hoc sola foeneratoris
nequitia consuevit inferre . Doctiores autem ipsum
foeneratori putant diabolum comparatum , qui res
animæ , & pretiosæ mentis patrimonium foenore
quodam usurariæ iniquitatis evertit , sic sumptu ca-
pit , sic auro illicit , sic reatu involvit , sic caput pro
thesauro reposcit „ „

Malæ fo-
neratorum
artes.

Cap. 7. „ „ Nihil nequius foeneratoribus , qui alie-
na damna lucra sua arbitrantur , & dispendio suo
deputant , quidquid ab aliis possidetur . Aucupantur
hæredes novos , adolescentulos divites explorant per
suos , adjungunt se , simulantes paternam , & avitam
amicitiam , volunt domesticas eorum cognoscere ne-
cessitates . Si quam causam invenerint , accusant ve-
recundiam , pudorem arguunt , quod non ante de se
speratum fuerit , atque præsumptum . Sin vero nul-
los laqueos alicujus necessitatis offenderint , intexunt
tabulas , ajunt nobile prædium esse venale , amplam
domum , accumulunt proventus fructuum , annuos
redditus exaggerant , hortantur , ut coemant . Similiter
faciunt pretiosas vestes , & mobilia nobilia prædicantes .
Neganti se habere pecuniam , ingerunt suam dicen-
tes : Utere ut tua ; de fructibus emptæ possessionis
pretium multiplicabis , debitum reddes . Prædunt
alienos fundos adolescenti , ut eum suis expolient „ „

Vide S. Ambros. usurarum exactionem , non solum a
pauperibus , sed etiam a divitibus , qui ex mutuo res
suas augent , velut nequitiam immanem , velut pro-
scriptionem tyrannorum , velut prædam latronum
damnare , & foeneratores diabolo simillimos asserere .

Fœnus, fœ-
nus.
Eccles. 22.

Cap. 10. „ Nihil interest inter tunus , & foenus , ni-
hil inter mortem distat , & sortem „

Cap.

Cap. 12. „ Quid tetrius eo, qui hodie foenerat, & cras expetit? Et odibilis (*inquit*) homo huiusmodi. Oblatio, quidem blanda, sed immanis exactio.. Quanta sibi fecerunt vocabula? Nummus datur, foenus appellatur; fors dicitur, caput vocatur; æs alienum scribitur; multorum hoc capitulum immane prodigium numerosam exactiorem efficit. Syngrapham nuncupat, chirographum nominat, hypothecas flagitat, pignus usurpat, fiducias vocat, obligationem asserit, usuras prædicat, centesimas laudat „

Rursus cap. 14. „ Non novum, nec perfunctorium hoc malum est, quod veteris, atque divinæ præscriptio Legis inhibetur. Populus, qui disposuerat Egyptum, qui pede transierat mare, monetur a foenoris pecunia cavere naufragia. Et cum de aliis peccatis semel, aut multum iterata admonitione præscripserit, de foenore sæpius intimavit. Habes in Exodo: *Quod si pecuniam faveraveris pupillo, orphano, pauperi, apud te non suffocabis eum, non impones illi usuram.* Ostendit, quid sit suffocare, id est, usuram imponere; strangulat enim, & quod peius est, animam laqueus creditoris; quo sermone, & prædonis violentiam, & deformis modum mortis expressit „

Exod. 22.

Usuram exigere, idem est, quod fratrem suffocare.

Et Epist. 24. ad *Vigilium* Trident. Episc. „ Ille (*inquit*) supplantatur, qui usurarum captat emolumenta. Itaque vir christianus si habet, det pecuniam quasi non recepturus; aut certe sortem, quam dedit, recepturus. Habet in ea non mediocrem gratiæ usuram. Alioquin decipere istud est, non subvenire. Quid enim durius, quam ut des pecuniam tuam non habenti, & ipse duplum exigas? Qui simplum non habuit, unde solveret, quemadmodum duplum solvet? . . . Populi sæpe conciderunt foenore, & ea publici exitii causa extitit. Unde nobis Sacerdotibus id præcipue curæ sit, ut ea vitia rescemus, quæ in plurimos videntur serpere „

Nono, S. *Joan. Chrysost.* Hom. 41. in Genesim: „ Vide (*inquit*) misericordiam Domini, in his sensibilibus pecuniis prohibuit, ne quis usuram acciperet. Usura debitori, & creditori exiabilis.

ret. Quare, & ob quam causam? Quia uterque magno damno afficitur. Nam debitor quidem inopia atteritur, creditor autem augens divitias, & peccatorum accumulatur sibi multitudinem. Proinde ab initio olim Judæis crassioribus tale dedit præceptum dicens: *Non fœneraberis fratri, & proximo tuo.* Quia igitur excusatione digni erunt, qui Judæi sunt inhumaniores, & post gratiam, & tantam a Domino misericordiam, inveniuntur iis, qui sub lege fuerunt, inferiores, imo pejores „ „.

Et Hom. 5. in Matthæum: „ „ Fœnerare (*inquit*) unde possis non mortem fructificare, sed vitam; istæ namque usuræ regnum, illæ autem acquirunt gehennam; illæ enim avaritiæ sunt, istæ Philosophiæ; & illæ quidem crudelitatis, istæ vero pietatis. Nihil præsentis usura turpius, nihilque crudelius; si quidem hujusmodi fœnerator negotiatur aliena discrimina; & uberiores, ut putat, quæstus de alterius infelicitate consequitur „ „. Lege & Homiliam 57.

Quidquid
ultra sortem
exigitur,
sive sit ac-
cessio pecu-
niæ, sive
rei alterius
superabun-
dantia, aut
munera,
usura est
Dei lege
prohibita.
Inanis fœ-
neratorum
excusatio.

Decimo, *S. Hieron.* in cap. 18. *Ezechielis*, usuram esse docet divina Lege prohibitam, quidquid ultra sortem sive rei mutuo datæ caput exigitur, aut percipitur; sive pecuniæ sit accessio, sive rei cujuslibet alterius superabundantia, sive munuscula quælibet. „ „ Putant, quidam (*inquit*) usuram tantum esse in pecunia, quod prævidens Scriptura divina, omnis rei aufert superabundantiam, ut plus non recipias, quam dedisti. Solent in agris frumenti, milii, vini, & olei, cæterorumque specierum usuræ exigi, sive, ut appellat sermo divinus, superabundantiæ; v. gr. ut hyemis tempore demus decem modios, & in messe recipiamus quindecim, hoc est, amplius partem mediam; qui iustissimum se putaverit, quartam plus accipit portionem. Et solent argumentari, ac dicere: Dedi unum modium, qui satius fecit decem modios, nonne iustum est, ut unum modium de meo plus accipiam; cum ille mea liberalitate novem, & semis de meo habeat? *Nolite errare* (*inquit* Apostolus) *Deus non irridetur.* Respondeat enim nobis breviter fœnerator

Gal. 6. 7.

rator misericors, utrum habenti dederit, an non habenti. Si habenti, utique dare non debuerat, sed dedit quasi non habenti. Ergo quare plus exigit quasi ab habente? Alii pro pecunia foenerata solent munuscula accipere diverſi generis, & non intelligunt uturam appellari, & ſuperabundantiam, quidquid illud eſt, ſi ab eo, quod dederint, plus acceperint „ „

Undecimo, S. Auguſt. Enar. in Pſal. 36. Serm. 3.

„ Nolo litis foeneratores (*inquit*) & ideo nolo, quia Deus non vult. Nam ſi ego nolo, & Deus vult, agite; ſi autem Deus non vult, etiamſi ego vellem, malo ſuo ageret, qui ageret. Unde apparet Deum hoc nolle? Dictum eſt alio loco: *Qui pecuniam ſuam non dedit ad uſuram.* Et quam deteſtabile ſit, quam odioſum, quam execrandum, puto, quia & ipſi foeneratores noverunt. . . Si foeneraveris homini, id eſt, mutuat pecuniam tuam dederis, a quo aliquid plus, quam dedisti, expectes accipere; non pecuniam ſolam, ſed aliquid plus, quam dedisti, ſive illud triticum ſit, ſive vinum, ſive oleum, ſive quodlibet aliud; ſi plus, quam dedisti, expectas accipere, foenerator es, & in hoc improbandus, non laudandus „ „

Et Enar. in Pſal. 128. „ Noli (*inquit*) foenerare, Tu accuſas Scripturam dicentem: *Qui pecuniam ſuam non dedit ad uſuram.* Non ego illud ſcripſi, non de ore meo primo exiit; Deum audi. . . Audent etiam foeneratores dicere, non habeo aliud, unde vivam. Hoc mihi & latro diceret, deprehenſus in fauce; hoc & effractor diceret, deprehenſus circa parietem alienam; hoc mihi & leno diceret, emens puellas ad prostitutionem; hoc & maleſicus incantans mala, & vendens nequitiam ſuam; quidquid tale prohibere conaremur, reſponderent omnes, quia non haberent, unde viverent; quia inde ſe paſcerent; quaſi non hoc ipſum in illis maxime puniendum eſt, quia artem nequitiae delegerunt, unde vitam tranſigant, & inde ſe & volunt paſcere, unde offendant eum: a quo omnes paſcuntur „ „

Fœnus pec-
cunie, fu-
nus est ani-
mæ.

S. Leo, Serm. 6. De jejunio 10. Mensis: „ Inju-
sta (inquit) & impudens avaritia, quæ beneficium se-
dicit præstare, cum decipit, non credit Deo veraci-
ter promittenti, & credit homini trepide paciscenti;
dumque certiora existimat præsentia, quam futura;
merito in hoc frequenter incurrit, ut ei cupiditas
injusti lucri non injusti causa sit damni. Unde qui-
libet sequatur eventus, mala semper est ratio fœ-
nerantis, cui pecuniam & minuisse, & auxisse pec-
catum est; ut aut miser sit amittendo, quod dedit,
aut inferior accipiendo, quod non dedit. Fugien-
da prorsus est iniquitas fœneris, & lucrum, quod
omni caret humanitate, vitandum est Multiplicatur
quidem facultas injustis, & tristibus incrementis, sed
mentis substantia contabescit; quoniam fœnus pe-
cunie funus est animæ „

PROPOSITIO IV.

Usur. omnis, & erga omnes utroque jure, cum cano-
nico, tum civili prohibita; gravesque pœna in fœ-
neratores constituta.

Usura jure
canonica
vixita.

I. **A**tque, ut a jure canonico incipiam: Concilium
Illiberitanum, can. 20. Clericis usurariis pœ-
nam depositionis, & excommunicationis affigendam
decrevit; Laicos vero in ea iniquitate post moni-
tionem perseverantes, a fidelium communione pelli
decrevit. Clericos fœneratores a communione absti-
neri *Juxta formam divinitus datam*, Conc. Arelaten-
se 1. can. 12. pariter jubet. Clericos, *Qui divina
Scriptura obliti, dicentis, qui pecuniam suam non da-
dit ad usuram, usuras exigunt, a Clero dejecti*, statuit
Conc. Nicænum, can. 17. vetatque, ne aliquis ex
ad inventionem aliqua, vel quolibet modo negotium tran-
sicens, turpe lucrum sectetur. Concil. Carthaginen-
se 1. can. 13. Fœneratitiam artem Clericis prohibet
eo nomine, quod in Laicis ipsis a Scriptura sacra
manifeste reprehendatur, ac damnetur. „ De qui-
bus (inquit) aperissime divina Scriptura sanxit, non
diffe-

differrēda sententia est, sed potius exequenda; proinde, quod in Laicis reprehenditur, id multo magis in Clericis oportet prædamnari. Universi dixerunt; nemo contra Prophetas, nemo contra Evangelia facit sine periculo „ „ Conc. Carthagenense 3. can. 16. Nihil ultra sortem mutuo datam licite exigere posse declarat, & hanc Regulam in mutuo servandam esse decernit. ut *Quantum quis dederit, tantum accipiat*. Conc. Carthagenense 4. can. 67. Usurarios omnes ad Ordines promoveri vetat. Nullam hæc Concilia & alia quam plurima, quæ proferri, vel recenseri possent, distinctionem faciunt eorum, qui a pauperibus, & eorum, qui a divitibus usuras exigunt, ac percipiunt. Conc. Lateranense 2. sub Innocentio II. can. 13. „ „ Detestabilem, & probrosam divinis, & humanis legibus; per Scripturam in veteri, & in novo Testamento abdicatam, insatiabilem foeneratorum rapacitatem damnat, & ab omni ecclesiastica consolatione sequestrat „ „ illos ad Sacramentorum participationem recipi vetat, *tota vita infames* haberi præcipit, & nisi resipuerint, *Christiana Sepultura* privari. Conc. Later. 3. sub Alex. III. can. 25. Usuram declarat *Utriusque Testamenti pagina* condemnari; statuitque ut „ „ Usurarii manifesti nec ad communionem admittantur altaris, nec christianam, si in hoc peccato decesserint, accipiant sepulturam. Sed nec eorum oblationem quisquam accipiat; qui autem acceperit, aut eos christianæ tradiderit sepulturæ, & ea, quæ acceperit, reddere compellatur, & donec ad arbitrium sui Episcopi satisfaciatur, ab officii sui maneatur executione suspensus „ „ Alex. III. cap. *Cum tu*, Ext. *De Usuris*, declarat, foeneratores constitutis poenis ad usuras etiam illas restituendas cogendos esse, quas ante Conc. Lateranense perceperant; & jure quidem merito, cum hac in re non tam juris canonici Constitutio, quam lex divina spectanda sit. Et cap. *Supra eo*, declarat Ecclesiam in recipienda pecunia ad usuram dispensare non posse, ut pauperes, qui a Saracenis captivi de-

Usurarios
et poenam

tenantur, ex pecuniis inde provenientihus redimantur: „ Cum usurarum crimen utriusque Testamenti pagina detestetur. Et cum Scriptura sacra prohibeat pro alterius vita mentiri, multo magis prohibendus est quis, ne etiam pro redimenda vita captivi usurarum crimine involvatur „ „

Pluribus rescriptis usurariam pravitatem, tanquam divinæ Legi contrariam, *Innocentius III.* repressit, & coercuit; & manifestos usurarios ita ad restitutionem cogendos esse statuit, ut ne ipsis quidem appellare permittat, cap. *Quam perniciosum*, Extra. De Usuris, cap. *Post miserabilem*, Judæos ad remittendas Christianis usuras, per Principes, & potestates seculares compelli præcipit, & donec illis remiserint, nullum cum ipsis commercium a Christianis haberi vetat sub pœna excommunicationis, Cap. *Cum in Diœcesi*, usurarios manifestos, contra quos propter timorem potentum, qui tuentur eosdem, nullus accusator apparet, nihilominus pœnæ a Lateranensi Concilio in eos constitutæ obnoxios esse declarat, *Gregorius X.* & Concilium Lugdunense 2, Can. 26. & 27. renovant Constitutionem Lateranensis Concilii adversus usurarios editam, omnibusque Dominis, & Communitatibus prohibent, ne domos trapezitis, & sœeneratoribus locent, aut conductas habere in sua ditione permittant, sed eos infra tres menses de terris suis expellant. Qui vero contrarium fecerint, si personæ fuerint ecclesiasticæ, Patriarchæ, Archiepiscopi, Episcopi, suspensionis; minores vero personæ singulares excommunicationis; Collegium autem seu alia universitas, interdicti sententiam ipso facto incurrunt. Statuit etiam idem Concilium, ut quamvis usurarii manifesti de usuris, quas receperant, satisfieri expressa quantitate, vel indistincte ultimæ voluntatis tabulis mandaverint, nihilominus eis sepultura ecclesiastica denegetur, donec de usuris ipsis plenarie satisfecerint, prout patiuntur facultates eorum. Sepelientes etiam manifestos usurarios contra formam
hujus

hujus Constitutionis, poenis a Lateranensi Concilio constitutis subjacere decernit; prohibetque, ne quis manifestorum usurariorum testamento inter sit, aut eos ad Confessionem admittat, vel absolvat, nisi usuras restituerint, aut idoneam de iis ipsis restitutionis cautionem præstiterint. Denique ipsa manifestorum usurariorum testamenta aliter facta ipso jure irrita fore decernit. Concilium Viennense usurariam pravitatem jure divino pariter, & humano contrariam esse declarat; illumque hæreticum esse, ac velut hæreticum puniendum, qui pertinaciter affirmaverit, exercere usuras non esse peccatum. Rectores præterea Communitatum, aut judices, qui per statuta, aut decreta sua usurarum exactionem approbant, cum scilicet, aut usuras creditoribus solvendas esse decernunt, aut debitores a repetendis usuris impediunt, graviter peccare, & in sententiam excommunicationis incurrere declarat. Denique creditores ipsos Censura ecclesiastica compellendos esse ad exhibendos rationum suarum codices, cum de usuris agatur, ut de usuraria pravitate convinci possint. Concilium denique Lateranense sub Leone X. Sessione 19. Usuras Domini præcepto prohibitas perspicue declarat. „ Dominus noster (*inquit*) Luca Evangelista attestante, aperto nos præcepto obstrinxit, ne ex dato mutuo, quidquam ultra sortem sperare debeamus; ea enim est propria usurarum interpretatio, quando videlicet ex usu rei, quæ non germinat, nullo labore, nullo sumptu, nullove periculo, lucrum, foenusque conquiri studetur „ „

Quamobrem jure optimo inter alias Propositiones pravi dogmatis, hanc etiam ordine quadragesimam secundam *Alexand. VII.* Pontifex maximus damnavit anno Domini 1667. „ Licitum est mutuantis aliquid ultra sortem exigere, si se obliget ad non repetendam sortem usque ad certum tempus „ Et *Innocent. XI.* anno millesimo sexcentesimo septuagesimo nono, hanc Propositionem ordine pariter quadragesimam secundam confixit „ „ Usura non est,

Propositio
nes dam-
natæ.

dum ultra sortem aliquid exigitur tanquam ex benevolentia, & gratitudine debitum, sed solum si exigatur tanquam ex iustitia debitum „„.

Easdem Propositiones Conventus generalis Cleri gallicani anno 1709. damnavit, ut continentes „„ Doctrinam falsam, scandalosam, cavillatoriam, in praxi perniciosam, paliativam usurarum, verbo Dei scripto, ac non scripto contrariam, Conciliorum, ac Pontificum Decretis sæpe damnatam „„.

Usura jure
etiam civili,
& regiiis
constitutionibus
prohibita.

II. Jure etiam civili, regiiisque Constitutionibus prohibita usura est. Testis *Marcus Cato* lib. *De Rustica*, in præmio: „„ Majores nostri (*inquit*) sic habuerunt, & ita in legibus posuerunt, furem dupli condemnari, fœneratorem quadrupli oportere; quanto pejorem civem existimaverint fœneratorem, quam furem, hinc licet existimare „„. Testis *Cornelius Tacitus* lib. 5. *Annalium*: „„ Sane ventum urbi funebre malum, & seditionum, ac discordiarum causa creberrima, eaque cohibebatur antiquis quoque, & minus corruptis moribus. Nam primo duodecim Tabulis sancitum est, ne quis unciario fœnore amplius exerceret, cum antea ex libidine locupletum ageretur; dein rogatione tribunitia ad semuncias reducta; postremo vetita usura, multisque plebiscitis obviam itum fraudibus, quæ toties repressæ miras per artes rursus oriebantur „„. Legem ad populum tulit *Genutius* Tribunus plebis, ne omnino fœnerari liceret; paulatim vero deinde succrescens iterum fœnus Cæsar succidit. Itaque Romani variis temporibus fœnus prohibuerunt, & cum fœnebre malum e republica tollere omnino non possent, illud, quantum fieri potuit, latæ legibus coercuerunt. Videretur Francorum legibus, cap. 129. usurarum iniquitas damnatur his verbis; *Fœnus est injustum, si quis aliquid præstat, & requirit amplius*, Lib. 1. Capitularium cap. 125. lib. 5. c. 36. lib. 6. cap. 201. *S. Ludovici* Constitutione anno millesimo ducentesimo quinquagesimo quarto edita, item *Philippi IV*, Constitutionibus anno millesimo trecentesimo undecimo,

eimo, & duodecimo editis, usurarum genus omne proscriptum est, omnesque ficti contractus, qui calore quæsito usuram foveant, prohibiti. *Philippus VI.* anno millesimo trecentesimo quadragésimo nono, *Ludovicus XII.* anno millesimo quingentesimo decimo, *Franciscus I.* *Carolus IX.* *Henricus III.* anno millesimo quingentesimo septuagesimo sexto, & in Comitiis Blesensibus, articulo ducentesimo secundo, usuram omnem, ac fœnus prohibuerunt, pœnisque gravissimis fœneratores coercuerunt, fœnus non solum juri naturali, sed etiam divino, & canonico contrarium, ipsique reipublicæ, ac privatis hominibus perniciosum agnoscetes.

Jus quidem romanum usuras aliquatenus permittit, ac toleravit, sed non probavit. Cum enim Imperatores christiani fœnus, & usuram omnino tollere non possent, usuræ, fœnorique modum, & fœneratorum cupiditati frœnum, quantum quidem tempora illa pati poterant, injecerunt. *Basilius Macedo* usuram omnem e finibus imperii eliminare Constitutione sua tentaverat; sed *Leo* Imperator publicæ necessitatibus cedens, quod homines spe lucris mutuo percipiendi destituti ad pecuniam mutuo dandam indigentibus immites, atque difficiles se præberent, usuram moderatam permittere coactus est. declarans nihilominus usuram, utpote divinæ legi contrariam a parente suo merito prohibitam, atque damnatam, ut constat ex Novella 83. ejusdem *Leonis* Imperatoris. Hinc *S. August.*, Ep. 153. alias 54. ad *Macedonium* ait: „ Quid dicam de usuris, quas etiam ipsæ leges, & judices reddi jubent? An crudelior est, qui subtrahit aliquid, vel eripit divitiæ, quam qui trucidat pauperem fœnore? Hæc, atque hujusmodi male utique possidentur, & vellem restituerentur; sed non est, quo iudice repetantur „.

Et *S. Thomas*, 2. 2. qu. 78, art. 1. in responsione ad 3. „ Leges humanæ (*inquit*) dimittunt aliqua peccata impunita, propter conditiones hominum imperfectorum, in quibus multæ utilitates impedirentur,

tur, si omnia peccata districte prohiberentur poenis adhibitis. Et ideo usuras lex humana concessit, non quasi æstimans eas esse secundum justitiam, sed ne impedirentur utilitates multorum. Unde in ipso jure civili dicitur (*nempe lib. 2. Institutionum, tit. 4. De usufructu, §. Constituitur*) quod Res, quæ usu consumuntur, neque ratione naturali, neque civili recipiunt usumfructum; & quod Senatus non fecit earum rerum usumfructum; nec enim poterat; sed quasi usum fructum constituit „ „, concedens scilicet usuras. Jus igitur civile moderatum fœnus, & moderatam usuram permisit tanquam minus malum, ut gravius incommodum vitaretur, non vero ut aliquid honestum, ac justum.

Interusurium, seu successivus usus pecuniæ Molinaei, signum est.

Frustra vero *Molinaus* objicit, ad compensandum usum successivum pecuniæ, quem *Interusurium* vocat, & quo privatur creditor, illum jure a debitore exigere aliquid ultra sortem. Interusurium enim illud, seu successivus usus pecuniæ, merum figmentum est. Cum enim pecunia instituta sit ad commutationes, suoque statim usu distrahatur, & permutatione quodammodo extinguatur, ut loquitur *Justinianus lib. 2. Institutionum, tit. 4. De Usufructu*, usus pecuniæ unicus, ac momentaneus est. Præterea, finis pecuniæ est, ut sit mensura, pretiumque rerum venalium; non est autem rerum venalium mensura, pretiumque, nisi distrahatur; quod quidem non successive, sed simul, & semel, ac unico actu fit. Quemadmodum ergo usufructus constitui non potest in ipsa pecunia, cæterisque rebus, quæ usu consumuntur, cum id neque naturalis, nec civilis ratio patiatur, ut ait *Justinianus*; ita nec interusurii, seu successivi usus pecuniæ exigere, aut percipi compensatio potest, cum id contra naturam sit.

Nec refert, quod jus civile *Interusurium*, sive usum successivum pecuniæ agnoscere videatur. Dupliciter enim usum pecuniæ jus civile spectat, primo quidem per se, ac ut separatum ab industria utentis pecunia; secundo, ut conjunctum, & quasi com-

mix-

mixtum cum industria ejus, qui pecunia utitur. Primo modo spectatum usum pecuniæ momentaneum esse jus civile declarat, cum pecunia suo statim usu distrahatur, & consumatur. Secundo modo spectatum, quasi successivum esse significat, ratione industriæ hominum, qui ad lucrum, & quæstum faciendum illa utuntur. Porro cum industriæ, & operæ usus in solidum pertineat ad debitorem, ipsique soli industria sua fructuosa esse debeat, non potest creditor juste ab eo exigere aliquid ultra sortem eo nomine, quod pecuniam mutuo acceptam in prædia fructuosa, aut in negotiationem converterit; si quidem pecuniæ mutuo acceptæ dominus est, ejusque periculum, ac damnum omne suscepit; adeoque æquum est, ut totum lucrum impensis suis, periculo, opera, industria factum percipiat, nulla ejus parte ad creditorem ex pacto derivata.

ARTICULUS IV.

Objectiones ab Usura, fautorisque Patronis factæ diluuntur.

Objiciunt primo, rationem prohibendæ usuræ, seu lucri ex mutuo percipiendi, ex sterilitate pecuniæ sumptam, futilem esse; si quidem nec ex ipso rerum frugiferarum, v. gr. granorum mutuo aliquid ultra sortem percipere liceat.

Respondetur, quamvis pecunia, & grana, seu semina in hoc distinguantur, quod pecunia suapte natura sit sterilis, non ita semina, sive grana, in hoc tamen conveniunt, cum mutuo dantur, quod sterilia evadant. Cum enim transeant in dominium debitoris, in illius duntaxat commodum, & emolumentum cedere debet fructus omnis, seu lucri ex illis partum, secundum illam juris Regulam: *Rex fructificat domino.*

Objiciunt secundo, falsam esse rationem contra fœnus proferri solitam, quod *In mutuo venditur, quod non est.* Prædium enim, v. gr. ex pecunia mutuo ad-

cepta comparatum, est aliquid solidum, ac subsistens. Quamvis igitur pecunia non subsistat in specie, certe subsistit in prædio æquivalente, ut tert natura commercii; falso itaque dicitur id vendi, quod esse desiit, quamdiu emptum prædium subsistit.

Respondetur, pecuniam mutuo datam esse desiisse creditoris, & quoad dominium, & quoad usum. Sive enim penes debitorem in specie remaneat, sive in rem alteram, eamque solidam, & consistentem fuerit commutata, respectu creditoris se habet, quasi esse desiisset, siquidem ejus amplius non est; ideoque cum lucrum ex pecunia mutuo data percipit, rem, quæ habito ad eum respectu esse desiit, revera vendit.

Objiciunt tertio, quemadmodum usus domus, suppellectilis, equi, imo & pecuniæ ad ostensionem, vel ad oppignorationem concessæ vendi potest; ita, & usus pecuniæ mutuo datæ.

**Discrimen
inter res lo-
catas, &
pecuniam
mutuo da-
tam.**

Respondetur, falsum esse consequens, ob discrimen, quod res inter locatas, & pecuniam mutuo datam intercedit. In locatione enim usus a dominio distinguitur; unde quamvis rei locatæ dominium retineatur, ejus tamen usus juste vendi potest; verum aliter se res habet in mutuo, in quo rei mutuo datæ dominium ad debitorem cum usu transfertur; nihil ergo percipere licet creditori ex usu rei, cujus non est amplius dominus. Cum ergo signata pecunia locatur, suam quodammodo naturam, ac proprietatem exuit; siquidem tunc non spectatur velut nummus ad commutationes faciendas institutus, sed veluti quoddam mobile, cujus usus ab ipsa re distinguitur; cujus proinde dominium ad conducentem non transit, sed penes locantem remanet. Ideoque lucrum aliquod propter operas in eo dando, & recipiendo subeundas; vel etiam ob amissionis periculum percipere juste potest. Si enim pecuniæ conductor debitam adhibeat conductitiæ pecuniæ custodiendæ curam, & nihilominus improviso casu pereat, locanti perit, siquidem ejus dominium retineat, secundum illud jurisperitorum estatutum, *Res*

perit domino. Quod si pecuniam locaret suam, qui mutuo dat, sequeretur, debitorem non posse distrahere, & consumere pecuniam mutuo acceptam, cujus nempe non esset dominus; sicut nemo diruere potest domum sibi locatam. Sequeretur secundo, pecuniam mutuo acceptam creditori perire, non debitori, siquidem *Res domino perit.* Hanc Responsionem confirmat *S. Thomas*, 2. 2. qu. 78. ad sextum, „ „ *Ufus principalis vasorum argenteorum (inquit) non est ipsa eorum consumptio; & ideo usus eorum potest vendi licite, servato dominio rei. Usus autem principalis pecuniæ argentiæ est distractio pecuniæ, in commutationes; unde non licet usum ejus vendere; cum hoc quod aliquis velit ejus restitutionem, quod mutuo dedit. Sciendum tamen, quod secundarius usus argenteorum vasorum posset esse commutatio; & talem usum non liceret vendere. Et similiter potest esse aliquis secundarius usus pecuniæ argentiæ, utpote si quis concederet pecuniam signatam ad ostentationem, vel ad ponendum loco pignoris; & talem usum pecuniæ licite homo vendere potest „ „*

Obijciunt quarto; Contractus in constituendis censibus annuis celebrari solitus est merum mutuum; nec tamen illicitus est; licet igitur contractum finire, quo ex mutuo aliquid ultra sortem percipiatur.

Contractus constitutus nis census annui ab usura sunt immunes.

Respondetur, falsam esse primam propositionem. Constitutio enim annui census non est mutuum foeneratitium, sed verus venditionis, & emptionis contractus, quo magna pecuniæ summa semel numerata, & soluta, jus emitur percipiendæ annuæ pensionis, seu annui redditus. Qui autem hunc censum emit (sive super re frugifera, sive super persona, quæ opera, & industria sua fructum facere possit, aut bona habeat, vel proxime habitura sit ad censum solvendum sufficientia; sive super re simul, & persona constituatur, ita ut re pereunte, persona nihilominus obligata maneat ad censum solvendum) qui (inquam) hunc censum emit, sortem in perpetuum

tuum alienat, eamque sic in alterum transfert, ut ipsi non liceat illam repetere, neque compellere possit venditorem ad eam refundendam, sed solum ad solvendum annuas pensiones, ad quas percipiendas emptor jus acquisivit numerato pretio. Ea porro mutui natura est, ut fors, sive summa capitalis repeti possit, cum creditor illius dominium in debitorem non transferat, nisi ea lege, ut sibi reddatur. Quamobrem in census annui constitutione mutuum omnino nullum, ne virtuale quidem, intercedit. Contractus igitur illi constitutionis census, ab usuræ, scœnorisque labe sunt profus immunes, si debitæ conditionibus comitentur. Nec refert, quod emptor post longam annorum seriem tandem plus accipiat, quam dederit, quod enim recepit ultra sortem, non recepit ex mutuo, sed ex emptione. Alioquin agrotum, vel prædiorum emptio scœneratitia esset, siquidem fructus ab emptore tractu temporis percepti sortem, seu pretium, quo prædium emptum est, superant. Hujusmodi contractuum æquitatem *Martinus V. & Calixtus III.* Pontifices maximi approbaverunt editis constitutionibus, quæ inter Extravagantes communes leguntur cap. *Regimini*; primo, & secundo. Tit. *De emptione, & venditione*. Nec istorum tamen Pontificum tempore primo invaluerunt; sed in Polonia, & Germania recepti erant ex omni hominum memoria, ut iidem Pontifices testantur. Certæ tamen conditiones concurrant necesse est, ut illi contractus ab omni usuræ labe, ac suspicione immunes sint, ac justæ. Prima, & præcipua est, ut pretium sit justum, quale censetur illud, quod lege, seu Regiis constitutionibus definitum est. Secunda conditio est; ut venditor rem unam, aut plures designare possit, super quibus census constituitur, quæ quidem sint fructiferæ, tantique valoris, ut ad censum hujusmodi quotannis solvendum sufficiant; nec aliis censibus, aut oneribus sint impeditæ, alioquin venderetur id, quod non est, aut quod non potest vendi. Sicut enim ille, qui emit præ-

dia,

Certæ conditiones ad legitimam census annui constitutionem requiruntur.

dia, aut pecora ab his, qui non habent, aut plura quam habent, eaque sic empta eisdem locat, usurarius est; ita qui emit censum super prædio, quod non est, aut cujus proventus censum non adæquant constitutum, emit, quod non est. Quod cum nemo emptor sincere, & considerato faciat, fictus est emptionis contractus, usuraque palliata. Tertia conditio est, ut res, super qua census constituitur, sit in libera dispositione constituentis; *Nemo enim plus juris in alterum transferre potest, quam ipse habeat*, uti dicitur cap. *Nemo potest*, tit. *De juris Regulis*, in sexto. Ideoque non potest maritus sine uxoris consensu constituere censum in fundo dotali. Quarta conditio in censu mere reali necessaria est, ut si res, super qua census est constitutus, pereat, aut sterilis evadat sine culpa censuarii, siue in totum, siue pro parte, cesset, vel in totum, vel pro rata parte obligatio census. At vero si census sit personalis, aut mixtus, ita ut res locum habeat pignoris, seu hypothecæ, census non extinguitur pereunte re, super qua constitutus est, cum ea sit natura pignoris, & hypothecæ, ut etiam si perierint, debitor tamen ad solvendum maneat obligatus. Quinta conditio est, ut venditor census possit eum redimere, & extinguere, cum libuerit, sed ab emptore cogi non possit ad redimendum, seu ad refundendam summam capitalem, singulis pensionibus in sortem non computatis. Pacto enim isto intercedente, fictus esset emptionis, verus mutui contractus; & qui emptoris nomen sibi sumeret, de recipienda sorte, & annuis insuper pensionibus securus, lucrum ex mutuo revera perciperet, adeoque in usurae crimen incurreret. Sexta conditio est, ut solutiones anticipatæ pensionum ex pacto non fiant, vel exigantur, id est, ne pensio, siue census exigatur nisi ratione temporis elapsi. Si enim emptor, dum pretium numerat, detraheret ex eo pensionem primi anni, quæ non debetur nisi anno expleto, usuram committeret. Et hæc quidem conditiones jure naturali

necessariæ sunt. Alias conditiones, addunt *Martinus V. Calixtus III. & S. Pius V.* non eodem jure necessarias, nec ubique usu receptas. In iis denique Constitutionibus censuum servandæ sunt conditiones legibus, seu regiis edictis, vel municipalibus consuetudinibus præscriptæ, alioquin contractus irriti erunt. In Galliis jure optimo cautum est, ut census creetur numerata pecunia, solutoque justo, & integro pretio coram Notario, iplo tempore, quo fit contractus, quæ & una est e conditionibus a *S. Pio V.* præscriptis, ad fraudes ulurariorum præcavendas.

In emptio-
ne census
vitalitii am-
plior pensio
exigi non
potest quâ
sit regiis
Constitu-
tionibus
definitum.

Cæterum quamvis emptio census temporalis, & vitalitii non minus licita sit, quam census perpetui, easdem tamen conditiones postulat, nec amplior pensio exigi potest, quam sit regiis Constitutionibus definitum, alioquin nulli sunt contractus, & irriti, atque etiam in conscientiæ foro illiciti, & ad sortem refundendam emptori, vel ejus hæredibus, deductis tamen pensionibus, quæ secundum regiarum Constitutionum tenorem percipi debuerunt, ac revera perceptæ sunt, venditor obligatur, etiam si pactum intercesserit, ut fors, sive fundus extinguatur, ac pereat moriente emptore. Nec religiosa Sodalitia, vel communitates quælibet, aut collegia, vitalitios contractus hoc pacto constituere possunt absque iniquitate, nisi id privilegiis a Rege ipsis concessum esset, ut Xenodochiis quibusdam, sive Hospitalibus in gratiam pauperum concessum est; quia regiis Constitutionibus parere tenemur: *Non tantum propter iram, sed etiam propter conscientiam*; ut ait Apostolus, & *Per jura Regum possessiones habentur*, ut loquitur *S. August.* adeoque census constitui, vendi, emi, possideri non possunt, nisi conditionibus, quas regiæ præscribunt Constitutiones. Præterea, communitates, vel sodalitia, quæ vitalitios hujusmodi census constituunt, fundo (ut loquuntur) extincto, sortem se recepisse tantam simulant, ac mentiuntur, quanta ad constituendum censum necessaria est secundum regiarum Constitutionum præscriptum; nu-

merataque coram Notario pecunia, scribitur in instrumento talem summam receptam fuisse a Censuariis, seu venditoribus census, & tamen pars magna subtrahitur ex compacto ab emptore, utque fraus regiis Constitutionibus facta tegatur, fundus post mortem censitoris, seu emptoris relinquitur communitati, sive Sodalitio censuario, ficto donationis, vel foundationis, contractu. Qua in re cum fraus, falsitas, iniustitia manifestæ sint, graviter peccant, qui communis utilitatis prætextu census vitalicios eo pacto vendunt, & constituunt.

Objiciunt quinto, usurarum patroni: *Montes pietatis* in Italia, & in Belgio institutos sceneratitios esse; adeoque scenus omne non esse prohibitum. Est autem *Mons pietatis* summa quædam pecuniæ, aut aliarum rerum usu consumendarum, ex publico ærario, vel aliunde constata, ut ex ea mutuum detur pauperibus, ea lege, ut modicum quid ultra sortem solvant pro montis indemnitate, nisi aliter illi indemnitati prospectum fuerit. His autem montibus certæ conditiones sunt præstitutæ; Prima, ut mutuum detur ad certam summam, determinatæque tempus, v. gr. ad medium, aut integrum annum; ne, si ad longum tempus daretur, pauperibus omnibus mutuum petentibus subveniri non posset. Secundo, ut mutuum non detur sine pignore, quia periculum foret, ne plures debita non redderent, atque ita montem suis facultatibus exhaurirent. Tercio, ut evoluta solutionis termino vendantur non repetita pignora, & si pretium illorum superaverit id, quod monti debetur ab illis, quorum erant, residuum ipsis restituatur. Quarto, ut ab iis, qui mutuum accipiunt, modicum aliquid recipiatur ultra sortem. Sic institutos montes pietatis summi Pontifices *Paulus II. Sixtus IV. Innoc. VIII. Leo X.* in Concilio Lateranensi Sess. 10. approbarunt, necnon sacrum Concil. Trid. Sess. 22. usuram itaque moderatam approbare videtur Ecclesia.

Montes
pietatis non
sunt foene-
ratiui.

Respondetur, falso asseri, quod montes pietatis sint foeneratiui. Quod enim in iis exigitur ultra sortem, non exigitur, & percipitur ratione mutui sed pro expensis, ut montium indemnitati consulatur, ut declaravit *Leo Decimus*: sacro approbante Concilio Lateranensi. „„ Declaramus (*inquit*) & definimus, montes pietatis per respublicas institutos, & auctoritate Sedis apostolicæ hætenus approbatos, & confirmatos, in quibus pro eorum impensis, & indemnitate aliquid moderatum ad solas ministrorum impensas, & aliarum rerum ad illorum conservationem pertinentium, pro eorum indemnitate duntaxat, ultra sortem, absque lucro eorundem montium recipitur, nec speciem mali præferre, nec peccandi incentivum præstare; nec ullo pacto improbari, quin imo meritorium esse, ac laudari, & probari debere, & tale mutuum minime usurarium esse „„.

Objiciunt sexto, in cambio exigere licet aliquid ultra sortem ob onera, quæ incumbunt campori, sive nummulario, quidni igitur, & in mutuo exigi, & percipi aliquid poterit ob onera, quæ incumbunt mutuum dantibus ob periculum sortis, ob molestiam in recuperanda sorte, ob carentiam pecuniæ, propter obligationem non repetendi sortem usque ad certum tempus, pro labore numerandi pecuniam, pro labore, & sumptu mittendi pecuniam absenti mutuuario?

Lucrum ex
cambio lici-
tum, non
ex mutuo.

Respondetur, falsum esse consequens, magnum quippe discrimen est inter lucrum, quod ex mutuo, & quod ex cambio percipitur. Qui enim in mutuo solvit incrementum sortis, seu usuras, ille ipse est, qui mutuum sumit; in cambio vero, qui pecuniam tradit permutandam, vel transmittendam, mercedem aliquam solvit campori sive nummulario ob onera, quæ ipsi incumbunt, pretio certe æstimanda; quippe qui pecuniæ varias species paratas semper habere debeat, collybisticas literas scribere, damnum interdum pati ob minorem valorem specierum in variis regionibus; curam, laborem, periculum su-

suscipere transmittendi pecuniam, asscurandique campfario, ubi habet opus; ministris, quorum indiget opera, mercedem solvere. At onera, quæ mutuum danti incumbunt, ipsi mutuo ita coherent, ut ab eo sint inseparabilia. Quapropter sicut mutuum gratuitum omnino esse debet, secundum Christi Domini mandatum: *Mutuum date, nihil inde sperantes*; ita onera omnia cum mutuo conjuncta gratis suscipi debent. Et cum usura sit per se mala, ideoque prohibita divina lege, cujus perspicua verba sunt Lev. 25. *Ne accipias amplius, quam dedisti... Superabundantiam non exiges*, Ezech. 18. *Usuram dantem, & amplius accipientem... Usuram, & superabundantiam non acceperit*; Eaque verba Concilia, summi Pontifices, Patres usurpaverint, ut externam usuræ actionem per se vitatam esse demonstrarent, nulla subtilitas, nulla præcisio mentalis, nulla intentionis directio efficere potest, ut exactio, seu perceptio, vel spes, & expectatio lucri alicujus, aut accessio- nis, quantumvis moderatæ, extra sortem, ab usuræ labe immunis sit.

Cambii tamen genus aliquod usurarium est, ac merito damnatum, scilicet *Cambium fictum* (ut vocant) ac simulatum. Cum enim cambium sit permutatio negotiatoria pecuniæ pro pecunia; aliud *verum, & reale* est, quæ est vera, & legitima pecuniarum permutatio; sive sit permutatio pecuniarum diversæ rationis de manu ad manum, ut aureæ cum argentea, majoris cum minutiori, vitæ cum legitima, antiquæ cum novæ, exteræ cum vernacula; quod *Cambium minutum*, seu *manuale* vocant; sive sit permutatio pecuniæ præsentis, cum absente; quod *Cambium locale*, sive *per literas* appellatur. Aliud cambium est simulatum quod *Siccum* dicitur; idque verum mutuum est, cambii realis velamine obtectum, quo scilicet campfor alicui hinc pecuniis indigenti dat summam pecuniæ confictis literis ad locum distantem, ad quem tamen non mittuntur, cum certum habeat nullum ibi campforis

Cambium fictum, ac simulatum usurarium est, ac damnatum.

agentem residere, nec pecuniam illic numerandam postulet, sed hic numeratam mutuetur. Quin cambium illud falsi nominis usurarium sit, negari non potest, cum in eo detur summa quædam pecuniæ, ut postmodum tota recipiatur cum lucro, cujus exigendi, aut recipiendi nullum titulum habet campfor ille fraudulentus, qui ob solam temporis moram aliquid ultra sortem exigit. Quamobrem beatissimus Pontifex *Pius V.* Constitutione, quæ incipit, *In eam*, cambia sicca damnat, quæ ita confinguntur: „ Ut contrahentes ad certas nundinas, seu alia loca cambia celebrare simulent, ad quæ loca ii, qui pecuniam recipiunt, literas quidem suas cambii tradunt; sed non mittuntur; vel ita mittuntur, ut transacto tempore, unde processerunt, inanes referantur; aut etiam nullis hujusmodi literis traditis pecunia ibi denique cum interesse reposcitur, ubi contractus fuerat celebratus. Nam inter dantes, & recipientes usque a principio ita convenerat, vel certe talis intentio erat; neque quisquam est, qui in nundinis, aut locis supradictis, hujusmodi literis receptis solutionem faciat. Cui malo simile etiam illud est, cum pecuniæ, sive depositi, sive alio nomine ficti cambii traduntur, ut postea eodem in loco, vel alibi cum lucro restituatur „ „ Et Concilium Mediolanense 1. *S. Carolo Borromæo* præside celebratum sexennio circiter ante quam *S. Pius V.* hanc de cambiis Constitutionem ederet, p. 2. tit. *De Usuris*, vetat: „ Ne fiant cambia, cum literæ ad destinatum locum vere non mittuntur, & ibi non fit solutio, sed uno, & eodem loco pecunia datur, & recipitur; vel quando dantur, & accipiuntur pecuniæ cum eo pacto, ut habeatur recursus ad domum, vel ad respondentem dantis, aut accipientis (quod pactum vulgo vocant *La ricorso*) atque in impensæ, aut alterius rei onus imponitur „ „

Objiciunt septimo, lege Dei vetitum non esse recipere aliquid in compensationem, seu potius recognitionem beneficii, gratique animi signum: accessio-

tionem itaque ad sortem ex mutuo percipi posse, modo non recipiatur ratione mutui, & tanquam debitum ex iustitia.

Respondetur, accessionem omnem ad sortem ex mutuo perceptam, aut speratam divina Lege prohiberi: *Mutuum date, nihil inde sperantes.* Quod ultra sortem percipitur, aut speratur, non esse, vel certe non sperari, ut gratuitum munus, si exigatur, vel ita expectetur, ut avarus creditor mutuum non daret, spe muneris illius percipiendi destitutus. Unde *S. Hieronymus* in cap. 18. *Ezechielis* ait: „ Alii pro pecunia fonerata solent munuscula accipere diversi generis; & non intelligunt usuram appellari, & superabundantiam, quidquid illud est, si ab eo, quod dederint, plus acceperint „

Obijciunt octavo: Usura moderata, seu mutuum cum honesta sortis accessione inter homines divites, & negotiatores exerceri solitum, proximo est utile, reipublicæ commodum; iis, qui mutuum accipiunt, datur opportunitas rem suam familiarem amplificandi; negotiatoribus adminiculum præbetur ad continuandum, augendumque commercium, quo regna, & reipublicæ maxime efflorescunt.

Respondetur, non solum charitatis, sed & iustitiæ, virtutumque cæterarum habendam esse rationem. Cum autem in mutuo aliquid accipitur ultra sortem, ampliusque exigitur, quam datum sit, manifeste violatur iustitia, quia violatur æqualitas. Sed & in charitatem peccatur, quia (ut ait *S. Joannes Chrysostomus*, Homilia 43. in Epistolam primam ad Corinthios) *In pecuniis nequit fieri, ut quispiam evadat dives, nisi alius prius factus sit pauper.* Quamobrem si mutuum negotiationis (ut vocant) aliquibus utile, aliis certe incommodum est. Præterea, non ad utilitates nostras incommodaque temporalia; lex Dei infestanda est; sed secundum illam judicandum, an iustum sit, quod nobis utile, commodumque videtur. Prohibet Deus in mutuo amplius accipere, quam datum sit, *superabundantiam* exigere; jubet Christus, ut mutuum gra-

Lex Dei ad utilitates nostras non est infestanda, sed secundum illam iudicandum, an iustum sit, quod nobis commodum videtur.

Lib. De
pœnitentia,
cap. 5.

tis detur: *Mutuum dato, nihil inde sperantes*; nulla pauperum, ac divitum, nulla mutui charitatis, & mutui negotiationis distinctione facta. Sileat Deo jubente cupiditas. „„ Quid revolvis? Deus præcipit (*inquit Tertullianus*) Ad exhibitionem obsequii prior est Majestas divinæ potestatis; prior est auctoritas imperantis, quam utilitas servientis „„ Facilitando, & augendo commercio quærantur, præbeanturque adminicula, sed non per malas artes, per cupiditatem, fraudes, mendacia, usuras, quæ negotiationem polluant, negotiatores Deo exosos faciunt; adeo ut Patres mercaturam animarum saluti periculosissimam judicaverint, quamquam id non ipsius mercaturæ, sed hominum vitium sit. „ Ignoro si hæc faciens „ (id est, maria navigans) juxta patrimonium possit „ augere „ (*inquit S. Joannes Chrysostomus* Homilia 24. in Matthæum.) „ Ecclesia negotiatores non admittit „ dum probat, sed in omnium infimo loco constituit „ (*inquit S. Epiphanius*, in expositione Fidei catholicæ, quæ coronis est librorum adversus Hæreses, cap. 24.) Denique si in recipienda pecunia ad usuram dispensatio fieri non potest, ut pauperes, qui in Saracenorum captivitate detinentur, per eandem possint pecuniam liberari, qua *Usurarum crimen utriusque Testamenti pagina detestatur*; ut respondet *Alexander III.* cap. *Super eo, Ext. De Usuris*; multo minus licet in mutuo negotiationis, & commercii (ut vocant) aliquid ultra sortem exigere, ac percipere, quantumvis id utile sit ad commercium continuandum, & augendum.

Usura reipublicæ
perniciosa.

Quod autem asserunt usuræ, scænorisque patroni, usuram esse reipublicæ utilem, falsissimum est; quinimo reipublicæ perniciosissima censeri debet, cum ab utilibus, ac necessariis artibus, & negotiis homines abducatur negotium scæneratitium, quo nullum facilius est, certiorisque lucri. Præterea, negotio scæneratitio reipublicæ status perturbatur; cum æqualitatem dati, & accepti non servet; ut necesse sit, creditorum crescere, debitores minui, omniumque facultates

tra-

tractu temporis a foeneratoribus exhauriantur. Unde gallicani Præsules in conventu Melodunensi congregati ajunt; *Usuram licetis instar inflati, & totum corpus macidum efficientis, omnem rempublicam enervare.* Et Concilium Lugdunense 2, sub Gregorio X. *Usuram voraginem, qua animas devorat, & facultates exhauris*, compescere cupiens, Constitutionem Lateranensis Concilii contra usurarios præcipit inviolabiliter observari. Tertio, grave onus in cives redundat ex negotio foeneratitio; causa siquidem est, cur res ad vitam necessariæ majori pretio vendantur, quam venderentur, propter paucorum foeneratorum cupiditatem. Denique, ut multa paucis complectar, privatis quibusque reipublicæ membris, qui mutuo indigent, foeneratitium negotium incommodum, & perniciosum est, solis foeneratoribus utile. Quod egregie S. Ambrosius ostendit libro *De Tobia*, cap. 5, „ Non novit pecunia foeneratoris uno diutius loco stare (*inquit*) solita transire per plurimos. Uno teneri sacculo nescit, versari, ac numerari expetit; ulum requirit, ut acquirat usuram. Fluctus quidam est maris, non fructus. Pecunia nunquam quiescit. Labitur, velut scopulo illisa, ita gremium debitoris percutit, & continuo relabitur eo, unde processit; cum murmure venit, cum gemitu revertitur. Frequenter tamen placidum stat ventis mare, semper foenoria unda jactatur. Mergit naufragos, expuit nudos, vestitos exuit, insepultos relinquit. Nummum ergo petis, & naufragium suscipis. Et cap. 13 Pecunia foenebris hodie seminatur, cras fructificat; semper parit, & nunquam interit; semper plantatur, vix evellitur. Vult semper foenerator acquirere, nunquam perdere; nunquam custodire pecuniam suam, semper expellere; nunquam sanare, semper occidere... Crescit semper pecunia, otium nescit avaritia, nescit usura ferias. Omnes torrentes vadunt in mare, & mare non adimpletur; mare istud foenrator est; omnium patrimonia tanquam fluctus absorbet; & ipse nescit expleri. Mari tamen plerique

utuntur ad quæstum, foeneratore nemo utitur nisi ad dispendium; illic multorum commodum est, hic universorum naufragium „ „.

Objiciunt nono, lucrum ex pecunia mercatori commissa licite sperari, ac percipi; quidni ergo (inquiunt) & de pecunia eidem mutuo data; cum mutuum illud speciem quamdam societatis habeat?

Respondet *S. Thomas*, 2. 2. qu. 78. art. 2. ad quintum, discrimen in eo esse positum, quod „ „ Ille, qui mutuatur pecuniam, transfert dominium pecuniæ in eum, cui mutuatur; unde ille, cui pecunia mutuatur, sub suo periculo tenetur eam restituere integre. Unde non debet amplius exigere ille, cui mutuavit. Sed ille, qui committit pecuniam suam, vel mercatori, vel artifici per modum societatis cujusdam, non transfert dominium pecuniæ suæ in illum, sed remanet ejus; ita quod cum periculo ipsius mercator de ea negotiatur, vel artifex operatur; & ideo sic licite potest partem lucri inde provenientis expetere, tanquam de re sua „ „.

Objiciunt decimo, licet pauperi mutuum foeneratitium accipere ad inopiam suam sublevandam; licet igitur & mutuum foeneratitium dare, ut foenerator imminuentem penuriam a familia sua avertat.

Nulla necessitas licitum facit, vel excusat, quod per se malum est.

Respondetur, falsum esse consequens; usuram enim, seu aliquid ultra sortem ex mutuo exigere, vel percipere, lex naturalis, & divina vetat, ac per se malum, mortaleque peccatum est, quod nulla necessitas licitum facit, vel excusat, cum mori potius Christianus debeat, quam Deum offendere. Unde *Tertullianus* libro *De Corona militis*, cap. 11. ait: „ „ Non admittit status fidei necessitates. Nulla est necessitas delinquendi, quibus una est necessitas non delinquendi. Nam & ad sacrificandum, & directo negandum, necessitate quis premitur tormentorum, sive poenarum; tamen nec illi necessitati disciplina connivet; quia potior est necessitas timendæ negationis, & obeundi Martýrii, quam evadendæ passionis, & implendi officii. Cæterum subvertit totam sub-

substantiam Sacramenti causatio ejusmodi, ut etiam voluntariis delictis fibulam laxet „„. Verum uti alterius peccato ad bonum licet, modo ad peccandum non incitetur, ipsumque peccatum displiceat, Unde mutuum foeneratitium accipere licet indigenti ad necessitatem suam sublevandam, ut docet *S. Thomas*, 2. 2. qu. 78. art. 4. „„ Inducere hominem ad peccandum (*inquit*) nullo modo licet; uti tamen peccato alterius ob bonum licitum est, quia & Deus utitur omnibus peccatis ad aliquod bonum; ex quo libet enim malo elicit aliquod bonum. Et ideo *S. August.* Publicolæ quærenti, utrumliceret uti iuramento ejus, qui per falsos Deos jurat, in quo manifeste peccat, eis divinam reverentiam adhibens, respondet, quod (qui utitur fide illius, qui per falsos Deos jurat non ad malum, sed ad bonum, non peccato illius se sociat, quo per dæmonia juravit, sed pacto ejus bono, quo fidem servavit:) Si tamen induceret eum ad jurandum per falsos Deos, peccaret. Ita etiam in proposito dicendum est, quod nullq modo licet inducere aliquem ad mutuandum sub usuris; licet tamen ab eo, qui hoc paratus est facere, & usuras exercet mutuum accipere sub usuris propter aliquod bonum, quod est subventio suæ necessitatis, vel alterius. Sicut etiam licet ei, qui incidit in latrones, manifestare bona, quæ habet (quæ latrones peccant diripiendq) ad hoc quod non occidatur, *Et in responsione ad primum*: Qui accipit pecuniam mutuo sub usuris, non consentit in peccatum usurarii, sed utitur eo; nec placet ei usurarum acceptio, sed mutuatio, quæ est bona. *Et ad secundum*: Qui accipit pecuniam mutuo sub usuris, non dat occasionem usurario usuras accipiendi, sed mutuandi. Ipse autem usurarius sumit occasionem peccandi ex malitiâ cordis sui; unde scandalum passivum ex parte sua est, non autem activum ex parte petentis mutuum. Nec tamen propter hujusmodi scandalum passivum debet alius a mutuo petendo desistere, si indigeat; quia hujusmodi passivum scandalum

Mutuum
foenerati-
tium acci-
pere licet
indigenti
ab eo, qui
paratus est
ad foene-
randum.

dalum non provenit ex infirmitate, vel ignorantia, sed ex malitia „„. Necessitas tamen quælibet a peccato non excusat eos, qui mutuum accipiunt sub usura, sed gravis duntaxat; nec etiam excusantur a peccato mortali, qui mutuum fœneratitium accipiunt ab eo, qui paratus non est ad peccatum illud committendum, & usuras velut ex professione non exerceat.

ARTICULUS V.

Quo moralis christiana Regula circa usuram explicantur.

REGULA PRIMA.

Damnum acceptum, & lucrum interceptum, seu (ut vulgo loquuntur Theologi) damnum emergens, & lucrum cessans, duo sunt duntaxat legitimi tituli, ut aliquid ultra sortem a debitoribus exigatur absque usuræ vitio, fœnorisque labe.

De Usuris.

Quidquid enim creditor ultra sortem exigit, aut sperat præter indemnitàtem, & compensationem ejus, quod sua interest, lucrum est. Porro lucrum ex mutuo exigere, aut sperare, usura, & fœnus est; ut compertum est ex ipsa usuræ notione, Christi- que Domini præcepto; quidquid igitur creditor præter indemnitàtem, & compensationem ejus, quod sua interest, sperat, aut exigit, usura, & fœnus est. Quemadmodum enim *Lucrum non intelligitur, nisi omni damno deducto*, ut ait *Pallus* jurisconsultus, lib. 17. *Digestorum*, tit. *Pro Socio*, lib. 30. sic quidquid ultra sortem omni damno deducto exigitur, aut speratur, lucrum est, quod citra usuram ex mutuo exigere, aut sperare non licet. Id autem, quod interest, recte definitur; commodum, quod haberet creditor, si damnum illi datum, aut lucrum interceptum non fuisset. Unde idem jurisconsultus, *Digestorum* 46. tit. 2. *Ratam rem haberi, & de rati habicione*, lib. 14. ait: „ Si commissæ est stipulatio, „ ratam rem dominum habiturum; in tantum com- „ pe-

petit, in quantum mea interfuit; id est, quantum mihi abest, quantumque lucrari potui. Et *Justinianus* Imperator lib. 7. *Cod. tit. 47. De Sententiis, qua pro eo, quod interest, proferuntur*, L. unica, ubi certum modum constituit, quo id, quod interest, definiatur a iudicibus, subdit: „ Et hoc non solum in damno, sed etiam in lucro nostra amplectitur Constitutio; quia & ex eo veteres id, quod interest, statuerunt. Ex his perspicuum est, id, quod interest, duplex caput continere, nempe *damnum emergens, & lucrum cessans*; & utriusque compensationem sine usurae vitio exigi posse a creditore, cum id non tam ad captandum lucrum, quam ad vitandum damnum referatur. Id de damno accepto *S. Th.* confirmat, 2. 2. qu. 78. art. 2. in responsione ad primam objectionem: „ Ille (*inquit*) qui mutuum dat, potest absque peccato in pactum deducere cum eo, qui mutuum accipit, compensationem damni, per quod subtrahitur sibi aliquod, quod debet habere. Hoc enim non est vendere usum pecuniae, sed damnum vitare. Et potest esse, quod accipiens mutuum majus damnum evitet, quam dans incurrat. Unde accipiens mutuum cum sua utilitate damnum alterius compensat „.

Verum ne damni accepti, siue emergentis specie usura pallietur, plures conditiones concurrant necesse est, ut ratione damni emergentis aliquid ultra sortem a debitore titulo compensationis iuste exigi, percipique possit. Primo, ut damnum acceptum verum sit, reale, certumque non dubium, ac fictitium: „ Ut hoc, quod revera inducitur damnum, hoc reddatur; & non ex quibusdam machinationibus, & immodicis perversionibus in circuitus inextricabiles redigatur, ne dum in infinitum computatio reducitur, pro sua impossibilitate cadat „ (ut loquitur *Justinianus* L. unica, C. *De Sententiis, qua pro eo, quod interest, proferuntur*.) Secundo, necesse est, ut damnum proficiatur ex mutuo, idque proxime, ac immediate. Nulla enim ratio habenda est damni

Conditio-
nes requisi-
tae, ne dam-
ni emer-
gentis spe-
cie usura
pallietur.

illudē, quam ex mutuo accepti, vel imminentiā. Quomodo enim creditor debitori, cum proprio damno beneficium præstare non cogitur; sic debitor ad aliud damnum refarciendum, & compensandum non obstringitur præter illud, quod ipsius causa creditor accepit propter datum mutuum. Tercio, requiritur, ut damnum proponatur debitori, & in stipulationem, pactionemque conferatur, cum mutuum accipit a creditore, ne invitus onus illud refarciendi damni subeat; alioquin plerumque accideret, ut plus detrimenti, quam commodi ex mutuo perciperet, magisque deciperetur, quam juvaretur beneficio; cum tamen *Juvare nos, non decipi beneficio oporteat*, ut ait Jurisconsultus. Quarto, requiritur, damnum æquale sit compensationi, quæ a debitore exigitur, vel percipitur, ne de incerti damni compensatione transigere cogatur debitor. Quinto, necesse est, ut pactio, & stipulatio de futuro compensando in calum moræ concipiatur, ac referatur. Constitutiones enim Pontificiæ, ac Regiæ pactiones omnes, quibus aliquid ultra sortem exigitur, aut percipitur, citra moram debitoris, prohibent, quia in fraudem legis mutuo adjici præsumuntur; nisi de vero, certo, ac perspicuo damno accepto, vel imminenti invictissimis probationibus constare possit. Sexto, necesse est, ut damni compensatio non ante exigatur, ac percipiatur a debitore, quam damnum acceptum sit, alioquin commodum ex mutuo perciperet, plusque peteret, quam deberetur. „ „ Quæ enim ratione, qui tardius solvit, quamolvere deberet, minusolvere intelligitur; eadem ratione, qui præmature petit, plus petere videtur „ „ (inquit *Justinianus lib. 4. Institutionum*, tit. 6. §. 33.) Necesse tandem est, ut in compensando eo, quod interest, tam in lucro cessante, quam in damno emergente, modus Regiis constitutionibus definitus servetur; leges enim Principum, *Nos solum propter iram, sed etiam propter conscientiam* servari debent ab omnibus subditis. Nihil ergo ultra sortem exigi potest ad

ad compensandum id, quod interest, nisi quod Principum constitutionibus est definitum, quamvis damnum ex mutuo emergens modum iisdem constitutionibus præscriptum interdum superet, atque excedat.

Lucrum cessans titulus est alter, & quidem legitimus, ut aliquid ultra sortem sine usuræ vitio, honorisque labe exigatur; modo verum, certum, aut verisimile, proximeque futurum sit, ab ipsoque mutuo proficiatur; nec secundum æqualitatem rei, sed secundum verisimilitudinem spei æstimetur, ut docet *S. Thom. 2. 2. qu. 78. art. 2. ad 1. „ „* Ille (*inquit*) qui mutuum dat, compensationem damni, quod consideratur in hoc, quod pecunia non lucratur, non potest in pactum ducere; quia non debet vendere id, quod nondum habet, & potest impediri multipliciter ab habendo „ „. Quod explicat luculentius, & clarius *qu. 62. art. 4. „ „* Quicumque (*inquit*) damnificat aliquem, videtur auferre id, in quo ipsum damnificat. Damnum enim dicitur ex eo, quod aliquis minus habet, quam debet habere. Et ideo homo tenetur ad restitutionem ejus, in quo aliquem damnificavit. Sed aliquis damnificatur dupliciter. Uno modo, quia auferitur ei id, quod actu habebat; & tale damnum est semper restituendum secundum recompensationem æqualis, puta, si aliquis damnificat aliquem diruens domum ejus, ad tantum valet domus. Alio modo, si damnificat aliquem impediendo, ne adipiscatur, quod erat in via habendi; & tale damnum non oportet recompensare ex æquo; quia minus est habere aliquid in virtute, quam habere actu, qui autem est in via adipiscendi aliquid, habet illud solum secundum virtutem, vel potestatem; & ideo si redderetur ei, ut haberet hoc in actu, restitueretur ei, quod est ablatum, non simpliciter, sed multiplicatum; quod non est de necessitate restitutionis. Tenetur tamen aliquam recompensationem facere secundum conditionem personarum, & negotiorum „ „. Et in Responsione ad primam, & secundam Objectionem, exemplum profert ejus, qui

Conditio-
nes lucri
cessantis,
ut justa sit
ratio exi-
gendi ali-
quid ultra
sortem.

spar.

sparsa semina effodit, aut qui in mora solvendi est; docetque futuram messem, lucrumve futurum, non secundum æqualitatem rei, sed secundum æstimationem spei restituenda esse, quia messis futura, lucrumve speratum, non actu, sed virtute habentur. „ Et per hoc (*inquit*) patet responsio ad primum, & secundum. Nam ille qui semen sparsit in agro, nondum habet messem in actu, sed solum in virtute. Et similiter ille, qui habet pecuniam, nondum habet lucrum in actu, sed solum in virtute, & utrumque potest multipliciter impediri „ „

Verum, ut lucri intercepti, sive cessantis titulo aliquid iuste possit exigi ultra sortem absque usuræ fœnorisve labe, ac suspicione, necesse est, ut eadem pene condiciones concurrant, quæ accessionem ad sortem ob damnum emergens debent comitari. Necesse est (inquam) ut lucrum illud vere, aut verisimiliter perceptum fuisset a creditore, nisi mutuum datum esset; utpote propter mutuum, non aliis ex causis extraneis intercipiatur. Deinde requiritur, ut creditor debitorem de hoc ipso lucro cessante moneat, deque ipso lucro paciscatur secundum æstimationem spei. Quemadmodum de jacturetis, aliisque futuris commodis, quæ spe magis, quam re tenentur, pacta iniri possunt, ut habetur in Dig. tit. *De actionibus empti, & venditi*, lege 12. Sed & pactum istud in casum moræ concipi, ac referri oportet; citra moram enim pactum omne mutuo adjectum, ut aliqua sorti accessio fiat, usurarium esse censetur. Requiritur insuper, ut lucrum cessans non ante resarciatur, quam ex ipsa negotiatione intercepta, deductis periculis, laboribus, impensis, percipiendum fuisset. Modus etiam constitutionibus Regiis definitus necessario servandus est in ditionibus Regis christianissimi. In aliis vero regionibus Principum, aut Rerum publicarum leges, vel consuetudines municipales servandæ sunt, jurisque Regula in ipsa æquitate naturali fundata, quæ rationem magis habendam esse docet damni accepti, quam lucri cessantis,

Cod.

Cod. lib. 8. tit. De Codicillis L. ultima: Non per, eademque ratio videtur admittere debita, & lucra non capere; inquit, Theodosius Imperator.

Cum porro jura omnia plus faveant iis, qui damnum patiuntur, quam iis, qui lucrum non faciunt, ideo singulares quædam conditiones ulterius requiruntur, ut exigi possit ex mutuo aliquid ultra sortem titulo lucri intercepti seu cessantis, absque usuræ vitio. Prima conditio est, ut res mutuo data negotiationi exposita sit, aut proxime ad negotiationem, vel emptionem rei alicujus frugiferæ parata sit destinatione quadam animi vera, sincera, & efficaci; indeque ad debitoris preces, non ad arbitrium creditoris avertatur, & mutuo detur. Non sufficit ergo, ut pecunia negotiationi potuerit exponi, aut ad rem frugiferam emendam conferri; quoniam illa potentia remota est, cujus nulla ratio habetur, ut lucrum interceptum propter mutuam censeatur. Secunda conditio est, ut nullam aliam pecuniam otiosam habeat creditor, quæ in locum ejus, quæ mutuo data est, substitui possit ad negotiationem, aut emptionem rei frugiferæ, cujus adest opportunitas, & sincera voluntas, faciendam. Aliam porro pecuniam otiosam habere non censetur, quamvis habeat sepositam ad alimenta, & provisionem familiæ, ad filiarum dotem, ad emendum officium, ad casus fortuitos, ut sunt morbi, incendia, lites emergentes, damna, longinquæ profectiones. Tertia conditio est, ut nihil exigatur, aut percipiatur a debitore ad lucrum cessans compensandum, ante tempus, quo creditor lucrum ex negotiatione, aut se frugifera, ad cujus emptionem pecunia mutuo data destinata erat, percepisset. Quarta conditio est ut pericula, damna, labores, impensæ deducantur, antequam lucri cessantis compensatio exigatur, ac percipiatur a debitore. *Neque enim lucrum intelligitur, nisi omni damno deducto, neque damnum nisi omni lucro deducto* (inquit *Paulus* jurisconsultus in *Dig. L. 30. tit. Pro Socio.*) Quinta denique conditio est, ut

creditor ex humanitatis, aut charitatis voluntate, non ex lucri cupiditate, aut commodi cujuscumque percipiendi spe, à desiderio ad mutuum dandum impellatur. Si quæ conditionum istarum deficiat, lucrum non tam ex mutuo, quam ex creditoris cupiditate intercipi, ac impediri intelligitur, qui lucrum interceptum esse conquæritur, sive ademptam sibi ex mutuo lucrandi occasionem, ut ex eo lucrum faciat, & alterius damno locupletetur.

Cæterum creditor subrogatus in locum ejus, qui damni emergentis, aut lucri cessantis interesse patiebatur, eandem usuras exigere non potest, quas prior creditor licite exigebat, nisi novus iste creditor similiter patiatur damnum, aut lucrum amittat. Com enim jus illud, quod pristino compete-
bat creditori, sit penitus extinctum per solutionem ejus, qui sua pecunia jus, & nomen prioris creditoris redemit, transmitti non potest in subrogatum creditorem, quia *Nemo plus juris in alium transferre potest, quam ipse habet*; ut dicitur cap. *Nemo potest*, tit. *De Regulis juris*, in 6. & *L. Nemo plus juris*, De eodem titulo.

R E G U L A I I.

Obligationes promissorias accessionis, aut lucri aliqujus ultra sortem a debitoribus exigere, sive schedulas, & chirographa, quibus fateantur se plus accepisse, quam revera ipsis mutuo datum sit, usurarium est; etiam si in platea, vel nundinis pecunia mutuo detur, ac numeretur a mercatoribus.

Nullum enim ibi damnum acceptum, nullum lucrum interceptum occurrit, ex mutuo profectum, ac necessariis conditionibus comitatum, cujus ratione exigi, aut percipi possit id, quod interest. Nunquam enim mercatores pecuniam suam mutuo dare solent in platea, aut nundinis, cum opportunitas adest illam ad negotiationem conferendi; imo tunc ipsi mutuum accipiunt, ut majus lu-
crum

erum ex negotiatione captent. Tunc ergo mutuuum dant in platea, aut in nundinis, cum pecuniam inutilem, & otiosam habent in arca, quam negotiationi proxime non destinant; proindeque lucrum ex mutuo captant; & absque iusto titulo accipiunt aliquid ultra sortem, siquidem id, quod exigunt, aut percipiunt, non est iusta compensatio damni emergentis, aut lucri cessantis. Unde sacra facultas Parisiensis anno millesimo sexcentesimo quinquagesimo octavo, die decima sexta Julii, inter alias apolo-
 gix casuistarum damnandas propositiones damna-
 vit eam, quæ asserit: „Majori cum animositate, quam ratione condemnari promissiones obligatorias ad solvendum lucrum supra capitale, tanquam falsam, scandalosam, & manifeste usurariam „.

Propositio
damnata.

Nec vero contractus foeneratitios, mutuuumque
 usurarium excusat consuetudo, quod nimirum ita
 fiat Lugduni, Parisiis, aut in aliis civitatibus, pro-
 vinciiis, & regionibus. „Christus enim veritatem se,
 „non consuetudinem cognominavit „ (inquit Ter-
 tullianus, lib. De velanis Virginibus, cap. 1.) Et
 „Veritati nemo præscribere potest, non spatium
 „temporum, non patrociniâ personarum, non pri-
 „vilegium regionum „. Notum & illud S. Cypria-
 ni: „Consensere jura peccatis, & cœpit licitum
 „esse, quod publicum est. Item illud ejus patris pro-
 „nuntiatur: Consuetudo sine veritate vetustas erro-
 „ris est „. Non minus certum est illud S. August.
 in Enchiridio, c. 80. „Peccata quamvis magna &
 „horrenda, cum in consuetudinem venerint, aut
 „parva, aut nulla esse creduntur „. Consuetudi-
 nes igitur, quibus mutuuum foeneratitium, & con-
 tractus usurarii aut de usuraria pravitate suspecti in
 quibusdam civitatibus, provinciis, aut regionibus
 invaluerunt, non sunt sequendæ, sed examinandæ,
 divinæque legi, & sacris Canonibus adhærendum
 est, secundum illam S. Isidori Hispalensis sententiam,
 quæ refertur Can. Usus, dist. 11. Usus auctoritati ex-
 dat, prævum usum lex, & ratio vincat. Et secundum

Mutuuum
usurarium,
& foenera-
titiis con-
tractus con-
suetudo
non excu-
sat.

verba illa *Constantini magni* ex Cod. transcripta, can. *Consuetudinis*, ibidem: „ Consuetudinis, usque lon-
 „ gævi non vilis auctoritas est; verum non usque
 „ adeo sui valitura momento, ut aut rationem vi-
 „ cat, aut legem „. Quibus consonum est illud *Gre-
 gorii IX.* cap. *Cum tanto*, Ext. De consuetudine:
 „ Cum tanto sint graviora peccata, quanto diu-
 „ tius infelicem animam detinent alligatam, nemo sa-
 „ næ mentis intelligit, naturali juri, cujus transgressio
 „ periculum salutis inducit, quacunque consuetudine,
 „ quæ dicenda est verius hac in parte corruptela, posse
 „ aliquatenus derogari. Licet etiam longævæ consue-
 „ tudinis non sit vilis auctoritas; non tamen est us-
 „ que adeo valitura, ut vel juri positivo debeat præ-
 „ judicium generare, nisi fuerit rationabilis, & legi-
 „ time præscripta „. Verum adversus legem divinam
 „ nulla præscriptio dari potest. De civitatibus igitur,
 „ & provinciis, in quibus consuetudo contractibus usu-
 „ raria pravitate infectis, mutuoque scœneratio, &
 „ schedulis, atque promissionibus obligatoriis, quibus
 „ aliquid ultra sortem exigitur, auctoritatem dedit,
 „ illud Ps. 54. dici potest: *Vidi iniquitatem, & contra-*
ditionem in civitate; die, ac nocte circumdabit eam
super muros ejus iniquitas, & labor in medio ejus, &
injustitia; & non defecit de plateis ejus usura, & dolus.
 „ Quem Psalmistæ locum *S. August.* tractans Enarr.
 „ in Ps. 54. ait: „ Usura, & dolus non abscondun-
 „ tur, saltem quia mala sunt, sed publice sæviunt.
 „ Etenim, qui in domo aliquid mali facit, vel de malo
 „ suo erubescit. In plateis ejus usura, & dolus. Fœ-
 „ nus, & professionem habet fœnus, & ars vocatur;
 „ corpus dicitur corpus, quasi necessarium civitati,
 „ & de professione sua vectigal impendit; usque adeo
 „ in plateis est, quod saltem abscondendum erat „.

R E G U L A III.

Usura est aliquid ultra sortem exigere, vel accipere
 ob periculum facti, cui rem suam creditor exponit
 dando mutuum. Sed accessio aliqua ad sortem exi-
 gi potest ob periculum juris a creditore susceptum.
 Duplex

Duplex periculum a creditore suscipi potest, ^{Periculum duplex, unum facti aliud jura.} unum facti, mutuo intrinsecum, atque insitum, cum rem suam mutuo dando, dubiis, incertisque rerum humanarum casibus exponit, non tamen debitorem ipsum obligatione solvendi liberat; vel, cum dat mutuum ea lege, ut periculum in se suscipiat, aliter mutuum non daturus, eoque nomine aliquid exigit ultra sortem. Periculum aliud juris, & mutuo extrinsecum est, cum creditor periculum sortis pacto quodam mutuo adjuncto suscipit, ac debitorem obligatione solvendi liberat. Propter periculum facti aliquid ultra sortem exigere, usura est. Cum enim mutuum per se ipsum gratuitum sit; quidquid mutuo cohæret gratuitum etiam esse debet. Periculum porro facti mutuo ipsi cohæret, atque insitum est; siquidem res mutuo data, & in dominium debitoris transiens, variis fortunæ casibus est exposita, fieri potest, ut ipse debitor ad inopiam reductus æri alieno solvendo impar fiat; igitur periculum illud facti in mutuo æstimandum non est, nec ratione illius aliquid ultra sortem exigere, aut recipere licet. Et certe si propter periculum facti, quod mutuo intrinsecum est, liceret aliquid pacisci, aut recipere ultra sortem, liceret plus exigere a pauperibus, quam a divitibus, & mercatoribus, quia res mutuo data minus secura est apud pauperes, quam apud divites, & mercatores; id autem nec ipsi usurarum patroni dixerint. Tertio, cum debitor in quemcunque statum deveniat, aut quocunque casu res pereat, nihilominus maneat obligatus ad solvendam sortem integram creditori, manifestum est, id, quod ultra sortem exigitur, ac percipitur, exigi, ac percipi ratione mutui. Vult enim, & paciscitur, ut sortis periculum ad se omnino pertineat, alias mutuum non daturus, sicque ex mutuo vult consequi lucrum non mediate, sed mediante susceptione periculi, quod usurarium esse constat ex cap. *Naviganti*, Ext. *De Usuris*, quod *Gregorii IX.* responsum est. „„ *Naviganti (inquit)* vel eunti ad nundinas, certam mutuans pecuniæ quantita-

titatem, pro eo, quod suscipit in se periculum, recepturus aliquid ultra sortem, usurarius est censendus „ „ Denique tam incerta est compensatio periculi, quam ipsum capitale, quod versatur in periculo, cum utrumque ab eodem debitore solvi debeat; igitur pactum, quod fit de accessione aliqua ad sortem ratione periculi, non ad securitatem capitalis, nec ad periculi compensationem, sed ad cupiditatem pertinet, qua creditor lucrum ex mutuo vult captare.

Propter periculum vero juris, quod mutuo penitus extrinsecum est, creditor aliquid ultra sortem sine usuræ vitio exigere, ac percipere potest a debitore; siquidem onus aliquod pretio æstimandum præter officia, ac jura mutui suscipit, ipsumque debitorem omni periculo, & obligatione solvendi liberat; si res mutuo data casu pereat; cum tamen periculum rei mutuo datæ debitorem sequatur, in cuius dominium translata est. Sed in isto casu necesse est, ut periculum illud, quod creditor suscipit, non sit vanum, illusorium, & in fraudem legis excogitatum; ipseque debitor ad pactum illud mutuo adjiendum non cogatur a creditore; sed illud ipsum potius postulet, cum mutuum sumit, tanquam rebus suis opportunum. Alioquin pactum illud usurarium esset.

Hanc Regulam confirmat *S. Antoninus*, P. 2. tit. 1. cap. 7. §. 21. „ „ Quid (*inquit*) de eo, qui mutuat naviganti, vel eunti ad nundinas, recepturus aliquid ultra sortem pro eo, quod suscipit in se periculum, id est, si pecuniam, vel merces inde emptas portaverit salvas, alias nihil recepturus etiam de sorte? Respondeo, quod, aut illud ultra sortem recipit, ratione mutui tantum, & sic est usura, non obstante, quod periculum ipse suscipiat; & iste est casus capitæ, *Naviganti*. Aut recipit illud ultra sortem præcise ratione periculi, ut pretium periculi, & sic non est usura, sed licitum. Nam etiamsi non mutua-ret, & periculum navigantis in se vellet recipere, li-
cite

cite posset recipere pretium periculi; nec propter hoc, quod ei servitium faciat in mutuando, efficitur deterioris conditionis. Aut aliquid ultra sortem recipit partim ratione periculi, & partim ratione mutui; & tunc ulura est quantum ad id, quod plus percipit respectu mutui, & illud tenetur restituere. Si quis porro dixerit, se non recipere aliquid ultra sortem ratione mutui, sed ratione periculi, nihilominus in foro Ecclesiæ judicabitur usurarius; quia Ecclesia de externa dumtaxat actione, non de intentione, judicat. Suae enim intentionis cum nemo homo testis sit præter ipsum, semper diceret creditor, intentionem suam rectam fuisse, seque mutuum fuisse daturum, quamvis hujusmodi pactio non intercessisset. Sicut ergo, ubi pecunia promissa, vel data est pro electione ad ecclesiasticam dignitatem, aut munus, non audiuntur electores, si dicant se ad eligendum invitatos non fuisse propter pecuniam, quia alias eundem elegerint; sed qualiscunque fuerit eorum intentio, nihilominus electio censetur simoniaca; ita non est audiendus creditor asserens, se non moveri ad exigendum aliquid ultra sortem ratione mutui, quia alias mutuum erat daturus, sed nihilominus *Usurarius est censendus*, ut dicitur cap. *Naviganti*. In foro autem conscientiae, si creditor dicat se non recepisse aliquid ultra sortem ratione mutui, seu ea intentione, ut lucraretur ex mutuo, sed velut pretium periculi, quod suscepit, ipsi fides adhibenda est.

R E G U L A IV.

Licitum est, & ab usurae vitio, foenorisque lae praerum commercium maritimum in cameris affectionum institutum, in quibus minori, vel majori pretio merces navibus vectae emuntur pro majori, vel minori periculo, cui naves illae sunt expostae.

Cum enim merces illae iusto pretio, secundum *Maritimam* communem aestimationem, spectatis periculis *commercium* eman-

emantur, & minus lucrum, idque certum, assicurari possit pro majori, sed incerto, nihil in hujusmodi contractu esse videtur, quod iustitiæ repugnet. Id confirmat *S. Antoninus* 3. P. tit. 7. cap. 3. §. 1. hunc casum proponens: „ Petrus habet mille florenorum valorem in mercimoniis in navi de Anglia, Flandria, vel Hispania Pisas deferendis; dubitat, vel timet de submersione navis vel captura a Piratis; dat, vel offert Martino quinque, vel decem pro centenario plus, vel minus, secundum quod plus, vel minus timetur de periculo, pro securitate super his fienda, cum assensit, sumens in se periculum dicti lucri. Ille igitur Martinus acceptis illis quinque, vel decem pro centenario, si merces salva conducuntur, sibi remanet illud lucrum ratione dictæ securitatis. Sed si navis periret, vel caperetur ab hostibus, Martinus teneretur de mille florenis pro securitate facta; licitum reputatur tale lucrum ratione periculi, quod subit; nec enim potest dici esse mutuum, cum nil mutuetur; nec lucrum turpe, cum nec invenitur prohibitum, & utilitati deserviat hominum; nec ob cap. *Naviganti, de Usuris*, quia illud habet locum. scilicet suscipiens in se periculum mercimonii, si aliquid percipit de mercibus, dicitur usura, quando videlicet illud petit non ratione periculi, sed ratione mutui facti ei, cujus sunt merces. Et idem dicendum de mercibus deferendis per terram, per loca periculosa „ „

REGULA V.

Sola debitoris mora non est legitimus titulus, ut aliquid ultra sortem exigatur, nisi damnum acceptum, aut lucrum interceptum concurrant.

Lucrum enim ex mutuo exigere, ac percipere non potest creditor absque usuræ vitio, sed solam compensationem ejus, quod sua interest; unde si aliquid ultra sortem exigat, vel percipiat, etiam post moram debitoris, nullo interveniente damno, nul-

nulloque lucro cessante, usuram committit. Idque leges confirmant. Ait enim *Paulus* jurisconsultus lib. 23. Digest., tit. *De Usuris*, L. 17. §. 3. *Usura non propter lucrum petentium, sed propter moram solvendum infliguntur*. Et *Pomponius* jurisconsultus lib. 17. D. tit. *Pro Socio*, l. 6a. „Socium (inquit) qui in eo, quod ex societate lucri faceret, reddendo moram adhibuit, cum ea pecunia ipse usus sit, usuras quoque cum præstare debere *Labæo* ait; sed non quasi usuras, sed quod socii intersit, moram cum non adhibuisse; sed si aut usus ea pecunia non sit, aut moram non fecerit, contra esse „

Sed nec compensatio ejus, quod interest creditoris, sufficit, ut aliquid ultra sortem percipere justè possit, nisi debitor in mora solvendi sit constitutus. Si enim creditor compensationem ejus, quod interest, ante moram debitoris exigeret, in fraudem legis fonsus, & usuram prohibentis facere censeretur.

Mora triplici modo fieri potest; vel ex persona, vel ex die adjecta, vel ex re ipsa; ex persona quidem, cum creditor convenienti loco, & tempore debitorem interpellat, admonetque, ut solvat, quod debet; ex die adjecta, cum dies solutionis dicta est; dies enim interpellat pro homine, secundum legem *Trajectitia*, 23. tit. *De Obligationibus, & actionibus*, lib. 44. *Digestorum*. Denique mora fit ex re ipsa, cum lex debitorem in mora constituit, ut in minorum causis, L. *In minorum*, C. tit. *In quibus causis in integrum restitutio necessaria non est*. Verum quamvis in aliis regionibus sufficiat quælibet ex his tribus interpellationibus a creditore facta, ut debitor in mora esse censeatur culpa sua, adeoque ab ipso justè possit exigì id, quod interest, ad idque teneatur; in Galliis tamen, ubi secundum regias Constitutiones judicatur, sola interpellatio juridica morosum debitorem obligat ad solvendum id, quod interest creditoris ratione moræ, ob damnum scilicet emergens, lucrumve cessans. Et a die duntaxat denunciati vadimonii, vel petitionis apud judicem declara-

tæ, interveniente sententia judicis pœnam moroso debitori imponentis, & legitimas usuras creditori damnum passo adjudicantis, potest creditor compensationem damnorum, & ejus, quod interest, exigere, & percipere, ut Aurelianensi Constitutio-
ne *Caroli IX.* Regis christianissimi art. 60. sancitum est; alioqui in fraudem legis facere censebitur, lethali-
sque peccati reus erit, & restitutioni obnoxius.

R E G U L A VI.

Omnis pœna conventionem partium mutuo adjecta, usuraria censenda est, nisi debitis conditionibus ab usuræ labe, ac suspitione hujusmodi conventio purgetur.

Cum enim lex divina, Canones Spiritu Dei conditi, regiarque constitutiones, accessionem omnem sorti adjectam prohibeant; profecto quidquid mutuo adjicitur, in fraudem legis divinæ, sacrorum Canonum, regiarumque constitutionum adjectum censetur, & tanquam iniquum, & usurarium rejicitur; nisi ad compensationem ejus, quod creditoris interest, revocari possit. Cum autem eo nomine pœna mutuo adjicitur pacto, & transactione creditoris, ac debitoris, ut si debitor in solvendo præstituta die fuerit negligens, aliquidolvere cogatur ultra sortem, sententia judicis ad pœnam damnatus ob solutionis dilationem; certæ conditiones conventionem illam comitari debent, quarum defectu usuraria esset. Prima est, ut pœna illa simplici animo, ac sine fraude adjecta censeatur, id est, eo solum animo, ut debitum præstituta die recipiat, propter verum, aut verisimile damnum, non vero, ut ex mutuo lucretur. Secunda conditio est, ut pœna mutuo adjiciatur pro æstimatione veri, aut verisimilis damni emergentis, vel lucri cessantis, nec modum constitutionibus regiis definitum excedat, ac superet. Quod & romano juri consonum est tit. *D. De Usuris*, l. 44. cujus hæc sunt verba:

„ Pœ-

„ Poenam pro usuris stipulari nemo supra modum plurarum licitum potest. *Et Cod. ead. tit. l. 19.* Poena con-
 Cum allegas uxorem tuam ea conditione mille au- ventione
 reorum numero quantitatem lumpfisse, ut si intra partium
 diem certum debito satis non fecisset, cum poena mutuo ad-
 quadrupli redderet, quod accepit; juris forma non jecta,
 patitur legem contractus istius ultra poenam legiti-
 marum ulurarum posse procedere „ „. Juri nimi-
 rum publico privatorum pacta derogare non possunt,
 Tertia conditio est, ut creditor certus non sit, ne-
 que probabiliter judicet; debitorem præfinito tem-
 pore imparem futurum ad solvendum debitum; tunc
 enim poena usurario animo mutuo adjici censetur,
 cum nulla futura culpa prævidetur. Quarta condi-
 tio est, ut poenæ nomine nihil ultra sortem exiga-
 tur, si ulla debitoris culpa interveniat. Igitur poena
 conventionalis julte exigi non potest a debitore, qui
 absque culpa sua non solvit, quia nimirum non ha-
 bet, unde præstituto tempore solvere valeat, nec
 culpa sua in talem impotentiam incidit; inique enim
 exigitur poena, ubi nulla intercedit culpa.

Simplici autem animo, & absque fraude poenam
 conventionalem mutuo adjecisse creditor non cen-
 setur, qui pene invito debitori poenam illam impo-
 suit, aut pecunias mutuo dedit ea conditione, ut
 aliquot post dies debitor sistat se coram iudice, se-
 que ad id, quod interest, condemnari consentiat.
 Cum enim id fiat in usurarum fraudem, eam con-
 ventionem usurariam esse manifestum est.

REGULA VII.

Constitutio regia, & sententia iudicis, non sunt
 legitimi per se tituli, ut aliquid ultra sortem a de-
 bitoribus sine usuræ vitio exigatur.

Constitutio namque regia, & sententia iudicis
 sola præsumptione nituntur damni accepti, vel
 lucri amissi a creditore, ad cuius compensationem
 definiunt, vel adjudicant id, quod interest; quam-
 ob-

obrem si creditor nullum damnum patiatur, nullo lucro privetur; nihil ultra sortem exigere potest, aut percipere; cum jus divinum, & naturale mutare, ac avertere constitutio regia, & sententia judicis non possint, nec id christianissimi Reges intendunt, qui usuram, & foenus omne edictis suis damnaverunt, ac proscripserunt, poenis gravissimis in foeneratores constitutis. Itaque si debitoris mora nullum damnum intulerit, nullum lucrum interceperit creditori, nihil ultra sortem sine usurae vitio, foenorisque labe exigere potest. Si autem creditoris interfit, debitorem in mora solvendi fuisse, exigere, ac percipere aliquid potest, non tamen ultra modum constitutione regia, judicisque sententia definitum, quamvis forte creditoris plaris interfit, quam constitutio regia, aut sententia judicis definierit. Tenemur enim in hisce rebus parere legibus civilibus, & constitutionibus Principum, qui jus ipsum exigenda compensationis ob damnum emergens, aut lucrum cessans ex mora debitoris, propter utilitatem publicam moderati sunt, ne in infinitum progredere; sive (ut loquitur *Justinianus*, L. unica C. De Sententiis, qua pro eo, quod interest, proferuntur.) Ne in circuitus inextricabiles redigatur, ac dum in infinitum computatio reducitur, pro sua impossibilitate cadat. „ Cum sciamus (inquit) esse naturae congruum, eas tantummodo poenas exigi, quae vel competenti moderamine proferuntur; vel a legibus certo sine conclusae statuuntur „ Denique si damnum emergens, aut lucrum cessans minus est, quam id, quod constitutione regia, aut sententia judicis definitum est, id totum creditor exigere, & percipere non potest a debitore sine usurae vitio. Fallitur ergo quisquis putat Constitutionem regiam, & sententiam judicis jus tribuere creditori, ut quinque ultra sortem in centenos singulos nummos accipiat, etiamsi nullum damnum passus sit, nulloque sit lucro frustratus; aut certe licet minus aestimandum sit damnum acceptum, lucrumve inter-

terceptum, quam compensatio adjudicata creditor
de mora debitoris conquerenti.

R E G U L A V I I I.

Pactum legis commissoriae in eo positum, ut creditor pignus accipiat pro mutuo, vel alio debito, ea conditione, ut si debitor praefinito tempore non solvat, pignus illud fiat ipsius creditoris sive venditione, sive in feudum, aut in solutum datione, usurarium.

Ultra sortem enim aliquid exigere, vel accipere iniquum est, juri naturae, divino, ecclesiastico, civili contrarium, usurarium. Hanc Regulam confirmat *Innocent. III. cap. Significante, Ext. De Pignoribus*. Civis quidam Placius domum suam concivis quidam suo pro ducentis quinquaginta libris pignori obligaverat, promiseratque praestito juramento, quod nisi domum ipsam praefinito tempore redimeret, eam non repeteret a creditore. Debitor infra statutum tempus per certum, & fidelem (ut videbatur) nuntium pecuniam numeratam creditori remisit; quam tamen idem nuntius infideliter agens non persolvit. Postmodum vero idem debitor, qui domum suam oppignoraverat, ab Imperatore detentus, dicto creditori satisfacere non potuit, ut debebat. Causa ad *Innocent. III.* delata, respondit summus Pontifex: Pactum legis Commissoriae in pignoribus illicitum esse, & jure improbatum, ideoque creditorem Censuris ecclesiasticis cogendum esse, ut sorte contentus, fructibusque, seu pensionibus in eam computatis, domum oppignoratam restituat debitori. „ „ Cum igitur (*inquit*) pactum legis Commissoriae sit in pignoribus improbatum; & praedictus R. quantum in eo fuit, juramenti debitum adimplevit; cum per eum, quem certum nuntium esse sperabat, pecuniam remiserit termino statuto, sed in captione detentus satisfacere non potuit creditori; mandamus, quatenus si est ita, praedictum creditorem;

Pactum legis commissoriae.

ut forte contentus, pensionibus pignoris computatis in eam, illam præfato R. omni dilatione postposita resignet, pacto tali, vel juramento nequaquam obitante, Censura ecclesiastica cogatis „ „.

Idem confirmat Concilium Mediolanense 1. sub S. Carolo Borromeo, P. 2. tit. *De Usuris*, vetans „ „ Ne res modico pretio pignori detur, vel vendatur pacto redimendi intra certum tempus, ut si ad dictum tempus res redempta non sit, res libera sit emptoris, vel ejus, qui pignore accepit „ „. Idem confirmant iisdem verbis Concil. Burdigalense anno 1583. tit. 31. *De Usuris, & illicitis Contractibus*, & Convencus Melodunensis Ecclesiæ gallicanæ tit. 34. *De Usuris*.

Hæc denique Regula Constantini Imperatoris legè confirmatur, C. tit. *De Pactis pignorum, & lege Commissoria in pignoribus rescindenda*, cujus hæc sunt verba: „ „ Quoniam inter alias captiones præcipue commissoriæ pignorum legis crescit asperitas, placet infirmari eam, & imposterum omnem ejus memoriam aboleri. Si quis igitur tali contractu laborat, hac Sanctione respiret, quæ cum præteritis præsentia quoque repellit, & futura prohibet. Creditores enim re amissa jubemus recuperare, quod dedērunt. „ „.

REGULA IX.

Usurarius est, quicumque creditor pro securitate debiti ex mutuo contracti recipit a debitore pignus frugiferum, & fructus interim perceptos, vel quos, adhibita diligentia, in rebus gerendis a viris prudentibus adhiberi solita, percipere potuit, in sortem non computat; teneturque ad omnium hujusmodi fructuum restitutionem.

Hæc Regula nititur cap. *Plures*, Ext. *De Usuris*, quod est *Alexandri III.* in Concilio Turonensi Decretum. „ „ Nullus (*inquit*) constitutus in Clero, vel hoc, vel aliud genus usuræ exercere præsumat.

Et

Et si quis alicujus possessionem data pecunia sub hac specie, vel conditione in pignus acceperit, si sortem suam, deductis expensis, de fructibus jam perceperit, eo recepto, possessio libere ad dominum revertatur „ „.

Et cap. *Conquestus*, idem Pontifex Abbati, & Monachis S. Laurentii hunc in modum respondet : „ „ Discretionis vestræ mandamus, quatenus si terram ipsam titulo pignoris detinetis, & de fructibus ejus sortem percepistis, prædictam terram Clerico memorato reddatis; nisi terra ipsa de feudo sit monasterii vestri „ „.

Idem confirmat *Innocent. III.* cap. *Cum contra*, Extra *De Pignoribus*, cujus hæc sunt verba : „ „ Nos igitur attendentes, quod in talibus perceptio fructuum in solutione sortis accedat; cum secundum canonicas Sanctiones fructus restitui, & in sortem debeant computari; considerantes etiam, quod possessiones ipsæ jam extenuassent penitus totum onus; & debitum annullassent; ipsas tibi restituendas esse decrevimus „ „.

Nititur etiam hæc Regula l. 1. *Cod. tit. De Distractione pignorum*, cujus hæc sunt verba : „ „ Fundum pignori obligatum, si creditor ex fructibus debitum consecutus est, cum ipso jure pignus ab obligatione liberatum sit, distrahere minime potest „ „. Cum igitur fructus ex pignore percepti, vel culpa creditoris non percepti, computati sunt in sortem, ipsamque adæquant, tenetur creditor pignus reddere debitori; nec potest absque usuræ crimine summam capitalem repetere. Quemadmodum enim omne incommodum, quod fortuito advenit pignori, ad debitorem dominum ejus pertinet, non ad creditorem possessorem; sic æquum est, & omne commodum ut rei suæ ei reddere. Nam *Secundum naturam est, ut quem sequuntur incommoda, sequantur & commoda*, L. *Secundum naturam*, tit. D. *De Regulis juris*, & cap. *Qui sentit*, eodem tit. in *Sexto*. Quare, & fructus modici etiam restituendi sunt debitori, vel in extenuationem sortis principalis computandi; quia
quid-

quidquid ultra sortem mutui recipitur, usura est. Unde Concil. Parisiense 6. cap. 53. istud etiam usuræ genus execratur, & damnat. „ „ Sunt etiam (*inquit*) alii crudelissimi foeneratores, qui tempore necessitatis nihil commodare pauperibus volunt, nisi messallas suas, & vineolas, & pratella, ea ratione in pignus dederint, ut quidquid frugum in iis colligi poterat, pro parvo, quod mutuum acceperint, ex asse amittant „ „

Fructus ex
pignore
frugifero
percepti,
in sortem
computan-
di sunt.

Præterea, *Cum quid una via prohibetur alicui, ad id alia non debet admitti*, ut habet Regula juris 74. In sexto. Cum igitur usuræ directe vetitæ sint, ex fructibus occasione pignoris percipi oblique non debent. Et sicut directe prohibitum est uti pactis legis Commissoriæ in ipso pignore, sic & in fructibus ejus. Emendatum ergo jus est, quod olim obtinuerat, licere creditoribus sibi retinere pignora, non soluta a debitore stata die pecunia, & nihilominus petere debitum, ut refert *Dio Cassius*, lib. 41. Quod innuit & *Plutarchus*, lib. *Quod non sit fœnerandum*, dum ait, advenientibus Calendis, nec solventibus debitoribus, nec ipsum Jovem de manu creditorum pignora salvare posse. Statuit autem *Julius Cæsar*, ut refert *Dio*, oppignorata quidem in solutum cedere, sed æstimatione facta, delectis etiam iudicibus sorte, qui ea æstimerent. Quemadmodum *Alexander* quoque Cæsar cavit l. 1. C. *De Pactis pignorum*, nihil amplius juri dari creditori per cessionem pignoris, quam jus commune statuerit in venditione. Non improbat tamen pactum in traditione pignoris appositum, ut si intra constitutum tempus pecunia debita non fuerit soluta, creditor possideat rem jure emptionis justo pretio tunc æstimandam, quo casu venditionem conditionalem esse jure receptum est, lib. 20. D. tit. 1. *De Pignoribus, & Hypothecis*, l. *Si fundus*, §. 9. „ „ Potest ita fieri pignoris datio, hypothecæve, ut si intra certum tempus non sit soluta pecunia, jure emptoris possideat rem, justo pretio tunc æsti-

æstimandam; hoc enim casu videtur quodammodo conditionalis esse venditio. Et ita Severus, & Antoninus rescripserunt „ „. Idem confirmatur ex L. *Titius. D. De contrabenda Emptione, & Venditione*, lib. 18. tit. 1.

Fructus autem in sortem computandi sunt, pignusque reddendum adæquata sorte, deductis tamen expensis necessariis. Necessariæ autem impensæ dicuntur, quibus non factis res oppignorata erant peritura, vel deteriores futura, veluti ædificia ruentia reficere, oliveta rejecta restaurare, arbores curare, aggeres facere, flumina avertere, stipendia, & tributa ob rem oppignoratam solvere. Utiles etiam impensas deducere juris est, quæ meliorem rem faciunt, & ex quibus redditus domino acquiritur; non vero voluptarias, quæ speciem duntaxat exornant, non etiam fructum augent, L. *Impense*, 79. D. tit. *De Verborum significatione*.

Hanc Regulam confirmat *S. Thomas*, 2. 2. qu. 78. art. 2. ad sextum. „ „ Si quis (*inquit*) pro pecunia sibi mutuata obliget rem aliquam, cujus usus pretio æstimari potest, debet usum illius rei ille, qui mutuavit, computare in restitutionem ejus, quod mutuavit; alioquin si usum illius rei quasi gratis sibi superaddi velit, idem est, ac si pecuniam reciperet pro mutuo, quod est usurarium „ „.

R E G U L A X.

Creditor, qui pro mutui securitate feudum suum in pignus accipit a vassallo suo, fructus ejus percipere potest, & nihilominus sortem integram repetere absque usuræ crimine, modo interim vassallum debitorem suum absolvat a servitio ratione possessionis feudi debito.

Cum enim creditor in eo casu directum habeat rei oppignoratae dominium, fructus non tanquam ex pignore, sed tanquam ex re propria percipit; fructus autem ex re propria percepti computandi non

Exceptio
creditoris
feudū suum
in pignus
recipiente

a vassallo
suo.

sunt ad extenuationem sortis. Hæc porro exceptio fundata est in natura, & conditio feudorum, quæ cum pignoris loco ad verum, & directum dominum redierint, dominium utile, seu potestas legitima percipiendi fructus cum dominio directo consolidatur, & propterea fructus ad dominum feudi pertinent, modo vassallum absolvat ab omni servitute, & onere, quo propter fructuum possessionem adstringebatur. Hanc Regulam confirmat *Alexander III. cap. Conquestus*, Ext. *De Usuris*. Verum si dominus vassallum a servitute feudi non absolvat, fructus in sortem computare tenetur; alioquin vi mutui aliquid acciperet ultra sortem, adeoque usurarius esset, ut colligitur ex cap. *Insinuatione*, Ext. *De Feudis*, quod *Innocentii III.* responsum est: „ Declaramus (*inquit*) quod gageria, quam de feudo Ecclesiæ tuæ ab M. dignosceris recepisse, a te potest libere detineri, fructibus non computatis in sortem; ita videlicet, ut quamdiu fructus illos perceperis in sortem minime computandos, idem M. a servitio, in quo tibi, & Ecclesiæ tuæ pro feudo ipso tenetur, interim sit immunis „ „.

Gageria,
pignus est.

R E G U L A X I.

Gener non tenetur computare in sortem fructus possessionum sibi in pignus traditarum, donec dotem in pecunia locer numeravit.

Nullum enim ibi mutuum intercedit, sed pactum secundum leges licitum, ut quamdiu dos soluta non fuerit, fundus sit loco pignoris, interimque fructus percipiantur, qui censentur eadem potestate, & voluntate concessi, qua ipsa dos; nulla igitur ibiusura est, quæ ex mutuo procedit. Præterea, maritus fructus percipit ex re a locero in pignus data, non tanquam usuram, sed tanquam compensationem damni emergentis ex eo, quod onera matrimonii ferat dote non soluta. Sic respondet *Innoc. III. cap. Salubriter*, Ext. *De Usuris*: „ „ Sane (*inquit*)

quit) generum ad fructus possessionum, quæ sibi a focero sunt pro numerata dote pignori obligatæ, computandos in sortem, non credimus compellendum; cum frequenter dotis fructus non sufficient ad onera matrimonii supportanda „„. At maritus, qui fructus illos percipit, nec tamen onera matrimonii, sustinet, ipsos tenetur in sortem computare, alioquin usuram committeret. Ideo fructus rei dotalis ante matrimonium percepti, aut post, sine onerum susceptione, dotem augent, fiuntque uxoris, non mariti. Quamobrem hæres mariti possidens pignus datum pro dote, fructus in debitum computare debet, nec illos lucratur, quia non sustinet onera, aut saltem potest se liberare ab onere alendi viduam, restituendo ei pignus. Contra si post mortem mariti res in pignus viduæ detur ab hæredibus pro restitutione dotis, illa debet imputare fructus, quos perceperit, in solutionem dotis, quia non sustinet onera matrimonii soluto matrimonio. Sibi itaque prospiciat, curetque, ut res oppignorata vendatur, vel detur sibi in solutum pro dote. Ita docet *Panormitanus* ad cap. *Salubriter*, Ext. *De Usuris*. Si tamen ob dotem non solutam damnum passa sit, aut lucrum amiserit, potest accessionem aliquam ad dotem exigere, ac percipere ad damnum compensandum.

Denique si generum inter, & socerum conventum sit, ut dos non statim solvatur, sed intra certum tempus data sit focero dilatio solvendi; fructus ex pignore dotis percepti pendentibus induciis computandi sunt in sortem, quia focer nondum est in mora solvendi. Nec refert, quod onera matrimonii ferat, quia etsi uxorem duxisset indotatam, nihilominus onera subire teneretur. Hæc omnia confirmat *S. Antoninus* P. 2. tit. 1. cap. 7. *De Usura*, & *mutuo*, §. 27. 28. & 29.

R E G U L A XII.

Venditio cum pacto retrovendendi usuraria est, si venditio simulata sit, contractusque venditionis; & emptionis in pignoratitium degeneret; aut venditionis pretium tenue sit, & exiguum, nec rei cum ista redemptionis facultate valori respondeat; aut venditor, & emptor paciscantur de re majori pretio redimenda, quam empta sit; vel ut res venditoris, non emptoris periculo pereat.

Venditio
cum pacto
retroven-
dendi simu-
lata.

Quamvis enim vera, & iusta venditio, cum pacto retrovendendi licita sit, usuræque expers, rei-que sic venditæ dominium transferatur in emptorem, qui proinde fructus, ut rei suæ jure percipit, donec redemptio facta sit a venditore; si tamen venditio cum pacto retrovendendi simulata sit, modicumque sit pretium, aut pactum de re majori pretio redimenda, quam empta sit; vel ut res venditoris non emptoris periculo pereat; usura palliata est. Vult enim fictus emptor simulato venditionis, & emptionis contractu aliquid ex mutuo virtuali, quod in hoc contractu intercedere manifestum est, ultra sortem accipere, cum rem sibi remanere nolit, sed redimi; ut fructus interim sorti accedentes, de pignore percipiat, fucato acquisitionis titulo. Unde contractus ille revera pignoratitius est; & cum pignoris fructus interim ab emptore percepti in sortem non computentur, contractus usurarius est. Et certe pactum, quod tam de redemptionis, quam de emptionis majori pretio initur, justitiam commutativam aperte violat; quæ in emptione, & venditione parem vendentis, & ementis conditionem præcipit, efficitque.

Hanc Regulam confirmat *Innocentius III.* cap. *Ad nostram*, Ext. *De Emptione, & Venditione*, cujus hæc sunt verba: „„ Ad nostram noveris audientiam pervenisse, quod cum R. Laicus ab M. mutuum recipere voluisset, creditor, ne per Canonem contra usurarios editum posset imposterum conveniri,

de-

domos & olivas recepit ab eodem titulo emptio-
nis, cum revera contractus usurarius ageretur; quod
patet ex eo, quod creditor debitori promisit, quod
quandocunque a septennio usque ad novennium da-
ret quadraginta uncias tarenorum, quæ vix dimi-
dium iusti pretii contingebant, domos ejus resti-
tueret, & olivas. Quia igitur fraus, & dolus cui-
quam patrocinari non debent, mandamus, quatenus
si res ita se habet, instrumento venditionis confe-
cto in fraudem canonis contra usurarios non obsta-
te, prædictum M. ad restituendas domos, & oli-
vas, ei, ad quem debent hæreditario jure devolvi
(cum debitor sit viam universæ carnis ingressus)
per poenam in Lateranensi Concilio contra usurarios
promulgatam, appellatione remota, compellas „ „

Idem confirmat cap. *Illo vos*, Ext. *De Pignoribus*,
Henricus, & Basilius ejus frater viginti tres libras
mutuo acceperant a quadam muliere, pro qua pe-
cunia quasdam ei terras obligaverant; sed cum mu-
lier terras illas restituere nollet, causa ad iudices de-
lata restitutionem illi postularunt. Respondebat mu-
lier, se ad restitutionem non teneri, cum terræ pi-
gnori obligatæ non essent, sed venditæ, ut pro-
babat instrumento. Contra contendebant actores
prædia illa fuisse pignori obligata, quia in venditio-
nis instrumento hæc adjecta erat conditio, ut si a
tempore celebrati contractus usque ad duos annos
proximos patri mulieris emptio displiceret, pater
Henrici actoris exinde usque ad annum solveret vi-
ginti tres libras, perceptis fructibus computatis. Ju-
dices dubitantes, an pura, & absoluta esset venditio,
an contractus pignoratitius, dubiam quæstionem ad
Sedem apostolicam retulerunt. Respondit *Innoc. III.*
Pontifex maximus: „ „ Qualiscunque fuerit inten-
tio contrahentium, & ex forma contractus vendi-
tio non appareat conditionalis, sed pura, quamvis
per conditionem possit resolvi, ex duobus tamen,
quæ in pacto fuerant expressa, videlicet, quod fru-
ctus percepti deberent in solvenda pecunia numerari,

436 Theol. Dog. & Moral, Lib. III.

rari, & quod ultra summam receptam sexaginta solidi deberent persolvi; contra ipsum emptorem præsumitur vehementer, præsertim, cum uluras consueverit exercere „ „.

Conc. denique Mediolanense 1. sub *S. Carolo Borromæo*, tit. *De Usuris*, reprobatur contractum venditionis simulatæ, quo pignoratitius contractus obvelatur; necnon contractum, quo venditor redimere cogatur; vel quo imponatur ipsi onus non redimendi nisi post certum tempus: „ „ Ne fiant (*inquis*) contractus, qui libellarii, seu ficti libellarii dicuntur, ubi non antecedit emptio certæ rei immobilis pretio justo, vel ubi venditor redimere cogatur, vel ubi non possit redimere nisi post certum tempus „ „. Eosdem contractus reprobant Conc. Burdigalense anno 1583. tit. 31. *De Usuris*, & *illicitis Contractibus*, & Conventus Melodunensis Ecclesiæ gallicanæ anno 1579. tit. 34.

R E G U L A X I I I.

Usurarium est, cum altero ita contrahere, ut is totam pecuniæ summam ei, qui dederit, solvat, cum ille partim pecunia dederit, partim nominibus, id est, debitis, seu promissionibus obligatoriis, quæ difficile exigi possunt, vel in rebus pluris, quam valeant, æstimatis,

Mutuum enim implicitum, seu virtuale in ejusmodi contractu intercedit, & de aliquo lucro pecunia æstimabili ultra sortem accipiendo pactum initur. Unde Concil. Mediolanense primum sub *S. Carolo Borromæo*, P. 2. tit. *De Usuris*; & Concil. Burdigalense anno Christi 1583. tit. 31. *De Usuris*, & *illicitis contractibus*, hanc Regulam iisdem verbis tradunt, nec non Conventus Melodunensis totius Ecclesiæ gallicanæ anno 1579. tit. 34.

R É G U L A X I V.

Usura est, alicui præsentem pecuniam quærenti quidquam carius vendere, ut statim a venditore per se, vel per interpositam personam vilius ematur.

In hujusmodi nempe contractu mutuum virtuale, seu interpretativum delitescit, ex quo aliquid pretio æstimabile ultra sortem exigitur, & percipitur. Hunc contractum *Mohatra* recentiores quidam casuum arbitri nominarunt, hisque verbis definierunt: Contractus vulgariter *Mohatra*, est, quando quis egens pecunia emit pecunia credita a mercatore merces summo pretio, & statim ei pecunia numerata pretio infimo revendit. Verbi gr. aliquis indigens quinquaginta aureis pannos emit a mercatore pretio sexaginta aureorum post annum solvendo; mox eidem numerata pecunia aureis quinquaginta revendit. Hunc contractum velut usurarium reprobabat Conc. Mediolanense 1. sub *S. Carolo Borromæo*, tit. *De Usuris*. Illius enim verbis expressa Regula est, in cujus explicatione versamur; quam iisdem quoque verbis repetit, & confirmat Conc. Burdigalense anno 1583. tit. 31. *De Usuris*. & illicitis contractibus: „ Ne cui (*inquit*) præsentem pecunia indigenti quidquam carius vendatur, ut statim a venditore per se, vel per interpositam personam vilius ematur „ Denique *Innoc. XI.* Pontifex maximus anno 1679, hanc, inter alias depravatæ moralis opiniones, propositionem damnavit ordine quadragesimam „ *Contractus Mohatra licitus est etiam respectu ejusdem personæ, & cum contractu retrovenditionis præ-* Contractus
Mohatra.

„ *via inito cum intentione lucri* „
Addiderim, eundem contractum ab Academia Lovaniensi, a sacra facultate Parisiensi, & a plerisque Galliarum Episcopis, in censuris apologiæ casuistarum damnatum fuisse; & novissime in Conventu generali Cleri gallicani anno 1700, Propositio
damnata.

REGULA XV.

Usura est, rem aliquam ob dilatam solutionem carius vendere justo pretio.

Plus acti-
pere non li-
cet propter
dilationem
temporis,
minus exi-
gere licet,
ut sibi citius
solvatur.

Hæc Regula nititur cap. *Consuluit*, Ext. *De Usuris*. Tres quæstiones *Urbano III.* propositæ fuerant, quarum tertia erat, an „ „ Negotiator *usurarius sit*, qui merces suas longe majori pretio diltrahit, si ad solutionem faciendam prolixioris temporis dilatio prorogetur, quam si ei incontinenti pretium per- solvatur. *Respondet summus Pontifex*: Quia quid in his casibus tenendum sit, ex Evangelio Lucæ manifeste cognoscitur, in quo dicitur: *Date mutuum, nihil inde sperantes*. Hujusmodi homines pro intentione lucri, quam habent (cum omnis usura, & superabundantia prohibeatur in lege) judicandi sunt male agere; & ad ea, quæ taliter sunt accepta, restituenda in animarum judicio efficaciter inducendi „ „.

Hanc Regulam confirmant Conc. Mediolanense 1. sub *S. Carolo Borromæo*, P. 2. tit. de Usuris: „ Ne „ quis (*inquit*) rem aliquando ob dilatam solutio- nem carius vendat justo pretio „.

Conc. Burdigalense anno 1583. cap. 31. De Usuris, & illicitis contractibus: „ Ne quis ob dilatum „ solutionis diem, carius vendat, quam justii pretii „ ratio ferat „.

Conventus Melodunensis Ecclesiæ gallicanæ tit. 31. „ Curandum etiam (*inquit*) ne quis rem aliquam ob „ dilatam solutionem, justo vendat carius pretio „.

„ „ Ne res vendatur dilata in tempus solutione; ita ut pretium, quod rei accreverit, venditori sol- vatur, nisi ejusdem venditoris periculo fiat pretii di- minutio „ „.

S. Thomas, 2. 2. qu. 78. art. 2. in responsione ad septimam objectionem „ „ Si aliquis (*inquit*) ca- rius velit vendere res suas, quam sit justum pretium, aut de pecunia solvenda emptorem expectet, mani- feste usura committitur; quia hujusmodi expectatio pre-

pretii solvendi habet rationem mutui. Unde quidquid ultra justum pretium pro huiusmodi expectatione exigitur, est quasi pretium mutui, quod pertinet ad rationem usuræ „„.

Qui tamen res suas, v. gr. triticum, vinum, aut alia id genus, quæ servaturus erat in tempus illud, quo verisimiliter pluri, quam nunc, erant valitura, vendit nunc urgente emptore, potest eas vendere carius ob dilatam solutionem, modo ultra limitem justii pretii non vendat; & probabiliter æstimet eo tempore, in quod earum venditionem differebat, tantum, vel plus valituras, quanti nunc vendit; & sincerum propositum haberet non vendendi in præfenti, sed servandi. Ita docet *S. Antoninus*, P. 2. tit. 1, cap. 8. §. 1. „ Aliquis (*inquit*) non habens denarios, unde præfentialiter solvat, dilationem solutionis postulat; si igitur venditor tunc non statim solvendus propter huiusmodi pretii expectationem pretium augeat, non tamen ultra ultimum limitem justii pretii, ita quod quantumcunque solutionem ampliori tempore gratis, seu ex pacto expectaret, nunquam ob hoc ultra illum limitem justii pretii aliquid acciperet, non est ibi ex vi contractus usura, secundum sententiam magnorum Doctorum. Ratio est, quia talis non vendit terminum, nec propter expectationem recipit aliquid ultra justum pretium rei, quam vendit, quamvis non faciat gratiam remissionis pretii, quod libenter faceret, si ille solveret statim. Stat igitur talis in limite rigidi gradus, qui extra iustitiam esse minime potest dici. Sed si iste solveret statim, condescenderet usque ad limitem gradus pii; id est, usque ad infimum pretium, quo nunc venditur. Notandum insuper, quod cum quis vendit merces quasunque, lanam, linum, pannos, victualia, & huiusmodi pretio majori, quam sit illud, quod tunc valeant, cum venduntur, ex eo quia non intendebat eas vendere, sed servare usque ad tempus, quo probabiliter æstimabat tantum valituras, vel plus, quanti nunc vendit, sed ad instantiam alterius ven-

dit, istud est pretium justificatum, & licitum, ut expresse dicitur cap. *In civitate, de usuris*. Secus autem si non intendebat eas servare, sed tunc vendere; vel etiam si non est probabile, seu verisimile, quod eo tempore, quo volebat in futurum vendere, tantum debebant valere, quanti tunc vendit, quia tunc haberetur respectus ad terminum; non ad indemnitatem suam; unde esset usura „„.

Capitis *In civitate, a S. Antonino* citati, quod *Alexandri III.* responsum est, hæc verba sunt: „„ *In civitate tua dicis sæpe contingere, quod quidam piper, seu cinnamomum, seu alias merces comparant, quæ tunc ultra quinque libras non valent, & promittunt, se illis, a quibus illas merces accipiunt, sex libras statuto termino soluturos; licet autem contractus huiusmodi ex tali forma non possit censerī nomine usurarum; nihilominus tamen venditores peccatum incurrunt, nisi dubium sit, merces illas plus, minusve solutionis tempore valituras. Et ideo cives tui salutis suæ bene consulerent, si a tali contractu cessarent; cum cogitationes hominum omnipotenti Deo nequeant occultari „„.*

Id etiam confirmatur ex cap. *Naviganti, Ext. De Usuris*, cujus sunt verba: „„ Ille quoque, qui dat decem solidos, ut alio tempore totidem sibi grani, vini, vel olei mensuræ reddantur; quia licet tunc plus valeant, utrum plus, vel minus solutionis tempore fuerint valituræ verisimiliter dubitatur, non debet ex hoc usurarius deputari „„.

Inanes
mercato-
rum excu-
sationes,
qui merces
vendendo
ad termi-
num, pre-
tium au-
gent ultra
debitum ju-
stitiæ.

Multiplices excusationes afferunt mercatores avari, ut vendendo merces ad terminum (ut loquuntur) pretium augeant ultra debitum justitiæ. Primo quidam ajunt, lucrari licere mercatoribus, cum pro communi utilitate laboribus, & expensis, plurimisque periculis se exponant; ut autem lucrentur decem, v. gr. vel quindecim pro centenario, augendum esse pretium pro expectatione solutionis.

Respondet *S. Antoninus*, falsum esse, quod in omni casu liceat mercatori plus vendere, quam eme-
rit;

rit; sed moderandum est, definiendumque pretium secundum communem æstimationem mercium tempore, quo vendit; pretium augetur, vel minuitur secundum copiam, vel penuriam. Deinde licet mercator propter labores, expensas, pericula lucrari possit; *Non tamen modo illicito, sicut contingit vendendo ad terminum.* Et certe si quovis modo lucrari posset mercator, sequeretur, quod si in terra, vel tempore magnæ penuriæ merces magno pretio emisset, illas propterea loco, & tempore, quo viles essent, vendere carius posset, quam emisset, saltem propter expectationem solutionis; *Quod absurdissimum, manifeste apparet, atque injustum.*

Ajunt præterea mercatores, se merces suas carius non vendere propter tempus, sed ad recuperandum damnum, quod ex dilatione solutionis incurrunt; quia si præsentî pecunia solverentur, possent interim lucrari, quod facere non possunt ob dilatam solutionem.

Huic excusationi triplicem responsionem affert S. Antoninus. „ Primo (*inquit*) dicendum, quod si talis venditor inde lucrari possit, possibile etiam foret non lucrari, insuper & perdere capitale; nunc autem, quia non stat in periculo talis damni, non potest stare in certiudine talis lucri. Secundo, haberet lucrum de re non sua, id est, de mutuo dato in emptione. Tertio, mercator non potest in pactum deducere compensationem damni, quod consideratur ex hoc, quia sua pecunia non lucratur, ut possit vendere, quod nondum est, & potest ab habendo multipliciter impediri, secundum S. Thomam, 2. 2. *qu. 78. art. 2.*

Ajunt insuper mercatores, se merces suas carius vendere credito, quam præsentè pecunia, quia frequenter evenit, ut debitores non solvant tempore constituto; & ad debita sua exigenda, & recipienda magnæ interdum expensæ faciendæ sint; aliqui etiam nunquam solvant, quia recedunt, vel fallunt.

Respondet *S. Antoninus, Primo*; „ Si multi, quibus terminus concessus est, in termino non solvant, multi etiam solvant; & tamen pretium, quod propter tempus mercibus additum est, non minuitur his, qui in dato termino solvant. Quare æque utrisque vendere terminum, inæqualitas, & iniustitia est, quia justus non debet ferre poenam iniqui, seu mali debitoris. Verum est, quod, *Extra, De Fidejussoribus, cap. Pervenit*, conceditur, ratione interesse, si debitor non solvit in termino sibi dato, creditor servari debet indemnis; nec tunc est ibi usura, cum usura sit, quia ratione mutui speratur lucrum; hæc autem talis excrementum non recipitur, nisi ratione damni vitandi, non lucri habendi. Ab illis ergo, qui in termino non solvant, exigat compensationem sui damni, non ab aliis. Quantum ad aliam partem excusationis, scilicet de his, qui nunquam solvant, unde damnificantur; talibus respondendum est, quod eorum conscientia potest stare merito inquieta, cum & de tali termino dato culpam habeant, & animam cum substantia perdant. Nam non coguntur talibus vendere; nec illis venderent, si crederent illos non soluturos; & ratione dubii in mutuo, quod est ibi implicitum, non licet sperare lucrum. *Ext. de Usuris cap. Naviganti*. Nec est justum, quod in termino solventes patiantur poenam pro non solventibus „ „.

Verum (inquit) quid remedii dabitur lanificibus, & aliis mercatoribus, qui ob pretii justii imminutionem nequeunt vendere pannos, vel alias merces, quin multum amittant de capitali, si ad terminum vendere nolunt; quandoque etiam non reperiunt emptorem? Insuper talis est quandoque consuetudo pro communi bono in civitatem jam a longo tempore introducta.

Hæc difficultas olim proposita fuit *S. Thoma* a le-
ctore Florentino. Interrogatus nempe fuit, utrum si in expectatione temporis de solvendo pretio plus petatur, quam si tunc solvatur pretium, cum res
ven-

venditur, sit usurarius contractus. Angelicus Doctor collatione habita cum Hostiensis Cardinali, & quodam Lectore Capuano, sic per literas respondit. „ „ Supposito, quod consuetudo de dilatione solutionis sit usque ad spatium trium mensium, sicut proponitur, sit ad commune bonum mercatorum, scilicet pro expediendis mercationibus, & non in fraudem usurarum introducta, videtur esse distinguendum; quia, aut venditor vendit suas merces ad terminum prædictum ultra quantitatem justii pretii propter expectationem, aut secundum justii pretii quantitatem. Si primo modo, non est dubium, esse usurarium contractum, cum expectatio temporis sub pretio cadat. Si autem secundo modo, non est ulura. Nec obstat, si pro minori daret, si statim sibi pecunia solveretur, quod per simile potest probari in aliis debitis, quia si alicui debeatur aliquid usque ad certum terminum, quantumcunque de eo, quod est sibi debitum, dimitteret, si citius sibi solveretur; constat, eum, cui debetur a peccato usuræ esse immunem. Licet enim plus debito accipere propter dilationem temporis usuram sapiat, minus tamen accipere, ut citius sibi solvatur, usuram non sapit, maxime ex parte ejus, qui minus recepit; quamvis ex parte ejus, qui minus dat, videatur esse aliquis modus usuræ, cum spatium temporis vendat „ „ Refert „ Antoninus P. 2. T. 1. cap. 8. §. 4.

Denique *Innocent. XI.* Pontifex maximus anno 1679. inter alias pravi dogmatis Propositiones hanc Propositio
damnata. damnavit ordine quadragelimam primam: „ „ Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuuario exigere, & eo titulo ab usura excusari „ „

Clerus etiam gallicanus anno 1700. hanc propositionem continere judicavit doctrinam „ „ falsam, scandalosam, cavillatoriam, in praxi perniciosam, palliativam usurarum, verbo Dei scripto, & non scri-

scripto contrariam, Conciliorum, ac Pontificum
Decretis sæpe damnatam „ „

REGULA XVI.

Usura est, ob anticipatam solutionem rem minori
emere justo pretio, vel solvere minus, quam
debeatur.

Hanc Regulam tradunt Conc. Mediolanense 1.
sub *S. Carolo Borromeo*, P. 2. tit. *De Usuris*,
& Concil. Burdigalense anno 1583. tit. *De Usuris*,
& *illicitis Contractibus*.

Idem docet *S. Thomas*, 2. 2. q. 88. art. 2. in re-
sponsione ad septimam objectionem. „ „ Si quis
emptor (*inquit*) velit rem emere vilius, quam sit
justum pretium, eo quod pecuniam ante solvit, quam
possit ei res tradi, est peccatum usuræ, quia etiam
ista anticipatio solutionis pecuniæ habet mutui ra-
tionem; cujus quoddam pretium est, quod dimi-
nuitur de justo pretio rei emptæ. Si vero aliquis de
justo pretio velit diminueri, ut pecuniam prius ha-
beat, non peccat peccato usuræ „ „

Idem confirmat *S. Antoninus*, P. 2. tit. 1. cap. 8.
§. 1. „ „ Si emptor (*inquit*) dat pretium mercium,
antequam recipiat merces, & minus dat, quam tunc
valent, cum emit, quia quo tempore recepturus
est merces, verisimiliter æstimatur, quod minus de-
beant valere, quam tunc, cum emit, vel saltem
dubium est, utrum plus, vel minus sint valituræ,
quam sit pretium datum, pretium est justificatum,
& licitum. Puta, mense Martii emit sextarium fru-
menti valentem tunc medium florenum, dandum
sibi mense Julii, quando æstimatur valiturum tri-
ginta solidos; vel est dubium, si valebit triginta so-
lidos, aut etiam viginti quinque, vel plus, & pro-
babile dubium, emendo triginta solidis non repu-
tatur illicitum; ut colligitur ex cap. *In civitate*, &
cap. *Naviganti*. Secus si ratione anticipationis solu-
tionis pretii ante receptionem mercium diminueret
pre-

pretium tunc currens; vel si verisimiliter æstimaret minori pretio non posse valere merces illas emptas, quam sit illud, quod dat, sed majori pretio, quia tunc esset usura „„.

Et §. 4. „„ Ille, qui ad certum terminum dare debet, si ante terminum solvat, ut ei aliquid debito dimittatur; usuram committere videtur; quia manifeste tempus solutionis pecuniæ vendit; unde ad restitutionem tenetur. Nec excusatur propter hoc, quod, solvendo ante terminum, gravatur; vel, quod ad hoc a creditore inducitur, quia eadem ratione possent omnes alii usurarii excusari „„.

R E G U L A X V I I.

Si quis oblatas re ipsa loco, & tempore pecunias, etiam dotales, sibi debitas, accipere recusaverit, nihil præter sortem, etiam ratione damni emergentis, vel lucri cessantis, vel ex quacunque alia causa accipere potest absque usuræ vitio.

In hac enim hypothefi damnum acceptum, vel lucrum interceptum non est propter mutuum; adeoque nullus est titulus legitimus, quo exigi, aut percipi aliquid possit ultra sortem. Unde hanc Regulam iisdem verbis tradunt Conc. Mediolanense 1. sub *J. Carolo Borromæo*, tit. *De Usuris*, & Conc. Burdigalense anno millesimo quingentesimo octogesimo tertio, tit. 31. *De Usuris*, & *illicitis Contractibus*.

R E G U L A X V I I I.

Usurarius est contractus, quo decem, aut plures, vel pauciores frumenti sextarii mense Novembri, v. gr. mutuo dantur ea conditione, ut summo, quo per annum valebunt, pretio solvantur.

Fœneratitiam illam negotiationem damnat Conc. Parisiense sextum anno octingentesimo vigesimo nono, cap. 53. lib. 1. „„ *Famis* (*inquit*) tempore, cum quispiam pauper omnium rerum penuria atque enuatus ad aliquem fœneratorem venit, utpote frater

ter ad fratrem, quos constat uno pretioso Christi sanguine redemptos, petens ab eo suas miserabiles necessitates sublevare, sibi que id, quo indiget, commodari; taliter sibi ab eo solet responderi: Non est mihi frumentum, aut aliud quid, quod in cibum tibi sumere vis, ad mutuandum, sed magis ad vendendum. Si vis emere, fer pretium, & tolle. Cui pauper: Non est mihi (*inquit*) quidquam pretii, quo emere id, quo indigeo, valeam. Sed peto abs te, ut miserearis mei, & quomodocunque vis, mihi quod peto, ne fame peream, mutuum porrigere. Fœnerator e contra; quot modo denariis possum modium frumenti mei vendere, aut tot denariis tempore fructus novi mihi redde, aut certe eorum pretium in frumento, & vino, & cæteris quibuslibet aliis frugibus ad plenum supple. Unde evenire solet, ut pro uno frumenti modio taliter mutuato, tres, aut certe quatuor modii a pauperibus tempore messis violenter exigantur. Quod & de modio vini similiter fieri solet „ „ „

Idem usuræ genus damnatur cap. *In Civitate*, & cap. *Consuluit*, Ext. *De Usuris*, & in Concilio Mediolanensi I. sub *S. Carolo Borromæo*, tit. *De Usuris*, prohibente: „ „ Ne frumentum, vinum, oleum, aliudve detur, ut eo, quod datum est, aliquid amplius exigatur, si ejusdem generis, si alterius quomodocunque, etiamsi operæ sint „ „ „

„ „ „ Ne quis mutuo det frumentum, vel id genus aliud corruptum, ut tantumdem integri carioris reddatur; etiamsi restitutio differatur in quodcunque tempus debitori commodum „ „ „

Idem damnat iisdem pene verbis Conc. Burdigalense anno millesimo quingentesimo octogesimo tertio, tit. 31. *De Usuris*, & *illicitis Contractibus*. Et *Conventus Melodunensis Ecclesiæ gallicanæ*, tit. 24. „ Ne vinum, frumentum, oleum, vel aliquid rerum earum, quæ usu consumuntur, detur sub conditione recipiendi plus, quam datum fuerit „ „

R E G U L A X I X.

Tutores, & curatores ex pecuniis pupillorum mutuo datis exigere, aut percipere non possunt aliquid ultra sortem, eo solum nomine, quod pupillorum sint, &, quod pupillorum interest, refarcire, atque compensare tutores ipsi secundum leges teneantur, nisi hujusmodi pecunias in illorum utilitatem collocaverint.

Quod enim secundum se malum, naturalique, ac divina Lege prohibitum est, nusquam licitum fieri potest, quocunque charitatis prætextu; aliquid porro ex mutuo ultra sortem, sive usuram, & superabundantiam exigere, secundum se malum est, naturalique, & divina lege vetitum; nullo igitur charitatis prætextu potest excusari, licitumque fieri, nequidem ad redimendam vitam captivi, ut respondit *Alexander III. c. Super eo, Ext. De Usuris*; multo minus ergo id licet, ut pupillorum utilitatibus consulatur.

Id confirmant Concil. Mediolanense 1. sub *S. Carolo Borromæo*, tit. *De Usuris*, statuens, ut „„ ex mutuo, vel depositis etiam apud Judæum factis, nihil præter sortem a quovis homine percipi ex convento, vel principaliter sperari possit, tametsi pecuniæ ipsæ sint pupillorum, aut viduarum, aut locorum piorum, vel etiam dotales, nisi quatenus id jure nominatim permittitur „„.

Concil. Mechliniense anno millesimo quingentesimo septuagesimo, tit. *De Usuris*, ita decernens: „„ Quoniam usura jure divino, & canonico omnibus christianis sub poena peccati mortalis interdictur, neque facienda sunt mala, ut eveniant bona; Synodus statuit, & ordinat, ne quis tutor, aut curator sub prætextu augmentandi patrimonii pupillorum, aut sub eorum curatela existentium, pecunias illorum, sub certo lucro singulis annis, ultra sortem recipiendo mutuo dent, retenta facultate repetendæ sortis, quando ad majorem ætatem pervenerint, aut

matrimonium contraxerint, aut alias ad illorum voluntatem, & arbitrium, declarando omnes hujusmodi contractus usurarios, & contra (ut præmittitur) mutuantes, tanquam contra usurarios, ad poenas juris procedendum „ „.

Ecclesiæ
gallicanæ
doctrina de
usuris pecu-
niarum pu-
pillorum.

Conventus Melodunensis Ecclesiæ gallicanæ, tit. 34. De Usuris : „ „ Curandum (*inquit*) ne quid ex mutuo, vel depositis apud Judæum factis aliquid præter sortem a quovis homine percipi ex convento, vel principaliter sperari possit; tamen si pecuniæ sint pupillorum, aut viduarum. Omnes enim tenentur audire illud Christi: *Mutuum date, nihil inde sperantes* „ „.

Concil. Burdigalense anno quingentesimo octogesimo tertio supra millesimum, tit. 31. De Usuris, & illicitis contractibus. „ „ Ne cui igitur ex mutuo, præter sortem ex convento, vel eo, quod datum est, aliquid amplius accipere, aut principaliter sperare, siue ejusdem generis, siue alterius quomodocunque, etiam si operæ sint, liceat; etsi pecuniæ ipsæ sint pupillorum, aut viduarum, aut locorum piorum, vel etiam dotales, nisi quatenus id jure nominatim permittitur. Mutuum enim ex præcepto divino debet effectus gratuitum „ „.

Ita censet sacra Facultas Parisiensis, idemque respondent quotquot in ea sunt Doctores, in Scripturis sacris, Traditione, & sacris Canonibus instituti, ac recentioris cujusdam ex Aremorica Theologi inane, & absconditum commentum de donatione usurarum hoc in casu a republica facta, merito rejiciunt, & ut cavillatorium, atque ad usuram palliandam ab auctore male feriato adinventum, & sine fundamento vulgatum, rejiciunt, & reprobant.

Verum (*inquit*) tutor, aut curator a iudicibus condemnabitur ad solvendum pupillis, quod interest, siue legitimas usuras, si pecuniam illorum otiosam servaverit.

Respondetur, Tutores, & curatores ad solvendum pupillis, quod interest, non teneri ob eam rationem, quod pupillares pecunias foenerati non fuerint; sed

66 negligentiam, quod nimirum eas non converterint in emptionem prædiorum, vel census annui constitutionem; vel ex illis negotiati non fuerint, si sint negotiatores, aut mercatoribus non dederint ad societatem, ut honestum lucrum parerent pupillis. Id enim, si tutores præstiterint, consanguineorum consilio, & adhibita etiam, si necesse sit, Magistratus auctoritate, nulliusque negligentiae se reos esse probent, ad usuras propter rem pupillorum male gestam, seu administratam solvendas nullius æqui iudicis sententia damnabuntur; siquidem regiae Caroli IX. Constitutioni Aurelianensi art. 102. ipsos parvisse compertum erit. Cæterum nec jus ipsum Romanum permittit, ut pupillares pecuniae foenori dentur. Sic enim sancit *Iustinianus* Novella 72. cap. 6. „ Quoniam videmus curatores, quicunque Dei memoriam habent, ad curam difficulter accedere. videmus autem præcipue difficilem esse curatorum causam propter foeneratorum necessitatem; sancimus, nullam necessitatem ex legibus esse curatoribus minorum pecunias foenerare, sed caute reponere, & reservare „ „ Regiae Constitutiones antiquo juri consonae sunt, L. Tutor, 7. D. tit. De Administratione, & periculo tutorum, cujus hæc sunt verba: „ „ Tutor, qui repertorium non fecit, quod vulgo inventarium appellatur, dolo fecisse videtur; nisi forte aliqua necessaria, & iustissima causa allegari possit, cur id factum non sit. Si plus igitur dolo inventarium non fecerit, in ea conditione est, ut teneatur in id, quod pupilli interest. „ Si post depositionem pecuniae comparare prædia tutores neglexerunt, incipiunt in usuras conveniri. Quamquam enim a prætore cogi eos oportet ad comparandum, tamen si cessent, etiam usuris plectendi sunt tarditatis gratia, nisi, si per eos factum non est, quominus compararent. Pecuniae, quam in usus suos converterant tutores, legitimas usuras præstent „ „

Hanc Regulam confirmat *S. Thomas*, seu supra auctor Opusculi 73. De Usuris, cap. 12. „ „ Si tutores

pupillorum (*inquit*) scienter pecuniam pupillorum dederint ad usuram per se , vel alios , hujusmodi superabundantia rei est alienæ , injuste possidetur etiam a pupillis , quandocunque sciverint „ „.

Eadem est *S. Raymundi* sententia lib. 2. tit. *De Usuris*. §. 18. „ „ Sicut (*inquit*) prohibetur aliquis recipere usuras nomine suo , ita & alieno ; & si accepit alieno nomine , sive sit tutor , sive curator , vel quicumque alius , tenetur ad restitutionem , si ille , cujus nomine accepit , vel non est solvendo , vel non vult restituere ; quia facientes , & contentientes par poena constringit „ „. Hæc doctrina contormis est Canoni , *Sicut non suo* , qui ex *S. Leone* refertur apud Gratianum dist. 46. „ „ Sicut (*inquit*) non suo , ita nec alieno nomine aliquis Clericorum exercere scenus attentet. Indecens est enim , crimen suum alienis commodis impendere „ „.

Quem Canonem Glossa sic interpretatur : „ „ Si aliquis tutor a me recipit usuras nomine pupilli , finito officio possum petere usuras a tutore , quia pro alio peccare non debuit „ „.

Istius explicationem Regulæ *S. Antoninus* concludit P. 2. tit. 1. cap. 7. §. 2. ubi de poenis agens in contractu mutui appositis , ait : „ „ Ultra prædictas poenas positas , scilicet judicalem , quæ infertur a iudice , & conventionalem , quæ ponitur in contractu de consensu partium , est & tertia poena , quæ dicitur legalis , vel canonica , de qua habetur *canj. 2. qu. 2. can. in legibus*. Et in diversis civitatibus ponuntur certæ poenæ pecuniariæ , sicut v. gr. cum statutum est alicubi , quod tutor de pupilli pecuniis , quæ perveniunt ad manus ejus , teneatur emere possessionem , vel respondere ei ad rationem quinque pro centenariis. Si igitur tutor pecuniam pupilli exponat pro factis suis , vel faciat negotiationes pro se , tenetur utique dare pupillo quinque pro centenariis , etiamsi cum illis nihil est lucratus , ex quo nomine suo , non pupilli est negotiatus cum eis. Juste enim hoc statutum est , ne tutores ex malitia , vel negligentia
sint

sint invidi pupillis, & male tractent substantias eorum, sicut frequenter fit. Nec potest conqueri tutor, si inde non est lucratus, quia potest emere de illis pecuniis possessiones, vel nomine pupillorum exponere in iustis, & licitis mercantiis, & tunc lucrum, & damnum esset pupillorum, fideliter agendo. Sed si nomine pupillorum pecuniam eorum exponant, vel deponant ad usuram, pupilli tenentur illas restituere, & tutores insuper tenentur in casu, quo pupilli non vellent, vel non possent „ „.

R E G U L A X X.

Usuræ mentalis reus est, qui dat mutuo pecuniam ea intentione, ut recipiat aliquid ultra sortem; & si receperit, ad restitutionem tenetur.

N ititur hæc Regula, cap. *Consuluit*, Ext. *De Usuris*, quod *Urbani III.* responsum est, „ „ Qui non alias mutuo traditurus, eo proposito mutuam pecuniam credit, ut licet omni conventionē cessante, plus tamen sorte recipiat, pro huiusmodi lucris intentione, quam habet, iudicandus est male agere, & ad ea, quæ taliter sunt accepta, restituenda, in animarum iudicio efficaciter induendus „ „.

Usura mentalis.

Hanc Regulam confirmant *S. Raymundus*, lib. 2. Summæ tit. *De Usuris*, §. 4. *Innoc. IV. Hostiensis*, *Joannes Andreas*, & alii. *S. Raymundi* verba subjicio: „ „ Sed nunquid (*inquit*) voluntas, vel intentio, vel spes inducunt usuram, ubi nullum pactum fuit appositum in contractu mutui? Ad hoc, quidam volentes favere usuris, dicunt, quod nunquam committitur usura, nisi ex pacto solvantur. Alii dicunt, quibus assentio, quod sola spes, sive intentio facit hominem usurarium; unde qui sub tali spe mutuavit pecuniam, quidquid postea, etiam gratis, id est, sine sua exactione oblatum ultra sortem acceperit, usura est, sive illud sit pecunia numerata, sive quidquid excogitari possit, & dici lucrum, sive illud consistat in dando, sive in faciendo „ „.

REGULA XXI.

Aliquid pretio æstimabile ex mutuo pacifcit, percipere, sperare ultra sortem, siue illud sit pecunia, aut munus aliud, siue opera, siue officia, preces, commendationes ad obtinendum quodvis emolumentum temporale, usura est.

Ita docet *S. Thomas*, 2. 2. qu. 78. art. 2. in responsione ad tertiam objectionem. „ Si aliquis (*inquit*) ex pecunia mutuata expectet, vel exigat, quasi per obligationem pacti taciti, vel expressi, recompensationem muneris ab obsequio, vel a lingua; perinde est, ac si expectaret, vel exigeret munus a manu; quia utrumque pecunia æstimari potest, ut patet in his, qui locant operas suas, quas manu, vel lingua exercent. Si vero munus ab obsequio, vel a lingua, non quasi ex obligatione rei exhibeatur, sed ex benevolentia, quæ sub æstimationem pecuniæ non cadit, licet hoc accipere, & exigere, & expectare „ „.

Sed nec obligatio mutuum dandi altera vice propter mutuum datum debitori, potest imponi a creditore absque usuræ vitio, ut docet ibidem *S. Thomas*, in responsione ad quartam objectionem. „ Pecunia (*inquit*) non potest vendi pro pecunia ampliori, quam sit quantitas pecuniæ mutuata, quæ restituenda est; nec ibi aliquid est exigendum, aut expectandum, nisi benevolentia affectus, qui sub æstimationem pecuniæ non cadit, ex quo potest procedere spontanea mutuatio; repugnat autem ei obligatio ad mutuum faciendum impofterum, quia etiam talis obligatio pecunia æstimari posset. Et ideo licet mutuanti unum simul aliquid aliud mutuum recipere, non autem licet eum obligare ad mutuum impofterum faciendum „ „.

Idem confirmat *S. Antoninus*, P. 2. tit. 1. c. 7. § 5. & §. 8. additque: „ Si quis mutuat alteri ea intentione, vel pacto ut vadat ad molendinum suum, vel furnum, vel apothecam suam ad emendum, vel ut intret

scholas sub eo, & hujusmodi, alias non mutuaturus, usuram committit, etiamsi non majori pretio sibi vendit propter hoc, seu plus ab eo quam ab aliis petit. Ratio est, quia commoditatem, seu utilitatem inde recepit, quæ pretio æstimari potest, 13. q. 3. c. *Si fœneraveris*, & Ext. eod. tit. c. *Consulais*; & tenetur restituere „„.

Similiter usurarius est, qui alteri justam litem adversum se persequentem dat mutuum, ut ab intentata lite absteat, atque ita sumptus, & multam declinet.

Item, qui mutuum dat, ut debitor, vel alius fidejubeat, vel spondeat pro eo in aliquo negotio.

Item, qui mutuum dat ea conditione, & pacto tacito, vel expresse, ut debitor ipsi, aut ejus filius beneficium ecclesiasticum conferat, vel procuret, aut dignitatem aliquam, vel officium.

Usurarius etiam est, quicumque dat mutuum, cum pacto, ut creditor totum mutuum, vel ejus partem exigat a debitoribus creditoris, qui sunt difficilis solutionis.

Usurarius pariter est, qui mutuum dat cum pacto, ut debitor totum mutuum, vel ejus partem accipiat in mercibus, quamvis justo pretio vendere illas velit.

R E G U L A XXII.

Usuras legitimas, nondum persolutas, in sortem convertere, novasque ex illis usuras exigere, ac percipere, illicitum est.

Id enim utroque jure, ecclesiastico, & civili est prohibitum, scilicet L. *Ut nullo modo*, c. lib. 4. tit. De Usuris: „„ Ut nullo modo usuræ usurarum a debitoribus exigantur, & veteribus quidam legibus constitutum fuerat, sed non perfectissime cautum... Quapropter hac apertissima lege definimus, nullo modo licere cuiquam usuras præteriti temporis, vel futuri in sortem redigere, & earum iterum usuras

stipulari. Sed etsi hoc fuerit subsecutum, usuras quidem semper usuras manere, & nullum usurarum aliarum incrementum sentire; sorti autem antiquæ tantummodo incrementum usurarum accedere „„.

Et *Pii V.* Pontificis sanctissimi constitutione de censibus prohibetur, ne census antea constitutus au-geatur ex pensionibus debitis quidem, sed non solutis, quamvis ex jam solutis augeri possit. Denique idem prohibitum est constitutione *Philippi II.* cui *Pulchro cognomen*, anno Christi millesimo tercentesimo undecimo adversus usuras edita. „„ Prohibemus (*inquit*) ne creditor literas obligatorias mutui, vel alterius crediti, ut lucrum ex tempore convertatur in sortem, faciat renovari, vel alias usuras, vel interesse quomodolibet in sortem convertat; quod si fecerit, ipso facto pœnam incurret „„.

REGULA XXIII.

Usurarius est, qui pecuniam in Societatem confert, cum pacto, ut fors illi salva sit, fructus vero communiter dividantur; vel ea conditione, ut damnum commune non sit, lucrum vero inæqualiter dividatur; vel ut aliquid ultra quotas partes recipiat, sive pecunia sit, sive aliud pretio æstimabile.

Qui societatis contractus iniusti.

Societatis contractus illiciti.

Hanc Regulam tradit Concil. Mediolanense 1 sub *S. Carolo Borromæo*, tit. *De Usuris*, prohibens „„ Ne in societate, in quam alter pecuniam confert, alter operas, lucri distributio constituatur, nisi per quotas partes. Nec ultra eas certa pecuniarum summa, vel quid aliud conferenti pecuniam persolvatur. Neque fiat pactio, ut fors salva sit; fructus vero communiter dividantur „„ Idem prohibent Melodunensis Ecclesiæ gallicanæ conventus tit. 34. *De Usuris*, & Concil. Burdigalense anno millesimo quingentesimo octogesimo tertio celebratum, tit. *De Usuris, & illicitis contractibus*. Et certe, quod legitimâ, justaque societas ea pactione coire non possit, ut capitale salvum sit ei, qui pecuniam in societatem confert,

fert, liquido probat discrimen, quod mutuum inter, & societatem intercedit. In mutuo enim dominium pecuniæ mutuo datæ totum in debitorem translatum est, totumque lucrum ad ipsum pertinet; cum nihil ab eo exigere, vel sperare jure possit creditor ratione mutui; quamobrem debitor totam, & integram pecuniæ mutuo acceptæ summam ipsi redere tenetur, ipsiusque unius periculo exponitur negotiationi, ipsumque unum pecuniæ, siue rei alterius creditæ damna spectant, si fortuitis casibus pereat. Verum e contrario se res habet in contractu societatis; qui enim, pecuniam confert, illius dominium non transfert in socios; *Quia nemo societatem contrahendo, rei sua dominus esse desinit*; ut dicitur L. *Si tibi*, lib. 19. Dig. tit. *De præscriptis verbis*, & in *factum actionibus*. Quamobrem lucri, fructuumque ex rebus in societatem collatis convenientium particeps est; adeoque si capitale pereat, ipsi perire debet uni, modo pereat absque dolo, culpaque sociorum, qui tantam diligentiam communibus rebus adhibere tenentur, quantam suis adhibere solent, ut ait *Justinianus* lib. 3. *Institut.* tit. 26. Hinc *S. Th.* 2. 2. qu. 78. art. 2. ad quintum ait: „„ Ille, qui mutuatur pecuniam, transfert dominium pecuniæ in eum, cui mutuatur; unde ille, cui pecunia mutuatur, sub suo periculo tenet eam, & tenetur eam restituere integre; unde non debet amplius exigere ille, qui mutuavit. Sed ille, qui committit pecuniam suam vel mercatori, vel artifici, per modum societatis cuiusdam, non transfert dominium pecuniæ suæ in illum, sed remanet ejus; ita quod cum periculo ipsius mercator de ea negotiatur, vel artifex operatur; & ideo sic licite potest partem lucri inde convenientis expetere, tanquam de re sua „„ Usurarius igitur contractus est, si pecunia in societatem conferatur ea pactione, ut si fortuitis casibus pereat, non pereat conferenti, sed nihilominus fors illi salva sit. Sic enim societas in mutuum degenerat, ex quo lucrum captatur.

Neque enim coire iusta societas potest ea conditione, ut damnum quidem commune sit, lucrum vero inæqualiter dividatur. Cum enim societas jus quoddam *fraternitatis* in se habeat, ut ait Ulpianus, *L. Verum*, in Dig. tit. *Pro socio*, recteque definiatur „ „ Contractus solo consensu initus, quo duo, pluresve inter se conjunguntur, ut aliquid in commune conferentes, uberioris utilitatis, & quæstus, aut certe commodioris usus participes sint „ „ ; damnum rerum, & operarum, quæ in societatem conferunt, pro rata pertinere debet ad conferentes. Verbi gr, si alter socius centum nummos, alter ducentos in societatem contulit, ex iisque pecuniis collatis cumulus unus factus sit, periculum, & damnum pro tertia parte ad unum sociorum pertinet; periculum autem, & damnum pro duabus reliquis partibus spectat ad alterum. Similiter si socii æquales operas in commune contulerint, damnum operarum ad utrumque spectat pro rata parte. Lucrum etiam commune esse debet, & pro quantitate partium collatarum dividi. Unde *Ulpianus* in Dig. tit. *Pro Socio*, *L. 29*, ait: „ „ „ Ita coiri societatem posse, ut nullius partem damni alter sentiat, lucrum vero commune sit, *Cassius* putat, quod ita demum valebit, ut & *Sabinus* scribit, si tanti sit opera, quanti damnum est; plerumque enim tanta est industria socii, ut plus societati conferat, quam pecunia; item si solus naviget, si solus peregrinetur, pericula subeat solus. *Es lib. 52*. Sicut lucrum, ita damnum quoque sociis commune esse oportet, quod non culpa socii contingit „ „ „ Item *Paulus* jurisconsultus *L. 67*. ait; „ „ Equum est, ut cujus participavit lucrum, participet & damnum „ „ Aliter contracta societas usuraria est & *leonina* vocatur *L. Si non fueris*, tit. *pro Socio*, in Dig. ut sic habetur: „ „ „ *Aristo* refert *Cassium* respondisse, societatem talem coiri non posse, ut alter lucrum tantum, alter damnum sentiret; & hanc societatem *leoninam* solitum appellare; & nos consentimus talem societatem nullam esse, & ut al-

De usuris.

ter

ter lucrum sentiret; alter vero nullum lucrum, sed damnum sentiret. Iniquissimum enim genus societatis est, ex qua quis damnum, non etiam lucrum expectet

Nec denique iusta societas est, & ab usurae labe, vitioque pura, in qua is, qui pecuniam confert, aliquid paciscitur ultra quotas partes lucri, siue illud sit pecunia, siue res alia pretio aestimabilia. Aliquid enim ultra sortem ex mutuo reliquis lociis dato acciperet, nullo alio, quam mutui titulo. Unde Concilium Burdigalense supra laudatum vetat: „ Ne „ in societate, in qua alter pecuniam confert, alter „ operam, lucrum aliter, quam ex æquis partibus „ dividatur .. Conferendæ sunt igitur pecuniæ pecuniis, operæ operis, lucrum lucro, & tandem uni, cuique fructus pro rata parte pecuniæ, industriae, vel operarum in societatem collatarum ex æquo, & bono dividendi sunt inter socios.

R E G U L A XXIV.

Tres contractus famulos simul, & semel cum socio inire, siue societatem cum duplici securitatis pactione, & de securitate sortis, & lucri pacisci, usura est.

Tres illi contractus ad velandam usuram a societatoribus adinventi, propriis nominibus, ac notionibus distinguuntur. Primus dicitur *Societatis*, in quem unus pecuniam, alter operam, & industriam confert, ita ut ambo lucri, damnique communionem ineant. Secundus dicitur *Affectionis sortis*, siue capitalis, quo is, qui pecuniam confert, cum socio paciscitur de securitate capitalis, ne pereat, & pro tali securitate dat ei aliquod pretium, vel tantumdem ex lucro remittit. Tertius dicitur *Venditionis lucri majoris, quod speratur, pro lucro minori, sed certo*; quo is, qui pecuniam contulit, ac de capitalis sui securitate pactus est, cum socio rursus paciscitur de certo lucro probabili pro incerto lucro spe-

Trium contractuum
usura,

sperato; atque ita socium ab onere rationum red-
dendarum, tam quoad lucrum, quam quoad dam-
num eximit. Confert, v. gr. Titius Sempronio mer-
catori mille nummos aureos in societatem, spe lu-
crandi centum triginta. Ex summa ista lucri sperati
Titius illi remittit sexaginta nummos, ut de securi-
tate capitalis, nempe mille aureorum ipsi caveat,
qualiscunque sit negotiationis exitus; rursus eidem
socio remittit viginti alios nummos, ut sine ullo pror-
sus periculo damni ex fortuitis casibus interdum
contingentibus quinquaginta nummos residuos lu-
cretur. Obstringitur itaque illis contractibus Sem-
pronius ad reddendam Titio intra certum tempus
sortem integram, id est, summam mille aut eorum
salvam, & quinquaginta insuper aureorum incremen-
tum, ac lucrum.

In cammā-
tario suo
de usuris,

Ex nuda trium illorum contractuum expositione
perspicuum est, trium illorum conjunctionem in mu-
tuum foeneratitium degenerare, duplicisque securi-
tatis pactionem societatis jura, legesque evertere,
scilicet lucri, damni que communionem, & æquali-
tatem. Totum namque damnum, si, quod ex fortui-
tis casibus contingat, in sociorum alterum refunditur.
Qui ergo sic tradit mercatori mille aureos, eidem-
que pro illorum securitate veluti numerat sexaginta,
rursusque de lucro quinquaginta paciscitur, quid
aliud facit, quam mutuo dare mille sexaginta, ut
quinquaginta supra sortem recipiat, ac lucretur? Quo-
circa cum *Martinus Navarrus* tres istos contractus
cum eadem persona simul iniri jure, tutaque con-
scientia posse propugnaret, & ab usuraria pravitate
immunes esse, illique *Dominicus Soto* Dominicani Or-
dinis Professor insignis toto ingenii, studiorumque
conatu resisteret, causa ab ipso *Navarro* ad *Sixtum*
V. Pontificem maximum delata est, qui diligenter
examinata quæstione, duplicis securitatis pactionem
societati adjectam prorsus usurariam esse pronuntiavit,
ac declaravit, triumque contractuum artem velut fo-
neratitiam damnavit edita Constitutione 45. quæ in-
cipit,

cipit, *Detestabilis*, cujus hæc sunt verba: „ Irre-
 versute, & callide antiquus humani generis hostis
 per varios dolos, & fallacias, & incautos homines
 quæstus dulcedine captos, & delinitos opprimit,
 atque eo perducit, ut se ipsos in usurarum voragi-
 nem, Deo, hominibusque odiosam, sacris Canoni-
 bus damnatam, & christianæ charitati contrariam for-
 de immergant, & dum vanas, & terrenas divitias
 quærunt, veras, & cœlestes amittant; sicut nuper
 cum magno dolore audivimus hoc malum in qua-
 dam provincias pervasisse. Nam multi speciosum,
 & honestum societatis nomen suis steneratitiis con-
 tractibus prætexendo, hoc quasi colore, & fūco mer-
 catoribus, opificibus, negotiatoribus, & aliis per-
 sonis, super eorum mercibus, officinis, & tabernis
 pannariis, aliisque rebus; ac bonis, pecunias suas,
 aut alias res societatis nomine conferunt; vel gre-
 ges, armenta, aut certa animalia agricolis, seu ter-
 rarum cultoribus, pastoribus, aliisque rusticis, seu
 quibuscumque personis dant in societatem, sive ad soci-
 dam (ut vocant) ea conditione, ut fors ipsa, seu ca-
 put, quod vulgo dicitur capitale, tam pecuniarum,
 quam animalium, & rerum, salvum semper & in-
 tegrum existat pro eo, qui non industriam, aut
 operas, sed pecunias, animalia aut res hujusmodi
 in societatem confert; utque omne periculum, &
 damnum ab altero socio recipiente sustineatur, con-
 tra æquitatem, & societatis justitiam diversimode
 paciscuntur. . . Simulque etiam certam lucri quan-
 titatem, & summam, veluti tot pro quolibet cen-
 tenario in singulos annos, aut menses, per alterum
 socium durante societate solvendam præfinit, ac
 præscribunt, eamque summam, & quantitatem, non
 subditiis rationibus accepti, & expensi, quod in co-
 dices, seu tabulas societatis refertur solet, neque facto
 calculo, vel computo, pro ipsius lucri, vel damni
 modo variabilem; sed laborem, & curam compu-
 tandi, & calculandi se invicem remittere, & re-
 nuntiare asserentes, quovis tempore certam consti-
 tuunt „ „ „

Anno 1586.
 12. Kal.
 Nov.

tuunt „ „ Quam mali contagionem, antequam latius serpat in communem Fidelium perniciem, tollere volens Pontifex apostolica auctoritate, & perpetuo valitura Constitutione, hos omnes contractus velut usurarios damnat.

„ „ Damnamus (*inquit*) & reprobamus omnes, & quoscunque contractus, conventiones, & pactiones posthac ineundos, seu ineundas, per quos, seu quas cavebitur personis pecunias, animalia, aut quaslibet alias res societatis nomine tradentibus, ut etiam si fortuito casu quamlibet jacturam, damnum, aut amissionem sequi contingat, fors ipsa, seu capitale semper salvum sit, & integrum a socio recipiente restituatur; sive ut de certa quantitate, vel summa in singulos annos, vel menses durante societate respondetur. Statuimusque hujusmodi contractus, conventiones, & pactiones usurarios, & illicitos posthac censerī debere; atque imposterum non licere iis, qui pecunias, vel animalia, aut alias res in societatem tradent, de certe lucro, ut praefertur, percipiendo inter se pacisci, & concordare. Neque etiam sive ad certum, sive ad incertum lucrum convenerint, socios, qui ea recipient, ad sortem, seu capitale salvum, & integrum, ubi illud casu fortuito perierit, vel amissum erit, reddendum quovis pacto, aut promissione sibi obligare. Ac ne de cetero Societates ineantur sub hujusmodi pactis, & conditionibus, quæ usurariam pravitatem sapiunt, districte interdiciamus, & prohibemus. Sed potius cuncti noverint, societates hujusmodi, cum imposterum unus pecuniam, animalia, aut alias res, & bona; alter vero operam, vel industriam confert; pure, sincere, & bona fide, sicut decet, justis, & æquis conditionibus, & pactis, secundum juris dispositionem, ac sine ulla prorsus fraude, palliatione, aut usuraria pravitate labe, aut suspitione ineundas seu contrahendas esse; ita ut non ad certam summam, aut quantitatem ab omni periculo, & damno, ut praefertur, immunem lucri nomine persolvendam; neque

que ad capitale, si casu fortuito perit, restituendum, socius accipiens teneatur. Si vero finita societate ipsum capitale extat, ei, qui illud in societatem contulerit, restituatur; nisi socio recipienti fuerit communicatum, aut aliter inter ipsos contrahentes legitime conventum sit; ac præterea iidem contrahentes fructus, expensas, & damna in comune conferant, & prout æquum, & justum fuerit, sibi communicent, atque dividant „ „ „ Illos tandem, qui sub prædictis conditionibus, & pactis contrahere temere præsumpserint, aut prætextu similium contractuum, conventionum, & pactuum societate nomine initorum, ad exactionem sortis, sive capitalis, sive illius pretii, aut valoris, postquam illud in toto, vel in parte casu fortuito perierit, aut amissum sit; aut certæ summæ, vel quantitatis annuæ, aut menstruæ sibi promissæ in futurum procedere ausi fuerint; eos universos, & singulos in pœnas contra manifeste usurarios, & fœneratores a sacris Canonibus, & Conciliis generalibus latas, & promulgatas eo ipso incurrere; & contra illos, uti manifestos usurarios, & fœneratores via juris, & aliis opportunis remediis, procedi posse, & debere declarat. Quam summi Pontificis declarationem, & Constitutionem nonnulli male feriat homines metaphysicis subtilitatibus, & argutiis eludere frustra conantur.

Idem docet *S. Antoninus*, P. 2. tit. 1. cap. 7. §. 37. Quæstionem scilicet proponit, utrum dans pecuniam mercatori ad mercandum, vel artifici ad emendum materias, ut ex eis artefacta conficiat, cum pacto, vel etiam sine pacto, sed ea intentione principali, ut capitale sit salvum, & partem lucri habeat, sit usurarius. Respondet, secundum Glossam Canonis *Plerique*, causa 14. qu. 5. „ „ „ Quod talis contractus non sit licitus, ex quo periculum spectat ad recipientem; sed si periculum capitalis spectaret ad utrumque, licitus esset; licitum est enim, quod unus socius ponat pecuniam, & alius operam, & sic suppleat

pleat labore, quod deest in pecunia. In aliis quidem contractibus (*inquit S. Archipræsul*) valeat pactum appositum præter naturam contractus, ut damnum spectet ad suscipientem, ut in commodato, & similibus „ „ „ At aliter se res habet in societate: *Quia talis non est vera societas, cum sit contra ejus naturam. Societas enim est quadam fraternitas*, ut dicitur in Digestis, tit. *Pro Socio*, L. *Verum*. Unde sequitur „ „ quod tale pactum non sit præter, sed contra naturam contractus; unde non valet. De natura enim contractus societatis est, quod partes sint æquales, nisi aliud sit dictum. Non enim negatur, quin agi possit in contractu, quin ad unum pertineant duæ partes lucri, ad alium tertia, si is, qui plus debet habere, plus contulit societati, vel pecuniæ, vel operæ, vel cujusunque artis; alias secus, quia scilicet societas est quoddam jus fraternitatis „ „ „

Propositio
damnata.

Denique sacra Facultas Parisiensis, inter alias propositiones, anno millesimo sexcentesimo sexagesimo quinto, die 3. Februarii, doctrinam asserentem, quod pactio duplicis securitatis contractui societatis licite adjici possit, censura sua damnavit, ut „ Fallam, „ scandalosam, inducentem ad usuras committendas, „ variasque aperientem artes eas palliandi, justitiam, „ que, & charitatem violandi „.

REGULA XXV.

Qui pecuniam negotiatoribus, vel artificibus confert, licitis negotiationibus exponendam venire volens, sed nihilominus ob securitatem suam exigit a mercatore, vel artifice schedulam de pecunia data, non sub nomine societatis, sed mutui, vel depositi; lucri ex societate provenientis licite, tutaque conscientia particeps esse non potest.

Usurarius
societatis
contractus.

Ita S. Anthonius docet p. 2. tit. 1. cap. 7. §. 38. „ „ Quia (*inquit*) vitiosus est contractus, & periculosus negotiatori, vel artifice. Nam posset talis tradens pecuniam ad placitum suum mutare intentionem;

nam; & cum continget, mercatorem perdere, poterit totum capitale petere tanquam mutuatum, ut cantat instrumentum. Posset etiam mori intestatus, & hæredes exigent secundum tenorem instrumenti, quod reperirent. Et etiam hoc scandalizativum proximorum, qui sciunt illum percipere fructum ex mutuo; unde inducendus est talis ad destruendum contractum mutui, si vult partem lucri. Et de sic perceptis concordet cum illo, restituendo vel remissionem petendo. Potest tamen quis ob sui securitatem petere, & tenere pignora a mercatore, vel artifice, talia scilicet, ex quibus non percipit utilitatem in utendo. Ad providendum sibi de capitali contra fraudes mercatorum dicentium se perdidisse, cum non perdunt, potest etiam facere pactum, quod vult partem damni, quod mercator incurret, si sufficienter hoc ei ostendat. Potest etiam facere pactum, quod exerceat pecuniam suam in quibusdam locis, & non in aliis, & in quibusdam mercantiis, & non in aliis, & si secus ille fecerit, & damnum patiat, totum suum erit, quia contra pactum venit „ „

R E G U L A XXVI.

Usurarius est contractus quo animalia in societatem traduntur ea pactione, ut fors, sive caput semper saluum sit, nec tradenti pereat, sed accipienti, quamvis fortuitis casibus pereat, absque socii accipientis dolo, culpaque; vel ea conditione, ut aliquid præter sortem ex fructibus animalium quotannis solvatur.

Hujus Regulæ veritas comperta est ex Const. *Sixti V.* Pontificis maximi supra laudata; nec non ex Concil. Mediolanensi 1. sub *S. Carolo Borromeo*, p. 2. tit. de Usuris: „ „ In societate (*inquit*) animalium, quæ inæstimata alicui dantur ad custodiam, sive ut operas præstet, omnes casus, etiam fortuiti, semper sint periculo ejus, qui dederit; nisi id alterius socii dolo, vel magna negligentia accidisse

constiterit. Nec fiat pactum, ut fors sit semper salva, etiam ex primis foetibus. Neve quidpiam certum, præter sortem, ex fructibus animalium quotannis solvatur „„.

Idem docet Ecclesia gallicana in conventu Melodunensi tit. 34. *De Usuris*. „„ In societate (*inquit*) animalium, quæ inæstimata alicui dantur custodia, sive ut operas præstet, omnes casus, etiam fortuiti, sint damno semper & periculo ejus, qui dederit; nisi accipientis dolo, & custodientis, aut incuria accidisse damnum, aut casum, constiterit. . Ne ex fructibus animalium quidquam præter sortem solvatur, aut capiatur „„.

Idem confirmat Concil. Burdigalense anno 1583 tit. 31. *De Usuris*, & *illicitis contractibus*, ipsaque Concilii Mediolanensis verba usurpat.

Ad ejusdem Regulæ confirmationem, & majorem explicationem nonnulla ex *S. Anton.* subjungo, p. 2. tit. 1. c. 7. §. 39. Observat S. Archipræsul, pecora multipliciter alicui tradi posse. Primo ad custodiam, puta, cum alicui dantur viginti capita pascenda sub certa mercede, vel etiam sub certa participatione de proventu gregis: „„ Et tunc si dominus ipsorum retinet sibi periculum animalium, est contractus locationis, & de se licitus. Sed si non retinet sibi periculum, sed imputat conductori, est illicitus, nisi forte illud damnum procederet merè ex negligentia custodiæ „„. Secundo, possunt tradi alicui animalia quasi per modum mutui; puta, cum quis dat alicui rustico viginti capita cum pacto, uti sint firma in numero, vel in pretio ipsorum in omnem eventum; & tunc „„ Si totum lucrum sit rustici, sicut est damnum, licitum est; quia idem est, ac si mutuasset ei pecuniam, de qua emisset tot capita. Si autem vult partem lucri, salvo suo capitali, usura est; quia illud lucrum vult ratione mutui. Et si quis vellet hunc contractum fœcidam (*id est, societatem*) vocare, erit injusta, & obligabitur talis ad restitutionem „„. Tertio, traduntur alicui

pe-

pecora per modum locationis, vel quasi venditionis modificata; puta, cum quis tradit certas oves alicui monasterio sub hoc pacto, quod pro qualibet ove accipiat annuatim duos solidos, cum tamen fructus ejuslibet valeat quinque, vel quatuor; & cum hoc, quod etsi oves traditæ moriantur, nihilominus remaneat monasterium obligatum toto tempore vite tradentis, ac si omnes viverent; sed post mortem ejus omnes oves sint monasterii, etiam si esset numerus centuplicatus. „ Et tunc secundum Hostiensem, & Joannem de Lignano contractus est licitus; adeo ut, si eventus mortalitatis sequatur, monasterium, seu Ecclesia non potest petere restitutionem, cum non sit læsa in traditione, & hoc nisi jam oves fuissent infectæ, & ad mortem paratæ, & monasterium non advertit. Consultit tamen idem Hostiensis, quod in hoc casu sentiat partem damni, ac cum jactura monasterii valeat læcupletari. „

Verum cum animalia locantur, & conceduntur ad usumfructum, pro certo pretio, vel pecuniis, vel ipsorum animalium fructibus exsolvendo: „ Si absque dolo, vel negligentia ejus, qui conduxit, deteriora fiant, id semper sit damno ejus, qui locavit, *neceffe est, alioqui reus erit usura*. Præterea, si animalia dentur æstimata, ita ut fors danti salva sit, nihil omnino ab ipso percipi possit. „ Si quid salva sorte a locatore percipiatur, usura est. Ita declarant Concilia Mediolanense primum, & Burdigalense superius laudata.

Quarto, pecora traduntur alicui in societatem, & hoc etiam variis modis (*inquit S. Antoninus*) & quandoque juste, quandoque injuste. Juste quidem, ut cum unus habet viginti capita, alius totidem, vel etiam decem, & communicant ad invicem ea, & periculum, & emolumentum, & expensas communicant æqualiter, si æqualiter ponunt in societate, vel pro rata, secundum quod ponunt; & possunt etiam tales convenire, quod de foetibus recuperentur capita mortua, vel de velleribus emanantur capita,

Injusta pacta in societate animalium.

ad augendum gregem. „ „ Injuste autem fit hujusmodi societas, cum quis dat certa capita ovium aestimata certo pretio, hoc pacto, quod rusticus non accipiat aliquam utilitatem, donec tradens receperit prius totam sortem. Hoc enim pactum est valde iniquum; sicut etiam si quis paciscatur, quod antequam rusticus recipiat aliqua, restaurabit de forestibus omnia mortua. Hoc enim pacto est quasi tradere oves immortales. „ „

Quærit deinde S. Antoninus, utrum licitum sit dare pecora rustico, cum pacto, quod tradens recipiat omnes fructus pecorum, quousque consequatur totum suum capitale, & ex tunc sint pecora communia.

Respondet S. Archipræsul: „ „ Id esse illicitum, si tradens dicta pecora velit capitale suum salvum grege pereunte; & si non perit in præsentī, vult nihilominus prius de fructu pecorum suum capitale. Si vero pereunte grege, totus pereat tradenti ipsa pecora; sed si non perit, vult tradens prius de fructu trahere capitale, & exinde facere pecora communia; *secundum istum modum, licitum esse*. Sed ubi periculum esset conductoris totum, esse usuram. Si autem periculum esset commune utrique, tunc etiam non esset usura, videretur tamen injustus contractus. Sed tutius esset, quod traderet pro quatuor, vel tribus annis pecora, & in fine temporis æqualiter dividerent fructum cum capitali, ita quod tradens subiret pericula casuum fortuitorum, & recipiens, pericula, seu damna ex negligentia „ „

Addit S. Archipræsul, communem esse conditionem societatis; ut socii æqualiter sint participes lucri, & damni, proportionē servata; adeoque societatis jura violari, ubi melior est conditio unius quam alterius. Unde „ „ Cum dantur oves sub isto pacto, quod ubi perirent, pro medietate pereant tradenti, & pro alia medietate recipienti, in omni casu; ubi autem non pereant prius, debeat tradens ex fructibus suum trahere capitale, & exinde sint commu-

nes,

nes, non videtur licitum, ex eo, quod recipiens pecora nimis gravatur. Nam ubi male fortunentur, ipse amittit duo, scilicet medietatem pretii pecorum, & laborem suæ custodiæ; tradens autem amittit unum, scilicet medietatem pretii pecorum. Ex quo igitur rusticus recipiens, seu conducens pecora substat majori periculo, debet etiam plus participare de lucro „ „.

Quærit rursus *S. Antoninus*, quid juris, cum dat Petrus Joanni oves in societatem per quinquennium, & consuetudo postulat, ut dividantur oves in capite quinquennii cum fructibus; interim autem oves pereunt; tenetur ne Joannes rusticus in illo casu aliquid restituere Petro?

Respondet, non teneri, si damnum ex natura contingat, quia pariter erant peritura, si apud Petrum mansissent, nec Joannes illarum custodiam, curamque suscepisset. Et quamvis omnes oves æstimatæ fuissent, cum traditæ sunt in societatem, non magis teneretur, quia in contractibus non ordinatis ad dominium transferendum, æstimatio emptionem non facit, ut dicitur in Dig., tit. *Pro Socio*, L. *Cum duabus*. Si vero damnum contingat ex fortuna; v. gr. si pereant pecora fortuito casu, cui resisti non potuit, ut bello, & incursione subita hostium, incendio, alluvione, fulgure, maleficio, præter omnem expectationem; periculum debet esse commune. Unde si oves æstimatæ erant mille libris, Joannes rusticus restituet Petro quingentas libras. Sed si damnum provenit ex culpa Joannis rustici, tenetur ipse Joannes ad restituendum totum capitale, quod inter se constituerant, & fructuum medietatem, si jam fructus erant inde consecuti, quia medietas altera debebat esse Joannis. In societate igitur animalium „ „ Damnum procedens ex natura pertinet ad tradentem; procedens ex culpa negligentiae pertinet ad recipientem; procedens ex fortuna spectat ad utrumque, quantum est ex ipso contractu. Secus est, si aliter pactum factum fuerit inter partes;

quia tunc stabitur pactioni, quia pacta ex conventionem legem accipiunt, & servanda sunt; *Ext. De Pactis, cap. 1.* si tamen iusta sunt, ut non gravetur magis una pars, quam altera „ „.

Ex his omnibus colligitur, societatem animalium ea conditione initam, ut totum periculum sortis, damnumque sit penes recipientem, usurariam esse. Tale enim pactum jura societatis violare manifestum est, in qua lucri, damni ex fortuitis casibus emergentis communio inter socios esse debet, secundum leges. Ea pactione violatur æqualitas, quæ inter socios velut inter fratres intercedere debet. Ea denique pactione adjecta, societatis contractus degenerat in mutuum, ex quo aliquid ultra capitale recipitur.

Colligitur secundo, rusticum, qui pecora alenda, curandaque ad tempus constitutum ab altero accipit, ea non minore studio, & diligentia curare debere, quam propria, adeoque rusticanos homines graviter peccare contra iustitiam, & restitutioni obnoxios esse, si eorum culpa pecora ipsis in societatem tradita marcescant, & pereant; si pinguiora intervertant, & alia macilentiora, viliorisque pretii substituunt; si denique pecora sibi tradita a lupis devorata falso affirmant, ut ea in suam utilitatem convertant; vel si a lupis enecta sunt, eorum pelles abscondant, & retineant,

REGULA XXVII.

Usurarius est, qui ex alterius necessitate occasionem captans, ab illo certum ovium, aliorumve pecorum numerum emit minoris iusto pretio, quæ illi postea in societatem tradat; sociumque ad lanam, & agnos ex incremento orituros sibi viliori pretio vendendos adstringit; necnon ad societatem ultra sexennium prorogandam; unde fit, ut totius fundi percipiat emolumenta, cujus tamen medietas duntaxat ad illum pertinet.

Mu-

Mutuum enim virtuale in illo contractu intercedit, ^{Iniusta na-} ex cuius quidem mutui datione aliquid ultra ^{ta in socie-} sortem exigit, recipitque traditor. Manifesta etiam ^{tate anima-} iniustitia committitur, in eo, quod minoris iusto pre- ^{lium.} tio emanant pecora in societatem postea tradenda; adeoque emptor ad restitutionem tenetur.

R E G U L A XXVII.

Usurarius contractus est, quo aliquis alteri tradit pecora æstimata in societatem, ea conditione, ut capitale sibi reddat, & aliquod præterea emolumentum, siue in pecunia, siue fructibus, lana, lacte, caseo, &c.

Mutui enim potius, quam societatis, contractus est, ex quo aliquid ultra sortem exigere, accipere, vel sperare nemo potest absque usuræ, fœnorisque crimine. Unde Conc. Med. I. supra laudatum tit. *De Usuris*, ait: *Si animalia dentur æstimata, ita ut sortis danti salva sit, nihilominus percipi possit.*

Hinc sequitur, illum etiam usuræ reum esse, qui agrum, siue prædium villico tradit ad sexennium, sub onere quingentorum nummorum annui census, v. gr. quod tradere non posset, nisi sub onere quadringentorum in annos singulos redeuntium, nisi simul pecora traderet æstimata. Prædium enim, agrumve, aut villam locat, adeoque dominium ejus non transfert in villicum; at pecora æstimata illi mutuo tradit, adeoque dominium illorum transfert; unde agrum eundem, idem prædium, eandem villam elapso sexennio recipere debet; sed necesse non est, ut eadem pecora recipiat, sed æqualis valoris, secundum æstimationem factam tempore initii contractus. Manifestum igitur est, tradentem, ratione mutui virtualis, quod in traditione pecorum, simul cum traditione prædii, aut villæ facta intercepit, exigere, & recipere centum nummos annuæ pensionis ultra sortem, quæ usura evidens est.

Hinc etiam sequitur, usurarium esse contractum,

qui *Redditionis bestiae* dicitur, gallice *Redbestie*, quo ille, qui bestias tradit æstimatas, nullum subit, vel minimum certe periculum, & magnum recipit emolumentum.

REGULA XXIX.

Contractus, quo animalia ad arandum apta, & alia id genus grandiora, ut boves, & vaccæ, in societatem traduntur, toto sexennio a recipiente alenda, ea conditione, ut recipiens danti tres, aut quatuor libellas solvat, certamve frumenti quantitatem, licitus est, modo quod peribit, domino pereat, æqualitasque servetur, habita ratione utilitatis, quæ in recipientem ex illis animalibus redundat, & quantitatis pecuniæ, vel frumenti, quod tradenti quotannis solvit.

De legitimis & illegitimis contractibus societatis animalium.

Huic Regulæ plurimum lucis afferet expositio casuum quorundam, S. Antonini responsis firmata, 2. p. tit. 1. c. 7. §. 41. & sequentibus.

Quærit primo, utrum licitus sit contractus, quo Petrus tradit Joanni bovem, & vitulum anno solido nutriendum, ea conditione, ut post finem anni vendantur, & Petrus capitale suum recipiat, lucrum vero dividatur.

Respondet S. Archipræsul, esse licitum, duabus conditionibus adjunctis; prima est, ut Petrus animalia tradens in se, retineat periculum fortuitum capitalis. Altera est, ut si animalia minoris vendantur, quam empta fuerint, non teneatur Joannes ad supplendum ipsi Petro pro capitali deficiente, quia tunc esset capitale salvum, adeoque usurarius contractus.

Quærit secundo, utrum legitimus sit contractus, quo Petrus boves duos Joanni locat, ea pactione, ut duo frumenti sextaria quolibet mense persolvat; retento penes se dictorum animalium periculo.

Respondet, talem contractum esse locationis, & legitimum esse, modo tamen lucrum respondeat utilitati, quæ ex bobus redundat in recipientem. Nam

si nullam utilitatem ex bobus ille perciperet, nihil dare deberet tradenti; vel certe minus solvere deberet, si deductis frumenti sextariis, quæ dat locatori, minus lucrum conductori proveniret. *Æqualitas enim, adeoque & justitia violaretur.*

Quærit tertio, utrum legitimus sit contractus, quæ Petrus locat Joanni duos boves æstimatos, ea conditione, ut anno integro colat sibi duodecim perticas terræ cum dictis bobus. evoluto autem anno boves vendantur, & tunc Petrus totum capitale suum prius recipiat, postea Joannes medietatem habeat ejus, quod reliquum erit.

Respondet, legitimum esse, modo Petrus duas condiciones observet, prima est, quod retineat sibi periculum istorum animalium. Altera, ut Joanni, ob laborem in terra sua colenda adhibitum, justam mercedem promittat ad arbitrium prudentis, pro- bique viri, deducta lucri, quod percepit, medietate. At vero si nullum lucrum ex bobus perveniret, Petrus ex ipsa sorte, siue capitali suo rescircire teneatur impensas factas a Joanne. Una conditionum istarum deficiente, contractus illicitus, & usurarius est.

Quærit quarto, quid juris, cum Petrus tradit Joanni vaccam unam æstimatam decem libris, ea pactio- ne, ut ipse Joannes illam, omnemque fructum ejus, & foetum debita diligentia servare, & sumptibus suis custodire teneatur, fructumque ejus, & foetum non alienare sine Petri tradentis assensu; obligetur in- super ad consignandum ipsi Petro de fructibus ejus, & foetibus prioribus certam quantitatem, donec vaccæ pretium integrum receperit; dimidium ve- ro fructuum, foetuumque se deinceps daturum spon- deat; adjecta conditione, ut si vacca, vel foetus ejus, culpa Joannis, aut ejus bubulci perierint, ipse Joannes integre restituere teneatur; si vero divino judi- cio, vel fortuito casu, damnum totum in Petrum refundatur.

Respondet, contractum huic iniquum esse, & il-

licitum, quia multo potior est conditio locatoris, quam conductoris. Contingere enim potest, ut, postquam Petrus sortem suam receperit, vacca cum omni fœtu, fructuque pereat, sicque Joannes damnum patiatur impensarum omnium, & laborum in vacca pascenda, & custodienda factarum.

Quærit quinto, quid juris, si Petrus locat Joanni duos boves æstimated viginti florenis, ea pactione, ut ubi consuetum est dare pro duobus bobus duodecim sextaria frumenti, det ipse Joannes tantum q̄cto; ita tamen, ut periculum suscipiat tertiæ partis animalium.

Respondet, ea conditione justum esse contractum; alioquin illicitum esse, & iniquum.

Quærit sexto, utrum legitimus sit contractus, quo boves rustico traduntur, ea pactione, ut pro eis viginti sextarii frumenti, quovis anno solvantur tradenti.

Respondet, licitum esse contractum, si bovum opera locatur, & periculum deteriorationis locator suscipit; boves enim arando deteriores fiunt; si vero velit locator animalia recuperare pretio, quo fuerant æstimata, cum illa tradidit, nec periculum immutationis, seu deteriorationis (ut ita loquar) subire, iniquus erit contractus, & usurarius. Requiritur ergo, ut animalium jacturam, vel periculum ferat, qui illa in societatem tradidit, nec damni partem in recipientem refundat, nisi ejus culpa, & negligentia contigisset, nimisq; laboribus, aut oneribus illa deteriora effecisset. Res enim in societatem traditæ domino pereunt. Necesse etiam est, ut pensio quotannis solvenda deducatur ex lucro conductoris, ipsique ultra valorem dictorum viginti sextariorum frumenti maneat aliquid lucri. Cum enim contractus societatis postulet, ut *Partes sint æquales, habito respectu ad quotam in societate positam, cum sit quoddam jus fraternitatis*; quæ æqualitas erit, quæ fraternitas, si recipiens animalia nihil ex illis lucratur, & nihilominus viginti frumenti sextarios de suo sol-

solvat; vel deducto valore viginti illorum sextariorum, nihil lucri penes ipsum maneat? *Resularet ergo potius ex tali contractu mutuum, quam fraternitas;* (inquit S. Antoninus.)

REGULA XXX.

Mutuum dare Principi, seu Toparchæ, ut ab ipsa temporale obtineatur officium, usque est.

Hanc Regulam tradit S. Thomas, Opusculi *De Regimine Judæorum*, ad Ducissam Brabantiam. „ Quærebatis (inquit) de Ballivis, & officialibus vestris, si liceat eis officia vendere, vel mutuo ab eis recipere aliquid certum, donec tantum recipiant ex officiis „ „ Quas quæstiones distinguit S. Doctor, & ad utramque singillatim respondet. Ad primam, multa licere ait, quæ non expediunt. Absolute licitum esse vendere officia mere temporalia, modo vendantur personis ad illa gerenda, & exercenda idoneis, nec tanto pretio, ut graventur emptores, nec illud facile recuperare possint. Sed tamen non expedire, ut officia illa vendantur: „ „ Quia contingit frequentes (inquit) quod illi, qui essent magis idonei ad hujusmodi officia exercenda, sunt pauperes, ut emere non possint, & si etiam sunt divites illi, qui meliores sunt, talia officia non ambiunt, nec inbiant ad lucra ex officio acquirenda. Sequitur igitur, quod ut plurimum illi officia in terra vestra suscipiant, qui sunt pejores, ambitiosi, & pecuniæ amatōres, quos etiam probabile est subditos vestros opprimere, & vestra etiam commoda non sic fideliter procurare. Unde magis videtur expediens, ut bonos homines, & idoneos ad suscipiendum vestra officia eligatis, quos etiam invitos, si necesse fuerit, compellatis; quia per eorum bonitatem, & industriam majora accrescent vobis, & subditis vestris, quam de prædicta officiorum venditione acquirere valeatis „ „

Ad quæstionem alteram de mutuo sic respondet: „ „ Si hoc pacto mutuum dant, ut officium accipiant,

pian, absque dubio pactum est usurarium, quia pro mutuo accipiunt officii potestatem; unde in hoc datis eis occasionem peccandi; & ipsi etiam tunc tenentur resignare officium taliter acquisitum. Si tamen gratis officia dederitis, & post ab eis mutuum acceperitis, quod de suo officio possint recipere, hoc absque omni peccato fieri potest „ „

R E G U L A X X X I .

Licita est, & legitima usurarum stipulatio, cum fundus fructuosus, ut prædium, domus, hortus, aut aliud huiusmodi emitur eo pacto, ut post tot annos duntaxat emptor pretium, de quo conventum est, solvere teneatur venditori, & interim venditor usuras summæ capitalis percipiat, donec ipsa soluta sit.

Id constat ex Glossa in c. *Conquesta*, Ext. de *Usuris*, cuius hæc sunt verba: „ „ Usuræ possunt etiam peti secundum Canones, ut cum vendo tibi prædium, & trado, & percipis fructus, nec solvis mihi pretium ad terminum. *Art. de Usur, L. 2.* Quod huiusmodi usuræ, & non quasi usuræ, sed quasi interesse putantur „ „

Et ex jure civili, L. *Julianus* §, *Ex vendito*, ff. De *act. empr. & vend.* cuius hæc sunt verba: „ „ Ex vendito actio venditori competit ad ea consequenda, quæ ab emptore præstari oportet; veniunt autem in hoc iudicio infra scripta; imprimis pretium, quanti res venit; item usuræ pretii post diem traditionis. Nam cum re emptor fruatur, æquissimum est eum usuras pretii pendere „ „

L. *Curabit*, C. eodem tit. „ „ Curabit Præses provincie compellere emptorem, qui natus possessionem fructus percepit, partem pretii, quam penes se habet, cum usuris restituere, quas & perceptorum fructuum ratio, & minoris ætatis favor, licet nulla mora intercefferit, generavit „ „

Denique L. *Fructus*, cuius hæc sunt verba:

„ „ Fru-

„ Fructus post perfectum jure contractum, emptoris spectare personam convenit, ad quem & functionum gravamen pertinet. Venditor quoque pretium tantum, ac si mora intercessisse probetur, usuras officio judicis exigere potest „ „

CAPUT IV.

De Luxuria.

ARTICULUS PRIMUS.

Quid sit ; & quam grave peccatum.

Luxuria peccatum est, quo venerea voluptas supra modum, & contra legem naturalem, & divinam appetitur, & percipitur. Usus nempe venereorum secundum se non est illicitus, si debito modo, & ordine fiat. „ Sicut enim ad conservationem vitæ unius homini ordinatur usus ciborum, ita etiam ad conservationem totius humani generis usus venereorum. Unde S. August. dicit lib. De Bono conjugali, cap 16. *Quod est cibus ad salutem hominis, hoc est concubitus ad salutem generis.* Et ideo sicut usus ciborum potest esse absque peccato, si fiat debito modo, & ordine, secundum quod competit salutem corporis; ita etiam & usus venereorum potest esse absque peccato, si fiat debito modo, & ordine, secundum quod est conveniens ad finem generationis humanæ „ „ (inquit S. Thomas, 2. 2. q. 153. art. 2.) Id autem debito modo, & ordine fieri non potest extra legitimum matrimonium.

Quamobrem luxuria lethale ex genere suo peccatum est, ut constat ex Apostolo ad Galat. 5. *Manifesta sunt (inquit) opera carnis, quæ sunt fornicatio, immunditia, impudicitia, luxuria, &c. quæ prædico vobis, sicut prædixi, quoniam qui talia agunt, regnum Dei non consequentur.*

Luxuria
mortale ex
genere suo
peccatum
est.

Præterea: „ Ex eo quod aliquis inordinate corpore suo utitur, injuriam facit Deo, qui est princeps templi Dei „ „ violatur.

„ ci-

„cipalis Dominus corporis nostri „ (inquit S. Thomas, art. 3. quæstionis laudatæ.) Hinc Apost. 1. ad Cor. 3. ait: *Nescitis, quia templum Dei estis, & Spiritus Dei habitat in vobis? Si quis autem templum Dei violaverit, disperdet illum Deus. . . Templum enim Dei sanctum est, quod estis vos.* Et c. 6. *An nescitis quoniam membra vestra, templum sunt Spiritus sancti, qui in vobis est; quem habetis a Deo, & non estis vestri? Empti enim estis pretio magno. Glorificate, & portate Deum in corpore vestro.* Hoc templum Dei, quod Baptismate consecratum est, de quo Tertull. ait lib. 2. *De Cultu Feminarum*, c. 1. „„ Cum omnes templum Dei simus, illato in nos, & consecrato Spiritu sancto, ejus templi æditua; & antistita pudicitia est; quæ nihil immundum, nec profanum inferri sinat, ne Deus ille, qui inhabitat, inquinatam sedem offensus derelinquat „„ Et S. Cyprianus lib. *De disciplina, & habitu Virginum*, scribit: „„ Considerantes pariter, ac scientes, quod templa Dei sunt membra nostra, ab omni fœce contagionis antiquæ lavacri vitalis sanctificatione purgata, nec violari ea, aut pollui fas sit, quando qui violat, & ipse violatur. Eorum nos templorum cultores, & antistites sumus; serviamus illi, cujus esse jam cœpimus „„ Hoc, inquam, templum luxuria polluit. Hinc S. August. Serm. 9. *De decem Cordis*, alias 96. *De Tempore*, c. 10. ait: „„ Deus, qui scit, quid tibi utile sit, qui vere sic suos servos gubernat ad utilitatem illorum, non ad suam; non enim indiget servis quasi ad adjutorium, sed tu indiges Domini auxilio; ipse ergo Dominus, qui scit, quid tibi sit utile, uxorem concessit, nihil amplius. Hoc iussit, hoc præcepit, ne per illicitas voluptates corruat templum ejus, quod esse cœpisti. Nunquid hoc ego dico? Apostolum auditis: *Nescitis, quia templum Dei estis, & Spiritus Dei habitat in vobis.* Hoc dicit Christianis, hoc dicit Fidelibus: *Si quis templum Dei corruperit, corrumpet illum Deus.* Videtis, quomodo minatur? Non vis corrumpi domum tuam, quare cor-

Corrumpis domum Dei? Certe facis alicui, quod pati non vis. Non est ergo, qua evadatur... Omnia enim peccata hominum aut ad corruptelam pertinent flagitiorum, aut ad facinora nocendi. Quia Deo nocere non potes in facinoribus, in flagitiis eum offendis, in corruptelis eum offendis, in te illi facis injuriam. Facis enim injuriam gratiæ ipsius, domui ipsius „ „

Singularem etiam Christo infert injuriam luxuria, ^{Luxuria} quatenus violat membra Christi. ^{gravata} Corpora enim nostra ^{Christo in-} membra Christi sunt ipsi tanquam capiti cohærentia, si sancte, & caste vivamus. Ipsa autem a ^{fert inju-} Christo disjungit luxuria, & cum meretrice copulat, ut ait Apost. I. ad Cor. 6. *Nescitis, quoniam corpora vestra membra sunt Christi? Tollens autem membra Christi, faciam membra meretricis? Absit. An nescitis, quoniam qui adhæret meretrici, unum corpus efficitur? Erunt enim (inquit) duo in carne una. Qui autem adhæret Domino, unus spiritus est.* Non solum in Incarnatione sese naturæ nostræ personaliter conjunxit Dei filius, sed etiam unicuique nostrum in Eucharistia substantiali simul, & sacramentali modo se conjungit. „ Seipsum nobis commiscet (*inquit* „ *S. Juan. Chryf.*) & non fide tantum, verum & te „ ipsa nos suum efficit corpus „. Luxuria vero divinam illam conjunctionem solvit, & abruptit. Hinc impudicos, & præsertim adulteros, ab Eucharistiæ communionem quædam olim Ecclesiæ in perpetuum removebant, ut constat ex illiberitani Concilii can. 3. „ Si post poenitentiam (*inquit*) fuerint mœchati, placuit ulterius eis non esse dandam Communionem, ne luisse de dominica Communionem videantur „ *Et can. 7.* „ „ Si quis forte fidelis, post lapsum mœchiæ, post tempora constituta acta poenitentia, denuo fuerit fornicatus, placuit eum, nec in fine habere communionem „ „ Christus animarum nostrarum sponsus est, ipsasque per fidem, spem, & charitatem sibi conjungit. *Despondi enim vos (inquit Apostolus) uni viro virgi-*

neti

Sap. I. 4.

Luxuriam
affine ido-
latriæ cri-
men Patres
existima-
runt.

nem castam exhibere Christo. Quamquam enim Fideles conjugati virgines non sint corpore, & spiritu, sicut Ecclesia, sancti tamen, & casti esse debent corpore, & spiritu, alioquin eorum animas Christus Virginis Filius, & Virginum Sponsus repudiabit, execrabitur. Christus enim Dei sapientia: In malevolam animam non intrabit, neque habitabit in corpore subdito peccatis.

Luxuriam affine idololatriæ crimen Patres existimant, & ad ejus gravitatem proxime accedens. Quæ de re Tertul. lib. *De Pudicitia*, c. 5. „ Itaque mœchia affinis idololatriæ (Nam & idololatriæ mœchiæ nomine, & fornicationis sæpe populo exprobratur) etiam sorte conjungetur illi, sicut & serie; etiam damnatione cohærebit illi, sicut & dispositione. . . Est & mali dignitas, quod in summo, aut in medio pessimorum collocatur. Pompam quamdam, atque suggestum aspicio mœchiæ, hinc ducatum idololatriæ antecedentis, hinc domitatum homicidii insequentis. Inter duos apices facinorum eminentissimos sine dubio digna consedit. & per medium eorum, quasi vacantem locum pari criminis auctoritate complevit. . . Ego quidem idololatria sæpissime mœchiæ occasionem subministro. Sciunt luci mei, & mei montes, & vivæ aquæ, ipsaque in urbibus templa, quantum evertendæ pudicitæ procuremus. Ego quoque homicidium nonnunquam mœchiæ elaboro. Ut tragedias omittam, sciunt hodie venenarii, sciunt magi, quot pellicatus ulciscar, quot rivalitates defendam, quot custodes, quot delatores, quot conscios auferam. Sciunt etiam obstetrices, quot adulteri conceptus trucidentur. Etiam apud Christianos non est mœchia sine nobis; ibidem sunt idololatriæ, ubi immundi spiritus res est; ibidem est & homicidium, ubi homo, cum inquinatur, occiditur „ „ Magis criminofum mœchum eo, qui metu, aut vi tormentorum in idololatriam lapsus est, contendit idem auctor c. 23. „ „ Nemo volens (*inquit*) negare compellitur; nemo nolens fornicator. Nulla ad libidinem vis est

est nisi ipsa. Negationem porro quanta compellunt ingenia carnificis, & genera pœnarum? Quis magis negavit, qui Christum vexatus, an qui delectatus amisit? Qui, cum amitteret, doluit, an qui cum amitteret, luit „„? Manichæos olim concupiscentiam adorasse, testis est *S. Epiphanius*. Luxuriosi hanc impietatem æmulantur. Cum enim corpora sua: *Hostiam viventem, sanctam, Deo placentem* offerre deberent, ea scdæ libidini, & concupiscentiæ immolant; ut de illis merito dici possit, quod de idolorum artificibus *Tertul.* lib. *de Idololatria*, c. 8. ait: „„ Colis, non spiritu vilissimi nidoris alicujus, sed tuo proprio; nec anima pecudis imperita, sed anima tua. Illis ingenium tuum immolas, illis sudorem tuum libas, illis prudentiam tuam accendis. Plus es illis quam Sacerdos... Diligentia tua numen illorum est... Negas te colere, sed illi non negant, quibus hanc saginationem, & auratiorem, & majorem hostiam cædis, salutem tuam „„ Hinc *Arnoldus Bonævallis Abbas*, *Serm. De Jejunio, & Tentationibus*, inter *S. Cyprianæ opera*: „ Genuflexo (*inquit*) concupiscentiæ suæ „ quisque idolum colit, & propriæ libidinis adoratur simulacrum „ Quid Salomonem ad idololatriam pertraxit? Nonne luxuria? 3. *Regum* c. 11. *Rex Salomon adamavit mulieres alienigenas multas... His copulatus est ardentissimo amore, & averterunt mulieres cor ejus. Cumque jam esset senex, depravatum est cor ejus per mulieres, ut sequeretur Deos alienos.*

Rom. 12. 2.

Graviter quoque peccat in seipsum luxuriosus, quatenus corpus suum polluit, & contaminat. *Corpus autem non fornicationi, sed Domino* (*inquit Apostolus*) *& Dominus corpori. Deus autem & Dominum suscitavit; & nos suscitabit per virtutem suam... Fugite fornicationem. Omne peccatum, quodcumque fecerit homo, extra corpus est; qui autem fornicatur, in corpus suum peccat.* Foedius autem, & probrosum est homini cæteris peccatis luxuriæ crimen, quod in aliis affectionibus animus a seipso vincatur, in hac vero vincatur a corpore, quod ei natura inferiore sub-

In seipsum
graviter
peccat luxuriosus.
1. Cor. 6.

Tom. VII.

H h

jectum

jectum est. „ „ Minus autem pudet, cum sibi animus ex vitiosis suis partibus non obtemperat, quam cum ei corpus, quod alterum ab illo est, atque infra illum est, & cujus sine illo natura non vivit, jubentique non cedit „ „ (inquit *S. August.* lib. 14. *De Civ. Dei*, cap. 23.)

Luxuria
gravissimū
in proximum
peccatum est.

Denique peccatum gravissimum est in proximum, teste *S. Thoma*, qu. 15. *De Malo*, inter quæstiones disputatas, art. 2. ad quartum. „ „ Omnes (inquit) corruptiones luxuriæ, quæ sunt præter legitimum matrimonii usum, sunt peccata in proximum, in quantum sunt contra bonum prolis generandæ, & educandæ „ „.

ARTICULUS II.

De luxuriæ speciebus.

7. Luxuriæ
species.

Septem sunt luxuriæ species, scilicet fornicatio simplex, adulterium, stuprum, sacrilegium, incestus, raptus, & vitium contra naturam.

Fornicatio
simplex.

Fornicatio simplex est commixtio soluti cum soluta, sive vidua sit, sive meretrix, sive concubina.

Adulterium

Adulterium est accessus ad alienum thorum, sive commixtio conjugati hominis cum aliena uxore; vel conjugati cum muliere soluta; vel feminae conjugata cum viro soluto. Hinc S. August. lib. De Bono Conjugali, cap. 6.

2. Cor. 7.

„ „ In eo ipso (inquit) quod sibi invicem conjuges debitum solvunt, etiamsi id aliquanto intemperantius, & incontinentius expectant, fidem tamen sibi pariter debent. Cui fidei tantum juris tribuit Apostolus, ut eam potestatem appellaret, dicens : *Mulier non habet potestatem corporis sui, sed vir; similiter autem & vir non habet potestatem corporis sui, sed mulier.* Hujus autem fidei violatio dicitur adulterium, cum vel propriæ libidinis instinctu, vel alienæ consensu, cum atero, vel altera contra pactum conjugale concumbitur „ „.

Stuprum,

Stuprum est illicita virginis sub cura parentum existentis defloratio. Hæc verba, sub cura parentum, statum

tum virginis usque ad matrimonium explicant. Unde si quis virginem grandævam, & sui juris existentem, etiam consentientem, extra matrimonium defloraverit, stupri reus est.

Sacrilegium in materia luxuriæ est *personæ, vel rei Deo consecratae per actum venereum violatio*. Quod committitur, cum quis sacris Ordinibus initiatus, aut solemni Professione alicui Ordini religioso addictus; aut etiam simplici voto castitatis obstrictus, luxuriæ peccatum committit; vel laicus cum sanctimoniali professa, aut muliere voto simplici castitatis Deo dicata; aut mulier secularis cum viro aliquo ex his modis sacro; aut cum duæ personæ sacrae simul venereum peccatum committunt, seu voluntate sola, vel deliberata delectatione, seu opere consummato, vel imperfecto, quales sunt aspectus, & tactus impudici, & oscula libidinosa; aut denique cum in loco sacro, id est, Ecclesia consecrata, vel benedicta, cœmeterio, aut sacello Episcopi auctoritate erecto, & divino cultui dicato, actus venerereus, etiam a conjugibus exercetur. Quæ circumstantiæ in Confessione sacramentali omnino explicandæ sunt.

Incestus est commixtio venerea personarum consanguinearum, vel affinium intra gradus prohibitos; scilicet usque ad quartum gradum consanguinitatis inclusive, item usque ad quartum gradum affinitatis ex matrimonio legitime contracto inclusive, ex copula autem illicita usque ad secundum. Ad quam speciem pertinet quidem violatio cognationis spiritualis orta ex Baptismo, vel Confirmatione, & congressus Confessarii cum filia spirituali poenitente, vel illius sollicitatio, ut constat ex can. Omnes, & ex can. Si quis Sacerdos, causa 30. qu. 1. sed sacrilegii deformitate cumulat.

Raptus est distincta luxuria species, qua persona quædam invita, vel repugnantibus ejus parentibus, aut iis, quorum cura commissa est, per vim, aut seductionem abducitur, explenda libidinis, aut matrimonii contrahendi

bendi causa ; vel in paternis ædibus , aut alibi opprimitur , & polluitur invita. Personæ nomine vir , & mulier , sive soluta , sive conjugata , sive vidua , sive virgo , sive deflorata , & corrupta , sive secularis , sive Deo sacra intelligitur. Raptum enim quandoque cum stupro conjunctum , quandoque stuprum sine raptu inveniri , scite observat *S. Thomas* , 2. 2. qu. 154. art. 7. Raptus cum stupro conjunctus est , cum aliquis vim infert puellæ ad florem virginitatis ejus delibandum. Quæ quidem vis quandoque inferitur parentibus , sed non virgini , cum scilicet ipsa consentit , ut per violentiam a paterna domo abducatur. Alio etiam modo violentia , & raptus differunt , quia quandoque puella violenter abducitur a domo parentum , & invita , repugnantisque violatur ; quandoque autem etsi violenter abducatur , non tamen violenter corrumpitur , sed volens , sive fornicario concubitu , sive matrimoniali. Sed tamen quæcunque vis illata fuerit , sive personæ , quæ abducitur , sive parentibus , tutoribus , marito , quibus reluctantibus auferitur , veri nominis raptus est , sive copula sequatur , sive non sequatur. Si ergo per vim abducatur femina , etiamsi postea in matrimonium , vel in copulam consentiat cum raptore ; ille nihilominus raptus damnatur. Raptus etiam est , cum puella reclamante patre , aut iis , qui loco sunt patris , sive tutoribus ; vel uxor invito marito abducitur , etsi consentiens , & volens. Invenitur autem raptus sine stupro , cum aliquis rapit viduam , aut puellam corruptam. Stuprum vero sine raptu , cum virgo nulla vi illata illicite defloratur.

Peccatum
contra naturam.

Peccatum contra naturam est actus venereus , ex quo generatio sequi non potest , sive qui fit præter eum usum , unde humana natura potest nascendo subsistere ; (ut loquitur S. August. lib. 3. Contra Julianum , cap. 20.) Dicitur contra naturam , quia non solum repugnat rectæ rationi , ut cætera peccata ; sed etiam naturali ordini , & modo , quo Deus utrumque sexum copulari , & per eam copulam humanum genus propagari voluit.

Qua-

Quatuor sunt illius peccati species, scilicet 1. *Mollities*, siue *Pollutio*, qua quis voluntaria seminis effusione se ipsum contaminat, vel aliena manu provocatus contaminatur.

2. *Inordinatus concubitus* est indebitus modus copulae carnalis, quo semen extra vas effunditur, aut effundendi periculum est, & generatio impeditur.

3. *Sodomia nefarium*, & abominandum prapostera libidinis crimen est, quo personae ejusdem sexus carnaliter copulantur, & commiscantur, uno turpiter agente, altero turpiter patiente.

4. *Bestialitas* est nefaria copula cum re alterius speciei, scilicet cum brutis animantibus, aut demonibus succubis, vel incubis.

5. Addi potest execranda illa species luxuriæ, quam *Fellattonem* vocant; & qui eam exercent, *Fellatores*, quos *Martialis* Poeta lib. 11. Epigrammate 61. *Lingua maritos* & ore *machos* appellat. Quo flagitio *Lesbii* turpissimi fuerunt, teste *Suida*. De quo facinore *Minucius Felix*, in *Octavio*, hæc scribit adversus *Æthnicos*; „; Etiam ille qui de adoratis Sacerdotiæ virilibus adversus nos fabulatur, tentat in nos conferre, quæ sua sunt. Ista enim impudiciæ eorum forsitan sacra sint, apud quos sexus omnis membris omnibus prostat, apud quos tota impudicitia vocatur urbanitas; qui scortorum licentiæ invident, qui medios viros lambunt, libidinoso ore inguinibus inhærescunt, homines malæ linguæ etiam si tacerent; quos prius tædescit impudiciæ suæ, quam pudefcit. Proh nefas! Id in se mali facinoris admittunt, quod nec ætas potest pati mollior, nec cogi servitus durior. Hæc, & hujusmodi propudia nobis non licet nec audire, etiam pluribus turpe defendere est „.

De his luxuriæ speciebus Regulæ quædam morum stabiliendæ superflunt, reliquis in quartam hujus Operis partem reservatis, ubi de sexto Decalogi præcepto agemus.

ARTICULUS III.
REGULÆ MORUM,*Luxuriam spectantes,*

REGULA PRIMA.

Actus omnis venereus extra legitimum matrimonium semper est peccatum lethale.

Unum enim est ex operibus carnis, de quibus Apostolus ad Galatas 5. ait; *Quoniam qui talia agunt, regnum Dei non consequentur.* Præterea, visus mulieris cum concupiscentia lethale peccatum est, secundum illud Matth. 5. *Qui viderit mulierem ad concupiscendum eam, jam mæchatus est eam in corde suo.* Cum igitur visus mulieris inter omnes actus luxuriæ primum sit, minimumque peccatum, multo magis omnes alii actus sunt peccata mortalia (inquit S. Thom. quæst. 15. *De malo*, art. 2.) Idem probat intrinseca ipsius actus inordinatio, quia scilicet „ Actus non est proportionatus generationi, & educationi prolis. Videmus enim, quod peccatum mortale est non solum homicidium, per quod vita hominis tollitur, sed etiam furtum, per quod subtrahuntur exteriora bona, quæ ad vitam hominis sustentandam ordinantur. Propinquius autem ordinatur ad vitam hominis semen humanum, in quo est homo in potentia, quam quæcunque res exteriores; & ideo inordinatio circa emissionem seminis est circa vitam hominis in potentia propinqua. Unde manifestum est, quod omnis Actus luxuriæ est peccatum mortale ex suo genere. „ Ita ratiocinatur S. Thom. ibidem.

REGULA II.

Omnis appetitus actus venerei extra fines legitimi matrimonii si sit plene deliberatus, lethale peccatum est.

Ait enim Christus Matth. 15. *De corde exeunt cogitationes male, homicidia, adulteria, fornicationes...*

nes... *Hæc sunt, quæ coinquant hominem. Quæ verba S. August. expendens lib. De continentia, cap. 2.*
 „ Nihil est (*inquit*) istorum malorum, quæ perpetrari etiam membris corporis possunt, quod cogitatio non antecedit mala, & coinquant hominem, etiamsi aliquid impediatur, ne subsequantur opera flagitiosa, & facinorosa membrorum. Si enim quia potestas non datur, vacat manus ab hominis interfec-tione, nunquid ideo mundum est a scelere cor homicidæ? Aut si rem subripere alienam, non ut quis vult, potest, nunquid ideo in ipsa voluntate fur non est? Aut si casta est, quam vult adulterare non castus, ideo eam non est in corde moechatus? Aut si meretrix non inveniatur in fornice, ideo qui eam quærit, non fornicatur in mente? ... Ita cætera mala facta hominum, quæ nullus agit corporis motus, quæ nescit ullus corporis sensus, reos suos occultos habent; quos etiam solus inquinat in cogitatione consensus, id est, oris interioris verbum malignum. In quod timens ille declinari cor suum, ostium continentiae circum labia oris hujus poni poscit a Domino, quod contineat cor, ne declinetur in verba maligna; contineat autem, non sinendo cogitationem procedere in consensionem; sic enim secundum præceptum apostolicum, non regnat peccatum in nostro mortali corpore, neque exhibemus membra nostra arma iniquitatis peccato. A quo præcepto implendo utique alieni sunt, qui ob hoc ad peccandum membra non movent, quia potestas nulla permittitur; quæ si adfit, protinus ex membrorum velut armorum motibus, quis in eis intus regnet, ostendunt. Proinde, quantum in ipsis est, membra sua exhibent arma iniquitatis peccato; quia hoc volunt, quod propterea non exhibent, quia non possunt „ „

Psal. 140.

Id confirmat S. Thomas, quæst. 15. De malo, art. 2. „ Quia (*inquit*) appetitus interior accipit bonitatem, vel malitiam ex eo, quod appetitur, inde est, quod etiam appetitus hujusmodi actus inordinati est peccatum mortale, si sit completus, scilicet cum

486 Theol. Dog. & Moral. Lib. III,
ratione deliberata; alioquin est peccatum veniale ²²²

REGULA III.

Fornicationem simplicem esse peccatum mortale,
dogma Fidei est.

Fornicatio
simplex.

Ita quippe definitum est in Clementina, *Ad nostram*, tit. *De hæreticis*, contra Beguardos, & Beguinas. Quæ definitio evidentibus Scripturæ sacræ nititur testimoniis. Ab Apostolo enim cap. 1. Epistolæ ad Romanos, inter ea peccata numeratur, de quibus ait: *Quoniam qui talia agunt, digni sunt morte.* Et ad Gal. 5. recensetur inter opera carnis, de quibus scribit: *Qui talia agunt, regnum Dei non consequentur*, 1. ad Corinth. 5. *Scripti vobis in Epistola: Ne commisceamini fornicariis, non utique fornicariis hujus mundi, aut avaris...* Nunc autem scripsi vobis non commisceri, si is, qui frater nominatur, est fornicator, aut avarus... cum ejusmodi nec cibum sumere. Et cap. 6. *Neque fornicarii (inquit) neque idolis servientes, neque adulteri, neque molles, neque masculorum concubitores...* Regnum Dei possidebunt. Ad Ephes. 5. *Omnis fornicator, aut immundus, aut avarus (quod est idolorum servitus) non habet hereditatem in regno Christi, & Dei.* Ad Hebr. 13. *Fornicatores, & adulteros judicabit Deus.* Apoc. 21. *Timidis autem, & incredulis, & execratis, & homicidis, & fornicatoribus, & veneficis, & idololatriis, & omnibus mendacibus, pars illorum erit in stagno ardenti igne, & sulphure; quod est mors secunda.*

Et in lege Dei, non solum sexto Decalogi præcepto: *Non mæchaberis*, sed & Deut. 22. ut peccatum morte dignum damnatur, & prohibetur. *Si non est in puella inventa virginitas, ejicient eam extra fores domus patris sui, & lapidibus obruent eam viri civitatis illius, & morietur, quoniam fecit nefas in Israel, ut fornicaretur in domo patris sui; & auferes mulierem de medio tui.* Et cap. 23. *Non erit meretrix*
de

de filiabus Israel, nec scortator de filiis Israel. Quem locum S. August. expendens, qu. 37. in Deuteronomium, ait: „ Ecce, ubi manifeste prohibuit fornicari, & viros, & feminas etiam cum non alienis conjugibus; peccatum esse demonstrans misceri non conjugibus suis, quando & meretrices esse, & ad meretrices accedere prohibet, quarum publice venalis est turpitudine „. Et Tobia 4. *Attende tibi ab omni fornicatione, & prater uxorem tuam nunquam pascaris crimen scire*, Et Prov. 5. *Ne attendas fallacia mulieris, Favus enim distillans labia meretricis, & nixius oleo guttur ejus, Novissima autem illius amara quasi absinthium, & acuta quasi gladius hiceps. Pedes ejus descendunt in mortem, & ad inferos gressus illius penetrant, Per semitam vitam non ambulant, vagi sunt gressus ejus, & investigabiles. Longe fac ab ea viam tuam, & ne appropinques foribus domus ejus*, Et c. 23. *Fovea profunda est meretrix, & puteus angustus, aliena, Insidiatur in via quasi latro, & quos incautos videbit, interficiet*.

Idem confirmat S. Thomas, 2. 2. qu. 156, art. 2. „ Peccatum mortale est (*inquit*) omne peccatum, quod committitur directe contra vitam hominis. Fornicatio autem simplex importat inordinationem, quæ vergit in nocumentum vitæ ejus, qui est ex tali concubitu nasciturus. Ad educationem enim hominis non solum requiritur cura matris, a qua nutritur, sed multo magis cura patris, a quo est instituendus, & defendendus, & in bonis tam interioribus, quam exterioribus promovendus. Et ideo contra naturam hominis est, quod utatur vago concubitu; sed oportet quod sit maris cum determinata femina, cum qua permaneat, non per modicum tempus, sed diu, vel etiam per totam vitam „. Hinc viris naturaliter inest sollicitudo de certitudine proles, quia illis incumbit ejus educatio. Hæc autem certitudo tolleretur si vagus esset concubitus, & nisi vir, & mulier legitimo matrimonio conjungerentur. „ Unde „ cum fornicatio sit concubitus vagus, utpote præ-

Fornicatio
simplex na-
turæ lege
prohibita.

„ter matrimonium existens, est contra bonum pro-
 „lis educandæ; ideo est peccatum mortale „. Nec
 obstat (inquit *S. Thomas*) si aliquis fornicando ali-
 quam cognoscens, sufficienter provideat proli de
 educatione: „ „ Quia id, quod cadit sub legis de-
 terminatione, judicatur secundum id, quod com-
 munitur accidit, & non secundum id, quod in ali-
 quo casu potest accidere „ „

Contrarius
 error a Se-
 de apostoli-
 ca damna-
 tus.

Denique ab *Innocentio XI.* Pontifice maximo dam-
 nata est inter alias hæc propositio ordine 48. „ „ Tam
 clarum videtur, fornicationem secundum se nullam
 involvere malitiam, & solum esse malam, quia in-
 terdicta, ut contrarium omnino rationi. dissonum
 videatur „ „

Hanc etiam damnavit generalis Cleri gallicani Con-
 ventus, ut *scandalosam, perniciosam, castarum, &*
piarum aurium offensivam, & erroneam.

Hæc propositio cum septimo Beguardorum, &
 Beguinarum errore a *Clemente V.* damnato in Con-
 cilio Viennensi affinitatem habet: „ „ Mulieris oscu-
 lum (*inquebant*) cum ad hoc natura non inclinet,
 est mortale peccatum; actus autem carnalis, cum
 ad hoc natura inclinet, peccatum non est, maxime
 cum tentatur exercens „ „

R E G U L A I V.

Fornicatio cum publicæ libidinis victimis gravius
 peccatum est furtivo cum aliis publice, ac promi-
 scue non prostitutis concubitu.

Graviorem namque proli facit injuriam; siquidem
 hujusmodi congressu non solum impeditur bona
 educatio prolis nascituræ, sed etiam fit, ne ulla pro-
 les nascatur. Attamen utraque fornicatio ejusdem est
 speciei, utraque lethale peccatum, de utraque ab
 Apostolo scriptum est ad Ephesios 5. *Fornicatio au-*
tem, & omnis immunditia nec nominetur in vobis, si-
aut decet sanctos. . . Hoc enim sciote intelligentes, quod
omnis fornicator, aut immundus non habet hereditatem
in

in regno Christi, & Dei. Et quamvis meretrices quibusdam in locis tolerentur, & quæstum publice facere permittantur; hinc inferri non potest, fornicationem cum ipsis, & ab ipsis perpetratam non esse peccatum lethale; sed solum esse minus adulterio, stupro, raptu, incestu, & peccatis contra naturam; quia lex humana multitudini posita est, in qua major pars est hominum non perfectorum virtute; & ideo lege humana non prohibentur omnia vitia, a quibus abstinent homines virtute præditi; sed solum graviora, a quibus majorem populi partem abstinere possibile est, spectata hominum in malum propensione; sed præcipue quæ grave nocumentum aliis inferunt, sine quorum prohibitione societas humana conservari non posset (ut ait *S. Thomas*, 1. 2. quæst. 96. art. 2.) Sed pleraque vitia, quæ lege humana tolerantur, divina lege nihilominus severissime vindicantur. Unde *S. Hieron.* in Epitaphio *Fabiola* ad *Occanum*, ait: „ Aliæ sunt leges Cæsarum, aliæ Christi; aliud *Papinianus*, aliud *Paulus* noster præcipit. Apud illos viris impudicitæ fræna laxantur, & solo stupro, atque adulterio condemnato, passim per lupanaria, & ancillulas libido permittitur; quasi culpam dignitas faciat, non voluntas „ „ Et *S. August.* lib. 1. *De libero Arbitrio*, cap. 5. probat illam *Evodii* sententiam; „ „ Videtur mihi & legem istam, quæ regendo populo scribitur, recte ista permittere, & divinam providentiam vindicare. Ea enim vindicanda sibi hæc lex populi assumit, quæ satis sint conciliandæ paci hominibus imperitis, & quanta possunt per hominem regi. Illæ vero culpæ alias poenas aptas habent, a quibus sola mihi videtur posse liberare sapientia. Ait autem *S. August.* Laudo, & probo istam, quamvis inchoatam, minusque perfectam, tamen fidentem, & sublimia quædam petentem distinctionem tuam. Videtur enim tibi lex ista, quæ regendis civitatibus fertur, multa concedere, atque impunita relinquere, quæ per divinam tamen providentiam vindicantur; & recte. Neque enim, quia non omnia fa-

facit, ideo, quæ facit, improbanda sunt „ „. Hinc lib. *De Ordine*, cap. 4. „ „ Quid fordidius (*inquit*) quid inanius decoris, & turpitudinis plenius meretricibus, lenonibus, cæterisque hoc genus pestibus dici potest? Aufer meretrices de rebus humanis, turbaveris omnia libidinibus. Constitue matronarum loco, labe, ac dedecore dehonestaveris. Sic igitur hoc genus hominum per suos mores impurissimum vita, per ordinis leges conditione vilissimum „ „.

R E G U L A V.

Concubinatus gravius aliis fornicationibus crimen est.

Statum enim, & perseverantiam in fornicatione addit, & quasi uxoriæ cum fornicaria muliercula, quam domi retinet, vel ad quam foris habitantem frequentius adit, consuetudinem. Quamobrem non solum fornicationum aliarumve obicentatum cum concubina commissarum, numerus in sacramentali Confessione exprimendus est, verum & temporis intervallum declarandum, quo ipsam apud se detinuit, vel cum ea alibi manente impudicum habuit commercium concubinarius; cum verisimile non sit, id absque gravi proximorum scandalo factum esse.

Concubinarius po-
riorum po-
na.

Concubinarios excommunicatione plectendos Ecclesia decrevit in Concil. Varensi can. 117. & in Concilio Tridentino sess. 24. *De Reformatione matrimonii*, cap. 8. „ „ Grave peccatum est (*inquit*) homines solutos concubinas habere; gravissimum vero, & in hujus magni Sacramenti singularem contemptum admissum, uxoratos quoque in hoc damnationis statu vivere, ac audere eas quandoque domi etiam cum uxoribus alere, & retinere. Quare ut huic tanto malo S. Synodus opportunis remediis provideat, statuit, hujusmodi concubinarios, tam solutos, quam uxoratos, cujuscunque status, dignitatis, & conditionis existant, si, postquam ab Ordinario, etiam ex officio, ter admoniti ea de re fuerint, concubinas non ejecerint.

cerint, seque ab earum consuetudine non sejunxerint, excommunicatione feriendos esse, a qua non absolvantur, donec re ipsa admonitioni factæ paruerint. Quod si in concubinato per annum, Censuris neglectis, permanserint; contra eos ab Ordinario severe pro qualitate criminis procedatur. Mulieres, siue conjugatæ, siue solutæ, quæ cum adulteris, siue concubinariis publice vivunt, si ter admonitæ non paruerint, ab Ordinariis locorum, nullo etiam requirente, ex officio graviter pro modo culpæ puniantur; & extra oppidum, vel dioecesim, si id eisdem Ordinariis videbitur, invocato, si opus fuerit, brachio seculari, ejciantur; aliis pœnis contra adulteros, & concubenarios inflictis in suo robore permanentibus „ „

Clericos publice concubenarios a perceptione fructuum omnium suorum beneficiorum, trium mensium spatio, statim ipso facto suspensos; deinde, nisi post monitionem Ordinarii infra brevissimum tempus concubinas dimittant, beneficiis omnino privari, Basileense Conc. edixit, quod Decretum Synodus Frisingensis anno 1440. & Rothom. anno 1445. can. 21. ac tandem Conc. Lateranense 5. sub Leone X. in concordatis tit. 29. confirmavit. Eisdem Clericos concubenarios, usquequo cum eis per suos Superiores, post ipsarum concubinarum dimissionem, manifestamque vitæ emendationem, fuerit dispensatum, ad quoscunque honores, dignitates, beneficia, & officia inhabiles, concordata, & Synodus Lateranensis declarant; qui, si post dispensationem ad publicum hujusmodi concubinatum redierint, sine spe alicujus dispensationis perpetuo ad prædicta inhabiles futuros decernunt. Publici autem concubinarij sunt intelligendi: „ „ Non solum ii, quorum concubinatus per sententiam, aut confessionem in jure factam, seu per rei evidentiam, quæ nulla possit tergiversatione celari, notorius est; sed etiam qui mulierem de incontinentia suspectam, & diffamatam tenent, & per suum Superiorem admoniti, ipsam

Clericorum
concubina-
riorum pes-
næ,

ipsam cum effectu non dimittunt „ „ (inquiunt eadem Concordata.) Non esse ordinandum eum, qui ex concubina filios suscepisset, aut mortua legitima uxore concubinam haberet, Conc. Aurelianense 3. lanxerat, can. 9.

Uxores sine
dotalium
tabularum
solemnitate
ductæ, olim
concubinæ
vocaban-
tur.

Nec vero aliquis sibi persuadeat meretricios amores, & concubinatum olim Ecclesiam permisisse, quod Conc. Toletanum 1. can. 17. relato can. *Is, qui*, dist. 34. decreverit, ut „ „ *Is, qui non habet uxorem*, & pro uxore concubinam habet, a communione non repellatur; tamen ut unius mulieris, aut uxoris, aut concubinæ sit conjunctione contentus „ „ Nam de concubinis improprie dictis Canon ille intelligendus est, quæ quodammodo uxores erant, quamquam nec dotalibus instrumentis, nec solemniter ductæ Hanc explicationem tradunt Gregoriani Decreti censores. Concubinas scilicet duplicis olim fuisse generis observant; quasdam ad tempus adhibitæ, quarum concubitus turpem fuisse docent, etiam si filiorum procreandorum causa haberetur, de quibus locutum fuisse *S. August.* can. *Audite*, & can. *Concubina*, causa 32. qu. 2. laudatum, ajunt. Nec de his intelligendum Concilii Toletani canonem. Alias autem concubinas velut uxores fuisse, quæ sine dotalium tabularum solemnitate ductæ fuerant, quomodo Abraham, & Jacob ancillas pro uxoribus habuerunt, quæ tamen interdum concubinæ, interdum uxores in Scriptura sacra, & a Patribus appellantur. Hoc concubinarum genus olim fuisse licitum. De his loqui *Justinianum* Novella 18. apud *Julianum* antecessorem, & *S. August.* lib. *De Bono Conjugali*, cap. 5. relato can. *Solet*, causa 23. qu. 2. tametsi dubitantem. In his autem concubinis tria fuisse necessaria; primum, ut uterque esset solutus; deinde fidem mutuam, scilicet, quod alteri non jungerentur, neque abhorrerent a procreatione filiorum; tertium, ut usque ad mortem in ea vitæ conjunctione manendum sibi proponerent. Et in his scribere *S. August.* posse aliquo modo dici nuptias esse,

&

& connubium, quamvis sic habitam non audeant appellare uxorem; quia non intervenerant instrumenta dotalia, & reliqua solemnia juris, ut colligitur ex prædicta Novella 18. & ex can. *Aliter*, causa 30. qu. 5. Itaque hujusmodi mulieres vocari concubinas; sed ob illa tria, ac præcipue, quod in affectu maritali permanere statuerant, permissam illis communionem. Habitas nimirum fuisse tanquam uxores minus solemniter ductas. Alias Toletani Canonis affert explicationes *Ferdinandus de Mendoza*, Commentarii in Conc. Illiberitanum cap. 8. Sed quocumque sensu explicetur, certum est, concubinatum ab Ecclesia pro re turpi, gravique crimine semper habitum fuisse. Cujus veritatis testes sunt.

Tertullianus, lib. *De Pudicitia*, cap. 4. „ „ „ Omne Concupiscit natus semper ab Ecclesia pro gravi crimine habitus. (inquit) homicidium extra sylvam, latrocinium est; ita & ubicumque, vel in quacumque semetipsum adulterat, & stuprat, qui aliter, quam nuptiis utitur. Ideo penes nos occultæ quoque conjunctiones, nec prius apud Ecclesiam professæ, juxta mœchiam, & fornicationem judicari periclitantur. Nec inde confertæ obtentu matrimonii crimen eludant „ „ „

Minucius Felix, in Octavio, sic gentiles allocutus: „ Nos pudorem non facie, sed mente præstamus; „ unius matrimonii vinculo inhæremus; cupiditate „ procreandi, aut unam scimus, aut nullam „ „

S. Joan. Chrys., Serm. contra Concubinos, duas tantum vias agnoscit, quibus viri mulieribus cohabitant: „ „ Et una quidem (inquit) vetus est, ac justa, rationique consentanea, nempe matrimonium, quod Deo legislatore institutum; altera vero posterior, & ex confesso injusta, legique adversa; nempe concubitus, sive stuprum, quod a malignis introductum est dæmonibus „ „ „

S. Ambrosius, lib. 1. *De Abraham*, cap. 7. „ „ Habet (inquit) omnis viri, mulierisque concubitus, nulla legitimi matrimonii sorte celebratus, suam culpam. Nulli licet scire mulierem, præter uxorem. Ideoque conjugii tibi datum est jus, ne in laqueum incidas,

&

& cum aliena muliere delinquas. . . Tolerabilior est, si lateat culpa, quam si culpæ usurpetur auctoritas. Nec hoc solum est adulterium, cum aliena peccare conjuge, sed omne, quod non habet potestatem conjugii „ „

S. August. Serm. 392. alias 49. inter Homil. 50. „ „ Audite charissimi membra Christi, & matris catholicæ filii. Quod dico Competentibus, audiant Fideles; quod dico Fidelibus, audiant Competentes; quod dico Competentibus, & Fidelibus, audiant pœnitentes; quod dico Fidelibus, Competentibus, & pœnitentibus, audiant Cathecumeni, audiant omnes; omnes timeant, nemo contemnat. Sit mihi in consolationem vester auditus, ne sit vobis in testimonium dolor meus. Competentibus dico, fornicari vobis non licet. Sufficiant vobis, aut uxores, aut nec uxores: Concubinas vobis habere non licet. Audiat Deus, si vos surdi estis; audiant Angeli ejus, si vos contemnitis: Concubinas vobis habere non licet. Et si non habetis uxores, non licet vobis habere concubinas, quas postea dimittatis, ut ducatis uxores; quanto magis damnatio vobis erit, si habere volueritis & concubinas, & uxores „ „ ?

Et lib. *De Bono Conjugali*, cap. 14. „ „ Itaque (*inquit*) si forte, quod utrum fieri possit ignoro, magisque fieri non posse existimo; sed tamen si forte ad tempus adhibita concubina filios solos ex eadem commixtione quæserit; nec sic ista conjunctio, vel earum nuptiis præponenda est, quæ veniale illud operantur. Quid enim sit nuptiarum considerandum est. non quid nubentium, & immoderatus nuptiis utentium. Neque enim si agris inique, ac perperam invalis ita quilibet utatur; ut ex eorum fructibus largas eleemosynas faciat, ideo rapinam justificat; neque si alius ruri paterno; vel juste quæsito avarus incumbat, ideo culpanda est juris civilis regula, qua possessor legitimus factus est. Nec tyrannicæ factionis perversitas laudabilis erit, si regia clementia tyrannus subditos tractet; nec vituperabilis ordo regis potestatis, si
Rex

Rex crudelitate tyrannica sæviat. Aliud est namque injusta potestate julte velle uti, & aliud est justa potestate injuste uti. Ita nec concubinæ ad tempus adhibitæ, si filiorum causa incumbant, justum faciunt concubinatum suum; nec conjugatæ, si cum maritis lasciviant, nuptiali ordini crimen imponunt „„.

S. Leo Epist. 2. alias 92. ad *Rusticum* Narbonensem Episcopum, inquisitioni quartæ, quintæ, & sextæ illius respondens: „„ Non omnis mulier (*inquit*) juncta viro, uxor est viri, quia nec omnis filius hæres est patris. Nuptiarum autem fœdera inter ingenuos sunt legitima, & inter æquales, multo prius hoc ipsum Domino constituyente, quam initium romani juris existeret. Itaque aliud est uxor, aliud concubina; sicut aliud ancilla, aliud libera... Unde cum societas nuptiarum ita ab initio constituta sit, ut præter sexuum conjunctionem haberet in se Christi, & Ecclesiæ Sacramentum; dubium non est, eam mulierem non pertinere ad matrimonium, in qua docetur nuptiale non fuisse mysterium. Igitur cujuslibet loci Clericus, si filiam suam viro habenti concubinam in matrimonium dederit, non ita accipiendum est, quasi eam conjugato dederit, nisi forte illa mulier, & ingenua facta, & dotata legitime, & publicis nuptiis honestata videatur... Paterno arbitrio viris injectæ carent culpa, si mulieres, quæ a viris habebantur, in matrimonio non fuerunt, quia aliud est nupta, aliud concubina... Ancillam a thoro abjicere, & uxorem certæ ingenuitatis accipere, non duplicatio conjugii, sed profectus est honestatis „„.

R E G U L A V I.

Absolvi sacramentaliter non debet concubinaris, nisi concubinam dimiserit, firmumque ad eam non redeundi propositum habuerit. Idemque ferendum judicium est de omnibus, qui in proxima peccandi occasione versantur; ipsis scilicet neganda est absolutio, nisi ab hujusmodi occasione reipsa, & ex animo recesserint.

Concubini non absolvendi, nisi concubinas dimiserint.

Matth. 5.

Peccati scilicet affectum non deposuerunt, qui proximum illud committendi occasionem dimittere nolunt, imo illam amant: *Qui enim amat periculum, in illo peribit* (inquit Spiritus sanctus, *Eccli. 3.*) Et Christi Domini præceptum aperte violant, qui cum in præclaro illo sermone coram discipulis in monte habito, quo christianæ disciplinæ summa continetur, præmisisset: *Omnis, qui viderit mulierem ad concupiscendum eam, jam mæchatus est eam in corde suo, statim subjunxit: Quod si oculus tuus dexter scandalizat te, erue eum, & projice abs te; expedit enim tibi, ut pereat unum membrorum tuorum, quam totum corpus tuum mittatur in gehennam. Et si dextra manus tua scandalizat te, abscinde eam & projice abs te; expedit enim tibi, ut pereat unum membrorum tuorum, quam totum corpus tuum eat in gehennam.* Quod documentum alia occasione repetendum duxit Christus, ut illius necessitatem discipulis inculcaret, *Matth. 18.* Cum enim præmisisset: *Væ homini illi, per quem scandalum venit; statim adjecit: Si autem manus tua, vel pes tuus scandalizat te, abscinde eum, & projice abs te; bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te, bonum tibi est cum uno oculo in vitam intrare, quam duos oculos habentem mitti in gehennam ignis.* Quod etiam legitur *Marci 9.* Quibus Christi Domini oraculis admonemur, peccandi occasiones procul a nobis removendas, & a personis quibuscum summa nobis necessitudo, & conjunctio est, vel quarum opera nobis non solum utilis est, sed quodammodo necessaria, esse omnino discedendum sub poena damnationis æternæ, si nobis peccandi occasionem præbeant. Ita hunc locum explicant summo consensu SS. PP.

S. Hilarius, cap. 4. in Matthæum: „Carere (inquit) non solum propriis vitiis, sed & extrinsecus incidentibus admonemur. Non enim ex causis peccantium membrorum, corporis damna præcepta

pta sunt; dextro enim oculo non minus sinister erraret; certe pes sensu concupiscentiæ carens domino inutilis est, in quem poenæ causa non incidet. Sed quia diversa invicem membra, corpus tamen omnes unum sumus, abjicere a nobis, vel potius eruere propinquitates charissimorum nominum admonemur, si in illis aliquid tale cernamus, ne in consortium criminis eorum de familiaritate veniamus; rectius utilibus, & maxime necessariis, tanquam oculi, & pedis membris carentes, quam usque in societatem gehennæ, vitiosæ propinquitatis teneamus affectu „ „.

S. Pacianus, Epist. 3. ad *Sympronianum* novatianum, qui in his Evangelii locis abutebatur, ut lapsos a poenitentia repellendos esse probaret: „ „ Vides (*inquit*) non de poenitentibus dictum, sed de his, qui non solum ipsi in facinore perseverant, verum etiam nos scandalizare non desinunt. Hi, quamlibet chari sint, relinquendi; quamlibet utiles, deferendi sunt „ „.

S. Joan. Chrys., Hom. 17. in *Mattbaum*, ait, Christum his verbis *Iram* significasse, *qua in ejusmodi feminas uti debemus*. Et idcirco subjunxisse; *si oculus tuus dexter scandalizat te, erue eum. & projice abs te*. Ne enim diceret: „ „ Quid igitur, si propinqua sit, si aliqua mihi necessitudine conjuncta? Propterea ista mandavit, cum utique non de membrorum disturbanda compage differat; absit. Nusquam enim carnis crimen adesse enuntiat, sed utique malum arguit voluntatis. . . Quod si membris ista loqueretur, nequaquam vel de uno, vel de dextro id oculo, sed indifferenter de utroque. Qui enim dextro scandalizatur oculo, haud dubium quin idipsum etiam patietur de sinistro. Quam igitur ob causam dextrum posuit, & manum adjecit? Ut scilicet disceres, non de membris esse sermonem, sed de his potius, qui nobis familiaritate junguntur. Et si igitur tantum aliquem diligas, ut eo dextri oculi utaris vice; aut ita tibi quempiam esse utilem putes, ut eum dexteræ manus ducas loco, & hi tamen animæ tuæ

fortassis incommodent; etiam istos (inquit) a te abscinde. Et diligentius vim ipsam sermonis examina. Non enim dixit, a talium societate discede; sed maximam separationem indicans: *Erue* (inquit) & *projice abs te*. Deinde quia satis severe præceperat, lucrum ex utroque ostendit: *Expedi enim tibi* (inquit) *ut pereat unum membrorum tuorum, ac non totum corpus tuum mittatur in gehennam*. Cum enim nec seipsum certe salvet, qui tibi fuerit adjunctus, & te perditionis suæ socium faciat; quæ tandem illa humanitas sit, utrumque demergi, cum liceat vel unum separatione servare? . . . Et idcirco non ait tantummodo: *Erue*, sed, *Projice* (inquit) *abs te*; ut eum nunquam recipias ulterius, si, qualis fuerat, perseverat. Hoc enim modo & illum majori crimine liberabis, & te a perditione salvabis. Ut autem manifestius commodum istius legis aspicias, si placeat etiam in corpore, ex gr. id quod dictum est, requiramus. Si enim daretur electio, unumque esset necessarium e duobus, videlicet, aut cum ambobus oculis in foveam ruere, atque ibidem perire; aut etiam absque uno oculo reliquum salvare corpus; putarne e duobus suscipere non malles secundum? Istud omnibus absque ambiguitate perspicuum est; non enim hoc esset odio habentis oculum, sed corpus reliquum diligentis. Hoc etiam in viris consideretur, & feminis. Si qua enim tibi noceat amando, incurabilisque permaneat; & te omni peste, dum sic abscinditur, liberabit; & ipsa a majoribus est erepta peccatis, non jam ultra cum suis malis etiam crimen tuæ perditionis admiscens „ „.

Non absol-
vendi nisi
qui proxi-
mas occa-
siones pec-
candi dimi-
serint.

S. August. lib. 1. De Sermone Domini in monte, cap. 13. „ „ Hic vero (inquit) magna opus est fortitudine ad membra præcidenda. Quidquid enim est, quod significat oculus, sine dubio tale est, quod vehementer diligitur. Solet enim & ab eis, quæ vehementer volunt exprimere dilectionem suam, ita dici, diligo eum ut oculos meos, aut etiam plus, quam oculos meos. Quod autem additum est, *dex-*

ter, fortasse ad augendam vim dilectionis valet, Quamquam enim ad videndum isti oculi corporis communiter intendantur, & si ambo intendantur, æqualiter possint; amplius tamen formidant homines dextrum amittere. Ut iste sit sensus: Quidquid illud est, quod ita diligis, ut pro dextro oculo habeas, si scandalizat te, id est, si tibi impedimento est ad veram beatitudinem, erue illud, & projice abs te. Expedit enim tibi, ut pereat unum horum, quæ ita diligis, ut tanquam membra tibi hæreant, quam ut totum corpus tuum eat in gehennam „ „.

Merito itaque hæc Propositio ab Academiis celebrimur, & ab Episcopis gallicanis, & ab *Alexandro VII.* Pontifice maximo damnata est; „ „ Non est obligandus concubinarium ad ejiciendam concubinam, si hæc nimis utilis esset ad oblectamentum concubinari, dum deficiente illa nimis ægre vitam ageret, & aliæ epulæ concubinarium magno tædio afficerent, & alia famulæ nimis difficile inveniretur „ „.

Propositio
damnata

R E G U L A VII.

Lethalis peccati rei sunt, & Absolutionis incapaces, qui lenocinium exercent, quamdiu in voluntate, & occasione infame illud commercium exercendi perseverant.

Gravius est ipsorum, quam meretricum, & fornicatorum, vel adulterorum crimen, cum infelices feminas ad crimen illiciant, illisque auctores sint flagitii, & viris ad scdram voluptatem explendam absque voluptatis carnalis sensu cooperentur; sicque dæmonis officio fungantur. Hinc *Tertullianus*, lib. *De Idololatria*; cap. 11. „ „ Nam quod ipsam carnem meam a lupanaribus segregavi, agnosco me neque lenocinium, neque id genus lucrum alterius causa exercere posse. Sed & homicidii interdictio ostendit mihi lanistam quoque ab Ecclesia arceri; neque per se non faciet, quod faciendum aliis subministrat „ „. Adversus infame illud hominum genus editus est Trullanæ Synodi Ca-

non 86. quo statutum est: „ Eos , qui ad animarum
 „ lapsum meretrices cogunt , & alunt ; si sint quidem
 „ Clerici , deponi ; si vero laici , segregari „. His Com-
 „ munionem nec in fine dandam censuit Illiberitana Sy-
 „ nodus , Can. 12. ut pestem illam , quæ in Hispa-
 „ nia grassabatur , severiore disciplina , & acriore re-
 „ medio compesceret. „ „ Mater (*inquit*) vel paren-
 „ tes vel quælibet Fidelis , si lenocinium exercuerit ,
 „ eo quod alienum vendiderit corpus , vel potius suum ,
 „ placuit eam nec in fine accipere Communionem „ „.

Disciplinæ istius severitas postea temperata est , &
 ad duos annos poenitentiae redacta ; sed tamen lau-
 datum est Illiberitanæ Synodi Decretum ad gravita-
 tem criminis ostendendam , ut constat ex poeniten-
 tiali *Theodori Cantuariensis Archiepiscopi* , & ex *Bur-*
chardo Wormatiensi , lib. 19. c. 278. Lenones ultimo
 supplicio afficiendos *Justiniano Imperatori* placuit ,
 quem *Theodora Augusta* suasu sodalitia meretricum ,
 & lenonum substituisse , refert *Procopius* , L. 1. *De*
Ædificiis Justiniani. Gravius enim istud crimem , tur-
 pius , & reipublicæ exitius jure existimavit , quam
 pecuniaria furta , & latrocinia , cum castitas , cujus
 furtum , & latrocinium est , sit pecuniis , & tempora-
 libus omnibus bonis pretiosior , animæque , & corpo-
 ris thesaurus. Unde pestiferos illos castitatis vastato-
 res , & vetulas seductrices mulierum , turpeque com-
 mercium exercentes , Ecclesia , Principesque chri-
 stiani gravissimis pœnis affecerunt. Hujus criminis ,
 & illati ab infamibus hujusmodi personis proximo
 nocumenti gravitatem collige ex illis *Tertulliani* ver-
 bis , *Apologetici* cap. ult. Ethnicos alloquentis : „ „ Pro-
 „ batio est innocentiae nostræ iniquitas vestra. Ideo nos
 „ hæc pati Deus patitur. Nam , & proxime ad lenonem
 „ damnando christianam , potius , quam ad leonem ,
 „ confissi estis labem pudicitiae apud nos atrociorē
 „ omni pœna , & omni morte reputari „ „.

Christianos Principes , & magistratus ad hanc luem
 depellendam excitare debet præclarum *Florenti* Præ-
 fecti prætoris exemplum ; quod a *Theodosio Impera-*
 tore

Novella
 Const. 14.
 tit. 1. De
 Lenonib.

tere merito laudatum est, & ad memoriam posteritatis sempiternam transmissum novella constitutione 18. Cum scilicet lenones illata in ærarium publicum annis singulis tributi nomine ingenti pecuniæ summa, exercendi lenocinii libertatem obtinuissent, vir illustris proprium patrimonii fundum ærario obtulit, ex cujus redditibus posset accedere, quod pessimum illud genus consueverat pensitare; sicque rempublicam a pudendæ turpitudinis labe, atque ignominia liberavit. *Theodosius* enim illustris Præfectorum liberalitatem, & providentiam gratam habens, lenones verberum, & exilii poenis damnavit.

Eandem vigilantiam, eundemque zelum in magistratibus ad tantam turpitudinem ab hoc regno christianissimo depellendam postulat Ecclesia gallicana in conventu Melodunensi congregata, tit. de publicorum criminum correctione. „ Rogandi iudices, & magistratus, ut ejus criminis convictos, emendandos, & corrigendos curent; focarias nullas patiantur inultas, ne modicum fermenti totam massam corrumpat, & dissipatis lupanaribus publicis tanta colluvies honestissimas quasque familias inhonestet, & corrumpat. Ab iis Principibus, & Magistratibus etiam petimus, ut istiusmodi impudicis mulieribus omnis auri, argenti, & serici usus interdicatorum. Indecens enim est impudica, & invereconda scorta, pudicarum, ac honestarum ornamento mulierum honorari. Omnes ex lenocinio quæstum facientes procul exilio amandent „ „ Idem *S. Carolus Borromeus* edixit in Conc. Mediol. 1. p. 2. tit. de Meretricibus, & Lenonibus.

Lenocinii autem rei sunt, qui mulierum ingenuarum, aut juvenum animos, vel muneribus vel blanditiis, vel consilio, vel quibusvis malis artibus ad fœdos amores pelliciunt, & turpium voluptatum conciliatores, vel conciliatrices existunt. *S. Antonini* verbis minus quidem elegantibus, sed sententiosis id exprimam. „ „ Mediatores in hujusmodi de turpibus, qui portant ambassiaras de talibus materiis, sive

viri, siue mulieres, vel qui persuadent, vel qui deferunt literas scienter in istis etiam honesta continentes, sed ad contrahendam malam amicitiam, nulli dubium, quin peccent mortaliter. Digni enim sunt morte æterna, videlicet non solum, qui faciunt huiusmodi, sed etiam qui consentiunt facientibus (*Rom. I.*) Unus autem modus consensus est per cooperationem, ut hoc, & multo magis mittentes ipsas literas, & scienter recipientes, & legentes „ „

REGULA VIII.

Lethalis peccati rei sunt patres, & matres, nec absolvi sacramentaliter debent, qui filios, aut filias scortantes non prohibeant a scelere.

Mandatum enim Dei violant, Eccl. cap. 7. exartum; *Filiæ tibi sunt? Serva corpus illarum, & non ostendas hilarem faciem tuam ad illas. Trade filiam tuam, & grande opus feceris, & homini sensato da illam.* Et cap. 42. *Filia patris abscondita est, vigilia, & sollicitudo ejus aufert somnum, ne forte in adolescentia sua adultera efficiatur, & cum viro commorata odibilis fiat; nequando polluat in virginitate sua, & in paternis suis gravida inveniatur, aut certe sterilis efficiatur. Super filiam luxuriosam confirma custodiam; ne quando faciat te in opprobrium venire inimicis, a detractioe in civitate, & abiectione plebis, & confundat te in multitudine populi.*

Confirmatur ex *Elia* Cretensis Metropolitæ responsis ad interrogationes *Dionysii* monachi, intertis lib. 5. juris Græco-Romani. „ „ Quantum autem ad illud pertinet (*inquit*) an oporteat Sacerdotes suscipere oblationes patrum illorum, quibus scientibus filii in potestate positi scortantur, necne? (*Hæc enim tua interrogatio quarta.*) Ajo, si scortantium, nec a scortatione recedentium admittendæ sunt, & patrum etiam omnino, quorum permissu liberi scortantur. Nam non vetare scientes, sed tacere, permittere proculdubio est. Quod si non illud, hoc quoniam

nam modo? Atqui scortantium non sunt admittenda; nec igitur eorum, qui conscii participant. Conscium autem, & participem esse patrem perspicuum est. Eo enim illud pertinet: Si conspiciebas furem, cum eo concurrebas, & cum mœcho partem tuam ponebas. Et in septuagesimo primo Canone magni Basilii, qui his verbis pronuntiant: Conscius cum unoquoque delinquentium, non confessus, sed convictus, tanto tempore sub pœna erit, quanto is, qui est mali auctor, emendatur. Quamquam hic in filio, qui sciente patre scortatur, plus quidpiam conspicitur, quam de quibus dictum est. Adeo enim subiecti sunt patribus filii, ut neque legitimæ uxori sine illorum consensu conjungi possint. Nuptiæ enim sine iis, qui habent in potestate coeuntes (ut iterum Magnus ille inquit quadragesimo secundo Canone) sunt scortationes. . . Si hæc igitur ita se habent, quis horum patrem pœna scortantium eximet? Ideoque, & hic quemadmodum filius, erit excommunicatus; quia cum posset prohibere, aut aliter legitimo elocare matrimonio, nihil horum fecerit. Quonam autem modo non magis Deum exacerbat, qui cum peccati causam non præcidat, oblationibus, & precationibus placari Deum arbitrat? Idem enim faceret cum iis, qui iniquitatem commiserunt, & iniuste parta possident, sed malefactorum remitti sibi pœnam a iudice muneribus deprecantur. Hi enim talia deprecantes, acerbior omnino sibi potius reddent iudicem „ „.

R E G U L A I X.

Lethalis peccati rei sunt, qui domos suas meretricibus, vel lenonibus scientes locant; nec debent absolvi, donec infames illos conductores, vel conductrices expulerint.

Qui enim domos suas huiusmodi pestibus locant, participes sunt lenocinii, turpisque commercii conniventia sua, & favore, participes sunt &

scandali, quod toti vicinæ creatur. Hinc gravem poenam illis leges ipsæ civiles infligunt, ut constat ex novella Constitutione 14. *Justiniani*, tit. *De Lenonibus*, cujus hæc sunt verba; „ Si quis autem patiatur in sua domo quemdam lenonem, & hujusmodi præpositum operationis habere, & hæc denuntiata, cognoscens, non etiam domo sua expulerit; sciat se & decem librarum auri sustinere poenam, & circa ipsam periclitaturum habitationem „ „

R E G U L A X.

Stuprum gravius peccatum est fornicatione simplici.

Stuprum.

Virginis enim sub custodia parentum existentis defloratio singularem involvit deformitatem; „ Tum ex parte puellæ, quæ ex hoc, quod violatur, nulla pactione conjugali præcedente, & impeditur a legitimo matrimonio consequendo, & ponitur in via meretricii, a quo retrahebatur, ne signaculum virginitatis amitteret; tum etiam ex parte patris, qui de ejus custodia sollicitudinem gerit, secundum illud Eccl. 42. *Super filiam luxuriosam confirma custodiam, ne quando faciat te opprobrium venire inimicis* „ „ Ita S. Thomas, 2. 2. qu. 154. art. 6.

Nec refert, si puella, & ejus parentes consentiant; illicitus enim hujusmodi consensus stupri deformitatem non tollit; peccant siquidem tam stuprator, quam puella contra naturalem ordinem, secundum quem signaculum virginitatis integrum, & inviolatum in puella servari debet, donec matrimonio conjuncta sit. Quamobrem sicut non tollitur adulterii deformitas, cum mulier conjugata, consentiente marito, sui corporis copiam alteri faciat; quia peccat contra fidem conjugalem; ita non tollitur stupri deformitas, cum virgo consentientibus parentibus seipsam amasio prostituit; quia non solum fornicatur, sed etiam virginalis integritatis jacturam facit contra ordinem lege naturali, ac divina constitutum.

Ex his sequitur, circumstantiam virginitatis in Con-

De Peccatis capitalibus. 705

Confessione sacramentali a femina exprimi debere, quæ carnalem copulam desideravit, aut ejus cogitatione sponte, ac libere delectata est, vel osculis libidinosis, tactibus impudicis, aut pollutione voluntaria se contaminavit, aut quæ primo cum viro commixta est extra legitimum matrimonium; & similiter a viro, qui virginem corrumpit, vel impudice tetigit, aut osculatus est, aut concupivit, aut denique de copula cum virgine cogitans, delectationi consensit. Illa enim circumstantia speciem peccati mutat, novamque his actibus deformitatem tribuit.

R E G U L A X I.

Gravius peccatum est, cum puella illata vi opprimitur, vel contentus ejus in stuprum incusso metu, vel dolo extorquetur, quam si blanditiis, & importunis precibus delinita in scelus pelliciat.

Gravior enim nolenti, vel deceptæ puellæ, quam volenti fit injuria; quamvis dici non possit, nullam volenti injuriam fieri, quia non est domina sui corporis, nisi ad usus legitimos. Unde quemadmodum gravis injuriæ in proximum reus est, qui perire volentem interficit, sicut adolescens ille Amalecithes, qui Saulem Regem gladio suo incubantem, ab ipso rogatum se occidisse gloriatus est, 2. Regum cap. 1. ita gravem puellæ infert injuriam, qui virginitatem ejus delibat, corporisque ipsius integritatem violat, quamvis ipsa contentiat, imo sponte se offerat; sed gravius tamen, ut dixi, crimen illius est, qui opprimit invitam.

R E G U L A X I I.

Puella consensus in stuprum vincitur, si non clamaverit, cum posset, domesticorum, aut vicinorum auxilium contra pudicitiae suæ aggressorem violentum imploratura.

Nititur hæc Regula Scripturæ sacræ auctoritate, Deuter. 22. *Si puellam virginem despunderit vir,*

*Et inveneyit eam aliquis in civitate, & concubuerit cum ea, educes utrumque ad portam civitatis illius, & lapidibus obruentur; puella, quia non clamavit, cum esset in civitate; vir, quia humiliavit uxorem proximi sui, & auferes malum de medio tui. Sin autem in agro repererit vir puellam, quæ desponsata est, & apprehendens concubuerit cum ea, ipse morietur solus; puella nihil patitur, nec est rea mortis; quia sicut latro consurgit contra fratrem suum, & occidit animam ejus, ita & puella perpeffa est. Sola erat in agro; clamavit, & nullus adfuit, qui liberaret eam. Id ita explicat Philo, ut locus frequentioris exempli causa sit positus, non quod ex eo solo semper finienda sit controversia. Potest enim, ut ille lib. *De specialibus Legibus* disse-rit, & in urbe aliqua vim pati occluso ore, vel incusso metu mortis prohiberi, ne clamet; & in agro aliqua consentire in stuprum.*

Ex hac Regula patet, quale judicium ferendum sit de hac propositione cujusdam recentioris auctoris.

„ In hac vi, & metu infamiæ, mortisque poterat Susanna dicere: Non consentio actui, sed patiar, & tacebo, ne me infametis, & adigatis ad mortem. . . Forte Susanna id vel nesciebat, vel non cogitabat; sic enim honestæ, castæque virgines putant se esse reas, seque consentire lenonibus, si non clamore, manibus, totisque viribus resistent. Potuisset Susanna in tanto periculo infamiæ, & mortis negative se habere, & permittere in se eorum libidinem, modo interno actu in eam non consensisset; sed eam detestata, & execrata fuisset, quia majus est bonum vita, & fama, quam pudicitia; unde hanc pro illa exponere licet „ „ „

Hanc propositionem merito damnatam a Conventu generali Cleri gallicani anno millesimo septingentesimo, ut *temerariam, scandalosam, castarum aurium offensivam, erroneam, & legi Dei contrariam*, compertum est.

REGULA XIII.

Qui virginem illata vi, aut gravi metu incusso, vel importunis precibus, falsis persuasionibus, & pollicitationibus, aut futuri matrimonii promissione vera, vel simulata, compulit, aut pellexit ad stuprum, eam ducere tenetur, aut certe ita dotare, ut alteri honorifice, & suæ conditioni congruenter collocari valeat in matrimonium. Tenetur etiam satisfacere parentibus puellæ, in quos redundat ejus dedecus.

Habet enim stuprum duplicem injuriam annexam Refertur cap. Si reduxerit, Extra, De Adulteriis, & stupro. unam quidem ex parte virginis; quam etsi non vi corrumpat, tamen seducit, & sic tenetur ei satisfacere. Unde dicitur Exod. 21. *Si seduxerit quis virginem necdum desponsatam, dormieritque cum ea, dotabit eam, & habebit eam uxorem. Si pater virginis dare noluerit, reddet pecuniam juxta modum dotis, quam virgines accipere consueverunt.* Aliam vero injuriam facit patri puellæ. Unde & ei secundum legem tenetur ad pœnam. Dicitur enim Deut. 22. *Si inveni-
erit vir puellam virginem, quæ non habet sponsum, & apprehendens concubuerit cum illa, & res ad judicium evenierit; dabit, qui dormivit cum ea, patri puellæ quinquaginta siclos argenti, & habebit eam uxorem, quia humiliavit illum; nec poterit dimittere eam cunctis diebus vitæ suæ. Et hoc dico; ne videatur ludibrium fecisse, ut ait S. August. q. 34. in Deuteronomium.* Ita S. Thomas, 2. 2. q. 34. art. 6. ad tertium. Cum autem stuprator spe, ac promissione futuri matrimonii puellam ad stuprum illexit, eam omnino ducere tenetur, si ipsa, & pater illius voluerint, si vero noluerint, tenetur (ut dixi) eam dotare; idque sub reatu peccati mortalis; sive sincera fuerit, sive simulata matrimonii promissio. Si enim sincera fuit, verus fuit contractus, quem infelix puella complevit, adeoque & stuprator complere tenetur; si vero simulata fuerit promissio, doli reus est; nemini autem fraus sua patrocinarī debet, sive dolus.

Id

Id confirmatur ex cap. *Pervenit*, Extra, *De Adulteriis*, & *Supro*.

Exceptiones tamen aliquas communi consensu statuunt Theologi. Si enim tanta sit conditionis disparitas, ut puella prospicere potuerit, ac debuerit, sese ad nuptias tam sublimes pervenire non posse, utpote quæ sit infimæ sortis, vir autem nobilitatis primariæ; ipsa pauper, vir opibus potens, non censetur in errorem inducta; unde illam ducere non tenetur, sed tantum dotare, prout ipsius conditioni congruit, aut dotem augere, ut perinde collocetur, ac si virgo esset.

Secundo, si constuprata puella sese alteri prostituerit, vel si affirmanti se esse virginem, stuprator promisit matrimonium, ut ea frueretur, & tamen virginem non esse deprehendit; eam ducere non tenetur; ipsa enim illudit viro. Quamobrem fraus illi sua patrocinari non debet. Illam tamen dotare tenetur sub reatu peccati mortalis, si famæ sit integræ, publicaue opinione, ut virgo habeatur. Si autem famæ integræ antea non erat, aut legitimis documentis probetur eam virginem non fuisse, cum ad ipsam accessit, ad dotem solvendam, vel ad satisfactionem aliquam non tenetur.

Tertio, si vir aliam duxerit, aut aliud impedimentum canonicum habeat, eam ducere non tenetur. Has exceptiones maxima ex parte affert *S. Thomas*, q. 46. Supplementi, art. 2. ad quartum. „„ In tali casu (*inquit*) sponsus, antequam aliam duxerit, tenetur eam ducere in uxorem, si sint æqualis conditionis, vel si sponsa sit melioris conditionis. Sed si aliam duxerit, jam factus est impotens ad solvendum illud, ad quod tenebatur, & ideo sufficit, si ei de nuptiis provideat; & ad hoc etiam non tenetur (ut quidam dicunt) si sponsus sit multo melioris conditionis, aut aliquod signum fraudis evidens fuerit; quia præsumi probabiliter potest, quod sponsa non fuerit decepta, sed decipi se finxerit „„

Quarto, si gravia scandala, vel mala non levia,
ut

ut cædes, familiarum diffidia, jactura dignitatis, bonorum temporalium amissio, exhæredationis, subversio fidei, vel corruptela morum, vel infamia, ex matrimonio probabiliter oritura timeantur, puellam ducere non tenetur stuprator, etsi fidem illi obstrinxerit, sed tantum damna sarcire.

Quinto, si virginem leviter rogatam, & ultro consentientem corrupit, nec ipsam ducere tenetur, nec dotare. Tenetur tamen satisfacere patri puellæ, cui gravem intulit injuriam, ut custodi virginitatis.

Sexto, si puella per vim, aut fraudem constupratam facile nupserit, & tam bene collocata fuerit, ac si virgo esset, ad nullam compensationem tenetur stuprator, nisi maritus corruptam fuisse deprehendat, ipsamque propterea relinquat, aut male excipiat.

R E G U L A X I V .

Qui puellam vi, metu, fraude, mendaciis ita sollicitavit ad stuprum, ut infamia propterea notata sit, ac si constuprata fuisset; quamvis eam non constupraverit, tenetur sarcire damnum, vel eam ducendo, vel dotando, ut convenienter nubat.

Culpa namque sollicitatoris impeditur a convenientis matrimonii consecutione. Si vero ipsum lubens admiserit, ejusque blanditiis faciles aures accommodaverit, non tenetur sarcire damnum; quod imprudens, & levis puella, nec omnino casta, sibi ipsa intulit.

R E G U L A X V .

Qui voto simplici obstrictus, puellam ad stuprum pellexit matrimonii promissione, ipsam ducere absolute non tenetur; sed tantum ipsam dotare.

Potior enim, & strictior est obligatio voti Deo nuncupati, quam promissi hominibus facti; neque compensanda est injuria homini illata irrogando injuriam Deo, & violando fidem ipsi datam. Rationes tamen graves urgere possunt, quibus obligetur
ad

ad remissionem voti a summo Pontifice postulandam, nimirum ut grave scandalum, vel alia mala merito formidanda vitentur, vel quia continentiam servare facile non potest.

REGULA XVI.

Adulterium luxuriæ species est ab aliis distincta, novamque deformitatem includens.

Adulterium

Hoc enim crimine, quod *Nefas*, & *iniquitas maxima*, & *ignis usque ad perditionem devorans*, & *eradicans omnia genimina*, Job. 31. dicitur, dupliciter contra castitatem, & humanæ generationis bonum peccatur. Primo quidem quatenus vir, „ Accedit ad mulierem non sibi matrimonio copulatam; quod requiritur ad bonum prolis propriæ educandæ. Alio modo, quia accedit ad mulierem alteri per matrimonium copulatam; & sic impedit bonum prolis alienæ „ „ (inquit *S. Thom.*) Idem esto de muliere adultera judicium. Unde *Eccl.* 23. criminis ab ea commissi gravitas ex triplici capite petitur; primo, ex divinæ Legis violatione, qua *mœchia* expresse prohibetur: *Non Mœchaberis*. Secundo, ex injuria viro illata, cui datam fidem frangit, & ejus prolem incertam facit. Tertio, ex damno legitimis filiis illato, aut certe legitimis hæredibus; adulterio siquidem suo efficit, ut hæreditas, vel certa ejus portio legitimis filiis, & hæredibus debita colligatur a nothis, & adulterinis.

Secunda
Secundæ,
q. 154. ar. 8.
Adulterii
gravitas ex
triplici ca-
pite,

Adulterii
pœna.

Omnis homo, qui transgreditur lectum suum... erit de decus omnibus, eo quod non intellexerit timorem Domini. Sic & mulier omnis relinquens virum suum, & statuens hæreditatem ex alieno matrimonio. Primo enim in Lege altissimi incredibilis fuit: Secundo, in virum suum deliquit: Tertio, in adulterio fornicata est, & ex alio viro filios statuit sibi. Tum de pœna illius, ex qua conjicere licet criminis gravitatem, subdit Spiritus sanctus: Hæc in Ecclesiam adducetur, & in filios ejus respicietur. Non tradent filii ejus radices, & rami ejus non dabunt fructum. Derelinquet in maledictum memoriam

riam ejus, & dedecus illius non delebitur. Quam grave crimen esset adulterium, sola naturæ lex gentes ipsas docuit. Cum enim *Isaac* orta fame Geraram in Palæstina profectus esset, ac *Rebeccam* uxorem sororem suam esse dixisset; Rex *Abimelech* rei veritate perspecta Patriarcham his verbis increpuit: *Perpicuum est, quod uxor tua sit; cur mentitus es eam sororem tuam esse? Quare imposuisti nobis? potuit coire. quispian de populo cum uxore tua, & induxeras super nos grande peccatum. Præcepitque omni populo dicens: Qui tetigerit hominis hujus uxorem, morte morietur.* Poena capitis in adulteros lege veteri sancita est, Lev. 20. *Si machatus quis fuerit cum uxore alterius, & adulterium perpetraverit cum conjuge proximi sui, morte moriantur & machus & adultera.* Quæ lex Deut. 22. repetitur. Ad jure miraculum edendum, ut convinceretur, plectereturque mulier adulterii suspecta, & rea, populo judaico se Deus obstrinxit, ut patet ex lege, & sacrificio Zelotypiæ, cujus ritum legimus Num. 5. *Qui adulter est, propter cordis inopiam, perdet animam suam* (inquit Salomon Prov. 6.) *Turpitudinem, & ignominiam congregat sibi, & opprobrium illius non delebitur.* De sceleris hujus ultione legitur Jer. 5. *Machati sunt, & in domo mulieris luxuriabantur, equi amatores, & emissarii facti sunt; unusquisque ad uxorem proximi sui hinniebat. Nunquid super his non visitabo; dicit Dominus, & in gente tali non ulciscetur anima mea?* Judicium Dei adulteris imminens denuntiat Apostolus ad Hebræos 13. *Honorabile* (inquit) *conubium in omnibus, & choris immaculatus.* Fornicatores enim, & adulteros judicabit Deus. Romano jure adulteri capitali poena plexi. Par in homicidium, adulterium, & maleficium a Constantino, ejusque filiis poena decreta est, L. 1. *De panis, Cod. Theod. L. 1. De Indulgentia criminum, & L. 4. Quorum appellationes non recipiuntur.* Quin etiam parricidarum poenæ hac postrema lege adulteris communes factæ: „ Cum pari, similique ratione sacrilegos nuptiarum, tanquam manifestos „ parricidas, infuere culeo vivos, vel exurere, judi-

Genes. 28.

„cantem oporteat „. Sacrilegos nuptiarum vocat, quasi sacri, sanctissimique foederis nuptiarum, quod Sacramentum est conjunctionis Christi cum Ecclesia, violatores. Plures olim Africanæ Ecclesiæ Episcopi Absolutionem sacramentalem adulteris, etiam in morte negarunt, non desperatione veniæ, sed rigore disciplinæ, ut refert *S. Cyprianus*, Ep. § 2. „ „ Et quidem (*inquit*) apud antecessores nostros quidam de Episcopis isthic in provincia nostra dandam pacem mœchis non putaverunt, & in totum pœnitentiæ locum contra adulteria clauferunt; non tamen a Coepiscoporum suorum collegio recesserunt, aut catholicæ Ecclesiæ unitatem vel duritiæ, vel censuræ suæ obstinatione ruperunt „ „ Adulterium cum homicidio, & idololatria, publicæ pœnitentiæ legibus subditum fuit, quamdiu sanctissima illa disciplina in Ecclesia viguit. Adulteros postquam Eucharistiæ Viatico in mortis discrimine donati fuerant, si in pristinam sanitatem restituti rursus mœcharentur, in perpetuum a communione arcendos sanxit Hispaniensis Ecclesia, Concilii Illiberitani can. 47. „ „ Si quis fidelis habens uxorem, non semel, sed sæpe fuerit mœchatus, in fine mortis est conveniendus; quod si se promiserit cessaturum, detur ei communicatio. Si resuscitatus, rursus fuerit mœchatus, non edat ulterius de Communione pacis „ „

REGULA XVII.

Gravius crimen est adulterium conjugati cum uxore aliena, quam cum soluta muliere.

Adulterium **U**no enim eodemque facinore duplex proximo infertur injuria; suæ namque conjugii, & marito mulieris, quicum peccat, injuriam facit; suum, & alienum violat matrimonium. Quamobrem in Confessione sacramentali circumstantiam illam aperire necesse est; sicut, si quis uno ictu duos homines occiderit, utrumque homicidium confiteri tenetur.

R. E.

REGULA XVIII.

Viri adulterium gravius peccatum est adulterio
mulieris.

Hanc Regulam statuit, & probat *S. Auguſt.* lib. 2.
De adulterinis Conjugiis, cap. 8. „ Non ſo-
lum (*inquit*) nihil volunt detrudere ſeveritati; ſed
iraſcuntur inſuper veritati, & loquuntur, atque re-
ſpondent: Sed nos viri ſumus; an vero ſexu noſtri
dignitas hanc ſuſtinebit injuriam, ut cum aliis fe-
minis præter uxores noſtras, ſi aliquid admittimus,
in luendis poenis mulieribus comparemur? Quafi
non propterea magis debeant illicitas concupiſcen-
tias viriliter frenare, quia viri ſunt; quafi non pro-
pterea magis debeant mulieribus ſuis ad virtutis hu-
jus exemplum ſe præbere, quia viri ſunt; quafi non
propterea minus debeant a libidine ſuperari, quia
viri ſunt; quafi non propterea minus debeant laſci-
vienti carni ſervire, quia viri ſunt. Et tamen indi-
gnantur, ſi audiant adulteros viros pendere ſimiles
adulteris feminis poenas; cum tanto gravius eos pu-
niri oportuerit, quanto magis ad eos pertinet, &
virtute vincere, & exemplo regere feminas, Chri-
ſtianis equidem loquor, qui fideliter audiunt; *Caput*
mulieris vir: ubi ſe agnoſcunt duces, illas autem
comites eſſe debere; & ideo cavendum viro illac ire
vivendo, qua timet, ne uxor ſequatur imitando. Sed
iſti, quibus diſplicet, ut inter virum, & uxorem par
pudicitæ forma ſervetur, & potius eligunt, maxi-
meque in hac cauſa, mundi legibus ſubditi eſſe, quam
Chriſti, quoniam jura forenſia non eiſdem, quibus
feminas pudicitæ nexibus viros videntur obſtrin-
gere; legant, quid Imperator Antoninus, non uti-
que Chriſtianus, de hac re conſtituerit; ubi mari-
tus uxorem de adulterii crimine accuſare non fini-
tur, cui moribus ſuis non præbuit caſtutis exem-
plum; ita ut ambo damnentur, ſi ambos pariter im-
pudicos conſpectus ipſe convicerit. *Tum relato Impe-*
ratoris ediſto, ſubdit: Si hæc obſervanda ſunt pro-
pter

pter decus terrenæ civitatis; quanto castiores quærit coelestis patria, & societas Angelorum? Quæ cum ita sint, nunquid ideo minor est, ac non potius major, & pejor virorum impudicitia, quia inest illis superba, & licentiosa jactantia „ „ ?

Plura de adulterio dicemus ad 6. præceptum Decalogi.

REGULA XIX.

Sacrilegium distincta luxuriæ species est, malitiamque involvit singularem.

Sacrilegium.

Cum enim eo crimine res Deo consecrata polluitur, non solum fit injuria castitati, sed religioni. Hinc Clericos a castitate lapsos sacri Canones de suo gradu, ac ministerio in perpetuum dejecerunt; scilicet can. 25. ex iis, qui apostolici inscribuntur. Concil. Aurelianense 50. can. 9. Aurelianense 2. can. 8. Arausicanum 1. can. 23. Epaonense can. 22. post *Siricium* romanum Pontificem in Epist. ad *Himerium* Tarraconensem Episcopum, & *Joannes II.* romanus Pontifex in Epist. ad *Casarium* Arelatensem Episcopum in causa *Conumeliosi* Regiensis Episcopi: *Casarius* ipse in Oratione Epistolæ *Joannis II.* & Canonibus ab eo missis subjecta: „ „ Ecce (*inquit*) manifestissime constat quia secundum quod & tituli antiquorum Patrum a S. Joanne Papa transmissi, & trecentorum decem, & octo Episcoporum sententia, sed & Canones gallicani continere videntur, Clerici in adulterio deprehensi, aut ipsi confessi, aut ab aliis revicti, ad honorem redire non possunt „ „ Et *S. Greg.* lib. 3. Epist. 26. ad *Januarium* Episcopum Calaritanum scripta: „ „ Pervenit ad nos (*inquit*) quosdam de sacris Ordinibus lapsos, vel post poenitentiam, vel ante, ad ministerii sui officium revocari; quod omnino prohibuimus, & in hac re sacratissimi quoque Canones contradicunt. Qui igitur post acceptum sacrum Ordinem lapsus in peccatum carnis fuerit, sacro Ordine careat, ut ad Altaris ministerium ulterius non

non accedat „ „ Quam disciplinam confirmat *S. Martinus* primus romanus Pontifex in Epist. ad *Amandum* Traiectensem Episcopum, Concil. Illiberitanum can. 19. Episcopos, Presbyteros, & Diaconos in peccatum carnis lapsos communionem etiam in exitu privaverat, „ „ Episcopi (*inquit*) Presbyteri, & Diaconi, si in ministerio positi, detecti fuerint, quod sint mo-
 chati, placuit propter scandalum, & propter profanum crimen, nec in fine eos communionem acci-
 pere debere „ „

Depositionis poena plectendos Clericos in peccatum carnis lapsos censuerat *S. Basilius* Epist. ad *Amphilochium*; can. 70. „ „ Diaconus (*inquit*) qui pollutus est in labris, & se eo ulque peccasse confessus est, a ministerio prohibetur, „ Presbyter quoque. Si quid autem amplius peccasse quis deprehensus fuerit, in quocunque sit gradu, deponatur „ „ Quæ poena sacrilegæ luxuriæ horrendam probat gravitatem.

Luxuria
 sacrilega.

De monachorum, & monialium, a castitate, quam solemniter voverunt, deficientium crimine, & poena; hæc habentur can. *Impudicas*, causa 27. quæst. 1. qui Triburiensis Concilii can. 6. est: „ „ Impudicas (*inquit*) detestabilesque personas monachorum, ac monacharum, quæ abjecto proposito sanctitatis, illicita, & sacrilega contagione se miscuerunt, & in abruptum conscientiae desperatione perductæ de illicitis complexibus libere filios procreaverunt, a monasteriorum cap-
 tu. Ecclesiarumque conventibus eliminandas esse mandamus „ „ Et Concil. Andegavense anno 453. can. 5. Communionem privandas statuit: *Quæ de vir-
 ginitate sanctimoniali proprio crimine deciderunt.*

Innocent. I. Epist. 2. ad *Virricium* Rothomagensem Episcopum, cap. 12. de sacrilegio virginum, quæ solemni veli susceptione consecratæ fuerant, ita scribit: „ „ Quæ Christo spiritualiter nupserunt, & ve-
 lari a Sacerdote meruerunt, si postea vel publicè nupserint, vel se clauculo corruerint, non eas ad-
 mittendas esse ad agendam poenitentiam, nisi is, qui se junxerant, de seculo recesserit. Si enim de-

omnibus hæc ratio custoditur, ut quæcunque vivente viro alteri nupserit, habeatur adultera, nec ei agenda poenitentiae licentia concedatur; nisi unus ex eis fuerit defunctus; quanto & illa magis tenenda est, quæ apte immortalis se Sponso conjunxerat, & postea ad humanas nuptias transmigravit „„?

De his vero quæ simplici virginitatis voto erant obstrictæ, & fidem Christo promissam violabant, hæc subdit can. 13. „„ Hæc vero, quæ necdum sacro velamine tectæ, tamen in proposito virginali semper manere promiserant, licet velatæ non sint, si forte nupserint, his agenda aliquanto tempore poenitentia est, quia sponsio earum a Deo tenebatur. Nam si inter homines solet bonæ fidei contractus nulla ratione dissolvi, quanto magis ista pollicitatio, quam cum Deo pepigerit virgo, solvi sine vindicta non debet? Nam si Apostolus Paulus, quæ a proposito viduitatis defecerunt, dixit eas habere condemnationem, quia primam fidem irritam fecerunt; quanto magis virgines, quæ prioris promissionis fidem frangere sunt visæ „„?

S. Basilii, Epist. 2. Canonica ad *Amphilochiam*, can. 18. „„ Si vidua (*inquit*) gravissimo iudicio subjecta est, ut quæ fidem in Christum irritam fecerit, quid de virgine putandum est, quæ est sponsa Christi, & sacrum vas Domino dedicatum? Magnum quid est peccatum, ancillam quoque, quæ clandestinis matrimoniis se dedit, stupri domum implere, & possessorem per malam vitam injuria afficere; sed multo est gravius sponsam fieri adulteram, & conjunctione cum sponso ignominia, & dedecore affecta, se incompetentibus voluptatibus tradere. Vidua itaque ut corrupta ancilla condemnatur; virgo vero adultera iudicio subicitur „„.

S. Cyprianus, Epist. 8. ad *Pomponium* inscripta: „„ Si superveniens maritus sponsam suam jacentem cum altero videat, nonne indignatur, & fremit, & per zeli livorem fortassis, & gladium in manum sumit? Quid Christus Dominus, & iudex noster, cum
vir-

virginem suam sibi dicatam, & sanctitati suæ destinatam, jacere cum altero cernit, quam indignatur, & irascitur? Et quas penas incestis hujusmodi conjunctionibus comminatur? *Et infra*: Si autem de eis aliqua corrupta fuerit deprehensa, agat poenitentiam plenam, quia hæc hoc crimen admisit, non mariti sed Christi adultera est... Quod si obstinate perseverant, nec se ab invicem separant, sciant, cum hac sua pudicæ obstinatione nunquam a nobis admitti in Ecclesiam posse „ „. Eo gravius crimen est sacrarum Virginum violatio, seu profanus illorum amor, tactus, oscula, literulæ dulces, & blandæ ad ipsas, vel ab ipsis scriptæ, munuscula ultro citroque data quæ *Sanctus amor non habet*, & alia *Moritura castitatis indicia*, ut loquitur *S. Hier.* quo virginittatis status in Ecclesia sublimior est, & sanctior. „ „ Flos ille est ecclesiastici germinis, decus, atque ornamentum gratiæ spiritualis, læta indoles, laudis, & honoris opus integrum, atque incorruptum, Dei imago respondens ad sanctimoniam Domini, illustrior portio gregis Christi „ „ (*inquit S. Cyprianus L. De Disciplina, & Habitu Virginum.*)

Lege & *S. Ambrosium L. De Lapsu Virginis consecrata.*

R E G U L A X X.

Gravius sacrilegium est, cum utraque persona sacra est, quam cum altera omnino secularis est, & profana.

Duplex enim consecratio violatur. Unde sicut *Sacrilegium* gravius crimen esset ejus, qui calices duos ad usus profanos adhiberet, ac pollueret, quam ejus qui unicum duntaxat violaret, eaque circumstantia in Confessione sacramentali necessario esset explicanda; ita gravius crimen est, quo duæ personæ sacre violantur, quam quo una; quia & suam consecrationem, & alienam quæque contaminat. Adeoque, & se Deo consecratam esse Confessario declarare

518 Theol. Dog. & Moral. Lib. III.

rare debet, nisi id noverit; & cum persona Deo pariter consecrata peccatum carnis commisisse, aut de ejus cogitatione delectatam fuisse cum deliberato consensu; aut tactibus impudicis, vel osculis libidinosi, aut verbis obscænis, ipsam sollicitasse, exprimere necessario debet.

R E G U L A X X I.

Gravius sacrilegium est violatio voti solemnitis quam simplicis.

Votum enim solemnne spiritale veluti matrimonium est, quo sua corpora Deo reipsa tradunt, & consecrant voventes; votum autem simplex veluti sponsaliorum vim habet, quo fidem suam obstringunt Christo, quod alium sponsum non eligent. Quod discrimen ex Ep. *Innocentii I. ad Viſtricium Rothomagensem* supra laudata colligitur. Et „„ Solemnitas voti consistit in quadam consecratione, seu benedictione voventis (*inquit S. Thomas, 2. 2. q. 88. art. 11.*) Et ideo votum solemnne habet fortiorem obligationem apud Deum, quam votum simplex, & gravius peccat, qui illud transgreditur „„. Quamvis utriusque voti transgressor peccet mortaliter (*inquit idem S. Doctor art. 7. ejusdem questionis, in responsione ad primum*) quamobrem non sufficit in Confessione sacramentali exprimere votum, quo reus ipse, vel ejus conscientia obstricta est, & e contra, sed omnino declarandum est, an votum simplex sit, vel solemnne.

R E G U L A X X I I.

Gravius sacrilegium est luxuria Sacerdotis, Diaconi, vel Subdiaconi vitam religiosam solemniter professi, quam Sacerdotis, Diaconi, vel Subdiaconi secularium.

Duplex enim votum solemnne, duplicemque consecrationem prius illud flagitium violat, illud scilicet quod sacris Ordinibus adnexum est, & illud

Iud, quod religiosæ Professioni; posterius vero unicum duntaxat votum, unicamque consecrationem. Et strictius quidem est votum religiosæ professioni, quam Ordini sacro adnexum. „ Non est enim essentialiter annexum debitum continentię Ordini sacro, sed ex statuto Ecclesię. Unde videtur, quod per Ecclesiam possit dispensari in voto continentię solemnizato per susceptionem sacri Ordinis. Est autem debitum continentię essentialē statui religionis, per quem homo abrenuntiat seculo, totaliter Del servitio mancipatus. Quod non potest simul stare cum matrimonio, in quo incumbit necessitas procurandę uxoris, & prolis, & familię, & rerum, quę ad hoc requiruntur. Unde *Apost. 1. ad Cor. 7. Qui cum uxore est* (inquit) *solicitus est, quę sunt mundi, quomodo placeat uxori, & divisus est.* Et ideo (inquit *S. Thomas, 2. 2. q. 88. art. 11.*) in voto solemnizato per professionem religionis non potest per Ecclesiam dispensari „ Et rationem assignat Decretalis, *Cum ad Monasterium, Ext. De Statu Monachorum*, his verbis: *Quia castitas est annexa Regule monachali.* Quamobrem, quę luxurię peccatum commisit, exprimere non solum debet in Confessione sacramentali, se cum Sacerdote fuisse nefarie commixtam, vel aliquid impudicum ab ipso passam esse, sed etiam cum religioso solemniter professio, si stuprator sit in utroque statu constitutus; & ille similiter utramque illam circumstantiam aperire debet Confessario, nisi ipsum noverit. Idemque dicendum de desideriis, & consensu in delectationem, de obsceno quoque actu perpetrato cum Sacerdote, Diacono, vel Subdiacono religiosam vitam solemniter professis.

R E G U L A XXIII.

Es gravius sacrilegium est, quo cum gravioris, & magis horrendę luxurię specie concurrat.

Hanc Regulam tradit, & explicat *S. Thomas, 2. 2. q. 154. art. 2.* in responsione ad secundum.

„ Sacrilegium (*inquit*) est species luxuriæ, secundum quod ordinatur ad alterius vitii finem, & potest concurrere cum diversis luxuriæ speciebus. Si enim aliquis abutatur persona conjuncta sibi secundum spiritualem cognationem (*in Baptismo scilicet, vel Confirmatione contractam*) committit sacrilegium ad modum incestus; si autem abutatur virgine Deo sacrata, in quantum est sponsa Christi, est sacrilegium, per modum adulterii; in quantum vero est spiritualis Patris cura constituta, erit quoddam spirituale stuprum, & si violentia inferatur, erit spiritualis raptus; qui etiam secundum leges civiles gravius punitur, quam alius raptus. Unde Justinianus Imperator edixit: Si quis non dicam rapere, sed attentare tantummodo matrimonii causa sacratissimas virgines ausus fuerit, capitale poena feriat. „ „ Circumstantiæ itaque hujusmodi in sacramentali Confessione necessario aperiendæ sunt.

REGULA XXIV.

Sacrilegium Sacerdotis cum filia spirituali poenitente foediorem quamdam, & magis horrendam deformitatem habet, quam cum alia muliere; graviusque adhuc peccatum est, si in poenitentiae Sacramento, aut illius occasione, vel prætextu, illam ad turpia sollicitet.

Trahit enim illam in peccatum, vel cum ea peccatum committit, quam ex officio a peccato revocare tenetur; & *Spirituale Stuprum* perpetrat (ut loquitur *S. Thomas*) Et si in Confessione sacramentali, aut illius occasione mulierem Sacerdotes sollicitent, ac provocent ad actus inhonestos: „ „ Sacramento poenitentiae abutuntur, nec illi, & qui id instituit, Domino Deo, & Salvatori nostro Jesu Christo injuriam facere verentur; ac loco eorum per Sacramentum hujusmodi Creatori nostro reconciliationis, graviore peccatorum mole eas onerant, & in manibus diaboli tradunt, in divina Majestatis offensam,

sam, & animarum perniciem, & Christi fidelium scandalum non modicum „„. Verba sunt summi Pontificis *Pii IV.* in Constitutione ad Archiepiscopum Hispalensem in regnis Hispaniæ hæreticæ pravitatis inquisitorem generalem data, quæ incipit, *Cum sicut*, inter ejus constitutiones 31. tit. 2. Bullarii romani, qua & contra nefarios hujusmodi sollicitatores quaestio-
Sacrilegii sollicitatores.
 tionem haberi tam de scelere, quam de fide jubet; cum vix verisimile sit, quod, qui de Fide catholica re-
Et sentiunt, Sacramentis in Ecclesia Dei institutis abut-
tantur, aut illis injuriam faciant: & convictos puniri vel prout de jure faciendum fuerit, præcedente degradatione secularis judicis arbitrio puniendos tradi præcipit. Hujusmodi sacrilegium „„ Impium, ac nefandum scelus appellat merito Gregorius XV. cum Sacerdos sacrosancto poenitentiae Sacramento abutatur, ac pro medicina venenum, pro pane aspidem porrigat; & ex coelesti medico infernalis veneficus, ex Patre spirituali proditor execrabilis animarum reddatur „„. Et constitutionem laudatam *Pii IV.* pro Hispaniis duntaxat datam, ad omnia totius orbis christiani loca, in quibus institutum est sacrae Inquisitionis officium, extendit, constitutione, quæ incipit, *Universi Dominici Gregis*, 29. Bullarii romani Tom. 3.

Constitutiones Pontificum mox laudatæ, antiquis Canonibus omnino consonæ sunt. Ita Canon, *Omnes*, qui *Symmacho* Papæ tribuitur apud *Gratianum*, causa 30. qu. 1. „„ Omnes, quos in poenitentia suscipimus, ita nostri sunt spirituales filii, ut & ipsi quos vel nobis susipientibus, vel trinæ merfionis vocabulo mergentibus, unda sacri Baptismatis regeneraverit. Silvester quoque docens admonet unumquemque Sacerdotem, ut nullus causa fornicationis ad suam poenitentialem accedat; quia scriptum est: Omnes, quos in poenitentia accipimus, ita filii nostri sunt, ut in Baptismate suscepti. Quapropter hoc scelus si quis perpetraverit, non solum dignitatis honorem amittat, verum etiam usque ad exitum vitæ suæ jugi poenitentiae se subdat „„.

Et

Et Can. *Si quis*, Coelestino Papæ adscriptus; „„ Si quis Sacerdos cum filia spiritali fornicatus fuerit, sciat se grave adulterium commisisse. Idcirco femina, si laica est (*subintelligendum, & sui juris*) omnia derelinquat, & res suas pauperibus tradat, & conversa in monasterio Deo usque ad mortem serviat, Sacerdos autem, qui malum exemplum dedit hominibus, ab omni officio deponatur, & peregrinando duodecim annis poeniteat; postea vero ad monasterium vadat, ibique cunctis diebus vitæ suæ Deo serviat „„ Nec immerito sacrilegium tam horrendum severiori disciplina castigandum Ecclesia judicavit. Nam, ut docet *S. Thomas*, in 4. *Sententiarum*, dist. 42. qu. 1. art. 2. ad octavum; „„ Per poenitentiam contrahitur quoddam foedus inter Sacerdotem, & mulierem confitentem simile cognationi spiritali, ut tantum peccet eam carnaliter cognoscens, ac si esset sua spiritalis filia; & hoc ideo quia maxima familiaritas est inter Sacerdotem, & confitentem, & ex hoc ista prohibitio est inducta, ut tollatur peccandi occasio „„

Ex his sequitur, mulierem, seu personam quamlibet, quæ Confessario ad turpia sollicitanti oblectata est, vel ejus blanditiis delectata, & inhonestis sermonibus; vel Sacerdoti cuilibet auditionem confessionis simulanti, aut confessionis occasione, vel prætextu ipsam convenienti, vel alloquenti, hanc circumstantiam in sacramentali Confessione omnino exprimere debere; & similiter Sacerdotes, qui personas quaslibet „„ Ad inhonesta sive inter se, sive cum aliis perpetranda in actu sacramentalis Confessionis, sive antea, vel post immediate; seu occasione, vel prætextu confessionis hujusmodi etiam confessione non secuta; sive extra occasionem confessionis in Confessionario, aut in loco quocunque, ubi Confessiones sacramentales audiuntur, seu ad Confessionem audiendam electo, simulantes ibidem confessiones audire, sollicitare, vel provocare tentaverint, aut cum eis illicitos, & inhonestos sermones
sive

sive tractatus habuerint „ „ , has circumstantias in Confessione sacramentali exprimere necessario debere.

De criminis istius gravitate legendus *B. Petrus Damiani*, Opusculo 7. cui titulus est, *Liber Gomorrhianus*, cap. 6. „ „ Sequitur (*inquit*) ut eadem sententia digne feriatur, & qui carnalem filiam perdidit, & qui spiritualemente sacrilega commissione corrupit. *Et cap. 9.* Ut ad sacros, id est, execrabiles Confessores adhuc se disputationis sermo retorqueat, si quilibet canonicus Presbyter cum muliere cecidit, cui poenitentiae iudicium vel semel indixit, a nemine prorsus ambigitur, quin synodali iudicio degradetur „ „.

REGULA XXV.

Sacrilegii reus est Confessarius, qui poenitenti in sacramentali Confessione tradit cartam postea legendam, qua ad venerem sollicitat; ac proinde est omnino denuntiandus inquisitori, vel Episcopo.

Hæc Regula colligitur ex Constitutionibus supra laudatis *Pii IV.* & *Greg. XV.* Hinc *Alex. VII.* Pontifex hanc inter alias propositionem damnavit Decreto edito anno 1660. „ „ Confessarius, qui in sacramentali Confessione tribuit poenitenti cartam postea legendam, qua ad venerem incitat, non censetur sollicitasse in confessione, ac proinde non est denuntiandus „ „.

Sacrilegii
solicitato-
res denun-
tiandi.
Propositio
damnata

REGULA XXVI.

Mulier poenitens non evadit obligationem denuntiandi Confessarium, qui ad actus inhonestos ipsam sollicitavit, si peccata sua apud ipsum Sacerdotem, a quo provocata est, deponat.

Sic enim eluderentur pontificiae Constitutiones, & Ecclesiae legibus illuderetur. Hinc *Alexander VII.* hanc rursus propositionem damnavit: „ „ Modus evadendi obligationem denuntiandae sollicitationis est, si sollicitatus confiteatur cum sollicitante; hic potest ipsum absolvere absque onere denuntiandi „ „.

Præ-

Sacerdotibus vetitū audire confessiones personarū, quibuscum peccaverunt.

Præterea Decretis Ecclesiæ prohibitum est Sacerdotibus, ne confessiones audiant illarum personarum, quibuscum peccaverunt. Ita Synodus Lingonensis anno 1404. „ „ Caveat Sacerdos, ne audiat confessionem alicujus de peccato, de quo ipse est agens, vel consentiens; sed illam personam remittat ad alium Confessorem, & si sit opus, det licentiam confiteri alteri „ „.

Ita Synodus Carnotensis anno 1526. „ „ Inhibemus omnibus, & singulis Sacerdotibus, ne confessiones mulierum, cum quibus carnaliter peccaverunt, vel eas ad peccandum induxerunt, audiant, nisi in magno necessitatis articulo „ „.

In multis ante has Synodos seculis *B. Petrus Damiani* in libro qui *Gomorrhianus* inscribitur, cap. 7.

„ „ Qui reatus auctores existunt, ipsi judices fiunt. . . Sed legis præceptum est, ut cum quis lepra perfunditur, Sacerdotibus ostendatur; tunc autem non Sacerdotibus, sed leproso potius ostenditur, cum immundus immundo peractam communem nequitiam confitetur „ „.

REGULA XXVII.

Mulieribus, & quibuscunque personis, a Confessario ad actus inhonestos provocatis, sive sollicitatis, prohibere debet Sacerdos, apud quem peccata deponunt, ne ad impudicum illum Sacerdotem deinceps adeant quacunque occasione, vel prætextu, aut ipsum alloquantur, vel admittant (si necessitas urgeat) remotis arbitris; maxime vero ne apud ipsum peccatorum suorum Confessionem edant; quocunque promissionis, aut voti vinculo se obstringerint ad alium Confessarium non eligendum.

Occasio-
num fuga.

Hæc Regula nititur Christi præcepto Matth. 5. *Sic oculus tuus dexter scandalizat te, erue eum, & projice abs te.* Dexter oculi symbolo significatur consiliarius demonstrans iter in rebus divinis, qui si nos scandalizet, atque in perniciosam hæresim conetur

tar inducere, aut ad crimen pertrahere nomine religionis, deferendus, ac projiciendus est, ne cum ipso mittamur in gehennam. Ita hanc Salvatoris nostri sententiam explicat *S. August.* lib. 1. *De Sermonibus Domini in monte*, cap. 13. „ „ Sed quoniam (*inquit*) sequitur de manu dextera, & similiter dicitur: *Si dextera manus tua scandalizat te, abscinde eam, & projice abs te*; cogit quætere diligentius, quid dixerit oculum. In qua quæstione nihil mihi occurrit congruentius, quam dilectissimum amicum; nam hoc est utique, quod membrum recte possumus appellare, quod vehementer diligimus; & hunc consiliarium; quia oculus est, tanquam demonstrans iter; & in rebus divinis, quia dexter est; ut sinister sit dilectus quidem consiliarius, sed in rebus terrenis ad necessitatem corporis pertinentibus, de quo scandalizante superfluum erat dicere, quandoquidem nec dextero parcendum sit. In rebus autem divinis consiliarius scandalizans est, si in aliquam perniciosam hæresim nomine religionis, atque doctrinæ conatur inducere. Ergo & dextera manus accipiat dilectus adjutor, & minister in divinis operibus; nam quemadmodum in oculo contemplatio, sic in manu recte actio intelligitur; ut sinistra manus intelligatur in operibus, quæ huic vitæ, & corpori sunt necessaria „ „ Præcipiendum itaque est poenitenti, quem prior Confessarius ad inhonestos actus sollicitavit, seu provocavit, ne ad ipsum unquam adeat, aut illum admittat, seu cum ipso colloquatur secreto, & remotis arbitris, quacunque occasione, & prætextu, & maxime ne apud ipsum Confessionem edat, nisi extrema necessitas urgeret, nullusque alius reperiretur Confessarius. Et nisi id promittat poenitens, neganda est ipsi absolutio. Si vero aliquo promissionis, juramenti, aut voti vinculo se obstrinxit ad alium Confessarium non eligendum, sive adeundum, ipsi declarandum est promissionis illius, juramenti, aut voti obligationem nullam esse; quia polliceri, jurare, aut vovere non potuit, se illi Confessario adhæsuram quocunque even-

eventu, etiamsi hæreticus esset, vel criminosus, & ipsam in hæresim, vel crimen pertrahere tentaret; hæc enim promissio esset contra bonos mores, votum illud non esset de meliori bono, imo de re per se mala; adeoque per se nullum, & irritum esset. Censenda est ergo promissio, vel vovisse, illi Confessario se adhæsuram, quamdiu ipsam secundum Dei legem ad salutem æternam dirigeret, quamdiu ipsi ad veram beatitudinem consequendam impedimento non esset, quamdiu ministerio suo recte fungeretur; quamdiu dotes omnes haberet Sacerdoti ad Confessiones audiendas præposito necessarias. Quamquam & huiusmodi promissiones, & vota a mulieribus præsertim edita de certo quopiam Confessario non mutando, etiamsi probus sit, & pius, temeraria sint, & propter varia pericula rescindi debeant a Superioribus, vel ab aliis Confessariis, quibus ea poenitentes aperiunt. Quamvis enim nullum aliud periculum esset, quam nimie adhæSIONIS, & affectus poenitentis ad Confessarium suum, istud certe non leve est, præsertim in mulieribus; & quamvis spiritualem adhæSIONEM, & affectum esse obtendant, metuendum tamen est, ne cum spiritu cœperint, carne tandem consummentur.

REGULA XXVIII.

Incestus species est luxuriæ a cæteris distincta, malitiæque ac deformitatis singularis.

Incestus.

Cum enim actus venerei turpitudinem quamdam includant, ex qua pudor, & verecundia nascitur, exerceri cum parentibus, consanguineis, vel affinibus non possunt, sine violatione honoris naturæ lege ipsis debiti. Unde Dominus ait Lev. 18. *Omnis homo ad proximam sanguinis sui non accedet, ut non revelet turpitudinem ejus. Ego Dominus. Turpitudinem patris tui, & turpitudinem matris tue non discoperies; mater tua est, non revelabis turpitudinem ejus. Turpitudinem uxoris patris tui non discoperies;*

tur-

turpitudō enim patris tui est. Turpitudinem sororis tuæ ex patre, sive ex matre, quæ domi, vñ foris genita est, non revelabis. Turpitudinem filia filii tui vel neptis ex filia non revelabis; quia turpitudō tua est. Turpitudinem filia uxoris, patris tui, quam peperit patri tuo, & est soror tua, non revelabis. Turpitudinem sororis patris tui non discooperies; quia caro est patris tui. Turpitudinem sororis matris tuæ non revelabis, eo quod caro sit matris tuæ. Turpitudinem patrui tui non revelabis, nec accedes ad uxorem ejus, quæ tibi affinitate jungitur. Turpitudinem nurus tuæ non revelabis, quia uxor filii tui est, nec discooperies ignominiam ejus. Turpitudinem uxoris fratris tui non revelabis; quia turpitudō fratris tui est. Turpitudinem uxoris tuæ, & filia ejus non revelabis. Filiam filii ejus, & filiam filia illius non sumes, ut reveles ignominiam ejus; quia caro illius sunt, & talis coitus incestus est. Hinc J. August. lib. 2. De Civ. Dei, cap. 4. ait: „ Habet quiddam, erga parentes humana verecundia, quod nec ipsa nequitia possit auferre. Illam proinde turpitudinem obsceniorum dictorum, atque factorum, scenicos ipsos domi suæ proludendi causa coram matribus suis agere puderet, quam per publicum agebant coram Deorum matre, spectante, & audiente utriusque sexus frequentissima multitudo. Et lib. 15. cap. 16. Nescio (inquit) quomodo inest humanæ verecundiæ quiddam naturale, atque laudabile, ut cui debet causa propinquitatis reverendum honorem; ab ea contineat, quamvis generatricem, tamen libidinem, de qua erubescere videmus, & ipsam pudicitiam conjugalem „ „

Præterea inter personas sanguine conjunctas majorem consuetudinem, & familiaritatem intercedere necesse est. Unde si a commixtione venerea non arcerentur, nimia daretur omnibus opportunità venereæ commixtionis; sicque animi hominum nimis effeminarentur, ac disfluerent per luxuriam; nimisque esset ardor amoris, & maximum libidinis incensivum. Ideo in veteri lege concubitus cum illis

personis speciatim videtur esse prohibitus, quas simul commorari, aut familiariter agere necesse est. Nunc autem inter consanguineos usque ad quartum gradum inclusive; inter affines usque ad quartum gradum affinitatis ex matrimonio legitimo contractæ, etiam inclusive; ex copula autem illicita, usque ad secundum; quibus ergo consanguineis, vel affinibus matrimonio inter se jungi non licet, sive lege naturæ, sive lege Ecclesiæ, eorum copula carnalis, sive extra matrimonium, sive matrimonii absque Ecclesiæ dispensatione contracti in iis gradibus, in quibus Ecclesia dispensare potest, & solet, nomine velata incestus est.

Tertio, consanguineorum, & affinium conjugia necessitudinum propagationem impedirent. Dum enim homo uxorem extraneam accipit, junguntur ei præcipuo quodam amicitiae foedere omnes consanguinei uxori ac si essent consanguinei ejus (inquit *S. Thom.* 2. 2. q. 54. art. 9.) Quæ ratio ex *S. Augustino* sumpta est, lib. 15. *De Civ. Dei*, cap. 16. cujus verba descripsi tom. 6. in Tractatu *De Matrimonio* cap. 4. art. 5. n. 6.

Incestuosos sacri Canones, Apostolo præeunte 1. *Cor.* 5. excommunicatione percellunt, scilicet Conc. Aurelianense 1. can. 18. Epæonense, can. 30. Arverdense can. 12. Turonense 2. can. 21. Vernense can. 9. &c. Illos in catechumenorum ordinem usque ad legitimam satisfactionem detrudunt Concilium Agathense can. 81. & Ilerdense can. 4. qui referuntur can. *De Incestis*, & can. *De his*, causa 35. q. 2. & 3.

REGULA XXIX.

In Confessione sacramentali exprimendum est, utrum incestus perpetratus sit cum consanguinea, vel affine, & in quo consanguinitatis, vel affinitatis gradu.

Eo enim gravius peccatum est, quo personæ sunt magis conjunctæ. Sic incestum cum matre, quam

GUM

cum noverca, & copulam cum noverca, quam cum ejus filia gravius, & immanius crimen esse, nemo dubitaverit; & incestum cum propria sorore; quam cum sorore conjugis; & cum socru, quam cum nepte, vel consobrina. Unde Deut. 27. scriptum est: *Maledictus; qui dormit cum uxore patris sui, & revelet operimentum lectuli ejus; & dicet omnis populus, Amen. . . Maledictus; qui dormit cum sorore sua; filia patris sui, vel matris sue; & dicet omnis populus, Amen. Maledictus, qui dormit cum socru sua; & dicet omnis populus, Amen.* Gen. 49. Jacob filiis suis benedicens, illisque eventura prænuntians; Ruben (inquit) *primogenitus meus, tu principium doloris mei. . . Effusus es sicut aqua; non crescās; quia ascendisti cubile patris tui, & maculasti stratum ejus.* Apostolus 1^o ad Cor. 5. Omnino (inquit) auditur inter vos fornicatio, & talis fornicatio, qualis nec inter gentes, ita ut uxorem patris aliquis habeat. Et vos inflati estis; & non magis luctum habuistis; ut tollatur de medio vestrum; qui hoc opus fecit. Ego quidem absens corpore, præsens autem spiritu, jam judicavi, ut præsens; eum; qui sic operatus est; in nomine Domini nostri Jesu Christi. . . tradere hujusmodi satana in incertum carnis, ut spiritus salvus sit in die Domini nostri Jesu Christi.

Confirmatur hæc Regula ex antiquis Canonibus pœnitentialibus, qui incestu copulæ reos pro majoris propinquitatis ratione graviore pœnitentiæ subjiciunt. Legantur S: Basilii Epistola ad Amphilochoium, cap: 66. 74. 75. & antiqua pœnitentialia.

REGULA XXX.

Cognatio spiritualis, si quæ inter illos, qui carnaliter commixti sunt, intercedat, necessario in Confessione a pœnitentibus exprimenda est.

Carnalis enim copula inter personas foederis illo spirituali conjunctas, scilicet inter patrum, & filiolam, quam ex Baptismo, vel Confirmat

tione suscepit, vel inter matrinam, & filiolum, vel patrini cum matre filioli, aut matrinæ cum ejus patre, aut ejus, qui Baptismum, vel Confirmationem administravit, cum ea, quam baptizavit, aut confirmavit, vel cum ejus matre, incestus est, ut constat ex Synodo sub *Pipino*, seu Capitulari Metensi, cap. 1. ex Synodo Vormatiensi can. 34. ex cap. *Unius*, Ext. *De Cognatione Spirituali*; & ex Concil. Trid. sess. 24. *De Reformatione matrimonii*, cap. 11.

REGULA XXXI.

Non sunt absolvendi consanguinei, vel affines incestuosi in eadem domo manentes, ante separationem, si cohabitatio, & convictus sit illis occasio proxima incestum committendi; iis vero, qui simul non manent, prohibere debet Confessarius mutuam frequentationem, si necesse sit; aut certe ne clam, & remotis arbitris conversentur, aut colloquantur; quod nisi spoponderint, neganda illis est absolutio.

Occasiones
proximæ
removen-
da.

Morem patriæ, necessitatem convictus, commoda temporalia, imminens ex separatione infamiae periculum nemo obtendat. Prudentia quidem non vulgari Confessario opus est, ut consiliis suis hujusmodi personas dirigat, adjuvet in electione mediorum, quibus necessaria illa separatio fiat, orandus ferventius Deus, prudentiores, ac peritiores regiminis animarum interrogandi; rogandum est Episcopi consilium, si necesse sit; sed tamen rationibus omnibus, quas amor proprius, prudentiaque carnis, & seculi suggerunt, Christi præceptum præponderare debet, Matth. 5. *Si oculus tuus dexter scandalizat te, erue eum, & projice abs te. Expedi enim tibi, ut pereat unum membrorum tuorum, quam totum corpus mittatur in gehennam. Et si dextra manus tua scandalizat te, abscinde eam, & projice abs te; expedi enim tibi, ut pereat unum membrorum tuorum, quam totum corpus tuum eat in gehennam. Quod de propinquis*
ipfis

ipsis ad commoda temporalia nobis maxime necessariis, aut utilibus intelligendum, nec pertimescendum infamiae periculum ex separatione imminens, SS. Patres docent.

Item *S. Hieron.* in cap. 18. *S. Matthæi*: „„ Omnis (*inquit*) truncatur affectus, & universa propinquitas amputatur; ne per occasionem pietatis unusquisque credentium scandalis pateat. Si (*inquit*) ita est, quis tibi conjunctus, ut manus, pes, oculus; & est utilis atque sollicitus, & acutus ad percipiendum; scandalum autem tibi facit, & propter dissonantiam morum te pertrahit in gehennam; melius est, ut & propinquitatem ejus, & emolumentis carnalibus careas; ne, dum vis lucrifacere cognatos, & necessarios, causam habeas ruinarum. Itaque non frater, non uxor, non filii, non amici, non omnis affectus, qui nos excludere potest a regno cœlorum, amor Domini præponatur. Novit unusquisque credentium, quid sibi noceat; vel in quo sollicitetur animus, ac sæpe tenetur. Melius est vitam solitariam ducere, quam ob vitæ præsentis necessaria æternam vitam perdere „„.

Ita *S. Cyrillus*, lib. 12. in Joannem, pag. 1508, Regiæ editionis Parisiensis 1638. „„ Licet (*inquit*) qui charissimi nobis sunt, aliquid fortiter agere prohibeant, infamia apud homines, aut mundana quadam re proposita, cavendum ne assentire. Nec enim a satana ullo modo differunt, qui creare scandala, & ab utili indagatione versutis, ac blandis quandoque sermonibus abstrahere pium solet. Et quidem Christus tale quid significare mihi videtur, cum ait: *Si ergo oculus tuus dexter scandalizet te, erue eum, & projice abs te.* Quod enim offendiculum præstat, non jam nostrum esse debet, licet dilectionis lege in unitatem constringatur, & naturalis dilectionis jure nobiscum copuletur „„.

Hæc porro separatio a convictu, & familiaritate personarum, quæ sunt nobis occasionem peccandi, eo magis necessaria est, quod cætera vitia resistentia

do, luxuria vero fugiendo vincatur. Unde Eccl. 43. scriptum est: *In medio mulierum noli commorari; de vestimentis enim procedit tinea, & a muliere iniquitas viri.* Et Apost. 1. ad Corinth. 6. ut scribit: *Fugite fornicationem.* Hinc auctor sermonis inter Augustinianos olim 250. *De Tempore*, nunc 293. in appendice, quem S. Casario Arelatensi tribuendum viri eruditi conjiciunt, ait: „ Quod libidinem fugiendam esse diximus, Apostolo Doctore eyidenter didicimus. Qui enim omnibus vitiis resistendum prædixerit, contra libidinem non ait: Resistite; sed dixit: *Fugite fornicationem.* Ac si contra reliqua vitia Deo auxiliante debemus in præsentì resistere; libidinem vero fugiendo superare. Sic & alibi in Scripturis legimus. *Noli in faciem virginitttis attendere, ne te scandalizet vultus ejus.* Et B. Joseph, ut impudicam posset eyadere dominam, pallium, quo deprehensus fuerat, reliquit & fugit. Ergo contra libidinis impetum apprehende fugam, si vis obtinere victoriam. . . *Et infra:* Item omnia Christianorum certamina sola duriora sunt prælia castitatis; ubi quotidiana est pugna, & rara victoria. Gravem namque castitas sortita est inimicum, qui quotidie vincitur, & timetur. Et ideo nemo se falsa securitate decipiat, nemo de suis viribus periculose præsumat „ „.

Eccl. 9.

Hinc S. Ambrosius, lib. *De Joseph Patriarcha*, c. 5. „ „ Magnus vir (*inquit*) qui venditus servile nescivit ingenium, adamatus non redamavit, rogatus non acquievit, comprehensus aufugit. Qui cum ab uxore Domini conveniretur, teneri veste potuit, animo capi non potuit; ac ne ipsa quidem verba diu passus, contagium judicavit, si diutius moraretur, ut per manus adulteræ libidinis incentiva transirent. Itaque vestem exuit, crimen excussit, & relictis, quibus tenebatur, exuviis, spoliatus quidem, sed non nudus aufugit, qui erat teclus indumento pudo-

De Peccatis capitalibus,

533

REGULA XXXII.

Raptus distincta luxuriæ species est, malitiam, ac deformitatem singularem involvens.

Nam „ illatio violentiæ procedit ex magnitudine ^{Raptus} „ concupiscentiæ, ex qua aliquis non refugit „ periculo se injicere violentiæ inferendæ „; inquit *S. Thom. 2. 2. q. 154. art. 7. ad 2.* Hinc Concilium Chalcedonense can. 27. contra raptores, eorumque conscios, & adjuutores ita decernit: „ „ Qui rapiunt mulieres prætextu conjugii, & adjuutores, ac consentientes, si Clerici sunt, cadant a gradu suo; si Laici, anathematizentur „ „ Et *Symmachus* romanus Pontifex Epist. ad *Casirium* Arelatensem Episcopum: „ „ Raptores (*inquit*) viduarum, vel virginum, ob immunitatem tanti facinoris detestamur, illos vehementius persequendo, qui sacras virgines, vel volentes, vel invitæ matrimonio suo sociare tentaverint. Quos pro tam nefandissimi criminis atrocitate a communione suspendi præcipimus „ „ Refertur can. *Raptores*, causa 36. q. 1. Idem statuit *S. Synodus Tridentina*, sess. 24. *De Reformatione matrimonii*, cap. 6. „ „ Quod si rapta a raptores separata, & in loco tuto, & libero constituta, illum in virum habere consenserit, illam raptor in uxorem habeat, & nihilominus raptor ipse, ac omnes illi consilium, auxilium, & favorem præbentes, sint ipsique excommunicati, ac perpetuo infames, omniumque dignitatum incapaces, & si Clerici fuerint, de proprio gradu decidant „ „

REGULA XXXIII.

Raptus rei sunt, raptorumque poenis obnoxii, qui puellam seductam, quamvis consentientem, abducunt, & cum ea sic abducta nubunt invitæ parentibus.

Hæc Regula firmatur auctoritate Concilii Arelanensis 1. can. 2. „ „ De raptoribus autem (*inquit*) id custodiendum esse censuimus, ut si ad

Ecclesiam raptor cum rapta confugerit, & feminam ipsam violentiam pertulisse constiterit, statim liberetur de potestate raptoris, & raptor (mortis, vel poenarum immunitate concessa) aut serviendi conditioni subjectus sit, aut redimendi se liberam habeat facultatem. Si vero, quæ rapitur, patrem habere constiterit, & puella raptori, aut rapienda, aut rapta consenserit, potestati patris excusata reddatur, & raptor a patre superioris conditionis satisfactione teneatur obnoxius „ „.

Idem confirmatur ex lib. 6. Capitularium, cap. 96. Ex eo enim constat, non solum raptores poenis ecclesiasticis & civilibus adversus hoc crimen latis obnoxios fuisse, etiam si puellæ consensissent; sed puellas ipsas, siue primo, siue postea ipsis consentientes, poenitentiae publicæ subjectas fuisse, & reclusas, absque ulla spe matrimonii, non solum cum ipso rapto, sed & cum aliis viris contrahendi. Quæ leges etsi jam antiquatæ sint quoad istud caput, probant tamen raptus reos esse, poenisque raptorum obnoxios, qui puellam, quamvis consentientem, invitis parentibus abducunt, „ „ Si quis (*inquit*) alterius sponsam, virginem, aut viduam necdum desponsatam rapuerit, vel furatus fuerit, placuit, ut siue eam postea sponsaverit, siue dotaverit, seu non, seu cum parentum ejus voluntate quocunque commento ipsam accipere, vel tenere potuerit, nunquam illam uxorem habeat, sed raptori, aut furi auferatur, & proximis suis alio viro tempore congruo (si ipsa hoc malum non consenserit) nuptura, legibusque acceptura reddatur. Raptor vero, siue fur, omnesque eis consentientes, publica poenitentia juxta canonicam auctoritatem mulctentur, & proximis illius, quidquid injuste in eam nefando scelere ageretur, in triplo componant, & unamquamque rem semotis legibus in triplo restituant. Ipsa namque, quæ rapitur, si aut primo, aut postmodum tam nefario sceleri libens consenserit, nunquam postea nubat, sed publica poenitentia mulctetur, & sub tali

cu-

custodia ponatur, ut ei nullatenus luxuriari cum quocquam liceat. Taliter enim memorata flagitia puniantur, ut omnes cognoscant, quoniam nec seculi leges tam nefandis conjunctionibus consentiant, nec sacri Canones consilium ullum præbeant; sed tales seculi leges, cooperatoresque eorum, capite feriri præcipiunt; & sacri Canones Spiritu Dei conditi non solum raptores, sed etiam omnes eorum cooperatores, eisque consentientes anathemate feriunt „ „

Jus quoque romanum hanc Regulam confirmat, *Constantinus magnus*, L. *Si quis*, lib. 9. *Cod. Theodos.* tit. 24. *De rapto virginum, vel viduarum*, raptorem infusione liquentis plumbi in os plecti edicit, live invitam rapuerit, live volentem abduxerit. Eademque poena participes, & ministri sceleris damnantur, „ „ Et si voluntatis assensio detegitur in virgine, eadem, qua raptor, severitate plectatur, cum neque his impunitas præstanda sit, quæ rapiuntur invitæ; cum & domi se ulque ad conjunctionis diem servare potuerint, & si fores raptoris frangerentur audacia, vicinorum opem clamoribus quærere, seque omnibus tueri conatibus „ „ Sed leviolem tamen earum poenam esse voluit *Constantinus*, solam scilicet hæreditatis paternæ privationem. Parentes denique nili contra raptorem actores se præberent, in exilium deportari sanxit *Justinianus* Imperator L. *Raptores* lib. 9. *Cod.* tit. 13, Raptores capite plectendos decernit; bonaque omnia tam mobilia quam immobilia raptorum, eorumque consociorum, & adiutorum, ad dominium mulierum honestarum, & ingenuarum, quæ raptum passæ fuerint, transferri; poenæ autem capitali addicit tam raptores, quam eorum comites, & qui consiliarii, & ministri hujusmodi criminis, adiutores, susceptores, & fautores convicti fuerint, cujusunque sexus, & conditionis, vel dignitatis fuerint; *sive volentibus, sive nolentibus virginibus, vel aliis mulieribus, tale facinus fuerit perpetratum*. Parentes autem, quorum maxime vindicta interest, si patientiam præbuerint, vel dolorem remiserint, vel filiarum matrimonio cum ra-

ptoribus, legibus vetito, consenserint, damnat exilio. Id confirmat Novella constitutione 143. *De muliere raptum passa*, declaratque beneficium lege indultum mulieribus raptis, ut in earum dominium, ac possessionem bona raptorum transferantur, ad eas non pertinere, quæ raptoribus consenserunt, & eorum connubium contra legis tenorem elegerunt.

R E G U L A XXXIV.

Raptus eo gravius peccatum, est, quo fit ad foediorum, & magis horrendam libidinem explendam.

Gravissimum enim esset, si masculus masculum, aut femina feminam raperet. Inter raptus vero feminarum a viris primum locum tenet criminis gravitate raptus Sanctimonialium; secundum locum tenet raptus earum, quæ simplici voto virginitatem suam Deo consecrarunt; sequitur raptus consanguinearum, vel affinium; tum conjugatarum; deinde virginum, sive ingenuarum puellarum; postremo viduarum. Idem esto iudicium de violenta abductione viri a muliere potente; si enim virum religiosum raperet, aut Sacerdotem, aut voto simplici castitatis obstrictum, gravius crimen esset, quam si virum profanum, aut nullius voti religione Deo consecratum; si consanguineum, vel affinem, gravius crimen esset, quam si extraneum; si conjugatum, majus scelus esset, quam si solutum. Hæ itaque circumstantiæ in sacramentali Confessione necessario declarandæ sunt, per quas nimirum fit, ut raptus cum aliis luxuriæ speciebus concurrat, nempe cum peccato contra naturam, vel cum sacrilegio, vel cum incestu, vel cum adulterio, vel cum stupro, vel cum fornicatione simplici.

R E G U L A XXXV.

Sponsus, qui Sponsam abducit ante matrimonium, quamvis graviter peccet, raptor tamen non censetur.

Hanc

Hanc Regulam ex jure canonico hausit *S. Thomas*, adstruxitque 2. 2. qu. 154. art. 7. in responsione ad quartum: „ Sponsus (*inquit*) ex ipsa desponsatione habet aliquod jus in sua sponsa. Et ideo quamvis peccet violentiam inferendo, excusatur tamen a crimine raptus. Unde Gelasius Papa dicit (*Can. Lex illa, causa 36. quest. 1.*) Lex illa præteritorum Principum ibi raptum dixit commissum esse, ubi puella, de cujus ante nuptiis nihil actum fuerat, videbatur adducta „ „ Idem colligitur ex Synodo romana sub *Greg. II.* can. 11. & ex Concil. Troslejano, ca p. 8. „ Si quis virginem, nisi desponsaverit, rapuerit, vel furatus fuerit in uxorem, vel consentiens ei, anathema sit „ Item ex Synodo romana sub *Zacharia* Pontifice can. 7. „ Si quis temerario ausu præsumpserit virginem, aut viduam furari in uxorem, præter si desponsatam habuerit, anathema sit „ Quod can. 67. ex iis, qui Apostolici vocantur, confonum est. „ Qui virginem (*inquit*) non sponsatam violaverit, excommunicetur, nec aliam ducat, sed eam, licet pauper sit „ Idem confirmatur ex cap. *Cum causam*, Ext: *De Raptoribus*, quod est *Lucii III.* Burgenfi Episcopo sic respondentis: „ „ Cum ibi raptus dicatur admitti, ubi nihil ante de nuptiis agitur; iste raptor dici non debet, cum habuerit mulieris assensum, & prius eam desponsaverit, quam cognoverit, licet parentes reclamant, a quibus eam dicitur rapuisse „ „

Si tamen puellam sibi desponsatam per verba de futuro Sponsus abduceret, etiam volentem, non ad matrimonium celebrandum, sed ad libidinem explendam ante nuptias, vel si invitam ad matrimonium perficiendum abduceret, ac nolentem compelleret, raptus reus esset. Idem esto iudicium de viro, qui uxorem suam matrimonium consummare nolentem, intra bimestre, quod puellæ ad deliberandum de ingressu in monasterium ante matrimonij consummationem Canones concedunt (ut patet cap. *Ex publico*, Ext: *De Conversione conjugatorum*) ex ædibus

bus parentum ad consummandum matrimonium vi abduceret.

REGULA XXXVI.

Raptus rei sunt, qui puellam prædivitem, amplique patrimonii hæredem, vel alias locuplete dote auctam, impetrato Principis assensu, e domo parentum vel tutorum ipsis invitis abducunt, ut matrimonio sibi jungant.

Hæc Regula colligitur ex can. *Nullus*, causa 36. q. 2, qui can. 7. est Conc. Parisiensis 3. „ „ Nullus (*inquit*) viduam, neque filiam alterius, extra voluntatem parentum, aut rapere præsumat, aut Regis beneficio æstimet postulandum. Quod si fecerit, similiter ab Ecclesiæ communione semotus, anathematis damnatione plectatur „ „

REGULA XXXVII.

Raptor non est sacramentaliter absolvendus, donec raptam puellam sponso reddiderit, si desponsata sit, vel parentibus, si non sit desponsata; vel denique in pristinam libertatem restituerit, si mulier sit sui juris.

Nititur, hæc Regula auctoritate *S. Basilii* in Epistola canonica ad *Amphilochium*, can. 22. „ „ Eos (*inquit*) qui ex raptu habent mulieres, si alijs quidem desponsatas abripuerint, non prius oportet admittere, quam ab eis ablatae sint, & sint in eorum potestate, quibus desponsatae fuerant, an eas velint accipere, an desistere. Si quis autem vacantem acceperit, auferre quidem oportet, & suis restituere; illorum autem sententiæ permittere, siue sint parentes, siue fratres, siue quicunque alii præ sint; & si ei tradere voluerint, matrimonium constituere; sin autem renuerint, non cogi „ „

Confirmatur ex can. *Desponsatas*, causa 36. q. 2. qui Ancyрани Concilii can. 10. est. „ Desponsatas „ (*inquit*) puellas, & postea ab alijs raptas, reddi „ placet sponso, etsi vis ab alijs illis illata fuerit „

Con-

Confirmatur secundo ex Canone *Hi autem eadem causa*, & quæstione, qui Meldensis Concilii Canon sexagesimus quintus est. „ „ *Hi autem (inquirit)* qui necdum eas, quas rapuerant, cum voluntate parentum, sub desponsionis, vel dotalitii nomine in conjugium sumptas habent, quando in omnium aures hæc fuerit Constitutio promulgata, ab earum conjunctione separentur; & publicæ poenitentiae subigantur; raptæ autem parentibus legaliter restituantur „ „.

Confirmatur tertio ex *S. Thoma*, 2. 2. q. 154. art. 7. in responsione ad tertium: „ „ *Aliter (inquirit)* est dicendum de raptu puellarum, quæ sunt aliis desponsatæ, & aliter de raptu illarum, quæ non sunt aliis desponsatæ. Illæ enim, quæ sunt aliis desponsatæ, restituendæ sunt suis sponſis, qui in eas ex ipsa desponsatione jus habent. Illæ autem, quæ non sunt aliis desponsatæ, primo restituendæ sunt patris potestati; & tunc de voluntate parentum, licite possunt eas in uxores accipere. Si autem aliter fiat, illicite matrimonium contrahitur. Tenetur enim, qui quamcunque rem rapit, ad ejus restitutionem „ „.

R E G U L A XXXVIII.

Tenetur raptor, mulierem raptam, sive uxorem duxerit, sive non duxerit, decenter arbitrio judicis dotare.

Iisdem verbis hanc Regulam statuit sacra Synodus Tridentina sess. 24. *De Reformatione Matrimonii*.

R E G U L A XXXIX.

Famuli, aut familiares, & amici, qui dominis, aut amicis ad raptum, stuprum, adulterium, aut aliud crimen consilio, vel auxilio cooperantur, admonendo scalam ad fenestras, aperiendo januam, litteras ferendo, vel horam opportunam crimini hinc inde nuntiando, excubias agendo, ne in crimine deprehendantur; eos comitando noctu, vel die in
do-

domum concubinæ, qui sine eorum satellitio illuc non irent, mortaliter peccant, etiam si id faciant metu gravis detrimenti; nec absolvi sacramentaliter debent, quamdiu in iis occasionibus versantur.

Peccatum
familiarium
amicorum
& servorum
amicorum
aut domi-
norum li-
bidini co-
operantiū.

Matth. 16.

Quicumque enim consilium, vel auxilium quovis modo præbent ad crimen perficiendum, consentiunt crimini (quacunque excusatione se purgare nitantur) *Digni autem sunt morte, non solum qui talia faciunt, sed etiam qui consentiunt facientibus* (inquit Apostolus ad Romanos, cap. i.) Nec ullius detrimenti metus, nulla temporalis utilitas illos excusare potest, qui dominos, aut amicos ad flagitia adjuvant. *Quam enim commutationem dabit homo pro anima sua? . . . Quid prodest, si universum mundum lucratur, anima vero sua detrimentum patiatur?* Hinc Tertullianus, lib. *De Idololatria*, cap. 11. „Graviora (inquit) delicta quæque, pro magnitudine periculi diligentiam extendunt observationis, ut non ab his tantum abscedamus, sed & ab iis, per quæ fiunt. Liciet enim ab aliis fiant, non interest, si per me. In nullo necessarius esse debeo alii, cum facit, quod mihi non licet. Ex hoc quod vector facere, intelligere debeo, curandum mihi esse, ne fiat per me. Denique in alia causa non levioris reatus præjudicium istud observo. Nam quod mihi de stupro interdictum sit, aliis ad eam rem nihil, aut operæ, aut conscientia exhibeo. Nam quod ipsam carnem meam a lupanaribus segregavi, agnosco me neque lenocinium, neque id genus lucrum alterius causa exercere posse; sic & homicidii interdictio ostendit mihi, lanistam quoque ab Ecclesia arceri; nec per se non faciet, quod faciendum aliis subministrat. . . Male nobis de necessitatibus humanæ exhibitionis supplaudimus, si post fidem obsignatam dicimus; non habeo, quo vivam. Sero dicitur, ante enim fuit deliberandum, ex similitudine providentissimi ædificii illius, qui prius sumptus operis cum viribus suis supputat, ne

ubi cœperit, defectus postea erubescat. Sed & non habes edicta Domini, & exempla adimentia tibi omnem consolationem? Quid enim dicis? Egebo. Sed felices egenos Dominus appellat. Victum non habebo; sed, Nolite (*inquit*) cogitare de victu. Et vestitus habemus exemplum; lilia. Substantia mihi opus erat; at quin omnia vendenda sunt, & egentibus dividenda; Sed filiis, & posteritati providendum: Nemo aratro manum imponens, & retro spectans, aptus est operi. Sed condituonalis eram: Nemo duobus dominis servire potest. Si vis Domini discipulus esse, crucem tuam tollas, & Dominum sequaris, necesse est, id est, angustias, & cruciatus tuos, vel corpus solum, quod in modum crucis est. Parentes, conjuges, liberi propter Deum relinquendi erunt. De artibus, & negotiationibus, & de professionibus etiam liberorum, & parentum causa dubitas... Nemo eorum, quos Dominus allegit, non habeo, dixit, quo vivam. Fides famem non timet. Scit etiam famem non minus sibi contemnendam propter Deum, quam omne mortis genus. Didicit non respicere vitam, quanto magis victum? Quotusquisque hæc adimplevit? Sed quæ poenes homines difficilia, poenes Deum facilia „„ Merito itaque Namurensis Episcopus in Synodo Diocesana anno 1658. hanc Propositionem damnavit: „„ Famuli comitantes dominum noctu, vel die ad domum concubinæ, qui sine eorum locietate eo non iret, vel qui ferunt internuntia, vel literas, vel referunt hinc inde horam ad peccandum, vel faciunt excubias, vel custodiam, dum simul cum concubina, vel altera committit peccatum, absolvi non possunt, si contentiant in peccatum; secus si id fieret propter temporalem commoditatem „„

Deinde *Innocentius XI.* Pontifex maximus inter ^{Propositio} alias Propositiones scandalosas, & in praxi perniciosas, hanc etiam damnavit die 4. Martii 1679. „„ Famulus, qui submissis humeris, scilicet adjuvat herum suum ascendere per fenestras ad stuprandam virginem, & multoties eidem suble-

vit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti; puta, ne a domino male tractetur, ne torvis oculis aspiciatur, ne domino expellatur „ „.

Clerus etiam gallicanus in generalibus Comitibus anni 1700. hac censura illam confixit; „ Hæc propositio scandalosa est, perniciofa, verbis Domini-
„ cis, & Apostolicis aperte contraria, & hæretica „.

R E G U L A X L.

Peccatum contra naturam inter omnia luxuriæ genera gravissimum est.

Peccatum
contra na-
turam.

Id significat apostolica illa sententia ad Ephes. 5. *Quæ enim in occulto fiunt ab ipsis, turpe est & dicere.* Idem docet Tertullianus, lib. *De Pudicitia*, cap. 5. „ „ Reliquas (*inquit*) libidinum furias impias, & in corpora, & in sexus ultra jura naturæ, non modo limine, verum omni Ecclesiæ testio submovemus; quia non sunt delicta, sed monstra „ „.

Idem confirmat *S. August.* lib. 3. *Confessionum*, cap. 8. „ „ Flagitia (*inquit*) quæ sunt contra naturam, ubique, ac semper detestanda, atque punienda sunt, qualia Sodomitarum fuerunt. Quæ si omnes gentes facerent, eodem criminis reatu divina lege tenerentur, quæ non sic fecit homines, ut se illo uterentur modo. Violatur quippe ipsa societas, quæ cum Deo nobis esse debet, cum eadem natura, cujus ille auctor est, libidinis perversitate polluitur „ „.

S. Petrus Damiani in lib. *Gomorrhiano*, cap. 16. „ „ Hoc sane vitium (*inquit*) nulli prorsus est vitio conferendum, quod omnium immanitatem superat vitiorum. Hoc liquidem vitium mors est corporum, interitus animarum, carnem polluit, mentis lumen extinguit, Spiritum sanctum de templo humani pectoris ejicit, incentorem luxuriæ diabolum introducit, mittit in errorem, subtrahit deceptæ menti funditus veritatem, cuncti laqueos præparat, cadenti

in

in puteum, ne egrediatur, oppilat; infernum aperit, Paradisi januam claudit; cœlestis. Jerusalem civem, tartaræ Babylonis facit hæredem, &c „ „.

Idem confirmat *S. Thomas*, 2. 2. qu. 154. art. 11. „ „ In quolibet (*inquit*) genere pessima est principii corruptio, ex quo alia dependent. Principia autem rationis sunt ea, quæ sunt secundum naturam. Nam ratio præsuppositis his, quæ sunt a natura determinata, disponit alia, secundum quod convenit. Et hoc apparet tam in speculativis, quam in practicis. Et ideo sicut in speculativis error circa ea, quorum cognitio est homini naturaliter indita, est gravissimus, & turpissimus; ita in agendis, agere contra ea, quæ sunt secundum naturam determinata, est gravissimum, & turpissimum. Quia ergo in vitiis, quæ sunt contra naturam, transgreditur homo id, quod est secundum naturam determinatam circa usum venereorum; inde est, quod in tali materia hoc peccatum est gravissimum, & turpissimum „ „.

Et in responsione ad primum: „ „ Sicut (*inquit*) ordo rationis rectæ est ab homine, ita ordo naturæ est ab ipso Deo. Et ideo in peccatis contra naturam, in quibus ipse ordo naturæ violatur, fit injuria ipsi Deo ordinatori naturæ. Et in responsione ad secundum: Vitia (*inquit*) contra naturam tanto sunt graviora, quam sacrilegii corruptela, quanto ordo naturæ humanæ insitus est prior, & stabilior, quam quilibet alius ordo supernaturalis „ „.

REGULA XLI.

Mollities, sive pollutio, quæ directe, vel indirecte, expresse, vel interpretative, in se, vel in sua causa voluta est, quæ quidem causa sit lethale peccatum, mortale peccatum est, vel in se, vel in causa, sive dormienti, sive vigilanti contingat.

Cum dormienti contingit, voluntaria non est; nisi ratione voluntatis, quæ in vigilante præcessit; quæ pollutionem ipsam optaverit, aut de illa

Tom. VII.

M m

pro-

probabiliter futuræ delectata sit, lethalis peccati rea est. Si autem pollutionem ipsam expresse noluit, causam tamen voluit, ex qua mens prævidebat, aut certe prævidere poterat, ac debebat, fore, ut sequeretur pollutio, & hujusmodi causa erat inhonesta, & lethalis; pollutio etiam est lethale peccatum ratione causæ, in qua est volita; sive (ut loquitur *S. Thomas*, 2. 2. quæst. 54. art. 5.) *Est sequela peccati precedentis.*

Cum vero vigilant, & directe, vel indirecte consentienti, causamve prævisam, quam avertere tenebatur, & poterat, non avertenti; contingit pollutio, lethale semper peccatum est. Inter ea scilicet ab Apostolo numeratur, quæ a regno Dei excludunt. 1. ad Corinth. 6. *Neque fornicarii, neque adulteri, neque molles, neque masculorum concubitores regnum Dei possidebunt.* Et Gen. 38. Res detestabilis dicitur, ubi de Ona filio Judæ hæc leguntur: *Ille sciens non sibi nasci filios, introjens ad uxorem fratris sui, semen fundebat in terram, ne liberi fratris nomine nascerentur. Et idcirco percussit eum Dominus, quod rem detestabilem faceret.*

Hinc *S. Augustinus*, lib. 4. *Contra Julianum*, cap. 5. „Male (*inquit*) utitur homo membris bonis, quando consentit eis, quæ in nobis habitant, cupiditatibus malis; in quibus libido præ cæteris turpis est, cui nisi resistatur, horrenda immunda committit. Quo malo bene non utitur nisi sola pudicitia conjugalis „

Lethale pariter peccatum est, si consensus interpretativus adsit, id est, si ratio, quæ pervigil esse deberet ad obscænos motus reprimendos, dum actu insurgunt, omittit, & negligit repellere, vel improbare, quasi tacens, juxta vulgatum illud juris effatum: *Qui tacet, consentire videtur.* Sic nauta negligens causa censetur submersionis navis.

REGULA XLII.

Mollities jure naturæ prohibita est, & per se, ac intrinsece mala; adeo ut lectulo etiam positivo
Dei

Dei præcepto, nusquam bona, licita, expetenda, multo minus obligatoria esse possit.

Libidinosa delectatio, quæ in effusione genitalis seminis sentitur, ita vehemens, ac effrænis est, ita rationem absorbet, ac veluti submergit, ut contra rationem sit eam unquam procurare, vel admittere, aut expetere citra legitimum usum matrimonii. Unde nec ipsa conjugalitatis pudicitia unquam ea libidine uti vellet, si absque illa filios propagare posset, ut *S. August.* asserit libro 14. *De Civitate Dei* cap. 16. „ „ Cum igitur sint multarum libidines rerum, tamen cum libido dicitur, neque cuius rei libido sit, additur, non fere adsolet animo occurrere nisi illa, qua obscenæ corporis partes excitantur. Hæc autem sibi non solum totum corpus, nec solum extrinsecus, verum etiam intrinsecus vindicat, totumque commovet hominem, animi simul affectu cum carnis appetitu conjuncto, atque permixto, ut ea voluptas sequatur, qua major in corporis voluptatibus nulla est; ita ut momento ipso temporis, quo ad ejus pervenitur extremum, pene omnis acies, & quasi vigilia cogitationis obruat. Quis autem amicus sapientiæ, sanctorumque gaudiorum, conjugalem agens vitam, sed, sicut Apostolus monuit: *Sciens vas suum possidere in sanctificatione, & honore, non in morbo desiderii, sicut & gentes, quæ ignorant Deum*, non mallet, si posset, sine hac libidine filios procreare; ut etiam in hoc serendæ prolis officio, sic ejus menti ea, quæ ad hoc opus creata sunt, quemadmodum cætera suis quæque operibus distributa membra servirent, nutu voluntatis acta, non æstu libidinis incitata „ „?

Et lib. 4. *Contra Julianum*, cap. 14. Pelagianum illum patronum libidinis ita compellat: „ „ Illa, pro qua mecum tantis contentionibus litigas, etiam quando ad eam bona intentione, hoc est, causæ propagandæ prolis acceditur, tamen in ipso opere, quem permittit, aliquid, non dico sapientiæ, sed cujuslibet

1. Cor. 7.

rei, aliud cogitare? Nonne illi totus animus, & corpus impenditur, & ipsius mentis quadam submersione illud extremum ejus impletur? Cum vero vincit etiam conjugatos, ut non propagationis; sed carnalis delectationis cupiditate misceantur, quod Apostolus *Secundum veniam, non secundum imperium* se dixisse testatur; ita hinc emergitur, & quasi in auram cogitationis post illum gurgitem respiratur, ut fiat consequens, quod verum ait quidam: *Et penitendi, quæ est cum voluptate vicinitas!* Quis ergo amator spiritalis boni, etiam sola causa sobolis conjugatus non mallet, vel sine ista si possit, vel sine tam magna vi ejus filios procreare? Obsecro te, non sit honestior philosophia gentium, quam nostra christiana, quæ una est vera philosophia. Vide enim quod in Hortensii Dialogo dicat Tullius. „An vero „(*inquit*) voluptates corporis expetendæ, quæ vere, „ & graviter a Platone dictæ sunt illecebræ esse, uti „ que atque escæ malorum? Quæ enim confectio est „ valetudinis, quæ deformatio coloris, & corporis, quod „ turpe damnum, quod dedecus, quod non evocetur, „ atque eliciatur voluptate? Cujus motus, ut „ quisque est maximus, ita est inimicissimus philosophiæ. Congruere enim cum cogitatione magna „ voluptas corporis non potest. Quis enim cum „ utatur voluptate ea, qua nulla possit major esse, „ attendere animo, inire rationem, cogitare omnino „ quidquam potest? Quis autem tantus est gurgis, „ qui dies, & noctes sine ulla minimi temporis intermissione velit ita moveri suos sensus, ut moventur in lummis voluptatibus? Quis autem bona mente præditus, non mallet nullas omnino nobis natura voluptates datas „?... Erubescamus interim veris disputationibus impiorum, qui didicimus in vera veræ pietatis, sanctæque Philosophia, & contra spiritum carnem, & contra carnem concupiscere spiritum „... Ex his perspicuum est, gentiles ipsos Philosophos, solo naturalis rationis lumine agnovisse repugnantiam veneræ libidinis cum humana natura,

&

& cum sapientiæ studio, quò nihil eidem naturæ magis consentaneum est. Nunquam igitur a peccato immunis esse potest, nisi cum rationis fræno regitur, quod fieri non potest, nisi cum ejus usum in matrimonio legitimo mens permittit ad propagandæ prolis officium. Mollities igitur jure naturæ prohibita est, & per se, ac intrinsece mala.

Confirmatur statuta Regula ex S. Thoma, quæst. 15. *De Malo*, art. 1. ubi de actu venereo sic loquitur: „ Quandoque cum inordinatione concupiscentiæ est etiam inordinatio ipsius actus exterioris secundum se ipsum, sicut contingit in omni usu membrorum genitalium præter matrimonialem actum. Et *Quod omnis talis actus sit inordinatus secundum se ipsum*, apparet ex hoc, quod omnis actus humanus dicitur inordinatus, qui non est proportionatus debito fini, sicut comestio est inordinata, si non proportionetur corporis salubritati, ad quam ordinatur sicut ad finem. Finis autem usus genitalium membrorum est generatio, & educatio prolis. Et ideo omnis usus prædictorum membrorum, qui non est proportionatus generationi prolis, & debitæ ejus educationi, *Est secundum se inordinatus*. Quicumque autem actus prædictorum membrorum est præter commixtionem maris & feminae, manifestum est, quod non sit accommodatus generationi prolis „ „

Et art. 1. 1. „ Peccatum (*inquit*) luxuriæ dupliciter habet inordinationem. Uno quidem modo; ex parte concupiscentiæ, & talis inordinatio non semper facit peccatum mortale; alio modo: *Ex parte ipsius actus, qui de se est inordinatus, & sic semper est peccatum mortale*. Et ideo ex hac parte, ex qua est major gravitas peccati, sumuntur species prædictæ luxuriæ. Est autem actus luxuriæ inordinatus, aut ex hoc, quod non potest sequi ex actu generatio prolis, & sic est *Vitium contra naturam*; aut ex eo, quod non potest sequi debita educatio, quia scilicet mulier non est determinata viro, ut sit sua secundum legem matrimonii „ „. Mollities porro, & effusio quolibet

feminis præter commixtionem maris, & feminæ debito modo factam, dicitur peccatum contra naturam, non solum quia repugnat rationi, quæ natura est hominis, sed etiam quia est contra naturam omnis animalis, in qua generatio fit commixtione utriusque sexus (inquit *S. Thomas*. Art. 1. ejusdem quæstionis, in responsione ad septimum.)

Nusquam igitur licet, aut licere potest, pollutionem quocunque modo sibi procurare, aut eam expetere, vel etiam naturæ impetu evenienti consensum præbere, sanitatis, aut vitæ tuendæ, & conservandæ causa. Sicut enim mentiri nusquam licet, etiamsi nobis, aut proximis prodesse mentiando possumus, quia mendacium per se malum est; ita nusquam licet actum venereum extra legitimum matrimonium exercere, etiamsi ad sanitatem corporis profuturus videtur. Unde *S. Augustinus*, *Enchiridia*, cap. 22. ait: „Nec ideo nullum mendacium putandum est non esse peccatum, quia possumus aliquando alicui prodesse mentiando. Possumus enim & furando, si pauper, cui palam datur, sentit commodum, & dives, cui clam tollitur, non sentit incommodum; nec ideo tale furtum quisquam dixerit non esse peccatum. Possumus, & adulterando; si aliqua, nisi ad hoc ei consentiatur, appareat amando moritura, & si vixerit, poenitendo purganda; nec ideo peccatum negabitur tale adulterium „ „ „ Multo minus peccatum desinet esse molities, quæ flagitium est contra naturam, etiamsi profutura videatur sanitati. Quod si adulterium „ Non ideo malum est, quia vetatur lege, sed ideo vetatur lege, „ quia malum est „, ut ait *Evodius* approbante *S. August.* lib. 1. *De Libero arbitrio* cap. 3. Quis idem potiori jure neget afferendum de molitie, aliisque flagitiis, quæ *Contra naturam* dicuntur, quia in illis ipse ordo naturæ violatur, ut loquitur *S. Thomas*. Quamobrem fieri non potest, quin repugnent æternæ legi, quæ est *Ratio divina, vel voluntas Dei, ordinem naturalem conservari jubens, perturbari vetans*; ut do-

est *S. August.* lib. 22. *Contra Faustum*, cap. 27. Qui naturæ ordo, sicut cibum destinat sustentationi corporis, ita & semen legitimæ propagationi prolis, Unde sicut cibus idolo consecratis nulquam vesci licet in honorem idoli, aut cum offensione proximi, etiam si fame moriendum sit; ita nunquam licet coitus extra legitimum matrimonium, & multo minus effusio seminis absque sexus utriusque commixtione, quæ sola proles propagatur, aut sterilibus quælibet luxuria, etiam si mors vitari non possit nisi semen effundatur. . . . Quod enim est cibus ad salutem hominis (*inquit S. August. lib. De Bono Conjugali cap. 16.*) hoc est concubitus ad salutem generis, & utrumque non est sine delectatione carnali; quæ tamen modificata, & temperantia refrænante in usum naturalem redacta, libido esse non potest. Quod est autem in sustentanda vita illicitus cibus, hoc est in querenda prole fornicarius, vel adulterinus concubitus. Et quod est in luxuria ventris, & gutturis illicitus cibus, hoc est in libidine nullam prolem querente illicitus concubitus. Et quod est in cibo licito nullis immoderationis appetitus, hoc est in conjugibus venialis ille concubitus. Sicut ergo satius est emori fame, quam idolothytis vesci; ita satius est defungi sine liberis, quam ex illicito coitu stirpem querere . . .

Merito itaque *Innocentius XI.* hanc inter alias propositionem damnavit, anno 1679. „ Mollities jure „ naturæ prohibita non est, unde, si Deus eam non „ interdixisset, sæpe esset bona, & aliquando obli- „ gatoria sub mortali „ „

Propositio
damnata
erronea,
scandalosa,
castarum
aurium of-
fensiva.

REGULA XLIII.

Hæc *Propositio*: Non refert, quid sensus agat, vel quid sentiat corpus, modo animus Deo conjugatur *Hæretica est, ad fræna libidinibus laxanda viam aperiens & contradictionem in terminis implicans.*

Hanc hæresim a Beguardis, & Beguinis, olim asseritam, & in Concilio Viennensi damnatam nefarii

Beguardo-
rum, &
Quietista-
rum error.

Quietiste, ab Innocentio XI. Pontifice maximo nuper damnati renouarunt. Beguardorum, & Beguinorum error ita refertur in Clementina *Ad nostram*, tit. de hæreticis; „„ Quod jejunare non oportet hominem, nec orare, postquam gradum perfectionis hujusmodi fuerit assecutus; quia tunc sensualitas est ita perfecte spiritui, & rationi subiecta, quod homo potest libere concedere corpori, quidquid placet „„. Quam hæresim Apostolus evertit his verbis ad Colossenses 3. *Mortificate membra vestra, quæ sunt super terram, fornicationem, immunditiam, libidinem, concupiscentiam malam, & avaritiam, quæ est simulacrorum servitus; propter quæ venit ira Dei super filios incredulitatis; in quibus & vos ambulastis aliquando, cum viveretis in illis.* Et ad Gal. 5. *Spiritum ambulate, & desideria carnis non perficietis. . . Manifesta sunt opera carnis; quæ sunt fornicatio, immundicia, impudicitia, luxuria, &c. . . Quæ prædico vobis, sicut prædixi; quoniam qui talia agunt, regnum Dei non consequentur. . . Qui autem sunt Christi, carnem suam crucifixerunt cum vitiis, & concupiscentiis. Si spiritu vivimus, spiritu & ambulemus.* Et ad Rom. 8. *Qui in carne sunt (inquit) Deo placere non possunt. Vos autem in carne non estis, sed in spiritu, si tamen Spiritus Dei habitat in vobis. Si quis autem Spiritum Christi non habet, hic non est ejus. . . Ergo, fratres, debitores sumus non carni, ut secundum carnem vivamus. Si enim secundum carnem vixeritis, moriemini. Si autem spiritu facta carnis mortificaveritis, vivetis.*

Refellitur idem error auctoritate S. Augustini, lib. 22. *Contra Faustum*, cap. 28. „„ Quapropter (inquit) hominis actio serviens fidei servienti Deo, refrænât omnes mortales delectationes, & eas coercet ad naturalem modum, meliora inferioribus ordinata dilectione præponens. Si enim nihil delectaret illicitum, nemo peccaret. Peccat ergo, qui delectationem illiciti relaxat potius, quam refrænât. Est autem illicitum, quod lex illa prohibet, qua naturalis ordo servatur. *Ecce capite 29. Mortales autem delectationes usque ad repa-*

ran-

randam seu custodiendam istam mortalem salutem; siue uniuscujusque hominis, siue ipsius humani generis, vel excitandæ, vel relaxandæ sunt; ultra si prolapse fuerint, & contra temperantiæ rationem hominem non se regentem abripuerint, libidines erunt profecto illicitæ, ac turpes, & dignæ doloribus emendari. Quod si etiam perturbatum rectorem in totam voraginem perditæ consuetudinis mergant, ut, vel inultas fore credens, Confessionis, & poenitiæ negligat medicinam, qua correptus emergat, vel pejore morte cordis contra illam æternam providentiæ legem blasphemum ei patrocinium defensionis adhibeat, atque ita diem fungatur extremum; non jam emendatione, sed damnatione dignum. Lex illa irreprehensibilis censeat „ „

His adde, quod a *S. Petro Damiani* libro, qui inscribitur *Gomorrhianus*, cap. 20. de quodam Eremita narratur: „ „ Qui cum multis virtutibus cum suo quodam collega defuisset, hæc illi per diabolum injecta cogitatio est, ut quodocunque libidine titillaretur, sic semen detritum genitalis membri egerere deberet, tanquam phlegma de naribus projiceret; qui ob id dæmonibus moriens, vidente socio, traditus est. Tum idem socius reatum ejus ignorans, sed exercitia virtutum recolens, pene desperavit, dicens, o quis poterit salvus esse? Quomodo iste perit? Cui mox Angelus astans dixit: Ne turberis; iste enim licet multa fecerit, tamen per illud vitium, quod Apostolus vocat immunditiam, cuncta foedavit „ „

Denique in terminis contradictionem implicat illa Propositio, impossibile enim est impudici animum Deo esse conjunctum; impossibile est, ut seruiat charitati, qui servit cupiditati.

REGULA XLIV.

Nocturna pollutio secundum se nunquam est peccatum, sed quandoque est sequela peccati præcedentis.

Sunt ipsa *S. Thomæ* verba, 2. 2. qu. 154. art. 5. eaque ratione Regulam fulcit: Omne peccatum de-

Nocturna
pollutio
non.

pendet ex iudicio rationis ; quia etiam primus motus
 „ sensualitatis non habet, quod sit peccatum, nisi in
 „ quantum iudicio rationis reprimi potest ; & ideo
 „ sublato iudicio rationis tollitur ratio peccati ; in
 „ somno autem ratio non habet liberum iudicium ;
 „ unde id, quod agit homo dormiens, non imputa-
 „ tur ei ad culpam, sicut nec illud, quod agit furio-
 „ sus, aut amens.

Nititur etiam hæc Regula *S. August.* testimonio, lib.
 12. *De Genesi ad literam*, cap. 15. „ Porro (*in-*
quit.) ipsa phantasia, quæ sit in cogitatione sermocini-
 nantis, cum ita expressa fuerit in visione somniantis,
 ut inter illam, & veram commixtionem corporum
 non discernatur, continuo movetur caro ; & sequi-
 tur, quod eum motum sequi solet, cum hoc tam si-
 ne peccato fiat, quam sine peccato a vigilante dici-
 tur, quod ut diceretur, sine dubio cogitatum est „ „

R E G U L A X L V.

Nocturna pollutio ex superabundantia, & resolu-
 tione naturali seminis proveniens, nulla præce-
 dente culpa, quæ illius causa sit, non est pecca-
 tum ; si autem sit ex culpa præcedente, puta, ex
 superfluitate cibi, aut potus, peccatum est, inter-
 dum mortale, alias veniale.

Hanc Regulam tradit *S. Thomas*, quæst. & art.
 mox laudatis, & 3 P. quæst. 80. art. 7. Nullum
 enim peccatum est, nisi sit voluntarium ; at pollutio
 proveniens ex abundantia, & naturali resolutione se-
 minis, ob caloris in corpore dominantis intempe-
 riam, aliamve commotionem humorum, aut ex infir-
 mitate naturæ, non est voluntaria ; non est igitur pec-
 catum. Quæ vero superfluitate cibi, vel potus oritur,
 voluntaria est ex parte causæ ; ideoque peccatum
 est mortale quidem, cum ex lethali gulæ, vel ebria-
 tatis peccato ; ~~veniale~~, cum ex veniali ortum habet.

REGULA XLVI.

Lethalis peccati reus est, qui somnum capit, aut somno se daturus corpus inhoneste componit, ut dormienti contingat pollutio.

Tunc enim pollutio voluta est, seu a voluntate imperata. Quemadmodum ergo, qui sagittam ex arcu, vel globum ex tormento emisit, quibus alter occiditur, homicidii reus est, etiam si non sit amplius in ejus potestate, cum lethale vulnus infligit, seu mortem infert; ita lethaliter peccat, qui somno indulget, aut corpus certo quodam modo componit, ut pollutio sequatur in somnis; quamvis non sit amplius in ejus potestate illam cōhibere, cum actus consummatur.

REGULA XLVII.

Lethalis peccati reus est, qui data opera nimium cibum, potumve sumit ob hunc finem, ut in somno sequatur pollutio; etsi non ob delectationem carnalem, sed ad alleviationem naturæ, & sanitatem id faciat.

Hanc Regulam iisdem pene verbis tradit *S. Anton.* 2. P. tit. 6. cap. 5. rationemque subdit. „Sicut (*inquit*) si in vigilia voluntarie se pollueret ob sanitatem solum, non excusaretur a mortali; quia facit directe contra finem intentum a natura, qui non est alius in emissionem seminis voluntaria, nisi generatio, quæ per illum motum sequi non potest „

REGULA XLVIII.

Pollutionis appetitum, etiam propter alleviationem naturæ, quæ naturali via, & absque nostra opera contingat, illicitum esse, probabilius est.

Cum epim pollutio sit per se, & ex natura sua mala, utpote luxuriæ species, ordinique naturali actus venerei repugnans; adeoque semper sit peccatum, quando voluntaria est; nec illam appetere licet ob quem-

quemcunque finem. Sicut ergo fornicationem, adulterium, homicidium, in somnis etiam perpetranda, non licet appetere ob quodcunque commodum temporale, quia per se mala sunt, & ex genere suo peccata mortalia, ita nec pollutionem. A Deo certe petere licet, quod licet desiderare; cum oratio sit interpres desiderii, illiusque apud Deum expositio. Unde *S. Thom.* 2. 2. qu. 83. art. hoc ex *S. August.* *Epist. ad Probam*, principium itauit, *Hoc licet orare, quod licet desiderare*; indeque colligit, temporalia licite peti a Deo in oratione, quia licite desiderantur. Non licet autem Deum orare, ut pollutio in somnis eveniat, cum contra, Spiritu sancto, qui Ecclesiam regit, docente, sic oremus in publicis Ecclesiis precibus: *Hostemque nostrum comprime, ne polluantur corpora*. Licitum itaque non videtur, pollutionem, quæ in somno contingat, desiderare, etiam propter alleviationem naturæ, & valetudinem; & desiderium huiusmodi carere non videtur peccato mortali. Variæ de re esse scio Theologorum opiniones, sed ea mihi probabilior, ac tutior videtur, quam *Dominicus Soto*, *Medina*, *Silvius*, alique insignes Theologi prouident.

R E G U L A X L I X.

Gaudere non licet de pollutione, quæ in somno contingit, etiam propter allevamentum naturæ.

De ipso quidem allevamento naturæ, & de sanitate gaudere, honestum est; nec aliud voluisse videtur *S. Thomas*, in 4. *Sentent.* dist. 9. qu. 1. art. 14. quæstiuncula 1. ad quintum, dicens: *Si autem placeant ut naturæ exoneratio, vel allevatio, peccatum non creditur*. At de pollutione ipsa, quæ allevamenti istius causa fuit, gaudere non licet; neque alia mens fuit angelici Doctoris, qui pollutionem per se malam, actum secundum se inordinatum, violationem ordinis naturalis, peccatum ex genere suo mortale, vitium contra naturam passim

vocat; quæ proinde honestæ delectationis objectum esse non potest. Sicut gaudere non licet homini vigilanti de fornicatione, incestu, adulterio, homicidio ab eodem dormiente perpetratis, quamvis inde corporis valetudo, pinguis hæreditatis consecutio, pax, & tranquillitas, seu domestica, seu privata provenerint; quia fornicatio, incestus, adulterium, homicidium per se, & ex natura sua peccata sunt. Cum igitur pollutio sit luxuriæ species, fornicatione, adulterio, incestu, ipsaque sacrilegii corruptela gravior, ut docet *S. Thomas*; de illa gaudere non licet potiori jure, quam de aliis luxuriæ speciebus, quodcunque bonum ex illa fuerit per accidens consecutum; quamvis de ipso bono ex illa consecuto gaudere liceat. Et licet complacentiam in ipsa pollutione quatenus alleviatio corporis est, non quatenus delectatio carnalis, peccatum non esse daremus, periculosam tamen esse quis negare possit, cum hujusmodi præcisiones in praxi sint difficillimæ? Hinc *Gersonius*, Tract. *De Pollutione diurna*, Propos. 6. „Videat (*inquit*) homo præsertim novitius, ne hujusmodi complacentia se seducat, prætendens unum, & agens alterum. Salubrius est itaque cogitationes circa rem hanc divertere, quam habere „

Hanc, superioremque Regulam *S. August.* confirmat lib. 10. *Confessionum* cap. 30. ubi confitetur, quo modo se habeat ad tentationes carnis libidinis. „Adhuc vivunt (*inquit*) in memoria mea talium rerum imagines, quas ibi consuetudo mea fixit; & occurrant mihi vigilanti quidem carentes viribus, in somnis autem non solum usque ad delectationem, sed etiam usque ad consensionem, factumque simillimum. Et tantum valet imaginis illusio in anima mea, & in carne mea, ut dormienti falsa visa persuadeant, quod vigilanti vera non possunt. Nunquid tunc ego non sum, Domine Deus meus? Et tamen tantum interest inter me ipsum, & me ipsum intra momentum, quo hinc ad soporem transeo, vel huc inde retransleo, Ubi est tunc ratio, quæ talibus suggestio-

gestionibus resistit vigilans? Et si res ipsæ ingerantur, inconsultus maneo. Nunquid clauditur cum oculis? Nunquid sopitur cum sensibus corporis? Et unde sæpe etiam in somnis resistimus, nostrique propositi memores, atque in eo castissime permanentes, nullum talibus illecebris adhibemus assensum? Et tamen tantum interest, ut cum aliter accidit, evigilantes ad conscientię requiem redeamus; ipsaque distantia reperiamus nos non fecisse, quod tamen in nobis quoquo modo factum esse doleamus. Nunquid non potens est manus tua, Deus omnipotens, sanare omnes languores animę meę, atque abundantiore gratia tua lascivos motus etiam mei soporis extinguere? Augebis, Domine, magis, magisque in me munera tua, ut anima mea lequatur me ad te concupiscentię visco expedita, ut non sit rebellis sibi, atque in somnis etiam non solum non perpetret istas corruptelarum turpitudines per imagines animales usque ad carnis fluxum, sed ne consentiant quidem. Nam ut nihil tale, vel tantillum libeat quantum possit nutu cohiberi etiam in calto dormientis affectu, non tantum in hac vita, sed etiam in hac ætate, non magnum est omnipotenti, qui voles facere, supra quam petimus, & intelligimus. Nunc tamen quid adhuc sim in hoc genere mali mei, dixi Domino bono meo, exultans, cum tremore in eo, quod donasti mihi, & lugens in eo, quod inconsummatus sum, sperans perfecturum te in me misericordias tuas usque ad pacem plenariam, quam tecum habebunt interiora & exteriora mea, cum absorpta fuerit mors in victoria „„.

R E G U L A L.

Nocturna pollutio ex præcedenti rerum turpium, seu carnalium vitiorum cogitatione proveniens, quam illarum comitatur desiderium, aut voluntaria in illis delectatio cum consensu, lethale peccatum est in sua causa.

Ita

Ita docet *S. Thomas*, 2. 2. qu. 154. art. 5. „„ Alia causa (*inquit*) nocturnæ pollutionis potest esse animalis, & interior, puta, cum ex cogitatione præcedenti contingit aliquem dormientem pollui. Cogitatio autem, quæ in vigilia præcessit, quandoque est pure speculativa, puta, cum aliquis causa disputationis cogitat de peccatis carnalibus, quandoque autem est cum aliqua affectione vel concupiscentiæ, vel horroris. Contingit autem magis pollutio nocturna ex cogitatione carnalium vitiorum, quæ sunt cum concupiscentia talium delectationum; quia ex hoc remanet quoddam vestigium, & inclinatio in anima, ita quod dormiens facilius inducitur in sua imaginatione ad assentiendum tactibus, ex quibus sequitur pollutio. *Hinc S. August.* ait quod, Propter bonam animæ affectionem, quædam ejus merita etiam in somnis claret. *Et sic patet quod* Nocturna pollutio habet rationem culpæ ex parte causæ suæ „„.

Libro 12.
De Genesi
ad literam
cap. 29.

R E G U L A L I.

Nocturna pollutio ex præcedenti rerum turpium cogitatione mere speculativa, aut cum horrore, nec in se, nec in sua causa peccatum est.

Ita docet *S. Thom.* loco mox laudato, & in 4. Sentent. dist. 9. qu. 1. art. 4. quæstiunc. 11. „„ Considerandum est (*inquit*) utrum in causa pollutionis possit inveniri peccatum præcedens, quia cogitatio turpium quandoque est sine peccato; sicut cum in cogitatione tantum manet; ut cum quis disputans de talibus, oportet, quod loquens cogitet; aliquando etiam cum peccato veniali; quando ad affectionem cogitatio pertingens in sola delectatione finitur; quandoque etiam cum mortali, quando consensus adjungitur. Et quia cogitationi tali de propinquo est delectatio, & delectationi consensus, inde etiam in dubium potest verti, utrum sequens pollutio ex peccato acciderit, vel non, & aut veniali, aut mortali. Satis tamen probabiliter potest conjici non præcessisse

se consensum , quando in ipsa somni imaginatione anima dissentit. Non tamen oportet , quod si consentiat , consensus in vigilando præcesserit ; quia hoc potest accidere propter ligamen iudicii rationis , quod quandoque magis , quandoque minus est liberum in somno „ „.

Et 3 P. q. 80. art. 7. „ „ Præcedentes (*inquit*) cogitationes lascivæ quandoque possunt esse omnino sine peccato ; puta , cum aliquis causa lectionis , vel disputationis cogitur de talibus cogitare. Et si hoc sit sine concupiscentia , & delectatione , non erunt cogitationes immundæ , sed honestæ , ex quibus tamen pollutio sequi potest. Quando vero sunt ex concupiscentia , & delectatione , & si adsit consensus , erit peccatum mortale , si autem desit , erit veniale „ „.

Confirmatur ex *S. August.* lib. 12. *De Genesi ad litteram* , cap. 15. „ „ Aliquando (*inquit*) fit quæstio de consensionibus somniantium , cum etiam concumbere sibi videntur , vel contra propositum suum , vel contra etiam licitos mores. Quod non contingit , nisi cum ea , quæ vigilantes etiam cogitamus , non cum placito consensionis , sed sicut etiam talia propter aliquid loquimur , sic admoventur in somnis , & exprimuntur , ut eis naturaliter etiam caro moveatur , & quod naturaliter colligit , per genitales vias emittat , sicut hoc ipsum dicere utique non possem , nisi etiam cogitarem. Porro imagines rerum corporalium , quas necessario cogitavi , ut hoc dicerem , si tanta expressione præsentarentur in somnis , quanta præsentantur corpora vigilantibus , fieret illud , quod sine peccato fieri a vigilante non posset. Quis enim vel cum loquitur , & postulante necessitate sermonis de suo concubitu aliquid dicit , possit non cogitare , quod dicit „ „ ?

REGULA LII.

Pollutio nocturna , quæ provenit ex illusione , & operatione dæmonis phantasmata commoventis ,

veniale saltem in sua causa peccatum est, cum neglexit homo se contra dæmonis illusionis oratione, & invocatione divini auxilii præmunire.

Ita docet *S. Thomas*, 2. 2. qu. 154. art. 5. Et certe somno dare se non debent christiani sicut cæteri homines, sed armis christianæ militiæ muniri, ut possint omnia tela hostis nequissimi ignea extinguere, qui & in tenebris negotium suum agit, & in somnis nobis insidiatur, nisi sopitis sensibus cor nostrum, sacrificio vespertino orationis expiatum, ad Deum semper vigilet. Quo flecti possunt illa Apostoli verba 1. ad Thessal. 5. *Omnes vos filii lucis estis, & filii Dei; non sumus noctis, neque tenebrarum. Igitur non dormiamus sicut & cæteri, sed vigilemus, & sobrii simus. Qui enim dormiunt, nocte dormiunt; & qui ebrii sunt, nocte ebrii sunt. Nos autem, qui diei sumus, sobrii simus, induti lorica fidei, & charitatis, & galeam spem salutis. Quoniam non posuit nos Deus in iram, sed in acquisitionem salutis per Dominum nostrum Jesum Christum, qui mortuus est pro nobis; ut sive vigilemus, sive dormiamus, simul cum illo vivamus.*

Nec solum antequam somni capiendi causa in lecto decumbamus, sed & noctu, cum expergiscimur, Deum orare debemus, ne tentatione vincamur. Id nos docet Spiritus sanctus per Prophetam dicentem: *Memor fui nocte nominis tui, Domine, & custodivi legem tuam. Media nocte surgebam ad confitendum tibi super judicia justitia tua.* Quæ verba *S. Ambrosius* exponens Serm. 7. in Psal. 118. ait: „„ Si studentes doctrinis secularibus perparum somno indulgent; quanto magis, qui Deum cupiunt cognoscere, non debent somno corporis impediri, nisi quantum naturæ satis est? David per singulas noctes lectum suum lacrymis diluebat; surgebat etiam noctis medio, ut Domino confiteretur; & tu totam noctem sopori existimas deputandam. Tunc magis tibi orandus est Dominus, tunc præsidia postulanda, culpâ cavenda.

Psal. 118.

Psal. 33.

quando videtur haberi secretum; tunc maxime quando tenebræ in circuitu meo, & parietes me operiunt, considerandum, quia Dominus omnia intuetur abscondita. Ne dixeris ergo: Circumfusus sum tenebris, quis me videt, & quem vereor septus parietibus, & inclusus? quia *vultus Domini super facientes mala*. Deinde si arbitrum non vides, teipsum non vides? Tuæ conscientiæ testimonium non vereris? Nescis illam caliginem noctis non opertorium, sed incentivum esse peccati? Cum somno, & cibo fervent corpora, tunc etiam vigor mentis sopore laxatur, somno resolvitur; tunc irrepit impuri libidinis concubitus, tunc perturbatur cor, squalor immunditiæ non videtur, castitatis puritas non consideratur, pudicitiae gloria non recensetur. Nox erat, quando Judas prodidit, quando Petrus negavit; illo igitur præcipue tempore justificationes Dei animo retexendæ sunt, releganda mandata hortatoria. Illa de castitate præcepta non absint; his occupata mens flagrantiam libidinis, carnis restinguat ardorem. Tenet illud animo: *Lavabo per singulas noctes lectum meum*. Quis enim stupris deditus, flagitiis involutus, lavat per singulas noctes lectum suum? Nescit flere, qui flenda committit; & cum sit ipse lacrymabilis, non habet poenæ lacrymas suæ. At ille, qui castigat corpus suum, & sui sollicitus gubernator est, atque ingemiscens, & dolens lapsus superioris offensæ quaerit, quomodo abluat eam fletibus poenitentiae, hic lavat per singulas noctes lectum suum. Non dormiamus ergo totis noctibus; sed maximam partem earum lectioni, & orationibus deputemus. Audi Ecclesiæ vocem quaerentis etiam in noctibus Christum: *In cubili (inquit) meo in noctibus quaesivi, quem dilexit anima mea*. Quæsivit in noctibus orando, deprecando, etiam lacrymis deplorando „

Cant. 3.

Et Serm. 8. in illa verba: *Media nocte surgebam ad confitendum tibi*; docet illo tempore maxime orandum esse Deum, & propria flenda peccata, nec solum de præteritis veniam postulare nos debere, sed
etiam

etiam præsentia declinare, futuris cavere: „ „ Multa enim in illo tempore tentamenta proserpunt. Tunc fervet carnis illecebra; tunc tentator illudit; coquitur cibus, potusque digeritur; stomachus æger, mens somnolenta, animus occupatus est. Itaque, aut quiescenti calor soporis augetur, aut vigilanti nondum plenior refusus est vigor, qui errorum cavere possit incurfus. Tunc igitur tentator adhsit, tunc retia jactat, quibus turbare possit mentem improvidam. Tunc spirituales nequitie tenebras effundunt; tunc omne nefas suadere contendunt, quando nullus arbiter culpæ, nullus criminis conscius, nullus potest esse erroris testis. Tunc varias disceptationes peccatori dormitanti infundunt; ut primo de statu mentis dejiciant reluctantem, & aliquorum, qui sancti habentur, proponatur exemplum, quod illi aliquando deliquerint, sed postea veniam sint adepti, & texerint superiora delicta „ „

Et infra: „ „ Non potes oblivisci, cum lectum ascendis, ejus Domini, cui in occasu diei precem fuderis, qui esurientem te sui Corporis epulis expleverit. Etenim, quod vespere cogitaveris, cito cum evigilaveris, recensabis. Excitabit te ipse Dominus Jesus; admonebit, ut surgas, & eo tempore arma orationis adsumas, quo solet incurfare tentator... Excubandum tibi est, ne qua fraude vincaris; providendum, ut eo tempore, quo potes vincere, nequam vincendum tempus omittas „ „

REGULA LIII.

Pollutio nocturna quandoque contingit absque omni culpa hominis, ex sola nequitia dæmonis; cum scilicet homo ante somnum se contra dæmonis illusiones, qua par erat, pietate præparavit.

Ita docet *S. Thomas*, loco supra laudato, idque confirmat exemplo cujusdam monachi, ex *Collationibus Casiani* Collatione 22. cap. 7. petito. Ille scilicet, quamvis cordis, corporisque castitatem summa

vigilantia , atque humilitate coleret , & servaret , quoties tamen se ad sacram Communionem præparabat , nocturna pollutione foedabatur. Sed cum a sacrosanctis Mysteriis diu trepidus abstineret , ad Seniorum tandem examen rem detulit , qui foeditatem illam viro religioso absque ejus culpa , sola dæmonis illusionis contingere , cum intellexissent , ipsum nihilominus ad communionem dominici Corporis accedere jusserunt , cujus virtute præteritæ illusionis consuetudo cessavit. Tales igitur illusiones , & pollutiones *Animus sciens pertulisse magis dolendus est , quam fecisse* (ait S. Gregor.)

Has autem illusiones immittit cacodæmon , vel ad turbendam puræ conscientiae serenitatem , & tranquillitatem ; vel ad bonum opus impediendum , puta , celebrationem Missæ , aut Eucharistiæ sumptionem ; vel ut vigilianti placeat , quod somnians passus est ; vel ut abstinentiam periculosam , & imprudentem vitæ austeritatem suadeat , & in insaniam præcipites agat , vel dæmonis malitia Deus utitur , ut devotam mentem sic exerceat , & ex tali foeditate stimulatam in humilitate custodiat ; ut docent SS. Patres , & vitæ spiritualis magistri , & inter alios *Gerfonius* , Tractatu *De nocturna pollutione* , Consideratione sexta.

REGULA LIV.

Pollutio in somnis inchoata , & evigilante homine consummata , non est peccatum mortale , nisi homo plene expergefactus carnali delectationi consentiat.

Pollutiones
vigilantiæ.

Hæc Regula colligitur ex *S. Thoma* , in 4. Sentent. dist. 9. qu. 1. art. 4. quæstiunc. 1. in responsione ad quintum. „„ Nocturna (*inquit*) pollutio magis judicatur quantum ad rationem meriti , vel demeriti , secundum principium , quod est in dormiendo , quam secundum terminum , qui est in vigilando ; quia ex quo in dormiendo excitatus est motus carnis , non subjacet voluntati vigilantis ulterius motus ille ; nec repu-

reputatur evigilasse, quousque perfectum usum liberi arbitrii recuperavit. Potest tamen contingere, quod in ipsa evigilatione peccatum oriatur, siquidem pollutio propter delectationem placeat; quod quidem erit veniale peccatum, si sit ex surreptione talis placentiæ; mortale autem, si sit cum deliberante consensu, & præcipue cum appetitu futuri. Ista autem placentia non facit præteritam pollutionem peccatum; quia ipsius causa non est, sed ipsa in se peccatum est „ „ Idem confirmat *S. Antoninus* 2, P. tit. 6. cap. 5.

R E G U L A L V.

Pollutio vigilantium lethale peccatum est, cum procuratur, aut ex lethali peccato oritur, aut deliberata voluntate placet,

Hæc Regula nititur auctoritate *S. Thomæ*, 3. P. qu. 80. art. 7. & alibi; eoque principio, quod pollutio nunquam sit peccatum mortale, nisi sit plene voluntaria, aut mens carnis voluptati ad consensum turpitudinis cedat, „ „ Quod si illa concupiscentialis inobedientia, quæ adhuc in membris moribundis habitat, præter nostræ voluntatis legem, quasi lege sua movetur, quanto magis absque culpa est in corpore non consentientis, si absque culpa est in corpore dormientis „ „ (inquit *S. August.* lib. 1. *De Civ. Dei* cap. 25.) Idem *S. Doctor* lib. *De Continentia*, cap. 2. hanc Regulam confirmat. „ „ Nunc autem (inquit) quamdiu concupiscit caro adversus spiritum, & spiritus adversus carnem, sat est nobis non consentire malis, quæ sentimus in nobis. Cum autem fit ista consensio, tunc exit ex ore cordis, quod coinquinat hominem. Cum vero per continentiam consensio non tenetur, malum concupiscentiæ carnalis, contra quod pugnat concupiscentia spiritalis, nocere non finitur „ „

Et cap. 13. „ „ Spiritus itaque hominis adhærens Spiritui Dei, concupiscit adversus carnem, id est,

Galat. 2.

Rom. 7.

Coloss. 3.

adversus se ipsum; sed pro se ipso, ut motus illi, sive in carne, sive in anima, secundum hominem, non secundum Deum, qui sunt adhuc per acquiritum languorem, continentia cohibeantur, propter acquirendam salutem; ut homo non secundum hominem vivens, jam possit dicere: *Vivo ego, jam non ego, vivit vero in me Christus*. Ubi enim non ego, ibi felicius ego; ut quando secundum hominem reprobus ullus motus exsurgit, cui non consentiat, qui mente legi Dei servit, dicat etiam: *Jam non ego operor illud*. . . Quorum ergo vita erat abscondita in Deo, admonentur, & exhortantur, ut membra sua mortificent, quæ sunt super terram. Id enim sequitur: *Mortificate ergo membra vestra, quæ sunt super terram*. Et ne quisquam nimis tardus membra ista visibilia corporis mortificanda putaret a talibus, continuo quid dicat aperiens: *Fornicationem* (inquit) *immunditiam, concupiscentiam malam, & avaritiam*. Itane vero credendum est, quod isti, qui jam mortui erant, eorumque vita abscondita erat cum Christo in Deo, adhuc fornicabantur, adhuc in moribus immundis, operibusque vivebant, adhuc perturbationibus concupiscentiæ malæ, atque avaritiæ serviebant? Quis demens ista de talibus senserit? Quid ergo vult, ut mortificent, opere scilicet continentiae, nisi motus ipsos adhuc in sua quadam interpellatione, sine nostræ mentis consensione, sine membrorum corporalium operatione viventes, & quomodo isti mortificantur opere continentiae, nisi cum eis mente non consentitur, nec exhibentur eis arma corporis membra; & quod est majus, atque vigilantia continentiae majore curandum, ipsa etiam nostra cogitatio, quamvis eorum quodam modo suggestionem, & quasi susurrationem tangatur, tamen ab eis ne oblectetur, avertitur, & ad superna delectabilius cogitanda convertitur; ob hoc ea nominans in sermonibus, ne habitetur in eis, sed fugiatur ab eis „„? Quamvis porro pollutio, cum sensu voluptatis consummetur, non ideo peccatum est, nisi præ-

præcedat, comitetur, aut subsequatur consensus. Aliud enim est sensus, aliud consensus. Cæterum cum plerumque difficile sit certo cognoscere, an pollutio ex consensu expresso, vel interpretativo, directo, vel indirecto, pleno, vel imperfecto, aut absque ullo consensu superioris rationis contigerit, expedit illam in sacramentali Confessione declarare, cum circumstantiis omnibus. Cum autem vigilantia præter voluntatem contingit illa obscœnitas, non solum rejiciendæ sunt, & abnegandæ turpes cogitationes, non solum mortificatio carnis adhibenda, & divinæ gratiæ auxilium invocandum, sine qua nemo continens esse potest, sed sistenda, & cohibenda, quantum fieri potest, seminis fluxio: *Quoniam* (inquit piissimus Gersonius) *est hac retentio nocere debeat corpori, proderit animæ.* Addit, naturam alio forte modo se allevare. Exemplo puerperarum mulierum rem illustrat, quibus arescunt ubera, cum lac elici desinit, alioqui jugiter scaturit, & fluere paratum est. *Sic pollutiones istæ, & pruritus tutius abstinendo vincuntur.* Rescindendæ tandem sunt radices, & causæ pollutionis, etsi præter voluntatem evenientis. ea tamen prudentia, ne majori cum periculo, detrimento spirituali, & scandalo rescindantur; nec ex adverso admittantur, quæ ex se reprehendenda sunt, vel periculosa, ut lubrici aspectus, societas, & familiaritas nimia cum alterius sexus personis, delectationem pariens, etsi non per se libidinofam, periculi tamen plenam, & quæ sensibus plus æquo blandiatur; quæ nihilominus sub officiis aliquibus spiritualis ædificii, qualia sunt Confessio, lectio, vel eruditio, aliquando se abscondit. Monita sunt *Gersonii*, Tract. *De Pollutione diurna.*

R E G U L A L V I,

Quamvis mollities inter vitia contra naturam infimum sit gravitate, plures tamen sunt hoc in flagitio malitiæ gradus, in sacramentali Confessione necessario exprimendi.

In peccato
mollitiei
varii mali-
tiae gradus.

Prima pars Regulæ traditur a *S. Thoma*, 2. 2. qu. 154. art. 12. in responsione ad quartum: „Gravitas (*inquit*) in peccato magis attenditur ex abusu alicujus rei, quam ex omissione debiti usus. Et ideo inter vitia, quæ sunt contra naturam, infimum locum tenet peccatum immunditiæ, quod consistit in sola omissione concubitus ad alterum „

Altera pars Regulæ explicatur. Gravius enim peccatum est pollutio voluntaria in viro religioso, aut sacris Ordinibus initiato, in Sanctimoniali, aut virgine simplici voto castitatis obstricta, quam in laicis. Sacrilegii siquidem malitia cumulatur. Gravius in conjugato, quam in soluto. Item si quis inter pollutionem conjugatæ mulieris copulam expetat, aut illius morosa cogitatione delectetur, gravius peccatum est, quam si de soluta cogitaret, illamque concupisceret; si de consanguinea, vel affine, gravius peccatum est, quam si de extranea; si de persona Deo sacra, gravius est crimen, quam si de seculari, & profana. Idemque judicium esto de peccato mulieris, quæ inter pollutionem de viro cogitat cum desiderio, vel affectu carnali; pro varietate scilicet obsectorum, in quæ tendit desiderium, vel affectus, seu quibus adhæret morosa cogitatio, nova luxuriæ specie distinctæ deformitas ad pollutionem accedit, puta, sacrilegii, incestus, adulterii, &c. Quamobrem circumstantias illas in sacramentali Confessione declarare omnino necesse est.

Item pollutio, quæ fit aliena manu, & contactu, seu ad quam aliqui mutuo se excitant, gravius peccatum est ea, quam quis sibi procurat nullo consilio, vel coniorte criminis. Sui enim, & alieni peccati reus est, qui alterum foeda contrectatione contaminat, aut ab illo se contaminari patitur; multoque magis reus est, qui tanti flagitii nescium, aut inexpertum docet, vel repugnantem, aut turpitudinem hujusmodi alias non admissurum, ad illam impellit attritionem, aut titillationem, pudendorum nudationem, oculis, blanditiis, obsecans verbis, & cantibus.

Hinc

Hinc in Romano pœnitenti trīginta dies pœnitentiæ, ac jejunii in pane, & aqua imponuntur illis, qui se mutua contrectatione polluerunt; illis vero, qui soli ad pollutionem se excitaverunt, decem duntaxat dies.

Gravius item peccatum est, cum iis modis procuratur, qui ad Sodomiz, vel bestialitatis execranda crimina propius accedunt, de quibus *B. Petrus Damiani*, libro, qui *Gomorrhianus* inscribitur c. 1. Unde & pœnitentiale Romanum, & pœnitentiale Bedæ, graviolem pœnitentiam illis indicunt, qui contra corpus aliquod molle, quasi concumbendo se contaminaverint, viginti scilicet dierum jejunium in pane, & aqua. Graviolem rursus iis, qui inter aliorum ejusdem sexus fœmora se polluerint, scilicet quadraginta dierum jejunium in pane pariter, & aqua.

R E G U L A L V I I, .

Inordinatus concubitus lethale peccatum est, simplici pollutione gravius, cum semen extra vas debitum effunditur, & quoties ejus effusionis periculum imminet; quoties denique generatio defectu debiti ordinis in modo concumbendi, etiam in ulu matrimonii, impeditur.

Hujus peccati gravitatem pluribus in locis Scriptura sacra, cum execratione notat. Gen. 38. Peccatum *Her*, & *Onam* detestatur, qui in copula conjugali retrahebant, semenque fundebant extra vas naturale. Dedit *Judas uxorem primogenito suo Her*, nomine *Thamar*. Fuit quoque *Her* primogenitus *Judæ* nequam in conspectu Domini, & ab eo occisus est. Dixit ergo *Judas* ad *Onam* filium suum; ingredi ad uxorem fratris tui, & sociare illi, ut suscites semen fratri tuo. Ille sciens non sibi nasci filios, introjens ad uxorem fratris sui, semen fundebat in terram, ne liberi fratris nomine nascerentur. Et idcirco percussit eum Dominus, quod rem detestabilem faceret.

Inordinati
concubitus
enormitas.

Id confirmat *S. August.* lib. 2. De adulterinis Con-

jugiis, cap. 12. „ Illicite (*inquit*) & turpiter etiam cum legitima uxore concumbitur, ubi prolis conceptio devitatur. Quod faciebat Onam filius Judæ, & occidit illum propter hoc Deus „.

Et lib. *De Bono Conjugali*, cap. 11. „ Cum (*inquit*) ille naturalis usus, quando prolabitur ultra pacta nuptialia, id est ultra propagandi necessitatem, venialis fit in uxore, in meretrice damnabilis, iste, qui est contra naturam, execrabiliter fit in meretrice, sed execrabilius in uxore. Tantum valet ordinatio Creatoris, & ordo creaturæ, ut in rebus ad utendum concessis, etiam cum modus exceditur, longe sit tolerabilius, quam in eis, quæ concessa non sunt, vel unus, vel rarus excessus. Et ideo in re concessa immoderatio conjugis, ne in rem non concessam libido prorumpat, toleranda est. Hinc est etiam, quod longe minus peccat quamlibet assiduus ad uxorem, quam vel rarissimus ad fornicationem. Cum vero vir membro mulieris non ad hoc concessio, uti voluerit, turpior est uxor, si in se, quam si in alia fieri permiserit „. Ex hoc *S. Augustini* loco conflatum est cap. *Adulterii*, causa 32. qu. 7.

Eandem Regulam confirmat *S. Thom.* in 4. *Sentent.* dist. 21. in expositione Textus. „ Usus (*inquit*) contra naturam conjugis est, quando debitum vas prætermittit, vel debitum modum a natura institutum, quantum ad situm; & in primo semper est peccatum mortale, quod proles sequi non potest; unde totaliter intentio naturæ frustratur, sed in secundo modo non semper est peccatum mortale, ut quidam dicunt, sed potest esse signum mortalis concupiscentiæ; quandoque etiam sine peccato esse potest, quando dispositio corporis alium modum non patitur; alias tanto est gravius, quanto magis a naturali modo receditur „.

Et 2. 2. qu. 154. art. 12. in responsione ad quartam objectionem: „ Gravitatis in peccato (*inquit*) magis attenditur ex abusu alicujus rei, quam ex omissione debiti usus. Et ideo inter vitia, quæ sunt contra

tra naturam, infimum locum tenet peccatum immunditiæ, quod consistit in sola omissione concubitus ad alterum. Gravissimum autem est peccatum bestialitatis, quia non servatur debita species. Post hoc autem est vitium sodomiticum, cum ibi non servetur debitus sexus. Post hoc autem est peccatum ex eo, quod non servatur debitus modus concumbendi. Magis autem si non sit debitum vas, quam si sit inordinatio secundum aliqua alia pertinentia ad modum concubitus „ „.

REGULA LVIII.

Sodomia gravius peccatum est pollutione simplici, & inordinato concubitu.

Nefarium illud crimen, quod in cœlum clamare dicitur, Deus igne, & sulphure ultus est, quæ Sodomam, & Gomorrhæam, omnemque regionem finitimam consumpsit Gen. 18. *Dixit itaque Dominus: Clamor Sodomorum, & Gomorrhæorum multiplicatus est, & peccatum eorum aggravatum est nimis. Descendam, & videbo, utrum clamorem, qui venit ad me, opere compleverint; an non est ita, ut sciam.* Humano modo Deus loquitur. Abominandum adeo crimen est, ut vix credibile sit homines ad imaginem Dei creatos illud committere, a quo vel bruta ipsa animalia abhorrent. *Descendam igitur, & videbo.* Et cap. 19. *Igitur Dominus pluit super Sodomam, & Gomorrhæam sulphur, & ignem a Domino de cœlo, & subvertit civitates has, & omnem circa regionem, universos habitatores urbium, & cuncta terra virentia.* De quibus S. Iudas Apostolus in Epistola catholica: *Sicut (inquit) Sodoma, & Gomorrhæa, & finitimæ civitates simili modo exfornicatæ, & abeuntes post carnem alteram, factæ sunt exemplum ignis æterni pœnam sustinentes.* In ipsa qualitate ultionis notavit Deus maculam criminis, ut observat S. Greg. lib. 14. *Moralium*, cap. 10. „ „ Sulphur quippe foetorem habet, ignis ardorem. Quia itaque ad perversa desideria ex-

Peccati Sodomitici enormitas.

Pœnæ abominandi illius criminis reus a Deo infligitur.

car-

carnis fostore arserant, dignum fuit, ut simul igne, & sulphure perirent; quatenus ex justa poena disce-
rent, ex injusto desiderio quid fecissent „ „. Poe-
nam capitis in hujus criminis reos Deus lege veteri
decrevit: Lev. 20. *Qui dormierit cum masculo coitu
femineo, uterque operatus est nefas, morte moriantur;
sit sanguis eorum super eos.* Ethnicos Philosophos in
poenam superbiæ, & idololatriæ Deus ita excœca-
vit, non quidem infundendo malitiam, sed non im-
partiendò gratiam, ut in pudendum illud, & ex-
ecrandum scelus, solutis libidinis frænâ præcipites
ruerent, Apostolo teste ad Rom. 1. *Propter quod
(inquit) tradidit illos Deus in desideria cordis eorum
in immunditiam, ut contumeliis afficiant corpora sua
in semetipsis; qui commutaverunt veritatem Dei in men-
dacium, & coluerunt, & servierunt creatura potius,
quam Creatori, qui est benedictus in secula, Amen. Pro-
pterea tradidit illos Deus in passionem ignominie; nam
femina eorum immutaverunt naturalem usum in eum
usum, qui est contra naturam, Similiter autem & ma-
sculi, relicto naturali usu femina, exarserunt in dese-
deriis suis in invicem, masculi in masculos turpitudinem
operantes, & mercedem, quam oportuit, erroris sui in
semetipsis recipientes. Et sicut non probaverunt Deum ha-
bere in notitia, tradidit illos Deus in reprobum sensum,
ut faciant ea, quæ non conveniunt,*

Obſcœni-
tas abomi-
nanda, qua
nulla gra-
vior, tur-
pior, &
magis in-
famis.

De flagitii istius gravitate audiendus S. Joan. Chrys.,
Hom. 4. in Epistolam ad Romanos; ubi Sodomitæ
iis etiam, qui mortem sibiipsi consciscunt, deteriores
esse affirmat. „ „ Præstiterit enim mori, quam tanta
contumelia accepta vivere. Nam qui se ipse interimit,
is animam a corpore dissociat; at hic animam una
cum corpore perdit. Quodcunque porro delictum
nominaveris, nullum huic peccato par dixeris; qui
si facta sua sentirent, qui patiuntur, sexcentas uti-
que mortes obirent, ut ne hoc paterentur. Neque
enim est hac injuria alia ulla gravior, nec rationis
minus habens. Nam si de scortatione Paulus disse-
rens dixit, peccatum omne, quodcunque commise-

1. Cor. 6.

ferit homo, extra corpus esse, qui autem scortatur, eum in proprium corpus delinquere; quid de infamia hac dixerimus, quæ ipsa tanto est scortatione deterior, quantum ne verbis quidem exprimere licet? Neque enim hoc solum dico, quod femina effectus sis, sed quod perdideris ipsum hoc, nimirum virum esse; & quod neque in hanc transferis naturam, neque quam haberes, asservaveris, sed communis utriusque effectus sis proditor, dignus, quem tum viri, tum feminae lapidibus a se exigant, tanquam, qui utrumque genus injuria affeceris. Atque, ut intelligas, quantum hoc demum sit, si quis de te adiens promitteret fore, ut te ex viro canem efficeret, nonne ab eo tanquam exitioso declinares. Tu vero te ipse non ex viro canem effecisti, sed animal hocce animante infamius; id enim ad usum accomodum; at catamitus nullibi usus esse possit. Quid autem, quæso, si quis profiteatur præstiturum se, ut viri pariant, & a partu in lecto decumbant, nonne ira excandesceremus? At qui sic furunt, deteriore conditione sunt. Neque enim par, idemque fuerit, in muliebrem naturam migrare, & vir interim dum manes, feminam fieri, qui potius neque hoc, neque illud fueris. Quod si & aliunde mali enormitatem pernoscere vis, interroga, quamobrem, qui se ipsos eunuchos faciunt, eos Legislatores poena afficiant, & intelliges, id non ob aliud esse, nisi quod naturam mutilent; quamquam non usque adeo illi injurii sunt; sunt enim vel post mutilationem multis quidem locis usui, qui exsecti fuerint. At quisquis scortum se facit, hoc nihil esse potest inutilius; neque enim anima solum, verum & corpus ejus, quæ hæc patrat, infame est, ac certe dignum, quod undequaque exterminetur. Quot, obsecro, gehennæ his plectendis suffecerint? Quod si audito gehennæ nomine irrides, ac fidem non habes, illum ignem recordare Sodomorum... Nam posteaquam permulti verba despicerent, illis Deus per ipsa demum opera gehennæ effigiem ostendit nova quadam ratione. Erat enim præter omnium opinionem pluvia illa, quoniam qui-

quidem, & præter naturam ipsam coitio; atque ea quidem pluvia terram excussit, quoniam & illorum animos desiderium? Ob quod pluvia eadem ferebatur, contra quam quotidiana ista ferri soleat. Neque enim non excitabat modo terræ uterum ad fructuum generationem, & ad seminum susceptionem inutilem efficiebat. Talis enim erat ipsa Sodomitarum coitio, ejuscemodi corpus inutilius reddens. Quid enim viro corpus suum meretricio more prostituentem abominabilius? Quid scelestius? O vos & bruti insipientiores, & canibus impudentiores! Nusquam enim hujusmodi congressus apud illos, sed agnoscit proprios terminos natura. Vos autem genus nostrum infamius brutorum genere effecistis „ „.

Scelus intolerabile.

Et lib. 3. *Adversus Vituperatores Vitæ monasticæ*, cap. 7. „ „ Amor quidam novus, & nequissimus nostra ætate in nostrum genus irruit, & late dominatur; moribus irruit acerbis, atque insanabilis, pestis teterrima, atque omni pernicie immanior, & gravior infecta est, scelus quoddam novum, & intolerabile excogitatum est. Non enim scriptæ, & constitutæ modo, verum ipsæ quoque naturæ pervertuntur leges. Nihil jam fere ad impudicitæ rationem fornicatio esse existimatur. Cæterum ut in doloribus, cum passio incumbit violentior, prioris doloris sensum omnem sua magnitudine intercipit; sic hujus quoque magnitudo flagitii facit, ut quod suapte natura tolerabile non est, non jam videatur esse intolerabile, obscœna scilicet cum mulieribus libido. Optandum enim jam votis omnibus videtur, posse hujusmodi retia effugere, periclitaturque jam superfluis effectus sexus muliebris, adolescentibus vices ejus implentibus. Quod cum per se est acerbissimum, fecit id profecto, ut deterius sit, quod tantum scelus, tam nefarium facinus incredibili audacia, summaque jam cum libertate admittitur, flagitiumque lex factum est. *Et inf.* Cur, cum admittantur Sodomorum scelera, non tamen contingunt Sodomorum clades? Quia manet istos ignis alius longe gravior,

Supplicia Sodomorum clade longe graviora

vior, cruciatusque finem nullum habens... Nam si nos ipsi quoque super his irascimur, & indignamur, Deus, cui omnium maxime totius mortalium generis cura incumbit, qui vitia vehementer, & averſatur, & odit, quando ista impune admitti scelera passus est? Imittit in illos penitus manum illam vālidissimam, & plagam non ferendam, doloremque cruciatuum sempiternorum adeo gravissimum, ut si Sodomorum clades illi conferatur, ludus puerorum esse existimetur. Quam enim Barbarorum feritatem isti non sua improbitate transcenderunt? Quod belluarum genus congressu suo impurissimo non superaverunt? Est in quibusdam mutorum animantium a natura insitus libidinis ardor incredibilis, cupidoque intolerabilis, & nullo ab insania differens; quæ tamen amorem hunc nefarium non norunt, sed intra leges a natura præstitas permanserunt. At isti & rationales conditi, divinoque magisterio potiti, quidve agendum sit, vel non sit, vel non aliis quoque annuntiare iussi, non ita licentiose, ac sine metu cum meretricibus ut cum adolescentibus congregiuntur.

Supratoribus puerorum, nec in fine dandam esse Communionem, decrevit Illiberitana Synodus, can. 71. Execrandi istius criminis reos, si Clerici fuerint, depositione, & reſeſtione ex Clero, ac detruſione in monasterium ad agendam pœnitentiam; si Laici, excommunicatione plecti, statuunt Concilium Lateranense 3. sub *Alexandro III.* Can. 11. & refertur cap. *Clerici* Ext. De *Excessibus Prælatorum*. Concil. Lateranense 4. sub *Innocentio III.* Can. 14. & refertur cap. *Ut Clericorum*, Ext. De *Vita, & honestate Clericorum*; necnon Conc. Toletanum 15. Canone 3. Clericos hujus flagitii reos degradari, & seculari iudici tradi sanxit *S. Pius V.* Gladio, vel igne scelus tantum vindicari Principum leges sanxerunt. *Constantinus & Constantinus* Imp. L. *Cum vir*, ad legem Julianam de adulteriis: „ Cum vir nubit (*inquunt*) in femina viros paritura, quid cupiatur, ubi sexus perdidit locum, ubi scelus est; quod non proficit scire,

hujus flagitii reos parata.

Pœnz ecclesiasticæ adversus nefarii criminis reos.

Pœna capitis plectendum crimen secundum leges Principum.

scire, ubi venus mutatur in alteram formam; ubi amor quæritur, nec videtur? Jubemus insurgere leges, armari jura gladio ultore, ut exquisitis poenis subdantur infames, qui sunt, vel qui futuri sunt rei „„

Casus refer-
vatus cum
excommu-
nicatione.

Valentinianus, Theodosius & Arcadius Augusti L. 6. tit. 7. lib. 9. Cod. Theod. „„ Omnes (*inquiunt*) quibus flagitii usus est virile corpus muliebriter constitutum alieni sexus damnare patientia (nihil enim discretum habere videtur cum feminis) hujusmodi scelus, spectante populo, flammis vindicibus expiabunt „„ Cum occultum est, casus est nihilominus reservatus Episcopis, cum excommunicatione, severissimaque poenitentia plectendus. „„ Hoc namque peccatum sancti Patres divino Spiritu afflati, merito in sacris Canonibus acrius cæteris judicandum decreverunt; quoniam eo regnante, & statum Christi Ecclesiæ infirmari, & regnum periclitari aperte cognoverunt „„; ut loquitur Concilium Parisiense 6. lib. 1. cap. 34.

REGULA LIX.

Peccatum Sodomiticum aliud alio gravius est.

Gravius enim peccat, qui turpiter agit, aliūque impellit ad crimen, eo, qui turpiter patitur. Gravius peccat Sodomita conjugatus, quam solutus, gravius Ordine sacro aut voto solemni Deo mancipatus, quam laicus; gravius consanguinei, vel affines, in primo præsertim, vel secundo gradu, nefariam illam, & præposteram copulam exercentes; gravius maturi judicii viri, quam adolescentes, vel pueri; gravius senes, quam juvenes; gravius item, qui diu in abominanda illa foeditate hærent, quam qui semel in eam prolapsi, mox ad poenitentiam confugerunt. Quamobrem hujusmodi circumstantias perscrutari debet Confessarius, ut convenientem poenitentiam imponat.

Confirmatur hæc Regula ex Can. 15. Ancyranæ Concilii. „„ De his (*inquit*) qui irrationabiliter versati sunt,

sunt, siue versantur, quotquot ante vigesimum annum tale crimen commiserint, quindecim annis exactis in pœnitentia, communione mereantur orationum. Deinde quinquennio in hac communione durantes, tunc demum oblationis Sacramenta contingant. Discutiat autem & vita eorum, quales pœnitudinis tempore extiterint, & ita misericordiam consequantur. Quod si inexplēbilit̃ his hæſere criminibus ad agendam pœnitentiam prolixius tempus infumant. Quotquot autem peracta viginti annorum ætate, & uxores habentes, hoc peccato prolapsi sunt, viginti quinque annis pœnitudinem gerentes, in communionem suscipiantur orationum. In qua quinquennio perdurantes, tunc demum oblationis Sacramenta percipiant. Quod si qui & uxores habentes, & transcēdentes quinquagesimum annum ætatis, ita deliquerint, ad exitum vitæ communionis gratiam consequantur „ „.

Et Can. 16. „ „ Eos, qui irrationabiliter vixerint (id est, qui cum masculis, vel brutis animantibus nefarie commixti fuerint) & lepra injusti criminis alios polluerint, præcepit sancta Synodus inter eos orare, qui spiritu periclitantur immundo „ „.

Hos canones observari, & secundum illos pœnitentiam imponi decrevit Concil. Parisiense 6. lib. 1. cap. 34. „ „ Proinde omnibus nobis valde necessarium visum est, ut quidam Sacerdotes, qui hoc vitium aliter, quam sacri Canones sanciant, non ad salutem, sed ad deceptionem animarum puniunt, corrigantur, & instruantur, ut codicibus pœnitentialibus prorsus abdicatis, per quos multi inani spe, & promissione decepti sunt, & decipiuntur, ab hinc patratores tam nefandissimi, Deoque detestabilis vitii, secundum iudicium canonicum, quod in Ancyriano Concilio sub tit. 16. continetur, iudicentur „ „.

R E G U L A L X.

Clericis in Sodomiam lapsis, vel qui se diu, ac frequenter ad pollutionem soli excitarunt; vel cum
Tom. VII. O • aliis

aliis longo usu; vel cum pluribus, brevi licet tempore, se contaminarunt, Confessarii in sacro poenitentiae tribunali prohibere debent, ne suorum ordinum functiones exercent, & ad altiores gradus ascendant: Laicis vero sacrorum Ordinum suscepcio debet interdici; nec alia conditione concedenda ipsis est absolutio.

Hanc Regulam *B. Petrus Damiani* adstruxit, & probat in opusculo, quod inscribitur, *Liber Gomorrihanus*. Postquam enim quatuor gradus peccati contra naturam distinxit, hæc subjungit cap. 11. „ Hujus sane perditionis obnoxii læpe largiente divina clementia resipiscant, atque ad satisfactionem veniunt, & poenitentiae quidem pondus quamlibet grave devote suscipiunt, ecclesiasticum vero Ordinem perdere vehementer perhorrescunt. Quidam namque rectores Ecclesiarum circa hoc vitium humaniores forsitan, quam expediat, absolute decernunt, propter tres illos gradus, qui superius enumerati sunt, neminem a suo ordine debere deponi; hos autem solummodo non abnuunt degradari, quos ultimos actu cecidisse constiterit. Unde fit, ut qui cum octo, vel decem aliis æque sordidis in hanc nequitiam lapsus esse cognoscitur, nihilominus in suo ordine permanere videatur. Quæ proculdubio impia pietas non vulnus amputat, sed ut augeatur, fomittem subministrat; non perpetrati illiciti actus prohibet amaritudinem, sed perpetrandi potius libertatem. Carnalis quippe cujuslibet ordinis homo magis formidat, & expavescit in conspectu hominum despici, quam in superni judicis examine condemnari; ac per hoc mavult quamlibet distictæ, quamlibet animolæ poenitentiae sustinere laborem, quam sui gradus periculo subiacere; & dum per indilcre tam discretionem non timet statum sui honoris amittere, incitatur, & inexperta præsumere, & in his, quæ inulte præsumplit, diutius permanere; atque ut ita dixerim, dum illic non teritur, ubi acrius dolet,

let, in eo, in quo semel corrui, cœnosa obsecr-
nitatis volutabro molliter jacet. Sed, ut nobis vide-
tur, valde præposterum est, ut consuetudinaliter hac
purulenta contagione fœdati, vel ad ordinem pro-
vehi, vel in gradu persistere audeant jam promoti;
quia & rationi contrarium, & canonicis Patrum
Sanctionibus probatur adversum „ „.

Probat subinde ex *S. Greg.* lib. 10. Ep. 13. ad *Passi-*
vum Episcopum, neminem ad ecclesiasticum Ordi-
nem promoveri debere, qui in illud crimen lapsus
est, quod vetus lex præcipit morte damnari. Inde
que colligit: „ „ Quia quisquis vir cum viro labitur,
quod nimirum scelus per vetustæ legis sententiam
morte muldatur, etiamsi honestis moribus polleat,
si Psalmodiæ studio ferveat, si in amore orationis
enitescat, & omnino religiosam vitam sub appro-
batæ famæ testimonio ducat, reatus quidem indul-
gentiam plene potest accipere, ad ecclesiasticum ve-
ro Ordinem nequaquam permittitur aspirare. Nam
cum de illo venerabili viro *Impertuno*, qui primum
tanto fervore laudis attollitur, tot religiosæ, & ho-
nestæ vitæ infulis redimitur, tot virtutum præconiis
decoratur, tamen postmodum dicitur: *Si nulla ei cri-*
mina, qua per sacra legis Regulam morte multata sunt,
obviant, tunc ordinandus est: Patet profecto, quia
quem dignum morte crimen abjecerat, quælibet re-
ligiosa vita subsequens ad suscipiendum ecclesiastici
gradus Ordinem non reformat „ „.

Cap. 13. laudat Ancyranæ Synodi can. 15. ex quo
ita colligit: „ „ Si ergo quilibet secularis hujus sa-
crae reus, peracta viginti quinque annorum po-
nitentia, in communionem quidem orationum, nec-
dum autem ad percipienda oblationum Sacramenta
admittitur; quo pacto religiosus non solum ad per-
cipienda, sed etiam ad offerenda, & consecranda ipsa
sacra Mysteria idoneus judicabitur? Si vix illi permi-
tatur, ut Ecclesiam cum aliis oraturus intreat; qua-
liter isti dabitur, ut ad altare Domini pro aliis inter-
cessurus accedat? Si ille antequam tam prolixum

Laicis in
pollutiones
voluntarias
diu, ac fre-
quenter la-
psis, aditus
ad sacros
Ordines
præcluden-
dus.

Clericis ho-
rum crimi-
num reis
vetandum,
ne ad altio-
res Ordines
ascendant.

poenitentiae spatium transigat, non meretur audire; iste quomodo dignus est sacra Missarum solemnia celebrare? Si ille, qui minus peccavit, utpote per latum seculi iter incedens; indignus est coelestis Eucharistiae munus ore percipere; qualiter iste merebitur tam terribile Mysterium pollutis manibus contrectare „„?

Cap. 14. sequenti Canone ejusdem Concilii recensito, quem uti & decimum quintum non de solis corruptoribus masculorum, sed de pollutione cujuslibet rei intelligendum esse censet, ita colligit: „„ Liquet profecto, quia quocunque modo per ardorem libidinis vir cum viro polluitur, non inter catholicos christianos, sed inter daemoniacos orare praecipitur; quatenus si carnales homines ex semet ipsis nesciunt pensare, quod sunt, ab ipsis saltem valeant edoceri, cum quibus sunt communi orationis ergastulo deputati. Et certe satis dignum est, ut qui contra legem naturae, contra humanae rationis ordinem, carnem suam per tam foeda commercia daemonibus tradunt, communem orationis angulum, cum daemoniacis sortiantur. Nam cum his malis ipsa penitus natura humana resistat, difficultatem diversi sexus abborreat, luce clarius constat, quia nunquam tam aversa, tam aliena praesumerent, nisi eos, ut puta, vasa irae apta in interitum, iniqui Spiritus pleniter possiderent; sed cum eos possidere incipiunt, tunc per omne, quod implent, in vasi pectoris tartarum virus suae malignitatis infundunt; ut jam illa inhianter appetant, non quae naturalis motus carnis efflagitet, sed quae sola diabolica praecipitatio subministrat. Nam cum vir in virum ad perpetrandam immunditiam irruit, non est ille naturalis impetus carnis, sed tantum diabolicae stimulus impulsio. Vigilanter ergo sancti Patres Sodomitas cum Enerumenis simul orare sanxerunt, quos eodem diabolico spiritu invaso esse non dubitaverunt. Quomodo ergo per sacerdotalis officii dignitatem inter Deum, & populum debet mediator assistere, quia

a totius populi congregatione sejunctus, nunquam nisi inter dæmoniacos jubetur orare „ „ ?

Cap. 15. Idem probat ex *S. Basilio*; ita decernente : „ „ Clericus, vel monachus adolescentum, vel parvulorum insectator, vel qui osculo, vel qui aliqua occasione turpi deprehensus fuerit, publice verberetur, & coronam amittat, decalvatusque turpiter sputamentis obliniatur in facie, vinculisque arctetur ferreis, carcerali sex mensibus angustia maceretur, & triduo per hebdomadas singulas ex pane hordeaceo ad vesperam reficiatur; post hæc aliis sex mensibus sub Senioris spiritualis custodia, segregata in curtricula degens, operi manuum, & orationi sit intentus, vigiliis, & orationibus subjectus, & sub custodia semper duorum spiritualium fratrum ambulet, nulla prava locutione, vel consilio deinceps juvenibus conjungendus „ „. Ex quibus *B. Petrus Damiani* ita colligit : „ „ Hic carnalis homo studiose perpendat, utrum ecclesiasticis officiis tuto ministrare valeat, quem sacra Auctoritas tam ignominiosis, tam turpibus dehonestandum contumeliis judicat. Nec ex eo sibi blandiatur, quia neminem corruperit, cum apertissime scriptum videat, quia qui solo osculo, vel aliqua occasione turpi deprehensus fuerit, omnibus illis probrosæ disciplinæ confusionibus merito subjacebit. Quod si osculum tam austeræ ultionis supplicio plectitur, ipsa cum alio contaminatio, quid meretur? Ad puniendum namque cui crimini, cui immanissimo sceleri non sufficeret publice verberari, coronam amittere, turpiter decalvari, salivarum spurcitiis obliniri, carceralibus angustiiis diutius comprimi, ferreis insuper vinculis coarctari? Postremum quoque hordeaceo pane refici præcipitur; quia qui factus est sicut equus, & mulus, congrue non cibo reficitur hominum, sed annona pascitur jumentorum. Porro si hujus peccati pondus pensare negligimus, in ipso saltem poenitentiae iudicio, quod imponitur, manifestissime declaratur. Quisquis enim canonica Censura publicam subire poeniten-

tentiam cogitur, profecto ecclesiasticis indignus Officiis perspicua Patrum sententia judicatur. Unde & B. Papa Siricius inter cætera scripsit, dicens. Illud quoque nos par fuit providere; ut sicut poenitentiam agere cuiquam non conceditur Clericorum, ita & post poenitudinem, ac reconciliationem nulli unquam laico liceat honorem Clericatus adipisci; quia quamvis sint omnium peccatorum contagione mundati, nulla tamen debent gerendorum Sacramentorum instrumenta suscipere, qui dudum fuerant vasa vitiorum. Cum ergo hujus peccati obnoxium non solum duram, sed & publicam poenitentiam B. Basilius subire præcipiat, poenitentem vero Clericatus ordinem obtinere Siricius interdicat; manifeste colligitur, quia qui fœda cum masculo libidinosa immunditia sorde polluitur, ecclesiasticis fungi officiis non meretur; nec idonei sunt divinum tractare Mysterium, qui, ut dicitur, dudum fuerant vasa vitiorum.

Confirmatur hæc Regula auctoritate *Leonis IX.* Pontificis maximi, qui Gomorrhianum B. Petri Damiani librum approbavit Epistola decretali ad ipsum scripta: „„ Clerici vero (*inquit*) de quorum vita spurcissima flebiliter, pariterque rationabiliter tua prudentia disputavit, verè, & omnino verè ad funiculum hæreditatis ejus non pertinent, de quo ipsi voluptuosos se oblectationibus summovent. Qui si pudice conversarentur, non solum Templum Dei sanctum, sed ipsum etiam Sanctuarium dicerentur, in quo divino candore conspicuus ille Dei agnus immolatur, per quem fœda totius orbis lues lavatur. Tales nimirum Clerici, etsi non verborum, tamen operum testimonio profitentur, quia non existunt, quod censentur. Quo enim modo Clericus possit esse, vel nominari, qui proprio arbitrio non metuuit se inquinare? De qualibus, quia sancto fervore permotus, quæ tibi videbantur, scripseras, oportet, sicut desideras, apostolicam nostram interponamus auctoritatem, quatenus scrupulosam legentibus auferamus dubietatem; & constet omnibus certum no-

stro

stro iudicio placuisse quæcunque continet ipse libellus diabolico igni velut aqua oppositus „ „.

Et paulo post; „ „ Ecce (*inquit*) illi, qui quavis quatuor generum quæ dicta sunt, foeditate polluantur, prospecta æquitatis censura, ab omnibus immaculatæ Ecclesiæ gradibus, tam sacrorum Canonum, quam nostro iudicio depelluntur. Sed nos humanius agentes, eos, qui, vel propriis manibus, vel invicem inter se egerunt semen, vel etiam, qui inter temora profuderunt, & non longo usu, nec cum pluribus; si voluptatem refranaverint, & dignæ poenitudine probrota commissa luerint, admitti ad eisdem gradus, in quibus in scelere manentes, non permanentes fuerant, divinæ miserationi confisi, volumus, atque etiam jubemus; ablata aliis spe recuperationis sui ordinis, qui vel per longa tempora secum, sive cum aliis, vel cum pluribus, brevi licet tempore, quolibet duorum foeditatis genere, quæ descripi ras, maculati; vel, quod est horrendum dictu, & auditu, in terga prolapsi sunt. Contra quod nostrum apostolicæ Sanctionis Decretum si quis ausus fuerit, vel judicare, vel latrare, ordinis sui se noverit periculo agere. Qui enim non pungit vitium, sed palpat; cum eo, qui vitio moritur, ipse quoque mortis reus merito iudicatur „ „.

Leo X. Constitutione 7. quæ incipit, *Superna*, statuit ut „ „ Quicumque Clerici illa incontinentia quæ contra naturam est, propter quam ira Dei venit in filios diffidentia, deprehensi fuerint laborare, a Clero deiciantur, vel ad agendum in monasteriis poenitentiam detrudantur „ „. Sanctus Pontifex Pius V. Clericos hujus nefarii criminis reos omni privilegio clericali, omnique officio, dignitate, & beneficio ecclesiastico privat; ita quod per Judicem ecclesiasticum degradati, potestati statim seculari tradantur, iisdem poenis puniendi, quibus Laici in illud crimen prolapsi. (Constitutione 5. quæ incipit, *Cum primum*, & 72. quæ incipit, *Horrendum*.)

REGULA LXI.

Peccatorum contra naturam gravissimum est bestialitas.

Id Gen. 37. 3. indicari ait Glossa, ubi de Joseph dicitur: *Accusavit fratres suos apud patrem crimine pessimo*. Contra illud abominationis genus a Deo lata lex est, *Levit. 20. cap. Qui cum jumento, & pecore coierit, morte moriatur; pecus quoque occidite. Mulier, quæ succubuerit cuilibet jumento, simul interficietur cum eo; sanguis eorum sit super eos.*

Rom. 1.

Tot Regulis ut luxuriæ species explicarem, hominum corruptela, & Confessariorum instructio necessaria compulit. Si quis ad illarum lectionem impudicus accedit: „ Facta denotet suæ turpitudinis, non verba nostræ necessitatis; in quibus mihi facillime pudicus, & religiosus lector, vel auditor ignoscit.. Legit enim hæc sine offensione, qui non exhorret Apostolum horrenda feminarum flagitia reprehendentem, quæ *Immutaverunt naturalem usum, in eum usum, qui est contra naturam*: Præcipue quia verba, sicut ille, obscæna vitemus „ „ Cum S. Augustino loquor, lib. 14. *De Civitate Dei*, cap. 23.

ARTICULUS IV.

De luxuriæ Filiabus.

Cæcitas
mentis.

Luxuriæ filix octo a S. Gregorio, lib. 31. *Moralium*, cap. 17. recensentur, scilicet *Cæcitas mentis, inconsideratio, præcipitatio, inconstantia, amor sui, odium Dei, affectus præsentis seculi, horror, vel desperatio futuri*, De quibus S. Thomas, 2. 2. qu. 153. art. 5.

I. *Cæcitas mentis, peccatum est, pæna peccati, & causa peccati, qua aliquis sua libidine excæcatus, in rebus agendis bonum, & legitimum finem sibi non ponit ob oculos, vel ab eo deflectit, & aberrat*. In hujus rei figuram Angeli ante excidium Sodomæ in domum Loth descendentes, Genes. 19. *Clauserunt ostium, & eos, qui foris erant, percusserunt cæcitate a minimo usque ad maximum, ita ut ostium invenire non possent.*

Qui-

Quibus verbis significatur, eos qui carnalibus voluptatibus sunt immersi, in cæcitatem incurrere spirituales, ita ut Christum invenire non possint, qui de seipso dicit. *Ego sum ostium*, Luxuriosis convenit illud Psalmi: *Supercecidit ignis, & non viderunt solem*. Prohibet nimirum ignis luxuriæ, ne in Christum justitiæ solem, & lucem mundi, ac in spiritualia bona, quæ illius lumine revelantur, oculos intendant. In hujus iterum rei figuram Naas Regem Ammonitarum bellum gerens contra viros Jabes Galaad. 1. Reg. cap. 11. ait; *In hoc feriam vobiscum fœdus, ut etiam omnium vestrum oculos dexteros, ponamque vos opprobrium in universo Israel*. Naas diabolus est, contra filios Israel, id est, fideles, crudele bellum gerens. Illi se dedunt homines impudici, & cum illo fœdus percutiunt, operibus, sin minus verbis dicentes; *Habeto nos fœderatos; & serviemus tibi*. At illo pactum cum ipsis init hac conditione, ut eruat ipsorum oculos dexteros, ne Deum, ejusque legem præ oculis habeant, Diaboli typus Nabuchodonosor Rex Babylonis, qui captum Sedeciam Regem Jerosolymis fugientem excæcavit, occisis coram eo filiis, & captivum Babylonem abduxit: 4. Reg. c. ult. Jerosolymis sancta civitate fugit impudicus, divinoque destitutus præsidio, venit in potestatem dæmonis, qui Babylonis impiorum civitati dominatur, a quo extinctis bonis operibus, Spiritus sancti, & humanæ voluntatis filii, excæcatur, & catenis cupiditatum, & peccatorum suorum vinctus, Babylonem confusionis regnum captivus abducitur. Hinc de Senibus illis impudicis, qui *Susanna* castitati sunt insidiati, Dan. 13. scriptum est: *Exarserunt in concupiscentiam ejus, & everterunt sensum suum, & declinaverunt oculos suos, ut non viderent cælum, neque recordarentur judiciorum justorum*. Et illorum alteri dixit Daniel: *Species decepit te, & concupiscentia subvertit cor tuum*.

II. Præcipitatio peccatum est, quo quis libidinis impetu abreptus, absque consilio, & deliberatione in actum exteriorum profilit, Hinc Deut. 32. Moyses ait: Gens

absque consilio est, & sine prudentia. Utinam saperent, & intelligerent, & novissima providerent! Ex prætorum scilicet recordatione, præsentium consideratione, futurorum solerti prævisione, ratio unum cum altero conferens, & docilitas majorum, atque prudentiorum lententius acquiescens, optimum consilium ineunt, quo ductus homo media legitimi finis allocationi convenientia eligit. Præcipitatio incipit a verbo cordis, quod est propositum faciendi aliquid. Homo nempe cupiditatus impetu abreptus, quod menti primum occurrit, agere deliberat, absque sufficienti examine. Hinc Job 18. cap. dicitur: Nonne lux impij exstinguetur, nec splendet flamma ignis ejus? Lux obtenebrescit in tabernaculo illius, & lucerna, quæ super eum est, exstinguetur. Arrestabuntur gressus virientis ejus, & præcipitabit eum consilium suum. Immisit enim in rete pedes suos, & in maculis ejus ambulat.

Quando præcipitatio mortale peccatum est.

Qui temere, & ex præcipitatione aliquid agit: *Avertens se a Regulis divinis, aut contemnens, & repudians divina documenta, mortalis peccati reus est. Si vero præceptis profilit in opus: Absque contempnitione divina Regula, sed cum detrimento, seu defectu eorum, quæ sunt de necessitate salutis, iterum est mortale, vel circumstantia peccati mortalis (inquit S. Antoninus, 2. P. tit. 5. c. 10.) exemplis rem illustrat: „Sicut (inquit) cum debeat quis semel in anno confiteri, & communicare, subito accedit ad Confessionem sine aliqua præcogitatione; cum tamen habeat multa intricamenta, & gravia peccata, propter quod parum dicit, & multa omittit gravia, quæ de facili menti occurrissent, & sic subito communicat indispositus „ „ Illa Confessionis præcipitatio, Mortale peccatum est. Similiter si quis disputationem habiturus cum infidelibus de rebus arduis, præcipiti motu, & improvise id aggrediatur: Unde probabiliter deficere possit, & confundi fides; quod periculum matura prævisione, & præmeditatione potuisset avertere, mortalis peccati reus est. Si autem aliquid præcipiti motu, & temere operetur Absque detrimento eorum,*

quæ

quæ sunt de necessitate salutis , erit veniale duntaxat peccatum.

Contingit secundo præcipitatio in verbis , contra quam Eccl. 5. dicitur : *Ne temere quid loquaris ; neque cor tuum sit velox ad proferendum sermonem coram Deo.* Et Eccli. 9. *Terribilis in civitate sua homo linguosus ; & temerarius in verbo suo odibilis erit.* In tribus autem præcipue cavendam præcipitationem , *S. Anthonius* monet , in sententiis scilicet proferendis ; in dubiis , quæ conscientiam spectant , solvendis ; in revelandis arcanis .

In quibus præsertim cavenda præcipitatio.

Quoad primum , *David* injustitiam commisit , quia præceps fuit in sententia contra *Miphiboseth* Saulis filium ferenda . Cum enim *Davidi* *Absalonum* fugienti occurrisset *Siba* procurator *Miphiboseth* cibaria afferens , ac de ipso *Miphiboseth* a domino suo interrogatus , calumniam in illum adornasset , remansisse dicens *Hierosolymis* , lætum de *Davidis* ejectione , & spe recuperandi regni , quod a *Saule* translatum fuerat in *Davidem* , erectum , atque animatum ; *David* re ad examen , & deliberationem non vocata , bona *Miphiboseth* in *Siba* dominio subito transcripsit (2. Reg. cap. 16.) Cumque infelix *Miphiboseth* Regi *Hierosolyma* reduci occurrens , innocentiam suam probasset , *Siba* calumniam aperuisset , præcipientem tamen sententiam *David* non revocavit , sed possessiones inter *Miphiboseth* , ac *Sibam* dividi iussit (2. Reg. cap. 29.)

Præcipitatio in ferenda sententia.

Quoad secundum , *S. Anthonius* triplex dubium esse notat . Juris scilicet , facti , & personæ . Cum certum est factum , sed dubitatur quis fecerit , tunc (inquit) potest ferri certa sententia , non contra personam aliquam determinate , sed in genere , nempe in excommunicationem ipso facto incursum , qui tale delictum commiserit , nisi infra statutum tempus satisfecerit ; ut colligitur ex Can. *Quidam* , causa 5. qu. 1. Ubi vero factum ambiguum , & obscurum est , non est ferenda sententia alteri nocitura ; v. gr. , si dubitatur utrum aliquis iuste aliquid possideat , vel non ;

Triplex dubium.

non ; seu utrum aliqui in gradu prohibitio contraxerint, vel non ; in tali dubio non debet ferri sententia in damnum alterius, ut colligitur ex Can. *Grave*, causa 11. qu. 3. cujus hæc sunt verba ex *S. Greg.* lib. 8. Epist. 30. delumpta : *Grave est, & satis indecens, ut in re dubia certa detur sententia.* In dubiis juris ; *Id sequendum quod nec evangelicis præceptis contrarium, nec Decretis sanctorum Patrum invenitur adversum ;* ut dicitur Can. *Sicut quædam*, dist. 14. qui ex *S. Leone* sumptus est : „ „ Ubi autem reperiuntur diversæ opiniones, & advertæ solemnium Doctorum in aliqua materia (*inquit S. Antoninus*) nec habetur expressa circa hæc declaratio per auctoritatem Scripturæ, vel determinatio per Ecclesiam, tunc periculosum est præcipitare sententiam, & ita uni opinioni adhærere, quod alteram condemnaret ut hæreticam, vel damnabilem, sicut cognoscere uxorem menstruatam, asserere, quod sit mortale ; emere impræstita Venetiarum, seu jura montis Florentiæ, quod sit usura, & multa hujusmodi. In his igitur quamvis tutior via sit eligenda, & consulenda, non tamen est præcipitanda sententia, condemnando alteram opinionem. Et hoc est contra multos prædicatores, & Confessores modernos, qui sunt nimis faciles ad judicandum aliquid esse mortale „ „ Nathan Propheta interrogatus a *Davide*, utrum Domino Deo templum ædificare deberet, præceps responsum dedit inconsulto Deo ; *Omne* (*inquit*) *quod est in corde tuo, vade, fac, quia Dominus tecum est.* Ideo sententiam revocare coactus est jubente Deo, & *Davidi*, ut Propheta denuntiare, ipsum non ædificaturum Domino, sed filium ejus pacificum Salomonem (2. Reg. 7.) Josue, tribuumque Israelitarum Principes præcipientes fuere ad ineundum fœdus cum Gabaonitis simulatoribus, ideoque illos decipi Deus permisit, quia *Os Domini non interrogaverunt*, & Gabaonitas, alias delendos, Deus servari voluit ob juramenti reverentiam, ut narratur *Josue* 9.

Quo-

Quoad tertium, præcipitatio *Samsonis* ad arcanum suum *Dalila* revelandum, ipsi exitii causa fuit, ut refertur *Judicum* 16. Hinc *Jer.* 9. scriptum est: *Unusquisque se a proximo suo custodiat, & in omni fratre suo non habeat fiduciam; quia omnis frater supplantans supplantabit, & omnis amicus fraudulenter incedet.*

Contingit denique præcipitatio in opere, cum aliquis opus aggreditur, & exequitur abique examine, ut si ad Sacerdotium, vel ad monasticam Professionem Episcopus, vel Abbas ignotum, non explorata ejus vocatione, dotibusque necessariis, admittant; si quis Prælatum, sive Superiorem quemcunque ignotum eligat; vel opus aliquod arduum, viribus suis prius non tentatis aggrediatur. Hinc Can. *Inter hac*, 1. dist. 3. *De penitencia*, qui ex *Origene*, & *Hesychio* magna ex parte sumptus est, dicitur: „Lenta virtus „& cunctatrix ante judicat, quam incipit, quid de- „corum, quid honestum; iniquitas omnia præcipi- „tat „. Et Can. *Ponderei*, qui *Calixti* 1. nomine refertur distinctione L. dicitur. „Nos enim tempore „indigemus, ut aliquid maturius agamus. Nec præci- „pitemus consilia, & opera nostra, neque ordinem „corrumpamus „.

Præcipitatio in opere.

III. *Inconsideratio*, peccatum est ex libidine velut ex radice progerminans, quo aliquis a recto judicio deficit, ex hoc, quod contemnit, vel negligit attendere ea, ex quibus rectum judicium procedit. Judicii namque directrix, & moderatrix est consideratio, de qua dicitur *Prov.* 4. *Oculi tui videant recta, & palpebra tua præcedant gressus tuos.* De qua *S. Bernard.* lib. 1. *De Consideratione*, cap. 7. „Quid sit pietas, quæris? Vacare considerationi. Quid tam pertinens ad cultum Dei, quam quod ipse hortatur in *Psalmo*: *Vacate, & videte, quoniam ego sum Deus?* Quod sane in partibus considerationis præcipuum est. Quid denique tam valens ad omnia, quam quæ ipsius quoque actionis partes benigna quadam præsumptione suas facit, præagendo quodammodo, & præordinando, quæ agenda

Inconsideratio.

Psal. 45.

da sunt? Necessario sane; ne forte quæ, & prævisa, & præmeditata poterant esse proficuo, præcipitata magis periculo fiant... Et primum quidem ipsum fontem suum, id est, mentem, de qua oritur, purificat consideratio. Deinde regit affectus, dirigit actus, corrigit excessus, componit mores, vitam bene stat, & ordinat, postremo divinarum pariter, & humanarum rerum scientiam confert. Hæc est, quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, ficta, & fucata explorat. Hæc est, quæ agenda præordinat, acta recogitat, ut nihil in mente resideat, aut incorrectum, aut correctione egens. Cum autem ejus quatuor sint partes, & quatuor considerare debeamus, scilicet nos ipsos, quæ sub nobis, quæ circa nos, quæ supra nos sunt, ut late *S. Bernardus* explicat in libris *De Consideratione*; rectum de his omnibus iudicium impedit luxuria mater inconsiderationis.

Inconstan-
tia.

IV. *Inconstancia, peccatum est, quo vir libidinosus a bono proposito recedit, aut mediocri difficultate fractus, aut voluptate illectus.* Hujusmodi autem recessus principium ab appetitu quidem est; non enim aliquis recedit a bono proposito, nisi propter aliquid, quod sibi inordinate placet; sed iste recessus non consummatur, nisi defectu rationis id repudiantis, quod recte acceptaverat; inquit *S. Thomas*, 2. 2. qu. 53. art. 5. Cum nempe resistere possit cupiditatum impetui, si non resistat, id ipsius debilitati tribuendum est, quæ non stat firmiter in bono proposito concepto. Cum itaque ratio recta triplici actu hominem dirigat in agendis, consilio, iudicio, & præcepto; luxuria, quæ *Totam animam absorbet, & trahit ad sensibilem delictationem; & extinguit iudicium rationis* (ut loquitur *S. Thomas*) consilium præcipitatione, iudicium inconsideratione, præceptum, seu bonum propositum de præcepti executione conceptum, inconstancia obruit, & evertit. Unde Sap. 4. scriptum est: *Fascinatio negotiorum obscurat bona, & inconstancia concupiscentia transvertit sensum sine malitia.* Quamobrem libidinosus, & luxurio-

riosis hominibus præcipua quadam ratione convenit illud Psal. 77. *Averterunt se, & non servaverunt pactum, quemadmodum patres eorum, conversi sunt in arcum pravam.* Averterunt se a Deo recedentes, ad quem per poenitentiam, religiosæ vitæ Professionem, Ordinem sacrum, aut bonum quodvis propositum conversi erant; & non servaverunt pactum cum Deo initum in Baptismo, vel poenitentia, vel professione religiosa, aut sacra ordinatione. Quemadmodum patres eorum, conversi sunt in arcum pravam. Arcus pravius est, qui cum tenditur ad vibrandas sagittas, trangitur, & deficit; sic libidinosi, cum tempus adest exequendi bonum, quod se facturos proposuerant, & promiserant, & divina mandata implendi, quavis ethi modica difficultate fracti, aut voluptate illecti, bonum propositum abjiciunt.

V. *Amor sui pravius est, & inordinatus affectus, quo* Amor sui.
viri libidinosi carnem suam carnisque voluptates, pra-
ceteris rebus omnibus, pra officiiis suis, pra Dei, &
Ecclisia mandatis, pra Deo ipso diligunt. Hi scilicet Sep. 2
intimo corde, sin minus voce ajunt: *Venite & fruamur bonis, quæ sunt, & utamur creatura tanquam in*
juventute celeriter. Coronemus nos rosis antequam mar-
cescant; nullum pratum sit, quod non pertranscat lux-
uria nostra. Nemo nostrum exfors sit luxuria nostra;
ubique relinquamus signa lætitiæ; quoniam hæc est pars
nostra, & hæc est fors. De illis Apost. 2. ad Timoth. 3.
scribit: *In novissimis diebus instabunt tempora pericu-*
losa; erunt homines se ipsos amantes. . . Incontinentes. . .
voluptatum amatores magis quam Dei. Amor ille sui
quamvis filia sit luxuriæ quatenus in carnis volupta-
tes quasi in finem tendit; commune tamen pecca-
torum principium est, quatenus privatum quodcun-
que hominis bonum inordinate appetit. Hinc S. August.
hæc verba Psal. 97. *Incensa igni, & suffusa; ab in-*
crupatione vultus tui peribunt, de peccatis interpre-
tatus, ait; „ „ Quæ sunt peccata succensa igni, &
effusa? Quid fecerat amor malus? Tanquam ignem
succenderat. Quid fecerat timor malus? Tanquam
effo-

effoderat. Amor quippe inflamat, timor humiliat; ideo peccata mali amoris igne succensa sunt; peccata mali timoris effossa sunt „„.

Odiū Dei.

VI. *Odiū Dei, est aversio a Deo, qua viri luxuriosi quandoque ipsum refugiunt, & ab ejus lege abhorrent, quatenus carnis voluptates prohibet, aternasque penas impudicis infligit.* Quod quidem peccatum omnium gravissimum est, cum opponatur charitati, quæ est maxima virtutum. Hinc S. Greg. lib. 25. *Moralium*, cap. 11. ait: „ Sicut nonnunquam gravius „ est peccatum diligere, quam perpetrare; ita nequius est odisse iustitiam, quam non fecisse „.

Affectus
præsentis
seculi.

VII. *Affectus præsentis seculi, seu inordinatus vitæ præsentis amor, peccatum est, quo libidinosi homines carnalibus voluptatibus ita capiuntur, ut hujus seculi vitam fruendæ voluptatis causa perpetuam esse vellent, de superna felicitate nihil curantes.* His convenit illud Psal. 13. *Corrupti sunt, & abominabiles facti sunt in studiis suis, non est qui faciat bonum, non est usque ad unum.* Seculi præsentis immoderatus amor inimicos Dei facit, teste Apostolo S. Jacobo cap. 4. *Epistolæ catholicæ: Qui voluerit amicus esse hujus seculi, inimicus Dei constituitur; & S. Joanne Ep. 1. c. 2. Nolite (inquit) diligere mundum, neque ea, quæ in mundo sunt. Si quis diligit mundum; non est charitas patris in eo; quoniam omne, quod est in mundo, concupiscentia carnis est, & concupiscentia oculorum, & superbia vitæ; quæ non est ex Patre, sed ex mundo est. Et mundus transit, & concupiscentia ejus.* Miseri! qui mundum amant ob voluptates fœdas, momentaneas, fastidium, & amaritudinem parientes. Unde Prov. 5. dicitur: *Favus distillans labia meretricis, & nitidus oleo guttur ejus; novissima autem illius amara quasi absinthium.* Cæci! qui mundum tot amaritudinibus respersum amant ob falsi nominis voluptates. „ „ Fœdus est mundus, non ametur. Ecce talis est, & sic amatur. Ruinosa est domus, & piget migrare. Matres, sive nutrices, ne pueri multum sugant, ubi eos grandelæcere viderint, & non jam decere, ut lacte .

Mundi a-
maritudo.

lacte nutrantur, illos tamen moleste mammis inhiare, circumliniunt papillas suas aliqua amaritudine; qua offensus parvulus lac ulterius non requirat. Quid ergo adhuc tam delectabiliter fugitur, si amarus tibi factus est mundus? Implevit Deus amaritudinibus mundum; & inhias tu, incumbis tu, fugis tu; nonnisi inde, & inde voluptatem capis. Quamdiu? Quid si dulcis esset, quomodo amaretur? Offendunt te ista, elige aliam vitam. Ama Deum, contemne ista. Despice res humanas, quodocunque hinc iturus; non enim hic futurus semper. Et tamen sic, quomodo malus est, quomodo amarus est mundus, quomodo plenus est calamitatibus mundus, si dictum tibi esset a Deo, quod semper hic esses, lætitia te non caperes, exultares, gratias ageres. Unde? quia miseriam non finire. Ipsa est major infelicitas, quæ se amari cogit. Minor esset, si non amaretur; tanto peior est, quanto plus amatur. Verba sunt *S. August.* Serm. 311. alias *De Diversis*, 115. Vera voluptas in carnalium voluptatum fastidio, in seculi contemptu, in conscientie puritate posita est, secundum præclaram illam *Tertulliani* sententiam, lib. *De Spectaculis*, cap. 29.

„ Dicas velim: Non possumus vivere sine voluptate, qui mori cum voluptate debemus? Nam quod est aliud votum nostrum, quam quod & Apostoli, exire de seculo, & recipi ad Dominum? Hic voluptas, ubi & votum. Jam nunc puta delectamentis exigere spatium hoc. Cur tam ingratus es, ut tot, & tales voluptates a Deo contributas tibi satis non habeas, neque recognoscas? Quid enim jucundius, quam Dei Patris, & Domini reconciliatio, quam veritatis revelatio, quam errorum cognitio, quam tantorum retro criminum venia? Quæ major voluptas, quam fastidium ipsius voluptatis, quam seculi totius contemptus, quam vera libertas, quam conscientia integra „?

Vera voluptas.

VIII. Horror, seu Desperatio futuri seculi peccatum est, quo viri libidinosi mortem, ac judicium divinum

Horror, seu desperatio

futuri se-
culi.

ita metuunt, ut de felicitatis æternæ consecutione desperent. Cum enim mors iis voluptatibus finem allatura sit, quas intemperanter appetunt, & sectantur, fieri non potest, quin illam abhorreant. Deinde stimulis conscientiae tanto amplius vexati, quanto se illicitis voluptatibus profundius immerferunt, diutiusque in illis hæserunt, diffidunt de venia; quo fit, ut novas in libidines prolabantur, ex quibus nunquam emergunt ad poenitentiam. Hinc *Osee* 5. cap. scriptum est: *Non dabunt cogitationes suas, ut revertantur ad Deum suum; quia spiritus fornicationum in medio eorum, & Dominum non cognoverunt.* Et ad *Eph.* 4. *Desperantes, semetipsos tradiderunt impudicitiae in operationem immunditiae omnis.* Hinc *S. Thom.* 1. 2. qu. 74. art. 5. ad secundum, ait: „Diabolus „dicitur maxime gaudere de peccato luxuriæ, quia „est maximæ adhærentiæ, & difficile ab eo homo „potest eripi „”

Stultitia.

IX. Alias alii luxuriæ filias recensent, scilicet *Stultitiam, turpiloquia, scurrilitatem.* Et stultitiam quidem filiam esse luxuriæ, *S. Thomas*, docet, 2. 2. qu. 46. art. 3. „” *Stultitia (inquit) secundum quod est peccatum, provenit ex hoc, quod sensus spiritualis hebetatus est, ut non sit aptus ad spiritalia dijudicanda. Maxime autem sensus hominis immergitur ad terrena per luxuriam, quæ est circa maximas delectationes, quibus anima maxime absorbetur. Et ideo stultitia, quæ est peccatum, maxime nascitur ex luxuria „”.* Unde *Prov.* 7. de juvene meretricem sequente dicitur: *Statim eam sequitur quasi bos ductus ad vimam, & quasi agnus lascivians, & ignorans, quod ad vincula stultus trahatur, donec transfigat sagitta jecur ejus; velut si avis festinet ad laqueum, & nescit, quod de periculo animæ illius agitur.* Apposite *S. Hieron.* lib. 1. *Adversus Jovinianum* scribit: „” Amor formæ rationis oblivio est, & insanitiæ proximus; foedum minimeque conveniens animo sospiti vitium; turbat consilia, altos, & generosos spiritus frangit, a magnis cogitationibus ad humillimas detrahit; querulos, ira-

iracundos, temerarios, dure imperiosos, serviliter blandos, omnibus inutiles, ipsi novissime amoris facit. Nam cum fruendi cupiditate insatiabilis flagrat, plura tempora suspicionibus, lacrymis, conquestionibus perdit, odium sui facit; & ipse novissime sibi odio est „ „. Sed stultitia vel ad cæcitatem mentis, vel ad inconsiderationem pertinet; partim etiam ad odium Dei, & desperationem futuri seculi. Hinc *S. Thomas* loco mox indicato, in responsione ad primam, ait: „ „ Ad stultitiam pertinet, quod homo habeat fastidium de Deo, & donis ipsius. Unde duo *S. Gregorius* numerat inter filias luxuriæ, quæ pertinent ad stultitiam, scilicet odium Dei „ „ & desperationem futuri seculi, quasi dividens stultitiam in duas partes „ „.

Quod spectat turpiloquia, scurrilitatem, & stultiloquia, ad præcipationem, & inconsiderationem illa pertinere manifestum est. Cum enim ex abundantia cordis os loquatur, luxuriosi, quorum cor turpibus concupiscentiis plenum est, facile ad turpia verba prorumpunt. Præcipitatio quoque, & inconsideratio mala luxuriæ germina pronum hominem faciunt in verba leviter, & inconsiderate dicta, quæ scurrilia vocantur.

X. Dicendi finem non fecero, si vitia omnia percellere voluero, quæ ex luxuria oriuntur, vel illam comitantur. Hinc Magdalenam peccatricem septem dæmonia possederant. „ Septennario numero (*inquit S. Gregorius*) universitas vitiorum designatur. Recte „ ergo septem dæmonia habuit, quæ universis vitiis „ plena fuit „. Hinc *S. Ambrosius* lib. *De Elia*, & *jejunio*, cap. 19. ait: „ „ Luxuria nec fidem habet, nec observantiam disciplinæ; luxuria seminarium, & origo vitiorum est. Nec arbitremini me adversus Apostolum ^{1. Tim. 6.} dixisse, quia ille ait, avaritiam radicem esse vitiorum omnium, quoniam luxuria ipsius est mater avaritiæ. Etenim cum exhauferit quis luxuriando proprias facultates, quærit postea avara compendia „ „.

ARTICULUS V.

De Remediis contra luxuriam.

Luxuriæ
turpitude,
& pœnæ
consideran-
da.

Gen. 6.

Remedia contra luxuriam partim in cogitatione, partim in actione consistunt, inquit Concilii Trid. Catechismus P. 3. cap. 7. Quod in cogitatione remedium positum est, id in eo maxime versatur, ut intelligamus, quanta sit hujus peccati turpitude & perniciēs, quæ pœnæ ipsum consequantur. Ponatur ergo ob oculos generale totius orbis diluvium, cujus causa fuit hominum libido. *Omnis quippe caro corruerat viam suam super terram.* Unde Deus ait: *Non permanebit Spiritus meus in homine in æternum, quia caro est.* Et dixit ad Noe: *Finis universæ carnis venit coram me; repleta est terra iniquitate a facie eorum, & ego disperdam eos cum terra.* Revoce-
tur in memoriam supplicium Israelitarum, qui fornicati sunt cum filiabus Moab in deserto, *Num. 25.* De quo Apostolus 1. ad Corinth. 10. *Neque fornicemur (inquit) sicut quidam ex ipsis fornicati sunt, & ceciderunt una die viginti tria millia.* Item Benjamiticæ tribus deletio, *Judicum 20.* Qui vero mortem effugiunt, aliis tamen corporis, animique pœnis gravissimis sæpe plectuntur, & præsertim cæcitate mentis, quæ pœna omnium gravissima est; ita ut neque Dei, nec salutis æternæ, neque ~~sanctæ~~, neque dignitatis, neque filiorum, vitæque suæ rationem habeant; sicque adeo nequam, & inutiles fiunt, ut nihil grave committi eis debeat, & ad nullum fere officii munus idonei sint. Funesta hujus rei exempla in *David*, & *Salomone* cernimus, quorum alter, scilicet *David*, postquam adulterium commisit, repente sui dissimillimus, ex mitissimo crudelis evasit, ut *Urtam* optime de se meritum morti exponi jussit. (*2. Regum 11.*) Alter vero, scilicet *Salomon* cum se totum in alienigenarum mulierum libidinem effudisset, in idololatriam lapsus est (*3. Regum 11.*) Quamobrem *Osee 4* scriptum est: *Fornicatio, & vinum, & ebrietas auferunt eum.* Hinc *J. Greg. lib. 16. Moralium, cap.*

29. verba illa explicans, *Dulcedo ejus vermis*, quæ Job 24, leguntur, ait: „ Luxuriosi ergo, atque carnis voluptatibus dediti quanta sit cæritas mentis, demonstratur, cum dicitur: *Dulcedo ejus vermis*. Quid namque caro, nisi putredo, & vermis est? Et quisquis carnalibus desideriis anhelat, quid aliud quam vermem amat „ „?

II. Remediorum vero in actione positorum, primum est otii fuga, necnon crapulæ, & ebrietatis, quæ ad luxuriam provocant. Unde *Ezech.* 16. scriptum est: *Ecce hac fuit iniquitas Sodoma sororis tuæ, superbia, saturitas panis, & otium ipsius, & filiarum ejus*. David in adulterium lapsus est, cum de strato suo post meridiem surrexisset, & in solarium domus regis deambulare: *Eo tempore, quo solent Reges ad bella procedere, otio vacans*. Hinc *S. Hieronymus* Epist. 4. „ Ama (inquit) scientiam Scripturarum, & carnis „ vitia non amabis. „ Facito aliquid operis, ut te „ semper diabolus inveniat occupatum „. Quantum vero fugiendæ sint crapula, & ebrietas ad custodiam castitatis, Scriptura sacra non uno in loco docet. *Exodi* 32. *Sedit populus manducare, & bibere, & surrexerunt ludere*. Quem locum *Tertullianus* lib. *De Junius* proferens ait: „ Intellige sanctæ Scripturæ „ verecundiam, luxum nisi impudicum non denotat, „ set. *Eodemque in libro* ait: *Appendices gulæ lascivia, atque luxuria* „. *Prov.* 20. *Luxuriosa res vinum*. Ad *Ephes* 5. *Et nolite inebriari vino, in quo est luxuria*. Hinc *S. Hier.* lib. 2. *Adversus Jovinianum* scribit: „ Non ei debemur, cui nascimur, sed cui renascimur, qui repugnantem carnem, & ad libidinum incentiva rapientem, inedia subjugamus. Esus carniæ, & potus vini, ventrisque saturitas, seminarium libidinis est. Unde & *Comicus*: *Sine Cereæ* (inquit) *& libero friget Venus* „ „. Hinc *Pompeii* Amphiteatrum *Baccho* simul, & *Veneri* dedicatum, Qua de re *Tertul.* lib. *De Spectaculis*, ait: „ Duo ista „ dæmonia conspirata, & conjurata inter se sunt, „ ebrietatis, & libidinis. Itaque theatrum veneris,

Oti, ergo,
palæ, &
ebrietatis
fuga.

„liberi quoque domus est „ Hinc S. Greg. Curæ pastoralis P. 3. Admonitione 20, „ „ Plerumque (*inquit*) edacitas usque ad luxuriam pertrahit ; quia dum satietate venter extenditur , aculei libidinis excitantur, . . Gulæ deditos luxuria sequitur , propheta testante , qui dum aperta narrat , occulta denuntiat dicens (Jer. 52.) *Princeps coquorum destruxit muros Jerusalem.* (Princeps coquorum , venter est. Muri Jerusalem , virtutes animæ ad desiderium supernæ pacis elevatæ.) Coquorum ergo Princeps muros Jerusalem dejecit , quia dum venter ingluvie distenditur , virtutes animæ per luxuriam destruuntur „ „

Prov. 6.
Nimia frequentatio,
& familiaritas mulierum vitanda,

III. Tertium remedium est , nimiam frequentationem , & familiaritatem mulierum vitare. *Nunquid enim potest homo abscondere ignem in sinu suo , ut vestimenta illius non ardeant ? Aut ambulare super prunas , ut non comburantur plantæ ejus ? Sic qui ingreditur ad mulierem , &c.* Et Eccl. 42. *In medio mulierum noli commorari ; de vestimentis enim procedit tinea , & a muliere iniquitas viri. Melior est enim iniquitas viri , quam mulier benefaciens , & mulier confundens in opprobrium : Id est , mulieris , quamvis piæ , societas periculiosior , quam viri improbi.* Et cap. 9. *Speciem mulieris alienæ multi admirati reprobi facti sunt. Colloquium enim illius quasi ignis exardescit. Cum aliena muliere ne sedeas omnino , nec accumbas cum ea super cubitum ; & non alterceris cum illa in vino , ne forte declinet cor tuum in illam.*

Pervigil
sensuum
custodia,

IV. Quartum remedium est fidelis , & vigilans custodia sensuum : *Quia ascendit mors per fenestras nostras , ingressa est domos nostras (ut dicitur Jer. 9.) id est ; Per omnes sensus ad animæ interitum mors introit peccatorum (ut S. Hier. explicat ; quem eo de argumento differentem lib. 2. Contra Jovinianum , audire operæ pretium est.) „ „ Per quinque sensus (*inquit*) quasi per quasdam fenestras , vitiorum ad animam introitus est. Non potest ante metropolis , & arx mentis capi , nisi per portas ejus irruerit hostilis exercitus. Horum perturbationibus anima præ-*
gra-

gravatur, & capitur aspectu, auditu, odoratu, sapore, tactu. Si Circensibus quispiam delectetur; si Athletarum certamine, si mobilitate histrionum; si formis mulierum, splendore gemmarum, vestium, metallorum, & cæteris hujuscemodi; per oculorum fenestras animæ capta libertas est, & impletur illud Propheticum: *Mors intravit per fenestras nostras.* Rursum auditus vario organorum cantu, & vocum inflexionibus delinitur, & carmine poetarum, & comædorum, mimorumque urbanitatibus, & strophis, & quidquid per aures introjens virilitatem mentis effeminat. Odoris autem suavitas, & diversa thymiamata, & amomum, & cyphi, cœnanthe, muscus, & peregrini muris pellicula, quod dissolutis, & amatoribus conveniat, nemo nisi dissolutus negat. Tactus autem alienorum corporum, & feminarum ardentior appetitus, vicinus insanix est. Ob hunc sensum cupimus, irascimur, gestimus, invidemus, æmulamur, solliciti sumus; & expleta voluptate, per quamdam plenitudinem rursus accendimur, quærimusque facere, quod cum fecerimus, iterum poniteamus. Igitur cum per has portas quasi quidam perturbationum cunei ad arcem nostræ mentis intraverint, ubi erit libertas, ubi fortitudo ejus, ubi de Deo cogitatio? Maxime cum tactus depingat sibi etiam præteritas voluptates, & recordationes vitiorum cogat animam compati, & quodammodo exercere, quod non agit. His igitur rationibus invitati multi Philosophorum, reliquerunt frequentias urbium, & hortulos suburbanos, ubi ager irriguus, & arborum comæ, & susurrus avium, fontis speculum, rivus immurmurans, & multæ oculorum, auriumque illecebræ, ne per luxum, & abundantiam copiarum animæ fortitudo mollesceret, & ejus pudicitia constupraretur. Inutile quippe est crebro videre, per quæ aliquando captus sis, & eorum te experimento committere, quibus difficulter careas. Nam & Pythagorei hujuscemodi frequentiam declinantes, in solitudine, & desertis habitare consueve-

rant, Platonici quoque, & Stoici in templorum locis, & porticibus versabantur, ut admoniti angustioris habitaculi sanctitate, nihil aliud quam de virtutibus cogitarent. Sed & ipse Plato, cum esset dives, & thoros ejus Diogenes lutatis pedibus conculcaret, ut posset vacare Philosophiæ, elegit Academicam villam ab urbe procul, non solum desertam, sed & pestilentem, ut cura, & assiduitate morborum libidinis impetus frangeretur, discipuli que sui nullam aliam sentirent voluptatem, nisi earum rerum, quas discerent. Quosdam legimus effodisse sibi oculos, ne per eorum visum a contemplatione Philosophiæ avocarentur. Unde & Crates ille Thebanus, projecto in mare non parvo auri pondere: Abite (inquit) pessum malæ cupiditates; ego vos mergam, ne ipse mergar a vobis. Quod si quis existimat, & abundantia ciborum, potionumque se perfrui, & vacare posse sapientiæ, hoc est, & versari in deliciis, & deliciarum vitiis non teneri, seipsum decipit. Cum enim procul ab his remoti, sæpe capiamur naturæ illecebris, & cogamur ea cupere, quorum copiam non habemus; quanto magis, si circumdati retibus voluptatum, esse nos liberos arbitremur? . . . Vetus quoque sententia est; Difficile est, imo impossibile, deliciis, & voluptatibus affluentibus, non ea cogitare, quæ gerimus; frustra que quidam simulant, salva fide, & pudicitia, & integritate mentis, se abuti voluptatibus; cum contra naturam sit, copiis voluptatum sine voluptate perfrui; & Apostolus hoc ipsum cavens dixerit: *Quæ autem in deliciis est vidua, vivens mortua est.* Sensus corporum quasi equi sunt sine ratione currentes, anima vero in aurigæ modum retinet fræna currentium; & quomodo equi absque rectore præcipites ruunt; & ita corpus sine ratione, & imperio animæ in suum fertur interitum „ „.

Consonat S. Gregorius, lib. 21. *Moralium*, cap. 2. explicans illud Job 31. *Pepigi fœdus cum oculis meis, ut ne cogitarem quidem de virgine.* Sic enim hanc sen-

1. Tim. 5.

sententiam exponit: „ Cum sit invisibilis anima, nequaquam corporearum rerum delectatione tangitur, nisi quod inhærens corpori, quasi quædam egrediendi foramina ejusdem corporis, sensus habet. Visus quippe, auditus, gustus, odoratus, & tactus, quasi quædam viæ mentis sunt, quibus foras veniat, & ea, quæ extra ejus sunt substantiam, concupiscat. Per hos etenim corporis sensus quasi per fenestras quasdam exteriora quæque anima respicit, respiciens concupiscit. Hinc etenim Jeremias ait; *Ascendit mors per fenestras nostras, ingressa est domos nostras.* Moïse quippe per fenestras ascendit, & domum ingreditur, cum per sensus corporis concupiscentia veniens, habitaculum intrat mentis. Quot contra de iustis per Isaiam dicitur; *Qui sunt hi, qui ut nubes volant, & quasi columbae ad fenestras suas?* Iusti namque volare ut nubes dicti sunt, quia a terrenis contagiis sublevantur; & quasi columbae ad fenestras suas sunt, quia per sensus corporis exteriora quæque intentione non respiciunt rapacitatis; eosque foras non rapit concupiscentia carnalis. Quisquis vero per has corporis fenestras incaute exterius respicit, plerumque in delectationem peccati, etiam nolens cadit; atque obligatus desideriis, incipit velle, quod noluit „ *Et nonnullis subjunctis, quæ alia occasione referemus, ita colligit; „ Unde nobis ad custodiendam cordis munditiam, exteriorum quoque sensuum disciplina servanda est. Nam quantalibet virtute mens polleat, quantalibet gravitate vigeat, carnales tamen sensus puerile quiddam exterius perstreperunt; & nisi interioris gravitatis pondere, & quasi juvenili quodam vigore refrænentur, ad fluxa quæque, & levia mentem enervem trahunt „*

Ante hos Patres J. Basilii, lib. *De Sancta virginitate*, in eandem sententiam scribit: „ Voluptas cum una generaliter sit, veluti fons quidam a carne profuit; atque in quinos sensus, veluti rivos totidem distributa, per hos ab intimis ad sensibilia fluit; quorum quilibet per propriam organi sui fenestram ve-

hementem emittens fluentem suum, quicquid corruptum cominus occurrerit, ad se pertrahit; carnalique limo implet torrentis instar. Rursum quoque ab exterioribus per easdem fenestras in carnis ætus celerius refluxus; animam fluctibus perturbationum quatit, atque in profunda demergit. *Et infra*: Obstruendus est igitur primus ingressus per sensus sateliti carnis; sensusque ipsi, ut januæ, ac fenestræ cordis, seris, ac vectibus undique firmandi, atque muniendi; ne per aliquem illorum versutus ascendens, mortem conturbantem suam secum una introducat. *Mors enim (inquit) ascendit per fenestras.* Revera enim sensus fenestræ animæ sunt; quibus anima, sive ut pudica mulier exteriorem sensuum lucem ad considerationem rei cuiusque utilis, modice, casteque eas aperiens, haurit; sive ut impudica meretrix, attonita ad exteriora quæque ac noxia curiole spectanda, prospicit ad oblectamenta lasciviæ; cervicem male contorquens, ac per hoc suavia, & læta hauriens „ „.

Humilia-
tio, & mor-
tificatio
spiritus.

V. Quintum remedium est humiliatio, & mortificatio spiritus. Quo spectat juvenis cuiusdam monachi historia, quam *S. Hieron.* narrat *Epist.* 4. ad *Rusticum* data. „ „ Græcus adolescens erat in cœnobio (*inquit*) qui nulla abstinencia, nulla operis magnitudine summam poterat carnis extinguere. Hunc periclitantem Pater monasterii hac arte servavit. Imperat cuidam viro gravi, ut jurgiis, atque convitiis insectaretur hominem; & post irrogatam injuriam, primus veniret ad querimoniam. Vocati testes, pro eo loquebantur, qui contumeliam fecerat. Flere ille contra mendacium; nullus alius credere veritati; solus Pater defensionem suam callide opponere, ne abundantiori tristitia absorberetur frater. Quid multa? Ita annus ductus est; quo expleto, interrogatus adolescens super cogitationibus pristinis, an adhuc molestiæ aliquid sustineret: Pater (*inquit*) vivere mihi non licet, & fornicari libeat „ „?

Oratio.

VI. Sextum remedium est oratio, jugisque ad
Deum

Deum gemitus, ut colligitur ex illo Sap. 8. *Et ut sci-
vi, quoniam aliter non possem esse continens, nisi Deus
det, & hoc ipsum erat sapientia, scire cujus esset hoc
donum; adii Dominum, & deprecatus sum illum. Et
ex illo 2. ad Cor. 12. Et ne magnitudo revelationum
extollat me, datus est mihi stimulus carnis meae Ange-
lus satana, qui me colaphizet. Propter quod ter Do-
minum rogavi, ut discederet a me; & dixit mihi; Suffi-
cit tibi gratia mea. Quam salubre sit istud remedium,
exemplo suo docet S. Hier., Epist. 22. ad Eustochium,
De custodia Virginitatis. „ O quoties (inquit) ego
ipse in eremo constitutus, & in illa vasta solitudine,
quæ exusta solis ardoribus horridum monachis præ-
stat habitaculum, putabam me romanis interesse de-
liciis! Sedebam solus, qui amaritudine repletus eram.
Horrebant sacco membra deformia, & squalida, cu-
tis situm æthiopicae carnis obduxerat. Quotidie la-
crymæ, quotidie gemitus, & si quando repugnan-
tem somnus imminens oppressisset, nuda humo vix
ossa hærentia collidebam. De cibis vero, & potu ta-
ceo, cum etiam languentes monachi aqua frigida
utantur, & coctum aliquid accepisse, luxuria sit. Ille
igitur ego, qui ob gehennæ metum tali me car-
cere ipse damnaveram, scorpionum tantum socius,
& ferarum, sæpe choris intereram puellarum. Pal-
lebant ora jejuniis, & mens desideriis æstuabat in fri-
gido corpore; & ante hominem sua jam carne præ-
mortuum, sola libidinum incendia bulliebant. Ita-
que omni auxilio destitutus, ad Jesu jacebam pe-
des, rigabam lacrymis, crine tergebam, & repu-
gnantem carnem hebdomadarum inedia subjuga-
bam... Memini me clamantem, diem crebro jun-
xisse cum nocte, nec prius a pectoris cessasse ver-
beribus, quam rediret, Domino increpante, tran-
quillitas. Ipsam quoque cellulam meam, quasi cogi-
tationum mearum consciam, pertimescebam; & mi-
himet iratus, & rigidus, solus deserta penetrabam.
Sicubi concava vallium, aspera montium, rupium
prærupta cernebam; ibi meæ orationis locus, ibi
illud*

Mortifica-
tio carnis.

illud miserrimæ carnis ergastulum; &, ut ipse mihi testis est Dominus, post multas lacrymas, post cœlo inhærentes oculos, nonnunquam videbar mihi interesse agminibus Angelorum; & lætus, gaudensque cantabam; *Post te in odorem unguentorum tuorum curremus* „ „

CAPUT V.

De Invidia.

ARTICULUS PRIMUS.

*Quid sit; & quam grave crimen.*Invidiæ de-
finicio.

Invidia est tristitia de bono alterius, perinde, ac si malum nostrum esset, quatenus illo propriam gloriam aut excellentiam imminui concipimus. Dolere namque de bono alterius, quatenus ex eo nobis periculum imminet alicujus nocuenti, sicut cum quis de inimici sui fortuna mæret, timens ne eum lædat, non invidiæ, sed timoris effectus est. Dolorem de alieno bono concipere, eo nomine, quod ejus possessorem tali bono prorsus indignum existimes, alterum vero eo carentem ejus possessione dignum judices, non est invidiæ, sed indignationis. Dolere de alieno bono eo nomine, quo ipso careas, quo tamen potiri pariter cupias, æmulationis est. At dolere de aliena felicitate, seu bono, ita ut proximum eo spoliari velles, quia illud, ut malum proprium aspicias, illud in tuæ gloriæ, vel excellentiæ detrimentum, vel imminutionem vergere arbitratus, invidia est. Oritur autem invidia ex bonis, quæ vulgari hominum opinione honorifica, & gloriola censentur, quales sunt divitiæ, dignitates, magistratus, titulorum insignia, potestas, & auctoritas, gratia Principum, amicitia, & clientelæ, eruditio, eloquentia, virtus, celebritas nominis, pulchritudo, ornatus, & alia id genus bona, seu vera, seu fucata, seu spiritualia, seu temporalia.

II. In-

II. Invidia peccatum est, & quidem ex genere suo lethale, cum ab Apostolo inter ea numeretur, de quibus ait ad Gal. 5. *Quoniam qui talia agunt, regnum Dei non consequentur.* Et ibidem: *Non efficiamur* (inquit) *inanis gloriæ cupidi, invicem provocantes, invicem inviden-* Invidia lethale ex genere suo peccatum est.
tes. Et sane, cum adversetur charitati, quæ non *emula-* Invidiæ parens superbia, sed superbia parvuli, qui revera in aliquo genere boni minor est iis, quibus invidet.
sur, sed de bono proximi gaudet perinde, ac si proprium bonum esset, consequens est. ut ex genere suo mortale peccatum sit. Unde *Job* 5. dicitur: *Parvulum occidit invidia.* Quem locum præclaro Commentario *S. Greg.* illustrat lib. 5. *Moralium*, 31. „ Invidere enim non possumus (*inquit*) nisi eis, quos nobis in aliquo meliores putamus. Parvulus ergo est, qui livore occiditur, quia ipse sibi testimonium perhibet, quod eo minor sit, cujus invidia torquetur. Hinc est, quod hostis callidus primo homini invidendo surripuit, quia amissa beatitudine minorem se immortalitate illius agnovit. Hinc est, quod Cain ad perpetrandum fratricidium corrui-
 tum; quia despecto suo sacrificio, prælatum sibi infremuit, cujus Deus hostiam accepit; & quem meliorem se esse exhorruit, ne utcunque esset, amputavit. Hinc Esau ad persecutionem fratris exarsit, quia primogenitorum benedictione perdita, quam tamen pro esu lenticulæ ipse vendiderat, minorem se eo, quem nascendo præibat, ingemuit. Hinc Joseph fratres sui Ismaelitæ transeuntibus vendiderunt; quia cognito revelationis mysterio, ne se fieret melior, ejus profectibus obviare conati sunt. Hinc Saul David subditum lanceam intorquendo persequitur, quia quem magnis quotidie augeri virtutum successibus sensit, ultra se ex crescere expavit. Parvulus itaque est, qui invidia occiditur, quia nisi ipse inferior existeret, de bono alterius non doleret. Sed inter hæc sciendum est, quia quamvis per omne vitium, quod perpetratur, humano cordi antiqui hostis virus infunditur, in hac tamen nequitia tota sua viscera serpens concutit, & imprimendæ malitiæ pellem vomit. De quo nimirum scriptum est; *Invidia atraboli Sap. 9: mors intravit in orbem terrarum.* Nam cum devictum

cor livoris putredo corruerit, ipsa quoque exteriora indicant, quam graviter animum velania instiget. Color quippe pallore afficitur, oculi deprimuntur, mens accenditur, & membra frigescent, sit in cogitatione rabies, in dentibus stridor; cumque in latebris cordis crescens absconditur odium, dolore cæco tenebrat conscientiam vulnus inclusum. Nil lætum de propriis libet, quia tabescentem mentem sua poena lauciat, quam felicitas torquet aliena; quantoque extranei operis in altum fabrica ducitur, tanto fundamentum mentis lividæ profundius suffoditur; ut quo alii ad meliora properant, eo ipso deterius ruant; qua ruina videlicet etiam illud destruitur, quod in aliis actibus perfecto opere surrexisset putabatur. Nam invidia cum mentem tabefecerit, cuncta, quæ invenerit bene gesta, consumit. Unde bene per Salomonem dicitur: *Vita carniū sanitas cordis*. Quia si mentis innocentia custoditur, etiam si qua foris infirma sunt, quandoque roborantur. Et recte subditur: *Putredo ossium invidia*: quia per livoris vitium, ante Dei oculos pereunt etiam fortia acta virtutum. Ossa quippe per invidiam putrescere, est quædam etiam robusta deperire „ „

Prov. 14.
30.

Quam grave invidiæ
crimen.

III. Quam grave sit invidiæ crimen, docet S. Cyprianus in egregio Tract. *De Zelo, & Livore* ita scribens: „ „ Zelare quod bonum videas, & invidere melioribus, leve apud quosdam, & modicum crimen videtur; dumque existimatur leve esse, & modicum, non timetur; dum non timetur, contemnitur; dum contemnitur, non facile vitatur, & fit cæca, & occulta perniciēs. . . Videamus unde zelus, & quando, & quomodo coeperit; facilius enim a nobis malum tam perniciosum vitabitur, si ejusdem mali & origo, & magnitudo noscatur. Hinc diabolus inter initia statim mundi, & perit primus, & perdidit. Ille dum angelica majestate subnixus, ille Deo acceptus, & charus, postquam hominem ad imaginem Dei factum conspexit, in zelum malevolo livore prorupit, non prius alterum dejiciens instinctu zeli, quam ipse

Diaboli
peccatum.

ipse zelo ante dejectus, captivus antequam captus; perditus antequam perdens; dum stimulante livore homini gratiam datæ immortalitatis eripit, qui ipse quoque id, quod prius fuerat, amisit. Quale malum est, fratres dilectissimi, quo Angelus cecidit, quo circumveniri, & subverti alta illa, & præclara sublimitas potuit, quo deceptus est ipse, qui decepit? Exinde invidia grassatur in terris; dum livore periturus, magistro perditionis obsequitur; dum diabolum, qui zelat, imitatur, sicut scriptum est: *Invidia autem diaboli mors introiit in orbem terrarum. Imitantur ergo illum, qui sunt ex parte ejus.* Hinc denique novæ fraternitatis prima odia; hinc parricidia nefanda coeperunt, dum Abel iustum Cain zelat injustus, dum bonum malus invidia, & livore perlequitur. Tantum valuit ad conluminationem facinoris æmulationis furor; ut nec charitas fratris, nec sceleris immanitas, nec timor Dei, nec poena delicti cogitaretur. Injuste oppressus est, qui iustitiam primus ostenderat; odia perpeffus est, qui odisse non noverat; occisus est impie, qui moriens non repugnabat. Et quod Esau fratri suo Jacob inimicus extitit, zelus fuit. Nam quia ille benedictionem patris acceperat, hic in odium persecutionis facibus livoris exarsit. Et quod Joseph fratres sui vendiderunt, causa vendendi de æmulatione descendit; postquam id, quod sibi in visionibus prosperum fuerat ostensum, simpliciter ut fratribus frater exposuit, in invidiam malevolus animus erupit. Saul quoque Rex, ut David odisset, ut persecutionibus sæpe repetitis innocentem, misericordiam, miti lenitate patientem necare cuperet, quid aliud quam zeli stimulus provocavit? Quia Goliath interfecto, & ope, ac dignatione divina tanto hoste deleto, populus admirans in laudes David prædicationis suffragio prosiliit; Saul simultatis, atque insectationis furias de livore concepit. Judæi nonne inde perierunt, dum Christo malunt invidere, quam credere? Obtrectantes magnalibus, quæ ille faciebat,

bat, zelo excæcante decepti sunt, nec ad divina noscenda cordis oculos aperire potuerunt „ „

Invidia radix malorum omnium,

„ Non est autem, quod aliquis existimet malum illud una specie contineri, aut brevibus terminis, & angusto fine concludi. Late patet zeli multiplex, & fecunda perniciēs: Radix est malorum omnium, fons cladium, seminarium delictorum, materia culparum. Inde odium surgit, animositas inde procedit. Avaritiam zelus inflamat; dum quis suo non potest esse contentus, videns alterum ditio- rem. Ambitionem zelus excitat; dum cernit quis alium in honoribus auctiorem, zelo excæcante sensus nostros, atque in ditionem suam mentis arcana redigente, Dei timor spernitur, magisterium Christi negligitur, iudicii dies non providetur. Instat superbia, exacerbant sævitia, perfidia prævaricatur, impatientia concutit, furit discordia, ira fervere; nec se jam potest cohibere, vel regere, qui factus est potestatis alienæ. Hinc dominicæ pacis vinculum rumpitur, hinc charitas fraterna violatur, hinc adulteratur veritas, unitas scinditur, ad hæreses, atque ad schismata prosilitur; dum obrectatur Sacerdotibus, dum Episcopis invidetur, cum quis aut quæritur non se potius ordinatum, aut dedignatur alterum ferre præpositum. Hinc recalcitrat, hinc rebellat de zelo superbus, de æmulatione perversus, animositate, & livore, non hominis sed honoris inimicus. Qualis vero animæ tinea, quæ cogitationum tabes, pectoris quanta rubigo? zelare in altero, vel virtutem ejus, vel felicitatem, id est, odisse in eo, vel merita propria, vel beneficia divina; in malum proprium bona aliena convertere, illustrium prosperitate torqueri, aliorum gloriam facere suam poenam; velut quosdam pectori suo admove- re carnifices, cogitationibus, & sensibus suis adhibere tortores, qui se intestinis cruciatibus lacerent, qui cordis secreta malevolentia unguibus pulsent; non cibus talibus lætus, non potus potest esse jucundus; suspiratur semper, & ingemiscitur, & doletur; dumque ab invidis

aud.

nunquam livor exponitur, diebus ac noctibus peccatus obsessum sine intermissione laniatur. Mala cetera habent terminum; & quodcunque delinquitur, delicti consummatione finitur. In adultero cessat facinus perpetrato stupro, in latrone conquiescit scelus homicidio admissio; & prædoni rapacitatem statuit præda possessa, & falsario modum ponit impleta fallacia; zelus terminum non habet, permanens jugiter malum, & sine fine peccatum, quantoque ille, cui invidetur, successu meliore profecerit, tanto invidus in majus incendium livoris ignibus inardescit. Hinc vultus minax, torvus aspectus, pallor in facie, in labiis tremor, stridor in dentibus, verba rabida, effrænata convicia, manus ad cædis violentiam prompta, etiamsi a gladio interim vacua, odio tamen furiatæ mentis armata; & idcirco Spiritus sanctus dicit in Psalmis: *Nolite zelare bene ambulantes in via sua.* Et iterum: *Observabit peccator justum, & iridebit ad eum dentibus suis. Deus autem iridebit eum; quoniam providet, quia venit dies ejus.* Hos beatus Apostolus Paulus designat, & denotat dicens: *Venenum aspidum sub labiis eorum, & os eorum maledictione, & amaritudine plenum est. Veloces ad effundendum sanguinem pedes eorum; contritio, & calamitas in viis eorum, qui viam pacis non agnoverunt, nec est timor Dei ante oculos eorum.* Multo malum levius, & periculum minus est, cum membra gladio vulnerantur. Facilis cura est, ubi plaga perspicua est, & cito ad sanitatem medela subveniente perducitur vulnus, quod videtur; zeli vulnera abstrusa sunt, & occulta, nec remedium curæ medentis admittunt, quæ se intra conscientiæ latebras cæco dolore clauferunt. Quicumque es invitus, & malignus, videris, quam sis eis, quos odisti, insidiosus, perniciosus, infestus; nullius magis, quam tuæ salutis inimicus es. Quisquis ille est, quem zelo persequeris, subterfugere, & vitare te poterit; tu te non potes fugere; ubicunque fueris, adversarius tuus tecum est, hostis semper in pectore tuo est, perniciēs in-

Invidia sine fine peccatum.

Psalm. 36.

Rom. 3. 14.

Invidiæ cura dissolutio.

tus inclusa est, ineluctabili catenarum nexu ligatus, & vinctus es, zelo dominante captivus es, nec solatia tibi ulla subveniunt. Perseverans malum est, hominem persequi ad Dei gratiam pertinentem; calamitas sine remedio est, odisse felicem „ „.

S. Basilus, Homilia *De Invidia*, criminis istius gravitatem, & malitiam diserte describit. Invidiam diaboli vitium, invidos damnationis ipsius socios futuros affirmat. Nihil esse hac perturbatione perniciosius, quæ ante omnia ipsi nocet auctori. Quemadmodum enim rubigo ferrum, sic invidia hos, qui ea laborant, inficit, & consumit. Et sicut viperæ abrupto matris ventre nasci dicuntur; sic & invidia concipientem se animam corrodit, tabefacit. Invidi *Diaboli ministerium* obeunt, inimici fiunt hominum, qui nihil ipsos læserunt; inimici Dei optimi maximi omnibus beneficientis, nemini invidentis. „ Invidi intolerabile malum, serpentis documentum, „ dæmonum inventum, punitionis arrhabo, pietatis „ impedimentum, via ad gehennam, regni coelorum „ privatio „. Vultu ipso hoc vitium fatentur invidi. Aspectus illis aridus, & oblcus, genæ subtristes, supercilium demissum, anima ipso morbo suffusa, prudentiam in dignoscenda veritate, ac rebus agendis minime habens. Sicut autem vultures per multa quidem prata, seu loca amæna, & suavem odorem spirantia circumvolantes, ad sordida, & tœculenta loca feruntur; mulcæ quoque si quid salubre offendunt, eo prætermisso ad ulcera properant, sic invidi vitæ splendorem, ac rerum bene gestarum magnitudinem minime respiciunt; aliorum vero defectus, nævos, & vitia observant, & ad vulgi notitiam perducunt, quemadmodum maligni pictores, qui hominis imaginem cum insitis, vel tortuosis deformitatibus effingere amant, & exponere, ut in ludibrium veniat. Audacem enim dicunt eum, qui fortis est; stupidum, qui temperans; crudelem, qui iustus; astutum, qui prudens; prodigum, qui liberalis; avarum, qui frugalis. Denique omne genus

virtutis in vicina vitiorum nomina convertunt.

S. Joan. Chrysoſt. Hom. 41. in Matth. de criminis ejusdem gravitate præclare differit. „ Tale malum (*inquit*) invidia est, qua nulla unquam malignitas invidia peior invenitur. Nam adulterio inquinati, voluptatis saltem iniquæ fructum, ut putant, aliquem capiunt, & brevi tempore peccatum committunt. Invidi autem, & multo ante seipsos, quam quibus invident, perturbant, & cruciant, & ita in agendo semper, invidendoque sunt, ut nunquam peccandi afferant finem; sed quemadmodum suæ lutosa immunditiæ, & dæmones nostris damnis lætantur, sic invidi calamitate proximorum exultant. . . Fornicatores, ac Publicani ad cœlos conscendere potuerunt; invidiæ autem morbo laborantes, cum intus essent, a regno cœlorum exciderunt. . . Invidia pestiferum malum, hominem in diaboli conditionem, ac in dæmonem immanissimum convertit. Invidia prima hominis cædes apparuit. Invidia fraterna charitas contempta est. Invidia factum est, ut hiattu suo terra Dathan, Core, Abiron, universumque illum populum vivos absorpserit. Sed facillimum est, dicet aliquis, invidos accusare; dicendum autem est, quomodo hoc morbo liberabimur. Quomodo igitur, ne veneno suo nos inficiat, faciemus? Si dabimus operam, ut quemadmodum fornicatori nefas est Ecclesiam ingredi, sic invido quoque; imo vero multo magis invidus, quam fornicator a coetu fidelium exterminandus est „ „

Invidia concivium Christi factum est, ne ulla Christus miracula in patria sua ederet, ut explicat *S. Ambrosius*, lib. 4. in Lucam, ad illa verba Salvatoris: Amen dico vobis, quod nemo Propheta acceptus est in Patria sua. Non mediocriter (*inquit*) invidia proditur, quæ civicæ charitatis oblita, in acerba odia causas amoris inflectit. „ Simul hoc exemplo pariter, & oraculo declaratur, quod frustra opem misericordiæ coelestis expectes, si alienæ fructibus virtutis invidas; aspernator enim Dominus invidorum est, &

Vix ulla
malignitas
invidia
peior.

Invidia
concivium
Christi fa-
ctum est,
ne ulla mi-
racula in
patria sua
Christus
ederet.

ab iis, qui divina beneficia in aliis prosequuntur, miracula suæ potestatis avertit. Non otiose itaque Salvator excusat, quod nulla in patria sua miracula virtutis operatus sit; ne fortassis aliquis viliorē patriæ nobis esse debere putaret affectum. Neque enim ci-
ves poterat non amare, qui amaret omnes; sed ipsi se charitate patriæ, qui invident, abdicarunt. Caritas enim non æmulatur, non inflatur. Nec tamen ex-
sors beneficiorum patria divinorum est. Quod enim majus miraculum, quam quod in ea natus est Chri-
stus? Videte igitur, quid mali invidia adferat. Indigne propter invidiam patria judicatur, in qua civis ope-
ratur, quæ digna fuit, in qua Dei Filius nasceretur „ „

Invidia su-
perbiæ fo-
etus.

Invidia superbiæ foetus est, cum superbia sit amor excellentiæ propriæ, invidia vero sit odium felicitatis alienæ. „ „ Amando enim quisque excellentiam suam, vel paribus invidet, quod ei cœquantur; vel inferioribus, ne sibi cœquantur; vel superioribus, quod eis non cœquetur (*inquit S. August. lib. 11. De Genesi ad litteram, cap. 14. Et Sermone 354. alias 53. De verbis Domini, cap. 4.* Non potest superbus esse non invidus. Invidia filia est superbiæ; sed ista mater nescit esse sterilis; ubi fuerit, continuo parit „ „

ARTICULUS II. REGULÆ MORUM.

Circa Invidiam.

REGULA PRIMA.

Tristitia de bono alterius, quatenus ex eo timetur grave malum, vel sibi ipsi, vel aliis bonis injuste inferendum, non est invidia; imo sine peccato esse potest, si ordo charitatis servetur.

Sic *Esther*, & *Mardocheus* de gratia, & auctoritate *Aman* apud Regem Persarum merito dolere poterant, a quo sibi, totique Judæorum genti supremam cladem imminere cernebant. Hinc *S. Gregorius*, lib. 22. *Moralium*, cap. 6. ait: „ „ Evenire plerumque so-

folet, ut non amissa charitate, & inimici nos ruina lætificent, & rursum ejus gloria sine invidiæ culpa contristet; cum & ruente eo, quosdam bene erigi credimus, & proficiente illo, plerosque injuste opprimi formidamus. Qua in re mentem nostram, nec ejus jam defectus erigit, nec ejus profectus addicit, si recta nostra cogitatio, non quid in ipso, sed quid de ipso circa alios agatur, attendit. Sed ad hæc servanda valde est necessarium subtilissimæ discretionis examen; ne cum nostra odia exequimur, fallamur sub specie utilitatis alienæ „ „. Hanc etiam Regulam auctoritate sua confirmat *S. Thomas*, 2. 2. qu. 36. art. 2.

R E G U L A I I.

Qui dolet de bono spiritali alterius, non quod proximum hujusmodi bono carere velit, sed quod ipse illo careat, non est reus invidiæ.

Hæc enim laudabilis æmulatio est, ut docet *S. Thomas*, loco supra laudato. „ „ Potest (*inquit*) aliquis tristari de bono alterius, non ex eo, quod ipse habet bonum, sed ex eo quod nobis deest bonum illud, quod ipse habet. Et hoc proprie est zelus. Et si iste zelus sit circa bona honesta, laudabilis est, secundum illud 1. ad Corinth. 14. *Æmulamini spiritualia* „ „. Hæc æmulatio non invidiæ, sed charitatis est. Unde ibidem præmittit: *Sc&amini charitatem*. Illa fit, ut virtutes proximi imitemur, adeoque ut de illius bonis, quæ nobis communia sunt, & in quibus sumus ipsi similes, gaudeamus. Atque ita impletur illud *S. August.* consilium, Serm. 205. alias *De Diversis*, 68. „ In spiritualibus bonis tuum deputa, quod amas „ in fratre; suum deputet, quod amat in te „.

R E G U L A I I I.

In genere invidiæ nullum peccatum gravius est fraternæ charitatis invidentia.

Peccatum enim est contra Spiritum sanctum quod quidem committunt, qui majora Spiritus sancti

Num. 11.

dona in proximis, quam in se effulgere, magisque Ecclesiæ utiles illos esse dolent. A *Moyſis* charitate longe remoti sunt, cui cum nuntiaſſet puer, *Eldad*, & *Medad* prophetare in caſtris, & *Joſue* ſuggereret, ut eos prohiberet, reſpondit: *Quid emularis pro me? Quis tribuat, ut omnis populus prophetet, & det eis Dominus Spiritum ſuum?* Qui fraternæ charitati invident, ſub ovium ſpecie lupi ſunt, Chriſti gregem dilacerantes. Qua de re *S. Cyprianus*, in Tractatu *De Zelo*, & *livore*, ait: „Meminiſſe debemus, quo vocabulo plebem ſuam Chriſtus appellet, quo titulo gregem ſuum nuncupet. Oves nominat, ut innocentia chriſtiana ovibus æquetur; agnos vocat, ut agnorum naturam ſimplicem ſimplicitas mentis imitetur. Quid ſub veſtitu ovium lupus latitat? Quid gregem Chriſti, qui ſe Chriſtianum mentitur, infamat? Chriſti nomen induere, & non per Chriſti viam pergere, quid aliud quam prævaricatio eſt divini nominis, quam deſortio itineris ſalutaris? Quando ipſe doceat, & dicat eum ad vitam venire, qui mandata ſervaverit; & eum eſſe ſapientem, qui verba ejus audierit, & fecerit: Doctorem quoque eum maximum in regno cœlorum vocari, qui fecerit, & ſic docuerit; tunc prædicant profuturum, quod bene, atque utiliter prædicatum fuerit, ſi id, quod ore promittitur, factis ſequentibus impleatur. Quod vero inſinuavit crebrius diſcipulis ſuis Dominus, quid inter ſalutaria monita, & præcepta cœleſtia cultodiendum magis, ſervandumque mandavit; quam ut eadem dilectione, qua diſcipulos ipſe dilexit, nos quoque invicem diligamus? Quomodo autem vel pacem Domini vel charitatem tenet, qui intercedente zelo nec pacificus poteſt eſſe, nec charus? Ideo &

1. Cor. 13. Apoſtolus Paulus, cum charitatis merita depromeret, cumque aſſeveraret firmiter, & doceret, nec fidem ſibi, nec eleemoſynas, nec paſſionem quoque ipsam Confessionis, & Martyrii profuturam, niſi charitatis fœdera integra, atque inviolata ſervaveſſet; adjecit, & dixit; charitas magnanima eſt, charitas be-

ni-

De Peccatis capitalibus. 613

nigna est, charitas non zelat. Docens scilicet, & ostendens, eum posse charitatem tenere, quisquis magnanimus fuerit, & benignus, & zeli, ac livoris alienus „ „

Hanc Regulam confirmat Concilium Carthagenſe 5. can. 54. quo ſancitum eſt, ut *Clericus invidens fratrum profectibus, donec in vitio eſt, non promoveatur.*

Denique *S. Th.* 2. 2. q. 36. art. 4. ad 11. ait : „ „ Eſt quædam invidia, quæ inter graviffima peccata computatur, ſcilicet invidentia fraternæ gratiæ, ſecundum quod aliquis de ipſo augmento gratiæ Dei, non ſolum de bono proximi invidet. Unde ponitur peccatum in Spiritum ſanctum, quia per hanc invidentiam homo quodammodo invidet Spiritui ſancto, qui in ſuis operibus glorificatur „ „

R E G U L A I V.

Triftitia de bonis alienis concepta, eo ſolum nomine, quod indignis eveniant, non eſt peccatum, ſed juſta indignatio.

Dolere namque licet de malo, quatenus malum eſt, vel naturæ, vel morum. Sic abſque culpa ſtomachatur aliquis. quod opibus abundant, qui male illis utantur, quales ſunt tum avari, qui illas recondunt, eaſque ad ſuas, & ſuorum, atque etiam pauperum neceſſitates ſublevandas impendere nolunt; tum prodigi, qui eas dilapidant, & decoquunt. Sic juſte dolent viri pii, & Eccleſiæ, atque reipublicæ amantes, quod beneficia, & dignitates ſeculares, aut Eccleſiaſtica illis conferantur, qui revera ſunt indigni.

R E G U L A V.

Triftitia de temporalibus aliorum bonis concepta, quatenus ex divinæ providentiæ ordine etiam improbis distribuuntur, peccatum eſt, & lethale quidem, ſi adverſus divinam providentiam propterea quis inſurgat, vel obmurmuret, aut ſtudium pietatis deferat.

Hanc Regulam tradit *S. Thomas*, loco supra laudato. „„ Secundum doctrinam fidei (*inquit*) temporalia bona, quæ indignis proveniunt, ex iusta Dei ordinatione disponuntur, vel ad eorum correctionem, vel ad eorum damnationem, & huiusmodi bona, quasi nihil sunt in comparatione ad bona futura, quæ servantur bonis. Et ideo huiusmodi tristitia prohibetur in Scriptura sacra, secundum illud Psalmi 36. *Noli amulari in malignantibus, neque zelaveris facientes iniquitatem.* Et Psal. 72. *Pene effusi sunt gressus mei, quia zelavi super iniquos, pacem peccatorum videns* „„ Quam grave sit autem periculum, in quod huiusmodi tristitia impellit, Propheta ibidem explicat: *Et dixi: Quomodo scit Deus, & si est scientia in excelsis?*

R E G U L A VI.

Tristitia de bono alterius, quatenus non excedit in bonis, aut nobis cœquatur, peccatum est ex genere suo mortale.

Hæc enim tristitia proprie est invidia. Et hic animi motus semper pravus est: „„ Quia dolet de eo, de quo est gaudendum, scilicet de bono proximi (*inquit S. Thomas*, loco supra laudato.) *Dixi, peccatum esse ex genere suo mortale, quia invidere importat aliquid charitati repugnans ex ipsa comparatione actus ad suum objectum.* Est enim de ratione amicitiae, ut proximis velimus bona; sicut & nobis ipsis. Unde quod aliquis de felicitate alterius tristetur, manifeste repugnat charitati, in quantum per eam diligitur proximus „„ *S. Thomas*, qu. 10. *De Malo*, art. 11. Hinc *S. August.* lib. *De vera religione*, cap. 67. ait: „„ Qui invidet bene cantanti, non amat bene cantantem; sed rursus, quo eo indiget, non bene cantat. Quod multo accommodatius de bene vivente dici potest, quia invidere nulli potest; quo enim perveniunt bene viventes, tantumdem est omnibus, nec minus fit cum plures habuerint. Et potest esse tempus, quo bonus cantator cantare non decen-

ter

ter queat, & indigeat voce alterius, qua sibi exhibetur, quod diligit; tanquam si alicubi conviveretur, ubi cum cantare turpe sit, sed deceat audire cantantem; bene autem vivere semper decet. Quare quisque hoc & diligit, & facit, non solum non invidet imitantibus, sed & his se præbet libentissime, atque humanissime, quantum potest; nec tamen eis indiget. Nam quod in illis diligit, in seipso habet totum, atque perfectum. Ita cum diligat proximum tanquam seipsum, non invidet ei, quia nec sibi ipsi; præstat ei, quod potest, quia & sibi ipsi; non eo indiget, quia nec seipso; tantum Deo indiget, cui adhærendo beatus est. Nemo autem illi eripit Deum „„.

Quidam tamen invidiæ motus venialia duntaxat peccata sunt, propter imperfectionem actus, vel quia motus subitus est, & non procedit ex ratione deliberata; vel quia dolet aliquis de bono alterius, quod est adeo parvum, ut vix nomen boni mereri videatur; ut cum alicui victoriam in ludo, aut cursu invidet. „„ Impedire igitur bonum alicujus potest esse absque peccato mortali propter imperfectionem actus, quia illud, quod impeditur, non habet plenam rationem boni; aut quia est parvum, aut quia est indebitum „„. (inquit S. Thomas, loco proxime citato, in responsione ad quartum.)

R E G U L A VII.

Lethalis invidiæ rei sunt artium, & scientiarum Professores, qui tyronibus suis, aut discipulis abscondunt aliqua ad artis, aut scientiæ perfectionem necessaria, ne ipsis cœquantur, aut parem nominis celebritatem obtineant. In idem crimen incurrunt, qui arcana aliqua reipublicæ profutura cum nemine mortalium communicare volunt. Gravissime autem omnium, qui doctrinam salutis, cum possint, & debeant, in ædificationem Ecclesiæ, proximorum salutem profundere, renuunt; cum de cœlesti Sapientia dictum sit: *Quam sine invidia comminico, & honestatem illius Sap. 7. non abscondo.*

ARTICULUS III.

De Invidia remediis.

Considera-
tio, gravi-
tatis istius
peccati.
Sap. 2.

Genes. 37.

Joan. 12.
Matth. 27.

Primum remedium contra invidiam est considera-
tio gravitatis illius criminis, & poenarum ipsi de-
bitarum. Diabolicum enim crimen est. *Invidia diaboli*
(inquit Sapiens) *mors intravit in orbem terrarum. Imitantur autem eum, qui sunt ex parte illius.* Contide-
rans nempe hominem per incarnationem Filii Dei,
quæ Angelis revelata fuerat, ad infinitam dignitatem
promovendum insidias illi struxit, atque ad peccandum
alliciens, e Paradiso exturbavit. Vidit, & invidit; ce-
cidit, & ejecit. *Invidia fera illa pessima est, a qua fi-
lium suum Joseph devoratum Patriarcha Jacob luge-
bat.* Pejor est avaritia. Avarus enim licet sua com-
municare nolit, vult tamen, ut alii sua communicent.
Invidus autem, nec vult communicare bona sua,
nec vult, quod alius ea communicet. De ipsa Dei
bonitate dolet, quam erga se duntaxat protulam, erga
reliquos omnes parcam, & tenacem esse cuperet. Ira,
vel odio pejor est. Irati enim, vel alteri intenzi hominis
mala voluntas ortum plerumque habet ex aliena mali-
tia, & offensa; invidia vero ex sola malitia invidentis. In-
vidia mortis Christi causa fuit. Unde Judæi invidia tabe-
scentes aiebant: *Videtis, quia nihil propinquum, ecce mun-
dus totus post eum abiit.* Et Pilatus *scribebat, quod per invi-
diam tradidissent eum.* Invidia sapientiam, quæ incompa-
rabilis thesaurus est, aufert hominis. Hinc Sap. 6. dici-
tur: *Neque cum invidia tabescente iter habebo, quoniam
talis homo non erit particeps sapientiæ.* Invidia pauper-
tatem, & ignominiam parit. Unde Prov. 28. dicitur:
*Vir, qui festinat ditari, & aliis invidet, ignorat, quod
egestas superveniet ei.* Et Eccl. 6. *Improprium, &
contumeliā malus hereditabit, & omnis peccator in-
vidus, & bilinguis.* Hinc fugiendam invidorum fa-
miliaritatem monet Spiritus sanctus Prov. 23. *Ne co-
medas (inquit) cum homine invido, & ne desideres
cibos ejus; quoniam in similitudinem arioli, & conje-
ctoris æstimat, quod ignorat, Comede, & bibe, dicet tibi;
& mens ejus non est tecum.*

Se-

Secundum remedium est consideratio pusillanimitatis, & ignaviæ invidorum. Nobilis enim, & excelsus animus ab invidiæ vitio alienus est. Unde *Job* 5. dicitur: *Parvulum occidit invidia.* Hinc mulieres, & pueri hoc morbo maxime laborant.

Consideratio ignaviæ invidorum.

Tertium remedium est consideratio societatis spiritualis, quam inter se fideles habent, ut unius Dei Patris, & unius matris Ecclesiæ filii; ut in eandem hæreditatem æternam vocati; ut unius corporis membra, cujus caput Christus est. Cujus quidem societatis, & conjunctionis ratione, alterius bona quisque sua existimare debet. Hinc *S. Greg.* in *Pastorali* p. III. Admonitione II. ait: „ Admonendi sunt invidi, ut perpendant, quantæ cæcitatibus sunt, qui alieno profectu deficiunt, aliena exaltatione contabescunt. Quantæ infelicitatis sunt, qui melioratione proximi deteriores fiunt, dumque augmenta alienæ prosperitatis aspiciunt, apud semetipsos anxie afflicti, cordis sui peste moriuntur. Quid istis infelicius, quos dum conspecta felicitas afficit, poena nequiores reddit? Aliorum vero bona, quæ habere non possunt, si diligerent, sua fecissent. Sic quippe sunt universi consistentes in fide, sicut multa membra, quæ uno continentur in corpore; quæ per officium quidem diversa sunt, sed eo, quo sibi vicissim congruunt, unum fiunt. Unde fit, ut pes per oculum videat, & per pedes oculi gradiantur; ori auditus aurium serviat, & ad usum suum auribus oris lingua concurrat; suffragetur venter manibus, ventri operentur manus. In ipsa igitur corporis positione accipimus, quod in actione servemus. Nimis itaque turpe est non imitari, quod sumus. Nostra sunt nimirum, quæ etsi imitari non possumus, amamus in aliis; & amantium fiunt, quæque amantur in nobis. Hinc ergo pensent invidi, charitas quantæ virtutis est, quæ alieni laboris opera, nostra sine labore facit „ „.

Consideratio societatis spiritualis, quam inter se fideles habent.

Quartum remedium est alienæ virtutis imitatio. Quæ de re audiendus est *S. August.* Enarratione in Psal.

Alienæ virtutis imitatio.

Pfal. 139. „ Iſti (*inquit*) qui falſi juſti ſunt , videri volunt juſti , cum non ſint ; & necesse eſt , ut quem viderint verum juſtum , invidcant illi , & hoc cum illo agant , quomodo amittat , unde gloriatur. Inde veniunt omnes ſeductiones , & ſupplantationes. Hoc prior ipſe diabolus voluit , qui cadens ſtanti homini invidit ; & quia ipſe amiſit regnum coelorum , hominem illuc pervenire noluit , & non vult ; & id agit nunc , ut homo illuc non perveniat , unde ipſe deſectus eſt. Quia ergo ſuperbus eſt ipſe , & ideo invidus , quia ſuperbus , omne corpus ipſius talinum corpus eſt. Sed nos oremus contra illum , qui corrigi non poteſt , & pro ipſis , qui poſſunt , ut dicamus homini injuſto : Quare invidet juſto , o homo injuſte ? Quia vis videri juſtus ? Cito fac , quod melius eſt , & facilius eris , quod vis videri. Eſto juſtus ; ita diliges , cui invidebas ; quia quod illum doles eſſe , eris & tu , & amabis in eo te . & ipſum in te. Etenim ſi invideres diviti , non eſſet in poteſtate tua , ut dives eſſes ; ſi invideres honeſto alicui Senatori nobili , non eſſet in poteſtate tua , ut nobilis tu eſſes , & clarus ; ſi invideres pulchro , nunquam te pulchrum faceres ; ſi invideres forti , & valido , nunquam tibi vires daret ; ſi invideres juſto , res in voluntate eſt ; eſto , quod doles eſſe alterum. Non enim empturus es , quod tu non es , & alius eſt ; gratis conſtat , cito conſtat. Pax in terra hominibus bonæ voluntatis „ „

Rerum humanarum contemptus.

Quintum remedium eſt rerum humanarum , ſuapte natura fragilium , & caducarum deſpicientia ; ut ſcilicet nec opes , nec potentiam , nec gloriam , nec honores , & dignitates , nec robur corporis , nec elegantiam formæ , nec eloquentiam , magni faciamus. Hæc enim instrumenta quidem ſunt virtutis iis , qui recte utuntur ; ſed felicem per ſe non efficiunt hominem , imo qui ipſis abutitur , miſer eſt , adeoque commiſeratione dignus , non invidia ; ſi autem his recte utatur , ea de re gaudendum , non invidendum eſt. Non in rebus fluxis , & caducis bonorum conſtituimus , ſed

ad sempiterna, veraque bona possidenda vocati sumus; quid ergo ob fragilia, perituraque proximis invidemus?

Sextum remedium est studium spiritualis profectus ex insignium, & celebrium Concionatorum, & Doctorum concionibus, & doctrina capeffendi. Ita enim fiet, ut eorum famæ, laudibusque non invidemus, sed eorum bonis; ut nostris, gratulemur. „ Tuum enim est bonum (*inquit S. Basilus*) tibi que per fratrem missum doctrinæ donum, si suscipere velis. Deinde fontem scaturientem obturat nemo, & sole splendente nemo oculos obvelat, neque illis invidet, sed sibi ipsi comprecatur, ut frui contingat. Sermo- nis vero spiritualis pia corda Fidelium sancti Spiritus gratia irrigantis auditum, cum gaudio cur non susti- nes? Cur non grato animo utilitatem illius acceptas? Sed auditorum plausus te offendit? Et malles, nec qui adjutus inde sit, nec qui laudet quemquam esse? quam excusationem apud justum judicem habebis „?

Studium
spiritualis
profectus
ex doctri-
na, & ser-
monibus.
Doctorum
& Concio-
natorum
celebrium
capeffendi.
S. Basilus
Homil. de
invidia.

ARTICULUS IV.

De Filiabus invidia.

Invidia capitale vitium est, quod quinque filias pa- rit; scilicet odium, susurationem, detractionem, exultationem in adversis proximi & afflictionem in prosperis, ut docet *S. Gregorius* lib. 31. *Moralium*, cap. 17. In conatu enim invidiæ aliquid tanquam princi- pium, aliud tanquam medium, aliquid tanquam ter- minus spectari potest. Principium est, ut aliquis glo- riam alterius minuat; vel in occulto, & sic est *Susurra- tio*; vel manifeste, & sic est *Detrahitio*. Medium est, quia invidus, aut proximi gloriam minuere potest, ideoque præ gaudio tripudiat, & sic *Exultatio in ad- versis* inter invidiæ filias numeratur; aut non potest, & ideo mœrore tabescit; & sic *Afflictio in prosperis* inter invidiæ filias recensetur. Terminus autem est ipsum *Odium*, quia sicut bonum delectans parit amo- rem, sic tristitia parit odium, ut differit *S. Thomas*, 2. 2. qu. 36. art. 4. in responsione ad 111.

A R-

ARTICULUS V.

REGULÆ MORUM

Filias invidia spectantes.

REGULA PRIMA.

Odium proximi ex invidia natum lethale peccatum est, quoties alteri grave aliquod malum deliberato consilio volumus.

Odium pro-
ximi.

Hæc morum Regula ex verbo Dei deprompta est; ait enim *S. Joannes* Epist. 1. cap. 2. *Qui odit fratrem suum, in tenebris est, & in tenebris ambulat, & nescit, quo eat; quia tenebra obcaverunt oculos ejus.* Et cap. 3. *In hoc manifesti sunt filii Dei, & filii diaboli. Omnis, qui non est justus, non est ex Deo, & qui non diligit fratrem suum; quoniam hæc est annuntiatio, quam audistis ab initio, ut diligatis alterutrum. Non sicut Cain, qui ex maligno erat, & occidit fratrem suum. Et propter quid occidit eum? Quoniam opera ejus maligna erant; fratris autem ejus justa. . . Nos scimus, quoniam translati sumus de morte ad vitam, quoniam diligimus fratres. Qui non diligit, manet in morte; omnis, qui odit fratrem suum, homicida est. Et scitis, quoniam omnis homicida non habet vitam æternam in semetipso manentem.* In quem locum *S. August.* Tr. 6. in illam Epistolam; ait: „ Jam ergo si contemnebat quisquam odium fraternum, nunquid & homicidium in corde suo contempturus est? Non movet manus ad occidendum hominem, homicida jam tenetur a Domino; vivit ille, & iste jam interfector judicatur. Et paulo superius: Ubi est invidia, amor fraternus esse non potest. Qui invidet, non amat; peccatum diaboli est in illo; quia & diabolus invidendo dejecit. Cecidit enim, & invidit stanti. Non ideo voluit dejicere, ut ipse staret, sed ne solus caderet. Tenete in animo ex hoc, quod subjecit: Invidiam non posse esse in charitate. Habes aperte, cum laudaretur ipsa

1. Cor. 13. *charitas: Charitas non amulatur.* Non fuit charitas in Cain;

Cain ; & nisi esset charitas in Abel , non acciperet Deus sacrificium ejus. Cum enim ambo obtulissent , ille de fructibus terræ , ille de foetibus ovium ; quid putatis , Fratres , quia Deus fructus terræ neglexerit ? Non intendit Deus ad manus , sed in corde vidit ; & quem vidit cum charitate offerre , ipsius Sacrificium respexit , quem vidit cum invidia offerre , ab ipsius sacrificio oculos avertit. Opera ergo bona Abel , non dicit nisi charitatem ; opera mala Cain , non dicit nisi odium fraternum. Parum est , quia odit fratrem suum , & invidit operibus bonis ; quia imitari noluit , necare voluit. Et hinc apparuit , quia filius erat diaboli , & ille hinc apparuit justus Dei. Hinc ergo discernuntur homines. Nemo attendat linguas , sed facta , & cor .

R E G U L A II.

Qui proximos oderunt , & ab illis dissident , sacramentaliter absolvi non possunt , & ad Eucharistiæ participationem admitti , nisi depositis inimicitias cum ipsis reconciliati fuerint.

Christi verbis , ac præcepto nititur hæc morum Regula , Matth. 5. dicentis : *Si ergo offers munus tuum ad altare , & ibi recordatus fueris , quia frater tuus habet aliquid adversum te ; relinque ibi munus tuum ante altare , & vade prius reconciliari fratri tuo , & tunc veniens offeres munus tuum.* Quam Salvatoris nostri sententiam *S. August.* explicans , lib. 1. *De Sermone Domini in monte* , cap. 10. ait : „ Pergendum est ergo ad reconciliationem , cum in mentem venerit , quod nos forte fratrem in aliquo læsimus ; pergendum autem non pedibus corporis , sed motibus animi , ut te humili affectu prosternas fratri , ad quem chara cogitatione cucurreris , in conspectu ejus , cui munus oblaturus es. Ita enim etiam si præiens sit , poteris eum non simulato animo lenire , atque in gratiam revocare veniam postulando , si hoc prius coram Deo feceris , pergens ad eum non pigro motu corporis , sed celerrimo dilectio-

tionis affectu ; atque inde veniens , id est , intentionem revocans ad id , quod agere coeperis , offeres munus tuum „ „.

Hunc etiam locum apposite explicat ad rem nostram *S. Joan. Chrysostomus* , Hom. 16. in Matth. „ „ O admirabilem (*inquit*) benignitatem , atque ineffabilem erga homines amorem Dei ! Honorem suum despicit , dum in proximo charitatem requirit. Interrumpatur (*inquit*) cultus meus , ut charitas tua integretur. Sacrificium mihi est fratrum reconciliatio. Propterea quippe non dixit , postquam obtuleris , aut prius quam offeras ; sed munere ipso jam posito , & inchoante Sacrificio reconciliandum mittit ad fratrem. Quam igitur ob causam istud fieri jubet ? Duo sunt , quæ per ista designat. Unum quidem , quod jam dixi , ostendere scilicet volens , quod honoret maxime charitatem , & hanc acceptissimum esse sacrificium ducat ; absque ista vero , nec illud profecto suscipiat. Aliud vero , quo irrefutabilem quamdam necessitatem reconciliationis imponat. Qui enim jussus est non prius munus offerre , quam reconcilietur offenso ; etiamsi non ob proximi charitatem , saltem ne sacrificium maneat imperfectum , currere ad contristatum jubet , inimicitiasque dissolvere. Propterea & diserte cuncta memoravit , terrens illum videlicet , ac suscitans. Cum enim dicitur : *Relinque munus tuum* ; non ibi substitit , sed intulit , ante Altare ; rursus ab ipso etiam loco horrorem injiciens ; & vade , nec tantum dicit : *Vade* ; sed adjunxit , prius ; & tunc veniens offeres munus tuum. Per omnia ista significans , quia per aliquas inter se inimicitias dissidentes , nequaquam mensa illa suscipiat. Audiant hi , qui sacris Mysteriis initiati , cum inimicitias ad communionem altaris accedunt. Audiant etiam illi , qui nondum initiati sunt. Offertur namque & ipsi munus , & hostiam , orationem dico , & eleemosynam. Quia enim , & hæc sacrificii instar obtineant , audit Prophetam loquentem :

Psal. 49. Sacrificium laudis honorificabis me. Et rursus : „ Im-

mola Deo Sacrificium laudis ; & : Elevatio manuum Psal. 149.
mearum Sacrificium vespertinum. Itaque etiam si orationem cum tali offeras voluntate , melius est orationem relinquere , & ad reconciliationem fratris excurrere , & tunc orationem consequenter offerre. Propter hoc enim facta sunt omnia, Idcirco & Deus homo factus est, atque omnia illa gessit, ut nos in unum sine dubio congregaret „ „.

Hanc morum regulam sacri Canones confirmant. Concil. Carthaginense IV. Canone 93. „ Oblationes „ (*inquit*) dissidentium fratrum neque in sacrario, neque in gazophilacio recipiantur „.

Concilium Arelatense 11. Can. quinquagesimo : Qui publicis inter se odiis exardescunt, ab ecclesiasticis Conventibus sunt removendi, donec ad pacem recurrant „.

Concilium Agatense, Can. 31. „ „ Placuit, ut sicut plerumque fit, quicumque odio, aut longinqua inter se lite dissenserint, & ad pacem revocari diutina intentione nequiverint, a civitatis primitus Sacerdotibus arguantur. Qui si inimicitias deponere perniciose intentione noluerint, de Ecclesiae coetu iustissima excommunicatione pellantur „ „.

Qui publicis inter se odiis exardescunt, a communione sunt removendi.

Concilium Ilerdense, can. 7. „ „ Qui sacramento se obligaverit, ut litigans cum quolibet, ad pacem nullo modo redeat, pro perjurio uno anno a communione Corporis, & Sanguinis Domini segregatus, reatum suum elemosynis, fletibus, & quantis potuerit, jejuniis abluat; ad charitatem vero, quæ operit multitudinem peccatorum, celeriter venire festinet „ „.

Concilium Toletanum 11. Can. 4. „ „ Sicut omnis, qui diligit fratrem suum ex Deo, ita omnis, qui non diligit proximum, ex diabolo est : dilectione enim sola discernitur quis, ex quo genitus approbatur, dicente Joanne : *In hoc manifesti sunt filii Dei, & filii diaboli : Omnis qui non facit justitiam non est de Deo, & qui non diligit fratrem suum...* Et post paululum : *Omnis, qui odit fratrem suum ; homicida est...* Cum igitur his præceptis B. Apostolus consona præ-

Ephes. 4.

dicatione concordet dicens: *Non occidas sol super iracundiam vestram, & nolite locum dare diabolo*; relatae sunt nobis quorundam Sacerdotum personae in tantam obstinationis efferbuisse discordiam, ut non solum illos ab ira occasus solis non revolet, sed nec annosa quidem transactio temporum ad bonum charitatis reclinet; quippe in quorum cordibus ita sol iustitiae Christus occubuit, ut ad lumen charitatis redire vix possint. Horum igitur & similium discordantium fratrum oblationes, juxta antiqui Canonis definitionem, nullo modo recipiendas esse censemus. De personis tamen discordantium id specialiter definitione praecipimus, ut antequam eos reconciliatio vera innectat, nullus eorum accedere ad Altare Domini audeat, vel gratiam Communionis sanctae percipiat; sed, geminato tempore per poenitentiam compensabunt, quod discordiae servierunt. Quod si unus eorum, alio contemnente, ad satisfactionem charitatis cucurrerit; ex eo tempore, ut pacificus intra Ecclesiam receptetur, ex quo ad concordiam festinasse convincitur; sententia tamen superiori servata, ut tempus quod quisque in ira expendit, geminatum in poenitentiae satisfactione persolvat „ „

Concilium Troslejanum, can. 20. „ „ Cohibenda est iracundia, pellenda discordia, refrænanda est rixa, ut non solum nostro vitio non provocemus quemquam, sed ut provocati, & graviter laesi, juxta Pauli vocem, simus cum patientia supportantes invicem, & donantes nobismetipsis, si quis adversus aliquem habet querelam. Sicut Deus in Christo donavit nobis, ita & nos dimittamus invicem, quod debetur nobis, ut dimittatur, quod debetur a nobis. Tale quippe pactum cum Deo facimus in oratione, dicendo: *Dimitte nobis debita nostra, sicut & nos dimittimus debitoribus nostris*. Unde summopere cavendum est omnibus nobis. Qui enim non dimittit ei, qui sibi facit injuriam, hoc petendo non pro se facit orationem, sed superinducit maledictionem; & frustra sibi Deum propitium fieri quaerit, qui placari proximo negligit.

Et

Et quia tales ab eo, qui pax est, separati sunt, jura & ab Ecclesia separantur, nisi inimicitias depoluerint „ „. Quod ubi confirmavit recitatis Conciliorum Carthagenensis 4. & Agatenfis Canonibus, ita concludit: „ Quorum igitur oblatio in præsentis Ecclesiæ non recipitur Sacratio, horum procul dubio animæ a „ coelestis Sacratio, scilicet regni Dei, repelluntur „ consortio „.

Concil. Nannetense, can. 1. statuit: „ „ Ut Dominicis, & Festis diebus Presbyteri, antequam Missas celebrent, interrogent; si aliqui discordantes sint, qui inter se litem implacabilem habeant. Et si inventi fuerint, statim reconcilientur. Quod si renuerint pacem suscipere, ab Ecclesia ejiciantur, usquequo ad charitatem redeant. Non enim possumus munus, vel oblationem ad Altare offerre, donec prius fratri reconciliemur. His ita peractis, Sacerdotes Missarum solemniam rite peragant „ „.

R E G U L A III.

Sufurratio, id est, secreta oblocutio, qua quis malum culpæ alienæ, vel poenæ, vel aliquem etiam naturæ defectum, inordinate cuiuspiam renuntiat, eo fine ut justam, quæ inter eos intercedit, amicitiam lædat, aut dirimat; aut ea detegit imprudens, quæ rectam, & laudabilem amicitiam graviter lædere, aut dissolvere valeant, vel suapte natura, vel ratione personarum, apud quas referuntur; lethale peccatum est.

Hæc morum Regula nititur auctoritate veteris, *Sufurratio;*
novique Testamenti, sufurrectionem inter gravia *nes.*
quæque crimina recensentis, & divinam maledictionem sufurrectionibus intentantis. Lev 19. *Non eris criminator, nec susurro in populo.* Et Proverbiorum cap. 6. *Sex sunt, quæ odit Dominus, & septimum detestatur anima ejus; oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes veloces ad currendum*

dum in malum, proferentem mendacia, testem fallacem, & eum, qui seminat inter fratres discordias. Et cap. 26. Cum defecerint ligna extinguetur ignis, & susurro subraſto jurgia conquiescunt. Eccl. 28. Vir peccator turbabit amicos, & in medio pacem habentium immittet inimicitiam... Susurro, & bilinguis maledictus; multos enim turbavit pacem habentes. » Susurro bilinguis proprie dicitur. Cum enim amicitia sit inter duos, nititur susurro ex utraque parte amicitiam rumpere, & ideo duabus linguis utitur ad duos, uni dicens malum de alio (inquit S. Thom. 2. 2. q. 74. art. 1. ad 3.) Unde & lingua susurronis vocatur ibidem lingua tertia. Lingua tertia multos commovit, & dispersit illos de gente in gentem. Civitates muratas divitum destruxit, & domos magnatorum effodit. Virtutes populorum concidit, & gentes fortes dissolvit. Lingua tertia mulieres viratas ejecit, & privavit illas laboribus suis. Qui respicit illam, non habebit requiem, nec habebit amicum in quo requiescat. Flagelli plaga livorem facit; plaga autem lingua comminuet ossa. Multi ceciderunt in ore gladii, sed non sic quasi qui interierunt per linguam suam. Ecclesiastici cap. 5. Non appelleris susurro, & lingua tua ne capiaris, & confundaris. Super furem enim est confusio, & poenitentia, & denotatio pessima super bilinguem; susurratori autem odium, & inimicitia, & contumelia. Epistolæ ad Romanos cap. 1. Tradidit illos Deus in reprobum sensum, ut faciant ea, quæ non conveniunt, repletos omni iniquitate, malitia, fornicatione, avaritia, nequitia, plenos invidia, homicidio, contentione, dolo, malignitate, Susurrones, detractores, Deo odibiles, contumeliosos, superbos, elatos, inventores malorum, parentibus non obediētes, insipientes, incompósitos, sine affectione, absque fœdere, sine misericordia. Qui cum justitiam Dei cognovissent, non intellexerunt, quoniam qui talia agunt, digni sunt morte; & non solum qui ea faciunt, sed etiam qui consentiunt facientibus.

Denotatio
id est, con-
demnatio.

Hanc Regulam confirmat Concilii Trid. Catechismus,

mus, p. 3. in explicatione octavi præcepti Decalogi §. 17. ubi enim de obrectatoribus, & maledicis locutus est, subjungit: „ In eodem genere sunt, qui suis artificiis distrahunt homines, & inter se committunt, & magnopere ferendis discordiis delectantur; ut summas conjunctiones, ac societates fictis sermonibus dirimentes, amicissimos viros ad immortales inimicitias, & ad arma compellant. Tales erant multi ex Consiliariis Saulis, qui ejus voluntatem a Davide alienare, & in illum Regem incitare conabantur „ (1. Regum 24.)

R E G U L A I V.

In susurrationis peccatum non incurrit, qui malum proximi renuntiat alteri, vel ad salutem ipsius procurandam, vel ob Ecclesiæ, aut reipublicæ utilitatem; vel ut amicorum suorum bono consulat, vel ut pravas, & in damnum alterius conspirantes amicitias dissolvat.

Non sunt igitur susurrationis rei, qui Superiori mala subditorum revelant, ad eorum emendationem, vel boni publici gratia, puta, ne ad sacros Ordines promoveatur canonicis impedimentis irretitus; ne ad beneficium ecclesiasticum promoveatur indignus; ne ad monasticam Professionem admittatur, qui secundum Canones, aut regulas, vel constitutiones religioforum Ordinum, ad eam, vel absolute, vel in tali Ordine emittendam ineptus est; ne matrimonium contrahere permittantur, quos a contrahendo, vel absolute, vel inter se, lex divina, vel ecclesiastica impedit; ne aditus ad aulam pateat suspectæ fidei viris, vel adversus salutem principis conjuratis; ne divini verbi prædicatio, Confessionum audiendarum munus, docendi provincia hominibus errores contra fidem, aut bonos mores clam disseminantibus, seu prava quæcunque dogmata tradentibus, aut ad novitates doctrinarum propensis, sive mente, & corde corruptis demandentur, Non sunt

etiam susurriones, qui puellæ, aut ejus parentibus, ex charitate, aut amicitia, vitia, aut veros defectus alicujus hominis aperiunt, qui puellæ ipsius nuptias ambit, & in eorum affinitatem per fraudes, & dolos irrepere nititur. Susurronibus denique non sunt annumerandi, qui mala alienæ culpæ, aut poenæ, vel naturales defectus aperiunt alteri, eo fine, ut dissolvant amicitiam utriusque salutis periculosa, aut in grave scandalum aliorum vergentem; ut si quis inter concubinam, & concubinarium discordiam excitet eo fine, ut infame illorum contubernium dissolvat,

R E G U L A V.

Venialis est susurratio, cum quis per jocum amicorum uni renuntiat aliquid de altero, quod scit ingratum ipsi fore, & ex eo nonnihil commotum iri adversus amicum, non tamen ita ut amicitia dissolvatur, aut labefactetur.

In ea enim hypothesi nec amicos disjungere, aut grayem inter illos discordiam ferere intendit; nec quæ dicit homo leviculus, & facetus, talia sunt, ut suapte natura, aut habita ratione personarum, amicitiam infringere, aut graviter lædere valeant; & si leves aliquæ suspiciones, vel contentiones hinc inter amicos oriantur, certus est se illas protinus dissipaturum, ac sedaturum; quia apud utrumque auctoritate valet, utrique amicus est, novit uterque ipsum ad jocos hujusmodi, alias periculosos, proclivem. His, inquam, circumstantiis concurrentibus, susurratio veniale duntaxat peccatum est.

R E G U L A VI.

Susurratio peccatum est detractioe gravior.

Peccatum namque in proximum eo gravior est, quo per ipsum gravior damnum proximo inferitur; damnum autem eo gravior censendum est, quo majus, & excellentius bonum ipsi eripitur. Inter cætera

tera vero exteriora bona præeminet amicus. Unde dicitur Eccl. 6. *Amicus fidelis, protectio fortis; qui autem invenit illum, invenit thesaurum, Amico fideli nulla est comparatio, & non est digna ponderatio auri, & argenti contra bonitatem fidei illius. Amicus fidelis mercedamentum vite, & immortalitatis, & qui metuunt Dominum, inveniunt illum.* Fama autem ipsa, quæ per detractionem tollitur ad hoc maxime necessaria est, ut homo idoneus ad amicitiam habeatur. „ Et ideo „ susurratio est majus peccatum, quam detractio, & „ etiam quam contumelia; quia amicus est melior „ quam honor „ (*inquit S. Thomas, 2. 2. qu. 74. art. 11.*)

R E G U L A VII.

Susurrationis peccatum aliud altero gravius est, non solum ratione finis, quo fit interdum, ut nova deformitatis accessione cumuletur, seu ad alteram quoque peccati speciem pertineat; sed etiam ratione aliarum circumstantiarum.

Gravius est scilicet peccatum susurronis, qui discordiam serit inter virum, & uxorem, ut ipsius uxoris amplexibus fruatur, quam si nulla alia, nisi susurrandi libidine eorum concordiam turbet, quia non solum susurrationis, sed etiam adulteri reus est. Sed & susurratio, qua quis alteri conjugum renuntiat absolute aliquid de altero, quod ipsorum amorem dirimere, aut labefactare possit, gravius peccat intra eandem speciem, quam si necessitudines alias, quarum non ita sacrum, nec strictum vinculum est, dirumpere niteretur. Sic gravius peccat susurro, qui patrem ita commovet in filium, ut ipsum exhæredet, aut durius tractet; vel qui doming aliquid renuntiat de servo, quo fit, ut ipsum e domo sua expellat, aut graves adversus illius fidelitatem suspiciones concipiat, aut ipsum excipiat acerbis; vel aulicus, qui in aurem Principis aliquid ex invidia insusurra de altero, quod ejus animum ab

illo ita abalienet, aut abalienare possit, ut gratia sua, & beneficiis, & muneribus, vel officiis illum privet, illique aulae aditu interdicat; idque molitur, ut de illius infortunio crescat, ut in ejus locum adrepat; vel qui susurrectionibus suis bella sive intestina, sive externa accendunt, quales erant multi ex consiliariis Saulis, qui ejus voluntatem a Davide alienare, & in illum Regem concitare conabantur, *1. Reg. cap. 12. & 24.* Illi (inquam) gravius susurrectionis peccatum committunt, quam si vulgares conjunctiones, & amicitias oblocutionibus suis dirimere, aut perturbare conarentur. Unde circumstantiæ hujusmodi in sacramentali Confessione sunt necessario exprimendæ. Sic gravius peccant susurriones, qui religiosorum hominum, vel sanctimonialium amicitiam dirimunt, aut subditos adversus Prælatos, & Superiores commovent; unde fit, ut disciplina regularis solvatur, vel remittatur, ordo, & pax monasteriorum, vel aliarum Societatum sanctarum turbetur, partes fiant, & conventicula, nascentur lites, scandala oriantur. Cum enim sanctior sit fratrum, & sororum in eadem familia religiosa Deo servientium, quam secularium amicorum societas, & amicitia, & versus ille *Psal. 132. Ecce quam bonum, & quam jucundum habitare, fratres, in unum*, ad eos magis proprie pertineat: „„ Qui sic vivunt in unum, ut unum hominem faciant, ut sit illis vere, quod scriptum est, anima una, & unum cor; multa corpora, sed non multæ animæ; multa corpora, sed non multa corda „„ (ut docet *S. August.* expositione in hunc Psalmum) gravius peccat susurro, qui discordias ferit inter monachos, aut sanctimoniales, quam qui secularium amicorum concordiam, sive amicitiam labefactat, aut perturbat.

REGULA VIII.

Susurro, qui secretis oblocutionibus amicos disjungit, aut legitimam illorum amicitiam graviter læsit, atque labefactavit, absolvi non debet, donec
il-

illos, quoad ejus fieri poterit, inter se reconciliet; aut si id præstare non potest, pro damnis inde secutis, judicio viri probi satisfaciat.

Regula enim generalis est moralis christianæ, peccata, quæ grave damnum proximo inferunt, a Deo non remitti, nisi damna illata resarciantur, juxta illam *S. Augustini* sententiam, & quæ & inter juris Regulas in sexto, cap. *Peccatum*, quarta est; *Peccatum non dimittitur, nisi restituatur ablatum*,

R E G U L A IX.

Nihil unquam de aliis referre debet Christianus, quod dissidia fovere, vel excitare possit; alioqui infurrectionis reus est.

Hinc dicitur Eccl. 19. *Audisti verbum adversus proximum tuum? Commoriatur in te fidens, quoniam non te disrumpet*. Præclarum hac de re documentum ex *Monica* matris suæ sanctissimæ exemplo *S. August.* tradit lib. 9. *Confessionum*, cap. 9. „ „ Hoc quoque (*inquit*) illi bono mancipio tuo, in cujus utero me creasti, Deus meus, misericordia mea, munus grande donaveras, quod inter dissidentes, atque discordes quasque animas, ubi poterat, tam se præbebat pacificam, ut cum ab utraque multa de invicem audiret amarissima, qualia solet eructare turgens, atque indigesta discordia, quando præsentis amicæ de absente inimica per acida colloquia cruditas exalatur odiorum, nunquam tamen alteri de altera proderet, nisi quod ad eas reconciliandas valeret „ „ Hinc *S. Hieronymus* Epistola 11. ad *Nepotianum*, scribit; „ „ Officii tui est, visitare languentes, nosse domos matronarum, ac liberos earum, & nobilium virorum custodire secreta. Officii tui est, non solum oculos castos servare, sed & linguam. Nunquam de formis mulierum disputes; nec quid agatur in alia, domus alia per te noverit. . . Omnium Christianorum domos debemus amare quasi proprias „ „.

R E G U L A X.

Detractio, seu obtrectatio, qua quispiam alienam famam labefactat penitus, aut graviter lædit, extenuat, verba maledica profert, quibus pellumdari, graviter lædi, aut extenuari potest, lethale peccatum est.

Obtrectatio.

Quæ mala a lingua maledica proveniant.

Nam Apostolus cap. 1. Epistolæ ad Romanos, detractores illis peccatoribus annumerat, qui digni sunt morte: *Detractores* (inquit) *Deo odibiles.. Qui talia agunt, digni sunt morte.* Et 1. ad Cor. 6. *Neque maledici, neque rapaces, regnum Dei possidebant.* Et S. Jacobus Epistolæ suæ catholicæ cap. 4. *Nolite* (inquit) *detrabere alterutrum, fratres. Qui detrabit fratri, aut qui iudicat fratrem suum, detrabit legi, & iudicat legem; detrabit legi, quatenus contemnit præceptum de dilectione proximi.* Mala, quæ a lingua maledica proveniunt, ibidem S. Jacobus describit, cap. 3. *Si quis in verbo non offendit, hic perfectus est vir. Potest etiam freno circumducere totum corpus. Si autem equis fræna in ora mittimus ad consentiendum nobis, & omne corpus illorum circumferimus. Ecce & naves, cum magna sint, & a ventis validis minentur, circumferuntur a modico gubernaculo, ubi impetus dirigentis voluerit. Ita & lingua modicum quidem membrum est, & magna exaltat. Ecce quantus ignis quam magnam sylvam incendit! & lingua ignis est, universitas iniquitatis. Lingua constituitur in membris nostris, quæ maculat totum corpus, & inflamat rotam natiuitatis nostræ, inflammata a gehenna. Omnis enim natura bestiarum, & volucrum, & serpentium, & cæterorum domantur, & domita sunt a natura humana; linguam autem nullus hominum domare potest; inquietum malum, plena veneno mortifero. In ipsa benedicimus Deum, & patrem; & in ipsa maledicimus homines, qui ad similitudinem Dei facti sunt. Ex ipso ore procedit benedictio, & maledictio. Non oportet, fratres mei, hac ita fieri. Nam quid fons de eodem foramine emanat dulcem, & amarum*

ram aquam? Nunquid potest, fratres mei, ficus uvas facere, aut vitis ficus? Sic neque salsa dulcem potest facere aquam. Sed & veteris Testamenti Scripturæ de detractiōe, ceu de gravi peccato, loquitur, Psalm. 56. *Dentes eorum arma, & sagitta, & lingua eorum gladius acutus*, Prov. cap. 24. *Abominatio hominum detractor...* Cum detractoribus non commiscearis; quoniam repente consurget perditio eorum; & rui nam utriusque quis novit? Et Eccle. 10. *Si mordeat serpens in silentio, nihil eo minus habet, qui occulte detrahit*. Et Eccli. 28. *Flagelli plaga livorem facit. Plaga autem lingua comminuet ossa. Multi ceciderunt in ore gladii; sed non sic quasi qui interierunt per linguam suam*.

Criminis istius gravitatem SS. Patres ostendunt, S. Joan. Chrysof. Hom. 3. ad populum Antiochenum: „ Detrahens (*inquit*) fraternas carnes comedit, proximi carnem momordit. Propterea & Paulus terruit, dicens: Si autem vos invicem mordeatis, & comeditis, videte, ne ab invicem consumamini. Non infixisti dentes carni, sed animæ maledictum, improbam suspicionem infixisti, vulnerasti, innumeris affecisti malis, & te ipsum, & illum, & alios plures etenim audientem pejorem fecisti, proximum calumnians. Sive enim peccator sit, in arrogantiam tollitur, & inflatur ex aliorum peccato, magna de seipso sentire persuasus. Insuper communem Ecclesiæ statum læsisti; non enim omnes audientes peccatorem solum accusant; sed opprobria Christianorum genti insiguntur. Ad hæc, Dei gloriam blasphemari fecisti; sicut enim nobis laudabiliter viventibus Dei nomen glorificatur, sic peccantibus blasphematur, & contumelia afficitur. Quartum, male audientem confudisti, & sic impudentiorem reddidisti, inimicum, & hostem reddens. Quintum, te ipsum poenæ, & castigationis reum fecisti, negotia ad te nihil attinentia texens. Ne quis enim hoc mihi dicat, tunc detraho, quando falsa dico; si autem verum dico, minime. Nam licet verum loquens

Detractio
quam gra-
ve crimen,

Galat. 5:

ma-

maledixeris , & hoc est crimen. Etenim Phariseus ille Publicano veridicus maledixit , sed tamen hoc ipsi nihil profuit. Dic enim mihi , Publicanus non erat Publicanus , & peccator ? Cuique certum est quod Publicanus erat , sed quoniam ipsum vituperavit Phariseus , abiit omnibus amissis . . . Fugiamus igitur , dilecti , fugiamus detractiones , docti , quod est totum satanicum barathrum insidiarum ejus hæc infessio. Ut enim nostras negligamus , & graviores nobis reatus constituamus , in hanc nos consuetudinem diabolus duxit ; imo vero non solum inest hoc malum , quod tunc rationem dabimus eorum , quæ diximus , sed etiam , quod peccata nostra sic graviora faciemus , omni nos excusatione privantes. Ac erbe enim aliena exquirens , in suis excessibus nullam unquam veniam nanciscetur . . . Eliminemus igitur omnem ex ore nostro detractionem , scientes , quod etsi cinerem comedamus , nulla nobis asperæ vitæ hujus utilitas proderit ; nisi a detractione abstineamus : Non enim quæ intrant , coinquinant hominem , sed quæ exeunt ex ore „ „.

Matth. 15.

Et Hom. 43. in Matth. „ „ Diabolicus certe hic maledicendi laqueus est , & peccatum nullam voluptatem , sed damnum tantum afferens , & magnum delictorum acervum efficiens. Quod si quis perniciosus honoribus plenus ægrotationis laborem non effugiet ; multo magis , qui hanc omni cholera amariorum malignitatem in seipsum recondit , atque conservat , ultimi , atque perpetui doloribus morbi laborabit „ „.

Serpens , & detractor æquales.

S. Hieronymus in cap. 10. Ecclesiastici : „ „ Serpens (*inquit*) & detractor æquales sunt. Quomodo enim ille occulte mordens venenum inferit , sic iste clam detrahens virus pectoris sui infundit in fratrem „ „.

Idem S. Hieron. sive S. Paulinus , in Epistola ad Celsianum , qua matrem familias instituit : „ „ Nulli unquam omnino detrahas , nec aliorum vituperatione te laudabilem videri velis ; magisque vitam tuam ordinare discas , quam alienam carpere ; ac semper Scripturæ memor esto , dicentis ; Noli diligere detrahe-

re, ne eradicaris. Pauci admodum sunt, qui huic vitio renuntient; raroque invenies, qui ita vitam suam irreprehensibilem exhibere velint, ut non libenter reprehendant alienam; tantaque hujus mali libidines hominum invasit, ut etiam, qui procul ab aliis vitiis recesserunt, in istud tamen quasi in extremum diaboli laqueum incidant „

Prov. 29.

Detra-
ctio
extremus
velut dia-
boli la-
queus.

S. *Augustinus* lib. 2. de Baptismo contra Donatistas, cap. 7. „ An levius (*inquit*) putatur, quod gladio minante, quam quod lingua insidiante committitur? „ Et *Trahasu* 5. in *Joan.* Illi gravius cor feriunt, qui „ linguae gladio feriunt „

S. *Bernardus*, Serm. 24. in Cantica: „ Videas (*inquit*) ambulare seorsum, convenire sibi, & federe pariter, moxque laxare procaces linguas in detestandum susurrum. Una uni conjungitur, nec spiraculum incedit in eis; tanta est libido detrahendi, audiendive detrahentem. Ineunt familiaritatem ad maledicendum, concordem ad discordiam. Conciliant inter se inimicissimas amicitias, & pari consentaneæ malignitatis affectu celebratur odiosa collatio. Haud secus egere quondam Herodes, & Pilatus, de quibus narrat Evangelium, quia facti sunt amici in die illa, hoc est in die Dominicæ Passionis. Convenientibus sic in unum, non est Dominicam cœnam manducare, sed magis propinare, & bibere calicem dæmoniorum; dum importantibus linguis aliorum perditionis virus, aliorum aures intrantem mortem libenter excipiunt. Sic quippe juxta Prophetam: *Intrat mors per fenestras*

Libido de-
trahendi
propagatrix
peccati.

Luc. 23.

Jer. 9.

nostras. Cum prurientes auribus, & oribus, lethale poculum detractionis invicem nobis ministrare contendimus. Non veniat anima mea in concilio detrahentium; quoniam Deus odit eos, dicente Apostolo: *Detrahentes Deo odibiles.* Quam sententiam Deus ipse loquens in Psalmo audi, quomodo confirmat: *Detra-*

Rom. 7.

Pf. 100. 5.

h. ntem (*inquit*) *secreto proximo suo, hunc persequabar.* Nec mirum, cum id præcipue vitium charitatem, quæ Deus est, & quidem cæteris acrius, impugnare, & perlequi cognoscatur. . . Omnis, qui detrahit, primum

Detra-
ctio-
nis vitium
præcipue

qui-

impugnat,
& persequi-
tur charita-
tem.

Pſalm. 13.

Luc. 6.
Variæ ob-
trectato-
rum artes.

quidem ſeiſpſum prodit vacuum charitate; deinde quid aliud detrahendo intendit, niſi ut is, cui detrahit, veniat in odium, vel contemptum iſtis, apud quos detrahit? Ferit ergo charitatem in omnibus, qui ſe audiunt lingua maledica, & quantum in ſe eſt, necat funditus, & extinguit; non ſolum autem, ſed & in abſentibus univerſis, ad quos volans verbum forte per eos, qui præſentes ſunt, pervenire contigerit. Vides, quam facile, & in brevi ingentem multitudinem animarum velociter currens ſermo tabe malitiæ huius inficere poſſit? Propterea dicit de talibus propheticus Spiritus: *Quorum os maledictione, & amaritudine plenum eſt, veloces pedes eorum ad effundendum ſanguinem*: Utique tam veloces, quam velociter currit ſermo. Unus eſt, qui loquitur, & unum tantum verbum proferit; & tamen illud unum verbum uno in momento multitudinis audientium dum aures inficit, animas interficit. Cor liquidem ſelle livoris amarum, per linguæ iſtrumentum ſpargere niſi amara non poteſt, dicente Domino: *Ex abundantia cordis os loquitur*. Et ſunt ſpecies peſtis huius, dum alii quidem nude, atque irreverenter, uti in buccam venerit, virus evomant detractionis; alii autem quodam ſimulatæ verecundiæ ſuco conceptam malitiam, quam retinere non poſſunt, adumbrare conentur. Videas alta præmiti ſuſpiria, ſicque quadam cum gravitate, & tarditate, vultu moeſto, demillis ſuperciliis, & voce plangenti egredi maledictionem, & quidem tanto perſuaſibiliorem, quanto creditur ab his, qui audiunt, corde invito, & magis condolentis affectu, quam malitiøſe proferri. Doleo (*inquitt*) vehementer, pro eo, quod diligo eum ſatis; & nunquam potui de hac re corrigere eum. Et alius; mihi quidem, ait, bene compertum fuerat de illo iſtud, ſed per me nunquam innotuiſſet. At quoniam per alterum patefacta eſt res, veritatem negare non poſſum; dolens dico, revera ita eſt. Et addit; grande damnum! nam alias quidem in pluribus valet, cæterum in hac parte, ut verum fateamur, exculari non poteſt. Et

Et Serm. 17. *De Diversis*, qui *De triplici custodia*, *Linguae*
manus, lingua, & cordis inscribitur: „ Utinam (*in-* *maledicæ*
quit) vel solum tempus vitæ amitteretur in verbis; *crudelitæ.*
 sed multi in his etiam vitam amittere comprobantur; nec modo ipsi amittere, sed adimere quoque, & hoc fratribus suis. An non amittunt vitam detractores Deo odibiles, odibiles vitæ? Fugit vita, quos odit; & quos vita fugit, mori necesse est. An non & ipse moritur, qui venenum bibit, quod ei maleuada detractoris lingua propinat? Siquidem furtim ei dilectionis vita subtrahitur; & dum nescit, paullatim in eo fraternæ charitas refrigescit. Auditurus est forsitan ipse quoque, cui detrahitur; undique enim verba volant, & multorum prius ora sermo pertransiens, difficile fieri potest, quin singulorum creverit linguis, & quasi jam provectus referatur ad eum, cujus spectat offensam. Itaque scandalizabitur audiens, & tabescet, eoque facilius extinguetur in eo charitas, quo amplius ante vivere videbatur: *Si inimicus*, ait, *meus maledixisset* Psal. 94.
mibi, sustinuissem utique; & quidem cavet & ipse, si non delipit, qui sibi noverit esse detractum; ille ne veneno inficiatur, iste ne scandalo perturbetur. Sed quod in se est tamen, lingua maledica, & illius percuciens consensientiam, & istius vulnerans charitatem secum pariter utrumque peremit. Numquid non vipera est lingua ista? Ferocissima plane, nimirum quæ tam lethaliter tres inficit statu uno. Numquid non lancea est ista lingua? Profecto & acutissima, quæ tres penetrat ictu uno. *Lingua* (inquit) *eorum* Psal. 56.
gladius acutus. Gladius equidem anseps, imo triceps est lingua detractoris. Nec vero ejulmodi linguam iplo etiam mucrone, quo Dominicum latus confossum est, crudeliorem dicere verearis. Fodit enim hæc quoque Christi corpus, & membrum de membro, nec jam exanime fodit, sed facit exanime fodiendo. Ipsi quoque nocentior est spinis, quas illi tam sublimi capiti furor militaris imposuit, seu etiam clavis ferreis, quos sanctissimis manibus illis, & pedibus consummata Judaicæ gentis iniquitas infixit. Nisi enim

Lingua maledica crudelior mucrone lanceæ, qua latus Christi confossum est.

638. Theol. Dog. & Moral. Lib. III.

enim hujus , quod nunc pungitur , & transfoditur , corporis vitam , sui vitæ corporis prætulisset , nunquam illud pro isto , mortis injuriæ , crucis ignominia tradidisset. Et dicimus : *Levis res est sermo*. *Levis* quidem res , quia *leviter* volat , sed *graviter* vulnerat ; *leviter* transit , sed *graviter* urit ; *leviter* penetrat animum , sed non *leviter* exit ; profertur *leviter* , sed non *leviter* revocatur ; facile volat , atque ideo facile violat charitatem „ „.

Hanc morum Regulam confirmat *S. Thomas* , 2. 2. q. 73. art. 2. „ „ *Peccata verborum (inquit) maxime sunt ex intentione dicentis judicanda. Detractio autem secundum suam rationem ordinatur ad denigrandam famam alicujus. Unde ille per se loquendo detrahit , qui ad hoc de aliquo obloquitur eo absente , ut ejus famam denigret. Auferre autem alicui famam , valde grave est ; quia inter res temporales videtur fama esse pretiosior , per cujus defectum impeditur homo a multis bene agendis ; propter quod dicitur Eccl. 41. Curam habe de bono nomine , hoc enim magis permanebit tibi , quam mille thesauri magni , & pretiosi. Et ideo detractio , per se loquendo , est peccatum mortale „ „. Et art. 3. docet , detractionem gravius esse furto peccatum , quia *Fama præminet divitiis , eo quod propinquior est spiritualibus bonis. Unde dicitur Prov. 22. Melius est nomen bonum , quam divitia multa. Homicidium quidem gravius est detractioe peccatum ; sed tamen detractio homicidii malitiæ , & crudelitati proxima est , tum quia ex odio , & invidia procedit , & Qui odit fratrem suum , homicida est : Tum quia homicidia interdum ex detractioe originem habent ; adeoque detractori imputantur ; tum quia plerique homines magnanimi mori mallent , quam infamiae suæ superstites vivere. Hinc Tertullianus , lib. De Idololatriis , cap. 2. „ „ Homicidium (inquit) non in sola sanguinis profusione , & animæ ereptione reputandum. Homicidium enim in verbo maledicti , vel convitii judicat Deus „ „. Atque detractoribus accommodari**

me-

Detractio
crudelitati
homicidii
proxima.
3. Joan. 3.

merito potest, quod *Opratus Milevitanus* ait de Donatistis, qui Sacerdotes in Ecclesia catholica ordinatos gradu movebant, eisque velut pœnitentibus manus imponebant: „ Vos vivum fecistis homicidium. Ad infigendum morsum honoribus alienis, dentes vestros in sagittas, & arma vertistis; linguas acuisistis in gladios, quas movistis in mortes non corporum, sed honorum. Jugulastis non membra, sed nomina. Quid prodest, quia vivunt homines, & occisi sunt honores a vobis? Valent quidem membris, sed erectæ portant funera dignitatis. Certe non licet occidere. An ideo vos putatis innocentes, quia ferro usi non estis? Innocentem se & venerarius judicet, si in solo ferro est homicidium. Non sibi videatur reus, qui alterum subducto cibo necaverit. Innocentem se judicet, qui spirandi prohibita facultate, suffocaverit vivere cupientem. Necis multa sunt genera, sed unum nomen est mortis. Maledictionibus tuis cum fiducia hominem mortuum protesta- ris. Quid interest, an gladio ferias, an lingua percutias? Indubitanter homicida es, si per te mortuus fuerit, qui vivebat. . . Dei Episcopos linguæ gladio jugulastis, fundentes sanguinem non corporis, sed honoris „ „

Mortes ho-
morum, fu-
nera digni-
tatum.

R E G U L A X I.

Non est reus detractiōis, qui alterius peccatum, seu malum quodcunque alicui patefacit. boni cuspiam procurandi, aut promovendi gratia, modo debitæ circumstantiæ serventur.

Sic occultum proximi peccatum, propter ejus emendationem, denuntiare licet Superiori, servato prius præcepto correptionis fraternæ. Sic grave crimen alterius, publicis legibus plectendum, prodere licet accusatione legitima; modo id fiat justitiæ, bonique publici studio, non vindictæ affectu. Similiter occultum alicujus vitium, vel defectum renuntiare licet, ad avertendum grave damnum, vel periculum

Casus quibus occul-
tum proxi-
mi pecca-
tum alteri
patefacere
licet.

640 Theol. Dog. & Moral. Lib. III.

Ecclesiæ , reipublicæ , alicui societati , aut familiæ , vel privatis etiam personis imminens. Si quis , v. gr. cum Ecclesiæ , reipublicæ , vel ordinis alicujus , aut societatis publico , gravique detrimento sit ad beneficium aliquod , dignitatem , vel officium promovendus , occulta illius vitia , vel defectus prodere licitum , ac religiosum est , modo id prudenter fiat , nec citra necessitatem , nec pluribus quam oporteat , & ex charitate , bonique publici studio. Sic etiam licitum est alios monere , ut sibi caveant ab eo , quem certo nosti , vel non temere suspicaris esse furem , veneficum , ganeonem , proditorem , impium , hæreticum , pestifero morbo , aut lue venerea laborantem ; si malum ex hujusmodi hominis societate ipsis imminens aliter avertere non possis. Licet pariter occultum alterius crimen prodere , si aliter ab injusta illius vexatione liberari non possis , modo servetur moderatio , nec plura , aut graviora ex illius criminibus occultis revelentur , quam postulet justæ defensionis necessitas , nec vindictæ animo id fiat. Ita reus non peccat , multo minus innocens , qui testium illegitimorum testimonia , quibus damnandus est , vel opprimendus , repellit , vero illorum crimine detecto , & probato. Non ergo quælibet alieni peccati , etiam occulti revelatio , detractionis peccatum est , sed ea tantum , qua justitiæ , vel charitatis ordo violatur. Hanc morum Regulam confirmat *S. Thomas* , 2. 2. qu. 73. art. 2. „ „ Si verba (*inquit*) per quæ fama alterius diminuitur , proferat aliquis propter aliquod bonum necessarium , debitis circumstantiis observatis , non est peccatum , nec potest dici detractio „ „

Hæc Regula confirmatur ex *S. Basilio* , in Regulis prævioribus , Interrogatione 25. „ „ Duo (*inquit*) esse existimo tempora , in quibus liceat aliquid mali de aliquo dicere ; videlicet & quando necesse habet aliquis consultare una etiam cum aliis , qui ad hoc idonei judicati sint , quo pacto corrigendus sit , qui peccatum commisit ; & item quando necessitas polcit , ut periculo consulatur aliquorum , qui sæpenumero

ex

ex ignorantia commisceri possent cum malo tanquam cum bono ; cum Apostoli præceptum sit , ut ne quis secum his commisceat , qui istiusmodi sunt , ne quando capiat quis laqueos animæ suæ. Quod quidem videmus eundem Apostolum fecisse , ex his , quæ ipse ad Timotheum scribit his verbis : *Alexander* ^{2. Thess. 3.} *ararius multa mala mihi ostendit , quem & tu evita.* ^{2. Timoth.} *Valde enim resistit verbis nostris.* Extra autem huiusmodi necessitatem , qui aliquid secus de aliquo loquitur , illius infimulandi , vel vituperandi causa , detractor est ; esto verum sit , quod loquatur „ „.

Idem confirmat ex cap. *Cum ex injuncto* , quod est *Innocent. III. Ext. De hæreticis* , cujus hæc sunt verba : „ „ Licet scientia sit valde necessaria Sacerdotibus ad doctrinam , quia juxta verbum propheticum : *Labia* ^{Malach. 2.} *Sacerdotis custodiunt scientiam , & legem exquirunt ex ore ejus.* Non est tamen simplicibus Sacerdotibus etiam a scholasticis detrahendum , cum in eis sacerdotale officium debeat honorari ; propter quod Dominus in lege præcepit : *Diis non detrahes* , Sacerdo- ^{Exod. 22.} tes intelligens ; qui propter excellentiam ordinis , & officii dignitatem , Deorum nomine nuncupantur . . . Quod si forte necessitas postularet , ut Sacerdos tanquam inutilis , & indignus , a cura gregis debeat removeri ; agendum est ordinate apud Episcopum , ad cujus officium , tam institutio , quam destitutio Sacerdotum noscitur pertinere „ „.

Hanc morum Regulam , uti & præcedentem , & ^{Tom. 2.} sequentem , *Gerfonus* , Cancellarius Parisiensis Ecclesiæ , & Academiæ , vir pius , & eruditus , nitide explicat in responsione ad quæst. 4. qu. I. „ „ Scien- ^{pag. 135.} dum (*inquit*) quod actio moralis libera accipit vel vituperium , vel laudem , & peccatum ex suis circumstantiis , & specialiter ex circumstantia finis. Inquirendum est igitur , ad quem finem dicitur malum de absentibus , & occurrunt sex fines generales. Quandoque hoc fit ad instructionem præsentium , & id audientium , ut caveant similia facere. Quandoque fit ad præsentium cautelam , ne scilicet ex ignorantia

Expendendum quoque fine malum de absentibus dicitur , ut cognoscatur utrū , & quale peccatum.

decipiantur per malam aliorum societatem, quos præsumunt bonos. Quandoque etiam fit ad utilitatem absentium, ut videlicet præsentibus eis referant pro ipsorum correctione, & emendatione. Quandoque fit ex quadam compassione amicabili, ut scilicet seipsum, & audientes referens provocet ad orandum instantius pro aliorum peccatis, & eorum conversione. Quandoque etiam fit ex sola curiositate, & assueta loquacitate, & quadam libidine loquendi de aliis. Quandoque autem fit ex odio vel invidia, ac pro diminutione famæ alienæ, & ex animi indignatione. Primis quatuor modis potest esse non solum licitum, imo & meritorium, referre mala absentium, dummodo tamen non intendatur principaliter alius finis, quam aliquis prænotatorum quatuor. Et si non misceatur alia intentio fermentata, & sibi ipsi mentiens, dum bene provideatur, ne sint falsa, quæ dicuntur, aut in malo, ultra quam in se sunt, per referentem ampliata, aut forsitan sinistre interpretata; ac etiam quod non plus noceat talis locutio absentibus, & eorum famæ, quam profit, præsentibus, & eorum ædificationi. Quoniam pro parvo bono consequendo non est magnum malum committendum „ „.

„ „ Male loqui de absentibus ad solum satisfaciendum propriæ loquacitati, & libidini loquendi de aliis, etiamsi sit pro sola deductione temporis, & quasi pro solatio, ut sic tempus sine tædio transeat, vix aut unquam excusatur a peccato, & sæpius transit in mortale peccatum. Tale enim verbum non solum otiosum, sed & communiter est perniciosum, & multipliciter nocivum „ „.

„ „ Si quis autem quærit signum, quomodo sciet, quando ex bono fine loquatur, aut malo de malis proximi; respondetur, quod dum aliquis loquitur ad bonum istius, cujus mala commemorat, ut puta ut in se, & audientibus provocet mentem ad orandum pro talis emendatione, necessarium est, ut sentiat tunc in se quamdam ad eundem, de quo fit, sermo, compassionem piam, dulcemque, misericordem,

& charitativum affectum. Et etiam requiritur, ut non nimis longum texat sermonem de tam mala materia, & displicibili. Sicut pia mater non delectatur in narrando longe mala filii sui, nec etiam dicit illa nisi ex necessitate, ut puta ipsi medico; aut illis, qui ejus saluti poterunt prodesse, & malum adiacens avertere. Sic itaque narrando suspirat alte, tristatur, dolet, & abbreviat sermonem, quantum prævalet, & quantum videtur sufficere ad ostensionem infirmitatis, quæ sibi tantæ tristitiæ causa existit. Sed dum quis loquitur malum de aliis ex loquacitate, sunt signa opposita, quoniam tunc sentit indignationem animi contra eos, de quorum malis loquitur, cum quadam amaritudine fellis corrodit, & mordet ipsos absentes, & verbis suis venenatis, linguaque sicut gladius acutus acuta, lacerat sine misericordia, sine aliqua compassione, nec ponit finem verbis suis, quia satiari nequit ejus vorax invidia „ „.

„ „ Loqui malum de alio directe ex odio, & invidia, semper est peccatum. Et quando notabiliter læditur per hoc aliena fama; & dum loquens hoc advertit in sua conscientia, aut advertere posset, est gravius peccatum sapissime quam furtum, aut quam foret elus carnum die veneris, vel jejunii Ecclesiæ magni cujuscunque „ „.

R E G U L A XII.

Qui malum aliquod, vel defectum proximi aperit, absque animo nocendi, absque odii, iræ, vel invidiæ affectu, sed ex mera levitate, loquacitate, aliave causa non necessaria, venialis duntaxat peccati reus est, nisi verba, quæ profert, grave vulnus alienæ famæ infligant, vel infligere possint; tunc enim lethale peccatum est.

Hanc Regulam tradit *S. Thomas*, loco supra citato. „ „ Si autem (*inquit*) proferat ex animi levitate, propter causam aliquam non necessariam,

non est peccatum mortale, nisi forte verbum, quod dicitur, sit adeo grave, quod notabiliter famam aliquis lædat, & præcipue in his, quæ pertinent ad honestatem vitæ; quia hoc ex ipso genere verborum habet rationem peccati mortalis. Ac si id, quod narrat de altero, leve est, aut secundum se, aut respectu personæ, de qua loquitur, in quam scilicet nulla ex huiusmodi vitio, quamvis per se gravi, redundat infamia; quia de hoc gloriari solet, aut profligatæ famæ est, aut similis conditionis homines hæc vitia non ducunt dedecori, aut iis, ut plurimum obnoxii sunt, ut si de gregario milite, aut bajulo dixerit aliquis, ebrium fuisse, aut ebriosum esse, vel quod de ipsis refertur malum, iam illis innotuerit, quibus dicitur, venialis duntaxat detractio est. Nam *Peccata verborum maxime sunt ex intentione dicentis judicanda* (inquit *S. Thom. ibid.*) Hic autem, vel nocere proximo non intendit, vel revera non multum nocet, nec graviter lædere possunt, quæ imprudenter, & inconsiderate profert.

R E G U L A X I I I.

Lethalis detractionis rei sunt, qui gravia proximorum peccata, vel etiam levia, vel naturalem aliquem defectum referendo, directe, vel indirecte, honestam eorum famam, & exultimationem graviter hædunt, aut grave damnum inferunt.

De gravibus peccatis res est per se manifesta, & ex iis, quæ in Regulæ decimæ explicatione dicta sunt, satis probata. Levia vero, vel quæ vulgo levia censentur, magnam interdum infamiam aspergunt Episcopis, aliisque ecclesiastica dignitate fulgentibus viris, Doctoribus, Religiosis, Sanctimonialibus, aut mulieribus devotionem professis; & pietatis famam consecutis. Assiduitas, v. gr. mentiendi, vana gloria, & ostentatio secularis, & liberior, etsi honesta, cum personis alterius sexus amicitia, & conversatio, seu agendi ratio, scribendique modus, iracundia, levitas, &

& alia, quæ secularibus hominibus, aut Christianorum vulgo nullam, aut certe levem dedecoris notam inurunt, gravem sacratis hominibus, & præsertim Ecclesiam regentibus infamiam inurunt, gravia interim damna hujusmodi peccatorum, vel defectuum revelatio ipsis infert, quia vel ipsos in contemptum adducit, eorum auctoritatem minuit, impeditque, ne spiritalem fructum in Ecclesia referant; interdum a beneficiis, vel dignitatibus, aut officiis consequendis ipsos impedit, quibus ob præclaras dotes alioqui digni essent, & Ecclesiæ utiles futuri. Sic etiam lethalis detractionis rei sunt, qui defectum naturalem alicui affingunt, vel inordinate revelant, ex cujus revelatione in contemptum adducatur; aut a muneribus, & honoribus, quos legitime consequi, ac laudabiliter gerere posset, arceatur; aut ab honestis, & utilibus amicitiiis abalienetur, aut commodis maximis privetur. Si quis (inquam) virum quempiam illustri, aut honesto loco natum, spurium, seu illegitimum esse effutiat; aut naturalem defectum cuiuspiam in vulgus spargat, ex quo grave damnum illius sequatur, lethalis detractionis reus est. Exceptionem tamen patitur hic casus. Si enim ab alicujus boni consecutione ipsum impediat defectus hujusmodi revelatio, a quo ipsum leges excludunt, ut spurium ab hæreditate, a Clero, & ecclesiasticis Ordinibus, ac beneficiis (nisi summi Pontificis dispensatio, vel religiosa Professio defectum suppleverint) impotentem a matrimonio contrahendo, detractor non est, qui defectus illos revelat, nec peccati alicujus reus, si id faciat servato justitiæ, & charitatis ordine.

R E G U L A XIV.

Lethalis detractionis rei sunt, qui verum crimen alicujus hominis alteri nescienti aperiunt nocendi animo, etiamsi publicum sit, etiamsi judicis sententia damnatum, & punitum.

Violant enim charitatem, quæ occulta proximi crimina contegere jubet in eo casu, & quod

ipsi famæ reliquum est apud eos, quibus vitia illius ignota sunt, deprædari vetat. Gravius autem in eo genere peccant, si criminis illius memoriam pene deleverit oblivio, aut reus veterem infamiam poenitentia, & honestate morum aboleverit. Bonam enim famam sibi peperit emendatione vitiorum, & novæ vitæ integritate, quæ sine violatione justitiæ, & charitatis ipsi eripi non potest. Hinc sacri Concilii Tridentini Catechismus p. 3. cap. 9. §. 9. docet: „ Non tantum adhibenda calumnia offendit hominum existimationem, sed & augendis, amplificandisque criminibus; & si quod occultius ab aliquo commissum sit, quod ubi rescitum fuerit, grave, aut turpe sit ad famam; eam rem qui, ubi, quando, quibus necesse non sit, promulgarit, is obreſcator, & maledicus jure dicitur „ „

R E G U L A X V.

Lethalis detractionis rei sunt, qui schedulam, in qua aliquis juvandæ memoriæ causa peccata sua Sacerdoti in Confessione aperienda descripsit, in vulgus indicant, si peccata illa gravia sint, vel spectata conditione personæ, famam proximi graviter læsura.

Charitatem siquidem, & justitiam, legemque naturalem de arcani fide servanda uno facinore violant.

R E G U L A X V I.

Lethalis detractionis rei sunt historici, qui occulta Principum, aut aliorum virorum illustrium vitia literis consignant. Et quicumque verbo, vel scripto Defunctorum famam lacerant, aut minuunt.

Quamvis enim prava Principum, & aliorum, quorum res in historiam conferuntur, facinora, quæ publice, & cum hominum scandalo admiserunt, memoriæ prodere liceat, posteritatis informandæ studio, utque metus infamiæ Principes, & illustres viros a vitiis avertat; arcana tamen crimina literis

mandare, charitatis, & iustitiæ leges vetant; eoque crudelior detractio est, quod in mortuos læviat, eis immortalem inurat infamiam, vitamque eripiat honoris, qua, extincta vita corporis, spiritali quodam modo, in hominum memoria vivunt. Nam *Obitu existimatio augetur bonorum; quia omnis adversus mortuos evanescit invidia*; ut scribant *Valentinianus, & Marcianus AA.* in Epistola ad *Palladium* præfectum Prætorii, quæ habetur Actione 3. Concilii Chalcedonenfis. Sed & *Facundus Hermianensis*, lib. 3. ejusdem criminis atrocitatem ostendit: „ Grave est (*inquit*) insultare defunctis, vel si laici fuerint, nedum illis, qui in Episcopatu hanc vitam deposuerunt. Justissimum enim apparet prudentibus viris cedere præscienti uniuscujusque voluntatem, & cognoscenti qualis unusquisque nostrum futurus sit „ Idque *S. Cyrilli Alexandrini* auctoritate confirmat.

R E G U L A X V I I.

Lethalis detractio rei sunt, qui vel proximis falsum crimen imponunt, aut verum crimen exag-
gerant, vel occultum patefaciunt, aut aliena dicta, sive facta peiorem in partem interpretantur; vel præclarum alterius factum, aut pro viribus minuunt, vel laudis occasione data silent; aut frigida laudatione infringunt; cum scilicet eo silentio, vel remissa, frigidaque laudatione, fama proximi graviter læditur.

Hanc morum Regulam tradit *S. Thomas*, 2. 2. Varii detracti
qu. 73. art. 1. ad tertium. „ Aliquis (*inquit*) hendi m
dicitur de altero detrahere, non quia diminuit de di.
veritate, sed quia diminuit famam ejus. Quod quidem
fit quandoque directe, quandoque indirecte. Directe quidem quadrupliciter. Uno modo quando
falsum imponit alteri; secundo, quando peccatum
adauget suis verbis: tertio, quando occultum re-
velat: quarto, quando id, quod est bonum, dicit
malæ intentionis factum. Indirecte autem, vel negan-

do bonum alterius, vel malitiose reticendo, vel minuendo „ „. Qui detractiōis modi hoc disticho exprimi solent :

*Imponens, augens, manifestans, in mala vertens;
Qui negat, aut minuit, tacuit, laudatve remisit.*

Septem duntaxat modos *S. Thomas* recenset, postremum illum frigidæ laudationis omittit, quia in sexto, aut septimo continetur. Cæterum qui proximo falsum crimen imponunt, id in sacramentali Confessione tenentur exprimere, quia huiusmodi obtrectatio gravius peccatum est. Non sufficit ergo, ut se de gravi detractiōe accusent. Qui, quod ex se bonum est, in malam partem interpretantur, hypocrisis, ambitioni, vel superbiæ tribuentes, quod honestum, & laudabile apparet, non detractiōis tantum, sed iudicii temerarii rei sunt; & utrumque in sacramentali Confessione aperire necessario debent. De hoc obtrectationis genere *S. Gregorius*, lib. I. I. *Moralium*, cap. 5. scribit: „ „ Antiquus adversarius, cum, quæ accuset, mala non invenit, ipsa ad malum inflectere bona quærit. Cumque de operibus vincitur, ad accusandum verba nostra perscrutatur. Cum nec in verbis accusationem reperit, intentionem cordis fuscare contendit, tanquam bona facta bono animo non fiant, & idcirco perpendi a iudice bona non debeant. Quia enim fructus arboris esse, & in æstu virides conspiciunt; quali vermem ponere ad radicem quærit „ „.

Indirecta
obtrecta-
tio.

Indirectam detractiōem quod attinet, observandum est, illam non solum verbis, sed etiam factis, signisque, seu nutibus committi, cum quispiam laudis alienæ intus impatiens, malitiose subridet, abnuit capite, vel oculis, atque his nutibus significat, hominem, qui laudatur, non esse talem, qualis prædicatur. Nec solum nutibus, sed & silentio committitur detractio. Qui enim de proximi probitate, aut morum integritate, quam perspectam habet, interrogatus, silet, debitam proximo veritatem, debitum veritati testimonium negat, iustitiamque periter,

riter, & charitatem violat. Similiter qui in aliquo hominum coetu aliquem sibi probe notum, ex familia sua, societate, aut vicinia, laudibus extolli audiens, tacet, dum alii certatim ipsum laudant, silentio suo, heu, nimium eloquenti! significat, illum indignum esse laudibus, quibus ornatur. Sed, inquires, certo novi talem illum non esse, qualis celebratur; an contra propriam notitiam, & opinionem loqui, an mentiri debeo, vel adulari? Nequaquam. Sed cum nemo sit ita malus, qui bonis aliquibus dotibus præditus non sit, aliqua laude digna non gerat, charitatis, & iustitiæ leges postulant, ut laude dignum ob multa, quæ in eo sunt bona, significes; aut saltem placere tibi, quod laudetur; quia revera placere debet laudantium charitas, & error circa personas, quas laudant, ex charitate quodammodo procedens, quæ *Non cogitat malum*. At si quispiam ob vitia laudaretur, nec laudatoribus suffragari, nec silentium servare deberes, quia tunc error circa res ipsas, non circa personas tantum esset; nec laudaret charitas, sed iniquitas, non solum errans ipsa, sed & alios in errorem inducens: adeoque partes veritatis contra iniquitatem, & errorem tueri deberes ex officio, quia *Charitas non gaudet super iniquitate, congaudet autem veritati*. In iis tamen, quæ ad honestatem vitæ non pertinent, ut loquitur *S. Thomas*, possumus ab iis, qui proximum laudant, dissentire, aut certe silere; potest enim aliquis esse bonus Sacerdos, aut Monachus; & ineptus Concionator; potest esse vir probus, & dotibus ad præfecturam aliquam, aut magistratum gerendum necessariis destitutus. In his tamen periculum est, ne ex invidia, vel aliquo præjudicatæ mentis effectû negemus, aut extenuemus famam alienam, aut silentio nostro significemus, ipsam immerito laudari. Quamvis enim iudicium vulgi plerumque cæcum sit, præceps, instabile, sæpe tamen falluntur, qui se perspicacissimos, & æquissimos iudices existimant, & occultæ invidiæ motu aguntur, aut certe superba quadam singularitatis, & dissensus

1. Cor. 13.

ab opinione vulgi affectatione, ut eos laude dignos esse negent, quos ab omnibus, aut a plerisque laudari audiunt, aut minus laudandos esse contendunt, quos magnis laudibus efferri vident. Frigida tandem laudatio vituperationi plerumque æquivalet, cum scilicet de proximo, cujus virtus, & probitas, aut factum aliquod laudabile commendatur, qui frigide dicit: Ita ferunt, vel iste de illo rumor exit in vulgus, forte id ab illo gestum est; sed si ita se res habet, quantum mutatus ab illo! Si sanctus est, & ea virtute præditus, nunc primum ad Sanctos aggregari cœpit; vir est doctus, & pius, *Sed*, &c. Mulier casta, sapiens, devota, *Sed*, &c. Alius est detrahendi modus eo perniciosior, quo frequentior, dum quis alterius crimen occultum se audivisse narrat, se tamen nolle credere asseverat; sic enim majorem sibi conciliat fidem ingeniosus, & versipellis detractor, dum se a detrahendi libidine simulat alienum. Alia est detrahendi methodus non minus pestilens, cum de aliquo dicitur coram aliis: Debet ille tacere coram me; novit enim, quid sciam, quid fecerit, &c. Ex modo enim dicendi aliquid grave suspicantur auditores, & forte quid gravius, quam detractor intelligat.

R E G U L A XVIII.

Qui crimen alienum sine justa necessitate patefacit uni, vel duobus viris prudentibus, & fidelibus, arcanique tenacibus amicis, a lethali detractionis peccato non excusatur.

Famam enim proximi labefaciat, aut extenuat apud illos, & quo prudentiores sunt, eo gravior est existimationis jactura apud ipsos, quam apud vulgus ignobile. Hinc *S. Joan. Chrysostomus*, Hom. 3. ad populum Antiochenum: „Hoc vero (*inquit*) ridiculum magis est, quod talem habentes vitam, & res suas negligentes, cum aliquid arcanum dixerint; rogant audientem, & adjurant, ne omnquam amplius
al.

alteri dicat, hinc declarantes, quod rem reprehensione dignam commiserunt. Si enim illum, ut nemini dicat, rogas, multo magis te priorem huic dicere non oportebat. In tuto sermonem habebas; postquam ipsum prodidisti, tunc salutem ipsius curas; si non vis efferri, neque alteri ipse dicas; postquam vero alteri prodidisti sermonis custodiam, superflua facis, & inutilia, admonens, & obtestans pro dictorum custodia „„. Hinc *S. Thom.* 2. 2. q. 73. art. 1. ad 11. ait: „ Etiam si uni soli aliquis de absente malum dicat, corrumpit famam ejus, non in toto, sed in parte „.

REGULA XIX.

Non excusatur a peccato mortali, qui graves detractiones ab aliis auditas referendo, & repetendo suas facit.

Quamvis enim non sit primus detractionis auctor, & ipse tamen detractor est. Detractio scilicet ab uno traducitur ad plurimos, ingenita quadam maledicendi libidine, singulosque peccatores constituit. Quod significat *Tertullianus*, Apologetici cap. 7. his verbis: „„ Natura famæ omnibus nota est. Verum est: *Fama malum, quo non aliud velocius ullum.* Cur malum fama? Quia velox, quia index? An quia plurimum mendax? Quæ ne tunc quidem cum aliquid veri adfert, sine mendacii vitio est, detrahens, adjiciens, demutans de veritate. Quid, quod ea illi conditio est, ut nonnisi, cum mentitur, perseveret; & tamdiu vivit, quamdiu non probat; siquidem ubi probavit, cessat esse, & quasi officio nuntiandi functa, rem tradit, & exinde res tenetur, res nominatur. . . Fama, nomen incerti, locum non habet, ubi certum est. An vero famæ credat nisi consideratus? Quia sapiens non credit incerto. Omnium erit æstimare, quantacunque illa ambitione diffusa sit, quantacunque asseveratione constructa, quod ab uno aliquando principe exorta sit, necesse est. Exinde
in

Detractio
ab uno tra-
ducitur ad
plurimos
ingenita
maledicen-
di libidine.

in traduces linguarum, & aurium servat; & ita modici seminis vitium cætera rumoris obscurat, ut nemo recogitet, ne primum illud os mendacium seminaverit; quod sæpe fit, aut ingenio æmulationis, aut arbitrio suspicionis, aut non nova, sed ingenua quibusdam mentiendi voluptate „ „

REGULA XX.

Lethalis peccati reus est, qui gravem injuriam sibi ab aliquo illatam, renuntiat alteri, nulla necessitate compulsus, sed nocendi animo, & ultionis libidine.

Is enim alienæ famæ grave vulnus infert, adeoque contra justitiam peccat, necnon contra charitatis, & patientiæ christianæ præceptum a Christo traditum, Matthæi cap. 5. *Diligite inimicos vestros; orate pro persequentibus, & calumniantibus vos;* & ab Apostolo prædicatum, Epist. ad Romanos, cap. 12. *Noli vinci a malo (inquit) sed vince in bono malum.* Et a S. Petro, Epist. 1. cap. 3. *Non reddentes malum pro malo, nec maledictum pro maledicto, sed e contrario benedicentes; quia in hoc vocati estis, ut benedictionem hereditate possideatis. Qui enim vult vitam diligere, & dies videre bonos, coerceat linguam suam a malo, & labia ejus, ne loquantur dolum. Detractiones itaque ab æmulis, & malevolis hominibus de se factas miti, & humili animo vir christianus tolerare debet, utpote ad ejus humiliationem a Deo ordinatas, ut docet S. Greg. lib. 20. Moralium, cap. 5. „ „ Ne (inquit) immoderatis laudibus erigamus, plerumque miro rectoris nostri moderamine detractionibus lacerari permittimur; ut cum nos vox laudantis elevat, lingua detrahentis humiliet „ „*

REGULA XXI.

Lethalis peccati reus est, qui seipsum infamat, cum ex infamia, & dedecore, quod sibi ipsi infert, salutis propriæ, vel alienæ, aut etiam vitæ damnum,

num, aut corporalis integritatis detrimentum sequitur; aut cum illis infamia in familiam, societatem, vel ordinem, cujus pars est, redundat, aut cum suorum criminum patefactione omnino inutilem se reddit reipublicæ, vel Ecclesiæ, cui alias utilem operam navare posset.

Jubet enim Spiritus sanctus, *Ecclesiastici*, cap. 41. ut famæ nostræ curam geramus: *Curam habe* (inquit) *de bono nomine; hoc enim magis permanebit tibi, quam mille thesauri pretiosi, & magni.* Hinc S. *August.* lib. *De Bono Viduitatis*, cap. 22. scribit: „Nec audiendi sunt, sive viri sancti, sive feminae, quando reprehensa in aliqua negligentia sua, per quam fit, ut in malam veniant suspicionem, unde suam vitam longe abesse sciunt, dicunt sibi coram Deo sufficere conscientiam, existimationem hominum non imprudenter solum, verum etiam crudeliter contemnentes; cum occiditur anima aliorum, sive blasphemantium viam Dei, quibus secundum suam suspicionem quasi turpis, quæ casta est, duplicet vita Sanctorum, sive etiam cum excusatione imitantium, non quod vident, sed quod putant. Proinde quisquis a criminibus flagitiorum, atque facinorum vitam suam custodit, sibi bene facit; quisquis autem etiam famam, & in alios misericors est. Nobis enim necessaria est vita nostra, aliis fama nostra; & utique etiam, quod aliis ministramus misericorditer ad salutem, ad nostram quoque redundat utilitatem. Unde non frustra Apostolus: *Providemus* (inquit) *bona, non solum coram Deo, verum etiam coram hominibus.* Item dicit: *Placete omnibus* 1. Cor. 10. *per omnia, sicut & ego omnibus per omnia placeo, non quarens, quod mihi utile est, sed quod multorum, ut salvi fiant.* In quadam etiam exhortatione dicit: *De cetero, fratres, quaecunque sunt vera, quaecunque sancta, quaecunque iusta, quaecunque casta, quaecunque bona fame, si qua virtus, si qua laus, hæc cogitate, quæ & didicistis, & accepistis, & audistis, & vidistis* in

1. Cor. 4.
Galat. 1.
2. Cor. 1.

in me. Cernis, quemadmodum inter multa, quæ exhortando commonuit, non neglexerit ponere: *Quæcumque bonæ famæ*; duobusque verbis cuncta concluderit, ubi ait: *Si qua virtus, si quæ laus*. Ad virtutem namque pertinent, quæ antea memoravit bona; fama vero ad laudem. Puto, quod non laudem hominum pro magno sumebat Apostolus, alio loco dicens: *Mibi autem minimum est, ut a vobis dijudicer, aut ab humano die*. Et alibi: *Si hominibus placerem, Christi servus non essem*. Et iterum: *Nam gloria nostra hæc est, testimonium conscientiæ nostræ*. Sed illorum duorum, id est, bonæ vitæ, & bonæ famæ, vel quod brevius dicitur, virtutis, & laudis, unum propter seipsum sapientissime retinebat, alterum propter alios misericordissime providebat. Sed quoniam quantalibet humana cautela suspiciones malevolentissimas non potest omni ex parte vitare, ubi pro existimatione nostra quidquid recte possumus, fecerimus, si aliqui de nobis, vel mala fingendo, vel male credendo, famam nostram decolorare conantur, adsit conscientiæ solatium, planeque etiam gaudium, quod merces nostra magna est in coelis, etiam cum dicunt homines mala multa de nobis, pietamen, justequæ viventibus. Illa enim merces tanquam stipendium est militantium per arma justitiæ, non solum dextera, verum & sinistra, per gloriam scilicet, & ignobilitatem, per infamiam, & bonam famam „ „

Ti. 2.

Et Serm. 355. alias *De Diversis*, 49. qui primus est *De vita, & moribus Clericorum suorum*, cap. 1. „ „ Propter nos (*inquit*) conscientia nostra sufficit nobis; propter vos fama nostra non pollui, sed pollere debet in vobis. Tenete, quod dixi, atque distinguite. Duæ res sunt, conscientia, & fama, conscientia tibi, fama proximo tuo. Qui fidens conscientiæ suæ, negligit famam suam, crudelis est; maxime in loco isto positus, de quo dicit Apostolus scribens ad discipulum suum. Circa omnes te ipsum bonorum operum præbens exemplum „ „

Hinc

Hinc a *S. Hieronymo* laudibus celebrata est mulier Vercellensis adulterii falso accusata a marito, quæ cruciata, ut crimen fateretur impactum, quod adolescens, quicum peccasse dicebatur, vi tormentorum confessus erat, nunquam adduci potuit, ut se ream pronuntiaret, suamque famam pariter, & innocentiam mendacio violaret; sed coelum suspiciens, ait: „ Tu testis es, Domine Jesu, cui occultum nihil est, qui es scrutator renis, & cordis, non ideo me negare velle, ne peream, sed ideo mentiri nolle, ne peccem. At tu, miser homo, si interire festinas, cur duos interimis innocentes? Equidem & ipsa cupio mori, cupio invisum hoc corpus exuere, sed non quasi adultera præsto jugulam, micantem intrepida excipio mucronem, innocentiam tamen mecum feram. Non moritur, quisquis victurus occiditur „ „ Ora- vit, jugulum præbuit, septies ista occidi non potuit. Miraculum celebrat *S. Hieron.* Epist. 49. *Ad Innocentium*. Quamvis igitur sufficiat nobis *Testimonium conscientie nostræ*, Deoque fideliter, & constanter servire debeamus: *Sive per infamiam, sive per bonam famam*; tamen famæ integritate propter alios indigemus, sine qua procurandæ proximorum saluti, aut publico cuivis gerendo muneri pares non sumus. Ideoque ejus curam gerere tenemur. Hinc *Petrus Celsensis Abbas*, lib. 5. Epist. 13. scribit: „ „ Uterque peccat, & qui mentitur in sui accusatione, & qui designatur falsa objecta vera relatione diluere. Reproba humilitas est, plus quam in corde tuo sentias vane te dejicere; detestanda præsumptio, famam suam negligere, & suspicionis nævum non abolere „ „ .

Quasdam tamen exceptiones abhibere huic Regulæ necesse est. Cum enim semiplena probatio, vel indicia expressa, vel publica infamia criminis præcessit, reus a legitimo judice, servato juris ordine, interrogatus, crimen suum fateri tenetur, etiamsi damnum vitæ, aut membrorum mutilatio, ex confessione juridica delicti illi immineat; aut ejus infamia in aliquam familiam, societatem, vel ordinem redunda-

tura sit. Non enim ipse se prodit, aut infamat, qui secundum ordinem juris a iudice interrogatur: *Sed ab alio proditur, dum ei necessitas respondendi imponitur ab eo, cui obedire tenetur*; ut ait *S. Thomas*, 2.2. quæst. 69. art. 1. ad 1. Sed hoc alias.

R E G U L A XXII.

Lethalis peccati rei sunt libellorum famosorum auctores, & qui ipsos spargunt in vulgus. Gravius autem peccant, qui Præfulum, ecclesiasticorum, aut religiosorum virorum, Doctorum, & Concionatorum famam verbis, aut scriptis maledicis proscindunt, quam qui secularium; gravius qui Principum, & Magistratum, quam qui subditorum, & plebejorum; gravius tandem, qui integræ communitati, vel ordini, quam qui privatis detrahunt.

*Pœna canonice
contra li-
bellorum
famosorū
auctores.*

Detractionis enim, aut contumeliæ gravissimæ crimen committunt, aliorum crimina seu fallæ, seu occulta literis consignantes, ut ad omnium, aut certe plurimorum notitiam perveniant; utque illorum infamia publica sit, & in omne tempus propagetur. Quamobrem sacri Canones excommunicatione feriunt non solum auctores hujusmodi libellorum, verum etiam eos, qui illos vulgaverint, aut inventos non laceraverint. Ita Concil. Illiberitanum, can. 52. & refertur can. *Si qui causâ 5. qu. 1. Si qui inventi fuerint libellus famosus in Ecclesia ponere; anathematizentur.*

Idem confirmatur ex can. *Qui in alterius, causâ 5. qu. 1. qui est Hadriani I. Pontificis maximi.* „ „ Qui in alterius famam publice scripturam, aut verba contumeliolâ continxerit, & repertus scripta non probaverit, flagelletur; & qui ea prius invenerit, rumpat, si non vult auctoris facti causam incurrere „ „

Eandem pœnam decrevit *S. Gregor.* in quemdam, qui *maligni spiritus consilio repletus*, contra *Castorium* Notarium, ac responsalem Apostolicum; *Nocturno*
juen-

silentio in civitatis loco contestationem posuit in ejus crimine loquentem; ut habetur can. Quidam, causa, & quæst. citatis, qui sumptus est ex Epist. trigesima libri 5. „ „ Et quia (inquit) quisquis veraciter loquitur, semetipsum innotescere non debet formidare, oportet, ut publice exeat, & quæcunque in contestatione sua loqui præsumpsit, ostendat; quod si non exierit, neque publice confessus fuerit, quisquis ille sit, qui hoc agere præsumpsit, vel qui consensum in tantæ iniquitatis consilio præbuit, ex Dei, & Domini nostri Jesu Christi Spiritu definimus, ut sancti ejus Corporis, ac Sanguinis participatione privatus sit. Si vero quia latet, & quoniam nescitur, teneri a disciplina non valet, si tanti mali conscius, etiam prohibitus Corpus, ac Sanguinem Domini percipere præsumit; anathematis ultione percussus sit, & ut fallax, ac pestifer a sanctæ Ecclesiæ corpore divisus. Si quis autem fortasse talis est, quem nos hujus facti auctorem, ac participem esse nescientes, ad eum bona optantes Epistolas transmittimus, ipsa pro eo apud omnipotentem Dominum deprecatio sit vacua „ „

Pœna capitis in libellorum famosorum auctores constituta est apud Romanos lege duodecim Tabularum, cujus hæc sunt verba: *Si quis attulerit, sive carmen condiderit, quod infamiam, flagitiumve alteri precatur, capite punito* Cujus legis meminere, post *Ciceronem*, lib. 4. Tusculanarum quæst. *Arnobius*, lib. 4. adversus gentes, & *S. August.* lib. 11. *De Civ. Dei*, cap. 9. *Augustus* Imperator judicium de libellis famosis non minus vehemens, quam Majestatis esse voluit, commotus *Cassii Severi* libidine, qui viros, feminasque illustres, procacibus scriptis diffamaverat (ut refert *C. Tacitus*) Intestabilem factum, qui libellum famosum edidisset, *Ulpianus* testis est in L. 5. §. ult. *De Injur.* Id est a jure ferendi testimonii, condendi testamenti, aut quidquam ex aliorum testamentis capiendi, legibus excludebatur. *Constantinus magnus* famosis libellis fidem omnem abrogari

Pœnæ contra libellorum famosorum auctores civilibus legibus constitutæ.

jussit, eosque flammis aboleri, in auctores inquiri, repertos cum omni vigore cogi, ut libello contenta probent; si probaverint, supplicio nihilominus affici, ut qui infamare maluerint, quam accusare. *Constantinus* lege lata edixit, ne libelli famosi referrentur ad Principem, aut in judiciis examinarentur, aut ullus ex iis calumniam, seu infamiam pateretur. *Nam & innocens creditur* (inquit) *cui defuit accusator, cum non defuerit inimicus.* Imperatores *Valentinianus*, & *Valens* poenam capitis decreverunt in eum, qui libellos famosos colligendos vel legendos puraverit (id est retinuerit, aut alteri legendos tradiderit, sive in vulgus sparserit) ac non statim chartas igne consumpserit. Imperatores *Valentinianus*, *Theodosius*, & *Arcadius* sanxerunt, ut „ „ Si quis famosum libellum, sive domi, sive in publico ignarus offenderit; aut discerpatur, quam alter inveniatur, aut nulli confiteatur inventum; nemini denique, si tam curiosus est, referat, quid legendo cognoverit. Nam quicumque obtulerit inventum, certum est ipsum reum ex lege retinendum, nisi prodiderit auctorem; nec evasurum poenam hujusmodi criminibus constitutam, si proditus fuerit cuiquam retulisse, quod legerit „ „ Gladii poena crimen tam atrox iidem Imperatores coerceri voluerunt. „ „ Universi (*inquiunt*) qui famosis libellis inimicis suis velut venenatum quoddam telum injecerint, hi etiam qui famosam seriem scriptiois impudenti agnita lectione non illico discerperint, vel flammis exusserint, vel lectorem (*seu potius auctorem*) cognitum prodiderint, ultorem suis cervicibus gladium reformident „ „ Habentur hæc leges lib. 9. Codicis Theodosiani, tit. 34. *De famosis libellis.* Lib. 7 Capit. cap. 200. libellorum, & canticorum famosorum auctores, disseminatores, & cantores, extra ordinem puniendos decernitur; in quos exilii poena lege constituta erat. „ „ Hi qui in blasphemiam alterius cantica composuerint, vel qui cantaverint ea, extra ordinem vindicentur. Nam lex exiliari jubet eos, qui libellos famosos excogitant,

aut

aut proponunt. Notatur infamia quicumque, dum appellat judicem, convitium dixerit. Non tantum is, qui maledictum, aut convitium dixerit, famosus efficitur, sed & is cujus consilio factum esse patuerit „ „. Edictum Molinense *Caroli IX.* Regis christianissimi anno 1566. art. 77. & Parisiense anni 1571. art. 10. Pictaviense *Henrici III.* anni 1577. Parisiense *Ludovici XIII.* anni 1629. de iis, qui libellos famosos composuerint, scripserint, typis ediderint, vendiderint, disseminaverint, quæstionem haberi, & in illos tanquam publicæ pacis perturbatores legis animadverti sanxerunt. Si vero contra sacram Regis personam, regni, rerumque publicarum administrationem, regni administratos, regionum consiliorum assessores, ac præcipuos magistratus hujusmodi libelli compositi, scripti vel editi fuerint, in auctores, scriptores, distributores, velut in læsæ majestatis reos, & patriæ proditores agi, vitæque, ac bonorum omnium proscriptione illos plebs statuit *Ludovicus Julius* edicto mox laudato, secundum art. 183. Constitutionis Blesensis. Ex quibus omnibus colligitur, lethalis peccati reos esse libellorum famosorum, aut cantionum contumeliosarum auctores; deinde scribas, qui libellorum, aut cantionum, seu carminum hujusmodi exemplaria describunt. 3. Typographos, qui famosa, & contumeliosa scripta, cantica, carmina typis edunt. 4. Omnes, qui illa vendunt, distribuunt, donant, mittunt, aut quomodocunque spargunt in vulgus. 5. Qui illa retinent apud se, & colligere amant, vel detrahendi, & calumniandi libidine referunt aliis. quod legerunt. 6. Qui famosas cantiones cantant, aut earum auditu delectantur. 7. Qui auctores cognitos non produnt. 8. Qui famosas imagines, vel effigies pingunt, sculptunt, excudunt, vendunt, exponunt, distribuunt, quibus proximi fama labefactatur, vel honor violatur. 9. Gravioris criminis esse reos, qui in Episcopos, aliosque Prælatos, & viros ecclesiasticos, aut religiosos, præsertim qui in Ecclesiæ regimine, aut

animarum salute sacris Concionibus, doctrina, Sacramentorum administratione, Episcopis cooperantur; item in Sanctimonialibus, & Virgines sacras; in magistratus, & viros, aut feminas illustres, libellos famosos, scripta, carmina, vel cantica maledica componunt, edunt, aut spargunt. 10. Atrocius illorum crimen esse, qui ordinem universum, societatem, vel familiam, scriptis libellis, carminibus, canticis, tabellis, vel imaginibus famosis dedecorant, diffamant, in contemptum, & ludibrium adducunt, quam qui privatas duntaxat personas. „ Peccata enim, „ quæ committuntur in proximum, sunt pensanda „ per se secundum nocumenta, quæ proximo inferuntur, quia ex hoc habent rationem culpæ „ (*inquit S. Thomas.*) Majus autem nocumentum inferunt proximo detractiones, & libelli famosi, quibus communitalis, aut ordinis alicujus fama proscinditur.

Detractiones, calumniæ, libelli famosi in Prælatos, Doctores, Concionatores, viros principes, graviora peccata sunt.

Quod vero libelli famosi, & calumniæ, atque detractiones in Prælatos, Doctores, Concionatores, viros principes, graviora peccata sint, ex Canonibus compertum est, can. *Deteriores*, causa 6. quæst. 1. „ „ Deteriores sunt, qui Doctorum vitam, moreque corrumpunt, his, qui substantias aliorum, prædique diripiunt. Ipsi enim ea, quæ extra nos, licet nostra sint, auferunt; nostri autem detractores, & morum corruptores nostrorum, sive qui adversus nos armantur, proprie nos ipsos diripiunt; & ideo juste infames sunt, & merito ab Ecclesia extorres fiunt „ „

Item ex *S. Gregorio*, Epist. 32. libri 12. scribente: „ „ A nullis vita Præfulum perturbari debet excessibus; quia valde indignum est, ut hi, qui Throni Dei vocantur, aliqua motione a Regibus, vel subditis turbentur. Quoniam si David Regum justissimus, in Saul quem constabat jam a Domino reprobatum esse manum mittere non præsumpsit; quanto magis cavendum est, ne manum detractionis, aut vituperationis, sive indiscretionis, aut dehonorationis, quidam

dam mittant in Unctum Domini, vel in prædicatores sanctæ Ecclesiæ? Quia eorum vexatio, sive detractio ad Christum pertinet, cujus vice in Ecclesia legatione funguntur. Unde summopere cavendum est omnibus Fidelibus, ne clanculum, aut publice Episcopum suum, id est, Unctum Domini, detractioibus, aut vituperationibus dilanient, perpendentes illud exemplum Mariæ; quia pro eo, quod Moyſi famulo Dei propter Æthiopissam detraxit immunditia lepræ mulctata sit. Et illud Psalmistæ: *Nolite tangere Christos meos, & in Prophetis meis nolite malignari.* Et in lege divinâ legitur: *Diis non detrabes, & populi tui principi non maledices.* Unde valde prævidendum subditis tam Clericis, quam laicis, ne Episcoporum, aut Præpositorum suorum vitam temere reprehendere audeant, si quid eos fortasse agere reprehensibiliter vident, ne unde mala redarguant, inde per elationis impulsus in profundiora mergantur „ „. *Lege & Pastoralis Cura* p. 111. Admonitionem sextam.

Num. 12.

Psalm. 104.

Exod. 23.

Idem Confirmatur ex Nicolai I. Epistola ad Michaellem Græcorum Imperatorem: „ „ Si Cham videns Patris verenda quia risit potius, quam (ut cæteri) cooperuit, maledictionem in filio percepisse legitur; quanto potius hi, qui verecundiam patris, non solum si quælibet fuit, minime cooperuerunt, sed & riserunt, falso ad subfannationem sui moris homines provocaverunt, atque quod est deterius, patenter contra ipsum de pharetra iniquitatis suæ sagittam judicii produxerunt? Non sic e contra filii sobrii, non sic, sed adversi operuerunt, Quod moraliter egregius Doctor Papa Gregorius interpretatus, ait; Aversari dicimur, quod reprobamus. Quid est ergo, quod filii verecunda patris subterjecto dorsi pallio, aversi venientes operiunt; nisi, quod bonis subditis sic Præpositorum suorum mala displicent, ut tamen hæc ab aliis occultent? Operimentum aversi deferunt, quia dijudicantes factum, & venerantes magisterium, nolunt videre, quod tegunt. Sed hæc dicentes, nolite æstimare nos cujuscumque proximorum nostrorum,

Genes. 9.

Exod. 2.

quæ sunt digna reprehensione, velle defendere; sed quod ita velim filios circa spiritalem Patrem, & discipulos erga magistrum devotos, ac sobrios esse, ut nulla penitus temeritate ad eorum vitam, ut non dicam dijudicandam, sed nec saltem tenuiter reprehendendam profiliant „ „. Idque rursus confirmat ex *S. Greg.* p. 111. *Pastoralis*, cap. 5 dicente: „ „ Facta Præpositorum oris gladio ferienda non sunt, etiam cum recte reprehendenda judicantur. Si quando vero contra eos, vel in minimis lingua labitur, necesse est, ut per afflictionem poenitentiae cor prematur, quatenus ad semetipsam redeat; & cum præpositæ potestati deliquerit, ejus contra se judicium, a quo sibi prælata est, perhorrescat. Nam cum in Præpositis delinquimus, ejus ordinationi, qui eos nobis prætulit, obviamus. Unde Moyses cum contra se, & Aaron conqueri populum cognovisset, ait: *Nos enim quid sumus? Nec contra nos est murmur vestrum sed contra Dominum* „ „.

Clericorum maledicentiam, præsertim in Sacerdotibus, coercuit Concil. Carthag. 6. can. 57. „ „ Clericus maledicus (*inquit*) maxime in Sacerdotibus, cogatur ad postulandam veniam; si noluerit, degradetur, nec unquam ad officium absque satisfactione revocetur „ „.

Eos, qui defunctorum Episcoporum famæ detrahunt, poenis mulctandos gravissimis decrevit Concil. Emeritense anno 666. canon. 17. „ „ Decernimus (*inquit*) ut nullus subjectus decedentem detrahat Episcopum, nullus de eo derogat, nec malum quidquam loquatur. Si quis talia deinceps facere præsumperit, si Presbyter fuerit, tribus mensibus ab Episcopo suo sub poenitentia relegatus maneat; si Diaconus, quinque; si Subdiaconus, aut Clericus, vel quilibet Religiosus de majori gradu (quia constat ex his jam aliquos per bonam actionem esse venerandos) novem. Si minimi fuerint, qui levi corde sint; minimæque adhuc personæ, quinquagenis flagellis jussione feriantur Episcopi. Quod

Quod si laicus, quamvis ingenuus, in domo Ecclesiæ tamen nutritus, & ab Ecclesiæ rebus dignitatis gratia præditus; juxta quod dignitas ejus exegerit, pro tali excessu excommunicationis sententia feriendus erit. Si vero de familia Ecclesiæ fuerit quisque, si major fuerit, qui dignitate polleat, sex mensibus Episcopo suo excommunicatus manebit; inferior tamen, aut minima persona disciplinam mereatur, juxta quod Episcopi sui procefferit sententia „ „.

Eos qui Principibus obloquuntur, excommunicatione plectendos Synodus Toletana 5. decrevit, can. 5. „ „ Sed & hoc (*inquit*) pro pestilentiosis hominum moribus salubri deliberatione censemus; ne quis in Principem maledicta congerat. Scriptum est enim a legislatore: *Principem populi tui ne maledixeris*: Quod si quis fecerit, excommunicatione ecclesiastica plectatur. Nam si *Maledici regnum Dei non possidebunt*, quanto magis talis ab Ecclesia necessario pellitur, qui divinæ violator sententiæ invenitur „ „?

Exod. 22.

1. Cor. 6.

Pœnas omnes tam temporales quam ecclesiasticas per sacras leges, & canonicas Sanctiones latas, & promulgatas in eos, qui famosos libellos, aut literas alicujus famæ, & honori detrahentes, *Vera etiam exprimendo*, scripserint, dictaverint, retinuerint, transmiserint; & non laceraverint, ignique tradiderint, innovavit, & confirmavit B. Pontifex Pius V. Const. 148. quæ incipit *Romani Pontificis providentia*.

Nec vero minus crimen esse putandum est, cum ab iis, quorum famam impetunt, petulantes libelli, versus, aut cantilenæ contemnuntur; ut sit plerumque a viris Principibus, illustribus, & magnanimis, Cujus moderationis exemplum præbuit *Justinianus Imperator*, L. *Si quis*, tit. *Si quis Imperatori maledixerit*, lib. 9. Codicis, cujus hæc sunt verba: „ „ Si quis molestiæ nescius, & pudoris ignarus, improbo, petulantique maledicto nomina nostra crediderit laceranda, ac temulentia turbulentus obtrectator temporum nostrorum fuerit, eum pœnæ nolumus sub-

jugari, neque durum aliquid, nec asperum volumus sustinere; quoniam si id ex levitate processerit, continendum est; si ex insania, miseratione dignissimum; si ab injuria, remittendum „ „ Quod tamen semper non expedit, ne impunitate crescat petulantium, & maledicorum hominum improbitas, & impudentia.

REGULA XXIII.

Nulla est capitalior obrectatio, quam eorum, qui catholicæ doctrinæ, ejusque prædicatoribus obrectant.

Hanc Regulam tradit Concilii Tridentini Catechismus p. III. cap. 9. §. 9. additque, in simili culpa esse, qui malarum doctrinarum, & errorum magistros extollunt laudibus.

REGULA XXIV.

Lethalis peccati rei sunt, qui alios ad detrahendum incitant; aut gravem obrectationem lubenter, & cum voluptate audiunt; vel non corripiunt detrahentem, cum ad id tenentur ex officio; aut grave periculum ex detractioe consequens avertere possunt; aut cum metu boni cujuscumque temporalis amittendi abstinere a correptione detractoris, quam exercere tenentur, & possunt.

Hanc morum Regulam Apostoli sententia confirmat, ad Rom. c. I. scribentis de gravibus illis peccatis, quorum unum est detractio: *Qui talia agunt, digni sunt morte; & non solum qui ea faciunt, sed etiam qui consentiunt facientibus.* Id autem dupliciter contingere, S. Thomas observat, 2. 2. qu. 73. art. 4. directe scilicet, quando quis inducit alium ad peccatum, vel ei placet peccatum; indirecte, quando non resistit; cum resistere possit. Et hoc contingit quandoque, non quia peccatum placeat; sed propter humanum timorem. *Igitur „ „ Si aliquis detractioes audiat absque resistantia (inquit Doctor*

angel.

angelicus) videtur detractori consentire; unde fit particeps peccati ejus. Et, si quidem inducat eum ad detrahendum, vel saltem placeat ei detractio propter odium ejus, cui detrahitur, non minus peccat quam detrahens, & quandoque magis „„. Unde *S. Bernardus*, lib. 11. *De Consideratione*, cap. 13. ait: „ De-
 „ trahere, aut detrahentem audire, quid horum dam-
 „ nabilius sit, non facile dixerim „. Hinc *S. Hieronymus* Epist. 11. sic *Nepotianum* suum alloquitur:
 „ „ Cave, ne aut linguam, aut aures habeas prurien-
 „ tes, id est, ne aut ipse aliis detrahas, aut alios au-
 „ dias detrahentes. *Sedens* (inquit) *adversus fratrem* Psalm. 40
tuum loquebaris, & *adversum filium matris tue pone-*
bas scandalum; *hac fecisti*, & *sacui*; *existimasti ini-*
que, quod ero tui similis; *arguam te*, & *statuam con-*
tra faciem tuam. Parce a detractioe linguæ. Custodi
 sermones tuos; & scito, quia per cuncta, quæ de
 aliis loqueris, tuâ conscientia judicaris; & in his ipso
 prehenderis, quæ in aliis arguebas. Neque vero
 illa iusta est exculatio. Referentibus aliis injuriam
 facere non possum; nemo invite audita libenter re-
 fert. Sagitta in lapidem nunquam figitur, interdum
 resiliens percutit dirigentem. Discat detractor, dum
 te videt non libenter audire, non facile detrahere.
 Cum detractoribus, ait Salomon, ne miscearis; quo-
 niam repente veniet perditio eorum; & ruinam ut-
 riusque quis novit? Tam videlicet ejus, qui detrahit,
 quam illius, qui accommodat aurem detrahenti „„.

Idem, sive *S. Paulinus* in Epist. ad *Celantiam*, de
 Institutione matris-familias: „ „ Non modo (inquit)
 ipsa non detrahas sed ne alii quidem detrahenti ali-
 quando credas. Nec obrectatoribus auctoritatem de
 consensu tribuas, ne eorum vitium nutrias annuen-
 do *Noti*, inquit Scriptura *consentaneus esse cum de-*
rogantibus adversus proximum tuum, & *non accipies*
super illum peccatum. Et alibi: *Sepi aures tuas spinis*, Eccli. 29.
 & *noli audire linguam nequam*. Unde & *B. David* di- Item 19.
 versas innocentiae species, justitiæque dinumerans,
 et hac quoque virtute non tacuit, dicendo: *Et op-*
pro-

Pſalm. 14. *probrum non accipiat adversus proximos suos; Propterea quod ipse non solum adversatur, sed etiam persequitur detrahentem.* Ait enim; *Detrahentem jecro- to proximo suo, hunc persequabar.* Est sane hoc vitium, quod vel imprimis extingui debeat, & ab eis, qui se sancte instituere volunt, prorsus excludi. Nihil enim tam inquietat animum, nihil est, quod ita nobilem mentem, & levem faciat, quam facile totum credere, & obrectatorum verba temerario mentis assensu sequi. Hinc enim crebræ dissensiones, hinc odia injusta nascuntur. Hoc est, quod sæpe de amicissimis etiam inimicos facit, dum concordēs quidem, sed credulas animas maliloqua lingua dissociat. At contra, magna quies animi, magnaque est morum gravitas, non temere de quoquam linitri quid audire. Beatusque est, qui ita se contra hoc vitium armavit, ut apud eum detrahere nemo audeat. Quod si hæc in nobis esset diligentia, ne passim obrectatoribus crederemus, jam omnes detrahere timerent, ne non tam alios, quam seipsos, viles detrahendo facerent. Sed hoc ideo malum celebre est, idcirco multis fervet hoc vitium, quia pene ab omnibus libenter auditur „„.

Hinc *Paulinus* alter, *Forojulienſis* Episcopus, lib. *De ſalutaribus Documentis*, sub *S. Augustini* nomine olim edito, cap. 26. „ Detrahentis (*inquit*) & audientis, utriusque elca mortis est animæ detractio. „ Et ut brevius concludam, detractor & libens auditor diabolus portat in lingua „.

Casus quibus lethali-
liter pec-
cant, qui
detrahentes
non corripiunt.

Quod vero lethalis interdum peccati sit reus, qui detrahentem non corripit, aut repellit, docet *S. Iuſtus* loco supra citato, & tres casus assignat, in quibus hæc omiſſio mortale peccatum est.

Primus est, cum *alicui ex officio incumbit detrahentem corrigere*. Sic Superiores, nempe Episcopi, Patrochi, patres & matresfamilias, domini, & dominæ, Magistratus, & quicumque aliqua auctoritate polleant, subditos suos alienæ tamæ coram se detrahentes cor-

corripere tenentur ex officio justitiæ, & charitatis; cui si defint, lethaliter peccant.

Casus alter est, cum ille, qui detractionem audit: *Aliquod periculum consequens*, seu grave damnum vel detractori, vel illi, cujus fama proscinditur, vel utriusque ex detractione imminere prospicit. Cum enim proximum quisque diligere debeat sicut seipsum, illius etiam bono seu spirituali, seu temporali, quoad ejus est, consulere debet, & mala ipsi imminencia pro sua virili avertere; alioquin peccat contra charitatem, & quidem lethaliter. Sicut ergo nemo a peccato mortali excusatur, si videat sicarium vitæ proximi insidiantem, aut furem bona ejus diripientem, nec prohibet, cum potest; ita non excusatur a peccato lethali, qui hominem maledicum audit alterius famæ graviter detrahentem, nec ipsum repellit, aut corripit, cum potest prohibere, & avertere periculum inde consequens.

Tertius casus, quo lethaliter peccat, qui detrahentem audit, nec corripit, est, cum timore mundano, id est, metu amittendi boni cujuspiam temporalis, v. gr. amicitiae, favorisve detrahentis, aut ne vir morosus habeatur, a præcepto correptionis fraternæ, seu a reprehensione obrectatoris abstinet. Tunc, inquam, lethale peccatum est *propter radicem, quia timor humanus quandoque potest esse peccatum mortale* (inquit *S. Thomas*) Timor enim mundanus semper malus est, sicut & *Amor mundanus, quo aliquis quando innititur tanquam fini. Timor autem ex amore nascitur*, secundum illud *S. August.* lib. Quæstionum octaginta trium, quæstione octogesima tertia: „Nul-
li dubium est, non esse aliam metuendi causam, nisi ne id, quod amamus, aut adeptum amittamus, aut non adipiscamur speratum „ Cum itaque timor mundanus sit, *Qui procedit ab amore mundano tanquam a mala radice*, semper malus est. Et „ Si aliquis propter timorem, quo refugit periculum mortis, vel quandoque aliud temporale malum, sic dispositus est ut faciat aliquid prohibitum, vel prætermittat

tat aliquid, quod est præceptum in lege divina, talis timor est peccatum mortale „„ Verba sunt angelici Doctoris, 2. 2. qu. 19. art. 3. & qu. 125. art. 3. „„ Non tamen semper aliquis resistere debet detractori arguendo eum de falsitate, maxime si sciat verum esse, quod dicitur, juxta illud Eccl. 4. *Non contradicas verbo veritatis ullo modo; Sed debet eum verbis redarguere de hoc, quod peccat fratri detrahendo; vel saltem ostendere, quod ei detractio displiceat per tristitiam faciei; quia, ut dicitur Prov. 25. *Ventus Aquilo dissipat pluvias, & facies tristis linguam detrahentem* „„ Ita docet S. Thomas, 2. 2. qu. 73. art. 4. in responsione ad secundum. Locum illum Proverbiorum spectat S. Hieronymus, Epistola ad Rusticum scribens: „„ Detractor cum tristem viderit faciem audientis (imo ne audientis quidem) sed obturantis aures, ne audiat iudicium sanguinis, illico conticescit, pallet vultus, hærent labia, saliva siccatur „„*

R E G U L A XXV.

Qui detrahentem sic audit, ut ei penitus displiceat detractio, & tamen ipsum non corripit, extra tres casus in superiori Regula expositos, venialis tantum peccati plerumque reus est.

Hanc Regulam eruo ex S. Thoma, quæst. & artic. mox citatis. „„ Si vero (*inquit*) non placeat ei peccatum, sed ex timore, vel negligentia, vel etiam verecundia quadam, omittat repellere detrahentem, peccat quidem, sed multo minus quam detrahens; & plerumque venialiter „„ Imo nullum quandoque peccatum committit, nempe si detractor sit persona superior, vel si nulla sit spes fructus, imo timor probabilis detrahentem potius inflammandi, quam sedandi.

R E G U L A XXVI.

Christianus homo alienæ famæ detrahentes impatientius ferre debet, quam suæ.

Hanc morum Regulam tradit S. Thomas ibidem. in responsione ad primum. „„ Possunt (*inquit*)

quit) ad notitiam alicujus detractioes contra ipsum factæ, aliorum relationibus pervenire. Et tunc sui arbitrii est, detrimentum suæ famæ pati, nisi hoc vergat in periculum aliorum. Et ideo in hoc potest commendari ejus patientia, quod patienter proprias detractioes sustineat. Non est autem sui arbitrii, quod patiatur detrimentum famæ alterius; & ideo in culpam ei vertitur, si non resistit, cum possit resistere, eadem ratione, qua tenetur aliquis sublevare asinum alterius jacentem sub onere, ut præcipitur Deut. 22. „. Nec refert, quod detractio interdum cedat in eorum utilitatem, quibus detrahitur. Si quæ enim utilitas ex detractioe provenit; „. Non est ex intentione detrahentis, sed ex Dei ordinatione, qui ex quolibet malo elicit bonum. Et ideo nihilominus est detractoribus resistendum; sicut & raptoribus, vel oppressoribus aliorum, quamvis ex hoc oppressis, vel spoliatis meritum crescat „. (*inquit S. Thomas ibidem, in responsione ad 3.*) Præterea detractio gravissima tentatio est respectu illius, cujus fama violatur. Unde *S. August.* Epistola 78. alias 137. ait: „. Quem diabolus non potest devorare seductum ad nequitiam, famam ipsius inquinare conatur, ut, si fieri potest, opprobriis hominum, & malarum linguarum detractioe deficiat, & sic in ejus fauces ruat „. Quamobrem & ei, qui detrahit, & ei, cujus famæ detrahitur, subvenire debet christianus homo resistendo detractori, quantum potest.

R E G U L A XXVII.

Detractionem detractioe elidere, calumniam calumnia repellere nunquam licet; nec ablique lethali peccato fieri potest.

Id enim Christi præcepto directe adversatur, præcepto charitatis, præcepto christianæ justitiæ. Matth. 5. *Ego autem dico vobis, non resistere malo... Diligite inimicos vestros, benefacite his, qui oderunt vos,*

vos, & orate pro persequentibus, & calumniantibus vos. Et Lucæ 6. Benedicite maledicentibus vobis, & orate pro calumniantibus vos. Et ad Rom. 12. Benedicite persequentibus vos; benedicite, & nolite maledicere. Et 1. ad Cor. 4. Maledicimur, & benedicimus. . . Blasphemamur, & obsecramus. Et 1. Petri cap. 3. Non reddentes malum pro malo, nec maledictum pro maledicto, sed e contrario benedicentes; quia in hoc vocati estis, ut benedictionem hereditate possideatis. Qui enim vult vitam diligere, & dies videre bonos, coercet linguam suam a malo, & labia ejus ne loquantur dolum. Declinet a malo & faciat bonum; inquiret pacem, & sequatur eam. . . Præterea, qui detractio- nem detractio- ne elidere, calumniam calumnia re- pellere conatur, christianæ mansuetudinis, & patientiæ traditum a Christo præceptum parvipen- dit, & violare non veretur: *Discite a me* (inquit) *quia mitis sum, & humilis corde.* Præceptorem opti- mum, & Salvatorem imitari refugit: *Qui cum male- diceretur, non maledicebat.* Evangelica Beatitude se pri- vat, eamque contemnit: *Beati estis* (inquit Christus) *cum maledixerint vobis, & persecuti vos fuerint, & dixerint om- ne malum adversum vos mentientes, propter me; gaudete, & exultate quoniam merces vestra copiosa est in cælis.* Quod & S. Petrus Epist. 1. cap. 3. inculcat: *Sed & si quid* (inquit) *patimini propter justitiam, beati. Domi- num autem Christum sanctificare in cordibus vestris. . . Conscientiam habentes bonam; ut in eo, quod detrahunt vobis, confundantur, qui calumniantur vestram bonam in Christo conversationem. Melius est enim benefacientes (si voluntas Dei velit) pati, quam malefacientes.* Hinc S. Gregorius, Homil. 9. in Ezechielem, ait: „ „ Lin- guas detrahentium sicut nostro studio non debemus excitare, ne ipsi pereant, ita per suam malitiam exci- tatas debemus æquanimiter tolerare, ut nobis meri- tum crescat; aliquando autem etiam compescere, ne- dum de nobis mala diffeminant, eorum, qui audire nos ad bona poterant, corda innocentium corrumpant „ „ Sed compescendos monet, non mutua de-

tra-

tractione, & calumnia, imo potius ostensione bonorum, & virtutum, quas a Deo acceperunt, & convictione calumniæ; ita tamen, ut privatæ gloriæ amore id minime faciant, sed in proximorum utilitatem, & quadam necessitate compulsi. Sicut Apostolus cum virtutes suas Corinthiis enumerasset, adjuxit: *Falsus sum insipiens, vos me coegistis.* Justi itaque sicut sine arrogantia loquuntur aliquando bona, quæ agunt, ita „ „ sine zelo privatæ gloriæ detrahentium sibi linguas redarguunt, quia noxia loquuntur. Cum vero linguæ derogantium corrigi nequeunt, æquanimiter sunt per omnia tolerandæ. Nec obrectationis sermo timendus est, ne dum vituperatio perversorum metuitur, recti operis via defratur „ „.

2. Cor. 12.

Quamobrem ab *Innocentio XI.* Pontifice maximo, die 2. Martii anni 1679. inter alias Propositiones hæc ad minus tanquam scandalosæ, & in praxi perniciosæ damnatæ sunt; quæ a celeberrimis Academiis, & plerisque Galliarum Episcopis censorio stigmate antea inustæ fuerant. Propositiones damnatæ.

43. „ Quidni nonnisi veniale sit detrahentis auctoritatem magnam sibi noxiam falso crimine elidere „ ?

44. „ „ Probabile est non peccare mortaliter, qui imponit falsum crimen alicui, ut suam justitiam, & honorem defendat. Et si hoc non sit probabile, vix ulla erit opinio probabilis in Theologia „ „.

Cleri etiam gallicani anno 1700. in Comitibus generalibus congregati judicio : „ „ Hujus Propositionis doctrina falsa est, temeraria, scandalosa, erronea, spatiosam calumniatoribus, & impostoribus portam aperit, & clare detegit, quam nefaria placita probabilitatis nomine inducantur „ „.

R E G U L A XXVIII.

Quisquis falsum crimen imposuit alteri, aut verum ejus crimen injuste, & contra debitum ordinem prodidit, famam ejus restituere tenetur, quo melior

Tem, VII.

U

lior

liori modo fieri potest. Si autem restituere non possit, famæ damnum exhibitione honoris, commendatione virtutis, aut alio congruo modo, secundum viri prudentis arbitrium compensare. Nisi vero ad id præstandum sit paratus, absolvi sacramentaliter non debet.

Match. 7.
12.

In jure naturali fundata est hæc morum regula: *Quod vultis, ut faciant vobis homines, & vos facite illis.* Famam porro injuste ademptam nobis restitui volumus; igitur & famam alienam debemus restituere, si calumnia, aut detractioe gravi fuerimus ipsam deprædati. „ Si res aliena, propter quam peccatum est, cum reddi possit, non redditur, non agitur poenitentia, sed fingitur; si autem veraciter agitur, non remittetur peccatum, nisi restituatur ablatum; sed ut dixi, cum restitui potest „ (inquit *S. August.* Epist. 153. alias 54. *Ad Macedonium.*) Quod si fortunæ bona omnino necessarium est restitui ab eo, qui injuste abstulit; idem asserendum est de restitutione famæ injuste ablata, cum bonum sit longe pretiosius, juxta illud: *Melius est nomen bonum, quam divitiæ multæ.* Tam necessariae restitutionis exemplum dedit *Megalius* Calamentis Episcopus, Numidiæ Primas, qui *S. August.* a *Valerio*. Hipponensi Episcopo Coadjutorem postulatum ordinare noluerat, effutens, & scribens, ab ipso *Augustino* amatoria maleficia data mulieri, marito non solum conscio, sed & favente. Cujus calumniæ poenitens *Megalius*, a Concil. Numidiæ veniam petiit, & obtinuit, ut *S. August.* refert, lib. 3. *Contra literas Petiliani*, cap. 16. & lib. 3. *Contra Cresconium*, cap. 80.

Prov. 22.

Hanc Regulam confirmat *S. Thomas*, 2. 2. qu. 62. art. 2. „ Restitutio (inquit) est actus justitiæ commutativæ, quæ in quadam æqualitate consistit. Et ideo restituere importat redditionem illius rei, quæ injuste ablata est. Cum ergo conservare justitiam sit de necessitate salutis, consequens est quod restituere id, quod injuste ablatum est alicui, sit de necessitate salutis „ „

Et

Et in responsione ad 2. „ Aliquis (*inquit*) potest alicui famam tripliciter auferte. Uno modo verum dicendo, & iuste, puta, cum aliquis crimen alterius prodit ordine debito servato, & tunc non tenetur ad restitutionem famæ. Alio modo falsum dicendo, & iniuste, & tunc tenetur restituere famam, confitendo se falsum dixisse. Tertio modo, verum dicendo, sed iniuste, puta, cum aliquis prodit crimen alterius contra ordinem debitum; & tunc tenetur ad restitutionem famæ, quantum potest, sine mendacio tamen; utpote quod dicat se male dixisse, vel quod iniuste eum diffamaverit. Vel si non possit famam restituere, debet ei aliter recompensare „ „

Calumniatorem, seu detractorem, qui falsum crimen alteri imposuit. apud omnes, qui calumniam, seu detractionem audiverunt, eique crediderunt, seu ad quos falsus, & improbus de proximo rumor eo pervenit auctore, palinodiam recantare debere, asserere se fuisse mentitum, vel deceptum; adhibitis, si necesse fuerit, testibus, præstato etiam juramento id confirmare; æquale famæ propriæ detrimentum pati, si resarciri aliter non possit aliena, quia in pari periculo potior est conditio innocentis quam nocentis; Theologi censent eum, qui crimen occultum alterius contra juris ordinem evulgavit, errorem pariter suum, atque injustitiam fateri debere coram omnibus apud quos proximi famam pessumdedit, aut extenuavit; si crimen nihilominus verum esse credant, quia detractor non contestatur se falsum dixisse, teneri ad famam resarciendam exhibitione honoris, commendatione virtutum, familiaritate quadam cum eo, cujus famæ derogavit, Theologi pari consensu docent. Si sit impossibilis restitutio famæ alienæ, quam aliquis iniuste violavit, aut fieri non possit sine jactura famæ propriæ longe præstantioris, verbi gratia, si calumniator, aut detractor sit persona valde celebris, & Ecclesiæ, vel reipublicæ necessaria; quæ autem læsa fuit, sit valde obscura, minimeque necessaria; tunc locum esse ajunt

compensationi, satisque fore, si persona læsa laudetur in eo genere, in quo ejus famæ derogatum est, aut ejus infamia pecunia, vel beneficiis compensetur; aut remissio restitutionis ab ea muneribus, & gratiis impetretur. Quod *S. Thomæ* verbis confirmant loco supra citato, in responsione ad primum. „„ Quando (*inquit*) id, quod est ablatum, non est restituibile per aliquid æquale, debet fieri recompensatio, qualis possibilis est; puta, cum aliquis alicui abstulit membrum, debet ei recompensare, vel in pecunia, vel aliquo honore, considerata conditione utriusque personæ, secundum arbitrium boni viri „„

Quam necessaria, & quam difficilis alienæ famæ, restitutiono.

Quam necessaria sit, simul & quam difficilis hac in materia restitutio, diserte explicat venerabilis *Gerfonius*, in responsione ad quæstiones 4. qu. 1. „„ Nonnunquam (*inquit*) facilius satisfacit pro homicidio corporali, & furto, quam hujusmodi homicidio, & furto spirituali; scilicet detractione; quia in illis quantitas damni æstimari potest, & sic correspondens emenda sublequi; in istis autem nequit; cum non satis constare possit, in quot hominum cordibus mediate, & immediate detrahens bonam opinionem, & famam ejus, cui detraxit, occiderit, atque furtive bonum famæ (quod inter omnia alia corporalia, & hujus vitæ bona multum est pretiosum) subtraxerit; unde & difficulter satisfacere ipsi læso potest. Cum tamen, juxta *B. Augustinum*, peccatum non dimittatur, nisi ablatum restituatur. Quomodo autem restituet, cum ignoret quantum debet „„?

Denique Concilii Tridentini Catechismus, p. 3. cap. 9. §. 19. idem docet: „„ Peccatum (*inquit*) quod inferendo falso crimine, aut proximi famæ, aut existimationi obrectando, commissum sit, non remittatur, nisi calumniator ei, quem criminatus fuerit, satisfaciat injuriam; id autem difficile fiat ab hominibus, primo, ut antea monuimus, pudore, & inani quadam dignitatis opinione deterritis; qui in eo peccato sit, hunc addictum esse æternis inferorum

rum poenis, dubitare non possumus. Neque enim quisquam speret, se calumniarum, vel obreſtationis veniam conſequi poſſe, niſi prius ei ſatiſfaciat, de cujus dignitate, & fama, aut publice in iudicio, aut etiam in privatis, & familiaribus congreſſibus aliquid detraxerit „ „.

R E G U L A XXIX.

Ab alienæ famæ reſtitutione calumniator, ſeu detractor exculatur, qui abſque vitæ periculo reſtituere illam non poteſt; niſi calumnia ſua alterum in vitæ periculum adduxerit, ex quo aliter eripi non valeat.

Convenit enim inter Theologos, bona inferioris ordinis ab illo, qui iniuſte abſtulit, vel retinet, non eſſe reſtituenda cum jactura bonorum ſuperioris ordinis. At exceptionem addunt: Si enim homicidium, aut aliud crimen capitale, quis impoſuerit alteri, propter quod ille comprehenſus, & in carcerem conſectus, mox torquendus eſt, & capitali ſupplicio plectendus, conſteſtari debet apud iudicem ſe falſo accuſaſſe, aut falſum teſtimonium dixiſſe, & ſe periculo vitæ exponere, ſi liberari aliter non poſſit ille, quem calumnia ſua, vel falſo teſtimonio in extremum illud vitæ periculum conſecit. Alioquin auctor eſſet necis innocenti inferendæ. Sed tamen aliæ viæ tentandæ ſunt, quas prudentia chriſtiana Confeſſario ſuggeret, antequam calumniatorem ad crimen ſuum prodendum, & ad famam alterius cum vitæ periculo reſtituendam obliget, & compellat. Adire poteſt iudicem, apud ipſum conſteſtari, certe ſe ſcire, ſed ea via, quam lex naturalis, & divina arcanam eſſe, ac ſemper manere jubeant, hunc hominem N. talis criminis falſo accuſatum, & calumnia oppreſſum, innocentem eſſe; ipſum proinde obſecrare in Dei nomine, cujus miniſter eſt, ut modis omnibus ipſum liberare conetur, caveatque, ne damnetur innocens, inſons, cujus ſanguinem de manu illius Deus requireret. Si tantæ non ſit auctoritatis

Confessarius, ut speret judicem contestationis, atque obsecrationis suæ rationem habiturum, poenitentem calumniatorem mittat ad Episcopum, cui, ut Patri, & pastori conscientiae suæ arcanum, & extremas angustias aperiat. Episcopus vero suam apud judicem auctoritatem, & commendationem interponet, ne damnet hominem, quem certo scit reum non esse, quamvis ejus innocentiam juridicis, & forensibus mediis probare non possit, quia id fieri non potest salva, & inviolata religione arcani, quod Deus revelari vetat. Persuadeat interim calumniatori poenitenti, ut quidquid ex parte sua conferre potest ad liberationem innocentis, illud conferat. Idem esto judicium de illo, qui calumniis suis fax belli, aut seditionis inventor extitit, ex quibus multorum cædes probabiliter timentur; debet (inquam) ille calumniator significare, seu fateri Principi, qui bellum movet, hujusmodi calumniis excitatus, vel seditiosis, aut conjuratis, se falsum dixisse, totisque studiis, & viribus enti ad abolendam infamiam, aut rumores dissipandos, qui bello, vel seditioni occasionem dederunt; & vitæ periculum etiam subire, si publicum malum, cujus ille causa est, aliter avertere non possit.

Quid vero facti opus, si auctor criminis, cujus in suspensionem venit innocens mox torquendus, & morti addicendus, hoc ipsi crimen non affinxerit, sed usus sit occasione data, ut crimen præcogitatum patraret, cujus in suspensionem alterum sciret adducendum? Verbi gratia, Petrus, & Jacobus inter se rixantur publice; multis coram testibus, gravissimis convitiis, & contumeliis se mutuo impetunt; alter forte pugnis, & calcibus alterum aggreditur, & lædit. Qui gravius læsus est, alteri palam comminatur, aitque; non ante dies crastina præteribit, quam te poeniteat. Rixæ hujus testis *Martinus*, veteres cum Petro aggressore inimicitias gerens, odiumque dissimulans, & ultionis occasionem quærens opportunam, illius horreum, vel domum clam incendit, aut illum occidit, certus Jacobum, quia a Petro læsus

sus est, ipsique minas atroces palam intentavit, in suspicionem incendiū, vel cædis adducendum, seque ab omni suspicionē, ac poena immunem fore. Scelus revera: quod meditatus est, *Martinus* exequitur; publicus rumor, indicia vehementia, testes rixæ, ac minarum, quas Petro Jacobus intentavit, judicem cogunt, ut Jacobum velut reum in carcerem mitti decernat; ipsum habita quæstione tormentis subjiciet, cogentibus indiciis, testibusque malæ voluntatis, quam verbis minacibus significavit, capite damnabit. *Martinus* incendiū, vel homicidii verus auctor, considerans innocentem sua culpa mox periturum, horrore sceleris, stimulis conscientiæ, divini judicii metu perculsus, Confessarium adit, ad ejus pedes advolutus, crimen confitetur, se domum, vel horreum incendiisse, aut cædem perpetrasse, cujus in suspicionem venit, aut falso accusatus est Jacobus, & propter quam, innocens licet, mox damnandus est. Quid, inquam facto opus hoc in casu? Teneturne seipsum prodere *Martinus*, seque periculo capitis exponere, ut *Jacobum*, criminis, cujus ipse auctor est, falso accusatum liberet?

Respondetur, non teneri, neque ad id compelli a Confessario debere. si prodere seipsum non possit absque certo, vel probabili periculo mortis; quia ipse non est causa infamiæ, vel periculi, in quibus veretur innocens. Imprudentiæ suæ, rixæ, minis, infelicitati, periculum suum *Jacobus* tribuat, non *Martino*, qui ea quidem occasione usus est, ut inimicum ulcisceretur, sed non eo animo, ut *Jacobum* in periculum conjiceret. id quod non minus incurrisset, si quis alter penitus ignarus rixæ Jacobi cum Petro, ac minarum, quas Petro Jacobus intentavit, Petrum occidisset, vel ejus horreum, aut domum incendiisset. Hoc igitur in casu prudens Confessarius, vel Episcopus, cujus in sinu arcanum illud conscientiae depositum fuerit, apud judicem agent eo modo, quem superius indicavi, ut innocentem liberet; *Martino* vero persuadebunt, ut damna Petro

illata ipsi, vel ejus hæredibus resarciat, & compenset.

REGULA XXX.

Libellorum, carminum, seu canticorum famosorum auctores, & disseminatores, sive distributores, ad famæ restitutionem obligantur.

Debent scilicet aliis libellis, seu carminibus retractare, quæcunque falsa, contumeliosa, injuriosa in proximum scripserunt; illos celebrare, & ornare laudibus, quorum famam prosciderunt libellis, aut carminibus maledicis, seu satyris; libellos encomiasticos, seu carmina in laudem hujusmodi personarum edita, iisdem in locis affigere, exponere, disseminare, distribuere, pari numero, quo famosos libellos, aut carmina maledica distributa sunt; manuscripta, si libelli famosi, versusque maledici manuscripti fuerint; typis excusa, si typis editi in vulgus emissi sint. Id nisi sufficiat ad abolendam infamiam, quam proximo asperserunt, dare operam debent, quantum in ipsis est, ut curati, & concionatores hujusmodi libellorum improbitatem, aut falsitatem populo denuntient; nullam fidem ipsis adhibendam christianæ plebi significant; gravis peccati reos fore, qui male sentirent de personis illustribus, quorum famam proscindunt; libellorum hujusmodi auctores crimen suum agnoscere, & execrari, poenitentiae sensu commotos veniam precari; & secundum consilium, & arbitrium Sacerdotum, apud quos peccata sua deposuerunt, satisfacere velle. Tandem ab iis, quos læserunt, injuriæ condonationem humiliter petere debent. si periculum absit, & Sacerdotes, virosque pios intercessores adhibere, ut illam obtineant.

REGULA XXXI.

Qui uno genere peccati infamem alterius criminis aspergit infamia, restitutionis lege tenetur.

Qui enim unius, alteriusve peccati laborat infamia, non ideo jus amisit ad famam ex aliis vir-

virtutibus consecutam. Qui v. gr. concubinarium habetur, non propterea fama excidit integri judicis, hominis a re aliena manum temperantis, catholice fidei professoris, & cultoris. Si quis igitur ipsi injustitiæ, furti, hæreseos infamiam inurat, gravem certe illi infert injuriam, adeoque restitutionis lege tenetur. Sicut ergo, qui sua culpa facultatum suarum partem amittit, reliquis propterea spoliari non debet; neque qui ob crimen uno membro truncatus est, ideo cæteris membris debet mutilari; ita qui uno genere peccati infamis est, retinet jus ad famam virtutes aliis peccatis oppositas consecutam. Ita vulgo Theologi. Si tamen sint peccata connexa, qui unius peccati infamia juste notatum alteri peccato illud concomitanti, vel consequenti obnoxium dixerit, restitutionis lege non tenebitur, quia ex peccatis connexis una infamia resultat.

R E G U L A X X X I I .

Detractores ad restitutionem non tenentur, cum eorum detractio nullum vulnus alienæ famæ infligitur, cum scilicet ob notam eorum improbitatem, maledicendi libidine, levitatem eorum, apud quos detraxerunt, æquitatem, & pietatem eorum, quibus detrahere conati sunt, bene, ac firmiter stabilitam, omnibusque maledictis superiorem famam, fides hujusmodi detractoribus non est adhibita. A restitutionis obligatione pariter absolventur, cum infamia oblivione deleta, aut alio modo abolita est, fama quoque recuperata.

Cum enim restituere nihil aliud sit, quam iteratò aliquem statuere in possessionem, vel dominium rei suæ, ut æqualitas reparetur (inquit S. Thomas) non obligatur ad restitutionem, qui nullum damnum intulit, quamvis inferre voluerit, & conatus sit: si militer si rem suam recuperaverit proximus, obligatione restituendi solutus est; qui illam injuste eripuerat; siquidem cessavit damnum, & reparata est

U u s

æqua-

æqualitas justitiam constituens. Verumtamen si quos sumptus ad recuperandam famam proximus fecit, illos restituere tenetur detractor; & ratione infamiae, quam aliquandiu passus est, ipso auctore, tenetur aliquid restituere ad arbitrium viri prudentis, honoris, & reverentiae significatione, veniae petitione, virtutum commendatione. Tandem cum verisimile est oblivione deletam infamiam, aut dubium est, an criminis olim injuste vulgati memoria manserit, maxima prudentia dirigendum, ac gerendum est restitutionis negotium. Si enim compertum sit, illos, quibus occultum illius personae peccatum, v. gr. ingenuae puellae fornicationem olim revelavit obrectator, prava etiamnum opinione de illa imbutos esse, de illa velut de muliere impudica, vel parum honesta loqui, nullo fultis argumento, præter quam præjudiciis ex veteri detractatione conceptis, detractor ad restitutionem omnino tenetur, & ad pravam opinionem ex illorum animis, quoad ejus erit, delendam. Si vero compertum non habet, quid de illa puella, seu muliere sentiant, & an meminerint peccati, quod olim de illa narravit; non est necessarium, imo nec prudentiae legibus conveniens, ut ab ipsis petat, an recordentur, aut ea de re quovis modo cum ipsis loquatur, ne vulnus obductum aperiatur, & recrudescat; sed satis erit, si occasione data de illa persona honorifice loquatur, ejusque commendat honestatem.

R E G U L A XXXIII.

Justa compensatio detractorem excusat a restitutione famæ.

Cum enim duo detractores se mutuis maledictis, & obrectationibus æqualiter dilacerarunt, & par in utrumque redundavit infamia, jura illorum sunt paria; unde si unus alteri satisfacere, famamque ablatam restituere nolit, alter ad restitutionem non obligatur. Quamvis enim per infamiam Petro illatam

¶ Joanne non tollatur infamia, quam Petrus intulit Joanni, sicut in debitis pecuniariis unum extinguitur per aliud æquale; tollitur tamen obligatio refarciendi damnum famæ alteri allatum, si nolit aliud æquale, quod intulit, damnum refarcire. Sicut si Petrus Joannis domum, vel horreum incendit, & postea Joannes Petri domum, vel horreum, æqualis pretii, incendat, non reparatur quidem damnum, tollitur tamen debitum restitutionis, si prior incendiarius non restituat. Hæc morum regula confirmatur ex cap. *Tua Fratemitas*, quod est *Innocentii III. Extra, De Adulteriis*, cujus hæc sunt verba: *Cum paria crimina compensatione mutua deleantur, &c.* Sed compensationi non est locus, cum inæqualis est injuria; vel cum unus alteri damnum illatum vult refarcire; vel cum scandalum ex compensatione oriretur; vel cum mutuum damnum ab utraque parte nondum illatum est. Non licet enim ad compensationem habendam illum afficere contumelia, qui te contumelia prior affecit; vel illius famæ detrachere, qui tuæ prior detraxit, ut superius diximus.

R E G U L A XXXIV.

Justa compensatio non censetur, si quis famam ejus, cui detraxit, in alio genere augeat, aut cum eo familiariter conversetur.

Nam si quem dixisti fornicarium, concubinarium, ebrietati deditum, laudes autem a liberalitate in pauperes, a justitia, a mansuetudine, infamiam ipsi illatam non delebis, sed ei contingit, quod aliis frequenter accidit, ut homines bene de ipso loquantur; verumtamen cum adversativa particula *Sed*, dicendo. liberalis est in pauperes, justus, mansuetus; sed prohi dolor! fornicator est, concubinarium, ebrietati deditus.

Quod familiaritatem spectat cum eo cujus famæ derogatum est, censetur quidem, qui læsus est, remittere injuriam, si familiariter agat cum detractore; sed

sed non ideo remittere censetur obligationem restituendi famam, si nondum sit recuperata, nisi illud factis, aut verbis exprimat; sicut nec alius creditor debitum remittere censetur, si familiariter agat cum debitore.

REGULA XXXV.

Justa condonatio restitutionis detractorem absolvit ab obligatione restituendi.

Sicut enim is, cui condonatum est, ut per furtum ablata non restituat, obligatione restituendi solutus est; ita detractor, cui persona læsa obligationem restituendi remisit, lege restitutionis ligatus non manet. Potest autem privatus quisque famæ suæ restitutionem condonare justa de causa, præsertim ob bonum charitatis, & pacis, utque christianæ patientiæ meritum consequatur. Sed justa condonatio non est, si vergat in damnum aliorum, verbi gratia, si fama ejus sit aliis necessaria, qualis est fama Prælati, Concionatoris, Doctoris, Magistratus, Principis; qui munus suum recte gerere, & Ecclesiæ, vel rei publicæ, ut par est, prodesse non possunt, nisi sint integræ famæ. Nec etiam justa est condonatio propter eandem rationem, si condonantis infamia redundat in alios, qualis est religiosorum virorum, & Sanctimonialium infamia, quæ in monasterium, & ordinem redundat; infamia parentum, fratrum, & sororum, quæ redundat in filios, fratres, & sorores, ipsisque vel aditum ad officia, beneficia, honores, nuptias conditioni suæ convenientes intercludit; vel graviter suspectos reddit. Quamobrem hujusmodi condonatio detractorem non liberat ab onere restitutionis. Quamvis enim cedere quisque possit juri suo, cessione tamen sua jus aliorum evertere, aut prodesse non potest. Hinc *S. Thomas*, 2. 2. quæst. 73. art. 4. in responsione ad primum: „*Pos-*
sunt (inquit) ad notitiam alicujus detractiones con-
sra ipsam factæ aliorum relationibus pervenire. Et
tunc

De Peccatis capitalibus

611

tuns sui arbitrii est detrimentum suæ famæ pati, niu hoc vergat in periculum aliorum „ „ Cum vero alicujus infamia vergit in periculum aliorum, famam suam tueri, & detractores modis legitimis compellere tenetur; quod Apostoli in Epistolis suis, & SS. Patres editis apologiis fecerunt. Hinc *S. Gregorius* Hom. 9. in *Ezechielem* scribit: „ „ Hi, quorum vita in exemplum imitationis est posita, debent, si possunt, detrahentium sibi verba compescere, ne eorum prædicationem non audiant, qui audire poterant & in pravis moribus remanentes, bene vivere contempnant „ „

REGULA XXXVI.

Prælati, sive Superior, qui detractorem audit communitatis sibi commissæ, aut subditorum suorum famam dilacerantem; aut subditum suum alienæ famæ detrahentem, nec illos prohibet, ad restitutionem tenetur.

Famam enim communitatis non minus, imo potiori jure, quam bona temporalia conservare tenetur ex officio; adeoque & famam subditi, cujus infamia in communitatem redundat. Ipsi etiam incumbit ex officio curare bona subditorum, non solum spiritualia, sed & temporalia, quæ ad spiritualium conservationem, & profectum sunt necessaria, qualis est famæ laudabilis integritas. Tenetur etiam impedire, ne subditi sui aliis noceant, idque nisi prohibeat, cum potest, subditumque coerceat, & ad restitutionem compellat, ipse ad restitutionem tenetur; sicut prætor, qui raptorem, furem, incendiarium a damno aliis inferendo non prohibuit, aut illati damni reos non coercuit secundum leges, nec damnum refarciri curavit, quoad ejus erat, ad restitutionem obligatur. Prælatorum igitur maxime interest, detractores, & susurriones, qui sub pietatis specie, & honesto zelatorum pallio sæpe delitescunt, procul a se remove. Quos si lubenter audiant, foveant.

veantque, inextricabilibus laqueis se implicant. Aut sculent igitur divina illa præcepta: Prov. 4. *Remove a te os pravum, & detrahentia labia sint procul a te.* Prov. 29. *Princeps, qui libenter audit verba mendacii, omnes ministros habet impios.* Prudens illud S. Bernardi monitum lib. 4. *De Consideratione, ad Eugenium, cap. 6.* ad praxim revocet: „ „ Clandestinas, & susurratas delationes non recipias, magis detractiones censueris. Et hanc velim generalem tibi constituas regulam, ut omnem, qui palam veretur dicere, quod in aure locutus est, suspectum habeas. Quod si te judicante dicendum coram ille renuerit, delatorem judices, non accusatorem „ „

R E G U L A XXXVII.

Detractor non solum ad restitutionem famæ direptæ, vel extenuatæ, sed ad resarcienda omnia damna ex infamia secuta omnino tenetur.

Ea enim damna resarcire quisque tenetur, quorum vera causa fuit; detractor porro causa est damnorum omnium, quæ ex detractiōe consequuntur; ad ea itaque resarcienda tenetur. Hoc ratiocinium æquitate ipsa naturali, & cap. *Si culpa*, nititur, Ext. *De Injuriis, & damno dato*, quod est Greg. IX. „ „ Si culpa tua (*inquit*) datum est damnum, vel injuria irrogata, seu aliis irrogantibus opem forte tulisti, aut hæc imperitia tua sive negligentia evenerunt, jure super his satisfacere te oportet; nec ignorantia te excusat, si scire debuisti ex facto tuo injuriam veri similiter posse contingere, vel jacturam „ „

R E G U L A XXXVIII.

Hæredes verbis restituere non tenentur famam a detractore discerptam, asserendo, quod fuerit mentitus, vel falsum locutus.

Hæc enim obligatio personalis est, quæ ad hæredes non transit, ut vulgo censent Theologi.

R E.

REGULA XXXIX.

DetraCTORis hæredes tenentur refarcire damna ex infamia secuta.

Cum enim hæc obligatio sit realis, ad hæredes transit cum ipsa hæreditate, sicut & alia onera realia, & debita pecuniaria. Unde si detractor, nulla famæ injuste violatæ restitutione facta, moriatur, hæredes non solum ad alia damna ex infamia secuta, sed ad ipsius famæ damnum exhibitione honoris, laudibus, vel pecunia compensandum teneri, si refarciri aliter non possit, gravissimi Theologi censent. Si autem ille, cujus fama violata est, moriatur, restitutio facienda est hæredibus, qui in ejus jura succedunt, & quorum maxime interest, ut ejus fama & post mortem integra sit.

REGULA XL.

Detractor, qui alterius famam labefactando, vel extenuando, ipsum impedit ab ecclesiastici beneficii consecutione ad restitutionem tenetur, si jam collatum, aut destinatum erat illi beneficium; ad compensationem vero, si nondum collatum, aut destinatum erat.

Hæc morum Regula colligitur ex *S. Thoma*, 2. 2. qu. 62. art. 2. in responsione ad 4. „ Aliquis (*inquit*) potest impedire aliquem, ne habeat præbendam, multipliciter. Uno modo juste, puta, si intendens honorem Dei, vel utilitatem Ecclesiæ, procurat, quod detur alicui personæ digniori; & tunc nullo modo tenetur ad restitutionem, vel aliquam recompensationem faciendam. Alio modo injuste; puta, si intendat ejus nocumentum, quem impedit, propter odium, vel vindictam, aut aliquid hujusmodi; & tunc si impedit, ne præbenda detur digno, consulens quod non detur, antequam sit firmatum, quod ei detur; tenetur quidem ad aliquam recompensationem, pensatis conditionibus personarum, & negotii,

gotii, secundum arbitrium sapientis; non tamen tenetur ad æquale, quia illam nondum fuerat adeptus, & poterat multipliciter impediri. Si vero firmatum sit, quod alicui detur præbenda, & aliquis propter indebitam causam procuret, quod revocetur, idem est, ac si jam habitam ei auferret; & ideo tenetur ad restitutionem æqualis, tamen secundum suam facultatem „ „.

REGULA XLI.

Exultatio in adversis proximi, & afflictio in prosperis lethalia peccata sunt, cum ex invidiæ, vel odii fonte procedunt, & grave malum est proximi, de quo aliquis gaudet; & hi motus sunt deliberati.

Exultatio
in adversis
proximi.

Hæc enim peccata charitati opponuntur, cujus est *Gaudere cum gaudentibus, & flere cum flentibus*, ut ait Apostolus ad Romanos cap. 12. Nam *Pro invicem solliciti* debent esse membra, ut non sit schisma in corpore. Et si quid patitur unum membrum, compatiuntur omnia membra; siue gloriatur unum membrum, congaudent omnia membra. Vos autem estis corpus Christi, & membra de membro (inquit idem Apostolus, 1. ad Corinth. cap. 12.) Et 2. ad Corinth. cap. 11. *Quis infirmatur* (inquit) *& ego non infirmor? Quis scandalizatur, & ego non uror?* Hinc Job 31. dicitur: *Si gavisus sum ad ruinam ejus, qui me oderat, & exultavi, quod invenisset eum malum.* Et Prov. 17. *Qui in ruina latatur alterius, non erit impunitus.* Qua de re S. Gregorius, lib. 22. *Moralium*, cap. 6. ita scribit: „ „ Omnipotentis Dei nos esse discipulos, sola custodia charitatis probat. Hinc est enim, quod per semetipsam veritas dicit: *In hoc cognoscens omnes, quia mei discipuli estis, si dilectionem habueritis ad invicem.* Quæ nimirum dilectio, si cor nostrum veraciter replet, duobus modis ostendi solet; scilicet si & amicos in Deo, & inimicos diligimus propter Deum. Sed sciendum est, quia inimici dilectio tunc veraciter custoditur, cum nec de profectu addicimur, nec de ruina

Joan. 13.

illius lætatur. Nam sæpe in dilectionis imagine erga inimicum animus fallitur, seque hunc diligere æstimat, si ejus vitæ contrarius non existat. Sed dilectionis vim occulte, & veraciter, aut profectus inimici, aut casus interrogat. Hac etenim de re ad plenum semetipsam mens hominum nescit, nisi eum, quem sibi adversarium credit, in defectu, vel profectu, vel mutasse modum sui status invenerit. Si enim de prosperitate addicitur, & de calamitate se odientis lætatur; constat, quia non amat, quem non vult esse meliorem; eumque etiam stantem voto persequitur, quem cecidisse gratulatur „ „.

R E G U L A X L I I .

Quamvis de nostra, & proximorum ratione ab iis, qui nobis, aliisque nocent, vel nocere conantur, & de justitia Dei malos punientis legitimum sit, christianumque gaudium, nunquam tamen de inimicorum nostrorum calamitate, vel interitu gaudere licet.

Hanc morum regulam tradit *S. Gregorius*, lib. 22. *Moralium*, cap. 6. „ „ Necessarium est (*inquit*) subtilissimæ discretionis examen: ne cum nostra odia exequimur, fallamur sub specie utilitatis alienæ. Si enim de inimici morte gaudendum omnino non esset, Psalmista non diceret: *Lætabitur justus, cum viderit vindictam impiorum*. Sed aliud est impium, aliud vero inimicum perpeti. Nam sunt plerique inimici, qui non sunt impii; & sunt nonnulli impii, qui nobis specialiter non videntur inimici. Humana autem mens omnem, quem inimicum tolerat, etiam impium, & iniquum putat; quia ejus culpa apud cogitationem suam livor accusator exaggerat. Quibuslibet vero flagitiis prematur, minus iniquus creditur, si adversarius minime sentitur. Qua in re discernendum est, aliud esse, quod nobis, aliud vero quod sibi, & cæteris noster inimicus nocet. Nam si aliis bonus est, sine nostra forsitan culpa esse non potest.

Psalm, 57.

nobis malus ; nec omnino jam de ejus ruina gaudendum est , cujus nos solos certum est adversa tolerasse. Cum vero noster , ac multorum hostis perimitur , de ereptione proximorum potius , quam de inimici interitu necesse est , ut animus lætetur. Oportet namque , ut pereunte adversario , subtiliter pensare debeamus , & quod debemus ruinæ peccatoris . & quid justitiæ ferientis. Nam cum perversum quemque omnipotens percutit ; & condolendum est miseriæ pereuntis , & congaudendum justitiæ judicis ; ut nobis & in luctu sit poena morientis proximi & rursus in gaudium veniat exhibita æquitas judicantis Dei ; quatenus nec pereunti homini existemus adversarii , nec judicanti Deo inveniamur ingrati. Beatus igitur Job , quia cuncta in adversitate odia perfecte calcavit , dicens : *Si gavisus sum ad ruinam ejus , qui me ode-*
rat , & exultavi , quod invenisset eum malum : Qui videlicet & inimicum diligens , dum adversario ruenti condoluit , in malis illius ipse ad bonum crevit , ut inde iste ad benignitatem cresceret , unde illum mala , quæ merebatur , invenissent „ „

C A P U T VI.

De Gula.

A R T I C U L U S P R I M U S.

Quid , & quam grave sit peccatum.

Gula est inordinatus comedendi , vel bibendi appetitus , sive Immoderata in cibo , & potu delectatio. Lethale peccatum est , cum tanta est inordinatio , ut hominem a fine ultimo avertat. „ „ Quod quidem contingit , quando delectationi gulæ inhæret homo tanquam fini , propter quem Deum contemnit , paratus scilicet contra præcepta Dei agere , ut delectationes hujusmodi assequatur „ „ Alias veniale peccatum est , ut docet *S. Thomas* , 2. 2. qu. 168. art. 2. Vocatur etiam hoc vitium *Crapula* , vel *Ingluvies* , & *Gastrimargia* , quasi insanum ventris studium.

Ha-

Hujus gravitas peccati probatur inde, quod species quædam sit idololatriæ, cum homines gulæ dedicati ventri suo veluti Deo serviant, ut ait Apostolus ad Rom. 16. *Hujusmodi enim Christo Domino nostro non serviunt, sed suo ventri.* Et ad Philipp. 3. *Multi enim ambulant, quos sæpe dicebam vobis (nunc autem & flens dico) inimicos crucis Christi; quorum finis interitus, quorum Deus venter est.* Et Eccles. 19. dicitur: *Vinum, & mulieres apostatare faciunt sapientes.* Hinc Tertull. lib. *De Jejuniiis*, cap. 16. & 17. „ „ Ethnicus (*inquit*) idolo gulam suam maculat, tu Deo non vis. Deus enim tibi venter est, & pulmo templum, & aqualiculus altare, & sacerdos coquus, & sanctus Spiritus nidor, & condimenta charismata, & ructus Prophetia... Apud te agape in cacabis fervet, fides in culinis calet, spes in ferculis jacet „ „ Primum hominem de Paradiso voluptatis gula ejecit. Hinc Tertull. lib. *De Jejuniiis* cap. 3. ait: „ „ Acceperat Adam a Deo legem non gustandi de arbore agnitionis boni, & mali, moriturus, si gustasset. Verum facilius ventri, quam Deo cessit; pabulo potius quam præcepto annuit; salutem gula vendidit. Manducavit denique, & periit. Salvus alioquin, si vel uni arbusculæ jejunare maluisset... Teneo igitur a primordio homicidam gulam, &c „ „

Quam grave gulæ peccatum.

Mala ex gula profecta.

Hinc S. Basilus in Sermone *De Abdicatione rerum*, ait: „ „ Cave, ne te adversarius simili, atque primum parentem peccato circumveniat, & quamprimum de Paradiso deliciarum expellat. Nam qui callide escæ objectione ita malitiose illum spoliavit, nihil est, quod jam vereatur, ne te per hoc præsentissimum venenum inficiat „ „

Hinc S. Gregorius magnus, in *Pastorali* P. 3. Admonitione 20. ait: „ „ Hosti callido, qui primi hominis sensum in concupiscentia pomi aperuit, sed in peccati laqueo strinxit, divina voce dicitur: *Peccatore, & ventre repes*, ac si ei aperte diceret; cogitatione, & ingluvie super humana corda dominaberis „ „

Sed & ante illum *S. Ambrosius*, lib. *De Paradiso*, cap. 15. „„ Qui sunt (*inquit*) qui in utero suo ambulat, nisi qui ventri, & gulæ vivunt, quorum Deus venter est, & gloria in pudendis eorum, qui terrena sapiunt, & cibo onerati, ad terrena curvantur „„?

Eſau gulæ vitio primogeniti dignitatem, juraque vendidit, de quo Apostolus ad *Hebr.* 12. *Ne quis fornicator* (*inquit*) *aut profanus, ut Eſau; qui propter unam eſcam vendidit primitiva ſua; ſcitorum enim, quoniam & poſtea cupiens hæreditare benediſſionem, reprobatus eſt; non enim invenit pœnitentiæ locum, quamquam cum lacrymis inquiffet eam.* Vitio gulæ populus *Israel* iram Dei provocavit. Unde *Pſal.* 77. dicitur: *Adhuc eſcæ eorum erant in ore ipſorum, & ira Dei aſcendit ſuper eos. Et occidit pingues eorum, & electos Israel impedivit.*

Gula ſpiri-
tuale virtu-
tum ædifi-
cium a fun-
damenti
ſubvertit.

Sed & in verum *Israel* æterni judicis ultionem accendit. Unde *Chriſtus* *Luc.* 21. ait: *Attendite autem vobis, ne forte graventur corda veſtra in crapula, & ebrietate, & curis hujus vitæ, & ſuperveniat in vos repentina dies illa.* Gula ſpirituale ædificium virtutum a fundamentis ſubvertit, ut oſtendit *S. Gregorius magnus*, lib. 30. *Moralium*, cap. 13. „„ Cum (*inquit*) continenti viro contra innumera vitia multa virtutum certamina ſuppent, cur ſub exactoris clamore contemptu, de ſolo hic ventre dicitur, quod ejus impetum, impulſumque reſtringat, niſi quod nullus palmam ſpiritalis certaminis apprehendit, qui non in ſemetipſo prius per afflictam ventris concupiſcentiam carnis incentiva devicerit? Neque enim ad conflictum ſpiritalis agonis aſſurgitur, ſi non prius intra noſmetipſos hoſtis poſitus, gulæ videlicet appetitus edomatur; quia ſi non ea, quæ nobis ſunt viciniora, proſternimus, nimirum ad ea, quæ longius ſunt, impugnanda tranſimus. Incaſſum namque contra exteriores inimicos in campo bellum geritur, ſi intra ipſa urbis mœnia civis inſidians habetur. Mens quoque ipſa certantis ſub gravi con-
fu-

fusionis dedecore a spiritualis certaminis congressione repellitur, quando infirma in carnis prælio, gulæ gladiis confossa superatur. Nam cum se parvis prosterne conspicit, configere cum majoribus erubescit. Nonnulli vero ordinem certaminis ignorantes, edomare gulam negligunt, & jam ad spiritualia bella consurgunt. Qui aliquando multa etiam, quæ magnæ sunt fortitudinis, faciunt; sed dominante gulæ vitio per carnis illecebram omne, quod fortiter egerint, perdunt; & dum venter non restringitur, per carnis concupiscentiam simul cunctæ virtutes obruuntur. Unde & de Nabuchodonosor vincente scribitur: *Princeps cocorum destruxit muros Jerusalem*. Quid enim per muros Jerusalem significans Scriptura exprimit, nisi virtutes animæ, quæ ad pacis visionem tendit? Aut quis cocorum Princeps, nisi venter accipitur, cui diligentissima a coquentibus cura servitur? Muros igitur Jerusalem Princeps cocorum destruit, quia virtutes animæ, dum non restringitur, venter, perdit „ „

Nec vero spiritualia solum, sed & temporalia damna gravissima gulæ vitium infert, paupertatem imprimis, cum homines gulæ dediti, & ebriosi conviviis, comestationibus, & computationibus patrimonium suum exhauriunt, aut quidquid ex labore, & industria ipsis obvenit, obliguriunt, debita contrahunt, quibus solvendis non sunt, & familiam suam ad extremam adigunt egestatem. Hinc *Prov. 21.* dicitur: *Qui diligit epulas, in egestate erit; qui amat vinum, & pingua, non ditabitur.* Et *Eccl. 19.* *Operarius ebriosus non locupletabitur.* Valetudinem corporis gula profligat, hominem interimit, imo vivum sepelit. Hinc *Eccl. 37.* præceptum illud saluberrimum tradit Spiritus S. *Noli avidus esse in omni epulatione, & non te effundas super omnem escam; in multis enim escis erit infirmitas. . . Propter crapulam multi obierunt; qui autem abstinens est, adjiciet vitam.* Et *Prov. 23.* *Cui va? cujus patri va? cui rixa, cui fovea? cui sine causa vulnera? cui suffusio oculorum? Nonne his, qui commorantur*

Gula temporalia etiam damna gravissima infert.

in vino, & student calicibus epotandis? Ne intuearis vinum, quando flavescit, cum splenderit in vitro color ejus; ingreditur blande, sed in novissimo mordebis ut coluber, & sicut regulus venena diffundit. Oculi tui videbunt extranea, & cor tuum loquetur perversa. Et eris sicut dormiens in medio mari, & quasi sopitus gubernator amisso clavo; & dices: Verberaverunt, sed non dolui; Traxerunt me, & ego non sensi: Quando evigilabo, & rursus vina reperiam? Mala ex ebrietate consecuta dilerte describit S. Basilii Homilia in ebrietatem, in qua hæc habet inter alias: „ Ebrietas rationis interitus, roboris pernicies, senectus immatura, mors momentanea. Quid, quæro, sunt ebrii, quam gentium idola? Oculos habent, & non vident; aures habent, & non audiunt; manus paralyti affectas habent, pedes infirmos, atque emortuos, &c. „

S. Basilio concinit S. Ambrosi. De Eia, & jejuniis, cap. 14. „ Rogas (inquit) ad jucunditatem, cogis ad mortem; invitas ad prandium, efferre vis ad sepulchrum; cibos promittis, tormenta irrogas; vina prætendis, venena suffundis. Omne enim, quidquid nocet, venenum est. Tollit lenius, vitcera exurit, somnum infestat, caput vexat. Et jam major vis vini, quam veneni est. Denique venenum vino excluditur, non vinum veneno. Merito Deus per Moysen non solum veneno, sed etiam draconum veneno, vinum comparavit dicens: *tutor draconum vinum eorum, & ira aspidum insanabilis*: Et pulchre addidit, *insanabilis*; multi enim a reliquo serpentium veneno curantur, nemo ab ebrietate. Certe veneno caro vulneratur, mens sine noxa est; ebrietas ad corporis mortem, mentis etiam crimen adjungit „

Deut. 32.

ARTICULUS II.

De Gula speciebus.

Quinque
gulæ spe-
cies.

Quinque gulæ species a S. Thoma, cæterisque Theologis assignantur, isto versiculo expressæ: *Propterea, laute, nimis, ardentem, stultissime*. Quæ quidem

dem conditiones non sunt meræ circumstantiæ, sed diversa (ut loquuntur) *motiva*; seu rationes variæ, quibus cibi potusque concupiscentia inordinata movetur, & excitatur. In eîu namque duo spectari possunt scilicet ipse cibus, qui comeditur, & ejus comestio. Potest ergo inordinatio concupiscentiæ attendi dupliciter. Uno quidem modo, quantum ad ipsum cibum, qui sumitur; & sic quantum ad substantiam, vel speciem sibi quærit aliquis cibos lautos, id est, pretiosos. Quantum ad qualitatem, quærit cibos nimis accurate præparatos, id est, *studiose*; quantum ad quantitatem, excedit *nimis* in edendo. Alio modo attenditur inordinatio concupiscentiæ, quantum ad ipsam sumptionem cibi, vel quia prævenit debitum tempus comedendi, quod est *præpropere*; vel quia non servat modum debitum in edendo, quod est *ardenter*. Ita *S. Thomas*, 22. quæst. 148. art. 4.

Id ex *S. Greg.* lib. 39. *Moralium*, cap. 13. haussit *S. Thomas*. Sic porro scribit S. Gregorius: „Sciendum est, quia quinque nos modis gulæ vitium tentat. Aliquando namque indigentia tempora prævenit; aliquando vero tempus non prævenit, sed cibos lautiores quærit; aliquando quælibet, quæ sumenda sunt, præparari accuratius expetit; aliquando autem & qualitati ciborum, & tempori congruit, sed in ipsa quantitate sumendi mensuram moderatæ refectionis excedit. Nonnunquam vero & abjectius est, quod desiderat; & tamen ipso æstu immensi desiderii deterius peccat. Mortis quippe sententiam patris ore Jonathas meruit; quia in gustu mellis constitutum edendi tempus antecessit. Et ex Ægypto populus educus, in eremo occubuit; quia despecta manna, cibos carniū petiit, quos lautiores putavit. Et prima filiorum Heli culpa suborta est, quod ex eorum voto Sacerdotis puer non antiquo more coctas vellet de sacrificio carnes accipere, sed crudas quærere, quas accuratius exhiberet. Et cum ad Jerusalem dicitur; *Hæc fuit iniquitas Sodoma sororis* *Ezech.* 16.

sua, superbia, saturitas panis, & abundantia; aperte ostenditur, quod idcirco salutem perdidit, quia cum superbiæ vitio mensuram moderatæ refectiōnis excessit. Et primogenitorum gloriam Elau amisit, quia magno æstu deliderii vilem cibum, scilicet lenticulam, concupivit; quam dum vendendis etiam primogenitis prætulit, quo in illam appetitu anhelaret, indicavit. Neque enim cibus, sed appetitus in vitio est. Unde & lautiores cibos plerumque sine culpa sumimus, & abjectiores non sine reatu conscientie degustamus. Hic quippe, quem diximus, Elau, primatum per lenticulam perdidit; & Elias in eremo per virtutem Spiritus carnes edendo servavit. Unde & antiquus hostis, quia non cibus, sed cibi concupiscentiam esse causam damnationis intelligit, & primum sibi hominem non carne, sed pomo subdidit, & secundum non carne, sed pane tentavit. Hinc est, quod plerumque Adam culpa committitur, etiam cum abjecta, & vilia sumuntur „». Refertur & dist. 5. *De Consecratione*, can. *Quinque modis*.

ARTICULUS III.

De Gulæ filiabus.

5. Gulæ
filiæ.

Gulæ capitale peccatum est, quod quinque filias parturit, scilicet *Ineptam lætitiā, scurrilitatem, immunditiam, multiloquium, & hebetudinem mentis*, ut docent *S. Gregorius*, lib. 31. *Moralium*, cap. 17. & *S. Thomas*, 2. 2. quæst. 148. art. 6.

Inepta læ-
ticia.

I. *Inepta læticia est, quæ capitur ex rebus, quæ nullam delectationem parere possunt, si recta ratio consulatur; vel si aliquam afferre possunt; in illam dissoluto penitus animo, hoc est, rationis gubernaculo per cibi, & potus immoderationem veluti sopito, aliquis effunditur.* Ad ineptam lætitiā pertinet jocandi genus illiberale, petulans, flagitiosum, obicœnum; cum scilicet aliquis causa ludi utitur turpibus verbis, vel factis, vel etiam his, quæ vergunt in nocumentum proximi, quæ lethalia per se peccata sunt, ut docet.

et *S. Thomas*, 2. 2. qu. 168. art. 3. Ad lætitiā ineptam, & incompositam pariter pertinet vanitas hiltrionum, larvatorum, thymelicorum, sive hominum alios ad voluptatem parum ingenuam vel cantu, vel manu, aut alia quavis gesttulatione, seu clam, seu palam provocantium. Ad ineptam denique lætitiā pertinent choreæ dissolutæ, tripudia, motus omnes lascivi, & indecori, qui intemperantis hilaritatis signa sunt, vel incitamenta.

Ex gula ineptam illam oriri lætitiā evidens est. Unde *Exodi* 32, dicitur; *Sedit populus manducare, & bibere, & surrexerunt ludere*. Quamvis ludum illum cum idololatria fuisse conjunctum doceat *Apostolus* 1. ad *Corinth.* cap. 10. vers. 7. ludumque inhonestum, & impudicum *Tertullianus* interpretetur lib. *De Jejuniiis*, cap. 6. *Intellige* (inquit) *sanctæ Scripturæ verecundiam: Lusum nisi impudicum non denotasset*. De prima illa gulæ sobole *S. Basilus*, *Homilia* in ebrietatem, & luxum, ita loquitur: „ Rationem, ac mentem vinum demergit; voluptates, & animi cæteros affectus malos velut apum examen excitat. Quis currus equorum indomitum ita præceps fertur, aurigam suum excutienti? Quod navigium ita gubernatore destitutum, ita fluctibus exagitatum, & concussum? Ex talibus itaque malis viri, ac feminae communes constituentes choros, maloque dæmoni miseras tradentes animas, sese invicem libidinum telis confodiunt, atque lacerant. Risus inter se histronicos, cantus probrosos, meretricios gestus ad libidinem invitantes exercent. Rides, dic mihi, & gaudes inepta, stolidaque lætitia; cum lacrymas fundere, ac dolere, ob ea, quæ admisisti, oportet? Cantus profanos exerces, oblitus psalmodum, & hymnorum, quos didicisti. Moves pedes, & insanus saltas, choreas ducis illicitas, cum genua ad Dei, & Domini nostri Jesu Christi cultum flectere oporteat. Quas ego fleam, puellane conjugii expertes, an maritis junctas? Hæ quidem amilla virginitate reverlæ sunt; illæ vero pudicitiam mariti minime

Matth. 5.

nime reduxerunt. Nam si quæ forsan peccatum corpore vitavere, animo tamen admiscere. Quæ quidem & de viris simul dicta mihi, monitaque sint. Vidit ille male, visa est illa male. *Qui mulierem ad concupiscendum viderit, jam est mæchatus eam in corde suo.* Si fortuiti occursum iis, qui obiter mulierculam inspexerunt, tantum pariunt periculi, quanto majus fuerit, cum de industria congregiuntur, cum delecta opera mulieres in ebrietate, & convivio, omni lascivo gestu, saltatione, cantu impudico ad libidinem effrænes juvenes invitantes spectantur „„?

Scurrilitas.

II. *Scurrilitas est immoderatio in joci, & facetiis, aut in studio commovendi aliis risum*: Quæ veniale plerumque peccatum est, cum personarum quidem decorum in joci non servatur, sed abest scandalum, & prava intentio; quandoque mortale, ratione materiæ, seu objecti, si jocus redundet in gravem Dei, Sanctorum, religionis, vel proximorum injuriam; aut obscœnus sit, & ad libidinem provocans. Unde Apostolus ad Ephes. 5. ait: *Fornicatio autem, & omnis immunditia, aut avaritia nec nominetur in vobis, sicut decet sanctos; aut turpitudine, aut stultiloquium, aut Scurrilitas, quæ ad rem non pertinet; sed magis gratiarum actio.* Et 1. ad Cor. cap. 15. *Corrumpunt mores bonos colloquia mala.* Contra scurrilitatem generatim spectatam S. Joan. Chrysostomus, Homilia 17. in Epistolam ad Ephesios hunc in modum invehitur. „„ Quid prodest aliquid urbanum dicere? Solum moves risum. Dic mihi, tutor faciet ne aliquid ex iis, quæ ad artem suam non pertinent, aut possidebit aliquod hujusmodi instrumentum? Nequaquam, nam, quæ non sunt in usu, & quibus non habemus opus, ea nihil ad nos. Nullus sit sermo otiosus. Nam ab otioso sermone in absurdos, & importunos decidimus. Non est præsens tempus diffusæ lætitiæ, sed luctus, afflictionum, & ejulatus. Tu autem in dictis urbanis, & facetis tempus teris. Quis athleta stadium ingressus, missa sollicitudine decertandi cum adversario, urbana verba loquitur, & faceta? Instat diabolus, circuit quærens, ut rapiat,

omnia movet, & in caput tuum vertit omnia, & molitur, ut te e nido ejiciat, dentibus stridet, rugit, ignem spirat adversus tuam salutem; & tu sedes urbana, & faceta verba dicens, & stulta loquens, & quæ ad rem non pertinent, proferens? Recte ergo poteris eum superare? . . . Ludis, deliciaris, facetaque, & urbana dicis, & risum moves, remque nihil existimas? A lepidis, & urbanis dictis quot perjuria, quot damna, quam multa verba turpia, & obisœna? An non sunt, inquis, ejusmodi dicta urbana? Sed audi: Omnem urbanitatem, & dicacitatem expellit tempus belli, & pugnae, vigiliae, custodiæ, armaturæ, & aciei instruendæ. Nulum locum hic habere potest tempus risus; hoc enim est tempus mundi. Audi Christum dicentem: *Mundus gaudet; vos autem contristabimini*, Joan. 16. 20. Christus in crucem actus est propter tua mala: tu autem rides? Impactæ sunt illi & alapæ, & colaphi, & tam multa passus est propter tuam calamitatem, & quæ te comprehenderat tempestatem; tu autem degis in deliciis? Et quomodo non eum magis irritas? Sed quoniam videtur quibusdam res esse indifferens, ne sic quidem ipsum oporteret despiciere, scientem, quod ex eo multa nascantur mala, crescantque, & sæpe desinant in scortationem. Quod autem non sit indifferens, inde est perspicuum. Videamus ergo, unde nascatur; vel potius videamus, cujusmodi oportet esse, sanctum, mitem, mansuetum, lugentem. Qui ergo dicit urbana, & faceta, non est sanctus. Iis tollis, qui sunt in scena, hæc permittuntur. Ubi est turpitudine, illic est etiam urbanitas, & dicacitas. Audi Prophetam dicentem: *Servite Domino in timore, & exultate ei in tremore*, Psalm. 128. Nam urbanitas, ac dicacitas mollem efficit animam, pigramque attollit, & excitat, multaque probra parturit, & contumelias, & bella facit. . . Procul est a Christiano comicis dictis incessere; & necesse est ei, qui urbanis, ac facetiæ dictis utitur, supervacaneas suscipere inimicitias eorum, qui temere urbanis dictis irridentur, sive adsint, sive absentes audierint. Si res est pulchra, & honesta,

nesta, cur relinquitur mimis? Mimus evadis, & te non pudet. Magna mala habitant in anima, quæ verba usurpat urbana, & faceta, magna effusæ lætitiæ dissolutio, & ironia, ac simulatio, hiat compago, marcescit, ac putrescit ædificium, exterminatur timor, abest pietas, ac reverentia „ „

Sacrilega scurrilitas est, Scripturæ sacræ, aut officiorum ecclesiasticorum verbis, & sententiis abuti ad scurrilia, fabulosa, vana, &c. Eos omnes, qui in hanc irreverentiam, & contemptum incidunt, tanquam temeratores, & violatores verbi Dei, juris, & arbitrii pœnis per Episcopos coerceri jubet Tridentina Synodus, sess. 4. Quod & a sequentibus Conciliis in provinciis congregatis statutum est, scilicet Mediolanensi I. anno 1565. P. 1. num. 2. Bituricensi anno 1584, tit. 4. cap. 3. Aquisi anno 1585. tit. *De vita, & honestate Clericorum*, P. 4, cap. 13. num. 3. & Tolosano anno 1590.

Immunditia.

III. *Immunditiæ* nomine intelligitur *Impuritas* omnium verborum, & factorum, obscœnitas omnis, qua vel per vomitum, vel pollutionem etiam in somno ex intemperantia consecutam, corpus, & anima helluonum, & potatorum contaminantur. Quod spectat illud Isai. 28. *Præ vino nescierunt, & præ ebrietate erraverunt; Sacerdos, & Propheta nescierunt præ ebrietate, absorpti sunt a vino. . . Omnes enim mensa repleta sunt vomitu, sordiumque ita ut non esset ultra locus.* Hinc Tertull. lib. de Jeuniis: *Appendices gulæ* (inquit) *lascivia, atque luxuria.* Et S. Hieron. *Venter escis repletus, facile despumat in libidines.*

Multiloquium.

IV. *Multiloquium*, sive garrulitas effræhis, quarta gulæ filia, veniale plerumque peccatum est; aliquando mortale, si nimirum in Dei, aut proximi injuriam effundatur, quod hominibus nimio cibo, aut potu exhilaratis sæpe contingit. Arcana enim sibi commissa revelant, præsentibus contumelias infectantur, absentibus lubenter detrahunt, de sebus divinis temere, & imple loquuntur. Quo spectat illud Ps. 72. *Prodiit quasi ex adipe iniquitas eorum, tran-*

transierant in affectum cordis. Cogitaverunt, & locuti sunt nequitiam; iniquitatem in excelsis locuti sunt. Posuerunt in calum os suum, & lingua eorum transiit in terra. Hinc multiloquium velut cum peccato semper conjunctum Spiritus sanctus prohibet Prov. 10. In multiloquio non deerit peccatum; qui autem moderatur labia sua, prudentissimus est. Prov. 13. Qui custodit os suum, custodit animam suam; qui autem inconsideratus est ad loquendum, sentiet mala. Prov. 31. Noli Regibus dare vinum; quia nullum secretum est, ubi regnat ebrietas; ne forte bibant, & obliviscantur iudiciorum, & mutant causam filiorum pauperis. Eccles. 20. Qui multis utitur verbis, laedet animam suam. Et cap. 23. Indisciplinata loquela non assuescat os tuum; est enim in illa verbum peccati.

V. *Hebetudo sensus, sive mentis, quinta gulæ filia.* Crapula nimirum, & ebrietas, ita mentis aciem obtundunt, ut ineptus reddatur homo ad veritatis contemplationem, & ad actiones omnes, quæ ingenii, rationis, & prudentiæ luce, ac moderamine magis indigent; Deique etiam obliviscatur. Hinc *Ecclesiastis* cap. 2. Salomon ait: *Cogitavi in corde meo abstrahere a vino carnem meam, ut animum meum transferrem ad sapientiam, devitareque stultitiam.* Et *Osee* 4. *Fornicatio, & vinum, & ebrietas, auferunt cor.* Hinc *Tertull.* lib. *De Jeuniis*, cap. 4. *Conscientiam communem (inquit) consulamus, ipsa natura enuntiabit, quales nos ante pabulum, & potum in virgine adhuc saliva exhibere consuevit rebus duntaxat sensus agendis, quo divina tractantur, si multo pollentioris mentis, si multo vivacioris cordis, quam cum totum illud domicilium interioris hominis, eis stipatum, vinis inundatum, decoquendis jam stercoribus æstuans, præmeditatorium efficitur latrinarum, in quo plane nihil tam in proximo supersit, quam ad lasciviam sapere. . . Cæterum quotusquisque meminerit religionis, occupatis memoriæ locis, impeditis sapientiæ membris? Nemo, ita ut decet, ita ut par est, ita ut utile est,*

Hebetudo
mentis.

Deut. 32.

recordabitur Dei in eo tempore, in quo ipsum sibi hominem excidere solemne est. Omnem disciplinam victus aut occidit, aut vulnerat. Mentior, si non Dominus ipse oblivionem sui exprobrans Israeli, causam plenitudini deputat; Incrassatus est dilectus, & pinguefactus, & dilatatus est, & dereliquit Deum, qui fecit eum, & abscessit a Domino salutificatore suo „ „ „

Hebetudo porro sensus non solum poena peccati, sed peccatum est, quatenus est voluntaria, ut in illis, qui scientes, advertentes, & ad advertendum obligati, in sensus hebetudinem incurrunt. Quod quidem peccatum lethale est, cum aliquis ex affectu ad terrena fastidit, ac negligit considerationem spiritualium, eo tempore, quo sub periculo salutis obligatur; vel cum ex nimia cibi, & potus ingurgitatione redditur ineptus ad exequenda officia, seu civilia, seu religiosa, quæ implere tenetur, veluti si medicus, advocatus, iudex, Concionator, Curatus, Confessarius, redduntur inepti ad munia sua, ut par est, obeunda.

ARTICULUS IV.

De Gula remediis.

Temperantia, & sobrietas.

I. **R**emedia contra gulam præcipua sunt, temperantia, jejunium, sobrietas. Temperantiæ regulam afflante Spiritu sancto tradit Siracides, Ecclesiastici, cap. 31. *Supra mensam magnam sedisti? Non aperias super illam faucem tuam prior. Non dicas sim: Multa sunt, quæ super illam sunt; memento, quoniam malus est oculus nequam... Ne extendas manum tuam prior, & invidia contaminatus erubescas. Ne compri- maris in convivio. Intellige, quæ sunt proximi tui ex teipso; utere quasi homo frugis his, quæ tibi apponuntur; ne, cum manducas multum, odio habearis. Cessa prior causa disciplina; & noli nimius esse, ne forte offendas. Et si in medio multorum sedisti, prior illis ne extendas manum tuam, nec prior poscas bibere. De*

sobrietate præcepta subjungit: *Diligentes in vino nolite provocare; multos enim exterminavit vinum. Ignis præbat ferrum durum; sic vinum corda superborum arguet in ebrietate potatum. Equa vita hominibus, vinum in sobrietate; si bibas illud moderate, eris sobrius. Quæ vita est, quæ minuitur vino? Quid defraudat vitam, mors? Vinum in jucunditatem creatum est, & non in ebrietatem, ab initio. Exultatio animæ, & cordis vinum moderate potatum. Sanitas est animæ, & corporis sobrius potus. Vinum multum potatum irritationem, & iram, & ruinas multas facit. Amaritudo animæ vinum multum potatum. Ebrietatis animositas, imprudentis offensus, minorans virtutem, & faciens vulnera.*

II. Ad coercendam gulam, divitis illius epulonis in inferis cruciatus, meditari peropportunitatem est. Ut enim ait *Tertullianus*, lib. De jejuniis: „Apud inferos in divite convivia cruciantur, in paupere vero jejunia recreantur“. Considerandum, quod *Apostolus* 1. ad *Corinthios*, 6. scribit: *Esca ventri, & venter escis; Deus autem & hunc, & has destruet.* Et ad *Hebræos*, 13. *Optimum est gratia stabilire cor, non escis, quæ non profuerunt ambulanti in eis.* Et rursus 1. ad *Cor.* 10. *Sive manducatis, sive bibitis, sive aliud quid facitis, omnia in gloriam Dei facite.* Quod præceptum implemus, cum modeste, frugaliter, & temperanter manducamus, & bibimus, ut explicat *S. Augustinus*. Enarratione in *Psal.* 146. ubi modum docet, quo Deum in omni vita nostra laudemus. „Si bene agis (*inquit*) quod & manducas, & bibis, & ad refectionem corporis sumis, reparationemque membrorum, gratias agens ei, qui tibi præbuit mortali, & fragili ista supplementorum solatia; & cibus tuus, & potus tuus laudat Deum; si vero modum naturæ debitum in moderatione voracitatis excedas, & vinolentia te ingurgites; quantaslibet laudes Dei lingua tua sonet, vita blasphematur.“

III. Temperantiæ hujus exemplum posteris omnibus imitandum primi Christiani præbuerunt; quorum de conviviis *Tertullianus*, *Apologetici* cap. 39. scribit: „Cœna nostra de nomine ratione sui ostendit.

Divitis epulonis in inferis cruciatus.

Primorum Christianorum frugalitas, & temperantia.

dit. Id vocatur, quod dilectio penes Græcos. Quantifcunque sumptibus constet, lucrum est pietatis nomine facere sumptum. Siquidem inopes quosque refrigerio isto juvamus, non qua penes vos parafiti affectant ad gloriam famulandæ libertatis sub auctoramento ventris inter contumelias saginandi; sed qua penes Deus major est contemplatio mediocrium. Si honesta causa est convivii, reliquum ordinem disciplinæ æstimate, qui sit, de religionis officio. Nihil vilitatis, nihil immodestiae admittit. Non prius discumbitur, quam oratio ad Deum prægustetur. Editur, quantum esurientes cupiunt; bibitur, quantum pudici est utile. Ita saturantur, ut qui meminerint etiam per noctem adorandum Deum sibi esse. Ita fabulantur, ut qui fciant Dominum audire. Post aquam manualet, & lumina, ut quisque de Scripturis sanctis, vel de proprio ingenio potest, provocatur in medium Deo canere. Hinc probatur, quomodo biberit. Æque oratio convivium dirimit. Inde disceditur non in catervas cæfionum, neque in classe discursationum, nec in eruptiones lasciviarum, sed ad eandem curam modestiae, & pudicitiae; ut qui non tam coenam conaverint, quam disciplinam „„.

Et *Minucius Felix* in octavio: „„ Convivia (*inquit*) non tantum pudica colimus, sed & sobria. Nec enim indulgemus epulis, aut convivium mero ducimus, sed gravitate hilaritatem temperamus, casto sermone, corpore castiore „„.

Christianæ
temperan-
tiæ regulæ.

IV. Christianæ temperantiæ regulas explicat *S. Augustinus*, lib. 11 *Questionum evangelicarum*, qu. 11. Ubi præmisit, Joannis abstinentiam a cibis, & potu luctum poenitentiae significasse; Christum vero utendo cum cæteris cibo, & potu, læticiam regni figurasse, subdit: „„ Quod autem subjungit, *Et justificata est sapientia ab omnibus filiis suis*, ostendit, filios sapientiæ intelligere, nec in abstinentendo, nec in manducando esse justitiam, sed in æquanimirate tolerandi inopiam, & temperantia per abundantiam non se corrumpendi, atque opportune sumendi, vel non

su-

sumendi ea, quorum non usus, sed concupiscentia reprehendenda est. Non enim interest omnino, quid alimentorum sumas, ut succurras necessitati corporis, dummodo congruas in generibus alimentorum his, cum quibus tibi vivendum est. Neque quantum sumas, multum interest; cum videamus aliorum stomachum citius satiari, & eos tamen illi ipsi parvo, quo satiantur, ardentem, & intolerabiliter, & omnino turpiter inhiare; alios autem plusculo quidem satiari, sed tolerabilius inopiam perpeti, & vel ante ora positas epulas, si id in tempore, aut opus sit, aut necesse sit, cum tranquillitate adspicere, neque tangere. Magis ergo interest, non quid, vel quantum alimentorum pro congruentia hominum, atque personæ suæ, & pro suæ valetudinis necessitate quis capiat; sed quanta facilitate, atque serenitate animi careat, cum his vel oportet, vel etiam necesse est carere; ut illud in animo Christiani compleatur, quod Apostolus dicit: *Scio & minus habere, scio & abundare, ubique, & in omnibus institutus sum, & saturari, & esurire, & abundare, & penuriam pati; omnia possum in eo, qui me confortat.* Et illud: *Neque si manducaverimus, abundavimus; neque si non manducaverimus, egebimus.* Et illud: *Non est enim regnum Dei esca, & potus, sed justitia, & pax, & gaudium.* Et quia solent homines multum gaudere de carnalibus epulis, addidit: *In Spiritu sancto.* Justificatur ergo sapientia ab omnibus filiis suis, qui intelligunt, utendis terrenis tempora opportuna esse debere; facilitatem vero utendi talibus, & amorem fruendi æternis, non variari oportere per tempora, sed perpetuo retineri „ „.

Philip. 4.

1. Cor. 8.

Rom. 14.

V. Denique S. Joannes Climacus, Scalæ suæ mysticæ Gradu 14. Temperantiæ comparandæ modum tradit, meditationem scilicet novissimorum hominis, & Passionum Christi. „ „ Si Christo (*inquit*) te per angustam, & alperam salutis viam ambulaturum esse pollicitus es, appetitum tuum temperantia compesce. Si enim corpus tuum mollius, & indulgentius

Temperantiæ comparandæ modus.

Matth. 7.
14.

tius curaveris, pacta cum Christo inita rescidisti. Attende diligentius ad verba ex ipsius ore profecta: *Lata, & spatiosa via est, genialium scilicet epularum, quæ ad interitum luxuriæ deducit; ex adverso: Quam angusta, & arcta via est, abstinentiæ, quæ ducit ad vitam castitatis, & pauci sunt, qui intrant per eam.* Quemadmodum Lucifer de coslo deturbatus dæmonum principatum, ita & intemperantia vitiorum, seu libidinum principatum obtinet. Ubi ad cibum capiendum accubueris, tibi in mente mortis, & iudicii recordatio veniat; hoc pacto intemperantiam coercere poteris. Ubi poculum bibiturus acceperis, memineris acetum, & fel Jesu Christo oblatum; atque ita sobrietatis limitem non transilies; vel certe majori humilitatis, & modestiæ sensu concepto, in altiora suspiria prorumpes. Cave, ne tibi metipsum fucum facias; nusquam a Pharaonis servitute vindicabere, nec unquam cœleste Pascha celebrabis, quin lactucas agrestes, & acerbiores cum azymis toto vitæ curriculo comederis. Lactucae autem illæ gustatu acerbæ sunt violentia, & mortificationis labor inter jejunia tolerari solitus. Azyma autem sunt sincera humilitas mentis, quæ omnem tumorem, & fastum abs se procul ablegaverit „„

ARTICULUS V. REGULÆ MORUM

Circa Gulam, & ebrietatem.

REGULA PRIMA.

Gula, quatenus avertit a fine ultimo, lethale peccatum est; cum scilicet homo præcepta Dei, & Ecclesiæ propter delectationes gulæ violare paratus est.

De crapula
& ebrietate. **H**anc morum Regulam tradit *S. Thomas*, 2. 2. qu. 148. art. 2. in corpore articuli, & in respons. ad secundum. „„ Vitium gulæ (*inquit*) habet, quod sit peccatum mortale, in quantum avertit

tit a fine ultimo, & secundum hoc per quamdam reductionem opponitur præcepto de sanctificatione Sabbati, in quo præcipitur quies in fine ultimo. Non enim omnia peccata mortalia directe contrariantur præceptis Decalogi, sed solum illa, quæ injustitiam continent; quia præcepta Decalogi specialiter pertinent ad justitiam & partes ejus „ „ Quinto etiam præcepto opponitur, quia homines gulæ, & ebrietati dediti, valetudinem suam plerumque lædunt, vitæ suæ tempus contrahunt, se ipsos quodammodo interimunt; tum quia ebrietas sæpe suscitatur rixas, contentiones, & pugnas; e quibus deinde vulnera, & cædes consequuntur. Hinc *S. Hieronymus*, lib. 2. *Contra Jovinianum*, cap. 8. „ „ Cum (*inquit*) variis nidoribus fumant patinæ; ad esum sui expleta esurie quasi captivos trahunt. Unde & morbi ex saturitate nimia concitantur; multique impatientiam gulæ vomitu remedjantur, & quod turpiter ingesserunt, turpius egerunt. Hippocrates in Aphorismis docet, crassa, & obesa corpora, quæ crescendi mensuram compleverint, nisi cito ablatione sanguinis imminuantur, in paralytim, & pessima morborum genera erumpere. & idcirco esse necessariam demptionem, ut rursus habeant, in quæ possint crescere; non enim manere in uno statu naturam corporum, sed aut crescere semper, aut decrescere, nec posse vivere animal, nisi crescendi capax sit. Unde & Galenus vir doctissimus, Hippocratis interpres, athletas, quorum vita, & ars sagina est, dicit in exhortatione medicinæ, nec vivere posse diu, nec sanos esse; animasque eorum ita nimio sanguine, & adipibus, quasi luto, involutis, nihil tenue, nihil cœlesse, sed semper de carnibus, & ructu, & ventris ingluvie cogitare. Diogenes tyrannos, & subversiones urbium, bellaque, vel hostilia, vel civilia, non pro simplici victu olerum, pomorumque, sed pro carnibus, & epularum deliciis asserit excitari „ „

Et *S. Ambrosius*, lib. *De Elia, & Jejunio*, cap. 12.

„ De ebrietate (*inquit*) ad arma consurgitur, calicibus tela succedunt. Pro vino sanguis effunditur, & ipsum sanguinem vina fuderunt. Quam fortes libi homines videntur in vino, quam sapientes, quam disert, quam etiam pulchri, ac decori, cum stare non possint? Mens necesse est titubet, lingua balbutiat, pallor exsanguis ora suffundat, foetor ebrietatis horrore sit. Barbari in ferrum ruunt, vulgus in rixas. Si quis eorum pugno fuerit percussus, videas ore faucium vini lacrymas fundere, miserabiles epilogos decantare „ „.

Pugnant denique crapula, & ebrietas cum sexto præcepto; unde Apostolus ad Ephes. 5. ait: *Nolite inebriari vino, in quo est luxuria.* Hinc illud Comici a S. Hieronymo citatum: *Sine Cerere, & Iubero friget Venus.*

REGULA II.

Ebrietas lethale peccatum est, cum quis vim potus cognoscens, & ultra modum bibens, inebriatur.

etas a
phetis, a
sto, ab
stolis
nata.

Prophetica, Evangelica, & Apostolica auctoritate hæc Regula nititur. Ait enim *Isaias* cap. 5. *Va, qui consurgitis mane ad ebrietatem sectandam, & potandum usque ad vespem, ut vino astuctis.* Sed & ante *Isaiam* *Salomon* eodem Spiritu afflatus *Va* temulentis, & ebriis dixerat. *Prov. 23. Cui va? cuius patris va? cui rixa? cui fovea, cui sine causa vulnera? cui suffusio oculorum? Nonne his, qui commorantur in vino, & student calicibus epotandis?* Christus vero. *Luc. 21. Attendite vobis (inquit) ne forte graventur corda vestra in crapula, & ebrietate, & curis hujus vite; & superveniat in vos repentina dies illa; tanquam laqueus enim imperveniet in omnes, qui sedent super faciem omnis terræ. Vigilate itaque omni tempore orantes, ut digni habeamini fugere ista omnia, quæ futura sunt, & stare ante thronum hominis.* Apostolus denique comestationem, & ebrietatem inter graviora peccata, & opera tenebrarum, sive opera carnis, a regno Dei exclu-

cludentia, numerat. Ad Rom. 13. *Abjiciamus ergo opera tenebrarum, & induamur arma lucis. Sicut in die honeste ambulemus; non in comessationibus, & ebrietatibus, non in cupidibus, & impudicitiiis, non in contentione, & emulatione; sed induimini Dominum Jesum Christum, & carnis curam ne feceritis in desideriis.* Et 1, ad Corinth. 5. *Nunc autem scripsi vobis non commisceri; si is, qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax, cum hujusmodi nec cibum sumere.* Et cap. 6. *Nolite errare, neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt.* Et ad Gal. 5. *Manifesta sunt opera carnis, quae sunt fornicatio, immunditia, impudicitia, luxuria, idolorum servitus, veneficia, inimicitia, contentiones, emulationes, ira, rixae, dissensiones, secta, invidia, homicidia, Ebrietates, Comessationes, & his similia, quae predico vobis, sicut praedixi; quoniam qui talia agunt, regnum Dei non consequentur.* Et 1, ad Thessal. 5. *Vos autem, fratres, non estis in tenebris, ut vos dies illa tanquam fur comprehendat; omnes enim vos filii lucis estis, & filii diei; non sumus noctis, neque tenebrarum. Igitur non dormiamus, sicut & ceteri, sed vigilemus, & sobrii simus. Qui enim dormiunt, nocte dormiunt; & qui ebrii sunt, nocte ebrii sunt. Nos autem, qui diei sumus, sobrii simus.*

Hanc Regulam Patres confirmant, inter alios S. Petrus Chrysologus, Serm. 26. „ Merito (inquit) inter cætera, quæ in dispensatore malo arguit hodiernus sermo, vini condemnat insaniam, dicendo: *Quod si dicat servus ille, moram facis Dominus meus venire; & caperit percutere pueros, & ancillas, & edere, & inebriari.* Proprie dixit, edere, & bibere, & inebriari, & percutere. Ebrietas cordis mater, parens litium, furoris genitrix, petulantiae deformiter est magistra; hanc, qui habet, se non habet; hanc, qui habet, homo non est; hanc qui habet, non peccatum facit, sed est ipse peccatum. Ebrietas est dæmon blandus, venenum

dulce, rabies voluntaria, invitatus hostis, illecebra honestatis, & pudoris injuria; hanc nullus noverit Christianus, ne auditu quidem Sacerdos attingat; ne qui est forma virtutum, vitiis inde fiat, & inveniat exemplum „ „

Eandem Regulam confirmat *S. Thomas*, 2. 2. qu. 150. art. 2. „ „ Culpa (*inquit*) ebrietatis consistit in immoderato usu, & concupiscentia vini. Hoc autem contingit tripliciter. Uno modo sic, quod nesciat potum esse immoderatum, & inebriare potentem. Et sic ebrietas potest esse sine peccato. *Præcipue si ex negligentia homini non contingat. Sic Noe inebriatus fuisse creditur.* Alio modo sic, quod aliquis percipiat potum esse immoderatum, non tamen æstimet potum esse inebriare potentem; & sic ebrietas potest esse cum peccato veniali. Tertio modo potest contingere, quod aliquis bene advertat potum esse immoderatum, & inebriantem; & tamen magis vult ebrietatem incurrere, quam a potu abstinere. Et sic ebrietas est peccatum mortale; quia homo volens, & sciens privat se usu rationis, quo secundum virtutem operatur, & peccata declinat; & sic peccat mortaliter periculo peccandi se committens „ „

S. Ambrosii auctoritate assertionem suam roborat, lib. 1. *De Abraham*, cap. 6. „ „ Sane (*inquit*) discimus vitandam ebrietatem, per quam crimina cavere non possumus. Nam, quæ sobrii cavemus, per ebrietatem ignorantes committimus. Parum est, quod ea inflammat libidinem, accendit cupiditates corporis; ipsam quoque mentem subruit, & animum capit, sensum extorquet... Multi se fortes putant, num fortiores quam Loth? Num continentiores quam Noe? Non utique vilia Patriarcharum Scriptura exposuit, quos victos vino legimus; sed ut tu disceres, quia caveres. Ille nudus jacuit, iste filiarum errori patuit. Et Noe justus deceptus est, quia vini vis aduc ignorabatur, sed in illo instructus es, ne tu ignorares. Loth filiabus se credidit, & per senectutem medicam vino solutus, commisit incestum ignorans; tu
sic

sic bibe, ne capiaris. Instruant te Patriarchæ non solum docentes, sed etiam errantes. Ideo iteratum est exemplum ebrietatis, ut confirmetur magisterium cautionis „ „.

R E G U L A I I I.

Ebrietas frequens, & assidua gravius peccatum est ea, in quam semel quis incurrit; quamvis & ista lethale sit peccatum.

Hæc morum Regula sacrorum Canonum auctoritate nititur, qui gravius poenis ebrietatem frequentem, & assiduam plectunt, scilicet depositione in Clericis maioribus; excommunicatione vero in Clericis minoribus, & in Laicis. Ita Canones inter eos, qui Apostolici inscribuntur, quadragesimus secundus, & quadragesimus tertius: „ „ Episcopus, vel Presbyter, vel Diaconus, aleæ, & ebrietati deserviens, vel cesset, vel deponatur. Hypodiaconus, vel lector, vel cantor similia faciens, vel cesset, vel communione privetur. Similiter etiam Laicus „ „. Refertur Canone *Episcopus*, dist. 35. Ita Concilii Moguntini *Carolo magno* imperante celebrati Canon 46. „ „ Magnum malum ebrietatis, unde omnia vitia pullulant, modis omnibus cavere præcipimus. Et qui hoc cavere noluerit, excommunicandum eum esse decrevimus, usque ad emendationem congruam „ „. Insertus est hic Canon lib. 5. Capitularium, cap. 162. Aliter tamen cum ebriosis agendum visum est *S. August.* propter eorum multitudinem in Africa, & ab excommunicatione abstinendum. Ita quippe scribit ad *Aurelium* Carthaginensem Episcopum Epist. 22, alias 64. „ „ Scias, non desperare nos, imo sperare vehementer, quod Dominus, & Deus noster per auctoritatem personæ, quam geris, multas carnales foeditates, & ægritudines, quas africana Ecclesia in multis patitur, in paucis gemit, consiliorum gravitate, & tua possit sanare. Cum enim Apostolus tria breviter genera vitiorum dete-

71, Theol. Dog. & Moral. Lib. III.

Ro. m. 13.

standa, & vitanda uno in loco posuerit, de quibus innumerabilium vitiorum exsurgit seges, unum horum, quod secundo loco posuit, acerrime in Ecclesia vindicatur; duo autem reliqua, id est, primum, & ultimum, tolerabilia videntur hominibus, atque ita paullatim fieri potest, ut nec vitia jam putentur. Ait enim vas electionis: *Non in comessationibus, & ebrietatibus, non in cubilibus, & impudiciis, non in contentione, & dolo, sed induite vos Dominum Jesum Christum, & carnis curam, ne feceritis in concupiscentiis.* Horum ergo trium, cubilia, impudiciæ tam magnum crimen putantur, ut nemo dignus non modo ecclesiastico, ministerio, sed ipsa etiam Sacramentorum communione videatur, qui se isto peccato maculavit. Et recte omnino. Sed quare solum? Comessationes enim, & ebrietates ita concessæ, & licitæ putantur, ut in honorem etiam beatissimorum Martyrum, non solum per dies solemnes (quod ipsum quis non lugendum videat, qui hæc non carnis oculis inspicit?) sed etiam quotidie celebrentur. Quæ foeditas si tantum flagitiosa, & non etiam sacrilega esset, quibuscunque tolerantia viribus sustentandam putaremus. Quamquam ubi est illud, quod cum multa vitia enumerasset idem Apostolus, inter quæ posuit ebriosos, ita conclusit, ut diceret, cum talibus nec panem edere? Sed feramus hæc in luxu, & labe domestica, & eorum convivorum, quæ privatis parietibus continentur, accipiamusque cum eis Corpus Christi, cum quibus panem edere prohibemur; saltem de sanctorum Corporum sepulcris, saltem de locis Sacramentorum, de domibus orationum tantum dedecus arceatur. Quis enim audet vetare privatim, quod cum frequentatur in sanctis locis, honor Martyrum nominatur „ „? *Es infra.* „ „ Non ergo aspere, quantum existimo, non duriter, non modo imperioso ista tolluntur; magis docendo, quam jubendo, magis monendo, quam minando. Sic enim agendum est cum multitudine; severitas autem exercenda est in peccata paucorum.

x. Cor. 5.

corum. Et si quid minamur, cum dolore fiat, de Scripturis comminando vindictam futuram, ne nos ipsi in nostra potestate, sed Deus in nostro sermone timeatur „ „.

Et Serm. 17. alias 28. ex Homiliis quinquaginta; „ „ Omne peccatum (*inquit*) consuetudine vilescit, & fit homini quasi nullum sit; obduruit, jam dolorem perdidit. Quod valde putre est, nec dolet; quod non dolet, non pro sano habendum, sed pro mortuo computandum est. Attendite, quid dicat Scriptura, & ibi videte, quemadmodum vivere debeatis. Quis non contemnat ebriositatis peccatum? Abundat tale peccatum, & contemnitur. Jam cor ebriosum perdidit sensum, non habet dolorem, quin nec salutem. Quando aliquid pungitur, & dolet, aut sanum est, aut est in illo spes aliqua sanitatis; quando autem tangitur, pungitur, vellicatur, nec dolet; pro mortuo habendum est, ac de corpore præciendum. Sed aliquando nos parcimus, & non novimus nisi loqui; excommunicare, de Ecclesia projicere pigri sumus. Aliquando enim timemus, ne ipso flagello peior fiat, qui cæditur. Et quamvis, qui tales sunt, jam in anima mortui sint; tamen quia medicus noster omnipotens est, non est desperandum de his; sed totis viribus supplicandum, ut aures cordis, quas clausas habere probantur, Dominus aperire dignetur „ „.

Quod autem *S. Casarius*, Homil. 8. alias *S. Augustino* adscripta, & inter sermones illius *De Sanctis*, 41, ebrietatem esse mortale peccatum dicat, *Si assidua sit*, non probat hominem, qui semel, aut iterum inebriatur, peccati lethalis reum non esse; sed cum excusari possit aliquando a reatu peccati mortalis, qui semel inebriatur, quia vim potus, viriumque suarum capacitatem ignorat; nunquam excusari potest ille, cujus frequens ebrietas est. „ „ Assiduitas (*inquit S. Thomas* 2. 2. qu. 150. art. 2. *in responsione ad primum*) facit ebrietatem esse peccatum mortale, non propter solam iterationem actus, sed quia non potest esse, quod

homo assidue inebrietur, quin sciens, & volens ebrietatem incurrat, dum multoties experitur fortitudinem vini, & suam habilitatem ad ebrietatem „„ Sane *S. Casarius*, Sermonibus 90. & 91. contra ebrietatem, qui nunc editi sunt in Augustinianorum Appendice 294. & 295. ebrietatem absolute asserit, peccatum esse æterna pœna plectendum.

R E G U L A I V.

Ebriosi non sunt absolvendi, nisi cum mala ebrietatis consuetudine viriliter pugnent.

Alias enim de sinceritate pœnitentiæ illorum non constat. Illam pugnandi cum prava consuetudine obligationem hac in materia *S. August.* inculcat Sermonem 151. alias De tempore 45. „„ Baptizatus est (*inquit*) & ebriosus; audivit, & cum timore audivit, inter cætera mala, quibus hominibus male viventibus intercluditur regnum Dei, commemoratam esse & ebrietatem; quia ubi dictum est: *Neque fornicatores, neque idolis servientes, neque adulteri, neque molles, neque masculorum concubitores, neque fures*, ibi additum est, *Neque ebriosi, &c. Regnum Dei possidebunt.* Audiuit, & timuit; baptizatus est, dimissa sunt illi omnia, quibus inebriatus est; restat adversaria consuetudo. Ergo habet, cum qua pugnet renatus. Præterita ejus vitia omnia dimissa sunt ei; observet, vigilet, pugnet, ne aliquando inebrietur. Surgit ergo illa concupiscentia potandi, titillat animum, ingerit faucibus siccitatem, insidiatur sensibus; vult etiam ipsum, si potest fieri, penetrare murum, adire inclusum, trahere captivum. Pugnat, repugnat. Oh si & ipsa non esset! Si consuetudine mala accessit, bona consuetudine morietur; tu tantum noli ei satisfacere, noli eam cedendo satiare, sed resistendo necare. Tamen quamdiu est, hostis est; si ei non consentias, & nunquam inebrieris, minor, & minor erit quotidie. Nam sunt vires illius subjecti tuæ. Si enim ei cesseris, & inebriatus fueris, das ei vires. Sed laboras, quia tibi validum adversarium mala consue-

suæpudine ipse fecisti. Non laborasti, ut nutires eum; labora, ut vincas eum. Et si minus idoneus es, ut vincas eum, roga Deum. Tamen si te non vicerit, quamvis ipsa tua mala consuetudo luctata sit tecum, si te non vicerit, fecisti, quod ait Apostolus Paulus: *Concupiscentias carnis ne persequeritis.* Facta est con- Galat. 5.
cupiscentia titillando; sed non est perfecta potando.

Hanc regulam confirmant Regum nostrorum Capitularia, lib. 5. cap. 162. cujus hæc sunt verba: „Magnum malum ebrietatis, unde omnia vitia pullulant, modis omnibus cavere præcipimus. Qui autem hoc vitare noluerit, excommunicandum eum esse decrevimus usque ad emendationem congruam.“
Hanc galicane & germanicæ Ecclesiæ tulle disciplinam constat ex Concilio Moguntino anni 813. Can. 46. *Hinc* Lingonensi Episcopo, tit. 11. cap. 6. *Burchardo Wormaciensi*, lib. 14. cap. 2. *Juvenc Carne-*
tensi, P. 13. cap. 70.

REGULA V.

Clericorum ebrietas gravius peccatum est, quam
Laicorum.

Majori enim sobrietate præfulgere debent: *Qui* Clerici
mente devota debent spiritualibus officiis insistere, quantum
ut docet S. Thomas, 2. 2. qu. 139. art. 4. Unde *Isaias* ab ebrietate
Sacerdotum ebrietatem, ut crimen horrendum ar-
guit, & luget, cap. 28. *Hi quoque præ vino nescie-*
runt, & præ ebrietate erraverunt; Sacerdos, & Prophe-
ta nescierunt præ ebrietate, absorpti sunt a vino, errave-
runt in ebrietate, nescierunt videntem, ignoraverunt ju-
dicium. Et Apostolus 1. ad Timoth. 3. scribit: *Oportet*
ergo Episcopum irreprehensibilem esse, unius uxoris vi-
rum, sobrium, &c. Non vinolentum, non percussorem...
Diaconos similiter pudicos, non bilingues, non multo vi-
no deditos. Et ad Titum 1. *Oportet Episcopum sine cri-*
mine esse, sicut Dei dispensatorem, non superbum, non
iracundum, non vinolentum. Sacerdotes, & præcipue,
qui animarum curam gerunt, ad sacra munia obeun-

Clericorum
sobrietas.

norum gradibus exutos, ad quadrupedum sortem, quæ natura prona, atque ventri obedientia finxit, majoribus suppliciis affectos, statuit abjiciendos „ „.

Considerent. Clerici, quod levitici Ordinis viris præceptum est a Domino (*Lev. cap. 10.*) *Vinum, & omne, quod inebriare potest, non bibetis, tu, & filii tui, quando intrabitis in tabernaculum testimonii, ne moriamini; quia præceptum sempiternum est in generationes vestras. Et ut habeatis scientiam discernendi inter sanctum, & profanum, inter pollutum, & mundum. Et Ezech. 44. Vinum non bibit omnis Sacerdos, quando ingreditur atrium interius. Attendant ad Nazaræos, qui cum Domino sanctificarentur, a vino, & omni potu inebriante abstinere jubebantur. Num. 6. Si voluerint se consecrare Domino, a vino, & omni, quod inebriare potest, abstinebunt. Attendant ad Rechabitas, qui laudem non vulgarem meruerunt, quod præcepti paterni tenaces, vini usum sibi ademerint. Jeremia 35. Et posui coram filiis domus Rechabitarum scyphos plenos vino, & calices, & dixi ad eos: Bibite vinum. Qui responderunt: Non bibemus vinum; quia Jonadab filius Rechab, pater noster, præcepit nobis dicens: Non bibetis vinum vos, & filii vestri, usque in sempiternum. . . Obedivimus ergo voci Jonadab filii Rechab, patris nostri, in omnibus, quæ præcepit nobis, ita ut non biberemus vinum cunctis diebus nostris nos, & mulieres nostræ, filii, & filia nostra. Si tantum apud ipsos potuit jussio paterna, ut vinum omnino non biberent, qua reverentia, & religione Christiani omnes, & præsertim Clerici Dei, & Ecclesiæ præceptum auscultare debent, & observare, prohibentium, non ut vinum omnino non bibant, sed ne bibant ultra modum, ne comestationibus, & ebrietati indulgeant. Attendant ad illud S. Cesarii Arelatensis Episcopi Serm. 91. alias inter Augustinianos *De Tempore* 232. nunc in Appendice 295. „ „ Quod pejus est, multi sunt etiam majoris ordinis Clerici, qui cum aliis sobrietatis bonum deberent jugiter prædicare, non solum hoc non faciunt,*

ebrietas, quæ omnium vitiorum fomes, ac nutrix est. Quem ebrium fuisse constiterit, ut ordo patitur, aut triginta dierum spatio Communione statuimus submovendum, aut corporali subdendum supplicio „ „. Quod iisdem verbis a Concilio Venetico, Can. 13. decretum est, & lib 7. Capitularium insertum c. 218. & 270. quo postremo loco sic refertur: „ „ Ante omnia Clericis vitetur ebrietas, quæ omnium vitiorum fomes, ac nutrix est. Nec quis potest liberum corporis sui, ac mentis habere iudicium, qui, captus vino, a sensu probatur alienus, & proclivius ad iudicium mens labefacta ducatur, aut plerumque potest peccatum, aut crimen, dum nescit, incurrere. Ignorantia vero talis non potest effugere poenam, quam ex voluntaria amentia manasse constiterit. Itaque quemcunque ebrium fuisse constiterit, ut ordo patitur, aut quadraginta dierum spatio a Communione statuimus submovendum, aut corporali subdendum supplicio „ „. Refertur etiam a Gratiano Can. *Ante omnia*, dist. 35.

Concilium Turonense 1. Can. 2. „ „ Fomitum omnium vitiorum oportet abscindi Apostolo præcipiente: *Nolite inebriari vino, in quo est luxuria.* Et quam Eph. 5. 18. gravi ebrietas supplicio expietur, idem apostolica manifestat doctrina, inter cætera dicens: Neque fornicatores, neque idolis servientes, neque ebriosos regnum Dei possessuros. Si quis vero in omni officio clericali Deo militans ab ebrietate se non abstinuerit, secundum status sui ordinem competens in eum vindicta tribuatur „ „. 1. Cor. 6.

Concilium Treverense anno 1548. Can. 1. „ „ Ebrietas (*inquit*) insignium flagitiorum incitatrix, ac scaturigo, quæ in comestationibus, & conventiculis dominatur, ecclesiasticum gradum summa cum turpitudine passim infamavit. . . Qui turpiter illi vitio indulgent immorigeri, ab officiis, & beneficiis Synodus primum suspendit; deinde si etiam impudenter detestandæ consuetudini, & dictu pariter, ac visu foedissimæ, ulterius inhæserint, omnibus hono-

Vinum, & adolescentia duplex incendium est voluptatis. Quid oleum flammæ adjicimus „„?

De mulieribus vero S. Ambrosius, lib. *De Elia*, & *jejunio*, cap. 18. „„ Sed quid de viris loquamur (*inquit*) quando etiam feminæ, quas oportet sollicitudinem castitatis sobrietatis adhibere custodiam, ulque ad ebrietatem bibunt? Deinde surgentes, quas etiam inter secreta domus, vel audiri ab alienis non convenit, vel videri, prodire audent in publicum, non velato capite, vultu procaci. Apostolus mulieres tacere etiam in Ecclesia jubet; domi viros suos præcipit interrogare. Illæ in plateis inverecundos etiam viris sub conspectu adolescentulorum intemperantium choros ducunt, jactantes comam, trahentes tunicas, scissæ amictus, nudæ lacertos, plaudentes manibus, saltantes pedibus, personantes vocibus, irritantes in se juvenum libidines motu histrionico, petulanti oculo, dedecoroso ludibrio. Spectat corona adolescentum, & fit miserabile theatrum. Inter saltantium ruinas, & spectantium lapsus, coelum impuro contaminatur aspectu, terra turpi saltatione polluitur, quæ obscœnis saltibus verberatur. Quomodo patienter loquar, pie præteream, convenienter defleam? Vinum nobis tantarum animarum damna intulit. Etenim si vinum, & mulieres discedere a Deo faciunt, quod vel ebrietas, vel libido prævaricationis illecebræ sint, si singula; ac separata hæc faciunt, quid facient omnia? Unde non immerito ait Sapiens ante nos quidem: *Mulier ebriosa, ira magna* „„.

Ecc. 36.

Pergit S. Thomas: „„ Alio vero modo sobrietas magis requiritur in aliquibus, utpote magis necessaria ad propriam operationem ipsorum. Vinum autem immoderate sumptum præcipue impedit usum rationis. Et ideo senibus, in quibus ratio debet vigere ad aliorum eruditionem, & Episcopis, seu quibuslibet Ecclesiæ ministris, qui mente devota debent spiritualibus officiis insistere, & Regibus, qui per sapientiam debent populum subditum gubernare, specialiter sobrietas indicitur „„. Unde Apostolus ad

Ti-

Titum scribit, ut senes ad sobrietatem hortetur: *Senes, ut sobrii sint.* Et *Salomon* de Regibus ait, Prov. 31. *Noli Regibus dare vinum; quia nullum secretum est, ubi regnat ebrietas; & ne forte bibant, & obliviscantur iudiciorum, & mutant causam filiorum pauperis.*

R E G U L A VII.

Lethalis peccati rei sunt, quicumque modum in cibo, vel potu scientes, & volentes plurimum excedunt, etiamsi rationis usu non excidant; multo magis si usque ad vomitum cibo, & potu se ingurgitent.

Hæc morum Regula Scripturæ sacræ, Patrumque testimoniis, & Ecclesiæ auctoritate nititur. *Pro. verb. cap. 23.* Spiritus sanctus non solum ebrioso, sed comestationibus, & computationibus vacantes, ultione divina consumendos docet: *Noli* (inquit) *esse in conviviis potatorum, nec in comestationibus eorum, qui carnes ad vescendum conferunt; quia vacantes potibus, & dantes symbola consumentur.* Atque ad illius peccati gravitatem significandam, subdit: *Cui vae? Cuius patri vae? Cui rixæ? Cui foveæ? Cui sine causa vulnera? cui suffusio oculorum? Nonne his, qui commorantur in vino, & student calicibus epotandis.* Et *Isai. 5. Vae, qui potentes estis ad bibendum vinum.* Et *Luc. 6. Vae vobis, quia saturati estis* (inquit Christus) *quia esuriitis.* Quoties autem *Vae* in Scriptura sacra intentatur, grave crimen subesse recte colligitur. Ut enim observat *S. Hieronymus* in cap. 5. *Amos; Vae pauperum ultimum est.* Et, ut ait *Beda* in locum proverbiorum mox citatum: *Vae æternum interitum nominat, de quo Dominus: Vae* (inquit) *homini, per quem scandalum venit.* Student porro calicibus epotandis, & potentes sunt ad bibendum, & saturari amant, quicumque modum in cibo, & potu scientes, & volentes plurimum excedunt. Hinc *SS. Patres* illos damnant, ceu gravis peccati reos, qui certa bibendi lege continent, quis sit ad bibendum valentior. Qua de re *S. Basilius*, Homil. 14. in ebrietatem. „ Deinde (in-

Ebrietatis
enormitas.

Gravis pec-
cati rei, qui
certa bi-
bendi lege
conten-
dunt.

Tem. VII.

Z z

quit)

quit) potationes procedentes eo veniunt, ut de bibenda hac infania certent, & de ebrietate per ambitionem contendant. Cujus auctorem legis, prædæque certaminis diabolus habent, victoriæ vero præmium, peccatum. Nam qui plus hauseris meri, is præ cæteris laudatur, is victoriam refert. Atque ita vere gloria in ignominia illorum est. Inter se namque contendunt, & ut in judicio aliquo deficiant „ „ Et *S. Ambrosius*, lib. *De Jejunio* & *Elia*, cap. 13. „ „ Primo minoribus poculis velut ferentariis pugna præluditur. Verum hæc non sobrietatis species; sed bibendi est disciplina. Itemque, ut Tragediarum actores primo sensim vocem excitant, donec udæ vocis aperiant iter, ut postea ingnis possint clamoribus perlonare: ita illi quoque in principio prælusoriis se exercent poculis, ut irritent sitim; ne forte restinguant eam, & satiati postea bibere non possint. Ergo ubi res calere coeperit, poscunt majoribus poculis; fervor inardescit meritis, cibo sitis exæstuat, & ubi imminet vitæ, potu meraciore reparatur. Certant pocula cum fœculis, & inter morsus sæpe remittuntur. Deinde procedente potu longius, contentiusque, diversa, & magna certamina quis bibendo præcellat: nota gravis, si quis se excuset, si quis temperandum forte vinum putet. Et hæc donec ad mentas perveniatur secundas. At ubi consummatæ fuerint epulæ, putes jam esse surgendum; tunc de integro potum instaurant suum; & cum consummaverint, tunc inchoare se dicunt, tunc deferuntur phialæ, tunc maximi crateres quasi instrumenta bellorum. Ac ne immoderatum hoc arbitreris, mensura proponitur, certatur sub judice, sub lege decernitur. Agonotheses illis furor est, stipendium debilitas, victoriæ præmium culpa „ „

S. Hieronymus, in cap. 1. Epistolæ *S. Pauli ad Titum*: „ „ Videas (*inquit*) alios pocula in tela vertentes, scyphum in faciem jacere convivæ; alios scissis vestibus in vulnera aliena proruere; alios cla-

ma-

mare, alios dormire. Qui plus biberit, fortior computatur; accusationis occasio est adjuratum per Regem frequentius non bibisse. Vomunt, ut bibant, bibunt, ut vomant. Digestio ventris, & guttur, uno occupantur officio. Hoc nunc dixisse sufficiat, quod secundum Apostolum: In vino luxuria est. Et ubicunque saturitas, atque ebrietas fuerint, ibi libido dominatur. Specta ventrem, & genitalia; pro qualitate vitiorum, ordo membrorum. Nunquam ego ebrium castum putabo; qui etsi vino consopitus dormierit, tamen potuit peccare per vinum „ „

Ebrietas libidinis incentrix.

S. *Casarius*, Serm. 90. inter Augustinianos *De Tempore* alias 131. nunc in Appendice 294. „ „ Frequenter etiam (*inquit*) usque ad vomitum ingurgitare se non erubescunt, & ad mensuram sine mensura bibere. Majora enim pocula providentur, certa bibendi lege contenditur; qui potuerit vincere, laudem meretur ex crimine. *Et infra*: Considerent ebriosi, si non peiores animalibus judicandi sunt. Cum enim animalia amplius, quam eis opus est, bibere nolint, illi & duplum, & triplum, quam eis oportet, potum accipiunt. Et unde tribus, ac quatuor diebus refectionem rationabilem potuerant habere, uno die cum grandi peccato suo contendunt perdere potius, quam expendere; atque utinam vel potum tantummodo perderent, & non etiam ipsi perirent „ „

Ebriosi brutis animalibus peiores.

Et Serm. 91. alias inter Augustinianos *De Tempore* 232 nunc in Appendice 295. „ „ Illud vero quale est, quod jam transacto convivio, & expleta siti, cum amplius bibere nec possint, nec debeant; tunc quasi novelli, quasi qui & ipsa hora supervenerint, diversis nominibus incipiunt bibere, non solum vivorum hominum, sed etiam Angelorum & reliquorum antiquorum Sanctorum, æstimantes, quod maximum illis honorem impendant, si se in illorum nominibus nimia ebrietate sepeliant; ignorantes, quod nullus tam gravem injuriam sanctis Angelis, vel sanctis hominibus agnoscitur irrogare, quam illi,

qui in eorum nominibus bibendo per ebrietatem suas animas probantur occidere „ „

Paganorum
mores imi-
tantur, qui
sitis irrita-
menta fir-
munt, ut
largius bi-
bant.

Ibidem acerrime in eos invehitur *S. Cæsarius*, qui sitis irritamenta sumunt, ut largius bibere valeant, idque Paganos redolere asserit. „ „ Sunt enim aliqui, qui sola ex causa aliqua falsa cibaria sibi ordinant fieri, ut per ipsam falsitudinem nimia se possint ebrietate obruere. Hæc enim si Pagani, qui Deum ignorant, faciant, nec mirandum est, nec nimis dolendum; quia & in Deo spem non habent, & antiquam parentum suorum consuetudinem servant. Christiani vero (quos Deus de tenebris reduxit ad lucem, de morte vocavit ad vitam, quibus omnes Scripturæ clamant sobrietatem diligere, ebrietatem fugere) quare turpissimas illorum ebrietates imitantur, de quorum pertidia liberari per Dei gratiam meruerunt „ „?

Regulam nostram confirmat *S. Thomas*, 2. 2. qu. 150. art. 2. ad tertium. „ „ Cibus, & potus (*inquit*) est moderandus, secundum quod competit corporis valetudini, & ideo sicut quandoque contigit, ut cibus, vel potus, qui est moderatus sano, sit superfluous infirmo, ita etiam potest e converso contingere, ut ille, qui est superfluous sano, sit moderatus infirmo. Et hoc modo, cum aliquis multum comedit, vel bibit secundum consilium medicinæ ad vomitum provocandum, non est reputandus superfluous cibus, vel potus. Nec tamen ad vomitum provocandum requiritur, quod sit potus inebrians; quia etiam potus aquæ tepidæ vomitum causat; & ideo propter hanc causam non excusaretur aliquis ab ebrietate „ „

Propositio
Casuistarū
epicureorū
damnata.

Merito itaque ab Academiis celeberrimis confixa est Epicurea illa Casuistarum quorundam recentiorum Propositio: „ „ Nonnisi veniale est, etiam absque utilitate cibo, & potu utque ad vomitum se ingurgitare; nisi ex huiusmodi vomitibus gravia valetudini incomoda oriantur „ „

REGULA VIII.

Lethalis peccati rei sunt, qui in computationibus, & conviviis bibunt, & alios bibere cogunt ad æquales potus, sive in ebrietatem incidant, sive illius duntaxat periculo se, vel alios exponant: Clerici vero hujus peccati rei, nisi a superiore commo-
niti satisfecerint, suspensione ab officio, & beneficio plectendi sunt.

Hæc morum Regula, quæ superioris major duntaxat explicatio est, testimoniis SS. Patrum, & sacrarum Canonum auctoritate pariter nititur. Ita *S. Basilii* Homil. 14. in ebrietatem: „ „ Tu homo (*inquit*) convivium in aciem bellicam convertisti. Ejicis juvenes manu ductos tanquam in prælio vulneratos, ætatis florem vino ablumis, vocas ad coenam ut amicum, postea ejicis ut cadaver, vita illius per vinum extincta. Cum autem putantur jam esse bene poti, tunc bibere incipiunt; potantque pecudum more, ut ex fonte perenni æquas scaturigines accumbentibus administrante. Procedente namque potatione prodit in medium adolescens nondum ebrius, phialam vini refrigerati humeris ferens. Is submoto illorum pincerna in medio adstans per obliquis fistulas æquam convivis distribuit ebrietatem. Novum genus hoc mensuræ, ubi nullus est mensuræ modus, ut per poculorum æqualitatem inter eos nulla sit invidia, nec alius alium bibendo excedat; aut superet: arripit quisque ante se positum canalem, ut ex quadam cisterna more boum sine respiratione uno haustu tantum bibere contendat; quantum vas illud per argenteam fistulam ex supernis suppeditat. Respice parumper ad miserum ventrem, desce suscipientis vasis magnitudinem, quod unius heminæ sit capax. . . Quamobrem jure clamat Propheta: Væ surgentibus mane, & siccaram persequentibus, & in vino perdurantibus usque ad vesperam & diem in ebrietate consumentibus, ac nullum tempus ad considerandam Dei sapientiam, & opera manuum

Convivium
in aciem
bellicam ab
ebriolis ver-
sa.

Isai. 5.

ejus dignoscenda interponentibus. Vinum enim illos comburet. Quod sane dicit; quoniam vini calor corpori infusus, iguiculus fit ignitorum inimici jaculorum „ „ „

S. Ambrosius, lib. De Elia, & jejuniis, cap. 17.

„ „ Quid autem ostentationes potantium loquar? Quid memorem Sacramenta, quæ violare nefas arbitrantur? Bibamus, inquiunt, pro salute Imperatorum; ut qui non biberit, fiat reus indevotionis. Videtur enim non amare Imperatorem, qui pro ejus salute non biberit. O piæ devotionis obsequium! Bibamus pro salute exercituum, pro Comitum virtute, pro filiorum sanitate. & hæc vota ad Deum pervenire judicant, sicut illi, qui calices ad sepulchra Martyrum deferunt, atque illic ad vesperam bibunt, & aliter se exaudiri posse non credunt. O stultitiam hominum, qui ebrietatem sacrificium putant! qui æstimant illis ebrietatem placere, qui jejuniis passionem sustinere didicerunt! ... Quid retexam auditum mihi non poculi sed profluvii genus, quo in ora hominum tanquam per fistulas, aut canales vina funduntur? hos homines, an utres verius æstimarim? Et tamen ipsi utres, nisi moderata transfusio sit, sæpe rumpuntur. Per cornu etiam fluentia in fauces hominum vina decurrunt; & si quis respiraverit, commissum flagitium, soluta acies, loco motus habetur. Aqua decurrens a Libano cautes rupeas solvit, quomodo mollibus putant nequaquam nocere visceribus vinolentorum impetus fluentorum „ „ „

S. Casarius Arelatensis Episcopus, Serm. 90. alias inter Augustinianos De tempore 231. nunc in Appendice 294. „ „ Qui alterum cogit, ut se, plusquam opus est bibendo, inebriet; minus malum ei erat, si carnem ejus vulneraret gladio, quam animam ejus per ebrietatem occideret. *Et infra:* Sed illi miserabiliter se excusare conantur, dicentes: Ingratum habeo amicum meum. si quoties illum ad convivium vocavero, potum ei, quantum voluerit, ipse non dederit. Et non sit tibi amicus, qui te Deo vult facere

cere inimicum , qui & tuus , & suus est inimicus ; si te , & alium inebriaveris , hominem amicum habebis , & Deum inimicum ; & ideo sapienter considera , an justum sit , ut te a Deo separe , dum te ebrioso conjungis. Ad extremum tu eum noli adjurare , noli cogere , sed in potestate illius dimitte , ut quantum ipsi placuerit , bibat ; ut si se inebriare voluerit , vel solus pereat , & non ambo peccatis „ „

Et Serm. 91. alias inter Augustinianos *De Tempore* 232. in Appendice 295. „ „ Qui amico suo nimium propinando in anima efficitur inimicus , & corpus ejus debilitare , & animam probatur occidere. Melius erat , ut ex illo , quod una die plus eum accipere coegit , quam expedit , per duos , aut tres dies ipsum amicum ad suum convivium revocaret ; & unde eum una die nimium bibendo debilitat , ipsum in aliis diebus sufficienti potu reficeret ; ut nec ille potum perderet , nec amicum deciperet ; aut certe , quod est melius , quidquid nimio potu peritura erat gula , pauperibus daretur in eleemosynam ; ut & caro rationabiliter bibendo reficeretur , & per misericordiam pauperum animo redemptio præpararetur „ „

Eadem Regula , quatenus Clericos spectat , confirmatur ex Canone *Nullus* , apud *Gratianum* dist. 44. & dist. 5. *De Consecratione* , qui ex Concilio Nannetensi laudatur , ut etiam a *Burcardo* lib. 2. cap. 161. & *Ivone Carnotensi* , P. 3. cap. 252. citatus est , cum tamen in nullo Concilio Nannetensi habeatur , sed in Capitulis *Hincmari* Remensis Archiepiscopi Presbyteris suæ Dioceseos datis anno 852. „ „ Nullus Presbyterorum , quando ad anniversarium diem trigessimum , septimum , aut tertium alicujus defuncti , aut quacunque ratione ad Collectam Presbyteri convenerit , se inebriare ullatenus præsumat , nec precatus amore Sanctorum , vel ipsius animæ bibere , aut alios ad bibendum cogere , vel se aliena precatione ingurgitare , nec plausus , nec risus inconditos , &

fabulas inanes ibi referre, aut cantare præsumat, aut turpia joca, vel urso, vel tornatricibus ante se fieri patiatur; nec larvas dæmonum ante se fieri consentiat; quia hoc diabolicum est, & a sacris Canonibus prohibitum „ „

Est 15. inter capitula. Hinc-mari.

Et Can. *Quando*, eadem dist. 44. certæ Regulæ præscribuntur Presbyteris ad Collationes de rebus divinis extra parochiam suam convenientibus, ut comestiones, & computationes vitent, ipsique tres duntaxat cyathos exhaurire permittitur in prandio, quod frugale, & modestum esse jubet. „ „ *Quando (inquit)* Presbyteri per Kalendas simul conveniunt, post peractum divinum Mysterium ad necessariam collationem, non quasi ad plenam refectio-nem, sed quasi ad prandium, ibi ad tabulas resideant; ne per talia inhonesta convivia se invicem gravent, quia indecens est, & onerosum; sæpe etiam tarde ad Ecclesiam redeunt, majus damnum de reprehensione consequuntur, quod a gravedine mutua contrahunt, quam lucrum ibi faciant. Nam de hujusmodi conventu Paulus Corinthios reprehendit, qui inconvenienter Cœnam dominicam manducare conveniebant; sic & qui ad Cœnam dominicam, id est, ad collationem verbi sub occasione, conveniunt, & ex veritate ventris causa conjunguntur, reprehensibiles coram Deo, & hominibus habentur. Et ideo peractis omnibus, qui voluerint, panem cum charitate in domo fratris sui simul cum fratribus frangant. & singulos bibere accipiant; & maxime ultra tertiam vicem poculum non contingant, & sic ad Ecclesias redeant „ „

Denique *Innocentius III. cap. A Crapula, Ext. De Vita, & honestate Clericorum*, qui Lateranensis Concilii IV. Can. 15. est, hanc Regulam diserte tradit: „ „ *A crapula (inquit)* & ebrietate omnes Clerici diligenter abstineant; unde vinum sibi temperent, & se vino. Nec ad bibendum quispiam incitetur; cum ebrietas, & mentis inducat exilium, & libidinis provocet incentivum. Unde illum abusum pe-

nitus decernimus abolendum, quo in quibusdam partibus ad potus æquales suo modo se obligant potatores; & ille iudicio talium plus laudatur, qui plures inebriat, & calices fecundiores exhaurit. Si quis autem super his se culpabilem exhibuerit, nisi a superiore commonitus satisfecerit, ab officio, vel beneficio suspendatur „ „.

R E G U L A IX.

Qui alterum non cogit quidem, sed amice invitat ad bibendum, existimans, quod non sit inebriandus, nec ultra metas necessitatis bibiturus, excusatur a peccato lethali.

Hanc Regulam tradit *S. Thomas*, 2. 2. q. 150. art. 1. ad tertium. „ „ Sicut (*inquit*) ille, qui inebriatur, excusatur a peccato, si ignoret fortitudinem vini; ita etiam ille, qui invitat aliquem ad bibendum, excusatur a peccato, si ignoret talem esse conditionem bibentis, ut ex hoc potu inebrietur. Sed si ignorantia desit, neuter a peccato excusatur „ „.

R E G U L A X.

Ebrietas non excusat a peccatis ex ea consecutis, nisi sit omnino involuntaria; imo, si voluntaria sit, peccati gravitatem auget.

Doctrina est *S. Thomæ*, 2. 2. qu. 150. art. 4. „ „ In ebrietate (*inquit*) duo attenduntur, scilicet defectus consequens, & actus præcedens. Ex parte autem defectus consequentis, in quo ligatur usus rationis, ebrietas habet excusare a peccato, in quantum causat involuntarium per ignorantiam. Sed ex parte actus præcedentis, videtur esse distinguendum; quia si ex actu illo præcedente subsequuta est ebrietas sine peccato, tunc peccatum sequens totaliter excusatur a culpa, sicut forte accidit de Loth. Si autem actus præcedens fuit culpabilis, sic non totaliter aliquis excusatur a peccato sequenti, quod scilicet redditur voluntarium ex voluntate præcedentis.

actus, in quantum scilicet aliquis dans operam rei illicitæ incidit in sequens peccatum. Diminuitur tamen peccatum sequens; sicut & diminuitur ratio voluntarii. Unde *S. Augustinus* dicit *Contra Faustum, lib. 22. cap. 45. Lotb* culpandus est, non quantum ille incestus, sed quantum ebrietas meruit » » »

R E G U L A X I.

Lethalis peccati non solum inobedientiæ, sed etiam gulæ reus est, qui jejunium ab Ecclesiâ præceptum violat, sive carnes, aliosque cibos vetitos comendo, sive corpus duplici refectiõne recreando, sive refectiõnis horam legitimam notabiliter anticipando, absque iusta causa.

Quiscunque enim aliquid horum trium, quæ ad ecclesiastici jejunii substantiam pertinent, scilicet abstinentiã a carnibus, aliisve cibis vetitis, refectiõnis unitatem, horam sumendis alimentis, Ecclesiæ præcepto, vel consuetudine, diebus jejunii constitutam non servat, non solum gulam moderari nescit, ac recusat; sed & remedium spernit ad eam coercendam a Deo institutum, ab Ecclesiâ determinatum, ac præceptum auctoritate Christi, doctrinâ Spiritus sancti. Id autem est vitium gulæ, *Inordinata* scilicet *ciborum concupiscentia*, quæ *spiritualiter hominem coinquinat*, ut loquitur *S. Thomas, 2. 2. qu. 148. art. 1.* ad primum. Cumque huiusmodi abstinentiæ, aut jejunii ecclesiastici transgressor, Dei, & Ecclesiæ præceptum *Quorum Deus venter est*, adeoque lethale peccatum gulæ committit, secundum Regulam illam *S. Thomæ, art. 2. ejusdem quæstionis*: » » Si ergo (*inquirit*) inordinatio concupiscentiæ accipitur in gula secundum aversionem a fine ultimo, sic gula erit peccatum mortale. Quod quidem contingit, quando delectationi gulæ inhæret homo tanquam fini, propter quem Deum contemnit, paratus scilicet contra præcepta Dei agere, ut delectationes huiusmodi assequatur » » »

De jejunio porro , & regulis ejus observantiam spectantibus, lib. 4. hujus operis agemus.

R E G U L A X I I.

Lethalis gulæ reus est, qui cibis illis utitur, quorum manducatione grave scandalum proximo præbatur, sive cibi alias liciti sint, sive prohibiti.

Sic Apostolus 1. ad Corinth. 8. graviter illos peccare docet, qui carnes idolis immolatas edendo, fratres offendebant, eisque peccandi occasionem præbebant. Curæ enim nobis esse debet: *Ne pereat infirmus frater, propter quem Christus mortuus est.* Sic autem peccantes in fratres, & percutientes conscientiam eorum infirmam, in Christum peccatis (inquit Apostolus.) Quapropter si esca scandalizat fratrem meum, non manducabo in æternum, ne fratrem meum scandalizem. Et ad Rom. 14. Si propter cibum frater tuus contristatur, jam non secundum charitatem ambulas. Noli cibo tuo illum perdere, pro quo Christus mortuus est. . . Noli propter escam destruere opus Dei. Omnia quidem sunt munda, sed malum est homini, qui per offendiculum manducat. Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur.

R E G U L A X I I I.

Comedere, & bibere usque ad satietatem, ob solam voluptatem, peccatum est.

Hanc Regulam tradit S. August. lib. 10. Confessionum, cap. 31. Dum his verbis allocutus: „ Re-
ficimus quotidianas ruinas corporis edendo, & bibendo, priusquam escas, & ventrem destruas, cum occideris indigentiam meam satietate mirifica, & corruptibile hoc indueris incorruptione sempiterna. Nunc autem suavis est mihi necessitas, & adversus istam suavitatem pugno, ne capiar, & quotidianum bellum gero in jeuniis sæpius in servitutem redigens corpus meum; & dolores mei voluptate pelluntur. Nam

fames, & sitis quidam dolores sunt; urunt, & sicut febris necant, nisi alimentorum medicina succurrat. Quæ quoniam præsto est, ex consolatione munerum tuorum. in quibus nostræ infirmitati terra, & aqua, & cælum serviunt, calamitas deliciae vocantur. Hoc me docuisti, ut quemadmodum medicamenta, sic alimenta sumpturus accedam. Sed dum ad quietem satietatis ex indigentia molestia transeo, in ipso transitu mihi insidiatur laqueus concupiscentiæ... Ipse enim transitus voluptas est, & non est alius, qua transeatur, quo transire cogit necessitas; & cum salus sit causa edendi, & bibendi, adjungit se tanquam pedissequa periculosa jucunditas, & plerumque præire conatur, ut ejus causa fiat, quod salutis causa me facere vel dico, vel volo, nec idem modus utriusque est. Nam quod saluti satis est, delectationi parum est. Et sæpe incertum sit, utrum adhuc necessaria corporis cura subsidium putet, an voluptaria cupiditatis fallacia ministerium suppetat. Ad hoc incertum hilarescit infelix anima, & in eo præparat excusationis patrocinium, gaudens non apparere, quid satis sit moderationi valetudinis, ut obtentu salutis obumraret negotium voluptatis. His tentationibus quotidie conor resistere, & invoco dexteram tuam ad salutem meam, & ad te refero æstus meos, quia consilium mihi de hac re nondum stat. Audio vocem jubentis Dei mei: *Ne graventur corda vestra in crapula, & ebrietate.* Ebrietas longe est a me; misereberis, ne appropinquet mihi; crapula autem nunquam surrepit servo tuo; misereberis, ut longe fiat a me. Nemo enim potest esse continens, nisi tu des... In his ergo tentationibus positus, certo quotidie adversus concupiscentiam manducandi, & bibendi... Itaque fræni gutturis temperata relaxatione, & constrictione tenendi sunt. Et quis est, Domine, qui non rapiatur aliquantulum extra metas necessitatis? Quisquis est, magnus est, magnificet nomen tuum. Ego autem non sum, quia peccator homo sum

Luc. 21.

Eam-

Eandem christianæ temperantiæ Regulam tradit, & confirmat S. August. lib. 4. *Adversus Julianum*, cap. 14. „ Cum natura (*inquit*) quodammodo poscit supplementa , quæ defunt , non vocatur libido , sed fames , aut sitis ; cum vero suppleta necessitate , amor edendi animum sollicitat , jam libido est . jam malum est , cui cedendum non est , sed resistendum. Hæc duo , id est , famem , & edendi amorem etiam Poeta discrevit , qui post maris jactationem , sociis Æneæ naufragis satis esse judicans tantum sumere alimentorum , quantum refectionis indigentia postularet , ait : *Postquam exempta fames epulis , mensaque remota*. Cum vero Æneas ipse ab Evandro Rege susceptus est hospes , decentius arbitratus ampliores exhiberi epulas regias , quam necessitas posceret , non satis fuit , ut diceret : *Postquam exempta fames* ; sed addidit , & *amor compressus edendi*. Quanto magis nos discernere , ac nosse debemus , quid necessitas refectionis , quid libido edacitatis exposcat , quorum negotium est contra concupiscentem carnem spiritu concupiscere , & condelectari lege Dei , secundum interiorem hominem , ejusque delectationis serenitatem , nullis libidinosis delectationibus nubilare ? Nam iste amor edendi , non edendo , sed continendo est comprimendus „ „

Ibidem : „ „ Jam vero (*inquit*) cum ad usum ventum fuerit necessariæ voluptatis , per quam reficimus corpus , quis verbis explicet , quemadmodum nos modum necessitatis sentire non sinat , & ipsum limitem procurandæ salutis , si qua adsunt delectabilia , rapiendo abscondat , & transeat , putantibus nobis satis non esse , quod satis est , dum libenter ejus provocationibus ducimur , existimantes nos adhuc agere negotium valetudinis , cum agamus potius crudelitatis ? Quid enim mali fecerimus , crapula poenitendo testatur , quod metuentes , plerumque minus , quam eximendæ fami sufficiat , vescimur. Ita nescit cupiditas , ubi finiatur necessitas „ „

Et lib. *De Moribus Ecclesiæ catholica* , cap. 21. eam-

Virgilius

eamdem christianæ temperantiæ Regulam verbis generalibus adstruit: „ „ Habet igitur vir temperans in huiuscemodi rebus mortalibus, & fluentibus, vitæ regulam utroque Testamento firmatam; ut eorum nihil diligat, nihil per se appetendum putet, sed ad vitæ hujus, atque officiorum necessitatem, quantum sat est, usurpet, utentis modestia, non amantis affectus „ „ Intemperantiæ igitur reus est, quisquis usque ad satietatem, ob solam voluptatem, comedit, & bibit.

Job. 19.

S. *Augustino* concinit *S. Gregorius magnus*, lib. 30. *Moralium*, cap. 13 & 14. „ „ Ea (*inquit*) quærenda sunt, quæ naturæ necessitas quærit, & non quæ edendi libido suggerit. Sed magnus discretionis labor est, huic exactori, & aliquid impendere, & aliquid denegare; & non dando gulam restringere, & dando naturam nutrire. Quæ fortasse discretio subinfertur, cum dicitur: *Clamorem exactoris non audit*. Sermo namque hujus exactoris, est necessaria postulatio naturæ. Clamor vero ejus, est mensura necessitatis transiens appetitus gulæ. Hic itaque onager exactoris hujus sermonem audit, clamorem non audit; quia discretus vir, ac continens, & usque ad temperandam necessitatem ventrem reficit, & a voluptate restringit. Sciendum vero est, quia sic voluptas sub necessitate se palliat, ut vix eam perfectus quisque discernat. Nam dum solvi debitum necessitas petit, voluptas explere desiderium suppetit; & tanto gula securius in præceps rapit, quanto sub honesto nomine necessitatis explendæ se contegit. Sæpe autem ipsa edendi via furtive adjuncta voluptas subsequitur; nonnunquam vero imprudenter libera etiam præire conatur. Facile autem estprehendere, cum voluptas ejus necessitatem prævenit; sed valde est difficile discernere, cum in ipso esu necessario se occulta subjungit. Nam quia præeuntem naturæ appetitum sequitur, quasi a tergo veniens tardius videtur. Eo enim tempore, quo necessitati debitum solvitur, quia per esum voluptas ne-

necessitati miscetur, quid necessitas petat, & quid voluptas suppetat, ignoratur. Sæpe vero & discerimus; & quia utramque sibi conjunctam novimus; in hoc quod extra metas rapimur, libere reficiendo fallimur; & dum sibi mens ex necessitate blanditur, ex voluptate decipitur. Scriptum quippe est: *Carnis curam ne feceritis in desideriis.* Quæ igitur Rom. 13: fieri in desideriis prohibetur, in necessitate conceditur „ „.

„ Sed sæpe dum incaute necessitati condescendimus, desideriis deservimus „.

Eandem Regulam suffragio suo confirmat *S. Thomas*, 2. 2. qu. 141. art. 6. „ „ Omnia (*inquit*) delectabilia, quæ in usum hominis veniunt, ordinantur ad aliquam hujus vitæ necessitatem sicut ad finem; & ideo temperantia accipit necessitatem hujus vitæ, sicut regulam delectabilium, quibus utitur, ut scilicet tantum eis utatur, quantum necessitas hujus vitæ requirit „ „.

Et qu. 148. art. 1. ad secundum: „ „ Vitium gulæ (*inquit*) non consistit in substantia cibi, sed in concupiscentia non regulata ratione. Et ideo si aliquis excedat in quantitate cibi, non propter concupiscentiam cibi, sed æstimans id sibi necessarium esse, non pertinet hoc ad gulam, sed ad aliquam imperitiam. Sed hoc solum pertinet ad gulam, quod aliquis propter concupiscentiam cibi delectabilis scienter excedat mensuram in edendo „ „.

Merito itaque ab *Innocentio XI.* Pontifice maximo Propositio casuistarum Epicureorum ab Ecclesia damnata. damnata est hæc propositio inter alias octava: „ „ Comedere, & bibere usque ad satietatem, ob solam voluptatem, non est peccatum, modo non obstit valetudini, quia licite potest appetitus naturalis suis actibus frui „ „.

A Clero etiam gallicano in Comitiiis generalibus anni 1700. confixa est his verbis: „ Hæc propositio temeraria est, scandalosa, perniciofa, erronea, & ad Epicuri scholam ableganda „ „.

REGULA XIV.

Intemperantiæ, & gulæ rei sunt, qui delicatioribus cibis corpus nutriunt ob voluptatem; quamvis non peccent, qui ob delicatorem corporis constitutionem, ob stomachi debilitatem, & fastidia, ob infirmitatem, cibis delicatis utuntur, vilioribus, crassioribus, & male paratis obtoniis rejectis.

Hanc morum regulam, quoad primam partem Salomon Spiritu sancto afflatus tradit Prov. 29. *Qui delicate a pueritia nutrit servum suum, postea sentiet eum contumacem.* Servum animæ corpus esse nemo nescit; delicate igitur non est nutriendum, ne sit contumax. Et S. Paulus ad Rom. 13. *Induimini (inquit) Dominum Jesum Christum, & carnis curam ne feceritis in desideris.*

Eandem Regulam confirmat S. Gregorius Nyssenus, Oratio 5. „„ Panem pete (inquit) propter vitæ necessarium usum; hujus te corpori natura debitorem fecit. Cætera, quæ præter hæc, solertia hominum deliciis, ac luxui deditorum excogitata, & inventa sunt; ea de zizaniorum juxta bonum semen disseminatorum semine existunt. Semen Patrifamilias frumentum est, ex frumento panis conficitur; at luxus, atque deliciæ zizanium est, quod ab inimico juxta frumentum satum est. Sed homines omisso ministerio naturæ necessario, revera suffocantur rerum inanum studiis, & manent infrugiferi, dum in his anima perpetuo exercetur, & occupatur. *Et infra:* Ne des aditum serpenti ad interiora irrepenti, & a primo initio omne suum venenum inferentis; mane, atque consiste in usu necessario, terminus esto tibi vitæ solitudinis per res obvias, & parabiles necessarij usus, atque defectus expletio „„.

Idem confirmat S. August. lib. 4. Contra Julianum cap. 14. quatuor in quolibet sensu distinguenda esse docens; scilicet „„ Sentiendi vivacitatem, utilitatem, necessitatem, & sentiendi libidinem. Vivacitas sentiendi est, qua magis alius, alius minus in ipsis

corporalibus rebus pro earum modo, atque natura, quod verum est, percipit, atque id a falso magis minusve discernit. Utilitas sentiendi est, per quam corpori, vitæque, quam gerimus, ad aliquid approbandum, vel improbandum, sumendum, vel rejiciendum, appetendum, vitandumve consulimus. Necessitas sentiendi est, quando sensibus nostris etiam, quæ nolumus, ingeruntur. Libido autem sentiendi est, quæ nos ad sentiendum sive consentientes mente, sive repugnantes, appetitu carnalis voluptatis impellit. Hæc est contraria dilectioni sapientiæ, hæc virtutibus inimica „ „.

Alteram partem Regulæ *S. August.* approbat lib. *ro. Confessionum*, cap. 31. „ „ Non ego (*inquit*) immunditia obsonii timeo, sed immunditiam cupiditatis. Scio Noe omne carnis genus, quod cibo esset usui, manducare permissum, Eliam cibo carnis refectum; Joannem mirabili abstinentia præditum, animalibus, hoc est locustis, in escam cedentibus non fuisse pollutum. Et scio Elau lenticulæ concupiscentia deceptum; & David propter aquæ desiderium a seipso reprehensum; & Regem nostrum non de carne, sed de pane esse tentatum. Ideoque & populus in eremo, non quia carnes desideravit, sed quia escæ desiderio adversus Dominum murmuravit, metuit improbari „ „.

Idem confirmat *S. Gregorius*, lib. 30. *Moralium*, cap. 13. „ „ Neque enim cibus (*inquit*) sed appetitus in vitio est. Unde & lautiores cibos plerumque sine culpa sumimus, & abjectiores non sine reatu conscientia degustamus „ „.

Idem confirmatur exemplo *S. Thomæ Cantuariensis* Archiepiscopi, & Martyris, de quo *Heribertus de Boscham* in ejus vita scribit, ejus temperantiam commendans: „ „ Inter tot, & tantas delicias, quæ ei apponebantur, in nullo penitus Sardapalium, sed solum Episcopum sapiebat; nullius, ut notari posset, avidus, nec super ullam omnino escam se effundens. Tria sobrietas exigit; quid, quando, &

quantum sumamus, nec quid prohibitum, nec quid citra horam, nec quid ultra mensuram. Unde & Adam, qui primus comedit vetitum, confestim proscribitur. Jonatas, qui citra horam, maledicitur. Israel vero, qui ultra mensuram, mox punitur. Verum Thomas in virtute sobrietatis cunctis præstans, de hora, & mensura quotidie proposita, quibus uti consueverit, audiamus; ne in hoc, quod facile nimis justis, & indiscrete religiosis videri posset, videatur in aliquo, vel in modico, tantam, quam de eo prædicamus, sobrietatis decolorasse virtutem. Multa quidem offerebantur, apponebantur multa, & varia, sed inter plurima ad elum proprium pauca retinebat. Et ea, quibus ipse utebatur, & delicatiora quidem, & pretiosiora erant, quæ etsi non sint prohibita, a sobrietatis tamen perfectione, & a perfecte sobrio, his præsertim, quos diximus nimis justos, videri possent aliena. Unde cum unus justorum talium super hoc inter discumbendum semel, quasi subridendo notaret Pontificem, aliquantisper zelo motus Pontifex sic ei respondit: Certe, frater, nisi fallor, cum aviditate majori, tu tuam fumis fabam, quam ego appositam mihi phasidem. Et erat tunc avis hæc ante Præsulem in paropside. Et frater ille aliquando inter nos converlatus, deliciosa non quærens, utpote, qui ad hæc consuetudinem non habuerat edulio grossiorum. Et bonum quidem, & prudens hoc & pro fratris consuetudine, & pro veritate Pontificis responsum. Nec enim refert, ut tradunt animarum medici Patres orthodoxi, quid, quantumve, quisumat, si solum necessitati, & valetudini suæ, non voluptati indulgeat. Pontifex igitur, qui grossiora non poterat, utpote minime enutritus in his, deliciosa quidem, sed parce admodum sumebat, & sobrie, ita quod, sicut ex ejus secreta Confessione, quidam religiosi ipsius familiares noverunt secretius, non magis cibatus, quam jejunus, nec post vina plus quam ante, ullam vix sentiret carnis rebellionem » ».

CAPUT VII.

De Ira.

ARTICULUS PRIMUS.

Quid sit, & quam grave sit peccatum.

Ira est ultionis libido, sive immoderatus animi motus, ^{Ira definitio.} quo quis injustam, & indebitam ultionem sumit, vel expetit ab eo, a quo vel reipsa laesus est, vel se laesum arbitratur.

Quæ definitio, ut intelligatur, notandum est cum S. Th., 2. 2. qu. 158. art. 1. & 2. Iram, quæ motus est appetitus sentientis, non esse secundum se malam, sed solum quatenus rationis moderatricis ordinem excludit, modumque prætergreditur. Ordo autem rationis quantum ad duo potest attendi. Primo quantum ad rem, in quam tendit, quæ est vindicta. Unde si aliquis appetat vindictam secundum ordinem rationis, laudabilis est iræ motus, & vocatur *Ira per ælum*. Si autem aliquis vindictam expectat contra ordinem rationis, verbi gratia: Si puniri appetat eum, qui non meruit, vel ultra quam meruit, vel etiam non secundum legitimam ordinem; id est, non servato juris ordine; Vel non propter debitum finem, qui est conservatio iustitiæ, & correctio culpa; tunc motus iræ vitiosus est, & vocatur *Ira per vitium*. Quam distinctionem haurit S. Thom. ex S. Gregorio, lib. 5. *Moralium*, cap. 30. „Sciendum est (inquit) quod alia est ira, quam impatientia excitat, alia, quam zelus iustitiæ format. Illa ex vitio, hæc ex virtute generatur. Si enim nulla ira ex virtute surgeret, divinæ animadversionis impetum Phinees per gladium non placasset. Hanc iram quia Heli non habuit, motum contra se implacabiliter supernæ ultionis excitavit. Nam quo contra subditorum vitia tepuit, eo contra illum districtio æterni Rectoris exarsit. De hac ira per Psalmistam dicitur: *Iraſcimini, & nolite peccare. Quod nimirum non recte intelligunt, qui irasci nos nobis tantummodo;*

non etiam proximis delinquentibus volunt. Si enim sic proximos, ut nos amare præcipimur, restat, ut sic eorum erratibus, sicut nostris vitiis irascamur. De hac per Salomonem dicitur: *Melior est ira risu, quia per tristitiam vultus corrigitur animus delinquentis.* De hac iterum Psalmista ait: *Turbatus est præ ira oculus meus*: Ira quippe per vitium oculum mentis excœcat, ira autem per zelum turbat; quia cum saltem recti æmulatione concutitur, ea, quæ nisi tranquillo corde percipi non potest, contemplatio dissipatur „ „

Alio modo (inquit S. Thomas) attenditur ordo rationis circa iram quantum ad modum irascendi: „ „ Ut scilicet motus iræ non immoderate ferveat, nec interius, nec exterius. Quod quidem si prætermittatur, non erit ira absque peccato, etiamli aliquis appetat justam vindictam „ „

Ira non per se, & semper, sed aliquando tamen lethale peccatum est, quod statuendis inferius regulis morum explicabitur. *Job 5. dicitur: Virum sulcum interficit iracundia.* Jura Dei usurpat iracundus homo, & ultionis appetens; siquidem jus ultionis Deus sibi servavit: Deuter. 32. *Mea est ultio, & ego retribuam in tempore.* Et ad Rom. 12. *Nulli malum pro malo reddentes. . . Si fieri potest, quod ex vobis est, cum omnibus hominibus pacem habentes; non vosmetipsos defendentes, charissimi, sed date locum iræ. Scriptum est*

Jura Dei
usurpat ho-
mo iracun-
dus.

enim: Mihi vindicta, ego retribuam, dicit Dominus. Ira ipsi homini iracundo plurimum nocet; spirituales oculos excœcat. Unde *Job 17. cap. ait: Caligavit ab indignatione oculus meus.* Et *Psal 6. dicitur: Turbatus est a furore oculus meus.* Ira misericordiam extinguit. *Prov. 27. Ira non habet misericordiam, nec erumpens furor; & impetum concitati ferre quis poterit?* Ita nocet valetudini, vitamque contrahit, Eccl. 30. *Zelus, & iracundia minuunt aies.* Quantum ira proximo noceat, testantur rixæ, contumeliæ, convitia, duella, belia, homicidia, lites, dissidia implacabilia. Nemo intolerabilior homine iracundo. *Prov. 18. Spiritum ad irascen-*

Ira proxi-
mo nocet.

scendum facilem, quis poterit sustinere? Prov. 21. Melius est habitare in terra deserta, quam cum muliere rixosa, & iracunda. Et cap. 22. Noli esse amicus homini iracundo, neque ambules cum viro furioso; ne forte discas semitas ejus, & sumas scandalum animæ tuæ. Prov. 27. Grave est iuxum, & onerosa arena; sed ira stulti utroque gravior. Iram inter Opera carnis, quæ qui agunt, regnum Dei non consequentur, Apostolus recenset ad Gal. 5. Quam grave peccatum sit ira, Christus ostendit Matth. 5. Audistis, quia dictum est antiquis: Non occidas, qui autem occiderit, reus erit iudicio. Ego autem dico vobis, quia omnis, qui irascitur fratri suo, reus est iudicio. Quo ex oraculo compertum est, iram esse aliquando lethale peccatum. Ab ira maxime auenos esse discipulos suos voluit Christus, quos exemplo suo ad mansuetudinem, & patientiam instituit. Dicit. (inquit) a me quia mitis sum, & humilis corde. Et Luc. 21. In patientia vestra possidebitis animas vestras. Apostolus magistri præcepta Christianis inculcans, ab ira illos avertit, ad mansuetudinem, pacem, & patientiam hortatur. Ephes. 4. Obsecro vos, ego vincit in Domino, ut digne ambuletis vocatione, qua vocati estis, cum omni humilitate, & mansuetudine, cum patientia, supportantes invicem in charitate, solliciti servare unitatem spiritus in vinculo pacis... Irascimini, & nolite peccare: Sol non occidat super iracundiam vestram... Omnis amaritudo, & ira, & indignatio, & clamor, & blasphemia tollatur a vobis, cum omni malitia. Estote autem invicem benigni, misericordes; donantes invicem, sicut & Deus in Christo donavit vobis. Et ad Coloss. 3. Nunc autem deponite & vos omnem iram, indignationem, malitiam, blasphemiam, turpem sermonem de ore vestro. 1. ad Timoth. 2. Volo ergo viros orare in omni loco, levantes puras manus sine ira, & disceptatione. Sanctus etiam Jacobus Epistolæ suæ catholicæ cap. 1. Sit autem omnis homo velox ad audiendum, tardus autem ad loquendum, & tardus ad iram. Ira enim viri iustitiam Dei non operatur.

Matth. 11.

Quam turpe sit, & immane iræ vitium, ostendit

Iræ vitium
immane.

S. Basiliius, Homil. 10. De ira. . . . Quando (inquit) semel iræ perturbatio mentem præcipitans intimum animæ sumpserit, hominem penitus in feram convertit, nec rationis compotem esse sinit. Quod enim venenum virus emittentibus erit, hoc idem & furor animi irritatis, ac perturbatis. Impetu feruntur, infiliunt, rabie ut canes afficiuntur, pungunt ut scorpî, mordent ut serpentes. Novit & Scriptura eos, qui hoc vitio tenentur, ferarum appellatione vocare, quibus sese ob perversitatem similes, ac familiares reddiderunt. Nam & canes mutos, & serpentes, & genina viperarum & his similia nominat. Qui enim ad mutua inter se ejusdem generis parati sunt inferenda incommoda, jure feris, ac venenatis adscribi possunt, quibus ex natura continuum adversus homines odium inest. Effrænes linguæ, ora incustodita, incontinentes manus, contumeliæ, probra, accusationes, verbera, & alia ejusmodi quæcunque quis enumerare poterit, iræ sunt, ac furoris fructus. Ob iram ens acuitur, mors homini ex homine venit, fratres inter se ignorantur, parentes, ac liberi naturæ obliviscuntur. Sed nec ante omnia se ipsos agnoscunt irati, deinde neque quotquot habent necessarios. Quemadmodum enim torrentes ad curva loca decurrentes secum obvia quæque trahunt; sic & iratorum impetus violenti, & instabiles omnia similiter percurrunt, atque obruunt. Non ei senectus venerabilis, non vitæ virtus, non generis propinquitas, non acceptæ jam gratiæ, non denique quidquid aliud, quamvis æstimandum, in honore est. Momentanea quædam insania est ira. Quin & maximum se in malum conjiciunt, & studio vindicandi se ipsos negligunt. Forum namque memoria, quibus læsi sunt, velut cæstro quodam incitati; & animo exacerbato, atque æstuanti non prius desinunt, quam incommodum aliquod infestanti insigant, vel ipsi (si id contingat) accipiant; quemadmodum sæpe evenit, ut quæ violentè alliduntur, plus accipiant incommodi, quam inferant, dum a rebus renitentibus conquassantur „ „

De illius gravitate peccati, deque illius fuga præ- Ira compri-
menda &
moderan-
da.
clara etiam apud S. Ambrosium legere est, lib. *De Jo-
seph Patriarcha*, cap. 13. explicantem hunc locum Gen.

45. *Dimisit autem fratres suos, & abierunt. Et dixit illis
Joseph: Nolite irasci in via.* Sic autem habet:

„ Quam bene docet ab iracundia præcavendum,
quod ea possit etiam amantes sui separare germa-
nos; & maxime in via fugiendam esse discordiam,
ubi ipse viandi comitatus debet inviolabilis gratiæ
habere consortium. Quid autem aliud ait Dominus
noster Jesus ex hoc corpore recessurus. cum disci-
pulos dimitteret suos, nisi ne irascerentur in via,
dicens: *Pacem relinquo vobis, pacem meam do vobis?* Joan. 14.

Ubi enim pax est, iracundia locum non habet, ab-
legatur discordia, fugatur dissensio. Hoc est ergo,
quod ait: *Pacem meam do vobis*, id est; *Nolite irasci
in via.* Et vide, ne in hac via dicat, hoc est, in
hoc cursu totius vitæ indignationem cavendam, quod
ira sæpe etiam innocentes in crimina adducat; quia
dum justo amplius irascimur, & volumus alienum
coercere peccatum, graviora peccata committimus.
Ideo Apostolus: *Non vos ipsos (inquit) vindican-* Rom. 12.
tes, charissimi; sed date locum ira; hoc est, decli-
nemus eam, ne nos illa corripiat. Unde Dominus
Jesus dimittens ad evangelizandum discipulos, misit
eos sine auro, sine argento, sine pecunia, sine pe-
ra, sine virga; id est, ut & instrumenta eriperet
ultionis „ „.

Et Enarratione in Psal. 36. exponens hunc ver-
sum: *Desine ab ira, & relinque indignationem*; sive
ut legimus, *Derelinque furorem*, ait: „ „ Sunt mul-
ta vitia, quæ obrepunt insipientibus: ira gravis passio
est; plerumque accendit invitum; & volentem mi-
tius vindicare, in furorem rapit, ut perimat, quem
putaverit coercendum. Commotus, gladio sæpe trans-
verberat innocentem. Amicos, & fratres per indi-
gnationem plurimi peremerunt. Ideo sapiens dicit:
Ira perdit etiam sapientes. Salomonis dictum est, Prov. 15
quia non solum quoscunque de medio homines, sed

Pſalm. 4.

Ephes. 4.

etiam ipsos perdat ira sapientes. Et David sapientem monet dicens ; *Desine ab ira* , ne cum accenderis eam , illa non desinat , priusquam te ejus flamma consumat. *Relinque* (inquit) *indignationem* , hoc est , natura te rapit , movet affectus , culpa te alicujus excitat , vel offensa , ut indigneris ; sed non usquequaque , ut modum nescias ; relinque eam , finem impone , ne te in peccatum trahat. Hoc est , quod supra dixit : *Iraſcimini* , & *nolite peccare*. Non enim hortatur , ut irascaris , sed ad tempus cedit affectui ; dat tamen medicamentum , ne diutius vis ulceris serpat ; *Iraſcimini* , quod ait , tuæ est passionis. Medicus enim non statim adhibet medicamenta languori ; si dolor fervet , fomenta adhibet , ut miteſcat dolor ; si febris exæſtuat , remedii tempus exspectat , ipsum potum sitientibus negare consuevit. Non dicit : Noli febrile , cum vapor fervet ægroti ; sed dicit , exspecta , desinat febris , digeratur commotio. Sic & Propheta non potuit dicere homini , cujus caro , ut variis morborum , ita commotionum passionibus excitatur ; Non irascere ; sed dicit : *Desine ab ira* , & *indignationem relinque* , ne pecces. *Ira enim gravis est magistra peccati*. Alius quoque medicus dicit : *Sol non occidat super iracundiam vestram* ; ne dum diu differs , veniat ille , qui calefactum corpus somno excitare consuevit , & stimulet te , inferat tibi cogitationes , & in secreta se tui pectoris immergat dicens ; Vindica injuriam tuam , virum te esse cognosce ; femineæ infirmitatis est , non capere vindictam. Ergo contemnere te debuit servus , frater decipere , amicus illudere ; & tu adhuc tuam non ulcisceris contumeliam ? Proſcribas necesse est , gladio oportet infurgas , & dolorem tuum adversarii morte solvas. Vir fuit ille , qui suum occidit inimicum , merito prædicatur ; quia ita se vindicavit , ut alius ignorans audiret , eique irrogare non auderet injuriam. His stimulis plus accenditur , plus movetur , ut compleatur , quod scriptum est ; *Ira perdit etiam sapientes* .

S. Auguſt.

S. August. Serm. 208. alias De Diversis 72. ostendit Quam exitialis sit ira in corde servata. „ „ Quid jam dicam de illo opere misericordiae, ubi nihil de apothecis, nihil de sacculo impenditur, sed ex corde dimittitur, quod magis, si maneat, quam si recedat, incipit esse damnosum? Iram dico adversus aliquem in corde servatam. Quid autem stultius, quam inimicum forinsecus devitare, & multo peiorem in precordiis intimis retinere? Unde Apostolus dicit; *Sol Ephes. 4. non occidat super iracundiam vestram, Moxque subiungit; Neque detis locum diabolo. Tanquam hoc agat, qui non cito iram pellit ex animo, ut per illam velut per januam aditum praestet diabolo. Primitius itaque agendum est, ut super iram non occidat ille sol; ne deleat ipsam mentem iustitiae sol „ „*

S. Gregorius magnus lib. 5. Moralium, cap. 19. ex- Ira quam; plicans locum illum Job 5. *Virum stultum interficit iracundi;* istius gravitatem peccati, & mala, quae inferit, luculenter ostendit. „ „ Cum scriptum sit: *Tu autem Domine cum tranquillitate iudicas;* sciendum nobis magnopere est, quia quoties turbulentos motus animi, sub mansuetudinis virtute restringimus, ad similitudinem redire Conditoris conamur. Nam cum tranquillitatem mentis ira diverberat, dilaniatam quodammodo, scissamque perturbat, ut sibi metipsum non congruat, ac vim intimae similitudinis amittat. Quanta ergo sit iracundiae culpa pensemus, per quam dum mansuetudo omittitur, supremae imaginis similitudo vitatur. Per iram sapientia perditur; ut quid, quove ordine agendum sit, omnino nesciatur, sicut scriptum est; *Ira in sinu stulti requiescit;* quia nimis. Eccl. 7. rum intelligentiae lucem subtrahit, cum mentem permovendo confundit. Per iram vita amittitur, etsi sapientia teneri videatur, sicut scriptum est; *Ira perdit etiam sapientes.* Quia scilicet confusus animus nequaquam explet, etiam si quid intelligere prudenter velit. Per iram iustitia relinquitur, sicut scriptum est; *Ira viri iustitiam Dei non operatur;* quia dum perturbata mens iudicium suae rationis exasperat, omne, quod fu-

- ror subjerit, rectum putat. Per iram gratia vitæ socialis amittitur, sicut scriptum est: *Noli esse assiduus cum homine iracundo, ne discas semitas ejus, & sumas scandalum anime tue.* Et ibidem: *Quis poterit habitare cum homine, cujus spiritus facilis est ad irascendum?* quia qui se ex humana ratione non temperat, necesse est, ut bestialiter solus vivat. Per iram concordia rumpitur, sicut scriptum est: *Vir animosus parat rixas, & vir iracundus effodit peccata.* Iracundus quippè peccata effodit, quia etiam malos, quos incaute ad discordiam provocat, peiores facit. Per iram lux veritatis amittitur, sicut scriptum est: *Sol non occidat super iracundiam vestram;* quia cum menti iracundia confusionis tenebras incutit, huic Deus radium suæ cognitionis abscondit. Per iram sancti Spiritus splendor excluditur, sicut scriptum est: *Super quem requiescet Spiritus meus, nisi super humilem, & quietum, & trementem sermones meos?* Cum enim humilem diceret, quietum protinus adjunxit. Si ergo ira quietem mentis subtrahit, suam sancto Spiritui habitationem claudit, cujus recessione animus vacuus, ad apertam mox insaniam ducitur, & usque ad superficiem ab intimo cogitationum fundamento dissipatur. Nam iræ suæ stimulis accensum cor palpitat, corpus tremat, lingua se præpedit, facies ignoscit, exasperantur oculi, & nequaquam recognoscuntur noti „„.

ARTICULUS II. REGULÆ MORUM.

Circa Iram,

REGULÆ PRIMÆ.

Ira cum injustæ vindictæ appetitu deliberato conjuncta, lethale ex genere suo peccatum est.

Hanc Regulam tradit *S. Thomas*, 2. 2. qu. 158 art. 3. „ Cum aliquis (*inquit*) appetit injustam vindictam, sic ex genere suo ira est peccatum mortale, quia contrariatur charitati, & justitiæ „

Et

Et in responsione ad tertium, ait; Dominum, cum dixit: *Omnis, qui irascitur fratri suo, reus erit iudi.* Math. 5. 22. loqui de motu iræ, „ „ quo quis appetit proximi occisionem, aut quamcunque gravem læsionem; cui appetitui si consensus rationis superveniat, absque dubio erit peccatum mortale „ „

R E G U L A I I.

Repentinus iræ motus, vel deliberatus quidem, sed cum levioris vindictæ appetitu conjunctus, veniale duntaxat peccatum est.

Ita docet S. Thomas loco mox citato. „ „ Potest tamen (*inquit*) contingere, quod talis appetitus sit peccatum veniale propter imperfectionem actus. Quæ quidem imperfectio attenditur vel ex parte appetentis, puta, cum motus iræ prævenit iudicium rationis, vel etiam ex parte appetibilis, puta, cum aliquis appetit in aliquo modico se vindicare, quod quasi nihil est reputandum; ita quod etiam si actus inferatur, non esset peccatum mortale, puta, si aliquis parvam trahat puerum per capillos; vel aliquid huiusmodi „ „ Et art. 2. ejusdem quæstionis; „ „ Motus (*inquit*) qui prævenit iudicium rationis, non sunt in potestate hominis in generali, ut scilicet nullus eorum insurgat, quamvis ratio possit quemlibet singulariter impedire, si insurgat. Et secundum hoc dicitur, quod motus iræ non est in potestate hominis, ita scilicet, quod nullus insurgat. Quia tamen aliquando est in hominis potestate, non totaliter perdit rationem peccati, si sit inordinatus „ „ Quo sensu Cassiodorus in Psal. 4. ait: „ „ Venialis est iræ, quæ ad effectum indignationis suæ non pervenit, sicut scriptum est: *Melior est, qui vincit iram.* Prov. 16. 1. *quam qui capit civitatem.* Ideo præceptum curationis adhibetur, ut si jam irascimur, non inconsulte temeritate peccemus. Motum siquidem animi servidum propter humanam fragilitatem habere in potestate non possumus; suffragante tamen Dei gratia

ratione disciplinabili continemus. Et ideo beatus Prophetæ, quod est quidem consuetudinis permisit; quod vero culpæ prohibuit. Nam si irascamur, nec Domini consideratione refrænemur, sed a voto nostro impediamur aliquo necessitatis objecto; tunc utique constat nos facti crimen portare, etiam si non possimus, quæ volebamus, efficere „ „.

R E G U L A III.

Tres iræ gradus a Christo Domino explicati (Matthæi 5.) lethalia peccata sunt.

Id enim Christi verba diserte significant; *Ego autem dico vobis: Quia omnis, qui irascitur fratri suo, reus erit iudicio. Qui autem dixerit fratri suo, Racha, reus erit Concilio, Qui autem dixerit, fatue, reus erit gehennæ ignis.* Primus gradus est ira cum deliberato gravis ultionis appetitu animo concepta, & in odium degenerans. Secundus gradus est iræ huiusmodi per aliqua signa exteriora manifestatio, etiam antequam prorumpat in effectum. Tertius gradus est peccati interius concepti executio, seu actualis vindicta. Primus gradus significatur his verbis: *Omnis, qui irascitur fratri suo, reus erit iudicio.* Secundus, his verbis: *Qui dixerit fratri suo, Racha, reuserit Concilio.* Est autem Racha, interjectio indignantis, gravemque ultionem expetentis animi motum significans; seu gravis damni comminatio. Tertius gradus exprimitur his verbis: *Qui autem dixerit, Fatue, reus erit gehennæ ignis.* Est enim effectus iræ nocumentum alterius sub ratione vindictæ. Minimum autem nocumentorum est, quod fit solo verbo. Unde si primus gradus est peccatum mortale, multo magis alii (inquit S. Thomas.) Et ideo singulos condemnandos Christus docet; sed primum tamen damnatione minus gravi, alterum graviore, tertium gravissima; quod tribunalium diversitate designat, in quibus causæ vulgares, graviore, & gravissimæ disceptabantur, & iudicabantur. Id omne
S.

Auguſt. verbis luculentius exprimam lib. 2. *De ſermone Domini in monte*, cap. 9. „ „ Gradus itaque ſunt in iſtis peccatis, ut primo quiſque irascat, & eum motum retineat corde conceptum; jam extorſerit vocem indignantis ipſa commotio, non ſignificantem aliquid, ſed illum animi motum ipſa ruptione teſtante, qua feriatur ille, cui irasquitur; plus eſt utique, quam ſi ſurgens ira ſilentio premeſſetur; ſi vero non ſolum vox indignantis audiat, ſed etiam verbum, quod jam certam ejus viſperationem, in quem proferitur, deſignet, & notet, quis dubitet amplius hoc eſſe, quam ſi ſolus indignationis ſonus ederetur? Itaque in primo unum eſt, id eſt ira ſola; in ſecundo duo, & ira, & vox, iræ iram ſignificat; in tertio tria, & ira, & vox, iræ iram ſignificat, & in voce ipſa certæ vituperationis expreſſio. Vide nunc etiam tres reatus, judicii, Concilii, gehennæ ignis. Nam in judicio ad hanc deſenſionem datur locus; in Concilio autem quamvis jam & judicium eſſe ſoleat, tamen quia intereſſe aliquid hoc loco fateri cogit ipſa diſtinctio, videtur Concilium pertinere ſententiæ prolatio; quando non jam cum ipſo reo agitur, utrum damnandus eſt, ſed inter ſe, qui judicant, conferunt, quo ſupplicio damnari oporteat, quem conſtat eſſe damnandum; Gehenna vero ignis, nec damnationem habet dubiam, ſicut judicium; nec damnati poenam, ſicut Concilium; in gehenna quippe ignis certa eſt damnatio, & poena damnati „ „.

Eodem ſenſu hunc locum explicat *S. Gregorius*, 21. *Moralium*, cap. 4. „ „ Prius (*inquit*) ira reprehenditur ſine voce; poſtmodum vero ira cum voce, ſed necdum pleno verbo formata; ad extremum quoque cum dicitur, fatue; ira redarguitur, iræ cum excellu vocis expletur etiam perfectione ſermonis. Et notandum, quod in ira perhibet reum ſe iudicio; in voce iræ, quod eſt Racha, reum Concilio; in verbo vocis, quod eſt fatue, reum gehennæ ignis. Per gradus etenim culpæ crevit ordo ſen-

sententiæ; quia in iudicio adhuc causa discutitur; in concilio autem jam causæ sententiâ definitur; in gehenna vero ignis ea, quæ de concilio egreditur, sententiâ expletur. Quia igitur humanorum actuum Dominus subtili examine gressus enumerat, ira sine voce iudicio; ira in voce concilio; ira vero in voce, atque sermone, gehennæ ignibus mancipatur „

REGULA IV.

Ira inveterata lethale peccatum est.

Hanc Regulam ex sacris Literis depromptam explicat *S. Augst.* Serm. 58. alias 42. inter Homil. 50. cap. 7. „ Ne putetis, quia nihil sit iracundiâ *Turbatus est* (inquit Propheta) *pro ira oculus meus.* Utique qui turbatur, solem videre non potest; & si conatus fuerit videre, poena illi est, non voluptas. Quid est ira? Libido vindictæ. Libet hominem vindicari; & nondum est Christus vindicatus, nondum sunt sancti Martyres vindicati. Adhuc expectat patientia Dei, ut convertantur inimici Christi, convertantur Martyrum inimici; nos qui sumus, ut vindictam quæramus? Si quæreretur illam Deus de nobis, ubi remaneremus? Ille, qui nihil nos læsit, non vult se vindicare de nobis; & nos quærimus vindicari, qui pene quotidie Deum offendimus? Ergo dimittite ex corde. Iratus es, noli peccare: *Irascimini, & nolite peccare.* Irascimini quasi homines, si vincimini; & nolite peccare, ut iram in corde teneatis, (quia si teneatis, contra vos tenetis:) ne in illud intretis. Ergo dimittite. Quid est ira? Libido vindictæ. Quid est odium? Ira inveterata. Ira inveterata si facta est, iam odium dicitur. Quod videtur confiteri ille, qui cum dixisset: *Turbatus est pro ira oculus meus;* addidit, *Inveteravi in omnibus inimicis meis.* Quod erat ira, cum esset nova, odium factum est; quia in vetustatem conversum est. Ira festuca est, odium trabes est. Aliquando reprehendimus irascentem, & odium tenemus in corde, & dicit nobis Christus: *Festucam*
in

Psalm. 4.

Psalm. 6.

Matth. 7.

in oculo fratris tui vides, & trabem in oculo tuo non vides. Unde crevit festuca, ut trabem faceret? Quia non statim evulsa est. Quia passus es exire, & intrare solem toties super iracundiam tuam, fecisti illam veterem, attraxisti malas suspiciones, & rigasti festucam, rigando nutristi, nutriendo trabem fecisti. Expavesce, vel quando dicitur: *Qui odit fratrem suum, homicida est.* Gladium non eduxisti, non vulnus in carne fecisti, non corpus plaga aliqua trucidasti; cogitatio sola odii in corde tuo est, & teneris homicida; reus es ante oculos Dei. Ille vivit, & tu occidisti. Quantum ad te pertinet, occidisti, quem odisti. Emenda te, corrige te. Si in domibus vestris scorpiones essent, aut alpidēs, quantum laboraretis, ut domus vestras purgaretis, & securi habitare possētis? Irascimini, & inveterantur iræ in cordibus vestris, fiunt tot odia, tot trabes, tot scorpī, tot serpentes; & domum Dei, cor vestrum, purgare non vultis „ „ ?

Et ante *S. August. S. Joannes Chrysostomus*, lib. 1. *De Compunctione cordis*, ait: „ „ Persistimus pro nihili rebus contristare fratres, & quasi nihil mali fecerimus, satisfactionem negligimus, & oblivioni tradimus culpam, atque inimicitias in tempus longum protrahi patimur, ignorantes, quod tanto longior nobis erit poena, quanto & discordia prolixior „ „ .

R E G U L A V.

Ira vehemens, tametsi nullum vindictæ appetitum contineat, lethale quandoque peccatum est, cum nimirum in Dei prorumpit injuriam, cum charitatem erga proximum in animo extinguit, vel grave scandalum affert.

Hanc Regulam tradit *S. Thomas*, 2. 2. qu. 158. art. 3. „ „ Alio modo (*inquit*) potest esse motus iræ inordinatus, quantum ad modum irascendi, utpote si nimis ardens irascatur interius, vel si nimis exterius manifestet signa iræ. Et sic ira secundum se-

non

non habet rationem peccati mortalis; potest tamen contingere, quod sit peccatum mortale, puta, si ex vehementia iræ aliquis excidat a dilectione Dei, & proximi „ „ *Et in responsione ad primum: „ „* Stulti (*inquit*) per iracundiam spiritualiter occiduntur, in quantum non refrænando per rationem motum iræ, dilabuntur in aliqua peccata mortalia, puta, in blasphemiam Dei, vel injuriam proximi „ „.

R E G U L A V I.

Iniquiores sunt, qui citius irascuntur, & iram tardius deponunt.

Hanc Regulam tradit *S. August.* *Epist. 211. alias* 109. „ „ Melior est autem, quæ quamvis iræ sæpe tentatur, tamen impetrare festinat, ut sibi dimittat, cui se fecisse agnoscit injuriam, quam quæ tardius irascitur, & ad veniam petendam tardius inclinatur „ „.

Eandem Regulam tradit *S. Gregorius*, lib. 4. *Moralium*, cap. 30. „ „ Sciendum est (*inquit*) quod nonnullos ira citius accendit, facilius deserit. Nonnullos vero tarde quidem commovet, sed diutius tenet. Alii namque accensis calamis similes, dum vocibus perstrepunt, quasi quosdam accensionis suæ sonitus reddunt; citius quidem flammam faciunt, sed protinus in favilla frigescent. Alii autem lignis gravioribus, durioribusque non dispare, accensionem tarde suscipiunt, sed tamen accensi semel difficiliter extinguuntur; & quia se tardius in asperitatem concitant, furoris sui diutius ignem servant. Alii autem, quod est nequius, & citius iracundiæ flammam accipiunt, & tardius deponunt. Nonnulli vero has & tarde suscipiunt, & citius amittunt. In quibus nimirum quatuor modis liquido lector agnoscit, quia & ad tranquillitatis bonum ultimus, plus quam primus appropinquat; & in malo secundum tertius superat „ „.

REGULA VII.

Vindicta , aut vindictæ libido semper malæ sunt ;
proindeque inimicos ulcisci nunquam licet ; inju-
rias illatas condonare semper , & ubique necesse est.

Hanc morum Regulam tradit Christus, Matth. 5. *Audistis, quia dictum est ; Oculum pro oculo, den-
tem pro dente. Ego autem dico vobis, non resistere ma-
lo ; sed si quis te percusserit in dextram maxillam tuam,
præbe illi & alteram ; & ei, qui vult tecum judicio con-
tendere, & tunicam tuam tollere, dimitte ei & pallium ;
& quicumque te angariaverit mille passus, vade cum illo
alia duo.* Explicat S. August. lib. 1. De Sermone Domini
in monte, cap. 19. „ Phariseorum justitia minor est
(inquit) non excedere in vindicta modum, ne plus
rependat quisque, quam accepit. Et magnus hic gra-
dus est. Nemo enim facile invenitur, qui pugno ac-
cepto pugnum reddere velit ; & uno a convitiante
verbo audito, unum & quod tantumdem valeat, re-
ferre contentus sit ; sed sive ira perturbatus immo-
deratus vindicat ; sive quia justum putat, eum, qui
læsit prior, gravius lædi, quam læsus est, qui non læ-
serat. Talem animum magna ex parte refrænavit lex,
in qua scriptum est : *Oculum pro oculo, & dentem pro
dente* : quibus nominibus significatur modus, ut in-
juriam vindicta non transeat. Et hæc est pacis in-
choatio ; perfecta autem pax est, talem penitus nolle
vindictam. Inter illud ergo primum, quod præter
legem est, ut majus malum pro minore malo red-
datur, & hoc, quod Dominus perficiendis discipu-
lis dixit, ne pro malo ullum malum reddatur, me-
dium quemdam locum tenet, ut tantum reddatur,
quantum acceptum est, per quod a summa discor-
dia ad summam concordiam, pro temporum di-
tributione, transitus factus est. Quisquis ergo ma-
lum infert prior studio lædendi, & nocendi, vide,
quantum distet ab eo, qui nec læsus rependit. Quis-
quis autem nulli prior male fecit, sed tamen læsus
rependit gravius, vel voluntate, vel facto, recessit

De ira, &
vindictæ li-
bidine.

aliquantum a summa iniquitate, & processit ad summam justitiam, & tamen nondum tenet, quod lex, quæ per Moysen data est, imperavit. Qui ergo tantum reddit, quantum accepit, jam donat aliquid; non enim tantam pœnam meretur nocens, quantam ille, qui ab eo læsus innocens passus est. Hanc ergo inchoatam, non severam, sed misericordem justitiam ille perficit, qui legem venit implere, non solvere. Duos ergo adhuc gradus, qui interfunt, intelligendos reliquit, & de ipso summo misericordiæ culmine dicere maluit. Nam est adhuc, quod faciat, qui non implet istam magnitudinem præcepti, quæ pertinet ad regnum cœlorum; ut non reddat tantum, sed minus, velut pro duobus pugnis unum, aut pro evulso oculo aurem prædat. Hinc ascendens, qui omnino nihil rependerit, propinquat præcepto Domini, nec tamen adhuc ibi est. Parum enim adhuc videtur Domino, si pro malo, quod acceperis, nihil rependas mali, nisi etiam amplius sis paratus accipere. Quapropter non ait: *Ego autem dico vobis*, non reddere malum pro malo. Quamquam hoc etiam magnum præceptum sit; sed ait: *Non resistere adversus malum*; ut non solum non rependas, quod tibi fuerit irrogatum, sed etiam non resistas, quo minus aliud irrogetur. Hoc est enim, quod etiam consequenter exponit: *Sed si quis te percusserit in dexteram maxillam tuam, præbe illi & alteram*. Non enim ait, si quis te percusserit, noli tu percutere; sed, para te adhuc percutienti. Quod ad misericordiam pertinere, hi maxime sentiunt, qui eis, quos multum diligunt, tanquam filiis, vel quibuslibet dilectissimis suis ægrotantibus servant vel parvulis, vel phreneticis: a quibus multa sæpe patiuntur, & si eorum salus id exigat, præbent se etiam, ut plura patiantur, donec vel ætatis, vel morbi infirmitas transeat. Quos ergo Dominus medicus animarum, curandis proximis instruebat, quid eos aliud docere posset, nisi ut eorum, quorum saluti consulere vellent, imbecillitates æquo animo tole-

tolerarent? Omnis namque improbitas ex imbecillitate animi venit; quia nihil innocentius est eo, qui in virtute perfectus est „ „

Subdit *S. August.* Christum Dominum hoc oraculo omne injuriarum genus complexum esse, ut nullam injuriam esse significaret, quam Christianus condonare, imo nullam omnino ad quam perferendam, paratus corde esse non debeat potius, quam violentiam charitatem. „ „ In his sane generibus trium exemplorum nullum genus injuriæ prætermissum esse video. Namque omnia, in quibus improbitatem aliquam patimur, in duo genera dividuntur; quorum alterum est, quod restitui non potest; alterum quod potest. Sed in illo, quod restitui non potest, vindictæ solatium quæri solet. Quid enim prodest, quod percussus repercutit? nunquid propterea illud, quod in corpore læsum est, restituitur in integrum? Sed tumidus animus talia fomenta desiderat; sanum autem, firmumque ista non juvant; quin potius misericorditer perferendam alterius infirmitatem judicat, quam alieno supplicio suam mitigandam, quæ nulla est... Tenebitur ergo in hoc injuriarum genere, quod per vindictam luitur, iste a Christianis modus, ut accepta injuria non surgat in odium, sed infirmitatis misericordia paratus sit animus plura perpeti; nec correctionem negligat, quæ vel consilio, vel auctoritate, vel potestate uti potest. Aliud injuriarum genus est, quod in integrum restitui potest; cujus duæ species, una ad pecuniam, altera ad operam pertinent. Quapropter illius de tunica, & vestimento, hujus de angaria mille passuum, & duorum millium exempla subiecta sunt; quia & reddi vestimentum potest; & quem adjuveris opera, potest te etiam ipse, si opus fuerit, adjuvare. Nisi forte, ita potius distinguendum est, ut prius, quod positum est de percussa maxilla, omnia significet, quæ sic ingeruntur ab improbis, ut restitui non possint nisi vindicta; secundum, quod positum est de vestimento, omnia significet, quæ possunt restitui

Ad omne
genus inju-
riarum per-
ferendum,
& condo-
nandum
paratus
Christianus
esse debet.

sine vindicta; & ideo forte additum: *Qui voluerit tecum iudicio contendere*, quia quod per iudicium auferitur, non ea vi putatur auferri, cui vindicta debeat: tertium vero ex utroque confectum sit, ut & sine vindicta, & cum vindicta possit restitui. Nam, qui operam indebitam violenter exigit sine ullo iudicio, sicut facit, qui angariat hominem improbe, & cogit se illicite adjuvari ab invito, & poenam improbitatis potest luere, & operam reddere, si hanc ille repetat, qui improbum pertulit. In his ergo omnibus generibus injuriarum Dominus docet patientissimum & misericordissimum & ad plura perferenda paratissimum animum Christiani esse oportere „ „

Præterea, Christus inimicorum dilectionem, & condonationem injuriarum nobis imperat, ut remissionem peccatorum a Patre cœlesti obtineamus; vult ergo, ut quemadmodum integram, plenam, & perfectam misericordiam ab ipso precamur, & speramus; ita & plenam, atque perfectam misericordiam exerceamus in inimicos nostros; nullamque de ipsis ultionem sumamus unquam, aut expectemus. *Matth. 6. Si enim dimiseritis hominibus peccata eorum, dimittet & vobis Pater vester cœlestis delicta vestra. Si autem non dimiseritis hominibus; nec Pater vester dimittet vobis peccata vestra.* Sic ad divinæ bonitatis, & perfectionis imitationem a Christo imperatam contendimus. *Ego autem dico vobis: Diligite inimicos vestros. Benefacite his, qui vos oderunt, & orate pro his, qui vos persequuntur; ut sitis filii Patris vestri, qui in calis est... Estote ergo vos perfecti, sicut & Pater vester, qui in calis est, perfectus est.* Nam, ut ait S. August. lib. 1. *De Sermone Domini in monte*, cap. 21.

Matth. 5.

„ Perfectio misericordiæ, qua plurimum animæ laboranti consulitur, ultra dilectionem inimici porrigi non potest, & ideo sic clauditur: *Estote ergo vos perfecti, sicut & Pater vester, qui in calis est, perfectus est.* „

Hanc Regulam confirmat Apostolus, ad Romanos 12. *Nulli (inquit) malum pro malo reddentes; provi-*
den-

dentis bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes. Non vosmetipsos defendentes, charissimi, sed date locum ira. Scriptum est enim; Mihi vindicta, ego retribuam, dicit Dominus. Sed si esurierit inimicus tuus, ciba illum; si sitit, potum da illi; hac enim faciens, carbones ignis congeres super caput ejus. Noli vinci a malo, sed vince in bono malum.

Certe non minus est, imo quandoque gravius illius, qui injuriæ ulciscitur, quam ejus, qui injuriam infert, peccatum. Qua de re præclare *Tertullianus*, lib. *De Patientia*, cap. 19. „ Est & alius summus impatientiæ stimulus (*inquit*) ultionis libido, negotium curans aut gloriæ, aut malitiæ. Sed & gloria utique vana, & malitia nunquam non Domino odiosa, hoc quidem loco maxime, cum alterius malitia provocata, superiorem se in exequenda ultione constituit, & remunerans nequam duplicat, quod semel factum est. Ultio penes errorem, solatium videtur doloris; penes veritatem, certe redarguitur malignitatis. Quid enim refert inter provocantem, & provocatum, nisi quod ille prior in maleficio deprehenditur, at ille posterior? Tamen uterque læsi hominis Domino reus est, qui omne nequam & prohibet, & damnat. Nulla in maleficio ordinis ratio est; nec locus secernit, quod similitudo conjungit. Absolute itaque præcipitur malum malo non rependendum. Par factum, par habet meritum. Quomodo id observabimus, si fastiditi ante in fastidio ultionis non erimus? Quem autem honorem litabimus Domino Deo, si nobis arbitrium defensionis arrogaverimus? Nos utres, vasa fictilia, servulis nostris assumentibus sibi de conservis ultionem, graviter offendimur; eos, qui nobis patientiam obtulerint suam, ut memores humilitatis servitutis, jus dominici honoris diligentes, non probamus modo, sed ampliorem, quam ipsi sibi præsumpsissent, satisfactionem facimus; id nobis in Domino tam justo ad æstimandum. tam

Quandoque gravius illius, qui injuriam ulciscitur, peccatum est, quam illius, qui injuriam intulit.

potenti ad perficiendum periclitatur ? Quid ergo credimus judicem illum, si non & ultorem ? Hoc se nobis repromittit dicens: Vindictam mihi, & ego vindicabo ; id est, patientiam mihi, & ego patientiam remunerabo » »

R E G U L A V I I I .

Vindicta, quæ fit ad correctionem peccantis, ad gloriam Dei, ad aliorum utilitatem, auctoritate legitima, non est illicita; nec hujusmodi vindictam apud Superiores, sive judices urgere prohibetur christiano, qui læsus fuerit; modo id faciat ob finem charitatis, non animo ultionis.

De iusta
vindicta.

Hanc Regulam tradunt, *S. Auguſt. & S. Thom.* Ille lib. 1. *De Sermone Domini in monte*, cap. 19. » » Neque hic (*inquit*) ea vindicta prohibetur, quæ ad correctionem valet; etiam ipsa enim pertinet ad misericordiam; nec impedit illud propositum, quo quisque paratus est ab eo, quem correctum esse vult, plura perferre. Sed huic vindictæ referendæ non est idoneus, nisi qui odium, quo solent flagrare, qui se vindicare desiderant, dilectionis magnitudine superaverit. Non enim metuendum est, ne odisse parvulum filium parentes videantur, cum ab eis vapulat peccans, ne peccet ulterius. Et certe perfectio dilectionis ipsius Dei Patris imitatione nobis proponitur, cum in sequentibus dicitur: *Diligite inimicos vestros, benefacite his, qui oderunt vos, & orate pro eis, qui vos persequuntur*; Et tamen de ipso dicitur per Prophetam: *Quem enim diligit Dominus, corripit; flagellat autem omnem filium, quem recipit. Dicit & Dominus: Servus, qui nescit voluntatem Domini sui, & facit digna plagis, vapulabit pauca; servus autem, qui scit voluntatem Domini sui, & facit digna plagis, vapulabit multa.* Non ergo quaeritur, nisi ut & ille vindicet, cui rerum ordine potestas data est; & ea voluntate vindicet, qua pater in parvulum filium, quem per ætatem odisse nondum potest. Hinc enim
aptis-

Matth. 5.

Prov. 3.

Luc. 12.

aptissimum exemplum ducitur, quo satis appareat, posse peccatum amore potius vindicari, quam impunitum relinqui; ut illum, in quem vindicat, non poena miserum, sed correctione beatum velit; paratus tamen, si opus sit, æquo animo plura tolerare ab eo illata, quem vult esse correctum, siue in eum habeat potestatem coercendi, siue non habeat Magni autem, & sancti viri, qui jam optime scirent, mortem istam, quæ animam dissolvit a corpore, non esse formidandam, secundum eorum tamen animum, qui illam timerent, nonnulla peccata morte punierunt, quod & viventibus utilis metus incuteretur; & illis, qui morte puniebantur, non ipsa mors noceret, sed peccatum, quod augeri posset, si viverent. Non temere illi iudicabant, quibus tale iudicium donaverat Deus. Inde est, quod Elias multos morte affecit, & propria manu, & igne divinitus impetrato; quod & alii multi magni, & divini viri, eodem spiritu consulendi rebus humanis non temere fecerunt. De quo Elia cum exemplum dedissent discipuli, Domino commemorantes, quid ab eo factum sit, ut etiam ipsis daret potestatem petendi de cælo ignem ad consummendum eos, qui sibi hospitium non præberent, reprehendit in eis Dominus non exemplum Prophetæ sancti, sed ignorantiam vindicandi, quæ adhuc erat in rudibus; animadvertens eos, non amore correctionem, sed odio desiderare vindictam. Itaque posteaquam eos docuit, quid esset diligere proximum tanquam seipsum, insuscepit etiam Spiritu sancto, non defuerunt tales vindictæ, quamvis multo rarius, quam in veteri Testamento. Ibi enim maiore parte servientes timore premebantur; hic autem maxime dilectione liberi nutriebantur. Nam & verbis Apostoli Petri Ananias, & uxor eius exanimis ceciderunt, nec resuscitati sunt, sed sepulti „ „.

Et Epist. 138. alias 5. ad *Marcellinum*, cap. 2, „ „ Quanta (*inquit*) præcepta concordiae, non humanis disputationibus exquisita, sed divina auctori-

tate conscripta in Christi Ecclesia lætentur, quis ab illa religione alienus, ita surdus est, ut ignoret? Ad hoc enim & illa pertinent, quæ malunt exagitare, quam discere, alteram percutienti præbendam esse maxillam, volenti auferre tunicam dandum etiam pallium, cum angariante duplicandam viam. Hoc quippe fit, ut vincatur bono malus, imo in homine malo vincatur bono malum, & homo liberetur a malo, non exteriori, & alieno, sed intimo, ac suo, quo gravius, ac perniciosius, quam cujusvis hostis extrinsecus immanitate vastatur. Qui ergo vincit bono malum, patienter amittit temporalia commoda, ut doceat, quam pro fide, atque iustitia contemnenda sint, quæ ille nimis amando fit malus; ac si injuriosus ab eo ipso, qui fecit injuriam, discat, qualia sint, propter quæ fecit injuriam, atque in concordiam, qua nihil est utilius civitati, poenitens acquiratur, victus non sævientis viribus, sed benevolentia patientis. Tunc enim recte fit, cum videtur ei profuturum esse, propter quem fit, ad operandam in eo correctionem, atque concordiam. Hoc certe animo faciendum est, etiamsi alius exitus consequatur, nec corrigi velit, atque pacari, propter quem corrigendum, atque pacandum, velut curandum, & sanandum adhibita est ista medicina... Paratus itaque debet esse homo iustus, & pius, patienter eorum malitiam sustinere, quos fieri bonos querit, ut numerus potius crescat bonorum, non ut pari malitia, se quoque numero addat malorum. Denique ista præcepta magis ad præparationem cordis, quæ intus est, pertinere, quam ad opus, quod in aperto fit, ut teneatur in secreto animi patientia cum benevolentia; in manifesto autem id fiat, quod eis videtur prodesse posse, quibus bene velle debemus, hinc liquido ostenditur, quod ipse Dominus Jesus exemplum singulare patientiæ, cum percuteretur in faciem, respondit: *Si male dixi, exprobra de malo; si autem bene, quid tibi cadis?* Nequaquam igitur præceptum suum, si

Joan. 18,

ver-

verba intueamur, implevit. Neque enim præbuit percutienti alteram partem, sed potius prohibuit, ne, qui fecerat injuriam, augetet; & tamen paratus venerat, non solum in faciem percuti, verum etiam pro his quoque, a quibus hæc patiebatur crucifixus occidi, pro quibus ait in cruce pendens: *Pater ignosce illis, quia nesciunt, quid faciunt.* Nec Paulus Apostolus præceptum Domini, & magistri sui videtur implevisse, ubi etiam ipse percussus in faciem dixit Principi Sacerdotum: *Percutiet te Deus, paries dealbate, sedens judicas me secundum legem, & contra legem jubes me percuti* „ „ ?

Luc. 23

Act. 23

„ „ Sunt ergo ista præcepta patientiæ semper in cordis præparatione retinenda; ipsaque benevolentia, ne reddatur malum pro malo, semper in voluntate complenda est. Agenda sunt autem multa etiam, cum invitis benigna quadam asperitate plactendis, quorum potius utilitati consulendum est, quam voluntati. . . Nam in corripiendo filio quamlibet asperere, nunquam profecto amor paternus amittitur. Fit tamen, quod nolit, & doleat, qui etiam invitus videtur dolore sanandus. Ac per hoc, si terrena ista respublica præcepta christiana custodiat, & ipsa bella sine benevolentia non gerentur, ut ad pietatis, justitiæque pacatam societatem victis facilius consulatur. Nam cui licentia iniquitatis eripitur, utiliter vincitur; quorum nihil est infelicius felicitate peccantium, qua poenalis nutritur impunitas, & mala voluntas velut hostis interior roboratur „ „

Eandem Regulam confirmat *S. Thomas*, 2. 2. q. 72. art. 3. „ „ Tenemur (*inquit*) habere animum paratum ad contumelias tolerandas, si expediens fuerit. Quandoque tamen oportet, ut contumeliam illatam repellamus, maxime propter duo. Primo quidem propter bonum ejus, qui contumeliam infert, ut videlicet ejus audacia reprimatur, & de cæteris talia non attentet, secundum illud Prov. 26. *Responde nullo juxta Vultum suum, ne sibi sapiens videatur.* Alio modo propter bonum multorum, quorum præ-

fectus impeditur propter contumelias nobis illatas „„

R E G U L A I X.

Ira per zelum , si sit immoderata , peccatum est.

Ira per zelum.

Hanc Regulam tradit *S. Gregorius magnus* , lib. 4. *Moralium* , cap. 30. „ „ Cum (*inquit*) per zelum animus movetur , curandum summo opere est , ne hæc eadem , quæ instrumento virtutis assumitur , menti ira dominetur , nec quasi domina præeat , sed velut ancilla ad obsequium parata , a rationis tergo nunquam recedat. Tunc enim robustius contra vitia erigitur , cum subdita rationi famulatur. Nam quantumlibet ira ex zelo rectitudinis surgat , si immoderata mentem vicerit , rationi protinus servire contemnit ; & tanto se imprudentius dilatat , quanto impatientiæ vitium virtutem putat. Unde necesse est , ut hoc ante omnia , qui zelo rectitudinis movetur , attendat , ne ira extra mentis dominium transeat , sed in ultione peccati tempus , modumque considerans , surgentem animi perturbationem subtilius retractando restringat , animositatem reprimat , & motus fervidos , sub æquitate disponat ; ut eo fiat iustior ultor alienus , quo prius extitit victor suus ; quatenus sic culpas delinquentium corrigat , ut ante ipse , qui corrigit , per patientiam creascit , & fervorem suum transcendendo iudicet , ne intemperanter excitatus zelo rectitudinis , longe a rectitudine aberret „„

Et *S. Bernardus* , Epist. 69. „ „ Peccabis non minus nimis irascendo , quam omnino non irascendo ; siquidem non irasci , ubi irascendum sit , nolle emendare , peccatum est ; plus vero irasci quam irascendum sit , peccatum peccato addere est „„

R E G U L A X.

Multo melius est , nec iuste cuipiam irasci , quam in alicujus odium iræ occulta facilitate delabi.

Nam , ut ait *S. August.* Epist. 38. alibi 149. „ „ In veterascens ira sit odium , dum quasi iusti doloris

ris admixta dulcedo diutius eam in vase detinet, donec totum acescat, vasque corrumpat. Quapropter multo melius, nec iuste cuiquam irascimur; quam velut iuste irascendo in alicujus odium iræ occulta facilitate delabimur. In recipiendis enim hospitibus ignotis, solemus dicere, multo esse melius malum hominem perpeti, quam forsitan per ignorantiam excludi bonum, dum cavemus, ne recipiatur malus; sed in affectibus animi contra est. Nam incomparabiliter salubrius est etiam iræ iuste pullanti non aperire penetrale cordis, quam admittere, non facile recessuram, & perventuram de furculo ad trabem. Audet quippe impudenter etiam crescere citius, quam putatur. Non enim erubescit in tenebris, cum super eam sol occiderit.

REGULA XI.

Quamvis ira in quolibet Christiano peccatum sit; gravius tamen in Sacerdotibus peccatum est.

Quod enim Christus Christianis omnibus in persona discipulorum suorum dixit: *Discite a me, quia mitis sum, & humilis corde*, Sacerdotibus maxime dictum esse intelligendum est, qui legis novæ, quæ lex est amoris, & charitatis, prædicatores sunt, & ministri, & Sacerdotii Christi characteres ab Isaia, & S. Matthæo descriptos in se exprimere debent. Ecce Isai. 42. (inquit) *puer meus, quem elegi... Ponam spiritum meum super eum, & iudicium gentibus nuntiabit. Non contendet, neque clamabit, neque audiet aliquis in plateis vocem ejus; arundinem quassatam non confringet, & lium fumigans non exstinguet*: Id est, peccatores non exacerbat, non a se repellit, non agresti quadam, & fera severitate in desperationem compellet, sed divina benignitate, & compatiante charitate ad Evangelicæ legis observantiam suaviter trahet.

Debent præterea Sacerdotes, non minus quam Apostoli, in mundo, id est, in medio hominum secularium, & peccatorum versari; *Sicut agni inter la-*

Sacerdotibus
lis mansuetudo.
Matth. 12.

Matth. 12.

pos, debent columbarum simplicitatem imitari; sic fiet, ut lupos in naturam ovium transmutent. „ Majus autem, atque admirabilius est mentem, atque animum adversariorum commutare, quam gladio ipsos superare (inquit S. Joan. Chrysostomus Hom. 34. in Matthæum.) Erubescant igitur, qui contra facientes, quasi lupi adversarios suos persequuntur, cum videant innumeros lupos ab ovibus vinci paucissimis (duodecim nimirum Apostolis.) Et certe quousque sumus oves, facile hostes vincimus; cum vero in naturam luporum transimus, tunc superamur; tunc enim nullum nobis a pastore patrocinium adest, qui non lupos, sed oves pascit; atque ideo cum in lupum te converteris, abis confestim, & relinquit te, qui non permittit virtutem ipsius in te clarescere. Quando enim injuria vexatus, æquo, mitique animo cuncta pateris, ipsi soli trophæum attribuis. Si vero exieris adversus hostes, atque pugnaveris, victoriam illius obscuras. „ Hinc Apostolos sine baculo Dominus misit, id est, absque armis offendentibus. Arma quippe Clericorum sunt lacryme, & orationes (inquit Conc. Aquilejense can. 11.) Hinc Apost. 1. ad Tim. 3. & ad Titum 1. Episcopi dotes describens: Non percussorem, non iracundum, sed benignum esse oportere docet. Et 2. ad Tim. 4. Episcopum informans: Argue (inquit) obsecra, increpa, in omni patientia, & doctrina. Christus scilicet regendarum animarum provinciam Apostolis suis, & Episcopis illorum successoribus tradens, jussit, ut tanquam pastores, non ut Dominos se gererent; eandemque formam sequi voluit secundi Ordinis Sacerdotes, & quotquot ad ecclesiasticas Præfecturas, & regimen animarum vocantur. Scitis (inquit) quia Principes gentium dominantur eorum; & qui majores sunt, potestatem exercent in eos. Non ita erit inter vos; sed quicumque voluerit inter vos major fieri, sit vester minister, & qui voluerit inter vos primus esse, erit vester servus. Quamvis enim auctoritatem spirituales, quam ipsis commisit, illos exercere velit

Chri.

Christus, vult tamen, ut absque fastu, & acerbitate subditos regant; ut sacrum Principatum in animas duntaxat, non in corpora extendi meminerint; ut religione, & charitate suaderi, & imperari, non timore, non minis, non durioribus verbis, pœnisque temere, & iracunde inflictis extorqueri, & cogi debere subditorum obedientiam certi sint. Hinc S. Petrus Epist. 1. cap. 5. ait: *Neque ut dominantes in Cleris, sed forma facti gregis ex animo.*

Hanc Regulam confirmat Canon inter eos, qui Apostolici dicuntur, 28. relatus Can. *Episcopum*, dist. 45. „ „ Episcopum, aut Presbyterum, aut Diaconum percutientem fideles delinquentes, aut infideles inique agentes, & per hujusmodi volentem timeri, deici ab officio suo præcipimus, quia nusquam nos hoc Dominus docuit. Econtrario vero ipse cum Isai. 53. percuteretur, non reppercutiebat; cum maledicere. 1. Petr. 2. tur, non remaledicebat; cum pateretur, non comminabatur „ „.

Idem confirmat S. Gregorius, Epist. 52. lib. 2. Ind. 11. „ „ Quid autem (*inquit*) de Episcopis, qui verberibus timeri volunt, canones dicant, bene fraternitas vestra novit. Pastores etenim facti sumus, non percussores. Et egregius prædicator dicit: *Argue*, 2. Tim. 4. *obsecra, increpa, in omni patientia, & doctrina.* Nova vero, atque inaudita est ista prædicatio, quæ verberibus exigit fidem „ „.

Et Concil. Tolet. 11. can. 5. „ „ Nullis vita Præsulum perturbari debet excessibus motionum; quia valde indignum est, ut qui throni Dei vocantur, levi motione turbentur; & qui debent esse arca justitiæ, ipsi efficiantur seminarium litis, atque rapinæ „ „.

REGULA XII.

Prælati disciplinam lenitate, & clementia temperare semper debeat, ne in punitione culparum ira sur-repat, vel dominetur.

Hanc

Sacerdotalis
manfuetudo.

Hanc regulam tradit *S. Greg. p. II. Pastoralis* cap. 6. „ Inter hypocritas (*inquit*) jure deputatur, qui ex simulatione disciplinæ ministerium regiminis vertit in usum dominationis; & tamen nonnunquam gravius delinquitur, si inter perversos plus qualitas quam disciplina custoditur. Quia enim falsa pietate superatus ferire Heli delinquentes filios noluit, apud districtum judicem semetipsum cum filiis crudeli damnatione percussit. Hinc enim divina ei voce dicitur: *Honorasti filios tuos magis quam me.* Hinc pastores increpat per Prophetam dicens: *Quod fractum est, non alligastis, & quod abjectum est, non reduxistis.* Abiectus enim reducitur, cum quisque in culpa lapsus, ad statum justitiæ ex pastoralis sollicitudinis vigore revocatur. Fracturam vero ligamen adstringit, cum culpam disciplina deprimit; ne plaga usque ad idteritum defluat, si hanc districtiōnis severitas non coarctat. Sed sæpe deterius frangitur, cum fractura incaute colligatur, ut gravius scissuram sentiat, si hanc immoderatus ligamenta constringant. Unde necesse est, ut cum peccati vulnus in subditis corrigendo restringitur, magna se solitudine etiam districtior ipse moderetur; quatenus sic jura disciplinæ contra delinquentes exerceat, ut pietatis viscera non amittat. Curandum quippe est, ut rectorem subditis & matrem pietas, & patrem exhibeat disciplina. Atque inter hæc sollicita circumspēctione providendum, ne aut districtio rigida, aut pietas sit remissa. Nam disciplina, vel misericordia multum destituitur, si una sine altera teneatur. Sed erga subditos suos inesse rectoribus debet, & juste consulens misericordia, & piè saviens disciplina. Hinc namque est, quod docente veritate, per Samaritani studium semivivus in stabulum ducitur, & vinum, atque oleum vulneribus ejus adhibetur; ut per vinum scilicet mudentur vulnera, per oleum foveantur. Necesse quippe est, ut quisquis sanandis vulneribus præest, in vino morsum doloris adhibeat, in oleo molliem pietatis; quatenus per vinum mun-

mundentur putrida, per oleum foveantur sananda. Miscenda ergo est lenitas cum severitate, faciendum quoddam ex utroque temperamentum; ut neque multa asperitate exulcerentur subditi, neque nimia benignitate solvantur. Quod juxta Pauli vocem bene Hebr. 9: illa tabernaculi arca significat, in qua cum tabulis virga simul, & manna est; quia cum Scripturæ sacræ scientia in boni rectoris pectore, si est virga distractionis, sit & manna dulcedinis. Hinc David ait: *Virga tua, & baculus tuus ipsa me consolata sunt.* Psal. 22. Virga enim percutimur, baculo sustentamur: si ergo est distractio virgæ, quæ feriat, sit & consolatio baculi, quæ sustentet. Sit itaque amor, sed non emolliens; sit rigor, sed non exasperans; sit zelus, sed non immoderate sæviens; sit pietas, sed non plus, quam expediat, parcens; ut dum se in arcæ regiminis justitia, clementiaque permiscet, is, qui præest, corda subditorum & terrendo demulceat, & tamén ad terroris reverentiam demulcendo constringat.

Idem argumentum tractans lib. 20. *Moralium*, cap. 8. Misericordiam cum severitate conjungi oportere Moylis exemplo demonstrat. „ Videamus (*inquit*) amantem pie, & districte sævientem. Certe cum Israeliticus populus ante Dei oculos pene inveniabilem contraxisset offensam, ita ut ejus rector audiret: *Descende, peccavit populus tuus*; ac si ei divina vox Exod. 32. diceret: Qui in tali peccato lapsus est, jam meus non est; atque subjungeret: *Dimitte me, ut irascatur furor meus contra eos, & deleam eos, faciamque te in gentem magnam*: ille semel, & iterum pro populo, cui præerat, obicem se ad impetum Dei irascentia opponens, ait: *Aut dimitte eis hanc noxam; aut si non facis, dele me de libro tuo, quem scripsisti.* Pensemus ergo, quibus visceribus eundem populum amavit, pro cujus vita de libro vitæ deleri se petit. Sed tamén iste, qui tanto ejus populi amore constringitur, contra ejus culpas pensemus quanto zelo rectitudinis accendatur. Mox enim ut petitione prima.

ne deleatur, culpæ veniam obtinuit, ad eundem populum veniens, ait: *Ponat vir gladium suum super femur suum, ite, & redite de porta usque ad portam per medium castrorum, & occidat unusquisque fratrem & amicum, & proximum suum; cecideruntque in die illo, quasi viginti tria millia hominum.* Ecce, qui vitam omnium etiam cum sua morte petiit, paucorum vitam gladio extinxit. Intus arsit igne amoris; foris accensus est zelo severitatis. Tanta fuit pietas, ut se pro illis coram Domino morti offerre non dubitaret; tanta severitas, ut eos, quos divinitus feriri timuerat, ipse iudicii gladio feriret. Sic amavit eos, quibus præsuit, ut pro eis, nec sibi parceret; & tamen delinquentes sic persecutus est, quos amavit, ut eos etiam Domino parcente prosterneret. Utrobique legatus fortis, utrobique mediator admirabilis; causam populi apud Deum precibus, causam Dei apud populum gladiis allegavit. Intus amans, divinæ iræ supplicando obstitit; foris sæviens culpam feriendo consumpsit. Succurrit citius omnibus, ostensâ morte paucorum „ „.

Eandem Regulam confirmat Concil. Toletanum II. can. 7. „ „ Cum (*inquit*) juxta antiquæ institutionis edictum plus erga corrigendos agere debeat benevolentia, quam severitas, plus cohortatio, quam commotio, plus charitas, quam potestas, relatum est nobis, quod quidam ex fratribus plus livore odii, quam correctionis studio subditos insequentes, dum se simulant spiritualem eis adhibere correctionem, indiscretam subito afferunt mortem, cum inauditos a se projiciunt, & occultis eos iudiciis sub poenitentia puniunt „ „.

ARTICULUS III.

De Ira filiabus.

Sex filiarum
iræ.

Ira capitale peccatum est, ex quo sex filiarum oriuntur, scilicet *Rixa, tumor mentis, contumelia, clamor, indignatio, blasphemja.*

Tu,

Tumor mentis est affectus quidam excandescens animi, ^{Tumor mentis.} & varia media excogitantis, quibus ultionis libidinem explere valeat. Quem animi motum sapiente indignum docet illud Job 25. Nunquid sapiens implebit ardore stomachum suum?

Indignatio est commotio animi, quæ quis enim, a quo ^{Indignatio.} læsus est, vel se læsum putat, indignum aestimat, a quo talia patitur, ideoque nec sua familiaritate, nec aliquo eum dignatur.

Clamor est inordinata, & confusa locutio, quæ quis ^{Clamor.} in alterum debacchatur.

Contumelia est honoris alieni violatio per verba in- ^{Contumelia.}juriosa, quæ ipso præsentem, & audiente proferuntur.

Blasphemia est honoris divini violatio per verba con- ^{Blasphemia.}tumeliosa, quibus homo ira abreptus Dei maiestatem laceffit vel dedecorat; aut ejus Sanctos inhonorat. De illa agemus 4. Parte hujus operis.

Rixa privatum bellum est inordinata voluntate ab ho- ^{Rixa.}minibus ira accensis temere susceptum; seu; Contradictio usque ad facta perveniens, dum unus alterum ledere molitur, ut ait S. Thom. 2. 2. qu. 41. art. 1. & 2. De ipsa dicitur Prov. 15. Vir iracundus provocat rixas; qui patiens est, mitigat suscitatas. Et rursus cap. 29. Vir iracundus provocat rixas; & qui ad indignandum facilis est, erit ad peccandam proclivior.

ARTICULUS IV.

REGULÆ MORUM

Circa Filias iræ

REGULÆ PRIMÆ.

Tumor mentis lethale peccatum est, cum homo iratus gravem, injustamque vindictam proximo, a quo læsus est, inferre meditatur.

Cum enim hic accipiatur tumor mentis, non pro ^{Tumor mentis.}superbia, sed pro quodam conatu, siue audacia hominis intentantis vindictam (ut loquitur S. Thomas, 2. 2. quæst. 148. art. 7. ad tertium.) Tu-

moris istius malitia, & gravitas petitur ex qualitate ultionis, cujus desiderio mens accenditur.

R E G U L A II.

Indignatio lethale peccatum est, si gravem proximi contemptum contineat vel grave pusillis scandalum afferat; vel si quis a sua familiaritate, & colloquio eum velut indignum arceat, in iis casibus, in quibus sub peccato mortali cum eo familiariter versari, & colloqui tenetur; vel tandem si ita sit affectus, ut eum in gravi necessitate corporis, aut animi constitutum juvare nolle.

Indignatio.

Hos namque motus omnes, & affectus opponi charitati, & mansuetudini christianæ comperitum est. Quod vero silentium attinet ab ira imperatum, grave plerumque peccatum esse, docet *S. Greg.* lib. 5. *Moralium*, cap. 30. „ Aliquando (*inquirit*) ira perturbato animo, quali ex iudicio, silentium indicit, & quo se foras per linguam non exprimit, intus deterius ignescit, ut iratus quisque collocationem suam proximo subtrahat, & nil dicendo, quam sit averfus dicat. Et nonnunquam hæc silentii severitas per disciplinæ dispensationem geritur; si tamen solícite in intimis discretionis forma teneatur. Nonnunquam vero dum accensus animus a consueta locutione restringitur, per accessum temporis penitus a proximi dilectione separatur, & acrioris stimuli ad mentem veniunt, causæ quoque, quæ gravius exasperant, oriuntur; atque in irati oculo fastuca in trabem vertitur, dum ira in odium permutatur. Plerumque ita per silentium clausa intra mentem vehementius æstuat, & clamorosas tacite voces format; verba sibi, quibus exasperetur, objicit, & quali in causæ examine posita durius exasperata respondet, quod Salomon breviter insinuat, dicens. *Præsolatio impiorum furor* Sicque fit, ut perturbatus animus majorem strepitum sui silentii sentiat, eumque gravius clausa iræ flamma consumat;

Prov. 11.

Un-

Unde bene ante nos quidam sapiens dixit: Cogitationes iracundi viperæ sunt generationes, mentem comedunt matrem suam „ „

R E G U L A I I I.

Clamor ex ira procedens lethale peccatum est, si appetitum deliberatum mortis, aut gravis alicujus damni proximo inferendi exprimat; alias veniale duntaxat peccatum est.

Hæc Regula colligitur ex *S. Gregorio*, lib. 3. *Moralium*, cap. 30. „ „ Ira suis stimulis (*inquit*) accensum cor palpitât; corpus tremit, lingua se præpedit, facies ignescit, exasperantur oculi, & nequaquam recognoscuntur noti. Ore quidem clamorem format, sed sensus, quid loquatur, ignorat. In quo itaque iste ab arreptitiis longe est, qui actionis suæ conscius non est? Unde fit plerumque, ut usque ad manus ira prosiliat, & quo ratio longius recedit, audacior exurgat; seque ipsum animus retinere non valet, quia factus est potestatis alienæ; & eo furor membra foris in ictibus exerceat, quo intus ipsam membrorum dominam mentem captivam tenet. Aliquando autem manus non exierit, sed in maledictionis jaculum linguam vertit. Fratris namque interitum precibus exposcit, & hoc Deum perpetrare expetit, quod ipse perversus homo facere, vel metuit, vel erubescit; fitque, ut voto, & voce homicidium peragat, etiam, cum a læsione proximi manibus cessat „ „

R E G U L A I V.

Contumelia, vel convitium lethale peccatum est, si animo dedecorandi proximum, & honorem illius violandi proferatur; aut tam grave sit, quod temere profertur convitium, ut personarum conditione, circumstantiisque spectatis, ejus honorem re ipsa lædat plurimum, quamvis eo sine verbum injuriosum non proferatur.

Contumelia, & convitium.

Matth. 5.

Nihil enim meretur damnationem æternam nisi mortale peccatum; convitium porro; vel contumelia meretur damnationem æternam, secundum oraculum Christi: *Qui dixerit fratri suo, Fatue, rucus erit gehenna ignis.* mortale igitur peccatum est. Unde Apostolus ad Romanos 1. inter crimina, quibus Ethnici, & a Deo deserti abundant, & ob quæ *Digni sunt morte*, contumeliam notat, *Contumeliosos, superbos, &c.*

Id confirmat *S. Thomas*, 2. 2. quæst. 72. art. 2. „ Verba (*inquit*) in quantum sunt soni quidam, non sunt in nocumentum aliorum, sed in quantum significant aliquid; quæ significatio ex interiori affectu procedit. Et ideo in peccatis verborum maxime considerandum videtur, ex quo affectu aliqui verba proferant. Cum ergo convitium, vel contumelia de sui ratione importet quamdam dehonorationem; si intentio proferentis ad hoc feratur, ut per verba, quæ profert, honorem alterius auferat; hoc proprie, & per se est dicere convitium, vel contumeliam; & hoc est peccatum mortale, non minus, quam furtum, vel rapina. Non enim homo minus amat suum honorem, quam rem possessam „

Et paulo post addit, hujusmodi verbis, etiam correptionis, aut delectationis gratia prolatis moderate, & prudenter utendum: „ Quia posset esse ita grave convitium, quod per incautelam prolatum, auferret honorem ejus, contra quem profertur; & tunc posset homo peccare mortaliter, etiamsi non intenderet dehonorationem alterius. Sicut etiamsi aliquis incaute alium ex ludo percutiens, graviter lædat, culpa non caret „

Hanc doctrinam ex *S. Joan. Chrysostomo*, lib. 1. *De Compunctione cordis*, haurerat *S. Thomas*, scribente; „ Quod si quis fatuum dixerit fratrem suum, extremo dignus est supplicio; qui maleficum, invidum, levem, inanis gloriæ cupidum appellarit, aut alia innumera in eum maledicta congesserit, quantis se gehennæ flammis obnoxium reddit? Fatue enim, &
Rha-

Rhaca, quod ait; hoc est, quod ostendit, quia ne leve quidem, & minimum in fratrem convitium relaxabitur; atque ob id de levioribus sententiam dedit Christus, ut de gravioribus dubitari non debeat „„.

R E G U L A V.

Si absque animo lædendi, ex levitate, aut joci gratia vel causa correptionis, verba convitii, aut contumeliæ dicantur, & secundum se, aut spectata qualitate personarum, & circumstantiis, levia sint, vel censeantur, vel ex plena deliberatione prolata non sint, sed ex surreptione venialia duntaxat, & quandoque nulla peccata sunt.

Hujus Regulæ partes omnes nituntur auctoritate *S. Thomæ*, 2. 2 qu. 72. art. 2. „„ Si vero (*inquit*) aliquis verbum convitii, vel contumeliæ alteri dixerit, non tamen animo dehonoriandi, sed forte propter correctionem, vel propter aliquid hujusmodi... hoc potest esse quandoque peccatum veniale, quandoque autem absque omni peccato. In quo tamen est discretio, ut moderate homo talibus verbis utatur, &c „„.

Et in responsione ad primum: „„ Ad eutrapeliam pertinet dicere aliquod leve convitium, non ad dehonorationem, vel ad contristationem ejus, in quem dicitur; sed magis causa delectationis, & joci. Et hoc potest esse sine peccato, si debitæ circumstantiæ observentur. Si vero aliquis non reformidet contristare eum, in quem profertur hujusmodi convitium, dummodo aliis risum excitet; hoc est vitiosum „„.

Eutrapelia,
virtus moderatrix ludorum.

In responsione vero ad secundum: „„ Sicut (*inquit*) licitum est aliquem verberare, vel in rebus damnificare, causa disciplinæ; ita etiam causa disciplinæ potest aliquis alteri, quem debet corrigere, verbum aliquod convitiosum dicere. Et hoc modo Dominus discipulos vocavit stultos. *O stulti* (*inquit*) *& tardi corde ad credendum!* Et Apostolus Galatas insensatos; *O insensati Galatæ, quis vos fascinavit non*

Luc. ult.
Ad Gal. 3.

Lib. 2.
Cap. 19.

obedire veritati? Tamen sicut dicit S. August. in *libro De Sermone Domini in monte, Raro*, & in magna necessitate objurgationes adhibendæ sunt, ita tamen ut etiam in his ipsis non nobis, sed Deo, et serviator, instemus. *Et libro 21. De Civitate Dei, cap. 27. ait*: Non dicit fratri suo, *Esne*, qui cum hoc dicit, non ipsi fraternitati, sed peccato ejus insensus est; alioquin reus erit gehennæ ignis „ „

Denique S. Thomas, in responsione ad tertium: „ Cum (*inquit*) peccatum conviti, vel contumelie ex animo dicentis dependeat, potest committere, quod sit peccatum veniale, si sit leve convitium. non multum hominem dehonestans, & proferatur ex aliqua animi levitate, vel ex levi ira, absque firmo proposito aliquem dehonestandi; puta, cum aliquis intendit aliquem per hujusmodi verbum leviter contristare „ „

Dixi, levia convitia, levesque contumelias, aut quæ leves censentur, spectata conditione personarum, aliisque circumstantiis venialia esse peccata; quia etiam si leves sint absolute, & simpliciter, si tamen graves sint respectu personarum, quibus objiciuntur; aut noverit, qui verba illa profert, proximum levis peccati, aut alterius defectus objectione graviter contristandum, vel grave damnum passurum. aut si convitiator ipsi grave dedecus hujusmodi verbis inurere intendat, lethalis peccati reus est. Contra vero si id, quod objicitur, absolute quidem, & per se grave sit, sed propter vilem personarum conditionem, aut morem patrium loquendi, grave non censeatur, veniale duntaxat peccatum est. Sic viros, & mulierculas infimæ sortis, cum ira fervente, certis convitiis, & contumeliis apud plebejos usitatis se laceßunt, mortalis peccati non damnant Theologi, quia nec iis, quæ sibi mutuo objicere solent inter rixandum fides adhibetur, nec vilium hujusmodi personarum honor graviter his verborum injuriis læditur, quibus nobilium, aut honoratorum civium, illustriumque, aut ingenuarum ex ordine

civili mulierum , violaretur existimatio. Hinc etiam verba quædam in regionibus , & provinciis nonnullis graves contumeliæ sunt, immaniaque convitia; in aliis vero levia, aut nulla. Nam „ „ Verba, in quantum sunt soni quidam , non sunt in nocumentum aliorum ; sed in quantum significant aliquid ; quæ quidem significatio ex interiori affectu procedit „ „ (inquit *S. Thomas* :) Addiderim & ex arbitrio , moribusque gentium.

REGULA VI.

Quamvis inter convitium , contumeliam , & improprium discrimen Theologi statuunt , promiscue tamen apud vulgus usurpantur.

Ita *S. Thomas*, 2. 2. qu. 72. art. 1. in responsione ad tertium. „ „ Convitium (*inquit*) & improprium consistunt in verbis, sicut & contumelia ; quia per hæc omnia repræsentatur aliquis defectus alicujus in detrimentum honoris ipsius. Hujusmodi autem defectus est triplex ; scilicet defectus culpæ , qui repræsentatur per verba contumeliosa. Et defectus generaliter culpæ , & poenæ , qui repræsentatur per convitium ; quia vitium consuevit dici non solum animæ, sed etiam corporis. Unde si quis alicui injuriose dicat, eum esse cæcum, convitium quidem dicit, sed non contumeliam. Si quis autem dicat alteri, quod sit fur, non solum convitium, sed etiam contumeliam infert. Quandoque vero repræsentat aliquis alicui defectum minorationis, sive indigentia, qui etiam derogat honori consequenti quamcunque excellentiam ; & hoc fit per verbum improprium ; quod proprie est, quando aliquis injuriose alteri ad memoriam reducit auxilium, quod contulit ei necessitatem patienti. Unde dicitur Ecclesiastici 29. *Exigua dabis, & multa improperebis*. Quandoque tamen unum istorum pro alio ponitur „ „

REGULA VII.

Contumeliosi ad restitutionem honoris, quo meliori, & convenientiori modo fieri potest, tenentur.

Ad. 23. 5.

Cum enim contumelia iustitiam violet, restitutionis obligationem imponit, ut honore restituta reparetur æqualitas, secundum illud Apostoli ad Romanos 13. *Reddite omnibus debita; cui honorem, bonorem.* Quæ quidem restitutio sit ignorantia confessione, cum quis alterum ex ignorantia inhonoravit, sicut Apostolus cum Principem Sacerdotum parietem dealbatum vocasset, astantesque dixissent: *Summum Sacerdotem Dei maledicis?* Respondit: *Nesciebam, fratres, quia Princeps est Sacerdotum. Scriptum est enim: Principem populi tui non maledices.* Si vero convitia, vel contumeliæ ex ira, odio, aut alia mala voluntate impacta sint iis, qui non sunt subditi convitiatoris hominis, aut contumeliosi, congruus satisfactionis, restitutionisque modus est veniæ petitio, aut exhibitiones honoris convenientes secundum virorum prudentum arbitrium. Sed & damna omnia ex contumeliis, vel convitiis consecuta refarciri debent. At si contumeliis, & convitiis aliquis subditum lacessiverit, veniam ut ab ipso petat, minime necesse est, sed aliæ rationes honoris restituendi sunt eligendæ, secundum illud *S. Augustini*, Epist. 211. alias 109. „„ Proinde vobis a verbis durioribus parcite; quæ si emissæ fuerint ex ore vestro, non pigeat ex ipso ore proferre medicamenta, ex quo facta sunt vulnera. Quando autem necessitas disciplinæ minoribus coercendis dicere vos verba dura compellit, si etiam in ipsis modum vos excessisse sentitis, non a vobis exigitur, ut ab eis veniam postuletis, ne apud eos, quos oportet esse subjectos, dum nimia servatur humilitas, regendi frangatur auctoritas; sed tamen petenda est venia ab omnium Domino, qui novit eos, quos plus iusto forte corripitis, quanta benevolentia diligatis „„ *De libro 21. De Civitate Dei, cap. 27.* „„ Si quis (in-

(*inquit*) præoccupatus fuerit hoc delicto , ut fratri suo dicat : *Fasue* , id est , non ejus peccatum volens auferre , convitietur injuste , parum est illi ad hoc redimendum eleemosynas facere , nisi etiam , quod sequitur , remedium reconciliationis adjungat , Ibi enim sequitur : *Si offers munus tuum ad altare , & ibi re-* Math. 5
cordatus fueris , quod frater tuus habet aliquid adver-
sum te , relinque ibi munus tuum ad altare , & vade
prius reconciliari fratri tuo , & tunc veniens offeres
munus tuum p 221

R E G U L A V I I I .

Illatas contumelias quandoque repellere homo potest , & debet veris , justisque verbis , aut scriptis , vel etiam actione injuriarum , si necesse sit , cum ad reprimendam convitiatoris , & contumeliosi hominis audaciam , tum ad suam dignitatem , & auctoritatem tuendam ; sed tamen animo paratus quisque debet esse ad contumelias patienter ferendas , si propriæ , & aliorum salutis expedire conspexerit ,

Hanc morum Regulam tradit *S. Thomas* , 2. 2. qu. 72. art. 3. „ Sicut (*inquit*) patientia necessaria est in his , quæ contra nos fiunt , ita etiam in his , quæ contra nos dicuntur , Præcepta autem patientiæ in his , quæ contra nos fiunt , sunt in præparatione animi habenda , sicut *August. lib. 2. de Serm. Domini* in monte , exponit illud præceptum Domini : *Si quis percusserit te in unam maxillam , prabe ei & aliam* ; ut scilicet homo sit paratus hoc facere , si opus fuerit , Non tamen hoc semper tenetur facere actu , quia neq. ipse Dominus hoc fecit , sed cum suscepisset alapam , dixit : *Quid me cadis ?* Et ideo etiam circa verba contumeliosa , quæ contra nos dicuntur , est idem intelligendum . Tenetur enim habere animum paratum ad contumelias tolerandas , si expediens fuerit . Quandoque tamen oportet , ut contumeliam illatam repellamus , maxime propter duo . Primo quidem propter bonum ejus , qui contumeliam infert , ut videlicet ejus audacia

cia reprimatur, & de cætero talia non attentet, secundum illud Prov. 26. *Responde stulto juxta stultitiam suam, ne sibi sapiens videatur.* Alio modo propter bonum multorum, quorum profectus impeditur propter contumelias nobis illatas „„ Unde S. Gregorius, Homilia 9. in *Ezechielem*, ita; „„ Hi, quorum vita in exemplum imitationis est posita, debent, si possunt, detrahentium sibi verba compescere; ne eorum prædicationem non audiant, qui audire poterant, & ita in pravis moribus remanentes, bene vivere contemnant „ „.

R E G U L A IX.

Audaciam convitiantis contumeliose, debet, qui læsus est, moderate reprimere, scilicet propter officium charitatis, non propter cupiditatem privati honoris.

Hæc morum Regula ipsis S. Thoma verbis concepta est loco mox citato, in responsione ad primum.

R E G U L A X.

Contumelias contumeliis, convitia convitiis repellere nunquam licet; unde non excusatur a peccato mortali, qui verbis contumeliosis laceffit alterum; etsi ab ipso fuerit provocatus.

Prohibet enim Deus, Prov. 26. *Ne respondeas stulto juxta stultitiam suam, ne ei similis efficiaris.* Et Christus discipulos suos ad patientiam informans, Matth. 5. *Beati estis (inquit) cum maledixerint vobis, & persecuti vos fuerint, & dixerint omne malum adversum vos mentientes, propter me; gaudete, & exultate, quoniam merces vestra copiosa est in cælis.* Et Luc. 6. *Benedicite maledicentibus vobis.* Præbuit exemplum Christus, qui contumelias patienter tulit. „„ Taceo quod figitur (*inquit Tertullianus*) in hoc enim venerat. Nunquid tamen subeundæ morti etiam contumeliis opus fuerat? Sed saginari voluptate patientiæ discessurus volebat „ „.

Hæc

Hanc Regulam egregie confirmat *S. Basilii*; Hom. 10. De ira. „ Ne (*inquit*) fratres dilectissimi. malum malo curate, nec contendite invicem calamitate mutua vincere. In malis enim pugnis miserior est, qui vicit, quia peccatis longe gravior discedit, noli ergo malam referre gratiam, neque mali mutui restitutor esse. Contumeliam intulit iratus; vinces, amoveque silentia malum. Tu autem contra facis, qui velut undam fluentem illius iram in cordis penetralia suscipiens, ventos imitaris, qui contrariis flatibus, quod illatum est, repellunt. Noli tuo adversario pro magistro uti, nec quem odio persequaris, hunc æmulari, nec fieri veluti speculum irati velis, illius formam in teipso ostendens. Rubicundus ille est ob iram; tu minime ruborem præfer. Illi sanguinei oculi; tui quiete, ac cum gravitate aspiciant, Vox illi aspera; tibi mitis. Neque enim sic in locis desertis echo in ipsos clamantes intempestive infringitur, sicut in hominem injustum, & contumeliosum contumelia revertitur. Imo sonus quidam illi idem redditur, contumelia vero augmentata recurrit „ „.

Et infra: „ „ Ille maledixit, tu benedicas. Verberavit, tu patere. Exspuit, nihilque te existimavit, tu cogita, quemadmodum ex terra es, & in terram reverteris. His namque modis, atque rationibus te confirmans, longe leviora, quam revera sint, invenies tibi adversarii facta, jurgiaque. Sic etiam talionem illi securius reddes, ostendesque, quam sis contumeliis invulnerabilis, ac præclaram tibi patientiæ coronam comparabis, dum alterius insaniam occasionem Philosophiæ, ac tuorum feceris meritorum. Quamobrem, si mihi oredis, probra, contumeliasque magno etiam animo contemnes, & te adhuc viliorum esse concedes. Obscurum te, & inglorium vocavit, nulliusque æstimationis: terram te, ac cinerem esse dicas. Nec tu illustrior es patre nostro Abraham, qui seipsum his nominibus appellavit, Ignarum, pauperem, & nullius pretii te dixit; tu vermem te dicas, & e stercore genus ducere, verba

David memorans. His etiam Moyſis decus adde. Ille ab Aarone, & Maria verbis petitis probrois, non ad Deum adverſus illos interpellavit, ied pro eis oravit. Quorum tu, dic mihi, cupis eſſe diſcipulus? Beatorumne hominum, & Deo gratorum, an eorum, qui ſpiritu repleti ſunt maligno? Quando enim verborum contumelia tentaris, illud eriſſima periculum de te fieri, an Deo per patientiam adhareas, ſeu per iram in adverſarii partes inclines. Da tempus cogitationibus ad optimam eligendi partem opportunam. Nam e duobus alterum proculdubio conſequeris; aut inimicum tuæ mantinendiſſis exemplo mitiorem reddes, vel certe ſi deſpexeris, acrius illum vindicabis. Quid enim adverſario durius eſſe poteſt, quam te animum gerere contumeliis omnibus altiore? Noli tuam peſſumdare mentem; nec ab eo qui te convitiis, & omni injuria petit, comprehendere patiari. Sine illam fruſtra te allatrare, in ſeipſo diſrumpi. Sicut enim ille, qui minime ſentientem, aut curantem verberat, ſeipſum lædit, & incommodo afficit, quod nec inimicum plectere, nec animam, iramque exſatiare ſe videat; ſic & is, qui contumelia in eum, qui nequaquam doleat, utitur, perturbati animi conſolationem invenire nullo modo poterit; quin potius ardebit magis, & animo æſtuabit. Ex hac igitur conditione quale uterque veſtrum nomen aſſequatur, videamus. Hic contumelioſus, tu magnanimus vocaberis. Hic iracundus, & durus, tu longanimis, & mitis. Hunc quandoque poenitebit horum, quæ loquitur, te nunquam benefacti, aut virtutis poenitebit. Quid plura? Huic contumelia regnum cœlorum clauſit, quod contumelioſi regnum Dei non conſequantur; tibi taciturnitas idem aperuit. Nam qui ſuſtinebit uſque in finem, hic ſalvus erit. Qui autem ſe vindicare, & par pari reddere, ac maledicenti reſiſtere voluerit, quam quaſo habebit excuſationem? Quod primus ille fuerit, ac provocaverit? Sed qua venia dignum hoc? Non enim ſcortator in meretricem, quam

quamvis provocantem, & allicientem, culpam transferens, minus in iudicio condemnabitur. Neque enim victore corona sine adversariis contra pugnantibus, nec cædes sine hostibus. Audis David dicentem; Psal. 38. 48
 Dum confisteret peccator adversum me, non irritatus sum, aut ultus; sed, obmutui, & humiliatus sum, & filii a bonis. Tu autem exacerbaris ob convitium velut malum; imitaris autem rursus velut bonum. Ecce enim facis, quod reprehendis, aut in alienum malum diligenter inspicis, tuam vero ipsius turpitudinem negligis. Si malum est contumelia, ejus imitationem fuge; non enim incepisse aliud, ad excusationem sufficiet „ „.

R E G U L A X I.

Eo animo tacere, ut convitiator, vel contumeliosus magis frendeat, intusque discerpatur, peccatum est.

Hanc morum Regulam tradit *S. Thom.* 2. 2. qu. 72. art. 3. ad tertium. „ „ Si aliquis (*inquit*) hoc animo taceret, ut tacendo contumeliantem ad iracundiam provocaret, pertineret hoc ad vindictam; sed si aliquis taceat nolens dare locum iræ, hoc est laudabile „ „ Unde *Eccl. 8.* dicitur: *Non litiges cum homine linguato, & non strues in ignem illius ligna.* Hoc sensu *S. Joan. Chrysostomus.* *Hom. 22. in Epist. ad Romanos:* „ „ Quando (*inquit*) convicia regeris, vinceris non ab homine, sed, quod turpius est, a passione, atque impetu iræ. Si vero tacueris, & vincis, & trophæum figis, & innumeros acquiris, qui te coronent, quique convitium ipsum mendacii condemnent. *Et infra:* Ipsum tuum inimicum interroga, quando magis doleat, an cum prorsus accensus, vicissim convitiaris, an eum convitiantem derides? atque hoc postremum magis audies. Neque enim tantum juvat convitiis non impeti, quantum mordet, quod te ad iram permovere, & accendere nequit „ „.

R E G U L A XII.

Rixa in eo, qui alterum invadit injuste. Iustitiae peccatum est.

Rixa.

Applicatur enim ad Gal. 5. Rixas recusat inter Opera carnis, quae quae agunt, regunt. Dicit autem consequenter.

Id confirmat S. Thomas, 2. 2. q. 41. art. 1. „ Si- cut (inquit) contentio importat quandam contradictionem verborum, ita etiam rixa importat quandam contradictionem in factis. Ex ideo rixa videtur esse quoddam privatum bellum, quod inter privatas personas agitur, non ex aliqua publica auctoritate, sed magis ex inordinata voluntate, & ideo rixa semper importat peccatum, & in eo quidem, qui alterum invadit injuste, est peccatum mortale. Inferre enim nocuum proximo etiam opere animati, non est aliud mortali peccato „ „.

R E G U L A XIII.

Qui se moderate defendit, in rixam propter modum incurrit, nec peccat.

R E G U L A XIV.

Qui moderatam defensionem tantisper excedit, vel cum levi motu odii, vel vindictae repellit aggressorem, venialis peccati reus est.

R E G U L A XV.

Qui obfirmato animo in impugnantem insurgit, ipsumque occidere, vel graviter ledere nititur, peccatum lethale committit.

Tres istas Regulas tradit S. Thomas, quest. & art. supra citatis. „ „ Rixa (inquit) in eo, qui se defendit, potest esse sine peccato, & quandoque cum peccato veniali, & quandoque cum peccato mortali, secundum diversum motum animi ejus, & diversum modum se defendendi. Nam si solo animo repellendi in-

injuriā illatā & cum debita moderatione se defendat, non est peccatum, nec proprie potest dici rixa ex parte ejus. Si vero cum animo vindictæ, vel odii, vel cum excessu debitæ moderationis se defendat, semper est peccatum; sed veniale quidem quando aliquis levis motus odii, vel vindictæ se immiscet; vel cum non multum excedit moderatam defensionem; mortale autem quando obfirmato animo in impugnantem insurgit ad eum occidendum, vel eum graviter lædendum „ „.

R E G U L A XVI.

Ministri Principis, aut judicis, qui aliquos invadunt publica potestate, non rixantur, neque peccant; sed lethalis peccati rei sunt, qui illis obstant, & ab illis vi illata se defendunt.

Ita S. Thomas, ibidem in responsione ad tertium, „ „ Ad hoc (*inquit*) quod justum sit bellum, requiritur, quod fiat auctoritate publicæ potestatis. Rixa autem fit ex privato affectu iræ, vel odii. Si enim ministri principis, aut judicis publica potestate aliquos invadant, qui se defendant, non dicuntur ipsi rixari, sed illi, qui publicæ potestati resistunt. Et sic illi, qui invadunt, non rixantur, neque peccant; sed illi, qui se inordinate defendunt „ „.

A R T I C U L U S V.

De Remediis adversus iram.

Remedium adversus iram præcipuum est patientia, Remedia
adversus
iram. cujus exemplum, & præceptum Christus Dominus nobis dedit. „ „ Nobis (*inquit Tertullianus, Coelestis*
libro de patientia) exercendæ patientiæ auctoritatem, patientiæ
disciplinæ non affectatio humana caninæ æquanimittatis stupore formata, sed vivæ, ac cœlestis disciplinæ divina dispositio delegat; Deum ipsum ostendens patientiæ exemplum; jamprimum qui rorem lucis hujus super justos, & inultos æqualiter spargit; qui temporum officia, elementorum servitia, totius genituræ tribu-

Christus
patientiae
magister.

Isa. 48.

ta dignis simul, & indignis patitur occurrere, sustinens ingratissimas nationes, ludibria artium, & opera manuum suarum adorantes, nomen cum familia ipsius persequentes, luxuriam, avaritiam, iniquitatem, malignitatem quotidie inolecentem; ut sua sibi patientia detrahat; plures enim Dominum idcirco non credunt, quia seculo iratum tamdiu nesciunt. Et hæc quidem divinæ patientiæ species, quasi de longinquo, fors ut de supernis æstimetur. Quid illa autem, quæ inter homines palam in terris quodammodo manu apprehensa est? Nasci se Deus in utero patitur matris, & exspectat, & natus adolescere sustinet, & adultus non gestit agnosci, sed & contumeliosus insuper sibi est, & a servo suo tingitur, & tentatoris congressus solis verbis repellit. Cum de Domino sit magister, & docens hominem evadere ad salutem, scilicet veniam offensæ patientiæ eruditus, non contendit, non reclamavit, nec quicquam in plateis vocem ejus audit, arundinem quassatam non fregit, linum fumigans non restinxit. Nec enim mentitus fuerit Propheta, imo ipsius Dei contestatio Spiritum suum in filio cum tota patientia collocantis. Nullum volentem sibi adhærere, non suscepit; nullius mentiam, tectumve despexit; aquam ipse lavandis discipulorum pedibus ministravit. Non peccatores, non Publicanos aspernatus est. Non illi civitati, quæ eum recipere noluerat, iratus est, cum etiam discipuli, tam contumelioso oppido cœlestes ignes repræsentari voluissent. Ingratos curavit, invidiatoribus cessit. Parum hoc, si non etiam proditorum suum secum habuit, ne constanter denotavit. Cum vero traditur, cum adducitur, ut pecus ad victimam; sic enim non magis aperit os, quam agnus sub tondentis potestate. Ille, cui legiones Angelorum, si voluisset, uno dicto de cœlis adfuissent, ne unius quidem discipuli, scilicet Petri discantis gladium ultorem probavit. Patientia Domini in Malcho vulnerata est. Itaque & gladii opera maledixit imposterum, & sanitatis restitutione ei, quem non ipse

vexa;

vexaverat, satisfecit per patientiam misericordiae matrem. Taceo, quod figitur, in hoc enim venerat. Nunquid tamen subeundæ morti etiam contumeliis opus fuerat? Sed saginari voluptate patientiæ discessurus volebat. Despuitur, verberatur, deridetur, foedis vestitur, foedioribus coronatur. Mira æquanimittatis fides! Qui in hominis figura proposuerat latere, nihil de impatientia hominis imitatus est. Hinc vel maxime Pharisei Dominum agnoscere debuistis. patientiam huiusmodi nemo hominum perpetraret; Talia, tantaque documenta, quorum magnitudo penes nationes quidem detractatio fidei est, penes nos vero ratio, & instructio, satis aperte non sermonibus modo in præcipiendo, sed etiam passionibus in sustinendo, probant his, quibus credere datum est, patientiam esse Dei naturam, effectum, & præstantiam ingenitæ cuiusdam proprietatis. Igitur si probos quosque servos, & bonæ mentis pro ingenio dominico conversari videmus, quanto magis nos secundum Dominum moratos inveniri oportet? Servos scilicet Dei vivi, cuius iudicium in suos, non in compede, aut pileo vertitur, sed in æternitate aut poenæ, aut salutis. . . Obsequium de patientia trahitur. Nunquam impatiens obsequitur, aut patiens qui oblectatur „ „.

Et cap. 6. ejusdem libri: „ „ Fides (*inquit*) patientia illuminata, cum in nationes seminaretur per semen Abraham, quod est Christus, & gratiam legi superduceret, ampliandæ, adimplendæque legi adiutricem suam patientiam præfecit, quod ea sola ad justitiæ doctrinam retro defuisset. Nam olim & oculum pro oculo, & dentem pro dente repetebant, & malum malo foenerabant. Nondum enim patientia in terris, quia nec fides. Scilicet interim impatientia occasionibus legis fruebatur. Facile erat, absente Domino patientiæ, & magistro; qui postquam supervenit, & gratiam fidei patientia composuit, jam nec verbo quidem laceffere, nec fatue quidem dicere sine iudicii periculo licet. Prohibita ira, re-

Matth. 5.

stricti animi, compressa petulantia manus, exemptum linguæ venenum. Plus lex, quam amisit, invenit; dicente Christo: *Diligite inimicos vestros & maledicentibus benedicite; & orate pro persecutoribus vestris, ut filii sitis Patris vestri caelestis.* Vides, quem nobis patrem patientia acquirat? Hoc principali præcepto universa patientiæ disciplina succincta est, quando ne digne quidem maletacere concessum est „ „.

Matth. 5.

Et cap. 8. „ „ Absit a servo Christi tale inquinamentum, ut patientia majoribus tentationibus præparata in frivolis excidat. Si manu quis tentaverit provocare, præsto est dominica monella: Verberanti te (inquit) in faciem, etiam alteram genam obverte. Fatigetur improbitas patientia tua. . . Plus improbum illum cædis sustinendo. Ab eo enim vapulabit, cujus gratia sustines. Si linguæ amaritudo maledicto, sive convitio eruperit, respice dictum: Cum vos maledixerint, gaudete. Dominus ipse maledictus in lege est & tamen solus est benedictus. Igitur Dominum servi consequamur, & maledicamus patienter, ut benedicti esse possimus. Si parum æquanimitè audiam dictum aliquod in me protervum, aut nequam, reddam & ipse amaritudinis vicem necesse est, aut cruciabor impatientia muta. Cum ergo percussero maledicto, quomodo secutus inveniar doctrinam Domini, qua traditum est. Non vasculorum inquinamentis, sed eorum, quæ ex ore promuntur, hominem communicari? (*id est, immundum fieri. . .*) Hic jam de patientiæ voluptate. Nam omnis injuria, seu lingua, seu manu incussa, cum patientia offenderit, eodem exitu dispangetur, quo zelum aliquod in petra constantissimæ duritiæ libratum, & obtusum. Concidet enim ibidem irrita opera, & intractuola, & nonnunquam repercussum in eum, qui emisit, reciproco impetu læviet. Nempe idcirco quis te lædit, ut doleas, quia fructus lædentis in dolore læli est. Ergo cum fructum ejus evertis non dolendo, ipse doleat necesse est amissionem fructus sui. Tunc tu non modo illæsus abis,

Matth. 15.

quod

quod etiam solum tibi sufficit, sed insuper adversarii tui, & frustratione oblectatus, & dolore defensus. Hæc est patientiæ utilitas, & voluptas „ „.

Denique cap. 15. „ „ Adeo (*inquit*) satis idoneus patientiæ sequester Deus. Si injuriam deposueris penes eum, ultor est; si damnum, restitutor est; si dolorem, medicus est; si mortem, resuscitator est. Quantum patientiæ licet, ut Deum habeat debitorem? Nec immerito, omnia enim ejus placita tuetur; omnibus mandatis ejus intervenit. Fidem munit, pacem gubernat, dilectionem adjuvat, humilitatem instruit, pœnitentiam expectat, exomologesim adsignat, carnem regit, spiritum servat, linguam frænat, manum continet, tentationes inculcat, scandala pellit, martyria consummat; pauperem consolatur, divitem temperat. . . Fidelem delectat, gentilem invitat, servum domino, dominum Deo commendat, feminam exornat, virum approbat; amatur in puero, laudatur in juvene, suscipitur in sene; in omni sexu, in omni ætate formosa est „ „.

Deus patientiæ sequester.

Patientiæ bonum, & utilitas.

Idem argumentum tractat S. Cyprianus, lib. De Bono patientiæ, atque ubi præmisit, falsam esse apud Philosophos patientiam, quia & falsa apud illos sapientia est, subdit: „ „ Nos autem, qui Philosophi non verbis sed factis sumus; nec vestitu sapientiam, sed veritate præferimus; qui virtutum conscientiam magis, quam jactantiam novimus; qui non loquimur magna, sed vivimus; quasi servi, & cultores Dei, patientiam, quam magisteriis cœlestibus dilcimus, obsequiis spiritualibus præbeamus. Est enim nobis cum Deo virtus ista communis „ „. Tum multis ostendit patientiam Dei rem esse, qui cum crebris, imo continuis exacerbetur offensis, indignationem suam temperat & præstitum semel diem retributionis patienter expectat. Et cum habeat in potestate vindictam, mavult diu tenere patientiam, sustinens, & differens, donec ejus patientia peccatores ad pœnitentiam adducat. Patientiam Christus Deus, & Dominus noster non tantum verbis docuit, sed implevit & factis. Et quia ad hoc descen-

Impatien-
tiæ malum.

disse se dixerat, ut voluntatem patris faceret : „ „ „ Inter cætera admirabilia virtutum suarum, quibus indicia divinæ Majestatis expressit, paternam quoque patientiam tolerantiae tenore servavit ; omnes denique actus ejus ab isto statim adventu patientia comite signantur, &c. Ut patientia bonum Christi est, sic contra impatientia diaboli malum ; & sicut, in quo habitat, & manet Christus, patiens invenitur, ita impatiens semper existit, ejus mentem diaboli nequitia possidet. Exordia denique ipsa videamus. Diabolus hominem ad imaginem Dei factum impatienter tulit ; unde & periit primus, & perdidit. Adam contra cœleste præceptum cibi lethalis impatiens, in mortem cecidit, nec acceptam divinitus gratiam patientia custode servavit ; & ut fratrem Cain perimeret, sacrificii ejus, & muneris impatiens tuit ; & quod Esau de majoribus ad minora descendit, primatus suos per impatientiam lentis amisit. Quid ? Judaicus populus circa beneficia divina perfidus, & ingratus, nonne quod a Deo primum recessit, impatientiæ crimen fuit ? Dum Moyse cum Deo colloquens moras non potest ferre, profanos Deos aulus postulare ; ut itineris sui duces nuncuparet, caput bubulum, & terrestre figmentum ; nec unquam ab eadem impatientia destitit, quo minus semper docuitatis, & divinæ admontionis impatiens, Prophetas suos, & justos quosque perimendo, ad Crucem quoque, & Sanguinem Domini profiliret. Impatientia etiam & in Ecclesia hæreticos facit, & ad Judæorum similitudinem contra Christi pacem, & charitatem rebelles, ad hostilia, & furiosa odia compellit. Et longum sit singula recensere, omnia omnino, quæ patientia operibus suis ædificat ad gloriam, impatientia destruit ad ruinam. Quare, fratres dilectissimi, patientiam, per quam in Christo manemus, ut venire cum Christo ad Deum possimus, plena observatione teneamus ; quæ copiola, & multiplex non angusto fine concluditur, nec brevibus terminis coercetur. Late patet patientiæ virtus, & ubertas ejus ; & largitas

Patientiæ
elogium.

unius

unius quidem nominis fonte proficiscitur, sed exundantibus venis per multa gloriarum itinera diffunditur; nec proficere aliquid in actibus nostris potest ad contummandam laudem, nisi inde consummationis accipiat firmitatem. Patientia est, quæ nos Deo commendat, & servat; ipsa est, quæ iram temperat, quæ linguam frænat, quæ mentem gubernat, pacem custodit, disciplinam regit, libidinis impetum frangit, tumoris violentiam comprimit, incendium simultatis extinguit, coercet potentiam divitum, inopiam pauperum refovet; tuetur in virginibus beatam integritatem, in viduis laboriosam castitatem, in conjunctis, & maritatis individuam charitatem; facit humiles in prosperis, in adversis fortes, contra injurias, & contumelias mites, docet delinquentibus cito ignoscere; si ipse delinquas, diu, & multum rogare; tentationes expugnat, persecutiones tolerat, passiones, & martyria consummat; ipsa est, quæ fidei nostræ fundamenta firmiter munit; ipsa est, quæ incrementa spei sublimiter provehit; ipsa actum dirigit, ut tenere possimus viam Christi, dumque per ejus tolerantiam gradimur, ipsa efficit, ut perseveremus filii Dei, dum patientiam patris imitamur. Sed quoniam plurimos scio, vel pondere injuriarum angentium, vel dolore, de iis, qui adversum se grassantur, & sæviunt, vindicari velociter cupere, nec in illum extremi judicii diem malorum retributionem differre, nobiscum hortamur, interim amplectimini patientiæ bonum, ut in istis fluctuantis mundi turbidinis, & Judæorum, sive gentilium, & hæreticorum quoque persecutionibus constituti, patienter expectemus ultionis diem, nec ad vindictam doloris nostri querula, & invidiosa festinatione properemus. » »

S. Basilii, Hom. 10. *De Ira*, duo præsertim contra hoc vitium remedia proponit, ne scilicet rebus magnis pares, dignosve nos judicemus, deinde ne reliquos homines nobis inferiores existimemus. » » Quid miser (*inquit*) angeris pauperis appellatione? Reminiscere, quod quemadmodum nudus in

Consideratio injuriarum, & pauperum, quas Christus nostri causa pertulit, effig.

eiſſimum
eſt adverſus
iram reme-
dium.
Joan. 8.

mundum veniſti, nudus etiam egreſſurus es. Quid enim nudo pauperius? Nihil profeſſo grave audiſti, niſi tibi ipſe quæ objecta ſunt agnoſcas. Quis unquam ob paupertatem in carcerem ductus eſt? Nam egere non turpe quidem, aut aliquod probrum fuerit; ſed paupertatem genereſe non ferre. Memor ſis Domini noſtri Jeſu Chriſti, qui cum dives eſſet, noſtri gratia egere voluit. Si vero & ſtultus, & indoctus appellaberis, reminiſcere eorum, quæ a Judæis jaſtata ſunt in veram ſapientiam: *Samaritanus es, & demonium habes*. Alapa, ſeu pugillo caſus es? At enim etiam Dominus. Exſpuit aliquis in faciem? Eadem & Dominus eſt paſſus. Nec enim ab exſpuentibus, aut cædentibus faciem avertit. Calumniam pateris? Et Dominus. Tua laceratur veſtis? Et a Domino quoque veſtis per vim extracta, & ſuper eam miſſæ ſortes. Nondum condemnatus es, nondum cruci affixus. Multa tibi toleranda, ut ad ejus imitationem pervenias. Talia igitur, & horum ſimilia tibi concurrant; mentisquæ ſuæ impetum, ac iram compelſcant. Similes namque præparationes, & animi diſpoſitiones morſus cordis, & impulſus facile delebunt, & animæ cogitationes in tranquillum ſtatum deducunt. Hoc enim eſt, quod David ait: *Paratus ſum, & non ſum turbatus*. Oportet itaque motus animi inſanos, ac præcipites exemplo Sanctorum, ac beatorum præceptorum memoriâ cohibere; quomodo magnus David, & qua manſuetudine iniquitatem Semei tulerit; non enim iræ locum dedit, in Deum cauſam transferens: Quoniam Dominus (*inquit*) Semei mandavit, ut maledicat David. Quamobrem cum audiviſſet ſe virum ſanguinum, & iniquum vocari, minime ſuccenſit, ſed tolerando ſeſe humilem reddidit, ac meritam ſibi inſiſſi contumeliâ putavit. Ex quo duo tibi ad cuſtodien- dam animi conſtantiam toleranda. Primo, ne te rebus magnis parem, dignumve judices. Deinde neminem valde infra tuam dignitatem, ac æſtimationem eſſe putabis. Sic enim animus nunquam ex iis, quæ

Pſal. 118.
60.

2. Reg. 16.

Humilitas
iræ mode-
ratrix.

quæ nobis ex adverso inferuntur, indignabitur, aut magnopere dolebit. . . Revereantur perturbationes rationis præsentiam, quemadmodum pueri immodestum aliquid agentes viri venerabilis conspectum vereri solent „ „.

S. Ambrosius lib. 1. de Officiis ministrorum, cap. 21. hæc adversus iram tradit remedia: „ „ Caveatur (inquit) iracundia, aut si præcaveri non potest, cohibeatur, mala enim illex peccati indignatio est; quæ ita animum perturbat, ut rationi non relinquat locum. Primum est igitur, si fieri potest, ut morum tranquillitas usu quodam, affectione, proposito in naturam vertatur. Deinde quoniam ita plerumque motus infixus est naturæ, ac moribus, ut evelli, atque evitari non queat; si prævideri potuerit, ratione reprimatur. Aut si prius occupatus fuerit animus ab indignatione, quam consilio prospici, ac provideri potuerit, ne occuparetur, meditare, quomodo motum animi tui vincas, iracundiam temperes. Resiste iræ, si potes; cede, si non potes; quia scriptum est: *Date locum iræ.* . . Ergo si prævenierit, & præoccupaverit mentem tuam iracundia, & ascenderit in te, non relinquas locum tuum. Locus tuus patientia est, locus tuus sapientia est, locus tuus ratio est, locus tuus sedatio indignationis est. Aut si te contumacia respondentis moverit, & perversitas impulerit ad indignationem; si non potueris mitigare mentem, reprime linguam tuam. Sic enim scriptum est; *Cohibe linguam tuam a malo, & labia tua ne loquantur dolum.* Deinde: *Inquire pacem, & persequere eam.* Pacem illam S. Jacobi vide, qua tu primum sedato animum si non prævalueris, frenos linguæ impone tuæ; deinde reconciliationis studium non prætermittas „ „. Dictum celebre Architzæ Tarentini Philolophi commemorat, qui villicum suum aliquando iratus his verbis compellavit; *O te infelicem, quam afflitterem, nisi iratus essem!* Ac Davidem hac in re majori certe laude dignum ostendit, qui bellatores adversus Nabal ad ultionem paratos pru-

Resisten-
dum iræ.

Psal. 3

Psal. 4.

Prov. 16.

Duo christi-
anæ man-
suetudinis
servandæ
modi.

dentis Abigail deprecatione revocavit; quod mansuetissimi Regis exemplum documento est, tempestivis quoque intercessionibus non solum cedere nos, sed etiam delectari oportere. Eo usque autem delectatus est, ut benediceret intervenientem, quod a studio vindictæ revocatus foret. Sed & divinum illud de iræ moderatione præceptum afflante Spiritu sancto in Psalmis tradidit; *Irascimini, & nolite peccare*. Id est: „ Irascimini ubi culpa est, cui irasci debeat. Non potest enim fieri, ut non rerum indignitate moveamur; alioquin non virtus, sed lenitudo, & remissio judicatur. Irascimini ergo, ita ut a culpa abstineatis. Vel sic: Si irascimini, nolite peccare, sed vincite iracundiam. Vel certe sic; si irascimini, vobis irascimini, quia commoti estis, & non peccabitis. Qui enim sibi irascitur, quia cito commotus est, desinit irasci alteri; qui autem vult iram suam justam probare, plus inflammatur, & cito in culpam cadit. Melior est autem secundum Salomonem, qui iracundiam continet, quam qui urbem capit; quia ira etiam fortes decipit „.

S. Gregorius lib. 5. *Moralium*, cap. 30. saluberrima contra iram tradit remedia. „ Duobus modis (*inquit*) fracta possidere animum ira desuescit. Primus quippe est, ut mens sollicita, antequam agere, quodlibet incipiat, omnes sibi, quas pati potest, contumelias proponat; quatenus Redemptoris sui probra cogitans, ad adversa se præparet; quæ nimirum venientia tanto fortius excipit, quanto se cautius ex præscientia armavit. Qui enim improvidus ab adversitateprehenditur, quasi ab hoste dormiens invenitur, eumque citius inimicus necat, quia non repugnantem perforat. Nam qui mala imminetia per solitudinem prænotat, hostiles incursus quasi in insidiis vigilans exspectat; & inde ad victoriam valenter accingitur, unde nesciens deprehendi putabatur. Solerter ergo animus ante actionis suæ primordia, cuncta debet adversa meditari; ut semper hæc cogitans, semper contra hæc thorace patientiæ munitus, & quid-

quidquid acciderit, providus superet, & quidquid non accesserit, lucrum putet „„.

„„ Secundus autem servandæ mansuetudinis modus est, ut non alienos excessus aspiciamus, nostra, quibus in aliis excedimus, delicta cogitemus. Considerata quippe infirmitas propria, mala nobis excusat aliena. Patienter namque illatam injuriam tolerat, qui pie meminit, quod fortasse adhuc habeat, in quo debeat ipse tolerari. Et quasi aqua ignis extinguitur, cum, surgente furore animi, sua cuique ad mentem culpa revocatur; quia erubescit peccata non parcere, qui vel Deo, vel proximo sæpe se recolit parcenda peccasse „„.

Sanctus idem Pontifex, & Doctor Hom. 35. in Evangelia, christianæ patientiæ inferendis, & condonandis injuriis necessariam praxim egregie, ac luculenter exponit. *In patientia vestra possidebitis animas vestras* (ait Christus Dominus.) „„ Idcirco possessio animæ in virtute patientiæ ponitur, quia radix omnium, custosve virtutum patientia est. Per patientiam vero possidemus animas nostras; quia dum nobis ipsis dominari discimus, hoc ipsum incipimus possidere, quod sumus. Patientia vero est, aliena mala æquanimiter perpeti, contra eum quoque, qui mala irrogat, nullo dolore morderi. Nam qui sic proximi mala portat, ut tamen tacitus doleat, & tempus dignæ retributionis quærat, patientiam non exhibet, sed ostendit. Scriptum quippe est: *Charitas patiens est, benigna est*. Patiens namque est, ut aliena mala toleret, benigna vero est, ut etiam ipsos, quos portat, amet. Hinc namque per semetipsam veritas dicit: *Diligite inimicos vestros, &c.* Virtus itaque est coram hominibus, adversarios tolerare; sed virtus coram Deo, diligere; quia hoc solum Deus sacrificium accipit, quod ante ejus oculos in Altari boni operis flamma charitatis incendit. Sciendum vero, quod plerumque ideo patientes esse videmur, quia retribuere mala non possumus. Sed qui idcirco malum non retribuit, quia nequaquam valet, procul-

Luc. 21. 19.

Patientia virtutum omnium radix, & custos.

1. Cor. 13. 4.

Matth. 5.
Hoc solum sacrificium Deus accipit, quod flamma charitatis incendit.

dubio patiens non est; quia patientia non in ostensione inquiritur, sed in corde. Per impatientiae autem vitium, ipsa virtutum nutritrix doctrina dissipatur; scriptum namque est: *Doctrina viri per patientiam nescitur*. Tanto ergo quisque minus ostenditur doctus, quanto convincitur minus patiens. Neque enim potest veraciter bona docendo impendere, si vivendo nesciat æquanimiter aliena mala tolerare. Quanto enim culmine virtus patientiae polleat, rursus Salomon indicat, dicens: *Melior est sapiens viro forti, & qui dominatur animo suo, expugnatore urbium*. Minor est ergo victoria, urbes expugnare; quia extra sunt, quæ vincuntur. Majus autem est, quod per patientiam vincitur; quia ipse a se animus superatur, & semetipsum sibi metipsum subjicit, quando eum patientia in humilitate tolerantiae sternit. Sciendum vero est, quod plerumque evenire patientibus solet, ut eo quidem tempore, quo adversa patiuntur, vel contumelias audiunt, nullo dolore pulsantur; & sic patientiam exhibeant, ut custodire etiam cordis innocentiam curent. Sed cum post paululum hæc ipsa, quæ pertulerint, ad memoriam revocant, igne vehementissimi doloris instigantur, argumenta ultionis inquirunt, & mansuetudinem, quam tolerantes habuerunt, in retractatione sua semetipsos dijudicantes perdunt. Callidus namque adversarius bellum contra duos movet, unum videlicet inflammans, ut contumelias prior inferat; alterum vero provocans, ut contumelias læsus reddat. Sed quia ejus jam victor extitit, quem ad proferendas contumelias commovit; contra illum acrius dolet, quem ad reddendas injurias commovere non potuit; unde fit, ut tota se virtute contra eum erigat, quem contumelias fortiter pertulisse considerat. Quem, quia commovere in ipsa injuriarum jaculatione non potuit, ab aperto certamine interim recedens, in secreta cogitatione deceptionis tempus inquit; & qui publico bello perdidit, ad exhibendas occulte insidias exardescit. Quietis namque jam tempore ad victoris animum redit;

Vere patientis est, qui & injurias æquo animo tolerat, & de his postea cogitans, quod illas pertulerit, gaudet.

dit; & vel damna rerum, vel injuriarum jacula ad memoriam reducit; cunctaque, quæ sibi illata sunt, vehementer exaggerans, fuisse intolerabilia ostendit; & quiescentis animum tanto furore conturbat, ut plerumque vir patiens illa se æquanimiter tolerasse, etiam post victoriam captivus erubescat; seque non reddidisse contumelias doleat, & deteriora rependere, si occasio præbeatur, quærat. Quibus ergo isti sunt similes, nisi his, qui per fortitudinem in campo victores sunt, sed per negligentiam postmodum intra urbis claustra capiuntur? Quibus isti sunt similes, nisi his, quos irruens gravis languor a vita non subtrahit, sed leviter veniens recidiva febris occidit? Ille ergo veraciter patientiam servat, qui & ad tempus aliena mala sine dolore tolerat, & hæc eadem retrahens, pertulisse se talia exultat; ne bonum patientiæ quietis tempore pereat, quod in perturbationibus custoditur. Si adjuvante nos Domino virtutem patientiæ servare contendimus, & in pace Ecclesiæ vivimus, & tamen Martyrii palmam tenemus. Duo quippe sunt Martyrii genera, unum in mente, aliud in mente simul, & actione. Itaque esse Martyres possumus, etiam si nullo percutientium ferro trucidemur. Mori quippe a persequente, Martyrium in aperto opere est: ferre vero contumelias, odientem diligere, Martyrium est in occulta cogitatione.

Duplex
Martyrii
genus.

Tribus denique modis virtutem patientiæ docet exerceri: „Alia namque sunt, quæ a Deo, alia, quæ ab antiquo adversario, alia, quæ a proximo sustinemus. A proximo namque persecutiones, damna, & contumelias; ab antiquo vero adversario tentamenta; a Deo autem flagella toleramus. Sed in his omnibus tribus modis vigilantibus oculo semetipsam debet mens circumspicere, ne contra mala proximi pertrahatur ad retributionem mali; ne contra tentamenta adversarii seducatur ad delectationem, vel consensum delicti; ne contra flagella opificis, ad excessum proruat murmurationis. Perfecte enim adversarius vincitur, quando mens nostra, & inter ten-

Patientia
virtus tri-
bus modis
exercetur.

tamenta ejus a delectatione, atque consensu non trahitur; & inter contumelias proximi custoditur ab odio; & inter flagella Dei compescitur a mortificatione „ „

CAPUT VIII

De Acedia.

ARTICULUS PRIMUS.

Quid sit; & quam grave peccatum.

De Acedia. I. **A**cedia fastidium est interni boni, ut definit *Hugo a S. Victore*, in *Tractatu De septem Virtutibus*, inter *S. August.* opera edito, sive, est *Tristitia de bono spirituali, in quantum est bonum divinum*, ut definit *S. Thom.* 2. 2. q. 35. art. 1. Dicitur tristitia de bono divino, non in se, & absolute spectato, sed quatenus in nobis est, vel esse potest. Sic enim differt ab odio, & invidia. Odio enim Dei averfamur bonum divinum quatenus in Deo; invidia de eodem dolemus, quatenus est in proximo; acedia, quatenus in nobis est, vel esse potest. Tristitia autem de bono divino quocunque non est proprie peccatum acediae, sed quæ refugit, vel ægre fert bonum divinum imperatum, & ad salutem æternam consequendam necessarium ut docet *S. Thom.* art. 3. ejusdem qu. ad tertium. „ „ Acedia (*inquit*) non est recessus mentalis a quocunque spirituali bono, sed a bono divino, cui oportet mentem inherere ex necessitate. Unde si quis contristetur de hoc, quod aliquis cogit eum implere opera virtutis, quæ facere non tenetur, non est peccatum acediae; sed quando contristatur in his, quæ ei imminet facienda propter Deum „ „

Acedia peccatum ex genere suo mortale.

II. Acediam peccatum esse, Scriptura sacra docet, *Eccel. 6.* illam prohibens, ubi de sapientia ait: *Subjice humerum tuum, & porta illam, & ne acedieris in vinculis ejus. In omni animo tuo accede ad illam,*

Idem

Idem probat *S. Thomas* ex acediae notione a *S. Joanne Damasceno* tradita lib. 2. *De Fide orthodoxa*, cap. 14.

„ *Acedia* (*inquit*) est quædam tristitia aggravans, quæ scilicet ita deprimit animum hominis, ut nihil ei agere libeat. Hujusmodi autem tristitia semper est mala, quandoque secundum seipsam, quandoque secundum effectum. Tristitia enim secundum se mala est, quæ est de eo, quod est apparens malum, & vere bonum, sicut e contrario mala delectatio est, quæ est de eo, quod est apparens bonum, & vere malum. Cum ergo spirituale bonum sit vere bonum, tristitia, quæ est de spirituali bono, est secundum se mala. Quia ergo acedia, secundum quod hic sumitur, nominatur tristitia spiritualis boni, est dupliciter mala, & secundum se, & secundum effectum, & ideo acedia est peccatum „ „.

III. *Acedia* lethale ex genere suo peccatum est. *Acedia* enim est tristitia seculi, cum non sit tristitia secundum Deum; sed *Tristitia seculi mortem operatur* : lethale igitur peccatum est. Id confirmat *S. Thomas* hac ratione: „ „ Peccatum mortale dicitur, quod spirituales vitam tollit, quæ est per charitatem, secundum quam Deus in nobis inhabitat. Unde illud peccatum ex suo genere est mortale, quod de se secundum propriam rationem contrariatur charitati; hujusmodi autem est acedia. Nam proprius effectus charitatis est gaudium de Deo; acedia autem est tristitia de bono spirituali, in quantum est bonum divinum; unde secundum suum genus acedia est peccatum mortale „ „.

Adversatur primo, & maximo divinæ dilectionis mandato. Deum enim ex toto corde, ex tota anima, ex tota virtute non diligit, qui in omnibus ad assequendam salutem necessariis, vel frigidescit penitus, vel tepescit. Quem quidem teporem ita Deus exhorret, ut acediosos a se vomiturum, id est, se deserturum, & gratiæ suæ auxiliis privaturum comminetur. Apoc. 3. *Scio opera tua, quia neque frigidus es, neque calidus. Usinam frigidus esses, aut calidus!*

Acedia adversatur primo & maximo dilectionis divinæ mandato.

Matth. 25.

duc! Sed quia tepidus es, & nec frigidus, nec calidus, incipiam te evomere ex ore meo. Hinc servum pigrum talento, quod defoderat, privari, & in tenebras exteriores mitti Dominus jubet. Tollite (inquit) ab eo talentum, & date ei, qui habet decem talenta. Omni enim habenti dabitur, & abundabit, ei autem qui non habet, & quod videtur habere, auferetur ab eo. Sit inutilem servum ejicite in tenebras exteriores. In hujus rei figuram Christus ficulneam, in qua fructum non invenerat, arefecit maledicto; æternaque sterilitate damnavit, quamvis ficorum tempus non esset, ut significaret homines quovis tempore fructus pietatis, & bonorum operum ferre debere, quos si ex acedia, & fastidio spiritualis boni non ferat, divina maledictione ferietur.

**Acedia ad-
versatur
præcepto,
quo in Deo
delectari
jubemur.**

Præcepto de diligendo Deo connexum est illud, quo in Deo delectari iubemur. Psal. 36. *Delectare in Domino* (inquit David) *& dabit tibi petitiones cordis tui.* Et Psal. 63. *Latabitur iustus in Domino, & sperabit in eo, & gloriabuntur omnes recti corde.* Psal. 33. *Gustate, & videte, quoniam suavis est Dominus.* Ad Philip. 4. *Gaudete in Domino semper, iterum dico, gaudete.* Hinc S. Thomas, qu. 11. *De peccatis*, art. 3. ad sextum, ait: „*Quod homo delectetur, non cadit sub præcepto, sed quod delectetur de Deo, hoc cadit sub præcepto, sicut & quod homo Deum diligat, quia delectatio amorem consequitur* „ „.

Et in response ad septimum : „ „ Delectatio, quæ provenit ex charitate, cui contrariatur acedia, est de necessitate spiritualis vitæ, sicut & ipsa charitas, & ideo acedia est peccatum mortale „ „

Delectationis hujus necessitatem confirmat S. *August.* Serm. 21. alias 5. editis a P. Sirmondo. „, „, Jucundare (*inquit*) in iis, quæ jussit Dominus, ut jucunderis in Domino. Jucundare in fide jucundare in spe, jucundare in charitate, jucundare in misericordia, jucundare in hospitalitate, jucundare in castitate. Hæc omnia bona sunt, thesauri interioris hominis; gemmæ non arcæ tuæ, sed conscientiæ tuæ. His

2018

amā dives esse, quas divitias nec naufragio possis amittere; unde si nudus exieris, plenus eris. . . Delectare in Domino, non in seculo. In Domino enim jucundabatur ille, qui cum perdidisset totam jucunditatem seculi, remansit ei Dominus, in quo jucundaretur; remansit in ira simplex, perfecta, & immutabilis jucunditas cordis ejus. Quæ habebat, possidebat, non possidebatur, a Domino autem possidebatur, illa calcabat, ex illo pendebat. Ecce enim quid sit in Domino jucundari. Dominus dedit, Dominus abstulit; nunquid se abstulit? quod dedit, abstulit, qui dedit, se obtulit. . . Quare displiceat servo id, quod placuit Domino? Aurum (*inquit*) perdidit, familiam perdidit; pecora perdidit, quidquid habui perdidit; a quo habeo, non perdidit. Perdidit, quod dederat: eum non perdidit, cujus ipse sum. Delectatio mea ipse, divitiæ meæ ipse. Sed quare? Quia non perverius, non capite deorsum, non neglexit eum, qui supra se est, & dilexit ea, quæ infra se. Ipsa est enim perversitas male utendi creatura, „ „. Boni certe divini fastidium oritur ex perverso creaturarum amore, in quibus cor terreni hominis ita delectatur, ut gustare non possit, quam suavis est Dominus.

Amoris quoque divini fructus est ardens desiderium justitiæ, quæ una ex beatitudinibus Evangelicis est Matth. 5. *Beati* (*inquit* Christus) *qui esuriunt, & sitiunt justitiam, quoniam ipsi saturabuntur.* An vero justitiam esuriunt, & sitiunt, qui divinum bonum fastidiunt, quibus opera pietatis ad salutem necessaria tædium, ac tristitiam pariunt; qui in omnibus vitæ christianæ, statufque sui officiis implendis segnes sunt, negligentes, tepidi? Quid igitur expectare debent hujusmodi homines, nisi famis, & sitis æternæ cruciatus? „ „. Non enim ad saturitatem justitiæ, cum hinc exierit, quisquam perveniet, nisi ad eam, cum hic est, esuriendo, & sitiendo cucurrerit (*inquit* S. August. lib. De perfectione justitiæ, cap. 8.) Quamdiu ergo peregrinantes in Domino per fidem ambulamus, non per speciem, hæc est nostra in ipsa peregrina-

Acedit ad
versatur de
siderio ju
stitiæ.

natione iustitia, ut ad illam perfectionem, plenitudinemque iustitiæ; ubi in spe dedecoris ejus jam plena, & perfecta charitas erit, nunc ipsius curius rectitudine, & perfectione tendamus, castigando corpus nostrum, & servituti subjiciendo, & eleemosynas in dandis beneficiis, & dimittendis, quæ in nos sunt commissæ, peccatis, hilariter, & ex corde faciendo, & orationibus indefinenter insistendo; & hoc faciendo in doctrina sana, qua ædificatur fides recta, spes firma, charitas pura. Huic autem præcepto acedia adversari, manifestum est.

Acedia adversatur præcepto de sanctificatione sabbati.

Adversatur & præcepto de sanctificatione sabbati, quo secundum, quod est præceptum morale, *Præcipitur quies mentis in Deo, cui etiam contrariatur tristitia mentis de bono divino* (inquit *S. Thomas* 2. 2. qu. 25. art. 2. in responsione ad primum.)

ARTICULUS II.

De Filiabus acedia.

Acedia, capitale vitium est, cui sex filiae a *S. Greg.* lib. 31. *Moralium*, cap. 17. tribuuntur, scilicet *Malitia, rancor, pusillanimitas, desperatio, torpor circa præcepta, evagatio mentis circa illicita.*

Malitia.

Malitia est impugnatio bonorum spiritualium, quorum in detestationem adducit acedia. Hujus malitiæ fermento corrupti homines, non solum viros pios, sed & pietatem ipsam, sive quæ ad eam pertinent, irridere gestiunt, operumque, & exercitiorum pietatis contemptum aliis ingenerare. Hæc malitia reproborum hominum character est, qui per miseriam æternitatem dicturi sunt intra se, poenitentiam agentes inutilem, & præ angustia spiritus gementes: *Hi sunt quos habuimus aliquando in derisum, & in similitudinem improprietatis; nos insensati vitam illorum aestimabamus insaniam, & finem illorum sine honore; ecce quomodo computati sunt inter filios Dei, & inter Sanctos fors illorum est.*

Dep. 9. 3.

Rancor.

Rancor non hic usurpatur pro odio, sed est Indignatio quadam adversus homines, qui ad spiritualia bona

bona suis adhortationibus, monitis, increpationibus, & salubri correptione nos impellere, & ad salutem aeternam, vel perfectionem spiritualis vite promovere nitantur.

Pusillanimitas est vitiosa virium suarum diffidentia, qua quis opera difficilia, & ardua, suam facultatem Dei gratia adjutam, non excedens, qua consiliis sub- *Pusillanimitas.*
sunt, refugit, & aversatur ex animi parvitate, & objectione.

Desperatio fuga est ultimi finis, seu ultimum, quo de Desperatio; ultimi finis assecutione quis desperat, ideoque omnem salutis sue curam abjicit, vel peccatorum suorum gravitate, vel divina predestinationis artano, judiciorumque Dei severitate perterritus.

Torpor est remissio quaedam, & defectio animi circa *Torpor.*
praeceptorum observantiam, ita ut ab homine, vel penitus omittantur, vel negligenter, perfusiorie, & oscitanter impleantur hoc vitium exprimit David Psal. 118. his verbis: Dormitavit anima mea pro radio. Vere enim, Ab omni contemplatione virtutum, & intuitu spiritualium sensuum, dormitavit anima, quæ perturbationis hujus telo fuerit sauciata, (inquit Cassianus, lib. 10. De cenobiorum Institutiis, cap. 4.

Evagatio mentis est inquieti animi motus, quo præ *Evagatio mentis.*
pter tristitiam, & sadium a spiritualibus, divinisque bonis ad exteriora se transfert, ut illicitas ex eis delectationes percipiat. Ex hac mentis evagatione sequitur instabilitas corporis, qua acediosi uno in loco consistere nequeunt, & varias regiones amant peragraré. De quo animi morbo monachos acediosos infestante legi possunt Cassianus, libro mox indicato, cap. 2. S. Nilus Abbas Oratione 6. de Acedia, & S. Antiochus monachus, Homilia 26. de eodem vitio,

300 Theol. Ddg. & Moral. Lib. III.

ARTICULUS III.
REGULÆ MORUM

Circa Acediam, & filias ejus.

REGULA PRIMA.

Lethalis acediz reus est, quisquis spiritualia, divina
que bona plena deliberatione fastidit, & aver-
satur.

Hanc Regulam tradit *S. Thom.* 2. 2. qu. 35. art. 3.
Est (*inquit*) consummatio peccati in consensu
rationis. Unde si sit inchoatio peccati in sola sen-
sualitate, & non pertingat usque ad consensum ra-
tionis, propter imperfectionem actus, est peccatum
veniale; ita etiam & motus acediz in sola sensuali-
tate quandoque est, propter repugnantiam carnis ad
spiritum, & tunc est peccatum veniale. Quandoque
vero pertingit usque ad rationem, quæ consentit in
fugam, & horrorem, & detestationem boni divini,
carne contra spiritum omnino prævalente, & tunc
manifestum est, quod acedia est peccatum mortale.

REGULA II.

Tristitia de spirituali bono, quod in actibus virtutum
singularium occurrit, non est acedia proprie di-
cta, sed pertinet ad vitia illis virtutibus opposita.

Ita docet *S. Thomas*, art. 2. ejusdem quæstionis.
„Ad quamlibet virtutem (*inquit*) pertinet gau-
dere de proprio spirituali bono, quod consistit in
proprio actu; sed ad charitatem pertinet specialiter
illud gaudium spirituale, quo quis gaudet de bono
divino. Et similiter illa tristitia, qua quis tristatur
de bono spirituali, quod est in actibus singularium
virtutum, non pertinet ad aliquod vitium speciale,
sed ad omnia vitia; sed tristari de bono divino, de
quo charitas gaudet, pertinet ad speciale vitium,
quod acedia vocatur.

R R.

REGULA III.

Fastidium spiritualis boni, quatenus laboriosum est, aut molestum corpori, non est acedia proprie dicta, sed carnalium vitiorum comes est; christianæque temperantiæ, & mortificationi adversatur.

Ita rursus docet *S. Thom.* ibidem: „,, Similiter (*inquit*) non potest dici, quod sit speciale vitium acedia, in quantum refugit spirituale bonum, prout est laboriosum, vel molestum corpori, aut delectationis ejus impeditivum, quia hoc non separaret acediam a vitis carnalibus, quibus aliquis quietem, & delectationem corporis quærit „,,

REGULA IV.

Negligentia propriæ salutis, mediorumque ad eam a Deo & Domino nostro Jesu Christo institutorum, vel divinorum mandatorum, aut officiorum cujusque propriorum, & necessariorum; secundum statum; ad quem a Deo vocatus est, lethale acediæ peccatum est.

Hæc enim negligentia legi naturali, & divinæ in materia gravissima adversatur; quam legem expressit Apostolus ad *Philippenses*, cap. 2. *Cum metu* (*inquit*) *& tremore vestram salutem operamini.* Et *S. Petrus*, *Epist. 2. cap. 1. Satagite, ut per bona opera terram vestram vocationem, & electionem faciatis; hac enim facientes non peccabitis aliquando. Sic enim abundanter ministrabitur vobis introitus in æternum regnum Domini nostri, & Salvatoris Jesu Christi.*

REGULA V.

Acediæ rei sunt, qui jugiter non vigilant, ne vitiorum fontes, & mala graminum in corde suo pullulent, & qui orta evellere studiis ferventibus non conantur.

Cum enim animus noster ager sit, in quo Baptismi salutaribus aquis purgato, & rigato Pater celestis

302 Theol. Dog. & Moral. Lib. III.

lestis christianas virtutes inseruit, juxta illud Apostoli, *Dei agricultura estis; & occultis gratiæ suæ subministratiõibus daturus sit incrementum, si ad illas excolendas cooperemur; gravis certe delicti rei sumus, si negligentia nostra, & socordia spinæ, & tribuli oriantur, id est, prava desideria. Hanc acediorum hominum socordiam expressit Salomon Prov. 24. Per agrum (inquit) hominis pigri transivi, & per vineam viri stulti; & ecce totum repleverant urtica, & operuerant superficiem ejus spinæ, & maceria lapidum destructa erat. Quod cum vidissem, posui in corde meo, & exemplo didici disciplinam. Pigri hominis agrum, & vineam, id est, animam, urticæ, & spinæ replent, id est, prurientia terrena desideria, & punctiones pullulant vitiorum. Unde scriptum est Prov. 21. Desideria occidunt pigrum; noluerunt enim quidquam manus ejus operari. Tota die concupiscit, & desiderat. Maceria lapidum est disciplina Patrum, quæ in ejus corde dissoluta est, & dissipata, ut explicat S. Gregorius, lib. 20. Moralium, cap. 20. Quo fit, ut bona opera parvipendat, despectisque supernis promissionibus terrena desideret; & . Si quando in ejus „ mente aliquid de appetitu æternitatis oritur, subor- „ ta citius transitoria delectatione dissipatur „.*

Hinc S. Bernard. Serm. 58. in Cantica, tractans hunc versum cap. 2. *Tempus putationis advenit vineæ* spiritualis putationi semper incumbendum esse docet. „ „ Quis enim (inquit) ita ad unguem omnia a se superflua refecavit, ut nil se habere putet putatione dignum? Credite mihi, & putata repullulant, & reaccenduntur extincta, & sopita denuo excitantur. Parum est ergo semel putasse, sæpe putandum est. Imo, si fieri possit, semper; quia semper, quod putari oporteat, si non dissimulas, invenis. Quantumlibet in hoc corpore manens proteceris, erras, si vitia putas esse mortua, & non magis suppressa. Velis, nolis, intra fines tuos habitat Jebulæus; subjungi potest, sed non exterminari „ „.

REGULA VI.

Acediæ rei sunt, quicumque in christiana, & sui status perfectione proficere pro virili non conantur.

Studiis enim omnibus eniti Christianus tenetur, ut talentum a cœlesti Patre familias sibi creditum augeat, ac venienti cum fœnore repræsentet. Crescere tenetur in iustitia, & charitate, secundum illud Apostoli ad Ephelios 4. *Veritatem autem facientes in charitate, crescimus in illo per omnia, qui est caput Christi.* Et illud Principis Apostolorum, Epist. 2. cap. 3. *Crescite vero in gratia, & in cognitione Domini nostri, & Salvatoris J. su Christi.* Quod & Salomon Prov. 4. significavit his verbis: *Iustorum semitæ quasi lux splendens, procedit, & crescit usque ad perfectam diem.* Et Apoc. 22. dicitur: *Qui iustus est, iustificetur adhuc, & sanctus sanctificetur adhuc.* Eodem collineat illud Christi Domini oraculum Luc 9. *Nemo mittens manum suam ad aratrum, & respiciens retro, aptus est regno Dei.* Et rursus Luc. 17. *Memento uxoris Loth.* Id iterum confirmat Apostolus ad Philip. 3. *Ego me (inquit) non arbitror comprehensisse. Unum autem, quæ quidem retro sunt obiviscens, ad ea vero, quæ sunt priora excedens meipsum, ad destinatum persequor, ad bravium supernæ vocationis Dei in Christo J. su.* Quem locum S. August. tractans, Serm. 169. alias 15. *De verbis Apostoli*, ait: „ Ut revelet nobis Deus, & quod aliter sapiamus, in quo pervenimus, non in eo remaneamus, sed in eo ambulemus. Videtis, quia viatores sumus. Dicitis, quid est ambulare? Breviter dico, proficere; ne forte non intelligatis, & pigrius ambuletis. . . Proba teipsum tu ipse. Semper tibi displiceat, quod es, si vis pervenire ad id, quod nondum es. Nam ubi tibi placuisti, ibi remansisti. Si autem dixeris; sufficit, & peristi. Semper adde, semper ambula, semper profice; noli in via remanere, noli retro redire, noli deviare „ „

Hanc Regulam confirmat S. Bern. Epist. 254. ad Garinam Abbatem Alpensem. „ Nunquam (inquit)

- justus arbitratur se comprehendisse; nunquam dicit, satis est, sed semper esurit, sititque justitiam, ita ut si semper viveret, semper, quantum in se est, justior esse contenderet, semper de bono in melius proficere totis viribus conaretur. Non enim ad annum, vel ad tempus instar mercenarii, sed in æternum divino se mancipat famulatui. . . Itaque indefessum proficiendi studium, & jugis conatus ad perfectionem, perfectio reputatur. Quod si studere perfectioni, esse perfectum est; profecto nolle proficere deficere est. Ubi ergo sunt, qui dicere solent; Sufficit nobis, nolumus esse meliores, quam Patres nostri? non vis proficere? Non, Vis ergo deficere? Nequaquam. Quid ergo? Sic, inquis, vivere volo, & manere, in quo perveni, nec pejor fieri patior, nec melior cupio. Hoc ergo vis, quod esse non potest. Quid enim stat in hoc seculo? Et certe de homine specialiter dictum est; *Fugit velut umbra, & nunquam in eodem statu permanet*, Ipse denique hominis, seculique auctor, quamdiu in terris vilus est, & cum hominibus conversatus est, nunquam stetit, & quidem teste Scriptura; *Pertransiit benefaciendo, & sanando omnes*. Pertransiit autem sicut non infructuose, ita non remisse, non pigre, non lento gressu; sed quemadmodum item de ipso scriptum est; *Exultavit ut gigas ad currendam viam*. Porro currentem non apprehendit, qui & ipse pariter non currit. Et quid prodest Christum sequi, si non contingat consequi? Ideo Paulus agebat; *Sic currite, ut comprehendatis*. Ibi tu, Christiane, fige tui cursus, profectusque metam, ubi Christus posuit suam; *Factus est* (inquit) *obediens usque ad mortem*. Quantumlibet ergo cucurreris, si usque ad mortem non perveneris, bravium non apprehendis, Bravium Christus est; quod si illo corrente tu gradum sistis, non Christo appropias, sed te magis elongas, timendumque tibi est, quod ait David; *Eccce, qui elongant se a te, Domine, peribunt*. Itaque si proficere currere est; ubi proficero, ibi & currere de-

desinis. Ubi vero non currere, ibi & deficere incipis. Hinc plane colligitur, quia nolle proficere, nonnisi deficere est. Vidit Jacob scalam, & in scala Angelos, ubi nullus residens, nullus subsistens apparuit; sed vel ascendere, vel descendere videbantur universi; quatenus palam daretur intelligi, inter profectum, & defectum in hoc statu mortalis vitæ nihil medium inveniri; sed quomodo ipsum corpus nostrum continere, aut crescere constat, aut decrescere, sic necesse sit, & spiritum aut proficere semper aut deficere.

REGULA VII.

Lethalis aëdiaz rei sunt, quicunque conversionem suam, & poenitentiam differunt, ac procrastinant.

Hoc enim negotium, quod unum necessarium est, accelerandum Spiritus sanctus docet, Eccl. 5, *Non tardes (inquit) converti ad Dominum, & ne differas de die in diem. Subito enim veniet ira illius, & in tempore vindictæ disperdet te.* Qui conversionem suam differunt, Spiritui sancto interiorius vocanti resistunt, Christo per gratiæ suæ pias motiones ad ostium cordis pulsanti non aperiunt. Quamobrem æternus eos mapet interitus, quemadmodum Deus, Prov. 1. comminatur: *Quia vocavi, & non respondistis; extendi manum meam, & non fuit, qui aspicere. Despicistis omne consilium meum, & increpationes meas neglexistis. Ego quoque in interitu vestro ridebo, & subsannabo, cum vobis id, quod timebatis, advenerit, cum irruerit repentina calamitas, & intectus quasi tempestas ingruerit, quando venerit super vos tribulatio, & angustia.* Qui conversionem differunt, Dei patientia, & bonitate abutuntur, & iræ ejus thesauros in diem judicii sibi congregant, ut docet Apost. ad Rom. 2. *An divitias bonitatis ejus, & patientiæ, & longanimitatis contemnis? Ignoras, quoniam benignitas Dei ad poenitentiam te adducit? Secundum autem duritiam tuam, & impenitentem cor*

- reſaurizas tibi iram in die ira, & revelationis juſti judicii Dei, qui reddet unicuique ſecundum opera ejus.* Quærendus Deus, dum inveniri poteſt, ne ſi differamus, eum fruſtra in hora mortis quæramus. *Quærite Dominum, dum inveniri poteſt, invocate eum, dum prope eſt.* Quocirca Chriſtus, Joan. 8. Judæis, & in eorum perſonâ omnibus converſionem ſuam differentibus ait; *Ego vado, & quæretis me, & in peccato veſtro moriemini.* Hinc S. Bernardus, Serm. 75. in Cantica, ait; tres eſſe cauſas, quæ interim occurrunt, & quærentes fruſtrari ſolent: „ Cum aut videlicet non in tempore quærunť; aut non ſicut oportet; aut non ubi oportet. Si enim omne tempus aptum eſt ad quærendum, cur dicit Propheťa: *Quærite Dominum, dum inveniri poteſt?* Erit abſque dubio, cum inveniri non poterit, & ideo addit; *Ut invocetur, dum prope eſt;* quia futurum eſt jam non prope futurum, A quo enim tunc non requiretur?
- Mibi (inquit) curvabitur omne genu,* &c. Nec tamen invenietur ab impiis, quos ultores Angeli arcebunt proſecto, & tollent, ne videant gloriam Dei. Fruſtra inſclamabunt & fatuæ virgines, minime proſus jam ad eas exit, clauſa janua, Sibi proinde dictum putent illæ: *Quæretis me, & non invenietis.* Cæterum nunc tempus acceptabile, nunc dies ſalutis ſunt, tempus plane, & quærendi, & invocandi, quando plerumque, & antequam invocetur, adeſſe ſentitur. Audi denique, quid polliceatur: *Antequam me invocetis (inquit) dicam, ecce adſum,* Quod ſi per bona opera quæritur Deus, ergo dum tempus habemus, operemur bonum ad omnes, præſertim quia Dominus aperte prænuntiat venire noctem, quando nemo poteſt operari. Tunc aliud ad quærendum Deum, ad operandum quod bonum eſt, reperturus es tibi tempus in ſeculis venturis, præter hoc, quod conſtituit tibi Deus, in quo recordetur tui? Et ideo *dies ſalutis* quia in hiſ ipſe Deus, Rex noſter operatus eſt *ſalutem in medio terra.* I ergo, & in medio gehennæ expectato ſalutem, quæ jam facta eſt in medio terræ.
- Quam

Quam tibi somnitas proventuram inter ardores sempiternos facultatem veniam promerendi, cum jam transiit tempus miserendi? Non relinquitur tibi hostia pro peccatis, mortuo in peccatis. Non crucifigitur iterum filius Dei, mortuus est semel, jam non moritur; non descendit ad inferos Sanguis, qui effusus est super terram, liberunt omnes peccatores terræ; non est, quod ibi ex eo vindicent dæmones ad restinguendum focos nos, sed neque homines socii dæmoniorum. . . Ergo nunc tempus acceptabile, & aptum ad quærendum, in quo plane, qui quærît, invenit, si tamen ubi, & uti oportet, quærît. Et hæc una causa, quæ impedire potest, ne inveniatur Sponsus a quærentibus se, cum non quærunt in tempore opportuno. At non ea impedit Sponsam, nempe invocantem, & quærentem in tempore opportuno. Sed ne ista quidem eum tepide, aut negligenter seu perfunctorie quærît; nam corde ardenti, & omnino infatigabiliter quærît, plane ut decet. *Quamobrem Christus nos paratos esse jubet ad rationem ipsi reddendam, quia incertus est dies, incerta & hora mortis nostræ. Matth. 24. Sicut autem in diebus Noe, ita erit & adventus Filii hominis. . . Vigilate ergo, quia nescitis, qua hora Dominus vester venturus sit. Illud autem scitote, quoniam si sciret Paterfamilias, qua hora fur venturus esset, vigilaret usque, & non sineret perfodi damnum suum. Ideo & vos estoite parati, quia, qua nescitis hora, Filius hominis venturus est. Et paulo post; Veniet Dominus servi illius in die, qua non sperat, & hora, qua ignorat. Hinc Eccl. 9. scriptum est: Nescit homo finem suum; sed sicut pisces capiuntur bamo, & sicut aves laqueo comprehenduntur, sic capiuntur homines in tempore malo, cum eis extemplo supervenerit.*

R E G U L A V I I I.

Acediæ rei sunt, qui ex torpore, & socordia ad sacrosanctum Eucharistiæ Sacramentum raro admodum accedunt; maxime vero, qui semel tantum in anno, solo poenarum ecclesiasticarum, & infamiæ timore compulsi.

Hi namque delectari nolunt in Domino, non sapiunt ea, quæ Dei sunt, nolunt gustare, quam suavis sit Dominus, qui, ut dulcedinem suam in filios demonstraret, pane suavissimo de cælo præstito, corpore scilicet suo esurientes replet bonis; divinum illud Manna fastidiunt, habens omnem dulcedinem, & omnem saporis suavitatem. Vinum terrenarum voluptatum uberibus Sponsæ, & mensæ ad parvulos nutriendos lactescenti anteponunt, a piarum animarum sensu prorsus alieni, *Canticorum* 1, dicentium *Meliora sunt ubera tua vino*; Id est, interprete S. Bernard. Serm. 9. in Cant. „ Carnis voluptatem, qua paulo ante tanquam vino ebriæ tenebamur, vincunt hæ, quas tua nobis ubera stillant, deliciæ spirituales, & pulchre vino comparant carnalem affectum; ut enim uva semel expressa non habet jam, quod denovo fundat, sed perpetua ariditate damnatur; sic caro in pressura mortis ab omni prioris sua delectatione siccat, nec ultra revirescit ad libidines. Unde Propheta; *Omnis caro fenum, & omnia gloria ejus tanquam flos feni. Exsiccatur fenum, & cecidit flos.* Vide autem, ne non carni tantum, sed & mundo forte competat ista proportio; siquidem & ipse transit, & concupiscentia ejus. Et cum omnia, quæ in mundo sunt, finem habeant, finis eorum non erit finis. Verum ubera non sic; hæc enim cum exhausta fuerint, rursus de fonte matris pectoris sumunt, quod propinent sugentibus, Merito proinde meliora carnis, seculive amore afferuntur ubera Sponsæ quæ nullo unquam lactentium numero arefiunt, sed semper abundant de visceribus charitatis, ut iterum fluant. Flumina liquidem fluunt de ventre ejus, fitque in ea fons aquæ salientis in vitam æternam „ „

R E G U L A I X.

Acediæ rei sunt, qui ad orationem, officium divinum, & spiritualia exercitia, ad quæ tenentur ex officio, segnes sunt, & tepidi.

Di.

Divinum enim præceptum violare non metuntur, quo *Semper orare, & nunquam desicere* jubet, Luc. 18 nur; quod in ipsa fide, spe, & charitate continuato desiderio impletur, ut docet *S. August.* Hi vero nullo, apte certe admodum languenti Dei desiderio afficiuntur. Non attendunt ad verba Christi, continuam vigilantiam, & orationem præcipientis, ne repentina, & improvisa judicii dies nobis superveniat, Luc. 21. *Vigilate itaque omni tempore orantes, ut domini habeamini fugere ista omnia, quæ futura sunt, & latere ante faciem hominis.* Magis rei sunt hoc in genere Clerici, & religiosi viri, atque Sanctimonialium tristitia quadam, & languore divinas laudes persolventes, & ad officia divina, quæ ab asceticæ vitæ magistris *Opus Dei* merito vocantur, negligenter se conferentes, quæ cum fervore, alacritate, & gaudio frequentanda sunt, & persolvenda, siquidem *Hilarem datorem diligit Deus; & Dei maledictionem propterea in se arcessunt. Maledictus enim, qui facit opus Domini fraudulenter.* 2. Cor. 9. Jere. 48. His proinde inculcanda sunt *S. Bernardi* verba, Sermone 47. in Cantica: „ Moneo, dilectissimi, pure semper, ac strenue divinis interesse laudibus. Strenue quidem, ut sicut reverenter, ita & alacriter Domino adfistatis, non pigri, non somnolenti, non oscitantes, non parcentes vocibus, non præcidentes verba dimidia, non integra transilientes, non fractis, & remissis vocibus muliebri quiddam balba de nare sonantes, sed virili (ut dignum est) & sonitu, & affectu voces sancti Spiritus depromentes „

R E G U L A X.

Acediæ rei sunt, quicumque tempus ad salutis suæ negotium peragendum a Deo sibi concessum, in otio, ludis, inanibus colloquiis, ambulationibus, & visitationibus minime necessariis, ac seculi voluptatibus conterunt.

Cum enim vitæ nostræ tempus Deo debeamus, idque ad peccata expianda, ad regnum coelo-

rum promerendum Deus nobis concesserit, qui duo solum momenta concessit Angelis, illo non debemus abuti, nec illud prodigere Hinc Eccl. 4. dicitur: *Fili, conserva tempus, & declina a malo. Et ad Ephesios 5. Videte, fratres, quomodo caute ambuletis; non quasi insipientes, sed ut sapientes, redimentes tempus, quoniam dies mali sunt.* Id nisi præstemus, tempus adversus nos in die iudicii Deus vocabit, secundum illud, quod in persona Jerusalem dictum est Thren. 1. *Vos vixit adversum me tempus, ut sunt: reperi electos meos.* Ad bonum usum temporis incitare nos debet consideratio quadruplicis debiti, quo obligamur. Vitam namque nostram debemus Christo pro acceptis ab eo beneficiis. Secundo, debemus illam peccatis expiandis. Tertio, cælo comparando. Quarto, Deo, ut auctori illam totam debemus. Quod egregie S. Bern. explicat Serm. 22. De Diversis: „ Vis scire (*inquit*) quæ & quibus debeas? Primo Christo Jesu debes omnem vitam tuam, quia & ipse vitam suam posuit pro vita tua, & cruciatus amarus sustinuit, ne tu perpetuos sustineres. Quid tibi durum, vel durum esse poterit, cum recordatus fueris, quia ille in forma Dei, in die æternitatis suæ in splendoribus Sanctorum ante luciferum genitus splendor, & figura substantiæ Dei, venit ad carcerem tuum, ad limum tuum, infixus (ut dicitur) usque ad cubitos in limo profundi; quid non suave tibi, cum tibi collegeris omnes amaritudines Domini tui, & memoraberis primum quidem illarum infantilium necessitatum; deinde, laborum, quos pertulit in prædicando, fatigationum in dilectando, tentationum in jejunando, vigiliarum in orando, lacrymarum in compatiendo, insidiarum in colloquendo; postremo, periculorum in falsis fratribus, convitiarum, sputorum, colaphorum, flagellorum, irrisorum, subannationum, exprobrationum, clavorum horumque similium, quæ in salutem nostri generis triginta, & tribus annis operatus, & passus est in medio terræ? O quam indebita

Quadruplex debi-
tum nos ad
sacrum usum
temporis
incitat.

mile,

miseratio, quam gratuita, & sic probata dilectio, quam inopinata dignatio, quam stupenda dulcedo, quam invicta mansuetudo, Regem gloriæ pro despicatissimo vernaculo, imo vermiculo crucifigi... Quid retribuam Domino pro omnibus, quæ retribuit mihi? Nonne si conferrentur in me omnes vitæ filiorum Adam, & omnes dies seculi, & labores omnium hominum, qui fuerunt, qui sunt, & qui erunt, nihil esset ad compationem corporis illius, quod spectabile, & stupendum est virtutibus etiam supernis, in conceptu de Spiritu sancto, in ortu de virgine, in vitæ innocentia, in doctrinæ affluentia, in coruscationibus miraculorum, in revelationibus sacramentorum? Vides, quia sicut exaltantur cœli a terra, sic exaltata est vita illa a vita nostra; quæ tamen posita est pro vita nostra. Cum ergo ei donavero, quidquid sum, quidquid possum, nonne istud sic est sicut stella ad solem, gutta ad fluvium, lapis ad turrim, granum ad acervum? Non habeo nisi minuta duo, imo minutissima, corpus, & animam; vel potius unum minutum, voluntatem meam; & non dabo illam ad voluntatem illius, qui tantum tantillum tantis beneficiis prævenit, qui tot se totum me comparavit „„?

„„ Sed nunquid huic soli debitor sum, cui vix parum aliquid retribuere possum? Exigunt a me præterita peccata mea futuram vitam meam, ut faciam fructus dignos pœnitentiæ, & recogitem omnes annos meos in amaritudine animæ meæ. Et ad hæc quis idoneus? .. Cum ergo quidquid vivis, quidquid sapis, quidquid habes, quidquid potes, huic uni rei dedicaveris, nunquid est, vel inter aliqua computandum? Paulo ante vitam tuam pro vita sua Christo reddideras, & nunc iterum eam totam præcedentium exigit recordatio peccatorum „„

„. Quid si tertium tibi debitorem ostendam, qui non minus acriter quam veraciter vindicat eam sibi? Puto, quod & tu possidere desideras civitatem, de qua dicitur; *Gloriosa assisa sunt de se, civitas Dei.* Psal. 86. 9;

Glo-

Gloriam illam, quam nec dividit, nec in cor hominum seculorum... nonne te, & quaecunque, & uniteris, dare oportebit? Et c. non tamen putes esse conditoris ad futuram gloriam tuis. An sic impudens es, cum tuum, quod tibi tam tibi poenitentia certatim rapere querendum vel audeas nunc?

„„ Quid dices, si & quid adduxero, qui sibi et superiores tres cedere velit? dicit coelum, & terram, & creatura; tu servus, ille Dominus. Totum ergo, quod totum habes, &c „„

Rectus usus temporis constat recta dispositione praesentium, expiatione praeteritorum, praevisione futurorum.
Tit. 2. 12.

Rectus usus temporis est praesentium, expiatione praeteritorum; ut docet idem SS. Apostolorum Petri, & (inquit) spiritualis est exercitium spiritus, ut sapientia nostra, recogitemus in an praeterita, futura quoque. *Sobrie, & iuste, & pie vivamus.* (stolus) Ut videlicet in praesentibus ut iusta satisfactione praeteritis salutis praeterire tempora, repleamur imminentibus de futuro. Sola enim est, quae ad omnia licet Dei humilis, & devota videre novissima, nisi ut minere videntur pericula, in temptatione versantes, discamus. In istis, magis autem de nostra divina nos protectioni committis affectu, & effectu pie int

Statum optimum, & donum perfectum est, consummatio felix, & mors pretiosa. Habes in Evangelio tria hæc ipsa tibi sermone Domini commendata: *Beati* (inquit) *pauperes, beati mites, beati qui lugent.* Matth. 5. Beati, qui futura sapiunt, præ desiderio cœlestium interno quodam sapore mentis præsentia respicientes. Beati, qui novissima provident, in mansuetudine suscipientes insitum verbum, quod eorum salvare animas potest, & pietate cordis ad futuram tendunt hereditatem. Beati, qui pristinum intelligentes errorem, crebris lacrymis lavant lectum suum. Vides, quid optat vir sanctus, quid obtinere cupit eis, pro quibus orat? *Utinam* (inquit) *saperent, & intelligerent, & novissima providerent;* ac si manifestius dicat: *Utinam* esset in eis spiritus sapientiæ, & intelligentiæ, atque consilii! *Utinam* hæc in nobis inveniantur, Fratres, ut suaviter omnia nostra per sapientiam disponamus, ut intellectu præterita peccata damnemus, ut provideamus futura consilio! *utinam* sapiamus ad præsentis vitæ moderationem! *utinam* intelligamus ad præteritæ correctionem! *utinam* devota in Deum fide provideamus, ut felicem habeamus ipso miserante consummationem „ „.

Acediam hominum tempus inaniter terentium deplorat *Gaufridus Abbas Clarævallensis*, Declamatione in Evangelium: *Ecce nos reliquimus omnia*, seu lib. *De Colloquio Simonis ad Jesum*, ex *S. Bernardi* dictis contextos. §. 44. „ „ „ Nihil (inquit) pretiosius tempore, sed heu nihil hodie vilius æstimatur; transeunt dies salutis, & nemo recogitat; nemo sibi non reditura momenta periisse causetur „ „.

R E G U L A X I.

Malitia ex acedia profecta, quatenus pietatis, & ad eam pertinentium, atque hominum, qui ipsam profitentur, impugnatio est, lethale peccatum est.

Charitati enim e regione opponitur, diabolo imitat, Christi regnum evertere conatur, quod acedia ortu in-

374 Theol. Dog. & Moral. Lib. III.

Job 41.

intra nos est. Malitiæ hujus fermento infecti homines, sin minus voce, certe operibus dicunt Deo: *Recede a nobis, scientiam viarum tuarum nolumus. Quis est omnipotens, ut serviamus ei, & quid nobis prodest, si oraverimus illum?*

Hujus flagitii rei sunt, qui Pastores suos, Concionatores, aut viros pios, a quibus admonentur, ut a lascivis, aut maledicis cantilenis, spectaculis, alearum ludis, aliisve corruptelis abstineant, differiis, & scommatibus appetunt, & cantilenis ad ludibrium compositis illis insultant. „Parum est, quia cantant, „insuper & in ipsum incipunt cantare, a quo prohibentur cantare „; inquit S. August. Enarratione Psal. 68. ad illa verba: *Adversus me insultabant, qui psallebant in porta, & in me psallebant, qui hibeant vinum*; quod non solum Christo Domino contigisse, sed illi quotidie in membris ejus contingere observat.

R E G U L A XII.

Rancor ex acedia profectus, quo scilicet homines Superioribus ipsos corripientibus indignantur, ipsosque propterea odio persequuntur, quod illos ad meliora compellant, lethale peccatum est.

Rancor ex
acedia pro-
fectus.

Nititur hæc Regula Scripturæ sacræ verbis, Prov. 29. *Viro, qui corripientem dura cervice contemnit, repentinus ei superveniet interitus; & eum sanitas non sequetur.* Et Luc. 10. ubi Christus ait: *Qui vos audit, me audit; & qui vos spernit, me spernit. Qui autem me spernit, spernit eum, qui misit me.* Hujus peccati rei sunt Laici, qui Parochis suis; Clerici, qui Episcopis suis, aut eorum Vicariis generalibus, Archidiaconis, Officialibus; Monachi, qui Superioribus suis, & Visitationibus, ipsorum vitia corrigere volentibus, & Canonum, Statutorum Synodaliū, Regularum, constitutionum, ecclesiasticarum, aut Monasticarum disciplinæ observantiam instaurantibus succensent, illosque hoc nomine exosos habent.

R E.

REGULA XIII.

Puſſilanimitas lethale peccatum eſt, cum aliquis magnis & arduis operibus ad ſalutem neceſſariis ſe ſubducit; aut officia, aut munia ſibi Superioris præcepto impoſita pertinaciter reſpuit ex animi parvitate.

Puſſilanimiſimam peccatum eſſe probat S. Thom. *Peccatum puſſilanimiſimam.*
 2. 2. q. 133. art. 1. ex illa Apoſtoli ſententia ad Coloff. 3. *Patres, nolite ad indignationem provocare filios veſtros, ut non puſſillo animo ſiatis.* Porro niſi puſſilanimitas peccatum eſſet, hæc velut grave malum cavendam Apoſtolus non doceret. Rationem addit S. Doctor. „ Omne (*inquit*) quod eſt contrarium naturali inclinationi, eſt peccatum, quia contrariatur legi naturæ. Ineſt autem unicuique rei naturalis inclinatio ad exequendam actionem commenſuratum ſuæ potentia. Sicut autem per præſumptionem aliquis excedit proportionem ſuæ potentia, dum nititur ad majora, quam poſſit; ita etiam puſſilanimis deficit a portione ſuæ potentia, dum reculat in id tendere, quod eſt ſuæ potentia commenſuratum. Et ideo ſicut præſumptio eſt peccatum, ita & puſſilanimitas. Et inde eſt, quod ſervus, qui acceptam pecuniam Domini ſui fodit in terram, nec operatus eſt ex ea propter quemdam puſſilanimiſimam timorem, punitur a Domino, ut habetur Matth. 25. & Luc. 19. „ „ Quin autem ſit peccatum mortale, quando quis ex degeneris animi parvitate ardua, & difficilia opera per ſe ad ſalutem neceſſaria, vel præcepto Superiorum ſibi injuncta reſugit aggredi, minime dubium eſt. Quamobrem qui fidem palam profiteri renueret, ne a perſecutore perimeretur, aut proſcriberetur, bonisque privaretur, lethalis peccati reus eſſet. Qui ex timore peccandi poſt Baptiſmum, aut poſt Confeſſionem, & ſacram Communionem, nollet Baptiſmum ſuſcipere, peccata confiteri, ſacram Eucharistiā ſumere, lethaliter peccaret. Qui ad Sacramentum nollet

accedere, ne proximas occasiones, & vincula peccati, quibus irretitus est, & alligatus, deferere, & abrumpere cogeretur, lethaliter peccaret. Hæc enim ad salutis necessitatem pertinent. Sic etiam lethalis peccati rei sunt, qui ad exercendas virtutum christianarum necessarias actiones in publicum progrediantur, ne forte graviori tentatione impugnentur, vel ab impiis hominibus derideantur, aut injuriis afficiantur; ut explicat Beda in Proverb. cap. 26. ad illa verba *Dicit piger: Leo est in via, & leana in itineribus; sicut ostium vertitur in cardine suo, ita piger in lectulo suo.*

Quod vero lethalis etiam peccati reus sit, qui vel pastorem curam, aliudve ecclesiasticum munus, regendi, prædicandi, docendi, cui pares sunt ejus vires, Superioris mandato sibi injunctum pertinaciter recusat, colligitur ex S. Greg. pastoralis Curæ p. 1. cap. 5. „ „ Sunt nonnulli (*inquit*) qui magnis muneribus ditati, dum solius contemplationis studiis inardescunt, parere utilitati proximatorum in prædicatione refugiunt, secretum quietis diligunt, secessum contemplationis poscunt; de quo si districte judicentur, ex tantis proculdubio rei sunt, quantis venientes ad publicum prodesse potuerunt „ „ Hinc S. Thom. loco supra citato, in responsione ad secundum ait: „ „ Potest contingere, quod aliquis ex virtute, quam habet, sit dignus ad aliqua magna facienda, quæ sunt digna magno honore; & tamen per hoc, quod ipse non attentat sua virtute uti, peccat; quandoque quidem venialiter, quandoque autem mortaliter „ „

Nec a peccato lethali excusatur, qui hæc pertinaciter reculat, quia se indignum existimat hujusmodi muneribus, vel honoribus; hæc enim falsa humilitas est. Unde S. Thom. ibidem in responsione ad tertium docet: „ „ Quod etiam pusillanimitas aliquo modo ex superbia potest oriri, dum scilicet aliquis nimis proprio sensu innititur, quo reputat se insufficientem ad ea, respectu quorum sufficientiam habet.

bet. Unde dicitur Prov. 26. *Sapientior sibi piger videtur septem viris loquentibus sententias.* Nihil enim prohibet, quod se quantum ad aliqua dejiciat, & quantum ad alia se in sublime extollat. Unde S. Greg. in Pastoralis de Moyse dicit: *Superbus* fortasse esset; si ducatum plebis innumeræ sine trepidatione susceperet; & rursus superbus existeret, si auctoris imperio obedire recusaret „ „. Hinc *Moyse*, & *Jeremias* munus, ad quod divinitus eligebantur, & quo digni erant ex divina gratia, recusabant, considerantes propriæ infirmitatis insufficientiam: *Non tamen perzinaciter, ne in superbiam laberentur* (inquit S. Thomas ibidem, in responsione ad quartam objectionem.)

Lethale pusillanimitatis peccatum commisit *Esau*, cum Primogeniti jura parvipendens, illa cessit Jacob fratri suo. Qua de re S. *Ambrosius*, lib. 1. *De Cain & Abel*, cap. 4. ait: „ „ Nonne tibi videtur *Esau* tanquam in agone victus, & propriæ mentis infirmitate imparem se existimans, cessisse victori coronam, quem videbat nullis passionum illecebris inflecti, quarum ipse pulverem sustinere non poterat? *Ut quid mihi* (inquit) *primatus*? Apud ignavos enim nulla sunt insignia virtutis, apud sapientes prima habentur; studia enim virtutis quædam instrumenta sunt. Itaque sicut bellator sine armis esse non potest, ita nec sine exercitatione virtus. Unde & Dominus in Evangelio ait: *A diebus Joannis Baptista regnum cælorum cogitur, & cogentes diripiunt illud.* Et Alibi: *Quarite regnum Dei, & omnia præsto sunt vobis.* Non dormientibus, neque otiantibus, sed laborantibus pollicentur præmia; & labori merces parata est, qui licet non sit suavis ad gratiam, tamen fructuosus ad præmium est „ „.

Matth. 11.

Matth. 6.

Degeneris scilicet, ac pusilli animi est, bona sibi a Deo concessa parvifacere, ut docet S. *Thom.* 2. 2. qu. 35. art. 1. ad tertium. „ „ Ad humilitatem pertinet (inquit) ut homo defectus proprios considerans, se ipsum non extollat. Sed hoc non pertinet ad humilitatem, sed potius ad ingratitude, quod bona.

318 Theol. Dog. & Moral. Lib. III.

quæ quis a Deo possidet , contemnat. Et ex tali contemptu sequitur acedia. De his enim tristamur, quæ quasi mala, vel vilia reputamus. Sic ergo necesse est , ut aliquis aliorum bona extollat , quod tamen bona sibi divinitus provisa non contemnat, quia sic ei tristitia redderentur „ „

REGULA XIV.

Desperatio lethale peccatum est.

Desperatio.

Ad Ephesios enim quarto gravissimi peccati reus esse significat Apostolus , qui *Desperantes semetipsos tradiderunt impudiciis , in operationem immunditiae omnis.* Et ad Romanos 8. ait : *Spe salvi facti sumus.* Unde colligitur , nos desperatione perire. Deinde spei necessitatem ad salutem æternam Scriptura sacra passim docet. Psalm. 129. *A custodia matutina usque ad noctem speret Israel in Domino ; quia apud Dominum misericordia , & copiosa apud eum redemptio.* Psalm. 9. *Speret in te , qui noverunt nomen tuum , quoniam non dereliquisti quærentes te , Domine.* Psalm. 36. *Spera in Domino , & fac bonitatem.* Psalm. 32. *Ecce oculi Domini super metuentes eum ; & in eis , qui sperant super misericordia ejus.* Psalm. 31. *Sperantem in Domino misericordia circumdabis.* Proverb. 16. *Qui sperat in Domino , beatus est.* Et cap. 29. *Qui sperat in Domino , sublevabitur.* 1. Thessal. 5. inter arma Christiani præcipua spes numeratur ; *Induti loriceam fidei , & charitatis , & galeam spem salutis.* Et ad Hebr. 6. *Ut per duas res immobiles , quibus impossibile est mensiri Deum , fortissimam solatium habeamus , qui confugimus ad tenendam propositam spem , quam sicut anchoram habemus animæ tutam , ac firmam , & incedentem usque ad interiora velaminis ; ubi præcursor pro nobis introivit Jesus , secundum ordinem Melchisedech Pontifex factus in æternum.* Cum itaque spes divinæ misericordiæ , & beatitudinis æternæ necessaria sit ad salutem , & a Deo præcepta sit , desperatio ipsi opposita lethale peccatum est, hominemque
in

in damnationem æternam præcipitem agit. Quamobrem fidelis anima dicit Domino: *Susceptor meus es tu, & refugium meum, Deus meus sperabo in eum,* Psalm. 90.
 „ Possunt omnia dicere; Creator meus es tu. Possunt, & animalia dicere, pastor meus es tu. Possunt omnes homines dicere: Redemptor meus es tu. At vero susceptor meus es tu, is tantum dicere potest, qui habitat in adiutorio Altissimi. Unde & addit: *Et Deus meus; Cur non Deus noster?*
 „ Quia in creatione, redemptione, cæterisque communibus beneficiis est Deus omnium; sed in tentationibus suis tanquam proprium eum habent singuli electorum. Sic enim paratus est suscipere cadentem, & eripere fugientem, ut videri possit, relictis omnibus alijs, ei soli operam dare. Propterea expedit omni animæ Deum semper attendere tanquam proprium non modo adiutorem, sed etiam inspectorem. Quando enim negligens poterit fieri, qui intuentem se Deum nunquam desinit intueri?...
 Hic igitur non immerito dicere potest: *Deus meus, sperabo in eum.*... Non desperabo, nec frustra sperabo, quia maledictus, qui peccat in spe, & nihilominus, qui peccat in desperatione... Verba sunt S. Bernardi, Sermone 2. in Psalm. *Qui habitat.*

R E G U L A X V.

Torpor circa præcepta lethale peccatum est, quatenus deliberatam illorum transgressionem importat; ad lethale peccatum disponit, quatenus facit, ut perfundiorie duntaxat impleantur.

Fervorem namque in suis obsequiis Deus præcipit, Rom. 12. *Sollicitudine non pigri; Spiritu ferventes, Domino servientes.* Hinc S. Paulinus, Epist. 36. Torpor circa præcepta
 ad Macarium, ait; „ Vicina morti lahes est torpor animorum, & tunc dicit inimicus, prævalui adversus eum, si & mentis oculos sompnus oppresserit. Et S. Isidorus, lib. 2. *De Summo Bono*, cap. 10. „ Multos (inquit) remissa conversio in pristinos errores reducit, ac vivendi tempore resolvit.

Horum ergo exempla quisque conversus evita, ne dum timorem Dei a tempore incipis, rursus mundanis erroribus immergaris „ „ Et *S. Bernardus*, Serm. 5. in Ascensione Domini, torpentium, & tepidorum hominum vitam inferno appropinquare asserit. „ „ Invenire est (*inquit*) homines pusillanimes, & remissos, deficientes sub onere, virga, & calcaribus indigentes, quorum remissa letitia, pusillanimis tristitia est, quorum brevis, & rara compunctio, animalis cogitatio, tepida conversatio; quorum obedientia sine devotione, sermo sine circumspeditione, oratio sine cordis intentione, lectio sine ædificatione; quos denique (ut videmus) vix gehennæ metus inhibet, vix pudor cohibet, vix frænans ratio, vix disciplina coercescit. Nonne tibi horum vita inferno penitus appropinquare videtur, dum intellectu affectui, & affectu intellectui repugnante, necesse habent mittere manum ad opera fortium, qui cibo fortium minime sustentantur, socii plane tribulationis, sed non consolationis? Exurgamus, obsecro, quicumque hujusmodi sumus, resarciamus animas, spiritum recolligamus, abjicientes perniciosam tepiditatem; etsi non quia periculosa est, & Deo solet etiam vomitum provocare, certe quia molestissima, plena miseræ, & doloris, inferno plane proxima, & umbra mortis jure censetur „ „

R E G U L A X V I.

Ad torporem pertinet immoderatio somni, quæ lethale peccatum est, si causa sit, cur præceptum omittatur; alias veniale duntaxat.

Immoderatio somni.

Immoderatio somni unus est ex hominis acediosis characteribus. Hinc *Prov. 6.* dicitur: *Vade ad formicam, o piger, & considera vias ejus, & disce sapientiam; quæ cum non habeat Duce[m], nec præceptorem, nec Principem, parat in aestate cibum sibi, & congregat in messe, quod comedit. Usquequo piger dormies? Quando consurges e somno tuo? Paululum dormies, paululum dormitabis, paululum conseres manus, ut dormias;*

*quias; & veniet tibi quasi viator egestas, & pauperies quasi vir armatus. Si vero impiger fueris, veniet ut fons messis tua, & egestas longe fugiet a te. Et cap. 26. Sicut ostium vertitur in cardine suo, ita piger in lectulo suo. Tunc autem lethale peccatum est, cum somnus directe, vel indirecte volitus executionem præcepti impedit, ut si quis Dominica, vel festâ die somno indulgere malit, quam Missam audire, vel noctem integram in ludis, aut choræis consumpserit, & mane in lecto se collocans, a somno ante meridiem non excitetur. Idemque iudicium esto de alijs præceptis, vel Dei, vel Ecclesiæ, quorum executionem somni immoderatio impediret. Veniale autem peccatum est, quoties indulgetur somno præter leges necessitatis. Nam & somnum moderari debet temperantia. Gravius autem peccatum est immoderatio somni in viris ecclesiasticis, & religiosis, quos impedit, ne sacris Officiis adsint, & orationi, vel studio vacent; in magistratibus, & iis, qui rempublicam gerunt, cum ipsos frequenter impediat, ne ad causas gravis momenti referendas, vel iudicandas sint parati, quia instrumenta omnia ad causam pertinentia legere, & conferre neglexerunt, nimiumque crediderunt excerptis Notariorum, seu Secretariorum suorum. Nec tamen soli Clerici, & Monachi, ac Sanctimoniales summo mane surgere debent ad Deum laudandum, sed christiani homines universi, ut ex verbis Sapientis colligitur ita Deum alloquentis, Sap. 16. *Ut notum omnibus esset, quoniam oportet prævenire solem ad benedictionem tuam, & ad ortum lucis te adorare. Et Job 8. Si diluculo consurrexeris ad Deum, & Omnipotentem fueris deprecatus; si mundus & rectus incesseris, statim evigilabit ad te, & peccatum reddes habitaculum iustitiæ tuæ.**

R E G U L A XVII.

Evagatio mentis circa illicita, lethale peccatum est, cum mens, & affectus in ea, quæ lethalia peccata sunt, aut proximæ lethalis peccati occasiones. tenet, vel in iis delectatur; alias peccatum est veniale.

Evagatio
mentis ad
illicita.

Hujus peccati rei sunt inqu-
mines, quibus nihil nege-
ut audiant, vel referant aliqu-
& actiones alienas inquirent;
pati, alijs negotia facessant, t-
rempublicam, vel Ecclesiam
ria levitate. Quos *S. Paulus* 2
3. acerrime reprehendit his
*operari, nec manducet. Audi-
dam ambulare inquiete, nihil op-
tes. Iis autem, qui ejusmodi su-
secramus in Domino Jesu Christi
tes, suum panem manducant.*
Clerici, & monachi otiosi, i-
huc illuc discurrere amant, &
Ecclesias, monasteria mutan-
dientes, aequalibus incommo-
biles, sibi metipsis graves. Q-
nec lectio; quibus non stu-
placet; non opus ministerii,
exercitatio, sed jugis cessatio
pus *S. August.* acriter repre-
Monachorum, sugillans hypo-
Monachorum circumeuntes
missos, nusquam fixos, nus-
sedentes, &c. & eos Qui cor-
sasticis occupationibus vacan-
docet. Iis autem, qui ex vi-
tur: „, Invenienda esse oper-
si a corporali functione libe-
ministratione curanda, ut
quoniam communis jam fac-
cent „, „. Alios vero, qui
runt ad monasterium, cog-
„, Quia nullo modo decet
Senatores laboriosi, ibi fiant
jus denique peccati præcipue
lires, quæ *Otiose discunt cir-*
autem otiose, sed & verbi

quentes, quæ non oportet (ut scribit Apostolus 1. ad Timoth. 5.) Unde mulierem meretricem his characteribus Salomon describit: *Garrula, et vaga, quietis impatiens, nec valens in domo consistere pedibus suis, nunc foris, nunc in plateis, nunc juxta angulos insidians.*

Ex mentis evagatione multiloquium nascitur, quod in gravia peccata præcipitat; Quibusdam enim ruinæ suæ gradibus delictiosa mens, in foveam lapsus impellitur (inquit S. Gregorius, lib. 7. Moralium, cap. 17.) Nam dum otiosa verba cavere negligimus, ad noxia pervenimus; ut prius loqui aliena libeat, & postmodum detractionibus eorum vitam, de quibus loquitur, lingua mordeat; quandoque autem usque ad apertas contumelias erumpat. Hinc irarum seminantur stimuli, oriuntur rixæ, accenduntur facies odiorum, pax tota extinguitur cordium. Unde bene per Salomonem dicitur: *Qui dimittit aquam, caput est jurgiorum.* Aquam quippe dimittere, est linguam in fluxum eloquii relaxare. Qui ergo dimittit aquam, caput est jurgiorum; quia qui linguam non refrænat, concordiam dissipat. Quod autem multiloquiis quilibet serviens, rectitudinem justitiæ tenere non possit, testatur Propheta, qui ait: *Vir linguosus non dirigetur super terram.* Hinc Salomon iterum ait: *In multiloquio peccatum non decris.* Hinc Isaias ait: *Cultus justitiæ silentium;* Videlicet indicans, quia mentis justitiæ desolatur, quando ab immoderata locutione non parcitur. Hinc Jacobus dicit: *Si quis putat se religiosum esse, non refrænans linguam suam, hujus vana est religio.* Hinc per semetipsam nos veritas admonet, dicens: *Omne verbum otiosum, quod locuti fuerint homines, reddent de eo rationem in die judicii.* Otiosum quippe verbum est, quod aut ratione justæ necessitatis, aut intentione piæ utilitatis caret. Si ergo ratio de otioso sermone exigitur, persequendum valde est, quæ poena illud multiloquium sequatur, in quo etiam per superbiæ verba peccatur. Sciendum quoque est, quod ab omni rectitudine

Multiloquii
peccatum

Prov. 17.

Psal. 134.

Prov. 10.

Isai. 34.

Jacob 4.

Matth. 23.

statu depereunt , qui per noxia verba diabuntur. Humana etenim mens . aquæ more , & circumclusa ad superiora colligitur , quia illud repetit , unde descendit , & relaxata deperit , quia se per infima inutiliter spargit. Quot enim supervacuis verbis a silentii sui censura dissipatur , quasi tot rivis extra se ducitur ; unde & redire interius ad sui cognitionem non sufficit ; quia per multiloquium exterius sparsa , vim intimæ considerationis amittit. Totam igitur sese insidiantis hostis vulneribus detegit ; quia nulla se munitione custodiæ circumcludit. Unde scriptum est : *Sicut urbs patens , & absque murorum ambitu ; ita vir , qui non potest in loquendo cohibere spiritum suum.* Quia enim murum silentii non habet , patet inimici jaculis civitas mentis ; & cum se per verba extra semetipsam ejcit , apertam se adversario ostendit ; quam tanto ille sine labore superat , quanto & hæc eadem , quæ vincitur , contra semetipsam per multiloquium pugnat .

R E G U L A XVIII.

Otium iners , ac desidiosum proxima est peccati lethalis occasio.

Otium
iners , ac
desidiosum.

N ititur hæc morum regula Scripturæ sacræ auctoritate , Ecclesiastici cap. 33. *Multam malitiam docuit otiositas.* Hinc de Sodoma dicitur , Ezech. 16. *Ecce hæc fuit iniquitas Sodoma superbia , saturitas panis , abundantia , & otium ipsius , & filiarum ejus.* Nec mirum , *Anima enim natura est* (inquit S. Joan. Chrysost. Hom. 35. in Acta Apostolorum) *ut semper moveatur , & quiescere nequeat.* Vanis itaque , inutilibus , & noxiis cogitationibus mens distrahatur necesse est , nisi bonis , & utilibus fuerit occupata. Otiosæ menti demon illudit innumeris phantasmatibus imaginationi oblati. Hinc vitiosæ cupiditates excitantur , & *Unusquisque tentatur a concupiscentia sua abstractus , & illatus.* Otiositas mentis ad Creatoris sui Majestatem , officiumque suum considerandum non attentæ , pri-

mos

mos parentes in peccatum precipites egit, teste *S. Bernardo*, Tractatu *De Gradibus Humilitatis*, cap. 10. „ Tu quoque, o Eva (*inquit*) in Paradiso posita es, ut cum viro tuo opereris, & custodias illum; si in-
 junctum perfeceris, quandoque transitura ad melius; ubi nec opus sit te in aliquo opere occupari, nec de custodia sollicitari. . Nisi mens minus se curiose servaret, tua curiositas tempus vacuum haberet. Etsi culpa non est, culpæ tamen occasio est, & indicium commissæ, & causa est committendæ. Te enim intenta ad aliud, latenter interim in cor tuum serpens illabitur; blande alloquitur; blanditiis rationem, mendaciis timorem compescit: *Nequaquam*, inquit, *morieris*. Auget curam, dum incitat gulam. Acuit curiositatem, dum suggerit cupiditatem. Offert tandem prohibitum, & auferit concessum. Porrigit primum, & surripit Paradisum „ „

Hinc Auctor Sermonum *Ad Fratres in Eremito*, inter *S. August.* Opera editorum; ejusque venerando nomini alias suppositorum; Sermonem 17. ait: „ „ Quid otiose agere potes, nisi opera carnis? nunquam quis civis cælorum erit, si otiositatem amaverit „ „

Hanc Regulam confirmat *S. Carolus Borromæus* in Instructione Confessoriorum, *Nimiam otiositatem* numerans inter occasiones proximas lethalis peccati, in quibus positus homo Absolutione sacramentali dopari non debet, donec illas omnino deseruerit.

ARTICULUS IV.

De Remediis adversus Acediam.

Primum adversum Acediam remedium est frequens cogitatio de bonis spiritualibus, & librorum factorum, piorumque lectio: „ Quia quanto magis cogitamus de bonis spiritualibus, tanto magis nobis placentia redduntur, ex quo cessat Acedia „ (*inquit S. Th. 2. 2. qu. 35. art. 1. ad 4.*) Præcipuæ autem efficacæ, ac virtutis est ad hoc vitium sanandum meditatio Myſteriorum vitæ, & mortis Christi.

Frequens
de rebus
divinis cogitatio.

Re-

Jugis, & fervens oratio. Remedium alterum est oratio jugis, & fervens, quam Deum semper desiderando peragitur, secundum illud *S. August.* Enarratione in Psal. 37. „ „ Ipsum desiderium tuum, oratio tua est, & si continuum desiderium, continua oratio. Quidquid aliud agas, si desideras illud Sabbatum, non intermittis orare. Si non vis intermittere orare, noli intermittere desiderare. Continuum desiderium tuum, continua vox tua est. Tacebis, si amare destiteris „ „ Christo ergo auscultandum est, Marci 13. præcipienti: *Videte, vigilate, & orate; nescitis enim, quando tempus sit.* „ *Quod autem vobis dico, omnibus dico; Vigilate,*

Continuus Dei præsentis per fidem intuitus. Tertium remedium est continuus Dei præsentis per fidem intuitus, qui nostrorum operum, & sollicitudinis pariter, corporisque nostri inspector est, & iudex. Hinc *Tob. 4.* dicit Tobias Senior Juniori: *Omnibus diebus vita tua in mente habeto Deum.* Et *Prov. 3.* *In omnibus viis tuis cogita illum, & ipse diriget gressus tuos.* Hinc *S. Bernardus*, Sermone 2. in Psalmum *Qui habitat*, ait: „ Quomodo poterit negligens fieri, qui intuitentem se Deum nunquam desinit intueri „ ?

Novissimorum nostrorum memoria. Quartum remedium est mortis, aliorumque novissimorum, judicii scilicet, inferni, æternæque beatitudinis memoria; juxta illud *Eccles. 7.* *In omnibus operibus tuis memorare novissima tua, & in æternum non peccabis.* Cogitandum quod *Venit nox, quando nemo potest operari* (inquit Christus Joannis 9.) Et *Joan. 12.* *Ambulate, dum lucem habetis, ut non vos tenebra comprehendant,* Hinc *Salomon Eccl. 9.* ait: *Quodcunque facere potest manus tua, instanter operare; quia nec opus, nec ratio, nec sapientia, nec scientia erunt apud inferos, quo tu properas.* Et *Eccles. cap. 14.* dicitur: *Ante obitum tuum operare justitiam, quoniam non est apud inferos invenire cibum.* Hinc *Apostolus ad Gal. 6.* scribit: *Nolite errare, Deus non irridetur. Qua enim seminaveris homo, hæc & metet; quoniam qui seminat in carne sua, de carne & metet corruptionem; qui autem seminat in spiritu, de spiritu metet vitam æternam. Bonum autem facientes, non desistamus; tempore enim suo*

metemus non deficientes. Ergo dum tempus habemus, operemur bonum ad omnes. Cogitandum quod post diem iudicii Tempus non erit amplius: quod damnati frustra tempus requirunt, quibus ob temporis abusum sola supererit exilii a Dei regno, & suppliciorum æternitas. Considerandum tandem, quod Non sunt condigna passionibus huius temporis ad futuram gloriam, qua revelabitur in nobis (ut ait Apostolus ad Rom. 8.) Ad enim quod in presenti est momentaneum, & leve tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis, qua videntur, sed qua non videntur.

Apo. 16.
6.

2. Corinth.
4.

Hanc tractationem absolvet præclarus S. Isidori locus, lib. 2. *Sententiarum*, sive *De Summo Bono*, cap. 10. „ Omnis (inquit) ars seculi huius strenuos amatores habet, & ad exequendum promptissimos; & hoc proinde fit, quia præsentem habet operis sui remunerationem. Ars vero divini amoris plerosque habet sectatores languidos, tepidos, pigritiæ inertia congelatos; sed hoc proinde fit, quod labor eorum non pro præsentem, sed pro futura remuneratione differtur. Ideoque dum eorum laborem mercedis retributio non statim consequitur, spe pene dissoluta languescunt. Unde & magna illorum gloria prædicatur, qui bonæ conversionis principia augmento solidiore consummant; atque eo ad promerendam retributionem, clariores præparantur, quo firmiter duri itineris labores & inchoant, & consummant „. Dicam ergo Christianis omnibus cum S. Augustino, Serm. 234. alias *De Diversis*, 87. „ Ardete, ne ardeatis igne, quo arsurus sunt dæmones; ardete igne charitatis, ut a dæmonibus vos discernatis. Ardor iste sursum vos rapit, sursum tollit, in cælum levat. .. Summa petit ardor dilectionis. .. Spiritu ferventes, accendimini igne charitatis; fervere facite vos laudibus Dei, & moribus optimis. Alter calidus, alter frigidus; calidus frigidum accendat; & qui parum ardet, optet augmentum, oret adjumentum. Dominus paratus est dare; nos parvis cordibus optemus accipere „.

INDEX

CAPITUM, ARTICULORUM, ET RERUM, QUÆ IN HOC TOMO SEPTIMO TRACTANTUR.

LIBER TERTIUS.

T R A C T A T U S

DE SEPTEM PECCATIS CAPITALIBUS.

C APUT I. De Superbia, & inani gloria.	pag. 1
ART. I. Quid sit Superbia.	ibid.
ART. II. Superbia speciale peccatum est.	2
ART. III. Superbia ex genere suo mortale peccatum est.	ibid.
ART. IV. Superbia vulgo capitale vitium, alias regina vitiorum censetur.	3
ART. V. Superbia primum, gravissimumque omnium peccatorum est.	4
ART. VI. Superbia vitiorum omnium periculosissimum.	10
ART. VII. Quot superbiz species, & quando sit peccatum mortale.	13
ART. VIII. Expugnatrix superbiz humilitas. Ejus necessitas, & excellentia.	20
ART. IX. Christianz humilitatis officia.	27
ART. X. Christianz humilitatis gradus.	35
ART. XI. Rationes ad humilitatem moventes.	38
ART. XII. De inani Gloria. Quid sit, & quam grave peccatum.	44
Regulæ Morales. Quibus in casibus vana gloria sit peccatum mortale.	ibid.
Regulæ I. 46. II. III. & IV.	47
Regula V.	50
ART. XIII. Remedia contra vanam gloriam.	54
ART. XIV. De vanæ gloriæ filiabus.	63
ART. XV. De inobedientia inanis gloriæ filia primogenita.	64
Regula I. Quando inobedientia sit peccatum mortale.	ibid.
Regulæ II. III. IV. 66 V. & VI.	67
Regula VII. Quanam inobedientia sit peccatum in Spiritum sanctum.	ibid.
ART. XVI. De Jactantia, filia inanis gloriæ altera.	ibid.
Regula I. Quando Jactantia mortale peccatum sit.	70
Regula II.	ibid.
Regulæ III. & IV.	71
Regulæ V. VI. VII. VIII. IX. 72. X. 73. & XI.	74
Regula XII.	ibid.
ART. XVII. De Hypocrisi, tertia inanis gloriæ filia.	75
Regula I. Hypocrisis mortale peccatum est, cum aliquis non curat sanctitatem habere, sed solum Sanctus apparere.	83
Regula II. Hypocrisis mortale peccatum est, cum quis simulat sanctitatem propter finem repugnantem charitati Dei, vel proximi.	84
Regula III.	85
Regula IV. Mortale peccatum hypocrisis committunt, qui in minimis anxie religiosi sunt, de gravioribus autem nequaquam solliciti.	ibid.
Regula V.	

I N D E X

Regula V. Hypocrisis lethale peccatum committunt, qui omnia sua, & præsertim pietatis opera ad hominum gratiam, laudemque captandam, & ad inanem gloriam referunt.	87
Regula VI.	ibid.
Regula VII. Hypocrisis gravius peccatum est, cæteris paribus, iis, quæ palam committuntur.	88
Regula VIII. Christiana pietas interior simul, & exterior esse debet.	ibid.
ART. XVIII. De Contentione, quarta inanis gloriæ filia.	89
Regula I. Quam grave Contentionis peccatum.	91
Regula II.	ibid.
Regula III.	92
Regulæ IV. V. VI. 93. VII.	94
Regula VIII.	95
ART. XIX. De Pertinacia, quinta inanis gloriæ filia.	ibid.
Regula I. Pertinacia lethale peccatum est, cum aliquis manifesta sibi doctrina catholice Fidei resistere maluerit, & illud, quod tenebat, eligerit,	96
Regula II. Pertinacia lethale peccatum est, cum aliquis Ecclesie, summi Pontificis, aut Episcopi cujuslibet catholici in sua Diocesi judicio, & mandato, pravam doctrinam a se quovis modo propugnatam, vel assertam eiurare, retractare, ac emendare noluerit.	97
Regula III. Pertinacia lethale peccatum est, cum quispiam Scripturarum divinarum auctoritati rationes quæcumque non submittit, aut certæ, ac evidenti rationi Scripturæ sacre præter Ecclesiæ sensum intellectæ auctoritatem studiose opponit.	98
Regula IV. Pertinacia lethale peccatum est, cum aliquis propositiones in materia Fidei, & Morum, a Conciliis, vel ab Episcopis, & imprimis a Romano Pontifice damnatas propugnat.	ibid.
Regula V. Lethalis pertinaciæ reus est, quisquis damnationi propositionum aliquarum in materia Fidei, & in sensu etiam Auctoris, e cujus libris excerptæ sunt, secundum formulam ab apostolica Sede, & Episcopis præscriptam, subscribere recusat.	100
Regula VI. Lethalis pertinaciæ reus est, quisquis opinionem erroneam, aut minus probabilem in materia Morum, veræ & probabiliori antepone, & secundum illam agit.	102
Regulæ VII. ibid. & VIII.	103
ART. XX. De discordia, sexta inanis gloriæ filia.	ibid.
Regulæ I. II.	105
Regula III.	107
Regula IV.	109
ART. XXI. De Præsumptione Novitatum, septima inanis gloriæ filia.	111
Regula I. Præsumptio Novitatum lethale peccatum est, cum nova doctrina contra Fidei veritatem, aut Morum integritatem excogitatur, & assertitur.	ibid.
Regula II. Præsumptio Novitatum in ritibus, & disciplina Ecclesiæ, cum scilicet in rebus magni momenti sit innovatio absque causa, & sine Auctoritate Episcoporum, ac imprimis Romani Pontificis; grave peccatum est.	113
Regula III. Præsumptio Novitatum, quibus antiquæ consuetudines charitati Dei, & proximi non repugnantes absque justa causa, & spe majoris boni evertuntur, & immutantur, non est absque peccato.	115
	ART.

INDEX

- ART. IV. Regulae morum, filias avaritiae spectantes, ac imprimis prodicionem.** 225
- Regula I.** Proditio lethale crimen est, cum quis proximum simulata specie amicitiae occidit, vel in hostium manus tradit, aut factum aliquod manifestat, cujus denuntiatione grave damnum proximo procuratur. *ibid.*
- Regula II.** Traditio perduellium legitimo Principi, contra quem conjurarunt, non est peccatum, sed officium. 226
- Regula III.** Lethalis criminis reus est, quisquis regnum, provinciam, urbem, castrum, aut aliquem locum, seu huius, seu alienae communitatis, & a legitimo Domino possessum, tradit hostibus. *ibid.*
- Regula IV.** Lethalis prodicionis reus est, qui fidem non solum amico, sed hosti datam violat in re gravi. 227
- Regula V.** Lethalis prodicionis rei sunt, qui adversus legitimum Principem suum quocunque modo jurant, aut ab eo deficiunt, & juratam ipsi, vel debitam fidem violant. *ibid.*
- Regula VI.** Lethalis prodicionis reus est, quicumque subditos sollicitat, ut a legitimo suo Principe deficiant, & per occultas machinationes ad regni fastigium arripit. 228
- Regula VII.** Lethalis prodicionis rei sunt, qui casus Principum exquirunt, & vivente Principe de Successore eligendo consilia agitant, & alios in partes trahunt. *ibid.*
- Regula VIII.** Lethalis prodicionis rei sunt Clerici, & Laici adversus Episcopos suos conjurantes, & consilia ineuntes. 229
- Regula IX.** Lethalis prodicionis reus est, qui absconditas alicujus pecunias, vestes, aut quamlibet suppellectilem, titulos, contractus, &c. indicat latroni, ut ea rapiat. *ibid.*
- Regula X.** Lethalis prodicionis reus est, quisquis alterius arcanum in eius detrimentum aperit, & divulgat. *ibid.*
- ART. V. De fraude, altera avaritiae filia.** 235
- Regula I.** Lethalis fraudis reus est, qui rem pluris justo pretio vendit, aut minoris justo emit. *ibid.*
- Regula II.** Cum quis rem alterius admodum sibi necessariam vult emere, qua si careat alter, damnum patietur, pluris quam valeat, venundari absque fraude, & injustitia potest. 236
- Regula III.** Pretium rei augeri absque fraude, & injustitia non potest ob necessitatem emptoris, & commoda, quae ex illa percipiet, si venditor illam distrahendo nullum damnum patiatur. 237
- Regula IV.** Emptiones, & venditiones citra dimidium iusti pretii fraudulentae sunt, & injustae. *ibid.*
- Regula V.** Non est reus fraudis, & injustitiae, qui vendit merces certo pretio majori, quam tunc valeant, cum distrahuntur, quia non intendebat eas vendere, sed servare usque ad tempus, quo probabiliter pluris erant valiturae; nunc autem vendit rogante, & urgente emptore, ut ejus commodis serviat, &c. 240
- Regula VI.** Lethalis fraudis reus est venditor, qui supposititios emptores interponit, & subornat, qui mercium pretium augeant, dum pretium iusto majus illi offerunt, ut fallatur emptor, &c. 241
- Regula VII.** Lethalis fraudis, & injustitiae rei sunt Monopoliorum auctores, & participes. 243
- Regula VIII.** Vili velle emere, & caro vendere, non naturae desiderium, sed pravae cupiditatis est. 245

INDEX

- Regula II.** Avaritia, quantum opponitur liberalitati; veniale peccatum est, nisi charitati adversetur: tunc enim est lethale peccatum. 169
- Regula III.** Avaritia lethale peccatum est; si ex alio peccato mortali ducatur originem, v. g. si quis totus sit in congregandis divitiis ex errore circa divinam providentiam, aut ex diffidentia benignitatis Dei &c. 171
- Regula IV.** Lethalis Avaritiæ rei sunt, quicumque plura concupiscunt, quam hujus vitæ necessitas. statulque sui decencia; & decorum exigant; & necessaria habentes, novas opes congregare non cessant. 175
- Regula V.** Non solum lethalis Avaritiæ reus est, qui rapit aliena, sed & ille, qui cupide servat sua, si tanta sit cupiditas, ut illa non sit paratus amittere, ne Deum offendant. 177
- Regula VI.** Gravis impatentia in rei familiaris amissione animum prodiit lethalis Avaritiæ reum. 180
- Regula VII.** Quamvis recta ratio, & Christiana charitas postulent, ut patresfamilias, qui liberos habent, facultates illis comparent, vitæ, ac statui convenientes: Avaritiæ tamen lethalis rei sunt, si nullum congerendis filiorum gratia opibus modum statuant, eaque ratione ab erogandis elemosynis se excusent urgente præcepto. 182
- Regula VIII.** Lethalis Avaritiæ rei sunt Clerici; qui ex ecclesiasticis redditibus thesauros congregant, aut villas, agros, vel domos emunt, quibus res totum familiaris, sive patrimonium augeatur. 188
- Regula IX.** Lethalis Avaritiæ rei sunt, qui mediocres elemosynas erogant, ut amplius accipiant, ditioresque fiant ex depositis pietatis. quæ ad distribuendum pauperibus ipsis creduntur. 194
- Regula X.** Quamvis interdum necessarium sit, laudabile, & pium, res suas judicio repetere, vel tueri: sæpius tamen Avaritiæ saltem venialis rei sunt, qui lites forenses suscipiant bonorum temporalium causa. 194
- Regula XI.** Lethalis Avaritiæ rei sunt Monachi, & Moniales, & quicumque Paupertatis Evangelicæ Voto se obstrinxerunt, si peculium habeant, vel pecunias, aut quidvis aliud pretio æstimandum, absque Superiorum licentia ad usum retineant. 200
- Regula XII.** Lethalis Avaritiæ rei sunt parentes, qui filios, aut filias in Monasteria detrudunt, seu ad Vitæ religiosæ Professionem cogunt, vel inducunt, ut eorum fratribus, aut sororibus ampliores opes relinquunt. 214
- Regula XIII.** Lethalis Avaritiæ, & rapinæ rei sunt Judices, qui munera accipiunt, vel ut jus dicant; vel ut alicui partium favcant, vel ut crimina impunita relinquant: Et quamvis ea intentione non accipiant, ut violenter justiciam, ratione tamen scandali, & periculi, in quod se conjiciunt, & lethalis Avaritiæ labe non sunt immunes, si dominatrix cupiditas eos ad munerum receptionem impellat. 216
- Regula XIV.** Quamvis lethalis Avaritiæ rei sint Judices, qui vendunt justum judicium, & testes, qui verum testimonium, possunt tamen Advocati absque Avaritiæ labe vendere justum patrocinium, vel consilium. 218
- Regula XV.** Lethalis avaritiæ reus est Advocatus, conveniens de quota parte litæ, aut pactum silent, ut obtenta causa tantum sibi solvatur. 219
- Regula XVI.** Lethalis avaritiæ rei sunt mercatores, qui lucrum tanquam finem ultimum expetunt. 220
- Regula XVII.** Lucrum tanquam finem ultimum expetunt, qui attentis incommodis compendium suum querunt, & honesti rationem sola utilitate metiuntur. ibid.
- ART. III. De aliabus Avaritiæ.** 222
- Tom. VII.** 6 6 8
- ART. IV.** 223

INDEX

- temporalibus quis constituit, & terrenis caris ita se immergit, ut æternam salutis suæ curam abiciat: vel eum divinæ Providentiæ diffidit. ibid.
- Regula II.** Sollicitudo temporalium etiam ea, quæ non repugnat fini charitatis, veniale peccatum est, si superflua sit, & anticipata. 269
- ART. VIII. De Violentia.** 273
- Regula I.** Lethalis violentiæ rei sunt divites, qui pauperes opprimunt rapinis, oneribus, injuriis, verbis; iniquis vectigalibus ibid.
- Regula II.** Lethalis violentiæ rei sunt Consules, Collectores, & quicumque indictiones publicas, tributa, seu tallias, (ut loquuntur) imponunt, facultatum proportionem minime servata, & pauperum aggravant onera, ut ditiores sublevent, aut ipsi præstationes suas minuant. Lethalis etiam violentiæ rei sunt nobiles, qui ex agris non nobilibus indictiones, seu tallias non solvunt, ite in Provinciis, in quibus hujusmodi indictiones, seu talliæ reales sunt, & eas solvere tenentur; quo fit, ut hujusmodi onera Consules, aut Communia oppidorum, vel pagorum in ceteros incolas refundere cogantur. 274
- Regula III.** Lethalis violentiæ rei sunt, qui indictionum, sive talliarum, aut tributorum quorumcumque remissionem a Principe, aut Republica concessam, secundum æquitatis leges non distribuunt, spectatis locorum, & hominum facultatibus, & oneribus. 275
- Regula IV.** Lethalis violentiæ rei sunt Toparchæ, Magnates, divites, & potentes quicumque homines, qui pauperibus patrocinium suum vendunt: & ab eis munera, obsequia, servitutes indebitas, & opera exigunt clientelæ prætextu: vexationesque graviores redimere cogunt minorum vexationum tolerantia. 276
- Regula V.** Lethalis violentiæ rei sunt Toparchæ, seu Domini, qui tenentes suos, seu vassallos cogunt, ut ad suum molendinum frumenta sua molenda deferant, quamvis molendinum bannale non sit. Item qui ad molendinum bannale venire cogunt homines ab ea servitute liberos: aut molitores suos haud æqua mensura uti patiuntur. 277
- Regula VI.** Lethalis violentiæ rei sunt nobiles, qui minis, & terroribus prohibent ne ipsorum vassalli decimas Capitulis, monasteriis, aut parochiis debitas conducant, ut ipsis vili pretio elocentur. Et multo magis, qui decimarum solutionem impediunt, vel recusant. 278
- Regula VII.** Lethalis violentiæ rei sunt nobiles, qui colonos cogunt, ut censuales, prædialiaque jura sibi solvant, eaque colligunt, & in sua hereditate transferri jubent, ante collectionem, & solutionem decimarum, 280
- Regula VIII.** Lethalis violentiæ confcii sunt nobiles, quorum Toparchiis annexa est summa jurisdictio, seu jus gladii, si maleficos, ac foeleros poenis legum sanctione constitutis plecti non curent, sive ut sumptibus parcant, sive ut commodum aliquod ex patrocinio flagitiosis illis hominibus impendio consequantur. Idemque de iudicibus censendum est, qui criminolos coercere, ac punire negligunt, aut poenas legibus constitutas relaxant (quod ad solos Principes, nec citra causam legitimam, pertinet) aut poenas temporales in multas pecuniarias convertunt. 281
- Regula IX.** Lethalis violentiæ confcii sunt iudices, qui pauperes, pupillos, viduas, quibus succurrere possunt, & tenentur ex officio, a Magnatibus opprimi patiuntur. 282
- Regula X.** Lethalis violentiæ rei sunt iudices, qui recusationem, aut appellationem, quam debent, non admittunt. Eiusdem criminis rei sunt inique appellantes. 283

INDEX

- Regula XI.** Lethalis violentiæ, & rapinæ rei sunt Publicani, qui exigunt, & extorquent, præter id, quod ipsi a Rege, vel a re constitutum est.
- Regula XII.** Lethalis violentiæ rei sunt, qui pauperibus suas domos agros adhibita vi adimunt, aut vendere cogunt, etiam iusto pretio.
- Regula XIII.** Lethalis violentiæ rei sunt, qui proximo de usu iam domibus suis lites injustas intentant, easque demoliri cogunt.
- Regula XIV.** Lethalis violentiæ rei sunt, qui alienos Ecclesiæ, seu fidei secularis, vel regularis, aut cujuslibet pii loci jurisdictiones, census, ac jura etiam feudalìa, & emphyteuticà, fructus, emolumenta seu quascumque obventiones, quæ in ministrorum, & pauperum metes converti debent, per se, vel alios, vi, vel timore iniquo, si cunque arte, aut quocumque quæsito colore in proprios usus contrahunt, & usurpare præsumpserint, seu impedire, ne ab iis, ad quos pertinent, percipiantur. Ejusdem criminis rei sunt, qui Benefactorum testes, & pia legata intervertunt, vel Ecclesiis, aut aliis piis locis differunt.
- Regula XV.** Lethalis violentiæ rei sunt divites, qui suis opibus, auctoritate fidei, pauperes ad tribunalia judicum trahunt, corrumpe pecunia, vel favore judicibus, opprimunt, & spoliunt; aut hereticis intentatas malis artibus ita prostrant, ut ab iis perfectè omnino delittere cogantur; aut minis, & incusso terrore impeditum a pauperibus sua repentinis in jus ipsi vocentur.
- Regula XVI.** Lethalis violentiæ rei sunt magnates, nobiles, & principes viri, ac magistratus, qui subditos suos, vel alios cogunt in matrimonium filias suas, neptes, aut pupillas, liberis, aut servis suis, aut quovis modo directe, vel indirecte ab vel aliquam cogunt, quominus matrimonium libere contrahat.
- Regula XVII.** Lethalis violentiæ rei sunt parentes, & alii quicumque suos liberos, vel alios, ad monasticum habitum suscipiendum ad religiosam Professionem emittendam, vel adhibita vi, vel metu adigunt.
- Regula XVIII.** Lethalis violentiæ rei sunt, qui ab habitu religionis receptione, vel solemnium votorum nuncupatione absque iusta causa quem impedierint.
- ART. IX. De Obduratione contra misericordiam.**
- Regula I.** Lethalis obdurationis contra misericordiam rei sunt, qui pauperibus pecuniam mutuo dare, nisi sub fœnoris, sive usurarii conditione, renuunt; vel in extrema necessitate constitutis dare non volunt, quod nulla spes recuperandæ sortis affulgeat.
- Regula II.** Lethalis obdurationis contra misericordiam rei sunt, qui pauperum utilibus necessariam ab illis in pignus accipiunt, ac retinent.
- Regula III.** Lethalis obdurationis contra misericordiam rei sunt, qui in menta necessitatis tempore comprimunt, faciuntque, ut sua carior, ac durior sit annona.
- Regula IV.** Lethalis obdurationis contra misericordiam rei sunt, qui reprobos tempore famis urbe expellunt, si satis annonæ suppeti comparari possit, ut iis simul, & indigenis subveniat.
- Regula V.** Lethalis obdurationis contra misericordiam reus est, qui pauperibus in extrema necessitate constitutis non erogat elemosinas.

INDEX

- temporalibus quis constituit, & terrenis curis ita se immergit, ut aeternam salutis suae curam abjiciat: vel cum divinae Providentiae diffidit. *ibid.*
- Regula II.** Sollicitudo temporalium etiam ea, quae non repugnat fini charitatis, veniale peccatum est, si superflua sit, & anticipata. 269
- ART. VIII. De Violentia.** 272
- Regula I.** Lethalis violentiae rei sunt divites, qui pauperes opprimunt rapinis, oneribus, injuriis, verberibus; iniquis vectigalibus *ibid.*
- Regula II.** Lethalis violentiae rei sunt Consules, Collectores, & quicumque indictiones publicas, tributa, seu tallias, (ut loquuntur) imponunt, facultatum proportionem minime servata, & pauperum aggravant onera, ut ditiores sublevent, aut ipsi praestationes suas minuant. Lethalis etiam violentiae rei sunt nobiles, qui ex agris non nobilibus indictiones, seu tallias non solvunt, iis in Provinciis, in quibus hujusmodi indictiones, seu talliae reales sunt, & eas solvere tenentur; quo fit, ut hujusmodi onera Consules, aut Communia oppidorum, vel pagorum in ceteros incolas refundere cogantur. 274
- Regula III.** Lethalis violentiae rei sunt, qui indictionum, sive talliarum, aut tributorum quorumcumque remissionem a Principe, aut Republica concessam, secundum aequitatis leges non distribuunt, spectatis locorum, & hominum facultatibus, & oneribus. 275
- Regula IV.** Lethalis violentiae rei sunt Toparchae, Magnates, divites, & potentes quicumque homines, qui pauperibus patrocinium suum vendunt: & ab eis munera, obsequia, servitutes indebitas, & opera exigunt clientelae praetextu: vexationesque graviores redimere cogunt minorum vexationum tolerantia. 276
- Regula V.** Lethalis violentiae rei sunt Toparchae, seu Domini, qui tenentes suos, seu vassallos cogunt, ut ad suum molendinum frumenta sua molenda deferant, quamvis molendinum bannale non sit. Item qui ad molendinum bannale venire cogunt homines ab ea servitute liberos: aut molitores suos haud aequa mensura uti patiuntur. 277
- Regula VI.** Lethalis violentiae rei sunt nobiles, qui minis, & terroribus prohibent ne ipsorum vassalli decimas Capitulis, monasteriis, aut parochiis debitas conducant, ut ipsis vili pretio eloquantur. Et multo magis, qui decimarum solutionem impediunt, vel recusant. 278
- Regula VII.** Lethalis violentiae rei sunt nobiles, qui colonos cogunt, ut censuales, praedialiaque jura sibi solvant, eaque colligunt, & in sua hereditate transferri jubent, ante collectionem, & solutionem decimarum, 280
- Regula VIII.** Lethalis violentiae conscii sunt nobiles, quorum Toparchiae annexa est summa jurisdictio, seu jus gladii, si maleficos, ac sceleratos poenis legum sanctione constitutis plecti non curent, sive ut sumptibus parcant, sive ut commodum aliquod ex patrocinio flagitiosis illis hominibus impenso consequantur. Idemque de iudicibus censendum est, qui criminosos coercere, ac punire negligunt, aut poenas legibus constitutas relaxant (quod ad solos Principes, nec citra causam legitimam, pertinet) aut poenas temporales in multas pecuniarias convertunt. 282
- Regula IX.** Lethalis violentiae conscii sunt iudices, qui pauperes, pupillos, viduas, quibus succurrere possunt, & tenentur ex officio, a Magnatibus opprimi patiuntur. 284
- Regula X.** Lethalis violentiae rei sunt iudices, qui recusationem, aut appellationem, quam debent, non admittunt. Eiusdem criminis rei sunt inique appellantes. 285

INDEX

- Regula XI.** Lethalis violentiæ, & rapinæ rei sunt Publicani, qui aliquid exigunt, & extorquent, præter id, quod ipsis a Rege, vel a republica constitutum est. 284
- Regula XII.** Lethalis violentiæ rei sunt, qui pauperibus suas domos, vel agros adhibita vi adimunt, aut vendere cogunt, etiam iusto pretio. 286
- Regula XIII.** Lethalis violentiæ rei sunt, qui proximo de usu luminis in domibus suis lites injustas intentant, easque demoliri cogunt. 288
- Regula XIV.** Lethalis violentiæ rei sunt, qui alicujus Ecclesiæ, seu beneficii secularis, vel regularis, aut cujuslibet pii loci jurisdictiones, bona, census, ac jura etiam feudalìa, & emphyteutica, fructus, emolumenta, seu quascumque obventiones, quæ in ministrorum, & pauperum necessitates converti debent, per se, vel alios, vi, vel timore incusso, seu quacunque arte, aut quocumque quæsito colore in proprios usus convertere, & usurpare præsumpserint, seu impedire, ne ab iis, ad quos juro pertinent, percipiantur. Ejusdem criminis rei sunt, qui defunctorum oblationes, & pia legata intervertunt, vel Ecclesiis, aut aliis piis locis tradere differunt. ibid.
- Regula XV.** Lethalis violentiæ rei sunt divites, qui suis opibus, & auctoritate fredi, pauperes ad tribunalia judicum trahunt, corruptisque pecunia, vel favore judicibus, opprimunt, & spoliunt; aut lites pauperibus intentatas malis artibus ita protrahunt, ut ab iis persequendis omnino delittere cogantur; aut minis, & incusso terrore impediunt, ne a pauperibus sua repetentibus in jus ipsi vocentur. 290
- Regula XVI.** Lethalis violentiæ rei sunt magnates, nobiles, & potentes quilibet viri, ac magistratus, qui subditos suos, vel alios collocare cogunt in matrimonium filias suas, neptes, aut pupillas, liberis, amicis, aut servis suis, aut quovis modo directe, vel indirecte aliquem, vel aliquam cogunt, quominus matrimonium libere contrahat. 291
- Regula XVII.** Lethalis violentiæ rei sunt parentes, & alii quicunque, qui suos liberos, vel alios, ad monasticum habitum suscipiendum, & ad religiosam Professionem emittendam, vel adhibita vi, vel incusso metu adigunt. 293
- Regula XVIII.** Lethalis violentiæ rei sunt, qui ab habitus religiosi susceptione, vel solemnî votorum nuncupatione absque iusta causa, aliquem impederint. 294
- ART. IX.** De Obduratione contra misericordiam. 296
- Regula I.** Lethalis obdurationis contra misericordiam rei sunt, qui pauperibus pecuniam mutuo dare, nisi sub fœnoris, sive usurarum conditione, renunt; vel in extrema necessitate constitutis dare mutuum nolunt, quod nulla spes recuperandæ sortis affulgeat. ibid.
- Regula II.** Lethalis obdurationis contra misericordiam rei sunt, qui rem pauperum ulibus necessariam ab illis in pignus accipiunt. ac diu retinent. 298
- Regula III.** Lethalis obdurationis contra misericordiam rei sunt, qui frumenta necessitatis tempore comprimunt, faciuntque, ut sua culpa cærior, ac durior sit annona. 299
- Regula IV.** Lethalis obdurationis contra misericordiam rei sunt, qui peregrinos tempore famis urbe expellunt, si satîs annonæ suppetat, vel comparari possit, ut iis simul, & indigenis subveniatur. 301
- Regula V.** Lethalis obdurationis contra misericordiam reus est, qui pauperibus in extrema necessitate constitutis non erogat elemosynam, cum

INDEX

- ex superfluis naturæ, id est, ex iis, sine quibus se, suamque familiam sustentare potest; tum ex necessario personæ, seu status, id est, sine quo retinere, ac servare non potest decorem, ac decentiam suæ conditionis, sive dignitatis. 303
- Regula VI.** Lethalis obdurationis adversus misericordiam reus est, qui pauperibus in gravi necessitate constitutis eleemosynas non erogat ex iis, quæ suæ, suorumque sustentationi superflua sunt, tametsi ad status, seu conditionis suæ decentiam sint necessaria. 313
- Regula VII.** Lethalis obdurationis adversus misericordiam rei sunt, qui pauperibus communem necessitatem patientibus superflua non erogant, id est, ea, quæ suæ, ac suorum sustentationi, atque status sui, ac dignitatis decentiæ conservandæ non sunt necessaria. 315
- Regula VIII.** Lethalis obdurationis adversus misericordiam rei sunt divites, qui præsentis statui superflua servant, & recondunt, ut ad altiorum statum ascendant, aut censum augeant, si avaritiæ, aut ambitionis impulsu illa referent; vel graves pauperum necessitates postulent, ut iis impræsentiarum succurrant; vel ascensus ille ad altiorum statum probabilis non sit; vel si probabiliter sit futurus, frequentes, & sufficientes eleemosynas pauperibus communem etiam necessitatem patientibus non erogent. 326
- Regula IX.** Lethalis obdurationis adversus misericordiam rei sunt divites, qui christianæ frugalitatis, & moderationis regulas prætergressi, ea, quæ familiæ sustentationi, & status sui, atque dignitatis decentiæ minimè necessaria sunt, in frequentes, & splendidas epulas, in ædium magnificentiam, in pretiosiores, quam par sit, supellectilem, in vestium luxum, in ludos, in curiositatis lenocinia, aut voluptates profundunt. 330
- Regula X.** Lethalis obdurationis adversus misericordiam reus est, qui pauperi omnibus omnino bonis temporalibus, & vitæ præfidiis, viribus, arte, & industria destituto, per mutuam quidem, commodatum, aut venditionem credito factam subvenire paratus est, non vero eleemosynam simpliciter erogare. 333
- Regula XI.** Lethalis obdurationis adversus misericordiam rei sunt, qui salutaris scientiæ, seu Prædicationis talento donati, illud in proximorum salutem, & ædificationem Ecclesiæ impendere renuunt. ibid.
- Regula XII.** Lethalis obdurationis adversus misericordiam reus est advocatus, qui causâ pauperum in extrema, vel gravi necessitate constitutorum gratis patrocinari renuit. 335
- Regula XIII.** Medici, Chirurgi, Pharmacopolæ, pauperibus ægrotis, qui ab omnibus deserti sunt, aut probabiliter deserendi, succurrere tenentur, & eorum curationem gratis procurare debent. Id nisi faciant: lethalis obdurationis adversus misericordiam rei sunt. 338
- Regula XIV.** Lethalis obdurationis adversus misericordiam rei sunt, qui volentes subvenire pauperibus, & calamitosi hominibus, aut religiosorum virorum, vel sacrarum Virginum ex eleemosynis victitantium cœnobiis, aut pauperum Clericorum seminariis benefacere, a pio illo proposito quocunque modo deterrent, aut impediunt, vel fundatione, aut pia legata in eorum favorem facta revocare cogunt, aut suadent ab eâ causa iusta, & officium conscientiæ spectant. ibid.
- Regula XV.** Lethalis obdurationis adversus misericordiam reus est, qui opus aliquod misericordiæ, sive corporalis, sive spiritualis prætermit-

INDEX

- tit, ac negligit, cum illud exercere potest, & tenetur, quando nimirum extrema est, vel urgens proximi ea misericordia indigentis necessitas. 341
- Regula XVI. Lethalis obdurationis adversus misericordiam reus est creditor, qui debitorem, quem solvendo non esse constat, urget, opprimique, ut solvat, nec inducias ipsi concedit. 350
- Regula XVII. Lethalis obdurationis adversus misericordiam reus est, qui agrorum suorum, aut vinearum colono, sive conductori pensionem non remittit pro rata gravis incommodi, sive damni ex sterilitate, aut alio casu fortuito, absque ipsius coloni, seu conductoris culpa, aut vitio rei contingente 352.
- ART. X. De Prodigalitate. ibid.
- Regula I. Quamvis prodigalitas veniale tantum peccatum sit ex genere suo, quatenus cum sola liberalitate pugnat: lethale tamen peccatum est, cum aliquis res suas prodigit contra regulas charitatis, & justitiæ, seu ob finem utrique illi virtuti oppositum. 354
- Regula II. Lethalis est, ut plurimum, Clericorum prodigalitas, qui redditus ecclesiasticos in sumptus inanes profundunt. 356
- CAP. III. De usura, inhumani Avaritiæ sobole. 357
- ART. I. Quid sit Usura. ibid.
- ART. II. Quid sit Mutuum 360
- ART. III. An usura prohibita sit omnis: Erga omnes: Et quo jure. 363
- Propositio I. Usura omnis, sive lucrum, aut accessio, quando ultra sortem mutuo datam exigitur, sive a pauperibus, & indigentibus, sive a divitibus, mercatoribus, iisque hominibus, qui res suas amplificanc, quantumvis moderata sit, per se turpis, ac injusta est, legique naturæ contraria. 369
- Propositio II. Usura omnis, sive lucrum, & accessio, quæ ultra sortem mutuo datam exigitur. & percipitur, sive a pauperibus, sive a divitibus, divinæ Legi repugnat. 370
- Propositio III. Usuram omnem, & erga omnes, divia Lege prohibitam esse, Patres divinæ Legis interpretes, Traditionisque testes summo consensu confirmant: & Usuram esse docent, quidquid ultra sortem exigitur, aut percipitur, sive pecuniam, sive quidvis aliud. 378
- Propositio IV. Usura omnis, & erga omnes, utroque jure prohibita, gravesque pænæ in foeneratores constitutæ. 388
- ART. IV. Objectiones ab Usuræ, foenorisque Patronis factæ diluuntur. 399
- ART. V. Quo moralis christianæ Regulæ circa usuram explicantur. 410
- Regula I. Damnum acceptum, & lucrum interceptum duo sunt dumtaxat legitimi tituli, ut aliquid ultra sortem a debitoribus exigatur, absque usuræ vitio. ibid.
- Regula II. Obligationes promissorias accessionis, aut lucri alicujus ultra sortem a debitoribus exigere, sive schedulas, & chirographa, quibus fateantur se plus accepisse, quam revera ipsis mutuo datum sit, usurarium est, etiamsi in platea, vel nundinis pecunia mutuo detur, ac numeretur a mercatoribus. 416
- Regula III. Usura est aliquid ultra sortem exigere, vel accipere ob periculum facti, cui rem suam creditor exponit dando mutuum. Sed accessio aliqua exigi potest ob periculum juris a creditore susceptum. 418
- Regula IV. Licitum est, & ab usuræ vitio, foenorisque libe- purum commercii maritimum in cameris assecurationum institutum, in quibus minori, vel majori pretio merces navibus vecta emuntur, pro majori, vel minori periculo, cui naves illæ sunt expositæ. 421

INDEX

- Regula V.** Sola debitoris mora non est legitimus titulus, ut aliquid ultra sortem exigatur, nisi dampnum acceptum, aut lucrum interceptum concurrant. 423
- Regula VI.** Omnis poena conventionis partium mutuo adjecta usuraria censenda est, nisi debitis conditionibus ab usurae laque, ac suspitione huiusmodi conventio purgetur. 424
- Regula VII.** Constitutio regia, & sententia iudicis, non sunt legitimi per se tituli, ut aliquid ultra sortem a debitoribus sine usurae vitio exigatur. 424
- Regula VIII.** Pactum legis commissoriae in eo positum, ut creditor pignus accipiat pro mutuo, vel alio debito, ea conditione, ut si debitor praefinito tempore non solvat, pignus illud fiat ipsius creditoris, sive venditione, sive in feudum, aut in solum datatione, usurarium est. 425
- Regula IX.** Usurarius est quicumque creditor pro securitate debiti ex mutuo contracti recipit a debitore pignus frugiferum, & fructus interim praepositos, vel quos adhibita diligentia, in rebus gerendis a viris prudentibus adhiberi solita, percipere potuit, in sortem non computat, teneturque ad omnium huiusmodi fructuum restitutionem. 428
- Regula X.** Creditor, qui pro mutui securitas feudum suum in pignus accepit a vassallo suo, fructus ejus percipere potest, & nihilominus sortem integram expetere absque usura, modo interim vassallum debitorem suum absolvat servitio ratione possessionis feudi debito. 431
- Regula XI.** Gener non tenetur computare in sortem fructus possessionum sibi in pignus traditarum, donec dotem in pecunia socer numeraverit. 432
- Regula XII.** Venditio cum pacto retrovendendi usuraria est, si venditio simulata sit, contractusque venditionis, & emptionis in pignoratitium degeneret; aut venditionis pretium tenue sit, & exiguum, nec rei cum ista redemptionis facultate valori respondeat; aut venditor, & emptor paciscantur de re majori pretio redimenda, quam empti sit; vel ut res venditoris, non emptoris periculo pereat. 434
- Regula XIII.** Usurarium est, cum altero ita contrahere, ut is totam pecuniam summam ei, qui dederit, solvat, cum ille partim pecuniam dederit, partim nominibus, quae difficile exigi possunt, vel in rebus pluris quam valeant aestimatis. 436
- Regula XIV.** Usura est, alicui praesentem pecuniam quarenti quidquam carius vendere, ut statim a venditore per se, vel interpositam personam villius ematur. 437
- Regula XV.** Usura est, rem aliquam ob dilatam solutionem carius vendere iusto pretio. 438
- Regula XVI.** Usura est, ob anticipatam solutionem rem minori emere iusto pretio, velolvere minus, quam debeatur. 444
- Regula XVII.** Si quis oblatas re ipsa loco, & tempore pecunias, etiam dotales, sibi debitas, accipere recusaverit, nihil praeter sortem, etiam ratione damni emergentis, vel lucri cessantis, vel ex quacunque alia causa accipere potest absque usurae vitio. 445
- Regula XVIII.** Usurarius est contractus, quo decem, aut plures, vel pauciores frumenti sextarii mense Novembri, v. gr. mutuo dantur ea conditione, ut summo, quo per annum valebunt, pretio solvantur. ibid.
- Regula XIX.** Tutores, & curatores ex pecuniis pupillorum mutuo datis regere, aut percipere non possunt aliquid ultra sortem, eo solum nomine, quod pupillorum sunt, & quod pupillorum interest, refarcire. atque

INDEX

- atque compensare tutores ipsi tenentur, nisi hujusmodi pecuniam in illorum utilitatem collocaverint. 447
- Regula XX.** Usuræ mentalis reus est, qui dat mutuo pecuniam ea intentione, ut recipias aliquid ultra sortem; & si receperit, ad restitutionem tenetur. 448
- Regula XXI.** Aliquid pretio æstimabile ex mutuo pacisci, percipere, sperare ultra sortem, siue illud sit pecunia, aut munus aliud, siue opera, siue officia, preces, commendationes ad obtinendum quodvis emolumentum temporale, usura est. 452
- Regula XXII.** Usuras legitimas, nondum persolutas, in sortem convertere; novasque ex illis usuras exigere, ac percipere, illicitum est. 453
- Regula XXIII.** Usurarius est, qui pecuniam in societatem confert, cum pacto, ut fors illi salva sit, fructus vero communiter dividantur; vel ea conditione, ut damnum commune non sit, lucrum vero inæqualiter dividatur; vel ut aliquid ultra quotas partes recipiat, siue pecunia sit, siue aliud pretio æstimabile. 454
- Regula XXIV.** Tres contractus famulos simul, & semel cum socio inire, siue societatem cum duplici securitatis pactione, & de securitate sortis, & lucri pacisci, usura est. 457
- Regula XXV.** Qui pecuniam negotiatoribus, vel artificibus confert, licitis negotiationibus exponendam, in damni æque, ac lucri communionem venire volens, sed nihilominus ob securitatem suam exigit a mercatore, vel artifice schedulam de pecunia data non sub nomine societatis, sed mutui, vel depositi; lucri ex societate provenientis licite, tutaque conscientia particeps esse, non potest. 462
- Regula XXVI.** Usurarius est contractus, quo animalia in societatem traduntur ea pactione, ut fors, siue caput semper salvum sit, nec tradenti pereat, sed accipienti, quamvis fortuitis casibus pereat, absque socii accipientis dolo, culpaque; vel ea conditione, ut aliquid præter sortem ex fructibus animalium quotannis solvatur. 463
- Regula XXVII.** 468
- Regula XXVIII.** Usurarius contractus est, quo aliquis alteri tradit pecora æstimata in societatem, ea conditione, ut capitale sibi reddat, & aliquod præterea emolumentum, siue in pecunia, siue fructibus, lana, lacte, caseo, &c. 469
- Regula XXIX.** Contractus, quo animalia ad arandum apta, & alia id genus grandiora, ut boves, & vaccæ, in societatem traduntur, tota sexennij, a recipiente alenda, ea conditione, ut recipiens danti tres, aut quatuor libellas solvat, certamque frumenti quantitatem, licitus est, modo quod peribit, domino pereat, æqualitasque servetur, habita ratione utilitatis, quæ in recipientem ex illis animalibus redundat, & quantitatis pecuniæ, vel frumenti, quod tradenti quotannis solvit. 470
- Regula XXX.** Mutuum dare Principi, seu Toparchæ, ut ab eo temporale obtineatur officium, usura est. 473
- Regula XXXI.** 474
- CAPUT IV. De Luxuria.** 475
- ART. I.** Quid sit; & quam grave peccatum, ibid.
- ART. II.** De luxuriæ speciebus. 480
- ART. III.** Regulæ Morum Luxuriam spectantes. 484
- Regula I.** Actus omnis venereus extra legitimum matrimonium semper est peccatum lethale. ibid.

INDEX

- Regula II.** Omnis appetitus actus venerei extra fines legitimi matrimonii, si sit plene deliberatus, lethale peccatum est. ibid.
- Regula III.** Fornicationem simplicem esse peccatum mortale, dogma Fidei est. 486
- Regula IV.** Fornicatio cum publicæ libidinis victimis gravius peccatum est furtivo cum aliis publice, ac promiscue non prostitutis concubitu. 488
- Regula V.** Concubitus grauius aliis fornicationibus crimen est. 490
- Regula VI.** Absolvi Sacramentaliter non debet concubiniarius, nisi concubinam dimiserit, firmumque ad eam non redeundi propositum habuerit. Idemque ferendum iudicium est de omnibus, qui in proxima peccandi occasione versantur: Ipsis scilicet neganda est absolutio, nisi ab huiusmodi occasione re ipsa, & ex animo recesserint. 495
- Regula VII.** Lethalis peccati rei sunt, & absolutionis incapaces, qui lenocinium exercent, quamdiu in voluntate, & occasione infame illud commercium exercendi perseverant. 499
- Regula VIII.** Lethalis peccati rei sunt patres, & matres, neque absolvi Sacramentaliter debent, qui filios, aut filias scortantes non prohibent a scelere. 502
- Regula IX.** Lethalis peccati rei sunt, qui domos suas meretricibus, vel leonibus scientes locant: nec debent absolvi, donec infames illos conductores, vel conductrices expulerint. 503
- Regula X.** Stuprum gravius peccatum est fornicatione simplici. 504
- Regula XI.** Gravius peccatum est, cum puella illata vi opprimitur, vel consensus ejus in stuprum incusso metu, vel dolo extorqueatur, quam si blanditiis, & importunis precibus delinita in scelus pelliciat. 505
- Regula XII.** Puella consensus in stuprum convincitur, si non clamaverit, cum posset, domesticorum, aut vicinorum auxilium contra pudicitie suæ aggressorem violentum imploratura. ibid.
- Regula XIII.** Qui virginem illata vi, aut gravi metu incusso, vel importuniis precibus, falsis persuasionibus, & sollicitationibus, aut matrimonii promissione vera, vel simulata, compulit, aut pellexit ad stuprum, eam ducere tenetur, aut certe ita dotare, ut alteri honorifice, & suæ conditioni congruenter collocari valeat, &c. 507
- Regula XIV.** 509
- Regula XV.** Qui voto simplici obstrictus, puellam ad stuprum pellexit matrimonii promissione, ipsam ducere non tenetur, sed tantum ipsam dotare. ibid.
- Regula XVI.** Adulterium luxuriæ species est ab aliis distincta novamque deformitatem includens. 510
- Regula XVII.** Gravius crimen est adulterium conjugati cum uxore aliena, quam cum soluta muliere. 512
- Regula XVIII.** Viri adulterium gravius peccatum est adulterio mulieris. 513
- Regula XIX.** Sacrilegium distincta luxuriæ species est, malitiamque involvit singularem. 514
- Regula XX.** Gravius sacrilegium est, cum utraque persona sacra est, quam cum altera omnino secularis est, & profana. 517
- Regula XXI.** Gravius sacrilegium est violatio voti solemnitis, quam simplicis. 518
- Regula XXII.** Gravius sacrilegium est luxuria Sacerdotis, Diaconi, vel Subdiaconi vitam religiosam solemniter professi, quam Sacerdotis, Diaconi, vel Subdiaconi secularium. ibid.
- Re-

I N D E X

- Regula XXIII.** Eo gravius sacrilegium est, quo cum graviore, & magis horrendæ luxuriæ specie concurrat. 519
- Regula XXIV.** Sacrilegium Sacerdotis cum filia spirituali pœnitente foediorem quamdam, & magis horrendam deformitatem habet, quam cum alia muliere; graviusque adhuc peccatum est, si in pœnitentiæ Sacramento, aut illius occasione, vel pretextu illam ad turpia sollicitet. 520
- Regula XXV.** Sacrilegii reus est Confessarius, qui pœnitenti in sacramentali Confessione tradit chartam postea legendam, qua ad venerem sollicitat, ac proinde est omnino denuntiandus. 523
- Regula XXVI.** Mulier pœnitens non evadit obligationem denuntiandi Confessarium, qui ad actus inhonestos ipsam sollicitavit, si peccata sua apud ipsum Sacerdotem, a quo provocata est, deponat. ibid.
- Regula XXVII.** Mulieribus, & quibuscumque personis, a Confessario ad actus inhonestos provocatis, siue sollicitatis, prohibere debet Sacerdos, apud quem peccata deponunt, ne ad impudicum illum Sacerdotem, deinceps adeant quacumque occasione, vel pretextu, maxime vero, ne apud ipsum peccatorum Confessionem edant, quocumque promissionia, aut voti vinculo se obstrinxerint, ad alium Confessarium non eligendum. 524
- Regula XXVIII.** Incestus species est luxuriæ a cæteris distincta, malitiæque, ac deformitatis singularis. 526
- Regula XXIX.** In Confessione sacramentali exprimendum est, utrum incestus perpetratus sit cum consanguinea, vel affine, & in quo consanguinitatis, vel affinitatis gradu. 528
- Regula XXX.** Cognatio spiritualis, si quæ inter illos, qui carnaliter commixti sunt, intercedat, necessario in Confessione a pœnitentibus exprimenda est. 529
- Regula XXXI.** Non sunt absolvendi consanguinei, vel affines incestuosi in eadem domo manentes, ante separationem, si cohabitatio, & convictus sit illis occasio proxima incestum committendi; his vero, qui simul non manent, prohibere debet Confessarius mutuum frequentationem, si necesse sit, aut certe ne clam, & remotis arbitris converſentur, aut colloquantur; quod nisi sponderint, neganda illis est absolutio. 530
- Regula XXXII.** Raptus distincta Luxuriæ species est malitiæ, ac deformitatem singularem involvens. 533
- Regula XXXIII.** Raptus rei sunt, raptorumque pœnis obnoxii, qui puellam seductam, quamvis consentientem, abducunt, & cum ea sic abducta nubunt invitis parentibus. ibid.
- Regula XXXIV.** Raptus eo gravius peccatum est, quo fit ad foediorum, & magis horrendam libidinem explendam. 536
- Regula XXXV.** Sponsus, qui Sponsam abducit ante matrimonium, quamvis graviter peccet, raptor tamen non censetur. ibid.
- Regula XXXVI.** Raptus rei sunt, qui puellam prædivitem, amplique patrimonii heredem, vel alias locuplete dote auctam, impetrato Principis assensu, e domo parentum vel tutorum ipsis invitis abducunt, ut matrimonio sibi jungant. 538
- Regula XXXVII.** Raptor non est sacramentaliter absolvendus, donec raptam puellam sponso reddiderit, si desponsata sit, vel parentibus, si non sit desponsata; vel denique in pristinam libertatem restituerit, si mulier sit sui juris. ibid.

INDEX

- Regula XXXVIII.** Tenetur raptor, mulierem raptam, siue uxorem duxerit, siue non duxerit, decenter arbitrio iudicis dotare. 539
- Regula XXXIX.** Famuli, aut familiares, & amici, qui dominis, aut amicis ad raptum, stuprum, adulterium, aut aliud crimen consilio, vel auxilio cooperantur, admovendo scalam ad fenestras, aperiendo januam, literas ferendo, vel horam opportunam crimini hinc inde nuntiando, excubias agendo, ne in crimine deprehendantur, eos committendo noctu, vel die in domum concubinæ, qui sine eorum satel- litio illuc non irent, mortaliter peccant, etiamsi id faciant metu gra- vis detrimenti; neque absolvi sacramentaliter debent, quamdiu in iis occasionibus versantur. ibid.
- Regula XL.** Peccatum contra naturam inter omnia luxuriæ genera gra- vissimum est. 542
- Regula XLI.** Mollities, siue pollutio, quæ directe, vel indirecte, ex- presse, vel interpretative, in se, vel in sua causa volita est, quæ qui- dem causa sit lethale peccatum, mortale peccatum est, vel in se, vel in causa, siue dormienti, siue vigilanti contingat. 543
- Regula XLII.** Mollities iure naturæ prohibita est, & per se, ac intrin- sece mala; adeo ut secluso etiam positivo Dei præcepto, nullquam bo- na, licita, expetenda, multo minus obligatoria esse possit. 544
- Regula XLIII.** Hæc Propositio; Non refert, quid sensus agat, vel quid sentiat corpus, modo animus Deo coniungatur, hæretica est, ad fræ- na libidinis laxanda viam aperiens, & contradictionem in terminis im- plicans. 549
- Regula XLIV.** Nocturna pollutio secundum se nunquam est peccatum, sed quandoque est sequela peccati præcedentis. 551
- Regula XLV.** Nocturna pollutio ex superabundantia, & resolutione na- turali seminis proveniens, nulla præcedente culpa, quæ illius causa sit, non est peccatum; si autem sit ex culpa præcedente, puta, ex superfluitate cibi, aut potus, peccatum est, interdum mortale, alias veniale. 552
- Regula XLVI.** Lethalis peccati reus est, qui somnum capit, aut som- no se daturus corpus inhoneste componit, ut dormienti contingat pollutio. 553
- Regula XLVII.** Lethalis peccati reus est, qui data opera nimium cibum, potumve sumit ob hunc finem, ut in somno sequatur pollutio; etsi non ob delectationem carnalem, sed ad alleviationem naturæ, & fani- tatem id faciat. ibid.
- Regula XLVIII.** Pollutionis appetitum, etiam propter alleviationem na- turæ, quæ naturali via, & absque nostra opera contingat, illicitum esse, & lethale peccatum probabilius est. ibid.
- Regula IXL.** Gaudere non licet de pollutione, quæ in somno contigit, etiam propter allevamentum naturæ. 554
- Regula L.** Nocturna pollutio ex præcedenti rerum turpium, seu carna- lium vitiorum cogitatione proveniens, quam illarum comitatur deside- rium, aut voluntaria in illis delectatio cum consensu, lethale pecca- tum est in sua causa. 556
- Regula LI.** Nocturna pollutio ex præcedenti rerum turpium cogitatione mere speculativa, aut cum horrore, nec in se, nec in sua causa pec- catum est. 557
- Regula LII.** Pollutio nocturna, quæ provenit ex illusione, & operatione demon.

INDEX

- dæmonis phantasmata commoventis , veniale saltem in sua causa peccatum est , cum neglexit homo se contra dæmonis illusiones oratione , & invocatione divini auxilii præmunire. 552
- Regula LIII. Pollutio nocturna quandoque contingit absque omni culpa hominis , ex sola nequitia dæmonis ; cum scilicet homo ante somnum se contra dæmonis illusiones , qua par erat , pietate præparavit 561
- Regula LIV. Pollutio in somnis inchoata , & evigilante homine consummata , non est peccatum mortale , nisi homo plene expergefactus carnali delectationi consentiat. 562
- Regula LV. Pollutio vigilantium lethale peccatum est , cum procuratur , aut ex lethali peccato oritur , aut deliberata voluntate placet. 563
- Regula LVI. Quamvis mollities inter vitia contra naturam infimum sit gravitate , plures tamen sunt hoc in flagitio malitiæ gradus , in sacramentali Confessione necessario exprimendi. 565
- Regula LVII. Inordinatus concubitus lethale peccatum est , simplicis pollutione gravius , &c. 567
- Regula LVIII. Sodomia gravius peccatum est pollutione simplicis , & inordinato concubitu. 569
- Regula LIX. Peccatum Sodomiticum aliud alio gravius est. 574
- Regula LX. Clericis in Sodomiam lapsis , vel qui se diu , ac frequenter ad pollutionem soli excitarunt ; vel cum aliis longo usu , vel cum pluribus , brevi licet tempore , se contaminarunt , Confessarii in sacro penitentia tribunalis prohibere debent , ne suorum ordinum functiones exercent , & ad altiores gradus ascendant : Laicis vero sacrorum Ordinum susceptio debet interdici. 578
- Regula LXI. Peccatorum contra naturam gravissimum est bestialitas. 582
- ART. IV. De luxuriæ Filiabus. ibid.
- ART. V. De Remediis contra luxuriam. 594
- CAPUT V. De Invidia. 602
- ART. I. Quid sit , & quam grave crimen. ibid.
- ART. II. Regulae morum circa invidiam. 610
- Regula I. Tristitia de bono alterius , quatenus ex eo timetur malum , vel sibi ipsi , vel aliis bonis iniuste inferendum , non est invidia ; imo sine peccato esse potest , si ordo charitatis servetur. ibid.
- Regula II. Qui dolet de bono spiritali alterius , non quod proximum huiusmodi bono carere velit : sed quod ipse illo careat , non est reus invidiæ. 612
- Regula III. In genere invidiæ nullum peccatum gravius est fraternæ charitatis invidentiæ. ibid.
- Regula IV. Tristitia de bonis alterius concepta , eo solum nomine , quod indignis eveniant , non est peccatum , sed iusta indignatio. 613
- Regula V. Tristitia de temporalibus aliorum bonis concepta , quatenus ex divinæ Providentiæ ordine etiam improbis distribuuntur , peccatum est lethale quidem , si adversus divinam providentiam propterea quis insurgat , vel obmurmuret , aut studium pietatis deserat. ibid.
- Regula VI. Tristitia de bono alterius , quatenus excedit in bonis , aut nobis coæquatur , peccatum est ex genere suo mortale. 614
- Regula VII. 615
- ART. III. De Invidiæ remedia. 616
- ART. IV. De Filiabus invidiæ. 619
- ART. V. Regulae Morum aliæ invidiæ spectantes. 620

I N D E X

- Regula I.** Odium proximi ex invidia natum lethale peccatum est, quoties alteri grave aliquod malum deliberato consilio volumus. 181d.
- Regula II.** Qui proximos oderunt, & ab illis distident, sacramentaliter absolvi non possunt, & ad Eucharistiæ participationem admitti, nisi depositis inimiciis, cum ipsis reconciliati fuerint. 62f
- Regula III.** Susurratio, id est, secreta oblocutio, qua quis malum culpæ alienæ, vel poenæ, vel aliquem etiam naturæ defectum inordinare cupiam renuntiat, eo fine ut justam, quæ inter eos intercedit, amicitiam lædat, aut dirimat; aut ea detegit imprudens; quæ rectam, & laudabilem amicitiam graviter lædere, aut dissolvere valeant, vel suapte natura, vel ratione personarum, apud quas referuntur, lethale peccatum est. 62s
- Regula IV.** In susurationis peccatum non incurrit, qui malum proximi renuntiat alteri, vel ad salutem ipsius procurandam, vel ob Ecclesiæ, aut reipublicæ utilitatem; vel ut amicorum suorum bono consulat, vel ut pravas, & in damnum alterius conspirantes amicitias dissolvat. 627
- Regula V.** 628
- Regula VI.** Susurratio peccatum est detractiōe gravioris. ibid.
- Regula VII.** Susurationis peccatum aliud altero gravius est; & qua ratione 630
- Regula VIII.** 630
- Regula IX.** Nihil unquam de aliis referre debet Christianus; quod distidia fovere, vel excitare possit, alioqui susurationis reus est. 631
- Regula X.** Detractio, qua quisquam alienam famam labefactat penitus, aut graviter lædit, extenuat, verba maledica profert, quibus pessumdari, graviter lædi, aut extenuari potest, lethale peccatum est. 632
- Regula XI.** Non est reus detractiōis, qui alterius peccatum, seu malum quodcumque alicui patefacit, boni cuiuspiam procurandi, aut promovendi gratia, modo debitæ circumstantiæ servantur. 639
- Regula XII.** Qui malum aliquod, vel defectum proximi aperit absque animo nocendi, absque iræ, vel invidiæ affectu; &c venialis dumtaxat peccati reus est, nisi verba, quæ profert, grave vulnus alienæ famæ infligant, vel infligere possint. 643
- Regula XIII.** Lethalis detractiōis rei sunt, qui gravia proximorum peccata, vel etiam levia, vel naturalem aliquem defectum referendo, directe, vel indirecte, honestam eorum famam, & exultationem graviter lædunt, aut grave damnum inferunt. 644
- Regula XIV.** 645
- Regula XV.** 646
- Regula XVI.** Lethalis detractiōis, rei sunt Historici, qui occulta Principum, aut aliorum virorum illustrium vicia literis consignant. Et quicumque verbo, vel scripto Defunctorum famam lacerant, aut minuunt. ibid.
- Regula XVII.** Lethalis detractiōis rei sunt, qui vel proximis falsum crimen imponunt; aut verum crimen exaggerant, vel occultum patefaciunt; aut aliena dicta, sive facta pejorem in partem interpretantur, vel præclarum alterius factum, aut pro viribus minuunt, vel laudis occasione data silent; aut frigida laudatione infringunt: cum scilicet eo silentio, vel remissa, frigidaque laudatione fama proximi graviter læditur. 647
- Regula XVIII.** Qui crimen alienum sine justa necessitate patefacit uni, vel

I N D E X

- duobus viris prudentibus, & fidelibus, arcani tenacibus amicis, a lethali detractiois peccato non excusatur. 650
- Regula XIX.** Non excusatur a peccato mortali, qui graves detractioes ab aliis auditas referendo suas facit. 651
- Regula XX.** Lethalis peccati reus est, qui gravem injuriam sibi ab aliquo illatam renuntiat alteri, nulla necessitate compulsus, sed nocendi animo, & ultionis libidine. 652
- Regula XXI.** Lethalis peccati reus est, qui seipsum infamat, cum ex infamia, & dedecore, quod sibi infert, salutis propriæ, vel alienæ, aut etiam vitæ damnum, aut corporalis integritatis detrimentum sequitur, aut cum illius infamia in familiam, societatem, vel ordinem, ejus pars est, redundat, aut cum suorum criminum patefactione omnino inutilem se reddit reipublicæ, vel Ecclesiæ, cui alias utilem operam navare posset. 653
- Regula XXII.** Lethalis peccati rei sunt libellorum famosorum auctores, & qui ipsos spargunt in vulgus, &c. 654
- Regula XXIII.** 664
- Regula XXIV.** Lethalis peccati rei sunt, qui alios ad detrahendum incitant, aut gravem obreccionem lubenter, & eum voluptate audiunt; vel non corripiunt detrahentem, cum ad id tenentur ex officio, aut grave periculum ex detractioe consequens avertere possunt, aut cum metu boni cujuscumque temporalis amittendi abstinere a correptione detractoris, quam exercere tenentur, & possunt. 665
- Regula XXV.** 668
- Regula XXVI.** Christianus homo alienæ famæ detrahentes, impatientius ferre debet, quam suæ. 669
- Regula XXVII.** Detractionem detractioe elidere, calumniam calumnia repellere nunquam licet, nec absque lethali peccato fieri potest. 669
- Regula XXVIII.** Quisquis falsum crimen imposuit alteri, aut verum ejus crimen injuste, & contra debitum ordinem prodidit, famam ejus restituere tenetur, quo meliori modo fieri potest. Nisi vero ad id præstandum sit paratus, absolvi sacramentaliter non debet. 671
- Regula XXIX.** Ab alienæ famæ restitutione calumniator, seu detractor excusatur, qui absque vitæ periculo restituere illam non potest; nisi calumnia sua alterum in vitæ periculum adduxerit, ex quo aliter eripi non valeat. 671
- Regula XXX.** Libellorum, carminum seu canticorum famosorum auctores, & disseminatores, sive distributores, ad famæ restitutionem obligantur. 673
- Regula XXXI.** Qui uno genere peccati infamem alterius criminis aspergit infamia, restitutionis lege tenetur. 673
- Regula XXXII.** 676
- Regula XXXIII.** 680. **XXXIV.** 681. **XXXV.** 682.
- Regula XXXVI.** 683. **XXXVII.** **XXXVIII.** 684. **XXXIX.** & **XL.** 685
- Regula XLI.** Exultatio in adversis proximi, & afflictio in prosperis, lethalia peccata sunt, cum ex invidiæ, vel odii fonte procedunt, & grave malum est proximi, de quo aliqui gaudent: & hi motus sunt delibetati. 686
- Regula XLII.** Quamvis de nostra, & proximorum ereptione ab iis, qui nobis, aliisque nocent, vel nocere conantur, & de justitia Dei malos

I N D E X

<p> benedictis legitimum sit, christianumque gaudium, nunquam tamen de inimicorum nostrarum calamitate, vel interitu gaudere licet. </p> <p> CAP. VI. De Gula. </p> <p> ART. I. Quid, & quam grave sit peccatum. </p> <p> ART. II. De Gulæ speciebus. </p> <p> ART. III. De Gulæ filiabus. </p> <p> ART. IV. De Gulæ remediis. </p> <p> ART. V. Regulæ Morum circa Gulam, & ebrietatem. </p> <p> Regula I. Gula, quatenus avertit a fine ultimo, lethale peccatum est, cum scilicet homo propter delectationes gulæ præcepta Dei, & Ecclesiæ violare paratus est. </p> <p> Regula II. Ebrietas lethale peccatum est, cum quis vim potus cognoscens, & ultra modum bibens, inebriatur. </p> <p> Regula III. Ebrietas frequens, & assidua gravius peccatum est ea; in quam semel quis incurrit, quamvis & ista lethale sit peccatum. </p> <p> Regula IV. Ebriosi non sunt absolvendi, nisi cum mala ebrietatis con- suetudine viriliter pugnent. </p> <p> Regula V. Clericorum ebrietas gravius peccatum est, quam laicorum. </p> <p> Regula VI. Ebrietas turpius, graviusque peccatum est in principibus, ma- gistratibus, senibus, juvenibus, & mulieribus, quam in viris plebeis. </p> <p> Regula VII. Lethalis peccati rei sunt, quicumque modum in cibo, vel potu scientes, & volentes plurimum excedunt; etiam si rationis usu non excidant; multo magis si usque ad vomitum cibo, & potu se ingurgi- tent. </p> <p> Regula VIII. Lethalis peccati rei sunt, qui in computationibus, & convi- viis bibunt, & alios bibere cogunt ad æquales potus, sive in ebrietatem incidant, sive illius dumtaxat periculo se, vel alios exponant. Clerici vero hujus peccati rei, nisi a superiore commoiti satisfecerint, suspens- sione ab officio, & beneficio plectendi sunt. </p> <p> Regula IX. </p> <p> Regula X. Ebrietas non exusat a peccatis ex ea consecutis, nisi sit om- nino involuntaria. </p> <p> Regula XI. Lethalis peccati non solum inobedientiæ, sed etiam gulæ reus est, qui jejunium ab Ecclesiæ præceptum violat, vel abstinentiæ legem, absque iusta causa. </p> <p> Regula XII. Lethalis gulæ reus est, qui cibis illis utitur, quorum mandu- catione grave scandalum proximo præbetur, sive cibi alias liciti sint, sive prohibiti. </p> <p> Regula XIII. Comedere, & bibere, usque ad satietatem, ob solam vo- luptatem peccatum est. </p> <p> Regula XIV. Intemperantiæ, & gulæ rei sunt, qui delicatioribus cibis cor- pus nutriunt ob voluptatem: quamvis non peccent, qui ob delicatioris corporis constitutionem, ob stomachi debilitatem, & fastidia, ob infir- mitatem cibis delicatis utuntur. </p> <p> CAP. VII. De Ira. </p> <p> ART. I. Quid sit; & quam grave peccatum. </p> <p> ART. II. Regulæ morum circa iram. </p> <p> Regula I. Ira cum injuriæ vindictæ appetitu deliberato conjuncta, lethale ex genere suo peccatum est. </p> <p> Regula II. Repentinus iræ motus, vel deliberatus quidem, sed cum levioris vindictæ appetitu conjunctus, veniale dumtaxat peccatum est. </p>	<p>687</p> <p>688</p> <p>ibid.</p> <p>694</p> <p>694</p> <p>700</p> <p>704</p> <p>ibid.</p> <p>708</p> <p>709</p> <p>714</p> <p>717</p> <p>717</p> <p>723</p> <p>727</p> <p>ibid.</p> <p>728</p> <p>729</p> <p>ibid.</p> <p>ibid.</p> <p>734</p> <p>737</p> <p>ibid.</p> <p>744</p> <p>ibid.</p> <p>748</p> <p>Regula</p>
---	---

INDEX

- Regula III.** Tres iræ gradus a Christo Domino explicati (Matt. 5.) lethalia peccata sunt. 745
- Regula IV.** Ira inveterata, lethale peccatum est. 748
- Regula V.** Ira vehemens, tametsi nullum vindictæ appetitum contineat, lethale quandoque peccatum est, cum nimirum in Dei prorumpit injuriam, cum charitatem erga proximum in animo extinguit, vel grave scandalum affert. 749
- Regula VI.** Iniquiores sunt, qui citius irascuntur, & iram tardius depouunt. 750
- Regula VII.** Vindicta, aut vindictæ libido semper malæ sunt: proindeque inimicos ulcisci nusquam licet, injurias illatas condonare semper, & ubique necesse est. 751
- Regula VIII.** Vindicta, quæ fit ad correctionem peccantis, ad gloriam Dei, ad aliorum utilitatem, auctoritate legitima, non est illicita, nec hujusmodi vindictam apud Superiores, sive judices urgere prohibetur christiano, qui læsus fuerit; modo id faciat ob finem charitatis, non animo ultionis. 756
- Regula IX.** Ira per zelum si sit immoderata, peccatum est. 760
- Regula X.** Multo melius est, nec juste cuiquam irasci, quam in alicujus odium iræ occulta facilitate delabi. ibid.
- Regula XI.** Quamvis ira in quolibet Christiano peccatum sit, gravius tamen in Sacerdotibus peccatum est. 761
- Regula XII.** Prælati disciplinam lenitate, & clementia temperare semper debent, ne in punitione culparum ira subrepat, vel dominetur. 762
- ART. III.** De Iræ filiabus. 766
- ART. IV.** Regulæ Morum circa Filias Iræ. 767
- Regula I.** Tumor mentis lethale peccatum est cum homo iratus gravem, injustamque vindictam proximo, a quo læsus est, inferre meditatur. ibid.
- Regula II.** Explicans quibus casibus Indignatio sit lethale peccatum. 768
- Regula III.** Clamor ex ira procedens lethale peccatum est, si appetitum deliberatum mortis, aut gravis alicujus damni proximo inferendi exprimat, alias veniale dumtaxat peccatum est. 769
- Regula IV.** Contumelia, vel convitium lethale peccatum est, si animo dedecorandi proximum, & honorem illius violandi proferatur: aut tam grave sit, quod temere proferatur, convitium, ut personarum conditione, circumstantiisque spectatis, ejus honorem plurimum lædat, quamvis eo sine verbum injuriosum non proferatur. ibid.
- Regula V.** Si absque animo lædendi, ex levitate, aut joci gratia, vel causa correctionis, verba convitii, aut contumeliæ dicantur, & secundum se, aut spectata qualitate personarum, & circumstantiis, levia sint, vel censeantur, vel ex plena deliberatione prolata non sint, sed ex subreptione, venialia dumtaxat, & quandoque nulla peccata sunt. 771
- Regula VI.** Quamvis inter convitium, contumeliam, & improprium discrimen Theologi statuunt, promiscue tamen apud vulgus usurpatur. 773
- Regula VII.** Contumeliosi ad restitutionem honoris, quo meliori, & convenientiori modo fieri potest, tenentur. 774
- Regula VIII.** Illatas contumelias, quandoque repellere homo potest, & debet veris, justisque verbis, aut scriptis, vel etiam actione injuriarum, si necesse sit, sed tamen animo paratus quisque debet esse ad contumelias patienter fetendas, si propriæ, & aliorum saluti expedire conspexerit. 775
- Regula IX.** Audaciam convitiantis contumeliose, debet, qui læsus est, Tom. VII. H h h moder-

INDEX

- moderate reprimere, scilicet, propter officium charitatis : non propter cupiditatem privati honoris. 776
- Regula X.** Contumelias contumeliis, convitia convitiis repellere nunquam licet : unde non excusatur a peccato mortali, qui verbis contumeliosis laceffit alterum, et si ab ipso fuerit provocatus. ibid.
- Regula XI.** Eo animo tacere, ut convitiator, vel contumeliosus magis frendeat, intusque discerpatur, peccatum est. 779
- Regula XII.** Rixa in eo, qui alterum invadit injuste, lethale peccatum est. 780
- Regula XIII.** Qui se moderate defendit, in rixam proprie non incurrit, nec peccat. ibid.
- Regula XIV.** Qui moderatam defensionem tantisper excedit, vel cum levi motu odii, vel vindictæ repellit aggressorem, venialis peccati reus est. ibid.
- Regula XV.** Qui obfirmato animo in impugnantem insurgit, ipsumque occidere, vel graviter lædere nititur, peccatum lethale committit. ibid.
- Regula XVI.** Ministri Principis, aut iudicis, qui alios invadunt publica potestate, non rixantur, neque peccant ; sed lethalis peccati rei sunt, qui illis obstitunt, & ab aliis vi illata se defendunt. 781
- ART. V.** De remediis adversus iram. ibid.
- CAPUT. VIII.** De Acedia. 794
- ART. I.** Quid sit ; & quam grave peccatum. ibid.
- ART. II.** De filiabus acedie. 798
- ART. III.** Regulæ morum circa Acediam, & filias ejus. 800
- Regula I.** Lethalis acedie reus est, quisquis spiritalia, divinaque bona plena deliberatione fastidit, & averfatur. ibid.
- Regula II.** Tristitia de spiritali bono, quod in actibus virtutum singularum occurrit, non est acedia proprie dicta, sed pertinet ad vitia illis virtutibus opposita. ibid.
- Regula III.** Fastidium spiritalis boni, quatenus laboriosum est, aut molestum corpori, non est acedia proprie dicta, sed carnalium vitiorum comes est, christianæque temperantiæ, & mortificationi adversatur. 801
- Regula IV.** Negligentia propriæ salutis, mediocrumque ad eam a Deo, & Domino nostro Jesu Christo institutorum, vel divinorum mandatorum, aut officiorum cujusque propriorum, & necessariorum, secundum statum ad quem a Deo vocatus est, lethale acedie peccatum est. ibid.
- Regula V.** Acedie rei sunt, qui jugiter non vigilant, ne vitiorum sentes, & mala gramina in corde suo pullulent, & qui orta evellere studiis ferventibus non conantur. ibid.
- Regula VI.** Acedie rei sunt, quicumque in christiana, & sui status perfectione proficere pro virili non conantur. 803
- Regula VII.** Lethalis acedie rei sunt, quicumque conversionem suam, & penitentiam differunt, ac procrastinant. 805
- Regula VIII.** Acedie rei sunt, qui ex torpore, & socordia ad sacrosanctum Eucharistiæ Sacramentum raro admodum accedunt, maxime vero, qui semel tantum in anno, solo poenatum ecclesiasticarum, & infamie timore compulli. 807
- Regula IX.** Acedie rei sunt, qui ad orationem, officium divinum, & spiritalia exercitia, ad quæ tenentur ex officio, segnes sunt, & tepidi. 808
- Regula X.** Acedie rei sunt, quicumque tempus ad salutis suæ negotium peragendum a Deo sibi concessum, in otio, ludis, inanibus colloquiis, am-

I N D E X


- bulationibus, & visitationibus minime necessariis, ac seculi voluptatibus conterunt. 809
Regula XI. Malitia ex acedia profecta, quatenus pietatis, & ad eam pertinentium, atque hominum, qui ipsam profitentur, impugnatio est, lethale peccatum est. 813
Regula XII. Rancor ex acedia profectus, quo scilicet homines superioribus ipsos corripientibus indignantur, ipsosque propterea odio prosequuntur, quod illos ad meliora compellant, lethale peccatum est. 814
Regula XIII. Pusillanimitas lethale peccatum est, cum aliquis magnis, & arduis operibus ad salutem necessariis se subducit, aut officia, & munia sibi Superioris præcepto imposita pertinaciter respuit ex animi parvitate. 815
Regula XIV. Desperatio lethale peccatum est. 818
Regula XV. Torpor circa præcepta lethale peccatum est, quatenus deliberatam illorum transgressionem importat, ad lethale peccatum disponit, quatenus facit, ut perfunctorie dumtaxat impleantur. 819
Regula XVI. Ad torporem pertinet immoderatio somni, quæ lethale peccatum est; si causa sit, cur præceptum omittatur: alias veniale dumtaxat. 820
Regula XVII. Evagatio mentis circa illicita, lethale peccatum est, cum mens, & affectus in ea, quæ lethalia peccata sunt, aut proxime lethalis peccati occasiones, tendit, vel in iis delectatur; alias peccatum est veniale. 821
Regula XVIII. Otium iners, ac desidiosum proxima est peccati lethalis occasio. 822
ART. IV. De remediis adversus Acediam. 823

Finis Tomi Septimi.









FILE 1

